

10.

17

2

6

29-E

74



Bibliotheca  
i Coll. Rom.  
ciet. Jesu

70

D

27

6-29.E.7



2  
K



6

29-E

74

6

H

26

Bibliotheca  
i Coll. Rom.  
ciet. Jesu

6-29.E.74


70

D

27

70.4.27

$k \frac{2}{3}$





MEMORIALIARUM PHILO-  
SOPHORUM CONTINUATIO



FRANCOFURTI  
apud Martinum Hallervord  
Bibliop. Regiam. 1679.

MEMORIÆ  
PHILOSOPHO-  
RUM, ORATORUM,  
POETARUM, HISTORICO-  
RUM, ET PHILOLOGORUM

NOSTRI SECVLI

CLARISSIMORUM

RENOVATÆ,

DECAS QVINTA;

CVRANTE

M. HENNINGO WITTEN:

*Bibliot.*

*Sec.*



*Nom.*

*Soc.*

FRANCÖFVRTI, *segu*

Apud MARTINUM HALLERVÖRD,

Typis JOHANNIS ANDREÆ;

Anno MDCC LXXIX.



PLATO LIB. VI. DE LEGIBUS.

Τῶν πολιτῶν ὅποσοι τέλει ἔχουσιν τὰ ρίη καὶ σώματα ἢ καὶ  
 ψυχὰς ἔργα ἐξοργασμένοι καλὰ καὶ ἐπίπονα, καὶ τοῖς νόμοι  
 εὐπειθῆς γεγονότες, ἐγκωμίων αὐτοὺς ἡγοῦνται, ὁρέοντο αὐ  
 τοῖς. h. c. SI QVI CIVIUM VIVENDI FINEM FE  
 CERUNT, CORPORIS VEL ANIMI VIRIBUS  
 RES HONESTAS ET ARDUAS OPERATI, ET  
 QVI DEBITUM LEGIBUS OBSEQUIUM PRÆ  
 STITERUNT, EOS ENCOMIIS LAUDI  
 BUSVE ORNARE, DECORUM  
 ESTO.



NOBIL. AMPLISSIMO NEC NON EXCEL-  
LENTISSIMO VIRO,

DN. JOANNI  
GEORGIO GRÆVIO,  
PHILOSOPHIÆ DOCTORI  
PER QUAM INCLITO,  
IN ILLUSTRI ACADEMIA ULTRA-  
JECTINA HISTORIARUM ET ELOQVEN-  
TIÆ PROFESSORI PUBLICO,  
OMNIS ERUDITIONIS OCEANO,  
ADEOQUE PER TOTUM EUROPÆI ORBIS  
TRACTUM,  
ET UBICUNQUE LITERARUM HODIE  
DECUS AC HONOR  
SVO ÆSTIMATUR PRETIO,  
PLANE ADMIRANDO,  
DOMINO ATQUE FAUTORI MEO  
PLURIMUM OBSERVANDO,  
QVEM,  
CUM, ANTE ALIQVOT LUSTRA, BELGIUM  
PERLUSTRANDO PRIMUM COM-  
PELLAREM,  
TAM ASSIDUUM IN EXCOLENDIS POLY-  
MATHIAS STUDIIS INVENI,



6

29-E

74

6

26

H

26

Bibliotheca  
i Coll. Rom.  
ciet. Jesu

6-29.E.74

70

D

27

70. 6. 74

$k \frac{2}{3}$





MEMORIALIARUM PHILO-  
SOPHORUM CONTINUATIO



FRANCOFURTI  
apud Martinum Hallervord  
Bibliop. Regiam. 1679.

MEMORIÆ  
PHILOSOPHO-  
RUM; ORATORUM;  
POETARUM; HISTORICO-  
RUM, ET PHILOLOGORUM

NOSTRI SECVLI

CLARISSIMORUM

RENOVATÆ,

DECAS QVINTA;

CVRANTE

M. HENNINGO WITTEN.



FRANCOFVRTI,

Apud MARTINUM HALLERVÖRD,

Typis JOHANNIS ANDREÆ;

Anno MDCLXXIX.



PLATO LIB. VI. DE LEGIBUS.

Τῶν πολιτῶν ὅποσοι τέλει ἔχουσιν τὰ βίη καὶ σώματα ἢ καὶ  
ψυχὰς ἔργα ἐξαιργασμένοι κατὰ καὶ ἐπίπονα, καὶ τοῖς νόμοις  
εὐπειθεῖς γεγονότες, ἐγκωμίων αὐτοὺς ἡγοῦνται, ὁρεόμενοι ἂν  
εἴη. h. e. SI QVI CIVIUM VIVENDI FINEM FE-  
CERUNT, CORPORIS VEL ANIMI VIRIBUS  
RES HONESTAS ET ARDUAS OPERATI, ET  
QVI DEBITUM LEGIBUS OBSEQUIUM PRÆ-  
STITERUNT, EOS ENCOMIIS LAUDI-  
BUSVE ORNARE, DECORUM  
ESTO.



NOBIL. AMPLISSIMO NEC NON EXCEL-  
LENTISSIMO VIRO,

D. N. JOANNI  
GEORGIO GRÆVIO,  
PHILOSOPHIÆ DOCTORI  
PER QUAM INCLITO,  
IN ILLUSTR. ACADEMIA ULTRA-  
JECTINA HISTORIARUM ET ELOQVEN-  
TIÆ PROFESSORI PUBLICO,  
OMNIS ERUDITIONIS OCEANO,  
ADEOQUE PER TOTUM EUROPÆI ORBIS  
TRACTUM,  
ET UBICUNQUE LITERARUM HODIE  
DECUS AC HONOR  
SVO ÆSTIMATUR PRETIO,  
PLANE ADMIRANDO,  
DOMINO ATQUE FAUTORI MEO  
PLURIMUM OBSERVANDO,  
QVEM,  
CUM, ANTE ALIQVOT LUSTRA, BELGIUM  
PERLUSTRANDO PRIMUM COM-  
PELLAREM,  
TAM ASSIDUUM IN EXCOLENDIS POLY-  
MATHIAS STUDIIS INVENI,



UT

UT LABORE REFICI AC REPARARI  
VIDERETUR,  
TAM HUMANUM IN PEREGRINIS  
EXCIPIENDIS,  
UT FELICITATI SUÆ NIHIL PUTARET  
ASTRUI POSSE, NISI HAC SE RA-  
TIONE DEMITTERET.  
QVAMOBREM,  
QVO ORBIS LITERARUM OBSER-  
VANTIÆ MEÆ ADHIBERETUR TESTIS  
ET CONSCIUS,  
MEMORIAM  
CLARISSIMORUM QVORUNDAM HO-  
MINUM ET BENE DE REP. MERITORUM,  
QVASI REVIVISCENTIUM,  
L.M.Q. SISTERE,  
ET CONSERVANDÆ INTER NOS  
MEMORIÆ ERGO,  
DICARE VOLUIT DEBUITQVE  
M. H. WITTE.  
SUMMUM FERVENTISSIME PRECA-  
TUS NUMEN,  
UT HUNC AMICUM ET FAUTOREM,  
IN SECULI ILLUSTRAMENTUM,  
AC MUSÆ BELGICÆ DELITIUM,  
DIU FELICITERQVE PERENNARE  
SINAT!

SERIES



# SERIES PHILOSOPHORUM ORATORUM, &c.

## QVINTÆ DECADIS.

Obiit anno

1607. Paulus Merula, Histor. Profess. Lugd. Batav.

1625. Ubbo Emmius, Histor. & Græcæ Ling. Prof. Groning.

1638. Edo Neuhusius, Gymnasiarcha Leoverd.

1641. Christophorus Neander, Philosophiæ Moralis Profess. Viadrinus.

1644. Pierius Winssemius, Eloquent. Prof. Franquer.

1649. Nicolaus Vernulæus, Eloq. Profess. Lovanienfis.

1650. Gerardus Jo. Vossius, Eloq. & Chronol. Prof. Lugd. Batav.

1651. Henricus Julius Scheurlus, Ethic. Prof. Helmstadienſ.

1652. Claudius Salmasius, Prof. honorarius Lugd. Batav.

1652. Petrus Puteanus, Regis Galliæ Consiliarius & Bibliothecarius.



(O) 

A 3

JO-

MEMORIA  
JOHANNIS KIRCHMANNI  
ORATIO

*In Funere V. Clarissimi,*

PAULI MERVLÆ,  
Historiarum Professoris in Academia Bata-  
vorum, & Fæderatarum Provinciarum Histo-  
riographi,

*Anno cl. 1707. Die XX. Julii  
Rostockii defuncti.*



Tinam, Magnifici, Reverendi, Amplis-  
simi, clarissimi, doctissimi, nobilissimi  
& ornatissimi Auditores, utinam P.  
Merulæ homini, dum vixit, probo &  
a quo veræ eruditionis ac doctrinæ elo-  
gium Veritas ipsa non spreverit, acer-  
bum hoc ac triste officium persolvere  
non sit necesse! Utinam diutius ipsi ju-  
cundissima hac luce frui licuisset, neque mors plenis jam  
velis in gloriæ campum investo nimis immature manum  
injecisset! Erat sane hoc omnibus votis optandum, si non  
ipsius, qui præclare & laudabiliter vitæ suæ curriculum  
consecit: at uxoris gratia, quæ carissimum maritum ami-  
sit: at liberorum, qui optimo patre orbati sunt: at Mu-  
sarum, quæ irreparabilem in ejus occasu jacturam fecerunt.  
Sed quoniam Deo ita visum, ut procul patria, in peregrino  
solo vitæ personam deponeret, non lessum mortuo facie-  
mus, aut lachrimis nihil profuturis habenas laxabimus: sed  
potius memoriam optimi viri & de literis præclare meriti  
sanctè conservabimus, nec quicquam prætermitemus,  
quod videbitur ad mortem ejus celebrandam pertinere. Et si  
autem me quidem ab hoc officio detertere poterat, & sum-  
ma viri virtus, & ingenii mei tenuitas: præsertim cum sciam  
non defuturos alibi quoque & præsertim in celebri illa Bata-  
vorum Academia viros eruditos & eloquentia præstantes,  
qui collegæ & amici sui laudes vel prosa oratione, vel versi-  
bus, quorum architecti sunt, commendabunt. Tamen ne  
cuiquam illorum aut amore, quo prosequutus sum, aut do-  
lore, quem ex morte ipsius cepi, ullo pacto concessisse vi-  
dear,

dear, faciam quod potero, & postremum hoc munus & publico & meo nomine P. Merula præstabo, non ingenio aut facultate dicendi, sed vestra benevolentia & æquitate fretus. In certam enim spem, imo fiduciam ingressus sum, fore; ut qua erga alios ex hoc loco dicentes benignitate usi estis, eandem mihi quoque non sitis denegaturi. Quod si, ut spero & opto, à vobis impetravero, certe nec me in dicendo laborasse, nec vos tanti viri memoriam grata recordatione revocasse unquam poenitebit.

Unde autem dicendi initium faciam? an à patria, genere, educatione? Solent quidem hinc narrationem arcescere, qui alios laudandos suscipiunt; neque id sine ratione. Ut enim plantæ cum bono è genere lectæ, feraci solo depositæ, & diligenti culturæ adjunctæ sunt; tum demum uberes fructus ferunt: sic quoque in hominibus genus, patria, educatio magnum momentum habet. Ego vero hæc omnia prætermittam, non quidem quod is ignobili patria ortus, obscuro loco natus, male educatus sit, non: Sed quod ad majora festinet mea oratio, & his si immorari diu velim, vereor ut concubium noctis sit, priusquam hanc narrationem ad finem perducam. Quid enim? Bataviam laudem, illud Martis & Musarum domicilium? in cujus antiquissimo munitissimoque, & quod Principatum quendam inter reliquas omnes Hollandiæ urbes tenet, oppido, Dordracum quod appellatur, jucundum hoc Solis lumen aspicere & ærem haurire P. Merula primum cœpit. At ea, si brevitati studuero, multis & præclaris laudibus à me privabitur: si omnia persequi voluero, longior mihi oratio expromenda esset, quam vestræ aures tolerare possint. De Merularum genere dicam? Unus Angelus fortissimus ille & invictus veritatis testis, Pauli nostri Magnus Patruus, qui annis abhinc quadraginta & quod excurrit ab Inquisitoribus ob constantissimam Religionis confessionem indigno supplicio affectus fuit, vel unus hic Angelus totum diem exposceret. Possem quoque de Guiljelmo Pauli ipsius patre doctissimo & defæcati semper animi viro, qui multos annos Civitati Dordracenæ à Secretis fuit, & filii ingenium optimarum artium cultu accurate nutriendum curavit: possem, unde maternum genus ducebat, de vetustissimis Heermanuorum & Omeingorum familiis, quæ primis semper honoribus apud Dordracenos functæ sunt, & etiam nunc funguntur, longam orationem texere. Sed nolo ex hoc rivulo in id flumen

laudem derivare. Neque enim nititur avorum meritis P. Merula, qui ab ineunte statim ætate vitam ita instituit, ut suarum splendore virtutum lucem afferre potuisset majoribus etiam obscurissimis. Quid vero opus, ut pueritiam ejus, partim in patria, partim Delphis sub præceptorum disciplina actam hic commemorem? Cum agrum fertilem & fecundum videmus, etiam si quomodo occatus & stercoreatus sit ignoramus, neque agricolæ sementem jacentis laborem conspiciamus, ex ipsis tamen frugibus bene cultum & studiose subactum judicamus. Sic quoque cum uberrimis virtutum proventus in P. Merulæ animo extiterit, quid aliter existimare debemus, quam ipsum diligentissime fuisse excultum? An igitur de corporis orisque dignitate dicamus? nam hinc quoque laudem mutuari hominibus solemus, quod formæ decorem naturalis quædam ingenii bonitas plerumque comitetur. At licet pulcherrima P. Merulæ anima dignam se sedem, dignum diversorium, in quo habitaret, fuerit adeptæ: non est tamen ut in prædicanda tam fragilis & quod ætas facile aut morbus corruperit, boni præstantia diu immoremur: ne cum animi bona suppetant, laudem captare videamur ex corpore.

His igitur omnibus omissis, quæ minora sunt, quam ut in laudatione P. Merulæ poni debeant, ad ea, quæ potissimum mihi dicenda proposui, jam accedamus. Hic vero nobis primo occurrit ingens illud & indefectum studium, quod ipse a teneris statim unguiculis ad extremum usque habitum in literis collocavit. Nam etsi quidem à Natura felix ipsi & ad omnes honestas disciplinas docile ingenium erat attributum: tanta tamen utebatur semper animi contentione & diligentia, quanta utendum est homini, qui studet id, quod ingenio deest, industria compensare. Quotidie ille in libris, in chartis versabatur, & laborum Musicorum adeo non solum tolerans, sed & appetens erat, ut perire sibi omne tempus arbitraretur, quod studiis non impertiret. Et quoties aut iter faceret, aut animi causa deambulare, semper illi præsto erat liber aliquis quem volutaret, cujus lectione animum pasceret: quem vero librum semel in manus sumserat, eum non prius deponebat, quam à capite ad calcem usque percurrisset, annotassetque ea, quæ sibi aliquando usui fore existimaret. Nihil enim legebat, quod non excerperet & in Adversaria sua ac Memoriales libellos referret.

Talem

# MERVLAIANA.

Talem assiduitatem & tam indefessum laborem si alii quoque præclaris ingeniis præditi ad discendas literas afferrent, nullum dubium est, quin nostro etiam seculo plures exorturi sint, qui veræ ac solidæ eruditionis copia & varietate cum ipsa antiquitate comparari merito possint. Ingenia certe nihilo hodie, quam antiquitus, deteriora sunt. Non enim quasi lassâ & effœta natura est, ut nihil jam laudabile pariat. Imo vero negare non possumus, extitisse nostra & avorum memoria multos, qui aut inventionum subtilitate aut exercituum ducendorum scientia, aut navium in magno mari gubernandarum peritia, aut aliarum rerum cognitione nulli veterum cesserunt, plerisque etiam longo post se intervallo reliquerunt. Quod vero oppidò pauci ad eruditionis illius, quam in priscis admiramur, fastigium pervenerunt, quid mirum, cum non eadem reperiat in nostris hominibus, quæ in veteribus erat, diligentia, non eadem vigilantia, non idem labor? Relanguit jam pridem priscum illud in addiscendis literis studium, restinctus est vetus ille erga artes honestas ardor; torpor & veternus animos nostros occupavit; neque ulla in nobis scintilla apparet illorum igniculorum, quibus olim juvenes ad hoc Doctrinæ stadium alacriter decurrendum accendebantur. Prisci illi discendi cupiditate flagrantēs omnes corporearum voluptatum illecebras contemnebant, nullam omnino curam gerebant rei familiaris, socordia & ignavia valere iussis noctes atque dies in solo literarum studio versabantur, nec ullum laborem, aut molestiam doctrinæ comparandæ gratia refugiebant. Nos inertię dulcedine inescati, aut voluptatum blanditiis capti, perfunctorie tantum literas tractamus & omnia nostra studia vel ad primos in Repub. honores obtinendos, vel ad opes corradendas referimus. Atque ideo mirandum non est, paucos hodie ad veterum illam admirabilem in omni genere doctrinam eloquentiamque accedere: & quod sine cuiusquam injuria dictum volo, illos propemodum jam ordines in literis ducere, & quasi signiferos esse, quibus olim vix inter gregarios milites locus esse potuisset.

Hanc seculi labem indigne ferens P. Merula, ut primum literarum dignitatem intelligere cœpit, tam acri erga illas amore exarsit, ut nulla difficultas, nulla laboris asperitas, eum ab instituto cursu revocaret, non ambitio ad honores, non libido ad voluptatem, non avaritia ad opes, non otium ad animi remissionem, non denique somnus ad quietem.

tem. Hac vero assiduitate, his vigiliis, hoc labore id affectus est, ut in literatorum lustro inter eos, quibus Respub. hac literaria haftenus fulta stetit, & ipse merito censetur.

Cum enim duo sint, quæ virum eruditum perficiunt, accurata Rerum cognitio, & politus Sermonis copia, in utroque P. Merula ita excelluit, ut mihi fere ultra vulgarem humanæ mentis captum emeruisse videatur. Erat quidem ipsi, postquam ad severiora studia animum applicavit, in primis cordi & curæ Jurisprudentia, quæ quia sciebat huic architectonicæ reliquas artes omnes ancillari: tum etiam quia videbat patrem avumque hac scientia fuisse exultos. Fit enim hoc plerumque ut ex quo disciplinæ genere quis majores suos laudem quæsiuisse intelligit, ad hoc ipse quoque libenter se conferre soleat. In hoc igitur studium ita continenter & assidue incumberebat, ut protinus apud omnes summam sui admirationem, parem expectationem excitaret, quam tamen in eo sefellit, quod, ubi ad maturiorem ætatē pervenit, expectatione ipsa major evaserit. Et quamvis civilem scientiam magis omnibus aliis artibus coleret: non tamen prius ad verenda hujus Dææ sacra accessit, quam instructus esset iis adminiculis, quæ in homine ad legitimam Jurisprudentiam aspirante requiruntur: Sed neque ita totum se unquam Themidi devovit, aut sic sub ejus signis stipendia meruit, ut humaniores disciplinas statim defereret, imo vero latissimos illarum campos ingressus tam variam & multiplicem rerum divinarum humanarumque scientiam sibi comparavit, ut nulla fere Philosophiæ pars sit, quam ille non degustarit; nullum scientiæ genus, quod ille non indefessa alacritate amplexus sit; nulla veterum monumenta, quibus nocturna diurnaque manu pervolvendis ille studium suum non impenderit, nulli in penitissimis venerandæ Antiquitatis penetralibus tam reconditi, tamque latentes ritus, quorum lustra & cubilia ille non deprehenderet; nulla aut verus aut recens historia, quam ille non ad unguem teneret. Breviter, quod Nicephorus Gregoras de Theodoro Metochita usurpat elogium, id non immerito in P. Merulam accommodare possumus: Βιβλιοθήκη ἢ ἐμπύχου βιβλίου τῶν ζητημένων ἀρχαίων ἐμπόρια. Erat viva bibliotheca, & eorum, quæ scire velles, oraculum.

Nec vero Rebus tantum intentus, Orationis politæ studium neglexit; id quod multi hodie faciunt, qui omnis hu



humanitatis expertes elegantiae studiosos tanquam inanum verborum sectatores irrident, sed quia videbar, etiam pri-  
scos Sapientiae proceres rerum investigationi incredibilem  
exornandi sermonis curam adjunxisse, ipse quoque eandem  
viam, praesertim tot doctissimorum nostri aevi hominum ve-  
stigii signatam & impressam, omni conatu & honesta inge-  
nii contentione securus fuit. Cum enim nollet ita vitam  
transigere, ut, veluti naves, nullum sui vestigium relinque-  
ret, sed propositum ipsi esset, Rempub. literariam, qua par-  
te manca erat, pro sua virili iuvare, labantem confirmare &  
erigere, faciendum putavit, ut accuratam Latine dicendi  
scribendique facultatem sibi acquireret, ne si animi sensa  
inquinata & iustitiae efferret, in numero eorum hominum ha-  
beretur, quos M. Tullius ait intemperanter abuti & otio &  
literis. Quid? quod Hebraici quoque sermonis fontes haud  
tralatitiae delibavit: In Graecae vero literaturae adyta tam  
longe se penetravit, ut plerosque omnes primae classis aucto-  
res in succum & sanguinem suum converteret, & fere omnia  
illorum praecepta in numero haberet. Ex Poetica arte  
quantum laudis consequi potuerit, si saepius in hac scena si-  
parium expandere, & ingenium suum in hoc praeclearo cur-  
riculo experiri voluisset, testantur ejus versiculi pauci qui-  
dem illi, sed qui spirant veterem illam simplicitatem & quasi  
scintillas emittunt purioris illius seculi.

Erunt fortasse, qui haec levia & nullius momenti esse  
judicabunt, nec digna a quibus P. Merulae laudem aucupari  
debeamus. Ego vero, Auditores, omnino ita sentio, & for-  
te mecum alii, inter reliquas ejus laudes non postremam  
hanc esse, quod variarum Rerum scientiam cum Orationis  
elegantia, utramque autem cum Jurisprudencia copulavit.  
Neque hanc meam sententiam, opinor, improbabit, si me  
ejus rationes vobis paulo altius exponentem benevole, quod  
facitis, & attente audietis.

Philosophiae cognitionem, non horridae illius & ni-  
mis subtilium quaestiuuncularum sentibus vepribusque ob-  
sita, quam hodie videmus passim in scholas irrepere: sed  
ejus, quae olim vigeat, quamque superioribus annis viri e-  
ruditissimi e situ & squallore priorum seculorum libera-  
runt. Hujus igitur legitimae Philosophiae cognitionem Anti-  
quitatisque peritiam, cultum item istarum linguarum, qui-  
bus hi nobilissimarum rerum thesauri tanquam arcubus qui-  
busdam asservantur, vel, ut verbo dicam, bonas literas ma-

ximum habere ad graviores disciplinas adjumentum, fâten-  
tur omnes qui quidem rationis alicujus primordiis imbuti  
sunt: at vero, qui his studiis non dico immorari, sed plus-  
culum saltem temporis tribuere vellent, reperiuntur semper  
paucissimi. Cujus rei causas dum mecum recogito, cum  
aliæ multæ, tum vero hæ duæ potissimum mihi in mentem  
veniunt, quæ familiam ducere videntur, Magnitudo videli-  
cet ac varietas harum, quas dixi, literarum, & fatuum de iis  
seculi nostri Judicium. Etenim affirmare non dubito, quod  
etiam nemo prudens inficias iverit, qui in hoc studiorum ge-  
nere ad aliquam laudem aspiret, ei tam latum & amplum  
campum esse propositum, ut posse eum conficere vix aliquis  
mortalium videatur, qui totum memoriæ dolium exhausse-  
rit, & his literis in perpetuum semanciparit, nedum is, qui  
mediocri tantum ingenio sit præditus & adhuc superiorum  
scientiarum alicui incumbat. Excutiendæ enim sunt o-  
mnes veterum scriptorum bibliothecæ, perlustranda & per-  
noscenda est omnis antiquitas, replicanda omnium histo-  
riarum monumentorumque memoria, neque Latium mo-  
do perreptandum, sed & navigandum in Græciam, & ad u-  
num omnes utriusque linguæ auctores summo studio ac di-  
ligentia pervolutandi, Oratorum scripta manibus atque o-  
culis quotidie conterenda, Poëtæ etiam ad verbum, si fieri  
possit, discendi, & denique nihil omnium prætermitten-  
dum, quæ vel ad animum proba & prisca doctrina multipli-  
cique rerum olim gestarum scientia imbuendum, vel ad  
comparandam lautæ orationis & elegantioris styli supelle-  
ctilem facere videantur. Quæ omnia vel etiam ex iis non-  
nulla tantum, quàm improbum & ærumnabilem laborem  
desiderent, conjectura facilius consequi est, quàm verbis re-  
censere. Ceterum cum jam nulli studio peperceris, sum-  
ma omnia feceris, & prope in eo sis, ut vasa colligas & serio  
tandem aliquando migres ad Justinianæa castra, vel ad me-  
dicinam te conferas, vel ad sacras literas: erunt tamen ho-  
mines usque adeo præposterii judicii, qui omne id tempus,  
quod politiori huic literaturæ impenderis, collocatum di-  
cant non solum in re levi & hausta de triviis circulisque do-  
ctrina, sed & unde nihil omnino utilitatis vel in vitam hu-  
manam, vel ad ipsos harum cultores redundet. Ita enim  
vulgo persuasum est, illam superiorum scientiarum Trigam,  
quarum fructus omnium oculis expositi sunt, & pene mani-  
bus, quod dicitur, contrectari possunt, solam vitæ mortali-  
um

lium servire : eas autem , quæ vere ut sunt , ita appellantur Humanitatis artes , esse omnino inutiles & frugis expertes , cum quid in commune conferant , sit à vulgi intelligentia sensuque paulisper remotum . Atque ideo fit , ut hæ quidem contemptui passim habeantur & egeant : illæ vero opibus affluent & honore , solæque occupent præmia illa , quibus disciplinæ liberales nutriri & ad earum cultum optima quæque ingenia excitari incendiique soleant . Non igitur magnopere mirum , si speretis & insuper habitis Humanitatis artibus non solum maturæ ætatis adolescentes , quos temporis jactura , quam sua an præceptorum ? culpa fecere , fortassis excusaverit : sed & investes adhuc , ut veteres loquebantur , pueri , quique ex Grammaticæ salebris pedem vix moverint , Latine autem nondum intelligant , ac ne differendi quidem dicendique artes , nisi ex compendiis & nescio quibus cœnosis lacunis hauserint , in Medicos statim , aut Jurisconsultos , aut sacrarum literarum interpretes nomen dare non vereantur , & remis velisque *πρὸς τὰ ἀλφειῶς* properando , aditumque sibi ad summas dignitates muniendo , cruda adhuc studia in Ecclesiam aut forum propellunt : non sine gravi animi dolore eorum , quibus melior Sol atram illam caliginem ab animi oculis deterfit . Hi enim facile vident , quomodo nondum prorsus eradicata , sed magnam tamen partem superiori ætate nec infelicitè convelli cœpta barbaries paulatim iterum repullulet , hederarum vice præfocatura teneras optimarum artium stirpes , nisi mature huic malo occurratur . Frustra enim aliud speres , ubi qui ad amœniores hæc Musas , illas barbarici expultrices , excitare studiosam juventutem debebant , & ex Ignorantiæ antro quasi manu educere ad Bonæ Mentis sacellum , ipsimet non solum horum studiorum plane rudes sunt , sed & discipulis suis illa de manibus omni conatu omnibusque machinis excutere , & teneris animis odium contemptumque harum artium infundere non dubitant , dum quæ vel somnolentia sua vel ingenii tarditate consequi non potuerunt , in aliis reprehendunt & vituperant , ne se ipsi videantur insitiæ tacito quodam præjudicio condemnare . Quid est autem irrepentem clam Barbariem admittere , si hoc non est ? admittere autem ? imo vero ambabus ulnis amplexari & in eum , unde avorum patrumque nostrorum memoria fere dejecta erat , locum reponere ? Certe fieri aliter non potest , quin illa omnium artium regina & virtutum parens Theo-  
logia

logia omnino jaceat, atque adeo reliquæ severioris supercilii disciplinæ omnes pessum eant, densissima tenebrarum caligine involutæ, nisi hoc humaniorum Musarum aut salæ condiantur, aut lumine collustrentur. Cui rei longe exemplum petere quid opus? nemo enim est, qui ignoret, quam atra nox ante plusculos annos universum prope terrarum orbem obtexerit, ex quo perversa hæc & mirum quantum perniciofa opinio animos juvenum veluti pestilenti quodam sidere afflare cœperat, Græcas literas, orationis ornatæ cultum, antiquitatis cognitionem res esse ludicras & nugatorias, nec pertinere ad eos, qui gravioribus studiis essent addicti.

Sed querelam instituere de ingruente Barbarie, vel quomodo huic monstro obviam eundum sit, in medium consulere, non est mihi hoc loco propositum: causam tantum indicare volui, cui plerique ab hoc studiorum genere necessario quidem, sed aliquantisper difficili & variis calumniæ telis exposito refugere, ac confestim ad illas artes, quæ suis cultoribus è vestigio dignitates & opulentiam largiuntur, animum soleant applicare. Neque vero recte id fiat, an secus, ut nunc quidem sunt secula & mores, pluribus disputo: hoc autem, si taceam, res ipsa loquatur, jam pridem summam eamque multo majorem, quam quæ olim fuit, omnium disciplinarum ignorance consequutam fuisse, absque paucis quibusdam divinitus ad hanc rem excitatis hominibus esset, qui público bono nihil sibi prævertendum existimantes, politiores hæc literas omni studio & conatu propagatum eunt, & quicquid harum candidatos remorari aut tardare forte possit, è medio tollere nituntur, spargendo interdum ac liberaliter distribuendo in literarium populum, velut tesseras, quæ ipsi per omne genus scriptorum vagantes curiose in unoquoque observarint.

Quorsum hæc tam longe repetita? dicat aliquis. Nimirum ut intelligatur, Auditores, me non sine justa causa inter laudes P. Merulæ retulisse, quod non illotis, quod ajunt, manibus Juris sacra contrectarit, neque rerum amplitudine fractus, non vulgi judicio territus, non lucri cupiditate incensus, non honorum fumis captus humaniores Musas deseruerit; sed partim scientiæ amore, partim boni publici studio impulsus constantissime semper eas dilexerit, atque adeo nec ipsi Jurisprudentiæ, quæ amplissimas dignitates & maximas opes pollicebatur, præponere dubitavit.

Sed

Sed de varia P. Merulæ doctrina nolo longiorem orationem comparare, quomodo autem eam ad usum transtulerit, nec passus sit fructus ex literis perceptos, pomorum instar, putrilagine consumi, jam breviter dicam, si prius de studiorum curriculo, quod apud exteros confecit, pauca præmiserò. Non enim erat P. Merula tam humili & plebeja anima præditus, ut perpetuo domi residere; idem semper solum premere, aut ab unius oræ ætatem pendere vellet; sed simul ac adolevisse sibi visus & eos in literis fecisse progressus, ut cum fructu & utilitate peregrinas regiones adire posset, statim ipsum cupiditas incessit primates illos in literis viros; quorum scripta admirabatur; coram alloqui & familiarius convenire: exteriorum usu ingenia mirum in modum exacui, & illum optimum haberi militem, qui patria procul stipendia fecisset, quotidie audiebat. In Gallia tum temporis melior illa Jurisprudentia omnesque humaniores Musæ potissimum florebant. Semper enim ex quo literæ renatæ sunt, regnum hoc omnium totius Europæ florentissimum etiam in medijs bellorum civilium turbis abundavit copia doctissimorum hominum, qui relictis & spreis Glossatorum oleticæ ac sterquiliniis studiosam juventutem ad ipsius Jurisprudentiæ augusta templa duxerunt. Horum ille doctrina & celebritate, honesta quadam laudis contentione, quæ stimulos optimis ingeniis addere solet, excitatus; parentum permisso in Galliam abiit: ubi propter niveos mores, egregiam doctrinam & assiduum laborem in hominum, qui tum vivebant, doctissimorum amiciriā & familiaritatem facile fuit admissus. Longum foret hic recensere omnes illos doctos viros; quos P. Merula, cum in Galliis operam literis daret; vidit, salutavit, cognovit, quorumque divinas voces auribus suis hausit. Satis mihi est è multis nominasse Barnabam Brissonium, Simeonem Bosium, Johannem Auralum, Q. Septimium Florentem Christianum, Petrum Pithœum; Johannem Bodinum, Jac. Cujacium, Gul. Fornerium; Johannem Robertum; Petrum Danielem, Germanum Valentem, Vellium Pimpontium, Johannem Passeratium; F. Hotomannum, quos ille omnes, ac quos viros! propius vidit; compellavit; audivit, plerisque etiam familiariter usus est. Ex Gallia in Italiam se contulit; sed quia Batavuserat, & memoria Angeli Merulæ, quem ob Religionis confessionem martyrio affectum diximus, adhuc passim vivebat, non ausus fuit diu ibi subsistere, multo

minus illam universam peragraré, metuens periculi, quod sibi imminébat, si fortean à quoquam proditus fuisset. Inde igitur in Germaniam superiorem migravit, ac magna ejus parte perlustrata Argentorati aliquot menses commoratus est, partim urbis amœnitate captus, partim doctorum hominum, quibus ea tum florebat, fama permotus. Nam quemadmodum apes non ab uno flore, sed sparsim mella sua sugunt & fingunt: ita quoque prudentiam & eruditionem hinc inde colligendam esse arbitrabatur. Cum verò patrios Lares cogitaret, in Galliam rediit, ac Jurisconsulti titulo publice donatus, in Angliam quoque trajecit, illaque visa tandem peregrinationibus suis finem imposuit, & ab hoc desultorio vitæ genere sese abdicavit.

Reversus in patriam, à qua fere totos novem annos abfuerat, consilio patris in Curiam Provinciale[m] se confert, ut cum Theoria, cui hætenus deditus fuerat, etiam Praxis conjungeret, & ex umbra in Solem, quod dicitur, & pulverem prodiret. Hoc forense stadium non infeliciter ingressus, cum negotiorum sibi commissorum momenta diligenter expenderet; secreta causarum sagaciter indagaret; laqueos, quibus simplices à callidis illaqueantur, solerter dissolveret; clientibus suis non effugia, non officias quæreret, quibus veritatis lumen obscuraretur, sed illos potius à temerario litigio deterreret, facile sibi Famæ januam paulatim aperuit, & non civibus modo, sed & ipsis Ordinibus innotuit. Quadriennium fere in hac se palæstrâ exercuerat, cum ecce Justus Lipsius, anima illa Antiquitatis & Suadæ medulla, prætextu valetudinis per Acidulas Spadanas recuperandæ, Lugduno Batavorum digreditur, & Academiam, in qua totos decem & tres annos juventutem Musarum sacris operatam cum plausu docuerat, præter multorum expectationem relinquit. Diu fuit deliberatum, quis tanto viro qui universam Europam famæ suæ radiis illustrat, idoneus successor daretur. Erant enim plures in Belgio tum temporis, ut etiam nunc, viri in omni genere eruditionis exercitati, quibus hæc non incommode demandari provincia potuisset. Ed tamen omnium Ordinum suffragia & vota ibant, ut P. Merula ad Professionem, Lipsii abitu quasi viduam, promoveretur. Ab Academiæ igitur Curatoribus, inter quos facile principem locum obtinebat magnus ille & fama supra æthera notus, Janus Doufa P. i. præceptoris, honesto salario accitus, lubens foro, ubi magnas opes

opes acquirere ipsi in præclivi erat, nuncium remittit, & in Musæo hoc portu navem suam defigit; docendo, scribendo juvenum mentibus lumina prælaturus. Mos erat apud antiquos ut qui aut gladiatoriam, aut militarem, aut aliam quandam artem desinebant, ejus instrumenta Diis, qui isti arti præsidere credebantur, suspenderent atque consecrarent. Idem quoque fecitavit P. Merula; qui cum causidicinæ prorsus valedicere constituisset, ut se in foro non frustra aliquando versatum fuisse ostenderet, Praxin juris civilis artificiosa methodo, sed vernaculo tantum sermone à se contextam in lucem emisit. Cum enim intelligeret, varias illas Constitutiones, quæ diversis temporibus à maximis Principibus erant promulgatæ, partim ævi injuria, partim hominum malitia obliterari & paulatim vim suam amittere, magno judicio illas in unum quasi fasciculum collegit; ratus, se hac ratione non solum casabundam Justitiam pro sua virili fulturum, sed & perfecturum esse, ut sui cives non amplius in forensi palæstra; tanquam hospites in urbe peregrinantes errantesque vagarentur. Neque hæc opinio ipsum fefellit. Tanto enim applausu, tantaque aviditate hic liber ab omnibus fuit exceptus, ut fere nullus in iis locis Judex sit, nullus Prætor, qui non eo tanquam canone aut norma aliqua in controversiis dirigendis utatur.

Postquam autem docendi munus auspicatus est, & ficienti juventuti historiarum fontes recludere cœpit, nihil antiquius habuit, quam ut Spartam, quæ obtigisset, omnibus modis etiam scribendo illustraret. Non enim arbitrabatur se muneri suo satisfacere, aut expectationi de se conceptæ respondere, nisi & in longinquas regiones doctrinæ suæ torrentes ex uberrimis ingenii fontibus derivasset. Hoc ipsum igitur statim præstare exorsus est editione Annalium Ennii, veteris Poëtæ, cujus à Grammaticis velut Penthei olim à Bacchis in mille partes discerpti membra fœdissime mutilata & divulsa plane Herculeo labore collegit, collecta composuit, composita eruditissimo commentario illustravit, atque ita ipsum Ennium patrem cultioris & elegantioris apud Latinos Musæ, ab Orco revocatum, quodammodo mortis postliminio rursus animavit. Magnam hoc operæ famam industriæ & judicii apud omnes politiorum literarum mystas P. Merula sibi conciliavit: cujus pomœria cum aliis quoque ingenii monumentis extendere & amplificare vellet, & jam magna animo moliretur, Illustrissimi Fœderat

tarum Provinciarum Ordines Historiam bellorum, quibus jam multos annos Belgica miserum in modum flagravit, Latino sermone describendam ipsi committunt.

Insigne hoc vestrum, Ordines illustrissimi, (liceat enim mihi pace vestra in hac doctissimorum virorum & lectissimorum juvenum Merulae vestro justa persolventium corona, vos quamvis magno locorum intervallo à nobis disjunctos paulisper compellare: ) Insigne, inquam, non erga praesentes modo, sed & post futuros meritum ac immortalis laude dignum: quo si veteres illi Germani ac Belgae suam quoque posteritatem obstringere sibi ac devincire voluissent, non certe tot praecleara ipsorum facinora aliissimo silentio sepulta & aeternis ignorantiae tenebris obruta nunc jacerent. Illud enim omnino in confesso est, majorum nostrorum ævo multos praestantes viros extitisse, qui rebus domi & foris, in pace & bello fortiter ac strenue obeundis ipsius vetustatis gloriam si non superarunt, certe æquarunt. Sed quia studium illarum Literarum, quibus virtutis memoria conservatur, ab ipsis manu quam calamo promptioribus omnino negligebatur, factum est, ut domesticorum quidem scriptorum vel incitiae vel silentio; exterorum autem invidentia & malignitate veræ fructu gloriae fraudarentur, qui res quamvis praeclearissimas amplissimasque administrassent. Quod ne jam vobis, Ordines Illustrissimi, qui Reipub. vestrae Libertatem adversus Hispanicam gentem tanta armorum virtute asseritis, & tam forriter propugnatis, ut ipse etiam hostis vester potentissimus diuturni belli pertæsus pacem vobiscum pangere malit, quam anticipem Martis aleam diutius experiri: ne hoc igitur quod minus dudum dixi, vobis quoque ullo tempore accideret, mature providistis dum scilicet P. Merulam Historicæ huic Provinciae delegastis, ipsique in mandatis dedistis, ut res in Belgio jam ab aliquot annis gestas ad veritatis obrussam diligenter exigeret, & tandem ad posteritatem transmitteret. Quo instituto equidem nescio an quicquam utilius Reip. ad cujus clavum sedetis: certe nihil vobis gloriosius, nihil P. Merulae honorificentius excogitari potuit. Vobis quidem, quod conscientia recte factorum freti hoc agitis, ut etiam ipsa Posteritas intelligat, unde hi bellorum plusquam civilium fluctus, quibus Belgica jam multos annos affligitur concutiturque, exorti sint, & quid vos ad excutiendum à vestris cervicibus Hispanicæ servitutis jugum impulerit, vere cognoscat & judicium ferat.

P. Me-



P. Merulæ vero, quod ab acerrimis ingeniorum censoribus huic muneri, quo nullum in tota Rep. literaria augustius, nullum ad famam provocandam aptius, sed nec ullum difficilius & periculosa alea plenius esse potest, idoneus fuit iudicatus.

At quò delabor? Vetabant Pythagorici Deos in transcurso salutari: quam legem cum mihi quoque in cultu magnorum virorum scriptam putem, malo divinam Ordinum prudentiam tacitus admirari, quam & infantiam meam prodere, & laudes ipsorum ingenii culpa detertere. Ad P. Merulam redeo; qui cum rem sibi commissam infinitis difficultatibus obstructam esse animadverteret, lentius coepit in iis, quæ jam præ manibus habebat, progredi, magna diligentia magnisque sumptibus undique locorum & gentium conquirens & in unum coacervans ea, quæ ad historiam scribendam erant necessaria. Mirum dictu est, & forte fidem excedit, quod narrabo. Sed quia me historice loqui, nihil fingere norunt alii quoque, quos si opus sit, testes laudare possum, nolo id, quod res est, silentio præterire: Audivi enim cum diceret, non quidem ostentationis gratia, à qua longissime aberat, sed à nobis, quibus familiariter hic utebatur, forte super hac re interrogatus, se de Belgicæ Reipub. statu & bello, quod geritur, quasi triginta sex mille chartas & schedia partim typis edita, partim manuscripta collegisse, ex quibus historiæ suæ corpus extrueret. Quantus jam in his omnibus non solum evolvendis, & foliatim perscrutandis, sed & apte ac ordine suo loco digerendis collocandisque labor ipsi fuerit exantlatus, quot molestiæ devoratae, quot vigilatae noctes, quantum olei operæque impensum, facile erit conjicere iis; qui peponem cordis loco non habebunt. Quotumquemque Auditores, reperiri posse arbitramini, qui non tanta Actorum Auctorumque mole obrutus aut oneri prorsus succumbat, aut id vel propter gravitatem abjicere, vel propter virium imbecillitatem deponere tandem cogatur; P. Merula tamen non deposuit, non abjecit: sed qua potuit fide & diligentia, si non totam historiam, at magnam ejus partem ante quatuor annos absolvit, & Ordinum censuræ submitit, reliquum quoque opus ad optatos terminos perducturus, nisi telam feliciter inchoatam Parcarum iniquitas præcidisset. Mirabitur forte an aliquis, quod tot subfidiis instructus non universam historiam jam pridem confecerit. Sed admirationem depositurum spero, si in men-

tem sibi revocaverit, quod à Cicerone prudenter & veredictum est, Historiam institui nisi præparato otio non posse, nec exiguo tempore absolvi. Imo vero magis mirabitur, potuisse P. Merulam id quod fecit præstare, si cogitaverit ipsum, præterquam quod publicæ suæ Functionis partes quotidie expleret, etiam alia multa, ut Varro ait, musinatum esse, quæ vitam ipsi nunquam in otio transactam, clare loquuntur. Non dicam de Geirica Historia, non de Συγκροσιμῶν eorum, quæ proximis centum annis in orbe Christiano contigerunt, non de aliis ipsius scriptis: quæ omnia adfecta adhuc in scriniis ejus latent. Mitto Angeli Merulæ Tragicam Historiam, quam ipse ex Actis fideliter repræsentavit: fileo Κυνήσιων vel de Venatione; Statum quoque cum Religionis tum Politicæ gubernationis, à nato Christo usque ad annum millesimum & ducentesium, præterfluere sino: quorum illa pridem publicata in omnium manibus versantur, hæc vero jam sub prælo sunt & Musis benevolentibus lucem propediem videbunt. Unum illud Cosmographicum opus, quod ante biennium in lucem edidit, non possum sine religione præterire. In quo opere, cum generatim ea, quæ ad Mundum & Cœlestem Terrestremque sphaeram pertinent: tum vero speciatim ipsam Europam & tres ejus nobilissimas Provincias, illos totius orbis extra omnem controversiam ocellos, in quibus vestigia Latini sermonis, quamvis corrupti, adhuc superant, Hispaniam, dico, Galliam & Italiam tanta diligentia & studio, tamque eleganti ordine persequutus est, ut affirmare ausim Strabonem, Pomponium Melam, Stephanum, Ptolemæum & reliquos majorum Gentium Geographos, si paulisper in vitam redirent, confestim P. Merulæ herbam porrecturos, & se ab ipso victos ultro ac libenter fassuros esse. Optandum quidem erat, ut reliquas Geographiæ partes eadem methodo & industria nobis concinnasset, & forte id ipsum quoque præstitisset, nisi partim Syrtes & scopuli, quos in vasto illo & immenso scriptorum pelago nimis quam multos passim latere non ignorabat: partim aliæ occupationes ipsum ab instituto retraxissent. At quia spes illa jam omnino decollavit, præsentia boni consulamus, nec miremur, quod negotiorum multitudine impeditus, aut fati iniquitate interceptus, iis, quæ inchoaverat, extremam manum imponere non potuit. M. Tullium patrem illum Romanæ eloquentiæ negare solitum accepimus, si ætas sibi duplicetur, habiturum se

tempus, quo Lyricorum Poëtarum versus legat; quos tamen verborum fuisse parcissimos, ex iis, quæ adhuc reliqua sunt, fragmentis liquidò apparet. Quid puratis, Auditores, ipsum dicturum fuisse de tot prisceis, recentibus, mediæque ætatis auctoribus, quos P. Merula in condendo hoc opere perscrutari & penitus excutere necesse habuit?

Sed dies, opinor, me deficiat, si omnia, quæ quidem de insigni ejus doctrina & scriptis ad publicam utilitatem comparatis afferri poterant, hic pensiculatius vellem persequi. Superest, ut quoque de inculpatis ejus Moribus & reliqua vita ad virtutis normam transacta nonnihil dicamus. Memini ab antiquis prudenter dictum, Magna ingenia plerumque magnis vitiis solere esse obnoxia. Id vero in P. Merula adeo contra se habet, ut dicere audeam, nihil veritus ne cuiquam propterea ludibrium debeam, omnes virtutes, quæ quidem in hominem literatum cadere possunt, in ipsius animo sibi domicilium collocasse. Hic rursus mihi ingens dicendi campus aperitur, sed nolo orationis meæ vela, pandere, nec aperto mari invehì, ne dum hominem peregrinum & nunquam mihi antehac visum, saltem fama & scriptis cognitum celebros, falsas ipsi laudes à me affingi forte quis suspicetur. Pauca tantum ex omni numero seligam, & quidem ea, quibus P. Merulam fuisse præditum omnes uno ore fatebuntur, qui vel scripta ejus primoribus digitis attigerint, vel amicam sermonum ferram semel atque iterum cum ipso reciprocant.

Ac primum quidem quanta fuerit ejus modestia, quæ omnium virtutum fulcrum & vinculum merito censetur, abunde testantur præclara ejus monumenta, in quibus illa ita elucet, ut si sententiam de iis meam dicere jubear, adferre non dubitem, ab ipsa Modestia nihil potuisse scribi modestius. Non ille, si quid ab aliis recte dictum aut ingeniose excogitatum, in sua statim ascribebat, & id à se multo ante inventum observatumque superbe clamitabat: non si quid alii rei literariæ opis attulissent, aut furtim carpebat, aut palam delicato fastidio aspernabatur. Nam illorum hominum mores, qui nihil, nisi quod ipsi fecerint, rectum censent, & quoties quenquam vel humanitus errare vel tantum aliam amplecti sententiam viderint, confestim ad maledicta confugiunt, & in viros etiam doctissimos velut è plauastro convitia jaciunt, rati, quantum alienæ famæ detraxerint, tantum sibi nominis accessurum; horum, inquam,

mores ita solebat odisse, ut nemo homo ipsas portas Or-  
ci. Per quos profecerat ingenue profitebatur; aliorum  
scrinia non compilabat, nobilem illam Laurentium legem,  
qua sancitum erat, *Ne pomum ex alieno legatur in armum*,  
tam religiose servabat, ut nemo haftenus inventus sit, qui  
lege Atinia rem furtivam vindicaret. A quibus se ingenio  
vinci, aut doctrina superari intelligebat, iis ultro palmam  
concedebat, eos amabat, eos admirabatur. Pares facile  
ferebat, inferiores etiam sibi æquabat, Tyronum industriae  
non invidabat, neque laudis aditu eos prohibere conabatur,  
sed & ipse se gloriæ seniorum succrevisse meminerat, & ad  
suam gloriam consurgentes alios lætus aspiciebat.

Jam vero quam sobrie & continenter vixerit, norunt  
omnes quibus aliqua tantum notitia cum ipso intercessit.  
Quod enim tempus alii intempestivis convivis, alii pilæ, alii  
tesseris, alii aliis recreationibus dare solent, id ille univer-  
sum in literarum studio consumebat. Nemo ipsum non  
dicam vino prolutum, sed ne quidem hilariore Bacchi aura  
afflatum unquam vidit. Adolescentiam non nisi caste ab  
ipso traductam testantur cum reliquæ ipsius virtutes, quas  
mutuo complexu inter se colligatas & arctissimo cognatio-  
nis nexu revinctas esse inter omnes Philosophos constat:  
tum vero præclara ejus doctrina, quam nunquam sibi com-  
parasset, si primam illam ætatem voluptatum vinculis con-  
stringendam vinciendamque præbisset. Qui enim in im-  
puræ libidinis cœno volutantur, tantum abest, ut ad solidæ  
eruditionis culmen ascendere, ut vix ex inscitæ tenebris pe-  
dem movere possint. Postquam vero ad tricennalem il-  
lam annorum lineam pervenerat, quam gravissimus auctor  
Hesiodus ad conjugii cursum aperit & demittit, coelibatum,  
in quo haftenus egerat, aversatus, vitæ genus coercendis  
vagis cupiditatibus divinitus repertum suscepit. Erat tum  
in magna apud Batavos auctoritate Bartholomæus Buys  
Gryphius, vir doctus & multarum linguarum cognitione  
longoque rerum usu præditus. Nam & apud Alphonsum  
II. Ferrariæ Ducem prudentissimum diu vixerat, & pleris-  
que Germaniæ aulis diligenter perlustratis, magnam sibi fa-  
mam solertiæ compararat. Huc accedebat, quod etiam lau-  
datissimæ memoriæ Johanni Alberto Duci Megapolitano,  
quo doctiorem & literatorum amantiorem principem Ger-  
mania tum temporis non habebat, à Secretis & Latinis E-  
pistolis fuerat, ac industriæ suæ in legationibus ad exteras  
natio-

nationes obeundis tam illustria documenta præbuerat, ut sapientissimo Principi in primis amoribus haberetur. Unde etiam factum, ut dum plures annos in aula ista versatur, aliquot ibi liberos genuerit, ex quibus V. Cl. Johannes Albertus Gryphius, paterni ingenii & virtutis verus heres, cum ob excellentem eruditionem ab hac nostra Academia, in qua literis aliquot annos operam dederat, Jurisconsulti titulo publice ornatus esset, hanc urbem fortunarum suarum sedem ac domicilium elegit, ac in Senatorium ordinem ascitus, Reip. huic florentissimæ non solum primo loco à Secretis est, sed quoque eam juxta cum aliis ea, qua decet, fide administrat. Ceterum de Filio, quem hic præsentem conspicio, verbum amplius non addam, ne in os ipsum laudare, aut palpo percutere videar. Ad Patrem revertor, qui post excessum optimi & immortalitate dignissimi Principis Johannis Alberti, cum patriæ amore ductus in Belgium, quod tunc Pactione Gandavensi à bellicis tumultibus paulisper respiraturum videbatur, rediisset, non multo post in Collegium Ordinum Hollandiæ cooptratus est, tantaque fide & integritate labantis Reipub. commoda quæ sivit, ut totius Nobilitatis Belgicæ, ac omnium patriæ studiosorum oculos in se converterent, & mortuus magnum sui desiderium reliquerit. Hujus Barth. Gryphii filiam natu majorem Juditham, omnibus virtutibus, quæ in sexum illum cadunt, decoratam matrimonio sibi P. Merula junxit, cumque ea decem & octo annis sine jurgio, sine offensa ita vixit, ut se illi integrum semper servarit, & quanquam numerosa prole augetetur, sordidas tamen ditescendi artes nunquam exercuerit, sed rei domesticæ curam tanquam se indignam, dilectissimæ coniugi resignarit.

Non enim à voluptatibus solum alieno prorsus animo fuit, sed & ab omni quæstu. Potuisset sane P. Merula honeste magnos pecuniæ acervos congerere, si in forensi stadio diutius versari, clientibus vocem & operam suam commodare, circumfusæ multitudinis comitatu assidue premi, à prima luce ad occasum usque solis in curia hære, multorum odia experiri, & sæpe aliquid invito animo facere voluisset. Sed quia fieri non posse videbat, ut his rebus occupatus & obsessus animus honestis artibus, quarum latissimi sunt termini, invigilet, maluit amplas illas divitias spernere, & puro animo ac nullo scelere contaminato Musis operari, quasque ipsæ largituræ essent opes boni consu-

lere. Neque enim harum culturam omnino sterilem esse sciebat, sub talibus præsertim Musagetis, qui inter media arma, inter lituos & tubas non solum suavibus illis Musarum ribiis ac fistulis delectantur, sed & literarum cultores ad urgenda hæc studia, has pacis artes, magnis & egregiis præmiis invitant.

Quid nunc de fuga dignitatum, ad quas ipsi, nisi foro se abdicasset, aditus patebat, multa verba faciam? Erat enim ea prudentia, ea dicendi facultate instructus, ut etiam summis dignus esset. Atqui non potuit ejus pectus ullis honorum facibus accendi. Nam etsi quidem ipsi facile erat è Virtutis fano, in quo assidue versatus fuerat, rectà, non per pseudothyrum vel Deæ Pecuniæ posticum in vicinam Honoris ædem se penetrare: consultò tamen abstinuit, & in literaria tranquillitate vitam degere, quam ad summas illas dignitates, quæ plerumque cum magnis periculis & molestiis conjunctæ esse solent, aspirare præoptavit. Nimirum ut iis, qui è Clitorio fonte biberunt, vini tædium oboritur: ita quoque qui semel quietæ hujus vitæ dulcedinem gustarunt, nunquam possunt adduci, ut ad Remp. animum adjiciant, etsi summum in ea fastigium adipisci queant.

Neque tamen illos honores, qui in Musica hac palæstra versantibus tribui solent, superbe aspernatus est. De Professorio munere non dicam, quod olim inter honoris titulos fuisse memoriæ & monumenta veterum diserte testantur: nunc autem ejus dignitas pene interiit, postquam noxia hæc opinio animos plerorumque invasit, indignum esse homine ingenuo & liberaliter educato cultum ingenii profiteri, & honestis artibus docendis linguam elocare, quod tamen arduum esse, & laude dignos, qui faciant, norunt omnes, qui non elephant corio sunt circumtecti. Historiographi quoque titulum, quo ab illustrissimis Ordinibus affectus fuit, hîc prætereo: est enim supra ejus facta à me mentio. At Bibliothecæ præfecturam à Curatoribus Academiæ ipsi delegatam, non possum hîc silentio involvere, quem ego honorem inter alios, quos gessit, non postremum duco. Nam si ad omnes, quotquot hodie sunt in orbe Christiano, nobiliores Bibliothecas oculos circumferimus, earum custodiam viris præstantissimis & primorum in literis ordinum commissam, reperiemus, Cæsareæ Bibliothecæ custos ac præses jam multos annos fuit vetus ille & vetus Musarum sacerdos Hugo Blotius Belga, in cujus fronte & sermone humanitatem, in

pecto-

pectore candorem & fidem habitare, fatebuntur mecum omnes, qui hominem doctissimum semel tantum compellarunt. Vaticanæ cura non nisi eruditissimis Cardinalibus demandari solet, & pronuper illi præfuit magnus ille Annalium scriptor Cæsar Baronius, quem non ita pridem vitam functum esse fama nobis nunciavit. Galliarum Rex opulentissimæ Bibliothecæ suæ custodiam Isaac Casaubono credidit, quo doctiorem Sol neminem intuetur, non modo in Gallia, feracissima illa studiorum parente, sed ne vix in universa Europa, & quidem judicio omnium, quos non ignorantia præpedit aut livor. Palatinæ præfectus erat, dum viveret, amor ille & cor Musarum P. Melissus! post cujus obitum serenissimus Elector munus istud imposuit CL. Jano Grutero, homini ut doctissimo, sic ad antiquos scriptores in lucem eruendos instaurandosque, bono publico, tanquam de cælo delapso. His Augustanam quoque Bibliothecam merito accensemus, cui jam præest David Hæschelius felicissimus ille juventutis informator, & ruentis Græciæ fortissimus tibicen ac destina, quem inter præcipua urbis suæ decora merito augustissima illa Respub. numerat, & *μεγίστην* illud *πύλωνα ἀπὸ τοῦ* illustis Marcus Vellerus Aug. Vindel. Duumvir jure magni facit. Non exiguum igitur cumulum amplissimi Academiae Leidensis Curatores ad reliquos P. Merulæ honores adjecisse existimandi sunt, dum mortuo & è vivis sublato Jano Douza principe juventutis Belgicæ ipsum potissimum locupletissimæ & libris omnium generum refertissimæ bibliothecæ suæ præficiendum judicarunt. Quam provinciam tanta quoque diligentia, tanta sagacitate administravit, ut omnium prope Collegiorum Bibliothecis perlustratis, omnibus Librariorum loculamentis & armariis studiose excussis, quoscunque ibi melioris notæ libros aut manuscriptos aut typis exesos reperiret, eos magnis sumptibus coëmeret, ac in Bibliothecæ sibi creditæ forulos ad publicam omnium utilitatem transferret. Atque hoc studium si alii quoque in libris undique conquirendis continuaverint, brevi futurum est, ut Leidensis illa Bibliotheca, quæ non ita dudum instaurari cœpta, cum antiquissimis quibusque, si non codicum manuscriptorum copia, at typis editorum multitudine & præstantia comparari ac contendendi possit.

Multa mihi hoc loco, Auditores, prorsus omittenda sunt, pleraque carptim tantum & breviter attingenda.

Nam



Nam si humanitatem ejus, si patientiam, si animi constantiam, si integritatem, candorem, pietatem, & alias virtutes enumerare & persequi velimus, nullum fere finem nostra inveniet oratio. Quis unquam ejus amicitiam per literas expetiit, quem ille non statim albo suorum inscripserit? quis ipsum compellavit, quem non comiter & humanissime exceperit? Amicitia cum illo instituenda non erat opus proxenetae aut pararii aliquem intercedere; omnibus qui Virtuti & Doctrinae litabant, fores ejus erant aperta, nulli clausa. A quibus se diligi intelligebat, iis amorem aequo pondere, saepe etiam graviore rependebat. Iracundia aut odio adeo nullus erat in ejus pectore locus, ut nemo ipsum unquam commotum viderit, nemo asperius aliquod verbum ex ore ipsius audierit. Non vultus ejus, non frons, non color, non sermo, non manus, non gressus unquam perturbati animi signum dederunt. Obrectatorum sermonibus non magis quam anseris strepitu aut canum latratu movebatur. Ut culicem aut muscam moleste circumstrepentem levi manu & citra iracundiam abigimus: sic ipse perverse judicantium calumnias sine ulla tristitia eludebat. Rectum omnino cursum in hoc undoso vitae mari tenebat: si fortuna blandiretur, non abripiebatur licentiae ventis; nec opprimiebatur impatientiae fluctibus, si forte non omnia ex animi sententia succederent. Cum quibus conversabatur, iis remoto omni simulationum velo mentem suam aperiebat, neque aliud clausum in pectore, aliud promptum habebat in lingua, more illorum hominum, qui vultu quidem & sermone probitatem praefereunt, sed corde dolum ac fraudes machinantur: quod qui facerent, eos ipse angue & cane pejor averfabatur. Quid multa? nihil omnino ad ostentationem faciebat, sed in pura mente, incontaminata conscientia, usum fructumque recte factorum sibi consistere reputans, hoc unum agebat, huc omnes suas actiones dirigebat, ut, quod de Amphiarao ait Aeschylus, revera bonus esset, non tantum bonus videretur.

Possent alias quoque P. Merulae virtutes, quas ipse cum multijuga eruditione sociavit, hoc loco commemorare: sed ne vestra in audiendo patientia abuti videar, finem dicendi faciam, ubi de ejus pio, & quod vere dixerim, sancto ex hac vita discessu, quaeque hunc antegressa sunt, pauca hic adtexuero: ex quibus ejus constantia & firmitudo mentis in profligando mortis terrore meridiana luce clarior elucebit. Plures



res jam anni sunt, cum P. Merula Hygeiam inimicam primum experiri & gravissimo Lienis affectu laborare cepit; Qui morbus cum crebro ipsum interpellaret & vires quas interdum ponebat, & velut dissimulabat; semper resumeret, tandem superiori hiemi adeo ipsum dejecit; ut à fati limine paucos tantum pedes abfuerit. Ex eo tamen emersus, ne vires adhuc infirmas intensioribus studiis rursus debilitaret, affinem suum V. CL. D. Johannem Albertum Gryphium J.C. & Reip. hujus Senatorem, quem unice amabat, cuique id jam dudum receperat, in coram salutare & simul has inferioris Saxoniae urbes perlustrare constituit, si fortean hac vacatione valetudinem suam magis firmare & corroborare posset. Sed ô vanas hominum cogitationes! ô spem fallacem! ô infauftis avibus susceptam profectionem! Vires recollecturum se sperabat P. Merula: at æ longiore hoc itinere adeo sunt prostrata, adeo fracta, ut vix urbem hanc ingressus statim medicum accersere, & ejus opera, in morbo; quem reconvalescere senserat, depellendo, uti coactus fuerit. Interim tamen nihil mali suspicans, cum lassitudo in itinere contracta paululum resedisset, non indelectatus consuetudine eorum à quibus quotidie fere salutabatur, à quibus suam amicitiam ambiri, à quibus se coli & amari videbar, si quando adventoria à quoquam exciperetur, illi comiter hilariterque intererat, frontem exporrigebat; ac animum quidem suavissimis sermonibus largiter, corpus autem cibo ac potu parce & continenter pascebat. Nam ut fines à medico praescriptos migraret, & ejus abstinentia, quæ pene in naturam verterat, non sinebat, & nemo nostrum erat adeo ab omni humanitate aversus, cui id ab ipso postulare in mentem veniret. Cum hic alterum fere mensem substitisset, & jam editum ad suos meditaretur, non facere ullo modo potuit, ut prius hinc discederet, quam quosdam ex iis, quibuscum privatos sæpe sermones de literis habuerat, etiam è publico loco locentes audivisset. Intellecto igitur, collegam nostrum J. C. Ignatium Danielem, J. C. quem professionis & studiorum similitudo arctissime ipsi devinxerat, 11. Idus Julii ad electionem suarum telam paulisper interruptam rediturum esse, ipse quoque eodem die, ejus audiendi desiderio incensus in Auditorium venit, & illi nobilem & passim ab omni- us vexatam quaestionem De septuaginta Danielis hebdomadibus auspicienti tam attentas aures accommodavit, ut avari alicui in ipsa velut studiorum incude posito & for- mantis

mantis adhuc manum admittenti similior esse videretur, quam viro ad summum eruditionis culmen everso, & inter Reip. literariæ Senatores haud possetmo.

Hic dies, Auditores, ultimus fuit, quo P. Merula pedem limine extulit. Nam cum ante tempus cœnæ cum afine suo ambulatiunculam aliquam conficeret, & pluviam, qui supra caput stabat, metuens, aliquanto celerius, ut fieri solet, domum sese reciperet, tanta defatigatio, tantus languor ipsum invasit, ut statim animus ipsi præfagiret, corpus suum hic Rostochii in pulverem redactum iri: his enim fere verbis utebatur, cum quomodo se haberet, à quibusdam amicis, qui ea ipsa vespere ad illum inviserant, interrogaretur.

Dolor, quem ex amicissimi capitis amissione percipi, non sinit, ut multis hic commemorem, qua patientia morbi indies magis magisque ingravescentis molestias tolerarit, qua constantia sati imminentis horrorem excusserit, & quam pie se ad vitæ exitum compararit. Sentiebat quidem se paulatim propius ad mortis limen accedere, sed nullam ejus metum, nullam formidinem præferebat. Debilitabatur ipsi vox, intercludebatur anima, spiritus ægre ducebatur, nullum tamen impatientiæ, nullum doloris signum edidit: sed totus ad servatorem Jesum conversus omnesque res humanas oblitus, cum quotidie præfenti mente signum, quod è statione evocaretur, expectasset, tandem septima, postquã ægrotare coeperat, die candidam suam animam ardentissimis precibus & altis suspiriis Deo creatori & auctori commendatam tam placide efflavit, ut non mori, sed in somnum labi videretur. Nam etsi quidem in confinio mortis erat constitutus, mens tamen semper illi manebat integra, non aures hebescebant, non oculi obtenebrabantur. Nihil tam secreto fere dici poterat, quod ille non auribus sublegeret, nemo in cubiculum intrabat, cui non capite adnutans manum porrigeret; omnes qui lectulo adstabamus exacte noscebat. Quid? quod vix tribus horis ante mortem calamum quoque poposcit & ad incomparabilem virum, D. Johannem ad Oldenbanneveldt, Senatus Hollandici, Principem, cujus ille prudentiam in gravissimis Reip. negotiis dextre expediendis, humanitatem in Musarum cultoribus, animi magnitudinem in laboribus pro communi salute obcundis semper in ore habebat, quoties de Belgicæ statu sermo ipsi

ipsi cum amicis intercederet. ad hunc igitur quem vivus semper magni fecit, jam morti proximus scripsit, & uxorem ac sex liberos superstites illius patrocínio commendavit,

Hic fuit P. Merulæ exitus, felix quidem & prosper illi, qui ex hoc undoso mundi hujus æquore in optatum æternæ salutis & tranquillitatis portum invehctus est: perquam autem acerbus & luctuosus cum dilectissimæ ejus uxori, liberis, & iis qui sanguine ipsi aut affinitate sunt juncti: tum vero universæ Reip. literariæ, quam hujus viri morte, ubi increbuerit, tantopere consternatum iri certo scio, ut nemo futurus sit, nisi è saxo sculptus, aut è robore dolatus, qui non ipsius tam celeri tam inopinato occasu toto animo commoveatur. O Lugdunum, ocelle Batavorum, Athenæ Belgarum, flos urbium, quid tibi nunc animi fore putem, cum primum hic tristis nuncius ad aures tuas advolabit? Quos gemitus, quæ suspiria tunc edes! quam crebra genarum laceratione, quam frequenti pectoris & capitis percussione dolorem tuum testabere! nec immerito: nam qui te præclaris ingenii monumentis illustravit, naturæ lege functus est. Ex cujus sacro pectore tua juvenus hiant ore bibere solebat reconditæ doctrinæ fontes, is interiit. Qui Batavorum gloriam literarum beneficio ab oblivionis interitu vindicare exorsus est, is jam in alieno solo, procul patria, sepultus jacet. Obmutuit Suada tua, exaruit lacteus ille eruditionis fons, corruit columen antiquitatis, lumen Belgicæ extinctum est. Fuit, fuit ille omnis historiæ promus ac condus, fuit, nec est quod ejus ad te reditum posthac expectes.

Sed quid ego dolori indulgeo? Mortuus quidem est P. Merula, at ejus fama perpetuo vivet, ejus gloriam nulla unquam vetustas abolebit. Dum hunc terrarum globum, quem Merula stylo suo descripsit, Sol è cælo radiis suis illustrabit, dum stabit hæc immensa mundi compago, omnis litteratorum natio ipsius nomen pleno ore prædicabit.

D I X I.

## EPITAPHIUM.

TIBI.

PAULE. MERULA.

QVI.

DUM. DEUS. TE. NOBIS. SUPERSTITEM.  
VOLEBAT.

OB.

OB. SINGULAREM. TUAM. ERUDITIONEM.  
MAGNAQVE. ET. MULTA. IN. OMNES. BENEFICIA.  
DOCTISSIMORUM. AUDIISTI. HUMANISSIMUS.  
HUMANISSIMORUM. DOCTISSIMUS.  
HOC. QVALECUNQVE. MONU-

MENTUM.

MOERENS. BENE. MERITO.

F. P. Q.

P. D. I. F. EX. A. D. VIII. KAL. AUG.

clō Iōc XIII.

AVE. ET. SALVE. VIR. PAUCIS. COMPARANDE.  
S. T. T. L.

## EPIGRAMMA.

*Hospes Batavi Merula vultum vides;  
Qui sceptra Leida sacra Musarum gerit;  
Orbem dat orbi, restat externis nihil:  
Terram Batavi fabricant; subdunt mare.*

DAN. HEINSIUS.

## SCRIPTA.

**Praxis Civilis Provinciæ Curiaë apud Batavos, lingua Ver-**  
nacula : *Lugd. Bat. 1592. in 4. Gravenhage 1619.*  
in 4.

**Commentarius in Ennii fragmenta :** *ibid. 1595. in 4.*

**Vita Francisci Junii :** *ibid. 1595. Geneva 1602. in 4.*

**Fidelis narratio rerum adversus Angelum Merulam tragicè**  
gestarum ab Inquisitoribus : *ibid. 1604. in 4.*

**Cosmographiæ generalis libri tres ; specialis libri quatuor :**  
*Amsterod. 1605. in 4. Antwerp. 1605. 1621. in fol.*  
1636. in 12.

**Vita Erasmi & Epistolæ aliquot nondum editæ :** *Lugd. Bat.*  
1607. in 4.

**Eutrôpius :**

**Urbis Romæ delineatio & methodica ex variis autoribus de-**  
scriptio : *Lugd. Bat. 1599.*

**Historia Ecclesiastica ac Politicâ clō CC. annorum ; quam**  
ejus Filius ; Guilj. Merula ad sua usque tempora  
clō Iō XIV. perduxit : *ibid. 1615.*

**Willeramus Abbas in Cantica Canticorum cum commen-**  
tariis :

Dia-

Diatriba de Statu Reipublicæ Batavica cum libello de Re-  
publ. atque Urbibus Hollandiæ, edente Joachimo  
Morfio. *Lugd. Batav.* 1618. in 4.

De Maribus Dissertatio. *Lugd. Batav.* 1633. in 8.

Italia, Gallia & Hispania; *Amsterod.* 1636. in 12.

De Romanorum Comitibus & Præmiis; quæ militiam seque-  
bantur. Opuscula Posthuma; Joh. Boschio edente;  
*Lugd. Bat.* 1675. in 12.

Placaten ende Ordonnantien van de Wildernissen ende  
Jachtbedrijf; *Gravenhage* 1605. in fol.

Tijæ Trefoor tweede deel in fol.

Maniere van Procederen; *Gravenh.* 1631. in 4.

## ELOGIUM

# UBBONIS EMMII,

## Historiarum & Græcæ Linguae in

### Academia Gröningensi Professoris

primi;

*Id est,*

## De Ortu; totius Vitæ Curriculum;

### Scriptis & Morte ejusdem Narratio

brevis,

*Ab Amico conjunctissimo contexta.*

**C**Latorum virorum facta moresque literis mandare uti  
antiquitus, sic & nostris temporibus usitatum, non so-  
lum ad gratiam eorumdem recolendam memoriam, sed et-  
iam ad studium similium virtutum in animis aliorum exci-  
tandum. Habet enim acres in animis excelsis ad virtutem  
stimulos eorum, qui cum laude vixerunt, per exemplum;  
quasi per speculum vivum atque ardens, propositum accen-  
sa æmulatio. Mihi vero UBBONIS EMMII ortum to-  
tiusque vitæ curriculum, atque ex his terris excessum me-  
morabilem pro conjunctissimæ necessitudinis nostræ jurē  
narraturo verbis utendum, nec fucatis nec multis; cum  
& ea sint viri hujus in Ecclesiam, Remp. Scholæ merita ut  
C  
bra-

orationis lenocinium minimè affectent, & ipſus eruditis ſuis ſcriptis aliorum famam cum ſua jamdudum longè lateque diffuderit, atque adeo ad ſeros uſque poſteros tranſmiſerit.

Natus eſt igitur EMMIUS anno æræ Chriſtianæ vulgariſ M D XLV II. pridie Nicolai, id eſt, ipſis Nonis Decembris, in vico Friſiæ Orientalis haud ignobili, cui nomen GRETHA; ubi arx egregii operis præfecturæ totius caput, ſedes & antiquiſſima hæreditas Sireſeniæ domus, quæ Comitibus edidit, tum portus commodiſſimus, & huic ſubſervienſ rara ſoli felicitas. *Hoc mihi ſolum natale eſt* (inquit ſcript. *o max. xplns*) *in quo & lucem primum vidi & educatus ſum: ubi & pater meus & avus paternus, & proavus, & avia gr. Friſ. quoque paterna, & avia pater, & patris mei avunculus eo- Orient. dem metum nomine & cognomine dictus, nati fuere omnes pag. 48. inter ſuos honorati, & poſſeſſiones ſoli ibidem tenentes. Pater ei fuit EMMODIKEN, Eccleſiæ Jeſu Chriſti ibidem per annos complures ſidus miniſter, vir & eruditione & vitâ Theologus, M. Lutheri & Phil. Melancthonis quondam diſcipulus, obdoctrinam, pietatem ſingularem morumque modetiſtiam carus imprimis ac familiaris Johanni à Laſco Polono, viro maximo, omnium Eccleſiarum toto agro iſto ſparſarum tum temporis Ephoro. Avum paternum habuit Dikonem Mettium, Remeti F. agricolam, fortunâ ut in illo ordine ſatis lautâ, curando aquarum clauſtro apud Grethanos præfectum, annis & auctoritatē gravem, qui cum bello Geldrico arce iſtius loci, ad quam occupandam Geldri properabant, fraude infidi præfecti Alberti Bacomoni excedere & clauſtro providere, ne quid id detrimenti caperet, juſſus eſſet, re probe conſecta, cum jam pedem referre coepiſſet, ad genua uſque toto corpore armis fulgens, ab hoſtibus circumſuſus, & ne quicquam fortiter defendere ſe conatus, in manuſ eorum pervenit, è quibus non parvo auri pondere pro modo rerum ſuarum redimere ſe coactus fuit. Cui ſi in arce remanere licuiſſet, haud leve momentum, ut tum quidem vulgo credebatur, ob gratiam & auctoritatē, quam inter ſuos habebat, tardandis Alberti conſiliis, qui arcem hoſtibus peſſimâ fide tradidit, adſerre potuiſſet. Patris avunculus UBBO EMMIUS, J. U. D. huic noſtro nominis auctor, juri dicundo in arce Orihanâ præfuit, cum ad eam Henricus Senior Brunſuicenſis caſu planè memorabili, tam illuſtris opibus & gloriâ princeps, ingloriâ & imbelli manu ado-*

adolescentis XVI. annorum occubuit. Nec minus hono- *In desc.*  
 ratum ei genus maternum. Mater enim Elisa patrem habuit *Fris. o-*  
 Egberdum Tjardam civitatis Nordanae per annos triginta *rient.*  
 continuos consulem, qui mores hominum multorum norat *p. 23.*  
 & urbes. *Hinc mihi maternum genus* ) ait Emmius de Nor. *In desc.*  
 dà locutus ) *hic avus, proavi, abavique sedes habuere.* Pa- *Fris. o-*  
 triam & originem paulò accuratius in historia descrip- *rient.*  
 liaque sua posteris reliquit, ob sinistram quorundam asse- *p. 151.*  
 ctum, quibus quasi sudes in oculis erat ingenua viri in di- *& aib*  
 cendo scribendoque libertas; praesentim quoties de jure li- *passim.*  
 bertateque Frisiorum móta esset controversia. Coégit  
 quoque hoc facere cum adversariorum iniquitas, qui cum  
 fabulas suas ad eo temni ac refelli indignis ferrent animis,  
 eum convitiis conspuere & boni nominis ejus famam lacera-  
 re voluerunt, eum *purissimam* esse, hostem patriae, ignarum  
 ignotumque sibi, & cujus conditionis sit clamitantes. Qui-  
 bus ille responsum hoc debuit, *Me quod attinet, sum origi-* *de Orig.*  
*ne & patriâ Frisius non minus quàm hi, qui me flagellant, si* *& an-*  
*modò hujusmodi hi sunt, honestâ domo utrâque natus, hone-* *riqu.*  
*stâ quoque in re, in literis voluntate ac sumptu meorum, sine* *Fris. p.*  
*onere aliorum, honestè domi forisque educatus, idque cum* *3. & 4.*  
*diminutione hereditatis meae. Adversariis meis affectu in-*  
*communem patriam & gentem nostram non concedo; sed af-*  
*ectum veritati in historiâ vim facere non patior, intraque*  
*terminos me contineo. Verum tradere tuerique ante omnia*  
*laboro: & hunc laborem difficilem Frisus meis impendo gra-*  
*tis, solo patriâ ac veritatis studio ductus, & hoc inter negotia*  
*assidua cum valetudinis jacturâ praesto.*

In puero statim indolis & ingenii præstantia eluxit;  
 ideoque piâ ac fidâ parentum curâ domi maturè Dei timore,  
 bonis moribus, literarum primis initiis imbutus, anno a ta-  
 tis nono à patre Emdam ad scholam literariam deductus  
 fuit, hâsitque in ea annos ferè IX. Deposito illic primo  
 studiorum tyrociniò, cum flueret annus M. D. LXV. mis-  
 sus est Bremam, ob famam ac celebritatem magni illius  
 Grammatici & Scholæ Rectoris Joannis Molani, è cujus  
 exactâ disciplinâ multi præclari & eximie docti viri prodie-  
 re. Inde in patriam reversus, non mox properavit ad Aca-  
 demias more juvenum nostrævi, in quos quadrat vetus hoc  
 dictum, Canis festinans cœcos parit catulos, sed aliquan-  
 diu in Scholâ Nordana renascenti substitit, præceptionibus  
 usus Joanne Floriano, & Doct. Nicolao Saschero, viris do-

cussimis. Ibi tum ille & exercendi stylum scribendique  
 rationem suo exemplo fuscitare, & studio industriaque sin-  
 gulari cum sibi favorem caritatemque superiorum concilia-  
 re, tum animos æqualium ad bonas literas majore assiduita-  
 te & diligentia colendas impellere; idque non sine emolu-  
 mento studiorum suorum insigni. Quemadmodum enim  
 purpurarii pannos suos ahenis decoquunt ac subigunt, ut  
 purpuræ recipiendæ reddantur idonei, facturi alioqui colo-  
 ris præstantissimi & laboris jacturam: ita adolescentium in-  
 genia in classibus sub disciplina subigenda esse ipso rerum  
 usu edocti non sine ratione sapientes, semper judicarunt.  
 Nisi enim ritè preparata fuerint, & solidioris eruditionis fun-  
 damenta rectè jecerint, antequam ad Academias ablegan-  
 tur, quidquid superstruxerint, corruet, certè nunquam in  
 viros magnos evadent. Quod cum probè intelligeret vir  
 prudentissimus pater Emmii, filium suum Academias adire  
 noluit, antequam ingressus esset annum vitæ XXIII. per  
 annos XIV. in Scholis optimè exercitatus ac confirmatus,  
 cum jam posset semet regere contra insidiosas seducantium  
 illecebras egregiè firmus, & ea solidioris doctrinæ funda-  
 menta jecisset, ut uberius profectus gratiâ laudatissimas A-  
 cademias cum fructu adire posse judicaretur. Anno igitur  
 Christi M D LXX. è patriâ ad pleniorum ingenii cultum  
 & quasi mercatum doctrinæ uberiores rectâ Rostochium  
 pertexit. Erat verò tum temporis præ cæteris Germaniæ  
 Academiis celebris Rostochiana ob clarissimorum in eâ do-  
 centium virorum copiam, inter quos eminebant duo viri  
 magni, David Chytræus, & Henricus Brucæus, ille Theolo-  
 gus & Historicus celeberrimus, hic verò Medicus ac Mathe-  
 maticus præstantissimus. Utrumque docentem assiduè  
 audiebat, utrumque crebrò dein in ore habebat; priorem  
 ab insigni in dicendo facundiâ, & multiplici historiarum  
 cognitione, alterum à docendi dexteritate jocos facetiisque  
 conditâ commendans. Heic dum se penitus sacris mûsa-  
 rum studiis dedit, in morbum incidit gravissimum ac prope-  
 modum lethalem, quo corpusculum fractis viribus conta-  
 bescebat, medicis morbi speciem non dignoscentibus, qui  
 intus diu latitans tandem se prodidit externis indiciis. Mor-  
 buserat Frisii & accolis maris Balthici *πριζαρίδι*, vulgo di-  
 ctus Schorbutus, reddebatque ejus curationem difficiliorem  
 tempus brumale, in quod fortè inciderat, cum nulla suppe-  
 teret recentium herbarum copia & æger ad ver' usque super-  
 esse



esse non posset. Restituit tamen eum sanitati pristinae, per Dei gratiam, potus lactis caprilli, in quo decoctum erat semen sinapios & raphanus major. Hoc morbo periculoso defunctus DEO servatori suo hanc Oden Έπαιτιον cecinit:

Conditor humana gentis, Servator & idem,  
 O mihi praesidium dulce decusque DEVS:  
 Quis tua centenis miracula pangere linguis?  
 Quis benefacta sua pendere mente queat?  
 Tu facis ut valeant, modo qua languore jacebant  
 Obruta & exanimi membra soluta lue,  
 Quodque videbatur mediâ jam morte teneri,  
 Ecce nova corpus mobilitate viget,  
 Nam tua me in pœnam justam Lex justa trahebat,  
 Quam vitium & lapsus transfiliere mei.  
 Iamque suis ultrix aderat mors cinctâ flagellis,  
 Intentans Stygios effera saepe metus.  
 Ast tua me mediis subreptum faucibus Ora  
 Dextra tulit, tuto restituitque loco.  
 In te sperabam, teque in mea vota vocabam  
 Assiduè, cum me merferat ista lues.  
 Nunc agiles artus igitur saliantque valentque,  
 Qua prius exanimis pendè fuere malis.  
 Nec secus exultant, quam quando astate serenâ  
 Hinnulus ad liquidas ludere cœpit aquas.  
 Aut cum densa procax inter virgulta capella,  
 Aut tener in plenâ exsilit agnus agris,  
 Ergò tuum nomen semper, tua facta canentur,  
 Nec tua laus unquam cedit ab ore meo.  
 Tu spes una meis rebus, tuque anchora fesso  
 Solus es, & nostra iura salutis habes.  
 Solvant iusta DEO, reddant praconia Christo,  
 Quorquor ab illius nomine nomen habent.  
 Ille (novum dictu!) funestis excita lectis  
 Cœlesti subito corpora sanat ope,  
 Salve sola mea reparata causa salutis,  
 Salve iterum vita spesque salusque mea.

Factis sic satis fideliter Rostochii præcipuis studiorum fundamentis de adeundâ Galliâ cogitare cœpit; sed ecce tristissimus nuncius de morte patris cum in patriam ad matrem

viduam revocavit, labente jam anno tertio, ex quo è patria discesserat. Domum ad suos reversus fratres quatuor ac sororem incoerentes, ac imprimis mœrissimam matrem, cui tunc carus erat, multis pietatis officiis non parum refocillavit. Sed, quæ est rerum humanarum sors, hunc mœroris æstus vix ac ne vix quidem in animo matris non nihil residens casus excepit alius vere infelix, qui eandem & vehementer, & diu afflixit. Is sic habuit. Miserat pia mater ad sororem Henricam nuptam Buttoni Hinckenæ consuli Nordano tum agrotantem, filiam suam unicam Thelicam, puellam annos natam XIX. corporis & animi dotibus eximiam, quæ domum redituriens ac è portu Nordano solvens, navigio per navicularii incuriam everso, aquis suffocata est. Quam ad littus natantem cum forte fœmina infusa conspectam agnovisset, inconsiderate accurrens ad ædes viduæ, clamore sublato, ac si rem lætam nuntiaret, infauisto hoc ac improvido nuntio matrem sedentem cum filiis in prandio ad mensam ita percudit, ut ipsa animi deliquium passa concideret. Hinc dolor ille prior ex obitu mariti re-crudit, & luctus ingens casum hunc secutus Emmium apud matrem, quæ erat in eam pietate, in tertium usque annum retinuit. Quo dolore multa filii hujus consolatione & temporis longinquitate non nihil mitigato lenitoque, idem de-nuo è patria migravit Genevam Allobrogum petens, cum jam ætatis annum ageret XXVIII, quæ ætas comparandæ per peregrinationes prudentiæ, præterito juventutis lubrico, omnium aptissima est. Vidit in itinere non solum ea, quæ sponte sua se oculis ingerunt, Academiæ & urbes celeberrimas, Coloniam Agrippinam, Moguntiam, Wormaciam, Spiram Nemerum, Heidelbergam, Tubingam, Argentoratum, Basileam, Tigurum, Bernam, Lausannam, sed & viros in his doctrina & virtute claros salutavit, hominum ingenia, mores, instituta summa cum cura observavit didicitque, ea-que ratione penum scientiæ sibi fecit instructiorem. Genevam vero attraxit eum non solum studium addiscendæ linguæ Gallicæ, sed imprimis studium Veri in religione; & inclitum nomen Theodori Beza, à cujus ore totum biennium pependit auditor assiduus. Audivit quoque L. Danaum, Fr. Portum aliosque. & Simoni Guolattio viro optimo & clarissimo gratus fuit, quietiam ad extremos vitæ annos ei fuit amicus, & singularis benevolentiæ plenas literas frequenter misit. Habuit ibidem compares & studiorum so-

rios ac sibi familiares Hermannum Vultejum, Sibrandum  
 Lubbertum, Joannem Witten, Eberhardum Altingium,  
 Oniam Geldorpium Henrici F. quibus literæ & virtus post-  
 ea clarum nomen dedere. Vito etiam Lugduno, Roma-  
 norum quondam colonia à Plancio deducta, in patriam de-  
 nuo reversus, cum in reditu Basileæ aliquamdiu subsistisset,  
 ubi tum clarissimi viri docebant, propinquorum & amico-  
 rum gratulationibus exceptus, matrem amplexu sui tanto-  
 pere commovit, ut præ gaudio prorumpentibus lachrymis  
 sinum ipsa suum perfuderit. Nec diu nomen viri hujus la-  
 tere in patria potuit, nec diu quoque eodem otari libuit, quod  
 multi facere solent; sed mox Deo vocanti obsecutus, bono  
 publico iuservire, qui studiorum finis esse debet, voluit. Pro-  
 ponebantur id temporis ei duæ potissimum conditiones per-  
 honestæ, Ecclesiastica una, altera Scholastica. A priore,  
 ad quam animus ferebat, retraxit eum verecunda modestia,  
 quæ hæreditaria adeo naturæ ejus insita fuit, ut nimis pene  
 modeste de se sentiens in hominum cœtu fari vix auderet.  
 Et hæc ad extremum vitæ terminum fere ipsi adhæsit; fuit-  
 que hoc ei commune cum viris quibusdam vere eximiis, de  
 quibus idem dici potest, quod D. Hieronymus de suo Nepo-  
 tiano scribit: *Eruditionis gloriam famamque declinando, eru-  
 ditissimus habebatur.* Scilicet ut recta ingenia debilitat ve-  
 recundia, ita prava confirmat audacia. Elegit igitur vitæ  
 genus Scholasticum, molestum ac laboriosum, oblatamque  
 Scholæ apud NORDANOS Recturam anno M D LXXIX.  
 sub festum Paschatos iniens, juventutem bonas artes & pie-  
 tatem docere, seminariumq; Ecclesiæ & Reip. fideliter exer-  
 cere occæpit. Biennio in hoc stadio prope exacto, cum  
 jam difficilia ea, quæ in initiis omnium fere bonarum rerum  
 occurrere solent, superasset, de matrimonio cogitans, non  
 fuit in amoribus nimium festinus aut fervens, sed actiones  
 suas omnes ratione regebat. Erat apud Nordanos puella  
 bono genere nata, THEDA, Tiabberii F. cum hac conjugii  
 sponsonem initiit pridie natalis Christi anni M D LXXX.  
 nuptiasque celebravit mense Aprili anni sequentis. Verum  
 ut moderatior fuit amor ante nuptias, ita ferventius exarsit  
 in matrimonio. Theda enim ista vere tædas in pectore ma-  
 riti adeo luculentas flammæq; tenaces accendit, ut ad extre-  
 mum vitæ terminum in animo ejus earum recordatio hæse-  
 rit. Sed ut nihil stabile est in rebus hominū, sic & in hoc con-

jugio extrema gaudii luctus occupavit. Nam & funus fratris, funusque matris Emmii non longè secuta sunt, & quod tam valido mutui castique amoris nexu vinctum erat matrimonium inter novos conjuges mors acerba citò diremit. De eo sic ait ipse: Anno Christi M D LXXXIII. die XVI. Octobris post tertiam pomeridianam Theda conjux mea, vera amoris inter nos mutui tada, affectus & morum conjugaliura perfectum exemplar vitæque sociæ, prorsus ad genium meum à naturâ facta, optima, jucundissima, officiosissima, incomparabilis, Norda, ubi tum pestis populariter grassabatur, secundo parturiens, in labore partus una cum fœtu suffocata, incredibili meo cum dolore inter manus & lachrymas suarum expiravit, cum vixisset in hoc seculo annos XXIII. menses IV. ferè, mecumque in conjugio æquætas egisset annos duos, menses VII. dies VII. Elata est die XVIII. Octobris, & in ambitu cella interioris templi Nordani in sepulchris majorum condita. Ejus memoria monumentum arcum è regione sepulchri columna à me affixum, cui præter reliquum præcipuum in prædior, hi versus quoque in marginibus impressi sunt:

Hic sita perpetuis videor cessisse tenebris

THEDA, sed æterno lumine viva fruor,

Quæque humana semel putor hæc liquisse, mariti

Hic tamen in mœsto pectore vivo mei.

#### Aliud Επικύδιον,

Lux mihi tu, tu sola calor mea THEDA fuisti,

Dum vixit vita blandula flamma tua.

Nunc tua cum vita flamma est extincta, repente

Occidit una animi luxque calorque mei.

Inque vicem me frigus habet, tristesque tenebra,

Quæque premunt pulso nubila mœsta die;

Interiit mentisque vigor, cordaque voluptas,

Factaque sunt animo dulcia amara meo.

Scriptit hæc inter alia multa in recentis doloris æstu, Superstes ei ex hac conjuge fuit Emmo filius primogenitus, qui Anno ætatis XIX obiit Groningæ, patrique ob placidos mores, & optimam fructus ingenii spem magnum sui desiderium cum dolore reliquit. Mansit vero in hoc toro viduo verè subtristis viduus in annum usque tertium. Tum hor:

hortatu & amicorum & propinquorum frequenti impulsus ad alterum conjugium transiit, ducta in uxorem MARGARETHA a BERGEN civis Emdani viri optimi filia, virgine annos natâ XIX. Nuptiis finitis cum novâ nuptâ ad intermissa studia & labores solitos, quos non perire sibi, sed per DEI benedictionem fructus ferre valde uberâ cum voluptate videbat, Nordam lætus rediit. Sed tantam Nordaë Scholæ felicitatē livor & violentia heterodoxorum tandem turbavit. Cum enim Scholam istam frequentia discipulorum augeri cernerent Zelotæ quidam Lutherano nomine se jactantes, nec ullâ ratione adduci posset Emmius, ut sententiam de religione mutaret, metuentes ne clarissima lux hæc ipsorum officeret luminibus, id effectum dedere, ut ipsi denuntiaretur, deinceps ut à munere suo abstineret ob confessionem doctrinæ. Accidit hoc anno MDLXXVII, mense Septembri. Mansit tamen per hyemem Nordaë in ædibus solitis, sed sine functione, sine stipendio; fortique animo hoc suum damnum tulit. Inde LERAM in eadem patria à populo istius loci, volente id Comite Johanne, ad eandem functionem vocatus, id brevi singulari in docendo industria & dexteritate cum collegis, assistente divina gratia, affectus est, ut Schola literaria illic non infrequens nec incelebris esset, cæteras certè omnes istius regionis inter Amasum & Visurgim superans. Nordaë vero, postquam in ea confessioni veritatis in doctrina sacra locus amplius non esset, & Ecclesia Lutherano nomine gaudentibus cessit, fortuna paulatim decrevit, nec reduci postea potuit, quamvis omnia in eum finem, tentata sint, & luci restituendæ faculæ accensæ. Apud Leranos dum vivit, & quam nactus erat Spartam exornat egregie, facile amorem ac favorem multorum, quibus innotuit, cum in patria, tum extra eam, in se vertit. Sed non sine numine cœlesti, præter cæteras animi dotes insignes, imprimis studium Veri, ob quod loco priore cedere coactus fuerat, familiaritatem ei ac amicitiam non vulgarem multis cum Civibus Groninganis, qui ob similem veritatis professionem à patria extorres Leræ sedes suas fixerant, conciliavit. Inter hos primi erant tres virigenis nobilitate, virtute & eruditione eximii, Regnerus Alberda consularis, in exilio vita functus, & duo natura & amore vere fratres, Fredericus & Abel Coenderi. Hac quippe ratione ei via ad hanc urbem nostram quasi strata fuit, ut postea eventus docuit. Reducta namque ad Societatem

Ordinum federatorum Belgii GRONINGA, cum passim exules in patriam redituri, Ampliss. Senatus inclita hujus urbis ad Scholæ suæ clarissimæ, sed per belli tumultu collapsæ instaurationem ac gubernationem, statim consentiente omnium voluntate, UBBONEM EMMIUN vocavit, ac Rectorem toti literariæ Reipublicæ docentiumque Ephorum præsidere voluit, facta ei potestate una cum Scholarchis collegas pro arbitrio suo arrogandi & abrogandi. Eò igitur tanquam ad majorem boni publici proventum concedens anno Christi M D X C I V. natus annos XLVII. collegis sibi adscitis viris piis & eruditis, quantum cujusque locus ac conditio requirebat. Scholæ resurgenti ordinem convenientem dedit, ejusdemque synopsis legesque typis excusas publicavit. In hoc munere, cum undequaque discendum ad hanc Scholam concursus fieret magnus, collegarum quoque numerus auctus, & par studium ei responderet, magno cum honore & fructu per annos XX. fere, hoc est, ad Academiæ nostræ initia heic perstitit, vereque ostendit quis quantusque vir esset, ingenio & eruditione multiplici excellens, labore etiam inter occupationes & varias & assiduas indefessus, Orthodoxæ religionis & adstrictioris disciplinæ amantissimus, pietate in DEUM nulli secundus, & quæ ab ea non deflectit, prudentia multum pollens. Prudentiam dico, quæ à pietate non recedit. Aversabatur enim eorum hominum pravam indolem, quibus pietas ludus est, ac vitiorum velamentum, quibus commodum Reipublicæ commodo Ecclesiæ, prudentia politica sincera pietate politica potior est. Ingenium ei sincerum & candidum, atque ideo subdolos & aliud præ se ferentes dicentesque, aliud pectore clausum habentes, detestabatur. Candore vero sic utebatur, ut non minus cautum quam candidum se esse re ipsa ostenderet, fidens quidem, sed evidens. Secreta ac momentosa non facile cuiquam revelabat. Judicium, quibuscumque de rebus consuleretur, tam purum & exactum, ut rarissime aberrasse meminerim, qui consilium ipsius esset secutus. Collegarum suorum amans, & concordia cum iis servanda perquam studiosus, ut in omnes fere, sic in eos præcipue æquus. Gerardo Buningio Scholæ Conrectori ob ejusce pietatem, doctrinam & singularem industriam plurimum tribuebat. Disciplinæ suæ alumnos, si officium, si diligentiam, si solertiam probarent, amore & favore singulari complectebatur, eorumque com-

moda quacunque poterat ratione promovebat. Vita erat gravis, adstricti rectique moris, frugi sobria, casta, ab omni levitate & lascivia abhorrens. Nec tamen natura eum fecerat aut tristem aut horridum, quamvis paucissimi esset somni, laboris vero multiplicis; sed erat in eo contritas & affabilitas prorsus suavis. Patriam non minus, quam fortunas suas privatas, caram habebat; ideoque ut rebus ejus adversis vehementer dolebat, sic secundis ex animo lætabatur. Laborantem ac afflictam consilio atque opera sua, præsertim ab Ordinib; ejusdem ad hoc rogatus & amicissime invitatus, juvare ac sublevare studebat quam maxime. Rem literariam quaestui habere turpe ducebat, sua sorte contentus procul omni studio pecuniæ, ambitione, vanitate, invidia vitam agebat, Sibilos & clamores calumniarum contemnens, & adversus quorundam minas imperterritus, ab optimo proposito se abducere aut in recto cursu turbari non sinebat, optimam se optimæ voluntatis conscientia cum bonorum approbatione conjuncta sustentans. In communi periculo cum fere trepidare valui, etiam post acceptam aliquam cladem, animo erat nequaquam abjecto; & parum Reipub. ab hoste externo metuebat, ad interna vero ejus mala quoties oculos vertebat, ex imo pectore ingemiscebat. Nihil temere agere, cogitandi & omnia diligentissime expendendi in eo cura erat summa. Itaque in sua inquirere ipse semper, & retexendo meliora efficere multum laborabat. Temporis rei scilicet prætiostissimæ, accuratissimam rationem semper habebat, ne minimam quidem ejus particulam sine ducta linea trans mittebat. Inter docendum utebatur voce articulata, clara canora. Has animi dotes, hos mores, hæc studia viri eximii, postquam & exteris innotuere, mirum quam multorum quoque benevolentia fuerit subsecuta. Certe præter alios, Dordrechtii, Leoardienses his excitati, ad similem apud se functionem, Emdani vero ad aliud vitæ genus capessendum, amplissimis propositis præmiis eum invitarunt. Sed ille, gratis quibus debebat actis, non suum lucellum, sed Reip. literaria commodum semper quaerens, Groningæ, quoad DEO visum, manere, quam alio transferri maluit, & quod aliis in simili casu occinere solebat, ipse ad usum quoque suum revocavit dictum hoc vulgare:

*Si qua sede sedes, qua sit tibi comoda sedes,*

*Ista sede sede, nec ab illa sede recede.*

Videbat quippe Groningam, cujus curia totius Frisiae commune velut tablinum videri potest, & studiis suis historicis, & Musis sedem esse longe commodissimam: videbat quoque labores suos ibidem nec ingratos nec infrugiferos esse. Ubi rerum testimonia adsunt, non opus esse verbis sapientes dixere. Qui Frisiae hujus nostrae res novit, ignorare non potest, quam plurimos viros pietate, virtute ac doctrina excellentes, ex Schola Ubbonis Emmii prodisse, Theologos, Jurisconsultos, Politicos. Vixere jam multi, vivunt plures hodie, qui sub disciplina hujus adoleverunt, & non in hac solum, sed & in vicinis Frisiae partibus, & extra eas alibi, Ecclesiae Reip. Scholisque vel dudum praestitere, vel adhuc praestant operam & utilissimam & felicissimam, Consenuit igitur in hac palæstra, atque adeo annos XXXV. (qui fuit flos ætatis) in pulvere isto & alibi & hic trivit, vir, si recte censuit magnus ille Thuanus, meliore orio dignus. Dignum quoque eodem censuere illustres hujus provinciae Ordines, cum, egregiis ejusce virtutibus abunde compertis, cum non solum in illustribus hujus Academiae initiis ad Historiarum & Græcæ linguæ professionem, sed etiam ad primam illius Recturam capessendam provexere. Quid vero in utraque hac provincia ille? maxima sane cum laude utramque administravit. Latinitate namque donatis Academiae hujus legibus & præclaris & æquissimis, ut literatam juventutem justitia, æquitate ac prudentia sua singulari in officio continuit; sic aures etiam animosque eorum eruditissimis suis lectionibus, magnaue diligentia imbuit atque instruxit; donec grandior ætas per invaletudinem laterumque imbecillitatem eum à publico revocavit. Hanc tamen jacturam alio modo cumulatissimè refarcivit. Nam & lectionum intermissarum dispendium privatis suis & indefessis operibus, de quibus mox dicemus, ita ample redemit, ut gratam æternamque nominis sui memoriam compararit: & suam à Senatu Academico absentiam prudentissimis ac saluberrimis consiliis in rebus gravioribus benignè rependit, suosque collegas aliosque invisentes sanis mellitisque suis sermonibus ita detinuit, ut doctiores lætioresque sapenumero dimiserit. Et quia cum senio ut prudentia, sic & auctoritas ejus crescebat, quum in consiliis dandis plurimum polleret, in maximis tam publicis quam privatorum negotiis frequentissimè consulebatur, consultoresque consilio juvabat prudenti, rebus ipsorum convenienti. Unde factum,



it maximam apud suos sibi parant auctoritatem, cum inter-  
 eos haberetur quasi commune in rebus dubiis oraculum.  
 Ad amicos literas scribebat familiares frequentissime, vix ul-  
 us ut dies ei abiret, quo non hoc officii genere defungeretur,  
 & sæpe complures eodē die exarabat ad diversos, perinde ac si  
 hoc agerettantum, & à negotiis cæteris feriretetur. Amicitias  
 vero colebat constantissime domi forisque. Ex iis, quos  
 Groningæ arctius complectebatur, neminem extra domum  
 quam amabat magis & observantia colebat, quam Frideri-  
 cum & Abelem Coenderos fratres, viros genere nobilissimos,  
 & virtute ac dignitate in hac Rep. maximos; Eggencum  
 Eggæum Phœbens Hovetmannum & Scholarcham rara  
 pietate, candore & integritate vitæ insignem; & clarissimos  
 viros rerumque Belgicarum peritissimos, Eberhardum Rei-  
 lanum III. Comiti Guilhelmo Ludovico à Consilijs, & Pan-  
 traticum Castricomium civitatis Syndicum. Cum his o-  
 mnia communia habere, summa familiaritate conjungi, u-  
 num fere & idem velle. Emdæ intime amabat Mensonem  
 Altingium, Theologum summum, atque omnium optime  
 de Ecclesia Emdana meritum. Quocum Genève domum  
 reversus statim initia contraxit amicitiae, quæ brevi tempo-  
 re, cum genii inter se congruerent, in tantum adolevit, ut ni-  
 hil illis toto reliquo tempore esset conjunctius, adeo qui-  
 dem, ut nulla vel minima nubecula intervenerit unquam,  
 quæ faciem amoris mutui inter eos vel ad brevissimum horæ  
 momentum redderet obscuriorem. Cum hoc & in patria  
 degens & Groningæ commorans habuit eodem affectus,  
 eadem desideria & consilia. In hujus sinum si quid ægri-  
 moniæ aliunde hausisset effundere solebat. Eaque inter  
 ipsos erant mutua. Atque hinc literarum inter eos missi-  
 rationes prope quotidianæ, quibus sensus suos alter alteri as-  
 siduo communicabat. Ab hoc intima & incorrupta, nec us-  
 quam mutans amicitia ei constabat cum clarissimo viro, do-  
 ctrina, virtute & fide singulari D. Johanne Althufio Syndi-  
 co, & cum Samuele Wingenio Sepatore integerrimo, & cum  
 affine Herone Bojin; ad quos sæpius literas dabat, & ab iis  
 dem accipiebat. Peracta quoque & vetus necessitudo ei  
 intercessit cum magni nominis Theologo Doct. Sibrando  
 Lubberto, quæ Genève primum inita, dein per annos  
 XLVIII. circiter sine vitio continuata ad ultimum Lubberti  
 vitæ diem perduravit. Huic jure merito accenso amplissi-  
 mos viros Gellium Hillama & Joannem Saeckema, binos su-  
 prem

premi Senatus Frisici ocellos. Sola certe locorum distantia obstitit non affectus amorque, quo minus Emmius eos, & hi Emmium totum *χρὸν καὶ χρῶμα* non possederint. Scio ego quanti se mutuo semper fecerint, & testantur id amicissimæ frequenter missæ literæ. Quin etiam ab eo tempore, quo sedes suas Groningæ habuit, per annos XXVI. affectum illustrissimi principis **GUILIELMI LUDOVICI** Comitis Nassoviæ, Gubernatoris nostri quondam laudatissimæ memoriæ, tam benevolum ac benignum semper sensit Emmius, ut humilioris suæ conditionis sibi conscius in ruborem saepe daretur. Nam viri hujus cordatum ingenium, Nestoremque in consiliis dandis prudentiam saepe expertus heros inclytus, eum ad se accersere, benigne habere, per fidos domesticos, per literas in maximis negotiis consulere, & a mente ejus haud temere recedere in more positum habebat. Inter disciplinæ suæ alumnos ob sincera & aperta ingenia, doctrinam, pietatem, mores incorruptos præcipue diligebat plurimique faciebat. Bernardum Theodorum Agnæum, Ecclesiæ hujus nostræ pastorem p. m. Everhardum Everdes Reip. Emdanæ consulem, Rembertum Husmannum, Henricum Eppium Jurisconsultos, Henricum Altingium M. F. Theologiæ Doctorem & Professore eximium; nec non viros & natalium splendore & publicis honoribus claros, Gosvvinum Schaferum in confesso illustrium Ordinum Generalium Assessorem, Bartholdum Wicheringium, Joannem Huninga, Henricum Schonenborch Reip. hujus Consules: quibus comes addatur Joachimus Borgesius Scholæ Groninganz moderator. Hosce inquam, suos olim discipulos, ut præ cæteris amavit, ita ab iisdem reciproca ratione ut communis quidam parens & diligebatur & summo in honore cultuque perpetuo habebatur. Cum collegis Professoribus integra atque illibata ipsi intercessit concordia, atque amor mutuus. Præcipue vero amare visus est magnique facere celeberrimi nominis Theologum D. Franciscum Gomarum, & virum è Scotia nobilem Guilielmum Mackdovellum J. U. D. & præstantissimi ingenii Philosophum. Extra Frisiam cum viris summis animorum conjunctio ipsi fuit, imprimis cum Joanne Wittio Transilulanæ quæstore & vetus & peracta, tum cum magno Thuano, I. Doufa, cum illustri Abrahamo L. B. à Dhona, cum Davide Chytrao, Herm.

Vulsero, Christophoro Pezelio, Urbano Pierio, Jer. Balingio, Jano Grutero, Petro Scriverio, Antonio Thylio, atque aliis non paucis: quibus omnibus ut charus erat ob singulares dotes animi & eruditionem, ita ipse eos vicissim amore sincero & cultu prosequabatur. Cum igitur nihil sit appetentius similibus sui, nihil rapacius quam natura, & hinc bonis inter bonos quasi necessaria benevolentia sit, quid mirum, si & multos & magni nominis viros, in sui amorem & benevolentiam excitaverint tam illustres in Emmio virtus & eruditio, quæ Sole clarius in scriptis ejusdem elucent? Hæc vero scripta, præsertim ea, quæ lucem jam vident, hic silentio quasi præterite, nec fas satis, nec commodum quis existimarit. Nos tamen nihil de his dicemus, quæ adversus disputationes Danielis Hofmanni in re Theologica edidit, nihil quoque de illis, quibus & vitam & sacra Eleusinia Davidis Georgii, qui monstra pudendorum errorum aut furorum veterum a se recocta mundo denuo propinavit, ex libris ejus mysticis etuta in lucem protraxit apertam. Commendant hæc sine dubio viri pietatem & asserendæ veritatis ac gloriæ Dei ardens studium. Sed dotes ingenii & vis ignea in historia scribenda maxime effulserunt. In eo enim scriptiois genere ingenium habuit plane subactum. Nam in omni omnium populorum ac gentium historia versatissimus, de cujusque gentis ac cujuslibet temporis historia rogatus ex tempore disserchat, recitatis omnibus locorum, temporis, & personarum circumstantiis, haud secus ac si præmeditatus & paratus accederet ad historias istas exponendas. Quod mihi imprimis probe cognitum. Quotiescumque enim eum colloqui causa invisebam (invisi autem creberrime vicibus vicinum rogatus aut *αὐτόματῳ*.) si forte ipsum offenderem longa lectione aut scriptione defatigatum, languentem ac subtristiore, mota qualicumque quæstione historica aut chronologica, mox excitabatur quasi in suam arenam deductus animus, prolixoque ac lato sermone rem totam ab ovo, quod ajunt, reprensens enarrabat, explicabat. Nec erat superficialia hæc cognitio, quæ multis contigit, sed quæ paucis, exacta, solida, ad interiora penetrans atque descendens. Notissimas habebat in veteri & nova historia non solum res gestas, earumque causas & eventus, cujusque populi *πολιτείας*, sed

&amp; ut

& urbes arcesque à formâ, situ, magnitudine, simulque vias publicas, fluvios, montium tractus, geniumque loci principum ingenia, mores, cupiditates, ambitus, artesque quibus ad honores grassati, quibus propinquitatibus subnixi quo sanguine creti. Cum igitur tot tantisque instructus esset subsidii, ingeniique dotibus, quæ in optimo historiarum scriptore requiruntur, coepit de rebus quoque patriæ suæ, hoc est, gentis Frisiorum cogitare, quæ orbi hactenus incognita partim in archivis, partim in monumentis variis patriâ lingua scriptis latitabant. Quod ut faceret, quanquam res facilis non esset, & ad id tempus usque, quo eam occcepit, nulli tentata, minimeque in otio vivere fortuna ei largiretur, tamen patriæ charitas, & rei ipsius honestas ipsum impulerunt. Indignum enim putabat latere ea, quæ memoria essent dignissima, & quæ recte & vere cognita non possent non toti genti Frisicæ haud parvo honori esse. Semel vero stadium hoc ingressus, quanquam multa essent, quæ abstergere potuissent, tamen obfirmata mente perrexit, nec ante à coepto desistendum sibi putavit, quam ad metam pervenisset. Pervenit vero tanta dexteritate fideque, ut lectorem sano judicio præditum vere in admirationem sui rapiat. In rerum narrationibus & orationum textura crederes esse Livium redivivum; in gnomis politicis arcanisque principum consiliis rimandis esse alterum Tacitum. Denique ita scripsit, ut in ipsius historiam probe quadret præconium hoc apud Rod. Agricolam: *Rerum, ait, ad actiones moresque nostros pertinentium ratio ab hac historia petenda est. Quoniam is & bene facta laudando, & quæ contra sint vituperando, non decet solum, sed, quod efficacissimum est, exemplis propositis, quæ rectè secutæve fiant, velut in speculo ostendit.* Judicium meum, scio, elevare poterit apud nonnullos cum amor erga amicum, tum mea ipsius in rebus æstimandis tenuitas. Intercessit mihi, fateor *εὐχόμενος*, cum Emmio amicitia ultra annos XXII; amicitia, inquam, non vulgaris, sed quæ nostros inter se ætiosos ita devinxerat nexu adamantino, ut vix per paucos dies alter alterius consortio ac colloquio careere posset. Nec amor iste inter nos stetit, sed quod Plinius de se & suo Cornuto scribit: *Unâ delegimus, unâ dileximus* ferè quos ætas nostra æmulandos tulit.

Liber igitur heic producere gravissimorum ac integerrimorum virorum de Emmio & scriptis ejus judicia amplissima,

ma. Audiatur eruditorum nostri seculi Phoenix, magnus ille JOS. SCALIGER: *Quam jucunda, inquit, mihi fuerint priores litera tua, testari possunt ii, qui unquam àderant, quum ea mihi redderentur. Nam quanti & probitatem tuam & doctrinam semper fecerim; non solum ego mihi conscius sum, sed & illi, qui me de ea narrantem sapissime audiverunt, quæ virtus tua & meritum à me expressit. Certe, si nihil aliud, saltem divina historia tua Frisca hoc à me exigebat, quam ego iudico non solum iis, qui similem scribere volent, conatum, sed & iis, qui jam scripserunt, laudem præripuisse, &c.* Scripta fuit hæc Epist. anno M DC VIII. XII. Kal. Septemb. ut & aliorum aliquot sequentes, antequam postrema historiæ editio priore limatior; auctiorque in lucem prodisset. Audiatur & JAC. AUG. THUANUS summi Senatus in Galliâ, dum viveret, præses, & historiæ sui temporis scriptor celeberrimus: Is sic scribit ad Emmium:

*Quod ad binas, quas à te, vir doctiss. cum elegantissimo Frisia Orientalis typo accepi, hætenus non responderi n, nolim superbia aut negligentia tribuas. Ab altero quippè, qui me norunt, summè alienum sciunt; ab alio me occupationes continuæ facile excusabunt; præsertim apud te, quem & summâ animi equitate esse perspexi; & tanto candore, qui in scriptis tuis elucet, ut minimè dubitem, quin quot alius fortasse requireret, in me non sis desideraturus. Cum his mitto exemplar primæ historiæ nostrarum partis, cujus publicatione vix dici potest, quantam in aulâ nostrâ invidiam sustinui. Adeo difficile est, scisso jam à multo tempore factionibus regno, ita modum in scribendo tenere, ut non laudando ab his adulatoris, reprehendo ab illis obrectatoris suspicionem incurrai. Et tamèn testari possum Deum & homines, me nihil in toto hoc opera gratia aut odio dedisse, easque duas veritatis pestes summo pore semper vitavisse. Eandem tibi pugnam fuisse video cum Originum Friscarum ineptis assertoribus, mihi æquè ridiculis, ac ii, qui Anteneres, Helenos, Francos, Marcomicos, Clodomiros, & huiusmodi vanitatis novitia monstrosa nomina Francicis antiquitatibus affingunt, quos à te semel explosos ut generosè deinceps contemnas, si me audis, tibi auctor sum, potiusque in pertexendâ illâ Friscâ telâ ad hanc usque ætatem, ut polliceris, atque adeo ad Groningam receptam allabores. Quod si facies, omnem Belgicam historiam nostri ævi maximè omnium memorabi-*

lem complecteris: Ad eum annum, hoc est, M DXCIIII. nostra perduximus. optavimusque sapius, ut quod moliris iam editum esset, antequam qua de Belgicis scripsimus, te longè secuti & vestigia semper adorantes scripsissemus. Nam citra assentationem dicam, quare enim apud te? nihil similis tuis scriptis post BYCHANANVM in eo genere me legere meministi, seu fides, prudentia, ac ingenua libertas, siue orationis elegans simplicitas, ac perspicua brevitatis spectetur; ut mihi remeritis mea pudeat, poeniteatque, qui ab his omnibus imparatus tantum opus supra vires aggressus sim, & infestiores longè nec scriptis disceptandas animorum contentiones non sine vita discrimine contra me excitaverim. Quippe illi, quibuscum mihi res est, quidquid verè & liberè dicitur, in suam contumeliam dictum interpretantur, praesertim à me, quem Reip. ratione muneris addictum tempori servire, hoc est, eorum flagitia dissimulare, quod in rep. administrandis temperamentum afferre debuisse sibi persuadent, homines praeposterà prudentià, & iniquissimà mente, qui quo longius à privato absum, tanto acerbius in me feruntur, quasi dignitas & purpura, & non veritas potius historia fidem conciliaret. Tandem meo periculo sensi, magnatum odium veritatis asserta mercedem esse. Sed quid pluribus te detineo? Tu vide & cense. Vicem meam, scio, misereberis, & te exemplo meo solaberis. Vale doctissime VBBO, & me virtutis ingeniique tui precipuum admiratorem ac cultorem redamare perge, & cum otium erit diligenter rescribe. Lutetia Parisiorum. Kal. Septemb. M DC IIII.

Idem in Epist. alia scripta IV. Kal. Quintil. anno M DC XII. inter alia sic ait: Itaque postremis illis tuis, quamquam omnia tua mihi summè grata sunt, non tam latatum sum quam iactura priorum dolui, gratissimamque longe rem mihi feceris, si earum exemplum, si quod habes, ad me quamprimum mittas. Nam non is sum, qui mea ita amore caeci mei probem, ut non plura amicis, quam mihi in iis corrigendis permittenda censeam; praesertim tibi, cujus & singularem in me humanitatem expertus sum, & facilem in scribendo elegantiam cum acerrimò iudicio & Veri amore conjunctam non desino tua cottidie legendo admirari. Itaque te iterum rogo, hanc amico à te suppliciter flagitanti gratiam ne negaveris, tibi que sic persuadeas, nullas occupationes, quanquam gravissimis undique indies premor, impedimento fore, quod  
minu

minus sedulo ad tuas rescribam, &c. Et Epist. scripta anno MDCXV. VIII. Kal. Martii. *Novi candorem tuum & fidem, quam ubique si me admonitione tua non indignum iudicaveris, sequi certus sum. Frisica tua an sis persecuturus, & quousque sis persecuturus scire audeo. Huic nihil simile secundum SCOTICA BVCHANANI nostras aras, meo quidem iudicio, vidit, &c.*

Adde hisejusdem Thuani aliud elogium & quidem publicum Lib. hist. CXIX pag. 771. sub finem: *Huic, dicit, comes addetur Suffridus Petreus Leoardia in Frisia natus, qui cum Lovanii in pueritia literis Græcis naviter operam dedisset, veterum Græcorum scriptis in Latinum vertendis animum & applicuit, & postea à Frisia Ordinibus in viratus, origines, colonias, nobilitatem, libertatem, iura gentis sue illustranda suscepit; in quibus altius repetendis dum admisit fabularum figmentis nimium stylo indulget, multorum reprehensiones incurrit; ut VBBONI EMMIO, qui eam provinciam summa fide ac admiranda simplicitate postea executus est, potius lampada tradidisse, quam ei inscribenda patria historia praluxisse videatur.*

Horum vero maximorum virorum testimoniis, in quibus ut iudicium acerrimum, ita nulla omnino adulandi causa fuit, quippe in laudationibus minimè omnium faciles fuisse, quid præclarior? quid illustrius?

*Contenti AVGVSTO vos miratore THVANO*

*Vivite; majus enim quid dare Fata queant?*

de libris Emmii sui locutus Epiphonemate hoc claudit extemporalem sed eruditissimam epistolam suam ad Libbonem, inter alia clarorum virorum Epigrammata Historiæ Frisicæ præfixam, nobilissimus JANUS DOUSA pater, Academiæ Leidensis Curator laudatissimus. Idem in laudes nostri quasi luxurians, epist. aliam prolixam ita auspiciatur, scriptam anno MDCIII. *Litera tua cum reipsa, tum vero amoris erga nos ac benevolentia notis insignes, gratissima mihi fuere: quas quidem binas diversis temporibus accepi, multo urbanitatis aspersas sale: in quibus admirabilem illam in historia veritate propugnanda EMMIANI studii constantiam evidentissime perspexi, &c.* Sic vero terminat: *Vale mi Emmi, historicorum secus nostri (nolite veli: invidia) unico magis unice citra controversiam Phœnix, graculosque istos ac spinturnices (quod facis) fortiter*

fac contemnas; in quo omine, mi ocelle, desino. Iterum vale, & nos amare perge mutuum facturos. Ego te in oculis fero, ingenii ac doctrina tua admirator & cultor precipuum perpetuusque, J. Doula.

Idem iudicium suum de Emmii scriptis publice sic professus est lib. 1. Annal. Holl. pag 75. Ideoque, inquit, nec in Frisiorum gestis recensendis lectoris otio abutemur; supervacaneum existimantes ea iterare, qua ab VBBONE EMMIO legitimo Frisia sua historico fidelissimè perscripta sunt. Cujus ea in patria sua antiquitatibus investigandis curiositas, ea religio fuit, ut (meo quidem animo) parum seu potius nihil aliorum industria reliquum fecisse videatur.

Eximium rei literariæ decus, JANUS GRUTERUS, vir multæ lectionis, atque omnium optime de tot scriptoribus Romanis & imprimis de M. Tullio meritis, Thuano & Doulae carissimus, hic quoque suum momentosum ferat suffragium, Ep. scripta anno M DC VI. Septemb. XVIII. Mi Domine (inquit ad Ubbonem scribens) habes secundam partem historia optima, quam transmisit auctor Praeses THVANVS, qui priores tuas ad se non recepit. Fac quaso nunc saltem intelligat ipse gratam fuisse & voluntatem ejus & aestimium de te, cui es inter historicos princeps. Ego jure merito diligo & aestimo virtutes tuas & doctrinas supra seculum suum rectas & erectas. Pergere te in historico illo campo feliciter, votum meum est, & petitio unica, &c. Et Epist. scripta M DC XII. Jan. XXIV. Vir & amice eximie, non sine gaudio vidi manum tuam semper alioquin mihi optatissimam, & tanto magis adpressi ori ac pectori, quam magis ibi agnosceremus vivam Gratiarum, vivam Humanitatis tantum non Appellais expressam imaginem. Ego te quidem dudum, uti fecerat etiam THVANVS, habui pro historica seculi hujus sine controversia principe; sed nunc prater ea haberi cogor amicorum item primarium, &c. Idem alibi Epist. scripta M DC XVI. Apr. XXVI. Interim firmiter amo, observo, quos iudicio certo mihi applicui; inter quos te carum Minerva & Conso caput, jure merito habeo agnoscoque principem. Juvenes, qui senibus substituuntur, vanitate seculi sui instantur, nihilque resipiunt solidi. Eaque propter te inter probos doctosque aestimo vero pretio, hoc est, singularem; cuique in historia nihil est hodie prius, nihil secundum. Si licet,



licet, velim & nomen meum comparere juxta DOVSAM nostrum, ac breviculo Epigrammate testabor, animis nos fuisse cognatos. Serius quidem id Epigramma advenit, post impressam editionem historię Frisicę posteriorem, ideoque inter cętera non exstat. Est vero dignum maxime quod cognoscat posteritas, sic habens:

In Historiam FRISIÆ  
UBB. EMMII V. CI.

Quisque hodie historia numeros impleſſe putatur,  
Qui de re quavis dicere plura potest,  
Qui ve adeo fumos aut ſomnia vendere doctus,  
Stemmata cujuſvis continuare queat;  
Fabellasque gravi jacere ac miracula pompa,  
Qua pueri expaveant, ſæmineumque genus.  
Paucis culta Fides, paucis reverentia Veri eſt,  
Nemo at Mnemoſynem demeruiſſe ſiſit;  
Mnemoſynem, monimenta ſuis qua ſola recepat  
Illa tholis, Vanum inde exulat, inde Noctum.  
Non tulit id Phœbus, prolesque novena Moneta,  
Corque tibi thyſſo terque quaterque ferit,  
VBBO EMMI, hinc Friſica ſurgunt geſta omnia gentis,  
Piſta Minerva ſuo qua velit eſſe peplo.  
Quæque Cupidinea aurato mucrone ſagitta  
In tabulis ſcribat Gratia terna cedri:  
Moxque Honor ac Virtus templo deponat avito,  
Heic aras ubi habet Anna Perenna ſuas.  
Quotidie quibus Hora roſas, quibus Hebe amaranthos  
Sufficit; at neſtar Ambroſiamque Venus,  
Maſte EMMI, hac curâ, maſte hoc opere VBBO! perennis  
Historia tu Dux, tu coryphaeus eris.  
Quamque tibi magis Invidia atque Inſcitia dentes  
Oſtendunt, annos hoc magis ipſe feres:  
Perque omnem Europam veſtus fama allice pennâ,  
Excipiere hominum dulce Deûmque decus.

Idem cum Grutero ſuo ſentit erudiſſimus P. SCRIVE-  
RIUS Batavus, cum ſic Epiſtolam ſuam orditur:

Esse quid hoc dicam? tibi debita fama negatur,  
 VBBO? tibi, patria quem voco iure patrem?  
 Nam sine te (verum testior) vir magne fuisset,  
 De Frisiis vanum iam legeretur opus.  
 Iam Suffridais premerentur nostra chimaris  
 Pulpita: jam non sis omnia plena forent.  
 ita verò, explosis fabulatoribus, eandem claudit:  
 Sed queis iudicium, queis est mens sana, pudorque,  
 Lectores libris det DEUS VBBO tuis.  
 Qui pretium faciant, cedroque & murice donent:  
 Abstineat scabras cetera turba manus.  
 Ante focum pueris veterum deliria nutrit  
 Narret, & Occonem garrula laudet anus.  
 Te gravis aeterna commendet voce THVANVS.  
 Noster & ingenti GROTIVS ore legat.  
 Me quæque mirantem generosi fulmina Veri  
 Devinclum sancto pignore poctus habe.

Maximi ingenii & eruditionis singularis DANIELIS HEIN-  
 SII verba hæc sunt ad Ubbonem Emmium: Cum in tam  
 eximio volumine & aeterno opere, quo patriam & universum  
 Frisiorum nomen, candore admirabili, summa industria, sin-  
 gulari facundia, quamdiu ullum in terris eruditioni erit  
 pretium, tibi obligasti, &c.

DAVID CHYTRÆUS. *πολύτῳ* ille ad eundem  
 scribens sic ait: Clarissime & optime vir, amice colende, acce-  
 pi tandem diu desideratam rerum Friscarum historiam tuam  
 singulari & exquisito iudicio, & prudenti rerum delectu &  
 illustri orationis diserta ac perspicua copia elaboratam, &  
 chorographiâ totius Frisia accurata eruditissime ornatam.  
 Pro munere, quod dedisti, reverenter tibi gratiam habeo, &  
 posteris, qui hæc recentiora legent, gratulor, &c. die Magda-  
 lena anno MDXCVI.

Idem alibi: Ego quidem publico literarum & Reip, no-  
 mine gratias tibi officiose ago, quod hunc laborem, non patria  
 solum tua, & toti vicinia, ac tibi ipsi, honorificum ac saluta-  
 rem, sed omnibus etiam bonis & doctis in cunctis gentibus gra-  
 tissimum suscepisti & constanter urges: & DEUM, ut vires  
 animi & corporis ad ea, qua instituisti, perficienda tibi tri-  
 buat, ardentibus votis precor. Pro historia tua Frisca o-  
 mnibus elegantia numeris perfecta, remitto rudem & nudam  
 rerum

*rerum proximo sexennio in hoc Arælo orbe actarum annotationem, &c.*

Adjungo his, quæ Vir Clarissimus PIERIUS WINSHEMIUS de Ubbonis Emmii scriptis ad ampliss. curia Frisicæ Senatorem inter alia sic scribit: *Quod ad EMMIUM attinet, is etsi divina sua scripta ad quorundam in gente nostra palatum non temperavit, accedendum tamen in hoc est omnium literatorum iudicis, ne privatis affectibus metiamur gloriam tam sublimium monumentorum. Ut turpe sit, illi viro, cui quasi totus orbis in scenam prodeunti adsurgit, nos solos iniquiores esse, ac illud nomen temerare, quod & sanctum cunctis gentibus est, & consecravit se æternitati. Pauci enim dies, quibus à Cl. Heinsio accepi magni illius AVG. THVANI de Emmio testimonium, quod tale erat, ut vel hujus videndi causa Belgium salutaret, ac coram, quem admodum appellat, intueretur hoc natura miraculum. Mitto quid uterque DOVSA fecerit. Tantum abest posse virum tam illustrem trahere in despectum, & illius odium tuto nobis concitare, qui in animis hominum ære perennius monumentum reliquit. Ejus enim ut magna admiratio, ita censura difficilis. &c.*

Absoluta historiæ Frisicæ ante per partes editæ, jam vero in unum corpus collectæ iterata editione, mox ad alterius operis operosam editionem idem se accinxit. Jampridem enim moliebatur divinum illud opus Chronologicum, nova forma nec ulli hætenus usurpata conceptum, in quo illustriores omnium historiarum eventus in sua tempora digesti inter se comparantur, haud minore labore quam industria. Ad hoc opus elaborandum non sufficit sola historiarum omnium gentium exacta cognitio, sed una requiritur rei Astronomicæ haud levis peritia, ad temporum epochas, annorumque formas dissimillimas connectendas, controversias & difficultates Chronologicas decidendas, amovendasque. A quibus subsidiis quanquam esset instructissimus, ut & labori & tempori parceret, libuit ei haud raro uti mea opera subsidaria, in eclipsium aliorumque celestium motuum calculo; mihi que una cum Scaligero author fuit ad Tabulas Frisicas, quas affectas habebam, perficiundas, ac in publicum edendas. Quarum ope tollitur omnis in calculo syzygiarum Solis & Lunæ, eclipsiumque labor & operosa molestia. Beneficio igitur filii hujus Ariadnes, hoc est, Astronomiæ, cum se ex temporum labyrinthis ex-

placuisse, superatis etiam aliis magnis molestiis, quæ inter excudendum occurrebant, opus Chronologicum emisit omnibus suis numeris absolutum, singulari dexteritate passim connectens historias sacras cum profanis, Ecclesiasticas cum politicis, adjecta etiam Imperiorum serie ac Genealogiis succinctis præcipuorum Regum ac Principum; maximo certe rei literariæ & imprimis cognitionis historiciæ commodo atque emolumento. De hoc opere sic judicat Jurisconsultorum, qui nunc in Germania vivunt, facile princeps, **HERMANNUS VULTEJUS**: *Ago vero tibi ingentes gratias pro insigni munere Commentarii rerum Chronologicarum, quo me superiore panegyri Francofurtensi donatum voluisti. Appendicem, de qua me nunc & nuper monuisti, avidissime expecto, ut hoc gaudium mihi sit perfectum. Legi nonnulla, ex quibus operis totius præstantiam colligere mihi non fuit difficile; lecturus totum ubi appendix accesserit. Sed fateor ingenuè, mi VBBO, hæc supra captum meum sunt; ita accurate & exacte constituisti omnia, ut etiam istarum rerum peritis arbitrer aquam haurire posse, &c. Marburgi 1620. April. 5.*

De eodem scribit Vir Clarissimus **JOANNES KIRCHMANNUS** Philologus insignis, olim in Academia Rostochiensis Professor, nunc Scholæ Lubecensis Rector, ad quendam patricium Hamburgensem in hanc sententiam: *Cum verò in historiarum lectione parum feliciter quis versetur absque Chronologia face, non possum quin tibi commendem Chronologiam VBBONIS EMMII ante annum primum editam, qui mihi omnium industriam videtur superare in assignandis temporibus omnium regnorum, quæ ab orbis condito floruerunt, & adhuc florent, & quidem in libro peculiari, quem Chronologia premisit.* Sincera hæc ac planè industria sunt de præclaris eximii hujus viri monumentis judicia: sed hæc ille indefesso suo atque invicto ad Remp. literariam juvandam labore illustriora reddidit, ut res ipsa demonstrat. Nam non longo post tempore opusculum aliud edidit, in quo complexus est summatim illustriissimi Herois **GVILHELMI LUDOVICI** Comitis Nassovii pridem Gubernatoris nostri genus, vitam & res præcipuas domi militariæque præclare gestas, non hujus solum, sed sequentis etiam ævi cognitione & memoria dignissimas; & hæc duo simul assecutus est; Effigiem scilicet optimi, sapientissimi, prudentissimi, fortissimi principis exhibet; &

maximas plurimasque res in Belgio pro libertate foederatorum contra Hispanos feliciter gestas perspicua brevitate constrinxit, ut compendium hoc pro Breviario quodam aut *quodam* eorum, quæ in his regionibus ab anno M DLXXVII, ad annum M DCXIV, acciderunt, lectoribus esse possit.

Jamque æquissimum amicis videbatur, virum gravem annis, qui jam tres vitæ aureos, ut Martialis verbo utar, compleverat, curis & laboribus assiduis fractum, à scriptione multa porro abstinere, quiescere, respirare laborumque anteaactorum memoria frui. Sed ille laboribus castrensibus Musarum induratus quieti se tradere nequaquam voluit, ostenditque placere sibi id, quod à forti principe usurpatum legitur; *Imperatorem etiam stantem mori oportere*. Itaque quamvis annos quatuor pluresve corporis valetudo non permetteret ipsum uti publico, ut ante quoque diximus, mens tamen sana ac vegeta ad extremum vitæ terminum sibi constans, otium detrectans tertium meditata fuit opus rei literariæ utilissimum, præsertim viris ad Reip. clavum sedentibus, aut principum consilia regentibus gratissimum. In hoc & accuratam descriptionem chorographicam regionum & insularum à Græcis quondam habitatarum, & medullam historiæ Græcæ ex Herodoto, Thucydide, Xenophonte, Diodoro Siculo, aliis, contextam, & diversos Rerum pub. status, quibus diversi populi ac civitates in ea gente usæ sunt, repræsentat. Interea dum hi fructus suavissimi mellitissimique ex longa, multiplici, studiosa historiarum veterum lectione decerpti Lugduni Batavorum typis excuduntur, aliquamdiu contra certum typographi promissum hærent, rursus sub prælo sudant, rursusque hærent, author parensque eorum paulo octogenario minor, à corpore languidus, ab animo pro ætate validus, vulnus accepit gravissimum ex obitu Egberti filii sui junioris, juvenis optimi, magnæque expectationis, quem mors immatura in Gallia apud Aurelianos abripuit anno M DCXXX. Huic plagæ postremæ animus ejus, qui suorum ex hac vita excessus & alia fortunæ adversæ incommoda hætenus fortissime tulerat, par ægre esse potuit. Ad levandum dolorem suum inter alia hoc ipse filio Epitaphium scripsit:

D. O. M. S.

Memoriæ

Carissimi filii sui

EGBERTI EMMI;

*Invenio optimi, modestissimi, suorum, quibus obsequium debebat, observantissimi, & ad eorundem voluntatem sequendam paratissimi, tua pietate singulari in DEVM, probitate in homines eximii, vita apprimè frugi, sobria, casta, literarum bonarum & Iurisprudencia Studiofi; nati Groninga Fris. anno æra Christiana MDXCVI, die Novemb. Jul. XXVI. profecti hinc in Galliam ante eundem MDCXXIV, mense Iun. atq; ibi apud Aurelianos, procul à suis, evocant Christo Salvatore, ex hac vita subducti anno proximo, an. XXV. Julii Jul. exeunte, cum vixisset in hoc mundo annos XXVIII, menses VIII. fere, relicto suis ingenti sui desiderio; parens mœstissimus*

UBBO EMMIUS

*ad levandum dolorem suum hoc Epitaphium typis excudi ac vulgari curavit.*

Superata tamen utrumque doloris æmulum, ad consuetos legendi scribendique labores rediit, & cum res gestas Philippi Macedonis Alexandri Magni patris, quomodo scilicet per artes versutissimi hujus principis libertas Græcorum oppugnata conciderit, in commodum Reipublicæ, Belgicæ præsertim, exponere studet, & ad annum XV. Regni Philippi pervenisset, sensit clementissimam DEI manum ex hujus vitæ statione se placide evocantis. Placide inquam. Morbus enim ipsumprehendit omnis doloris expertus, interioris pulmonis recessus occupans, corpusculique virium residuum ita sensim atterens, ut in Musæum suum per gradus ascendere non valuerit. Dies igitur plus minus XL. cum libris juxta focum sessitans, amicorum invisentium colloquiis & alloquiis vacavit, multaue de Rep. de patria afflicta, de mundi hujus vanitate, de desiderio suo abundi ad Salvatorem Christum disseruit, animo mirifice patienti, sereno, confirmato, absque ulla doloris metusv significatione; certus tamen de morbi eventu: mequeomen istud averfantem vehementer obtestatus est, ut sepo-

sit

ita omni dissimulatione medicis familiari, verum aperte licetern. Officio igitur amici potius quam medici functus, assensu ægro (non sine lachrymis) imminere summum itæ diem, præter Hippocratem, adducto etiam hoc Ovidii, Pont. Eleg. 4. testimonio:

*Non est in medico semper relevetur ut ager,  
Interdum docta plus valet arte malum.  
Cernu ut è molli sanguis pulmone remissus.  
Ad Stygias certo limite ducat aquas?*

Hos cum audisset versus memoriæ suæ labilitatem admiratus, evestigio poposcit codicem, voluitque eisdem ibi denuo è libro per me recitari, & pro officio gratias egit nimio plane tranquillo & sedato. Unum hoc ei molestum rat, quod sensim imminui sibi sentiret sermocinandum micis facultatem, obsessis à morbo pulmonibus, ac tantem ipsis faucibus in consensum attractis, tacitus tamen audebat præsentium mutuis inter se colloquiis, ad quæ interdum poscentè re respondebat, sed paucis ut plurimum, ingravescenti morbo accessere vigilæ ferè perpetuæ, ei uidem sanitatis tempore minime insolentes, sed hoc tempore non parum infestæ. Nam quamvis cerebrum torrida omniferaque exhalatione satis superq; irrigaretur, somnum amen inire verabat pectoris angustia respirandique difficultas, quo nihil in morbo gravius dari potest. Quamobrem ipsis corporis destitutus in lectulo sese continere coactus ut circiter diem XXXVI. à morbi principio Postridie, hoc est, quinto Decemb. Jul. die sibi natali, iussit familiam juxta lectum cœnare, vultuque ad hilaritatem composito venit nimium indulgere luctui ob suam ex hac miseriarum alle ad cœlestia gaudia migrationem, sed voluit magis animo esse bono, Deoque gratias agere, quod singulari ejus beneficio tam diu sua ipsis frui præsentia, præsidioque uti icuisset. Se nunc peracta absolutaque bona militia ad Dominum vocantem abire non resitantem, aut tergiversantem, sed alacrem & promptum tendere ad meliora æternamque quietem. Die sequenti chartam & calamum poposcit, neque lecto erecto corpore sedens de editione Veteris Græciæ hæc, quæ sequuntur, in chartam coniecit, eandemque illo asservendam studiose commendavit: Typographus, duo



„ duo gravia peccata commisit , prius in forma , alterum  
 „ tempore. Cum de forma majore in folio contra certu  
 „ promissum me dejecit , excussit mihi è manibus indige  
 „ bundo chartas chorographicas non sine tædio & labo  
 „ diligente à me delineatas , accommodatas formæ illi n  
 „ jori ; cujusmodi tabulas chorographicas lectores sine  
 „ bio in editione sunt desideraturi. Dilatione operis, re  
 „ ciendo semper in posterius multum studii mihi ademi  
 „ præsertim post cognitum obitum filii mei Egberti. Co  
 „ stitueram luculentam præfationem operi præmittere ja  
 „ dudum præmeditatam , & in ea Græca vetusta cum  
 „ stris recentibus domi militiaque comparare , vitia cum  
 „ tiis , virtutes cum virtutibus conferre ; effecta ac even  
 „ ex his secuta ponere ob oculos ; aliaque hujusmodi ad  
 „ cere. Quæ nunc ob incidentem repente infirmitate  
 „ meam maximam abeunt in nihilum. Conjeci hæc  
 „ chartam summa pectoris angustia & respirationis  
 „ cultate laborans , & quasi cum suffocatione agoniza  
 „ totoque corpore valde debilis , ipso die S. Nicolai , post  
 „ Nonarum Decemb. anni M DCXXV. cum quibus  
 „ nis , quæ mihi natales sunt , finii annum ætatis me  
 „ LXXVIII. & inchoavi LXXIX. vitæ hujus jam satur  
 „ meliorem desiderans , emigraturiens ad Servatorem me  
 „ unicum CHRISTUM. Quod vitæ superfuit biduum  
 „ precibus piisque meditationibus impendit , animique pie  
 „ tem ac constantiam admiranda suavitate ac prudentia præ  
 „ fectus astantes amicos , & imprimis mœstissimam conjugem  
 „ liberosque binos præsentibus hæc ferme verbis , sermonem  
 „ terciso , affatur : DEUS longum mihi in terris diem  
 „ largitus : vespera jam ingruit. Diem autem illum me  
 „ diocriter laboribus impendi , quos omnino pro virili  
 „ clesie Christi & charissimæ patriæ bono sustinui. Huj  
 „ rei mihi probe sum conscius , ac testis mihi DEUS. &  
 „ tur sum vitæ hujus. In DEI voluntate penitus acquies  
 „ esco. Cupio migrare & esse cum CHRISTO unico  
 „ vatore meo. Hæc vita mera molestia est , etiam quod  
 „ ea præstantissimum. Hoc autem præstantissimum  
 „ xi , si quid laboris perferrem , unde aliquid fructus & boni  
 „ ad alios proveniret. Vita viatoris quasi cursus ; at ille per  
 „ ratam in cælo requiem , qui bene currit , habet. Jam  
 „ iter ingredior. Nunc dimitte servum tuum Domine  
 „ præ



ace quia oculi mei viderunt salutem tuam. Salutem  
 iam exspecto o Jehova. Non potest, inquit Augusti  
 us, male mori, qui bene vixit. Laudabili igitur vitæ lau-  
 abilis finis ac coronis accessit. Noctæ ferè media, quæ præ-  
 essit nonum Decembris, mortis imminētis certamen po-  
 tremamque naturæ luctam sentiens, convocatam ad se fa-  
 miliam omnem jubet genua flectere, secumque, præeunte  
 erbis filio, à Deo exorare corporis sui dissolutionem & le-  
 vem & brevem. Quo factò, cum ipse capite totoque cor-  
 ore superiore inter precandum levato, sursum oculis ma-  
 nibusque sublatis, alta voce & quasi animo ovans, & spe  
 lenus fufas preces ingeminando illud *Amen, Amen* obfi-  
 nasset, gratiasque pro officio præstito egisset, & illud Si-  
 neonis, *Nunc dimitte servum tuum, Domine, in pace ite-*  
*aller,* paulo post suavissime obdormiscere cœpit, qualem  
 omnium inire solent ægri, cum nullam amplius morbi sen-  
 unt molestiam, ac in isto somno quieteque corporis pia  
 la sanctaque anima ad DOMINUM suum æternamque  
 quietem migravit placidissime, adeo ut exitus illius non nisi  
 etlante respiratione ab astantibus, animadverti potuerit.  
 cecidit hoc circiter horam secundam à media nocte. Hoc  
 curriculum vitæ in his terris, hic finis viri præstantissimi  
 bit.

Vixit in hoc mundo annos septuaginta octo & dies  
 quasi quatuor. Vixit inquam, imo vivit. Nam illius et-  
 am nunc,

*Ante meos oculos tanquam presentis imago  
 Haret, & extinctum vivere fingit amor.  
 Flere jubet Pietas; nos flevimus: occidit cheu!  
 Sol Frisja, casta lumen & Historia:  
 Occidit: & largos lachrymarum funditis imbres  
 Pierides; torrens ex Helicone fluit.  
 At nos sancta Fides, cœlique immensa cupido  
 Nec lugere diu nec lachrymare sinunt.  
 Quando cunque vocent igitur nos fata, sequetur  
 Altera pars animæ latior, VBBO, mea.*

Fuit statura corporis plane iusta inter proceram brevemque  
 media. Attus illi satis compacti firmique, *ῥωμαῖος* verius  
 quam graciles aut macilenti. Caput decorum superne  
 crines

crines densi fereque tonfi tegebant. Facies postremis a  
 nis suppallefcens grato rubore suffufa; in qua frons la  
 atque exporrecta, oculi, animi indices, caſui, vivio  
 & acutum cernentes, prout res poſcebat, torvi blandi  
 ve. Totus denique vultus gravitatem præ ſe ferebat mul  
 ta humanitate temperatam. In Scholis cum verſaretur  
 vel ſola vultus hujus gravitate diſciplinæ ſuæ commiſſo  
 in officio continere ut plurimum valebat. Idem tamen  
 inter amicos honoratiorcs verecundè modeſtus, inter æ  
 quales vero aut inferiores blandiſſima comitate aſperſus vi  
 ſebatur. Idem quoque corpori mortuo tam pulcher ac  
 ſibi conſtans manſit, ut viventem videre te putares. Fu  
 nus ei factum die XIII. Decemb. honorificum, deducens  
 hoc, præter Academiæ cives, magna frequentia civium  
 & procerum civitatis: cui & intereſſe voluit ad teſtandum  
 dolorem ſuum illuſtriſſimus & fortiſſimus Heros ERNE  
 STUS CASIMIRUS, Comes Naſſoviæ, Friſiæ, Gron  
 ingæ, Omlandiæ, Drenthæque Gubernator. Condita  
 ſunt corporis exuviae in interiore parte templi Acade  
 mici juxta cariſſimos liberos, exſpectantes reſurrectio  
 nem ad vitam æternam. Conditorio ſaxum inſtratum,  
 cui hoc Epitaphium memoriæ cauſa inciſum:

IMMORTALI MEMORIÆ.

CLARISS. ET PIENTISS. SENIS.

UBBONIS EMMI,

FRISII GRETHANI:

PRIMI ACAD. GRONING. RECTORIS,

THEOLOGI SINCERI,

PHILOLOGI EXIMII,

HISTORICI ABSOLUTI,

VIRI PRUDENTIÆ SINGULARIS.

QVI PER OMNEM VITAM

SUA SORTÈ CONTENTUS,

LABORE INDEFESSO

DE ECCLESIA AC REPUB. PATRIA

QVAM OPTIME MERITUS;

VERE

EMMIANA.

VERE PIA DEMUM AC PLACIDISS.  
MORTE DEFUNCTUS  
HEIC CORPORE QUIESCIT.  
MARGARETHA A BERGEN  
VIDUA ET LIBERI SUPERSTITES  
MOERENTES

H. M. P.

VIXIT IN TERRIS AN. LXXVII. DIES IV.  
ABIIT IN COELOS AN. CHRISTIANO  
MDCXXV. DIE IX DECEMB. JUL.

*H. Alsing.*

Effigiem vero ejusdem ad vivum in tabula depictam amplissimus inclytæ hujus urbis Senatus honoris ergo in curia decreto publico ponendam curavit. Superstites reliquit conjugem Margaretham à Bergen, matronam lectissimam, ex eaque natos liberos binos, Wesselum Emmium, Ecclesiæ hujus Groninganae Pastorem pietatis, probitatis, modestiæ aliarumque paternarum virtutum ac eruditionis vivum exemplar, & Elisabetham Emmiam, Virginem indole moribusq; Emmanuæ familiæ convenientibus præditam. Hæc sunt, benigne Lector, quæ de Clarissimi atque optimi viri vita, scriptis & morte posteritatis memoriæ mandandis putavi. Boni consule, fave, vale.

EPICEDIUM

In obitum Celeberrimi Viri,  
UBBONIS EMMII.

Miletus veluti luxit præclara THALETEM,  
Urbs & Athenarum deslevit docta PLATONEM,  
Romaque mœsta fuit C I C E R O N I S funera plan-  
gens:

Sic Groninga tui UBBONIS nisi fata dolore  
Vero prosequeris, verè tibi dicere possum,  
Mente stupes tota, magnum tibi lumen ademptum  
est;

Cui Ciceronis erat calamus, mens docta Platonis,  
Et præsens semper prudentia viva Thaletis.

JOHANNES HUNINGA

Ab Oostvold.

SCRI-

MEMORIA  
SCRIPTA.

Responsio ad confutationem D. Danielis Hofmanni, quam  
contra Disputationes suas opposuit, *Herbornæ* 1591  
in 8.

Rerum Frisicarum Historiæ libri X. *Franek.* 1596. in 8.  
*Lugd. Batav.* 1599. in 4. Decas IV. *Arnhem*  
1604. in 8. *Amstelod.* 1604. in 8. Decas V. *Gronin-*  
*ga* 1607. in 8. Decas VI. *Lugd. Batav.* 1616. in 8.  
Decas VII. & ultima. *ibid.* 1617. in 8. & junctim.  
sive Descriptio Chorographiæ Frisiæ Orientalis. *ibid.*  
1616. in fol.

De agro Frisiæ, inter Amasum & Lavicam fl. deque Urbe  
Groninga, in eodem agro, & de jure utriusque Syn-  
tagma, cum Serie Magistratuum præcipuorum. *Gron.*  
1615. 1646. in 8.

Opus Chronologicum novum liberis V. distinctum, cum  
Canone Chronologico. *ibid.* 1619. in fol.

Guilielmus Ludovicus Comes Nassovius. *ibid.* in 4.

Genealogia Universalis Imperatorum, Regum, Principum,  
aliorum illustr. Virorum, à Diluvio ad nostra usque  
tempora diducta. *Lugd. Bat.* 1620. in fol.

Λόγος Ἐπιστάτης. Guilhelmi Ludovici, Comitis Nassovii.  
*Amsterod.* 1621. in 4.

Græcia Vetus, sive de Græcorum Rebus publicis. *Lugd.*  
*Batav.* 1625. in 8.



NEVHVSIANA.

VITA

CL. VIRI,

D. EDONIS  
NEUHUSI,

Gymnasiarchæ Leoverdiensis,

*Descripta per Epistolam*

*ab ejus Filio,*

REINERO NEVHVSI, Jcto &  
Gymnasii Alcinariani Rectore.

Magnifici, Prudentissimi Viri, PARENS meus etsi nunquam totus & æternum moriturus, hoc tamen manopere à me desiderari videmini, ut vivam Præceptoris veri imaginem Vobis & posteritati in literis consignem. Licens ac sponte facio, Viri Amplissimi, quod pro vestra inios manes benevolentia tam amicè à me deposcitis. Si lacet, & à publico sit otium, agite, & à primis incunabulis, d extremum usque Fati diem, universæ vitæ campum attentè mecum decurrite. Annus erat, post reparatam hominis salutem, M. D. LXXXI. 21. Octobr. quo Parens, eu! quondam meus, vitæ mortalis usuram hausit in illuri apud Westphalos civitate *Steinfurtensi*, quæ Gymnasii elebritate tunc temporis orbi terrarum notissima, nunc mitti Cæsariano præda ab hospitium. Sux autorem originis patrem habuit *Reinerum Neuhusum*, Virum de Reformata religione optime meritum, civem apud suos primarium, patrem *Saram Piccardinam*, egregia tunc gente & familia Aatronam. Annos circa natus novem, intra spatium fere menstruum, utroque parente orbatus. A quo tempore fratres pupilli multis jactati per orbem fati. Natu medius *Jannes*, qui postmodum Leoverdiæ apud Frisios vixit, ducta in matrimonium Filia Clarissimi Fullenii, in Hispaniam oblegabatur, ibi Mercurio fidem ac operam factururus. Natu minimus *Alexander*, Stockholmiam apud Suecos missus, illic

lic, postquam adolevit, in magna apud Regem gratia, ac  
 Centurio contra hostem gloriose obiit. Parens p.m. cæteris  
 ætate major, ab amicorum consilio ad varia destinatus;  
 nisi bono intervenisset Fato Vir Cl. *Otto Casmannus* ipsi  
 Avunculus, qui singulare in puero cognoscens ingenium,  
 solis literarum studiis deberi hunc dixit. In patria Scholæ  
 exacto fermè triennio, cum Avunculo suo *Stadam* commi-  
 grat, ubi Gymnasii Rectoria ipsi offerebatur. Hic totos no-  
 vem annos in gremio & deliciis hæsit magni Casmanni, tan-  
 quam ad Gamalielis pedes. Quo ductore Philosophiam,  
 Theologiam, cum reliqua literatura non perfunctoriè per-  
 tractavit. Inde in patriam reversus, institutione Clarissimi  
*Vorstii* & *Timpleri* gravioribus studiis non leviter tinctus.  
 Quibustam familiariter convixit, ut ab illis Filii loco duce-  
 retur. Si quando ardua & acris disputatio à vicinis Jesuitis,  
 ut solenne illic erat, offerebatur, ad illos de Summa religio-  
 nis disputaturus Monasterium mittebatur. Sed miserabi-  
 lem hoc exitum habuisset, nisi aliter Deus hoc malum rexis-  
 set. Subordinatus erat à Jesuitis, qui vim illi inferret in via.  
 Quod factum continuò, & grave vulnus crebro inflatum.  
 Letho proximus, si non aliquod in capite operimentum tel-  
 impetum retorsisset. Etiam res illa penè litem illi fecit à  
 pud nostros, quasi prorsus *Vorstianam* sectam amplectere-  
 tur, jurassetque in verba Magistri. Aliter hoc scripta in pu-  
 blico testantur, & ille pro orthodoxa Religione sumptus  
 manum calamus. Sic probè exercita juventute & ad glo-  
 riam vergente ætate, incogitanti atque ultrò studiorum  
 causa *Marpurgum* contendenti, anno MDCVII. xi. Junii  
 Rectoria offertur *Leoverdiensis*: de qua gente vix unquam  
 fando quicquam ad aures venerat. Moris tunc fuit terra  
 & maria pervestigare, ut tali provincia Vir dignus inven-  
 retur, secus quam nostra ætate, quando rudis aliquis, mo-  
 do barbæ & pallio nomen faciat, ad ferulam admoveatur.  
 An illam regere cum imperio & consilio possit, parum cu-  
 ræ & cordi est. Juvenis tamen, peneque imberbis, cum il-  
 lam Atlas molem susceperet, discipulos ætate, quam ipse  
 majores reperit; Collegas invidos ac obstinatos, quasi boni  
 illis prærepto. Paucis verò annis invidiam ac livorem se-  
 peravit, Virtute ac eruditione publicè testibus. De Reli-  
 gione, quia *Vorstii* olim discipulus, ne cui vacillet fides, An-  
 no MDCXIII. in laudatissima, quæ *Leoverdiæ* Frisiorum  
 Christo Domino colligitur, Ecclesia, *Presbyter* eligitur, Re-

verendi

verendis, Clariss. nostræ ætate Theologis, DD. Bogermanno, Fullenio, Hachtingo, illic V. D. Ministris. Ut in piissimo Parente pietas, ita assiduus ille in functione sua labor non parvam nobis gloriam apud Nostrates reliquit, cum nullus in Rep. ordo, nulla vitæ honorationis functio, quæ non ex fideli sua institutione Viros optimos ac Clarissimos proficteatur. In quo unico dum viveret, summum sibi deus ac solatium reposuit. Non miror in illa ætate ac statione infractum laborem, quando memini adhuc puer istam ad meas aures quotidie cantonem; quod sæpe ablatis clamichnis & lucernis in orbem ligare se solitus manibus pedibusque, ut præveniens mane auroram melius Musis liceret. Audi mea juvenitus, & imitare exemplum. Non minus, quam illud Cleanthis, qui noctem hauriendis aquis impendit, ut pretium suis Præceptoribus pro disciplina diurna perolveret. Sed magis in alio hæc laudem, quam in illo vitæ sanguinisque mei fonte. Divi Parentis nomen cum fama oras nunciret, illustris Resp. *Groningensis* illi Recturam ponte obtulit, Anno M DC XIX. cum magno suorum circum desiderio & expectatione, in Uxorem, in liberos, si satis vita interrupteretur, publicæ libertatis insigni facta promissione Manere Leoverdiæ Deo visum. Quæ de illius abitu, quemadmodum de Scholæ universæ interitu, licem penè faciebat vicinæ Civitati. Non minus illi in spem & liberos, si quando res postularet, & morari apud illos vellet sacrosanctè pollicita. D. Pater cum undique favorem hominum intueretur, publicam penè lamentationem de suo decessu audiret, tandem de assumenda vocatione destitit, motus tum singulari literatorum Civium in se affectu,

----- *jure perhorruit*

*Latè conspicuum tollere verticem.*

tum in suos æternum meritò mansura Amplissimi Senatus recordatione. Igitur in illustri Leoverdia, hoc quod brevis vitæ restaret, in statione sua decurrere, forti animo stetit sententia. Quam tamen adverso fatò vitam traxerit, nemo vestrum Cl. Viri, ignorat. Præter omnes sarcinas & molestias, quas illa professio ab integro viro requirit, totos viginti annos cum immanissimis calculi doloribus sic misereluctatus, ut vix diem ab illa carnificina liberum habuerit. Totas septimanas, vermis adinstat, humi repens, pervigiles & insomnes egit, quasi unus omnibus ærumnis par congestu.

Nihilominus in ærumnosa hac vita tam pertinacem meditationibus operam impendit, ut fracti corporis imbecillitatem ingenii illa intentione magna sæpe ex parte lenierit alevavit:

*Ad mala jam pridem non rude pectus habens.*

In primis à Poëtico spiritu, quando ad calculi incudem gravissimi torqueretur, minuendi doloris remedium sibi quaerivit, scilicet:

----- *grande doloris*  
*Ingenium, miserisque venit solertia rebus.*

Cujus generis hujusmodi multa observavi, extemporanea & ab ipso ejulantis ore ad lacrymas excepi.

Inter calculi torturam effusa,

*Si me peccati moles operosa fatigat,  
Attollit miserum gratia larga DEI.*

Aliud.

*CHRISTE mei miserere, mei miserere Iehova,  
Nec sine me cassas ferre sub astra preces.  
Nec sine me querulis frustra quaterere athera votis,  
Perpetuoque meas imbre rigare genas.  
Tunc tua magna meo referam praconia versu,  
Et solvam in laudes os animumque tuas.*

Aliud.

*Cum nihil humana superest opis, una salutis  
Spes in te residet Christe benigne mea,  
Affer opem, Servator opem fer, rebus in arctis,  
Et recrea auxilio languida membra tuo.*

Aliud.

*Tandem Chare Pater, post longi radia morbi,  
Chare Pater, medicam, tu pores, affer opem.  
Affer opem misero, fidam mihi porrige dextram,  
Carnificem à, lasso corpore pelle luem, &c.*

Sub illo Phalaride ac truci morborum jugo nata tamen præclara literarum volumina: Illud humani ingenii Theatrum: De Sacris Fatidicis libri duo: Triga artium Scholasticarum: quæ inter manus singula versantur:



*Qua nec Ventura silebunt*

*Lustra, nec ignota rapiet sub nube vetustas.*

Quædam adhuc domi in armario apud me asservantur, & si Deus volet, lucem propediem videbit, sub septem Regibus Romani Imperii Infantia, & Gymnasium Eloquentiæ, opus planè serium ac perpolitum. De cæteris cum animi, tum corporis dotibus, quas serio admirari in Parente nostro soletis, non ero prolixior. Vobis, Viri Clarissimi, æternum gratiæ debentur, quod ob veteris memoriam Magistri, tanta erga nos fide ac benevolentia sitis affecti, quod nuperrime, quando parens p. m. hoc vitæ carcere exivisset, cum meliore Reip. suffragio publicè testatum fecistis. Obstitit turpis ambitio, & pro triginta annorum admiranda sedulitate, cum viva voce, tum assiduus lucubrationibus, ne gutta bonæ gratiæ ad suos promanavit:

*Hoc est ad nostros non leve crimen avos.*

**Aut cum Poëta Græcodixerim :**

*Τὸ μὲν λάχοντο γίγας ἡμεῖς.*

Ac verè Cicero; Fortes & sapientes viros non tam præmia sequi solere rectè factorum, quàm ipsa rectè facta. Hoc in tristibus rebus unicum solatium, quod gloriari semper liceat de beata Cl. Parentis memoria: quam nulla dolebit vetustas, nulla hominum ingratorum obliterabit oblivio:

*Ergo, divæ Parens, carnis compage solutus,*

*Nunc cognata tibi sidera victor habes.*

*Nunc coram mirare DEum, magnique Tonantis*

*Vultus, Ora, Torum, Sceptra, Manumque vides.*

*Hic major terris, humanas despicias artes,*

*Et cui nunc pretium fada libido facit.*

*Non illic quereris, quos Calculus ingerat, ictus;*

*Aut labor afficiat sollicitudinibus.*

*Otia qua nuper Tibi Musa ingrata negavit,*

*Hac nunc in Cælis otia letus agis.*

*Cernis, ut humanis nulla est fiducia rebus,*

*Et vulgi instabilis gratia, fide Deo.*

*Fide Deo, quicumque voles te credere Fatis;*

*Alloquio CHRISTI, Cælicolumque frui.*

*Corporis exigui parva est jactura: perennes*

*Ingenii titulos, Fama decusque facit.*

*Sola Deum Virtus penetrat, metitur & astra;  
 Est ubi corporibus gratia nulla suis.  
 Sic, o diue Parens, quot Musis clara dedisse  
 Nomina, quam Frisio commoda multa solo:  
 Tot pro dote refers, CHRISTO ductore, Triumphos,  
 Semper ubi nullo fine Triumphus erit.*

## SCRIPTA.

**Princeps Agapetianus**, sive Commentario de officio Principis, vulgo Scheda regia dicta, quam Agapetus Magna Ecclesia Constantinopol. Diaconus ad Imper. Justinianum I. perscripsit, in LXXII. Aphorismos digesta, & metricis adstr. cit. numeris. *Frankfurti 1603. in 8.*

**Theatrum Ingenii humani**, sive de cognoscenda hominum indole & secretis animi moribus, libri duo. *Amstelod. 1633. 1648. 1664. in 12.*


**Fatidica sacra.** *ibid. 1635. in 8.*

**Triga Scholasticarum art. um.** sive idea Loquendi seu Grammaticæ, Dicendi seu Oratoricæ artis, & Differendi sive Dialecticæ. *Leovardia 1636. in 8.*

**Gymnasium Eloquentiæ**, sive Institutio studii Oratorii. *Amstelod. 1641. in 12.*

**Infantia Imperii Romani sub septem Regibus.** *ibid. 1657. in 12.*

**Novam quoque Grammaticam** edidit unâ cum Vibrando Revio & Petro Mollio, illustrium in Frisia Scholarum Rectoribus, &c.



## PROGRAMMA,

In funere

*Viri Amplissimi, Consultissimi atque  
Excellentissimi,*DN. CHRISTOPHORI  
NEANDRI,Jcti, Philosophi & Oratoris Celeberrimi in  
Alma Viadrina Philosophiæ Moralis Professoris Publici,  
Facult. Philosophicæ atque adeo Academiæ Uni-  
versæ Senioris longè meri-  
tissimi,

III. Idus Decemb. A. C. MDCXLI,

Ætatis LXXV. Profess. LIII,

placidissime defuncti,

Propositum

a

T. M.

**A** Pud quos Virtus & literæ in pretio, illis non unum stu-  
dii, aut testificandi grati animi indicium erga præclare  
meritos, quæ vivos ac videntes, quæ vita functos. Modò id  
proditum in addito. *Cognomine*, quemadmodum (ut erudito-  
rum Heroas tantum attingamus) Accius ALTI, Pacuvius  
DOCTI, Plato DIVINI, Atilius SAPIENTIS titulo con-  
decorati sunt: modò in *Proœdria*, cujus nostra experimen-  
tum ætate, apud illustres Batavos, in Josepho Scaligero, cui  
in theatro & Lyceo primam occupare sedem fuit integrum:  
modò in *Statuis* erectis, cujusmodi, non inaurata, sed aurea  
posita Gorgiæ Leontino, qui primus subitæ & fortuitæ Ora-  
tionis aperuit fontem à Græcis, Varroni à Romanis, & pa-  
trum memoria Erasmo à Roderodamensibus magnificè  
structæ: modò in *Funere*, vel ex publico, vel alias honori-  
ficentissimo ritu facto, quale Platoni, Zenoni, Bianti & a-  
liis, Attica Civitas, Chiloni Panegyris Olympica, Joanni  
Keplero, Astronomo, fama in altero orbe noto, Comitibus  
Ratisbonensibus, paucos ante annos, frequentarunt. Hodie  
Civitas Francofurtana, si Te Hospitium esse Musarum, co-  
rumque qui Musas colunt, probro non ducis, sed laudi, ho-

die, qui urbem incolitis Cives, sive oppidano gaudeatis foro, hodie vestrum est, geminum quidpiam meditari, & ne videantur ante laudandorum præmia desinere, quam merita de publica & solenni erga DN. CHRISTOPHORUM NEANDRUM, quem dum absque pompa titulorum introducimus, Accio non inferiorem, non indoctiorem esse Pacuvio, non Platoni ingenio, non Attilio sapientia cedere judicamus, animi significatione lubentis cogitare. Et initium sanè fecistis, dum vobiscum erat, non imus inficias, dum, non altum quidem, non doctum, non divinum non sapientem, sed (qui complexus est horum) MAGNUM usurpabatis: Pergite nunc post fata, ubi modestia ejus non reluctatur, honoræ Virum, & nomen ejus peplo Minervæ involvere. Quam jure, quam merito præstiteritis utrumque, tunc intelligetis, ubi hoc quicquid est pittaeni funerei, oculis non avertis, lustraveritis. Casu non raro obvenere cognomenta, quæ postmodum ab ipsa re sic constabilitata sunt, ut centuriatis decreta comitiis credantur: NEANDRO Nostro eo more, appellatio Magni in omnium ore, tum cum Virilem vix togam sumeres, nata, quam & ante indoles ejus præ sagivit, & deinceps ingenium, industria, judicium, prudentia, memoria, doctrina (non aberramus, si addiderimus) fortuna constanter adseruerunt. Indoles & ingenium hominum plerumque ita ut cælum, Athenæo teste, in NEANDRO nostro hæc pulchrè respondent. Bœotico cœlo longè ablimile existit *Silesium*. Illud præter Pindarum paucos dedit, quibus non mens suina; istud huic Academiæ (cæteras prætereo) *Gerstmannos, Pelargos, Benckendorffios, Palenios, VVencelios, Ebertos, VVeidneros*, & præter multos Scholæ ocellos, hunc quoque NEANDRUM præbuit. *Crosna*, urbe ad Viadriæ Boberæ confluentem sita, & de sese Ducatum integrum denominante, A. R. H. c. 15 LXVI. mense Octobri. Pater ipsi Vir integræ vitæ ac famæ, ex honesta atque necessaria vitæ tribu, quæ panifico panem liberaliter quaritat, *Christophorus Neuman*: Mater femina sui sexus ornamentis conspicua, *Barbara Remin, Bernhaldi Remen*, Civis & moribus & aurifabrilis arte inter Crosnates spectatissimi, ex Claro Remorum stemmate Augustæ Vindelicorum oriundi, filia. Non prosequimur longo Syrmate familiam, etsi suo loco non inhonoratam, dum non aliena, sed nostra sectamur: Genus utique a se exordiri, adeoque doctum per Natos, & qui nascantur

ab ipsis, propagare, quam à Codro accerfere maluit, ideoque intus pugnante indole, nomen quidem non mutavit, sed illud (ut amamus) ex vernaculo in doctum transtulit, eoque ipso majoris animi indicium fecit. Hoc in oculos cœpit incurrere, quando in ludum missus est, & quidem maturè, literarium, ubi ingenium ingeniis in cœtu comparatum, veluti purpura juxta purpuram, præ aliis emicuit, & magistrorum amorem juxtimque admirationem traxit, animadvertentium nequaquam fundum hic à se sterilem coli. Ex illis in Schola patria extiterunt *Dn. Elias Bartholdus*, Chori primo Moderator, post illa curiæ Senator, & *M. Ioannes Buchnerus*, Rector, tum etiam Pastor & Superintendens Forstensium in Lusatia. Ab his pietatis & bonarum fundamentis artium imbutum, acceperunt ætatis anno XVII. salutis clæ 15 LXXXIII. circa Martinalia, *Gymnasii Vratulariensis* Antistites, commendatitiis Buchnerianis ad *Dn. Georgium Leonem*, tertii & secundi ordinis ordine Collegam instructum, quem ipse viva commendatione promotorem illico sibi devinxit. Expoliverunt non impolitum, paternoque sunt amore adolescentem complexi Viti dignitate, autoritate, eruditione, scriptis & præclaris in juventutem meritis longè lateque celebratissimi, *DNN. D. Esaias Heidenreich*, Pastor Elisabethanus, *M. Nicolaus Steinbergius*, Rector, *M. Melchior VVeiglerus*, *M. Martinus Langius*, & *M. Martinus VVeinrichius*, Phrontisterii Collegæ primarii, quorum DN. NEANDER consignavit nomina à vobis non tacenda, quo illo se deestari contestaretur, qui pudori sibi ducunt, fateri per quos profecerint, discipulorum degeneres. Dum ita decertarent, illi docendo sine livore, hic discendo sine pudore, biennium, discipulum à Præceptoribus tam fidis, tam sedulis, pestifera læs grassari orsa A. S. clæ 15 LXXXV. dimisit, domumque circa Joannis festum propellit, inde circa Michaëlis, domo patria, *Suebosum* ad agnatos ejicit, ubi à supellectile libraria desertus, Magnum illum Homerum magno conamine familiarem reddidit, ex quo non verba duntaxat, verum & res ipsas, ut ex Oceano Mæonis, Mæotide Pontus, Ponto Hellepontus, & ex Helleponto mare fertur, sibi defluxisse, cum Maximo Tyrio, tota vita gloriatus est. Anno sic exacto sese Magistro, Academicos adit A. S. clæ 15 LXXXVI. primo vete, profectuum fretus maruitate potius, quam annorum, siquidem undevigesimum modò expleverat. Hic ubi Marchicæ provinciæ magistra venerabilis,

bilis. & (quod de Carthagine olim Philosophus Madaurensis) Camæna togatorum, ingenii nactus theatrum, ad Philosophiæ, quæ non temere à Plutarcho, reliquorum studiorum caput & summa constituitur, fontem bibendum summa aviditate rapitur Crateram eloquentiæ dulcem caput porrigente publicè *Dn. Andrea VVencelio* Theologiæ tum Licentiato, austerulam Dialecticæ præbente ex ipso Doctore Aristotele *D. Christophoro Pelargo*, Mathematicæ lapidam privatim fundente *M. Davide Origano*, publicè *D. Jacobo Bergemanno*, & post illum *Guilielmo Hildemio*, Physiæ amœnam propinante *D. Iodoco VVillichio*, Ethicæ amabilem *M. Jacobo Eberto*, universæ Philosophiæ Practicæ nectaream iterum domi præbente *Dn. Hildemio*, novæque Musas paricolit studio, non majori quidem (quod a pulejus de se fatebatur) voluntate, quam facultate, sed per Successus exoptatissimus id testatum fecit non multo post anno supra millesimum quingentesimum octogesimo octavo, quo, cum ipse ætatis annum confecisset XXI. à Decano Collegii Philosophici *M. Andrea Remplero*, Transilvaniæ insignibus Magisterii condecoratus, confestimque in patriam repetentis locum nempe Adjuncturæ, surrogatus est. Producti sic in lucem, procari cœperunt singulares nunt dotes, Viri eximii & urbis procures, qui ipsum *D. Georgii Reinhardi* Consulis ex fratre Hieronymo, Camæra Spirensis Adfessore, nepotibus, *Georgio Andrea* & *Christophoro Reinhardis*, Ephorum præfecerunt, quorum industria literaria sic est auspiciatus, ut ambo in Jureconsultos, etiam in Consiliarium Ducis Wirtenbergici intimum evaserint. Porro cum & Cleanthem illum Phreanthlemios fessa opera, & ipsum Demosthenem lucubrando post se relinqueret, & crebris disputationibus subsellia Philosophi frangeret, editis ingentibus ejus Collofii (ut proverbium mur) frustis, *Dn. NEANDRO* præter spem, nec opinatum nec petenti, Professio Latina Lingua extraordinaria, die XI April, Anni 16 LXXXIX, oblata, & quod ne Votis quidem concipere aulus erat, eodem anno, d. XIV. Augusti, cor *Balthasar Caminatus*, *M. Michaëli Haslobio*, in Professio Poëtices successisset, Ordinaria Logices professio, Rectore Magnifico, *D. Maximiliano de Strafen*, concurrentibus Senatorum testulis, demandata, atque ita ille juvenis infans, Discipulus inter Præceptores, quod non nisi edoctæ præstantiæ ingenius contingere potest, coopertus

Hic spartam suam, quam nactus erat, cum strenue ornasset, & Logicam Phœnicis Germaniæ *Philippi* bis, Organon *Aristotelis* semel, advocatis in Consilium Interpretum Græcorum acutissimis, publicè explicasset, domi vero etiam *Fortunati Crellii*, vestigiis Organi pressissimè insitētis, Logicam, scientiam itidem naturalem, & aliquot *Isocratis*, illius Atticæ Sirenis, Orationes Græcas exposuisset, utrumque in *ὑποῖσις* & *διαλέξει* gnauiter commonstrasset: factum est, ut An. S. 15 XCIV. transiente D. Eberto, ex ordine Philosophico ad Theologicum, mense Junio, *Professio Ethica*, imo *Philosophia practica*, Rectore *Martino Benckendorffio*, U. J. D. & P. ipsi deferretur. Hæc *Professura Politices*, quam artem ille tuendæ Civitatis, curandæ salutis populi, & Reip. administrandæ, nuncupare solebat, adeo ipsi obvenit ad saluam, ut totam ipsi vitam impendendam arbitratus sit. Oblata utique ipsi emergendi ad altiora & lautiora conditio non una, quando abno S. 15 XCVII. ætatis XXXIII. *Amplissimus Senatus Rigensis in Livonia*, per *Davidem Hilchenium*, & D. *Michaëlem Bolfrasium*, de Pro-Syndicatus & Legati in Poloniam munere obeundo, ipsius tentaret voluntatem: Quando *Illustrissimus Dux Olsnensis Carolus*, tutorio nomine, vocationis literas ad Rectoratum & Institutionum Imperialium Professionem in restaurato Gymnasio Bregensi A. R. 1513c IV. ipsi transmitteret: Quando *Serenissimus Elector Brandenburgicus Ioachimus Fridericus*, in aulam transferri, inter Consiliarios legi, Oratoris, Legati, & Secretarii Latini officio fungi, non ipsi sustamen ingratis, clementissimè A. R. 1513c V. euperet: Verùm quod de *Zenone* pronuntiabat *Nazianzenus* Theologus, ad Philosophicum pallium fortuna, imo providentia potius divina, *Nostrum* rejeçtū, paruit. Sive enim vitæ Academicæ tranquillitas, sive Aulicæ lubricitas, sive Valetudinis inconstantia, sive laudatissima in omnibus versandi artibus (ut *Synesius* vocat) *ἀολοπαγμονή*, sive doctrinæ professio, quæ Consiliarios & Oratores facit, sive auditorum erga se atque Collegarum singulare studium, sive ista omnia, diversim *Μακάριε* suaserunt, non minori profecto literarum & Reip. bono. Et enim cum Do. NEANDER Auctores, qui doctos, pariter atque bonos efficiunt, sic pernovisset, ut *Aristotelem* suum, *Senecam* suum diceret, *Hippocratem* & *Galenum* *Meditri-næ* duntaxat, sic, uti Medicorum filii ingenui, cerneret, nihil sacrarum profanarumque literarum ignoraret: ita elaborata

borata & testimoniorum copiis suffulta, ita emblematicis  
 ita verborum & sententiarum flosculis intertexta auditori  
 proposuit, alternis, modò moralia, modò civilia præcepta  
 ut hoc in genere nihil lucem adspexisse limatius atque ele  
 gantius, adseverare non dubitent illi, qui viro aurium ædi  
 culas commodarunt. Hos certe, tanquam Hercules quidam  
 Celticus, Suadæ cætenula duxit Principes, Duces, Com  
 mites, Barones, Nobiles *φιλομαθῆς* promiscue omnes, ut So  
 crates quendam, aut Platonem sibi audire viderentur, &  
 perinde censerent NEANDRUM non audivisse docentem  
 dicentemve, atque in Academia non vixisse. Ad hæc flo  
 rem non tantum facultatum & dominam atque reginam,  
 Politicam habebat, cum Philosophorum Dictatore, sed ejus  
 fructum in rivulis, nempe Jurisprudentiæ quærebatur, quæ  
 tum vulgabat. Erubescere ut Philosophus sine ratione,  
 ut Jureconsultos sine lege loqui. *Institutiones juris* præle  
 gendo domesticò auditorio, ita frequenti, ut à nullo publico  
 superaretur, *sexies*, pace summa Antecessorum juris, *absol  
 vit, titulum de V. S. paratitla* (ut vocant) *Vvesembecianam*  
 aliquoties *enodavit*, imò & se uti illis, quæ cognita habere  
 nosse, docuit, quando operam suam, cum virent genua  
 Viris nobilibus, in patrocinando, in cavendis decipulis ad  
 versantium, & exorabilis judicantium avertendis, in com  
 missionibus & transactionibus locaret, cum vero sequi lite  
 artuum infirmitas non indulgeret, domi nihilominus consu  
 leret consulentibus, & in negotiis Academicis præcipue sine  
 Stentaliæ, sive Berolini, sive in Senatu sive judicio nostro  
 expediendis, dexteritatem suam abunde probaret. Pru  
 dentiæ Viri testimonium omni exceptione majus est, quod  
 sæpius, quam pro annorum intervallo, *scripta* ipsi Acade  
 miæ tradita, id quod factum *sexies*: quod in summa hujus  
 Academiae festivitate, seculari nempe A. 15 c VI. summi  
 cum laude, ab ipso gesta: quod nunquam non clavum re  
 ctum tenuit navimque sine & salutis publicæ & æstimationis  
 suæ naufragio gubernavit. Adhæc quod *Decanatus  
 Philosophici* axioma *quater & decies* functus est, ut inter  
 cæteros Collegas, imò præ cæteris, egregiis gavissus Promo  
 tionibus, LXXV, Viris doctis Corollam Apollinarem se  
 manu imposuerit. Neque vero Magistratus solummodò  
 Virum ostendere solet, sed & matrimonium certe NEAN  
 DRINUM ostendit. Quando enim ipsi in manu contine  
 misset A. S. 15 XC, ferus Bacchanalium, aut ut nobis Passi  
 naliū



nalium, & quidem ad aram publicam, tum puella virtutum & castitatis dote opulentissima *Anna*, Clarissimi & Experientissimi Medici *D. Ioannis Cnoblochii* Prof. P. filia, non amplexus est eam in nuptiis tantum hilariter, sed & toto conjugii tempore, quod ultra seculi dimidium extenditur, ita habuit humaniter, ut ambo conjuges (verba mariti agnosceite) nunquam irati dormitum iverint: *Liberos* ex ea, qui vitales fuerunt, utpote ex Masculis VI. & V. fœmellis, filios duos, & filiam unam, sic educavit liberaliter, ut *Samuel* & *Ioannes* LL. Candidati, inque Academiis exteris paterno sumtu nutriti, Syndicatus & Advocaturæ dignitatem, ille apud Lucavienſes in Lusatia, hic in Electorali Dicaſterio Cuſtrienſi, præclare tueantur; nata vero *Dorothea-Sybilla*, Dn. *Samueli Gerſimanno*, Conſuli hujus Urbis Seniori, ſecundis votis expetita fuerit: Familiam denique ita rexit circumſpecte atque frugaliter, ut bonum Patrem familias, quem legibus Oeconomicis fingeſcit, ad vivum ipſe expreſſeret. Judicii & memoriæ ratum in uno cerebro contubernium, in NEANDRO vero, hæc tanquam germanæ ſorores ita conjuraverant, ut virum ante fata non defererent. Memoriæ viſ aliis adfuit præſtantiffima, ita tamen infideliter, ut vix viri ne nominis quidem proprii meminerint: Dn. NEANDRO adfuit & præſtantiffima & conſtantiffima, qui ſe callere decrepitu ea, quæ puer imbiberat, non ſemel, nec falſo prædicabat. A Demothene legimus Phocionem ſecurim vocatum Orationum ſuarum: ejusmodi ſecuris ſcriptorum & exercitiorum, ut omnium, ita potiſſimum Academicorum, erat Dn. NEANDER, cujuſcunque ea erant artium aut facultatum, acriter ab ipſo examinata & ſedulo penſiculata, limam ejus & lineam, citra tamen auctorum injuriam (ab hac enim erat alieniſſimus) admittebant. Magna hæc & divina, quæ hæcenus adumbravimus beneficia: ſed verum verbum eſt profeſſo, quod ajunt: *Nihil homini tam proſperum divinitus datum, quin ei tamen admixtum ſit aliquid difficultatis, conjugatione quadam mellis & fellis.* Id etiam inter commoda ſua uſu expertus eſt Dn. NEANDER, qui primo Reſtoratu, *Patrem*, ſecundo *Matrem*, & ſubinde diverſo tempore *caros liberos*, ante quadriennium etiam elocata Conſuli datam flebiliter amiſit, qui vitam diviſit inter proſperam valetudinem & adverſam, & ingreſſenti ætate Martios unguis ſenſit in facultatibus: verum ut Doſtor Magnanimitatis, magno hæc & conſtanti ſupera-

*Audite hac animis illa, qui cernitis, aqvis;*  
*Ajunt, ne se vas esse putate Deas.*  
*De nobis meruit bene præclareque NEANDER,*  
*Qui nostri vindex semper honoris erat.*  
*Hæc sibi mortales poni monumenta laborent:*  
*Mors nihil in Nostrum pallida juris habet.*  
*Docta per ora virum volitat superatque NEANDER,*  
*Cumque sitis planè nil habet ille rei.*  
*At Mausoleum, quod non abolere vetustas*  
*Vlla potest, scriptis condidit ipse sibi.*  
*Qua nostrum sapiunt nectar Charitumque leporem,*  
*Eternum vivunt hac monumenta Senis.*  
*Doctorem concors vox flagitat ista virosum,*  
*In laudem soboles profer honora patris.*

M. JOANNES MOLLERUS,  
 Rector Scholæ Francofurtanæ.

## SCRIPTA.

Disputationes Logicæ. *Francof. ad Oderam* 1591. in 4.  
 Disputationum Physicarum Heptas. *ibid.* 1590. in 4.  
 Oratio de vita & fato Adriani Albini. *ibid.* 1592. in 4.  
 Disputationes Physiologicæ XII. *ibid.* 1592. in 4.  
 Disputationes Ethicæ. *ibid.* 1593. in 4.  
 Bacchanalia. *ibid.* in 12.  
 Orationum funebrium in Marchiæ Brandenburgicæ Academiae habitatum Decades V. *ibid.* 1614. in 8.  
 De potestate Principis. *ibid.* in 12.  
 Ego ipse, sive farrago quæstionum. *ibid.* in 12.  
 Orationes Politicæ. *Berolini* 1666. in 8.

(o) 50

MAR.

MARTINI à WYBINGA,

Jurisconsulti & Antecessoris Ordinarii in illustri  
Frisiorum Academia Franequerana,

LAUDATIO FVNEBRIS,

Habita

*Post Exequias in Templo Academico,*

In Honorem ac Memoriam

*Viri Excellentissimi, Clarissimi ac**Speſtatissimi,*DN. PIERII VVIN-  
SEMI,Jcti, Illustr. ac Præpotentum ORDINUM  
Frisiæ Historiographi Celeberrimi, Eloquentiæ Profes-  
soris Famossissimi in Academia  
Patriæ.

**N**obilissimi, Amplissimi, &c. Quantis calamitatum,  
miseriarum, ærumnarumque fluctibus gravissimis ac  
decumanis, genus humanum passim obnoxium sit, testatur  
continua ac jugis rerum humanarum tristis ac subitanea  
mutatio & catastrophe. Testatur in primis celeberrima ac  
famossissima hæc Academia Patriæ, quæ proh dolor! non  
quotannis, verum singulis ferè semestribus aut trimestri-  
bus, gravissimo lethaliqve vulnere sauciatur ac lancinatur.  
Ut enim unda undam trudit: sic publicus luctus & squalor,  
publicum antecedentemque è vestigio subsequitur. Exces-  
sit, pronuper ex hac vita, camposque Elysæos petiit, unde  
negant redire quenquam, Nobilissimus, Acutissimus nec  
non Theologorum hujus ævi facile Princeps, JOHANNES  
MACCOVIUS, SS. Theologiæ Doctor & Professor prima-  
rius, Collega conjunctissimus ac dilectissimus. Hoc gravis-  
simo vulnere Academico non contenta, non satiata, dira ac  
implacabilis Dea Morta, iterum ex improvviso, quasi per cu-  
niculos aggreditur ac adontur, ipsas Athenas Antico-Frisia-  
cas, ac incomparabilem summumque Virum, Clarissimum  
Collegam, DN. PIERIUM WINSEMIUM, J.U. Docto-  
rem, Eloquentiæ Professore, Patriæ Historiographum,  
Academiæ decus ac columen æternum, præter omnium

*Audite hac animis illa, qui cernitis, aequis,  
 Ajunt, ne se vas esse putato Deas,  
 De nobis meruit bene praeclareque NEANDER,  
 Qui nostri Vindex semper honoris erat.  
 Hæc sibi mortales poni monumenta laborent:  
 Mors nihil in Nostrum pallida iuris habet.  
 Docta per ora virum volitat superatque NEANDER,  
 Cumque sitis planè nil habet ille rei.  
 At Mausoleum, quod non abolere Vetustas  
 Vlla potest, scriptis condidit ipse sibi.  
 Qua nostrum sapiunt nectar Charitumque leporem,  
 Eternum vivent hac monumenta Senis,  
 Doctorum concors vox flagitat ista virotum,  
 In laudem soboles profer honora patris.*

M. JOANNES MOLLERUS,  
 Rector Scholæ Francofurtanæ.

## SCRIPTA.

*Disputationes Logicæ. Francof. ad Oderam 1591. in 4.  
 Disputationum Physicarum Heptas. ibid. 1590. in 4.  
 Oratio de vita & fato Adriani Albini. ibid. 1592. in 4.  
 Disputationes Physiologicæ XII. ibid. 1592. in 4.  
 Disputationes Ethicæ. ibid. 1593. in 4.  
 Bacchanalia. ibid. in 12.  
 Orationum funebrium in Marchiæ Brandeburgicæ Academiae habitatum Decades V. ibid. 1614. in 8.  
 De potestate Principis. ibid. in 12.  
 Ego ipse, sive farrago quæstionum. ibid. in 12.  
 Orationes Politicæ. Berolini 1666. in 8.*

(o)

MAR.

MARTINI à WYBINGA,

Jurisconsulti & Antecessoris Ordinarii in illustri  
Frisiorum Academia Franequerana,

LAUDATIO FVNEBRIS,

Habita

*Post Exequias in Templo Academico,*

In Honorem ac Memoriam

*Viri Excellentissimi, Clarissimi ac  
Spectatissimi,*DN. PIERII VVIN-  
SEMI,Jcti, Illustr. ac Præpotentum ORDINUM  
Frisiæ Historiographi Celeberrimi, Eloquentiæ Profes-  
soris Famosissimi in Academia  
Patria,

**N**obilissimi, Amplissimi, &c. Quantis calamitatum,  
miseriarum, ærumnarumque fluctibus gravissimis ac  
decumanis, genus humanum passim obnoxium sit, testatur  
continua ac jugis rerum humanarum tristis ac subitanea  
mutatio & catastrophe. Testatur in primis celeberrima ac  
famossissima hæc Academia Patriæ, quæ proh dolor! non  
quotannis, verum singulis ferè semestribus aut trimestri-  
bus, gravissimo lethaliqve vulnere sauciatur ac lacinatur.  
Ut enim unda undam trudit: sic publicus luctus & squalor,  
publicum antecedentemque è vestigio subsequitur. Exces-  
sit, pronuper ex hac vita, camposque Elysæos petiit, unde  
negant redire quenquam, Nobilissimus, Acutissimus nec  
non Theologorum hujus ævi facile Princeps, JOHANNES  
MACCOVIUS, SS. Theologiæ Doctor & Professor prima-  
rius, Collega conjunctissimus ac dilectissimus. Hoc gravis-  
simo vulnere Academico non contenta, non satiata, dira ac  
implacabilis Dea Morta, iterum ex improvviso, quasi per cu-  
niculos aggreditur ac adonitur, ipsas Athenas Attico-Frisia-  
cas, ac incomparabilem summumque Virum, Clarissimum  
Collegam, DN. PIERIUM WINSEMIUM, J. U. Docto-  
rem, Eloquentiæ Professore, Patriæ Historiographum,  
Academici decus ac columnen æternum, præter omnium

*Audite hac animis illa, qui cernitis, aequis;  
 Ajunt, ne se vas esse putate Deas.  
 De nobis meruit bene præclareque NEANDER,  
 Qui nostri vindex semper honoris erat.  
 Hæc sibi mortales poni monumenta laborent:  
 Mors nihil in Nostrum pallida iuris habet.  
 Docta per ora virum volitat superatque NEANDER,  
 Cumque sitis planè nil habet ille rei.  
 At Mausoleum, quod non abolere vetustas  
 Vlla potest, scriptis condidit ipse sibi.  
 Qua nostrum sapiunt neclat Charitumque leporem,  
 Aeternum vivunt hæc monumenta Schis.  
 Doctorum concors vox flagitat ista virosum,  
 In laudem soboles profer honora patris.*

M. JOANNES MOLLERUS,  
 Rector Scholæ Francofurtanæ.

## SCRIPTA.

Disputationes Logicæ. *Francof. ad Oderam* 1591. in 4.  
 Disputationum Physicarum Heptas. *ibid.* 1590. in 4.  
 Oratio de vita & fato Adriani Albini. *ibid.* 1592. in 4.  
 Disputationes Physiologicæ XII. *ibid.* 1592. in 4.  
 Disputationes Ethicæ. *ibid.* 1593. in 4.  
 Bacchanalia, *ibid.* in 12.  
 Oratorum funebrium in Marchia Brandenburgicæ Academiae habitantium Decades V. *ibid.* 1614. in 8.  
 De potestate Principis. *ibid.* in 12.  
 Ego ipse, sive farrago questionum. *ibid.* in 12.  
 Orationes Politicæ, *Berolini* 1666. in 8.

(o)

MAR.

MARTINI à WYBINGA,

Jurisconsulti & Antecessoris Ordinarii in illustri  
Frisiorum Academia Franekerana,

LAUDATIO FVNEBRIS,

Habita

*Post Exequias in Templo Academico,*

In Honorem ac Memoriam

*Viri Excellentissimi, Clarissimi at  
Spectatissimi,*DN. PIERII VVIN-  
SEMI,[Cti, Illustr. ac Præpotentum ORDINUM  
Frisiæ Historiographi Celeberrimi, Eloquentiæ Profes-  
soris Famossissimi in Academia  
Patriæ,

**N**obilissimi, Amplissimi, &c. Quantis calamitatum,  
miseriarum, ærumnarumque fluctibus gravissimis ac  
lecumanis, genus humanum passim obnoxium sit, testatur  
continua ac jugis rerum humanarum tristis ac subitanea  
mutatio & catastrophe. Testatur in primis celeberrima ac  
famossissima hæc Academia Patriæ, quæ proh dolor! non  
quotannis, verum singulis ferme semestribus aut trimestri-  
bus, gravissimo lethali que vulnere sauciatur ac lancinatur.  
Ut enim unda undam trudit: sic publicus luctus & squalor,  
publicum antecedentemque è vestigio subsequitur. Exces-  
sit, pronuper ex hac vita, camposque Elysæos petiit, unde  
negant redire quenquam, Nobilissimus, Acutissimus nec  
non Theologorum hujus ævi facile Princeps, JOHANNES  
MACCOVIUS, SS. Theologiæ Doctor & Professor prima-  
rius, Collega conjunctissimus ac dilectissimus. Hoc gravis-  
simo vulnere Academico non contenta, non satiata, dira ac  
implacabilis Dea Morta, iterum ex improvviso, quasi per cu-  
niculos aggreditur ac adonitur, ipsas Athenas Attico-Frisia-  
cas, ac incomparabilem summumque Virum, Clarissimum  
Collegam, DN. PIERIUM WINSEMIUM, J.U. Docto-  
rem, Eloquentiæ Professore, Patriæ Historiographum,  
Academiæ decus ac columnæ æternæ, præter omnium

bonorum ac doctorum Virorum Votum, præter omnem expectationem, in ipso florentis ac vigentis ætatis flore acque vigore (lucis præsentis) usura privavit.

--- -- -- -- Nec non Fati

*Abstulit atra dies, & funere mersit acërbo.*

Ex hoc clarissimi ac celeberrimi Viri discessu ex hac vita quantum publica ac Academica res detrimenti capiet, sentiet, testabuntur fortean feri nostri nepotes, omnesque illi, quibus studia bonæque artes curæ ac cordi imposterum erunt. Hujus igitur summi ac incomparabilis Viri exequias, dum omnes ac singuli hodie pulla veste, longoque Symmatibus ex officio caritatis ac Christianæ *symplicitatis* iverimus lessumque fecerimus: Unicum hoc tandem, Auditores Ornatissimi, restat, ut ex laudabili instituto hujus Academiae piis manibus denati *Maximæ* parentemus: Quamvis quidem clarorum Virorum fama, ex se æterna, ex se quoque immortalis sit: Nihil tamen unquam sanctius habet habuisseque reverentia superstitum, quam ut amissos cum pia veneratione ac memoria recordetur: dandum enim hoc illustrium virorum posteritati, (Tacito teste) ut quomodo exequiis, à promiscua sepultura mortalium separentur, ita in traditione supremorum accipiant, habeantque propriam memoriam ac laudem. Sic enim olim Atheniensium Oratores, eos qui bello Persico ad Plataeas mortem fortiter pro salute patriæ oppetierant, funebri laudatione publice prosecuti sunt. Sic quoque Fabius Maximus Publicum Scipionem, sic Julius Cæsar Juliam Caji Marli uxorem, amitam suam, amplissimis ac magnificis verbis in supremo funere publicè pro concione ornavit ac laudavit. Sic & Appii Decemviri defuncti funebrem laudationem sequutis temporibus, æquis auribus Plebs Romana audit ac accepit.

Qua quoque de causa indubie moti, proximi heredes ac amici denati nostri Collegæ ac *Maximæ* etiam atque etiam à me flagrantissime & instanter petierunt, ut hoc extremum Christianæ pietatis officium in me reciperem. Accessit quoque præterea Amplissimi Senatus Academici decretum, quo, per delegatum, hanc dicendi Provinciam impræsentiarum humeris meis imposuerunt, quod pietatis, quod humanitatis officium, tum Senatui Academico Amplissimo, tum denati *Maximæ* amicis, nullam excusationem planè pleneque admittentibus, tum imprimis familiari-

amici-



amicitiæ, quam cum demortuo, constanter, pie, religiose semper colui & habui, me debere existimavi. Verum enimvero cum probe novi, quid humeris valeant, quid ferre recusent, & quam curta domi nobis sit in dicendo suppellex; proinde omnes ac singulos (Auditores Ornatissimi) vos etiam atque etiam rogatos volo, ut præsentem hanc oratiunculam non gravate accipere & excipere dignemini, in qua si forte an verborum pondus, elegantia, splendor, cæteraque oratoria ornamenta desiderentur, cogitate quæso, non ab Rhetore, aut Rhetoris filio proficisci, verum ab eo, qui parum aut nihil à facundia possit. Ne igitur (Aud. Orn.) diutius animos vestros, longa per exorsa, suspensos teneam, (novi enim optime quam odiosa ac tædiosa sit Circensibus pompa) paucis & Laconice orationis penicillo adumbrabo, ac delineabo nostri *Maximæ* nativitatem, educationem, studia, vitam, mores & morem. Nativitatis locum quod concernit, natus est *Maximæ* Leovardix Frisiorum, Anno *Æræ* Christianæ millesimo quingentesimo octuagesimo sexto, quæ totius provinciæ nostræ caput ac Metropolis est, claris ac stupendis ingeniis clara ac superba, juxta illud Poëtæ:

*Doctorem genitrix LEOVARDIA clara Virorum.*

Permagni ut plurimum refert, an quis Vervecum in patria; crassoque sub aëre;

*Colchisne natus, an enutritus Athenis sit.*

Sic Plato (uti memoriæ proditum est) imprimis maximam felicitatis suæ partem urbi, in qua natus ac educatus erat, adscripsit: *Quotidie Disimmortalibus singulares gratias referens, quod Athenis non Thebis natus esset:* non secus ac si tacitè Philosophorum Princeps innueret, summa ac excelsa ingenia, & ad magna nata, non nisi in summis ac excelsis locis lucem aspicere. Quod nativitatis præsagium si verum unquam fuit, sane in nostro *Maximæ* verissimum fuit.

Ad Parentes quod attinet: honestissimis ac præstantissimis est natus Parentibus; patrem habuit, Virum Clarissimum omnigena literatura politiori & Philosophia, nec non arte Oratoria exercitatissimum, Liberalium artium Magistrum, HAJONEM PIERII WINSEMIUM, Præfectum ludi literarii Leovardienfis vigilantissimum. Matrem habuit THOMULAM MENEMIAM, Matronam honestissimis civibus Leovardiensibus oriundam. Præterea fratrem MENELAUM WINSEMIUM, SS. Medicinæ Do-

doctorem, *agatus*, Anatomices & Botanices Professore, do-  
nac patria Academia stetit, per viginti (& quod excurrit)  
annos longè celeberrimum. Scilicet (Poeta teste)

*Fortes creantur foribus & bonis:*

*Est in iuvenis, est in equis, patrum*

*Virtus: nec imbellem feroces*

*Progenerant aquila columbam.*

Hujus patris prædicti (ut revertar ad id, unde digressus)  
a *μακαριστος* noster & *χερσυχυλια* aut privata manu ductione  
in studiis suis tantum profecit, ut postmodum accedente  
institutione Conrectoris THEODORI LAVERMANNI,  
imprimis vero superveniente tandem institutione Clarissimi  
Viri, JOHANNIS FUNGERI, J. U. & Medicinæ Do-  
ctoris, Scholæ Léovardianæ Gymnasiiarchæ quondam lon-  
gè famosissimi, brevi temporis spatio reliquos suos condi-  
scipulos longis parasangis felicitate, dextera ingenii ac  
profectu studiorum antecesserit, ita ut anno ætatis suæ de-  
cimo quarto, post varia singularis eruditionis specimina, in  
Latina ac Græca Poësi, nec non in Orationibus methodicè  
dispositis facundèque habitis, ex angustis studiorum carce-  
ribus emissus, & quasi a patre manumissus aut emancipatus,  
ad augusta, ingenua, ac liberalia Academica studia & exer-  
citia publica fuerit admissus, ac receptus in album aut ma-  
triculam Academiæ, Anno millesimo sexcentesimo primo,  
decimo tertio Aprilis, Rectore ac Dictatore Academico ma-  
gno illo (piæ memoriæ) JOHANNES ARCERIO THEO-  
DORETO, Græcæ linguæ Professore celeberrimo. Aca-  
demiā hanc vix ac ne vix ingressus, mox Orationem pu-  
blicā pro rostris Academiæ habuit in solenni panegyri,  
ad admirationem ac stuporem Auditorum ac Clarissimorum  
Dominorum Srofessorum, cum adhuc ejus esset statura  
ac proceritatis, ut hypopodio statura sublevanda fuerit, ne  
forte alias fanna postica aut antica ab auditoribus exciperetur,  
aut exploderetur. Ingressus hanc Academiā mox  
invenit amicos ac Mecænates magnos, imprimis in Græca  
lingua JOHANNEM ARCERIUM THEODORE-  
TUM; in Logica Clarissimum DN. LOLLIUM AB  
ADAMA: in Physica magnum illum HENRICUM DE  
VENO, J. U. & Medicinæ Doctorem, Liberaliumque Ar-  
tium Magistrum, sub cujus præsidio plurimas quæstiones  
in publico congressu acute defendit, tanta cum animi ala-  
critate, tanta promptitudine, tanto judicio, ut ipse Præses  
in

in publica disputatione, Collegam ipsum nominare ac salutare, non dedignatus fuerit. Horum fideli ne dicam paterna institutione pro tempore usus, tandem ad studium Medicinæ animum applicuit: ut autem cum fructu fieret, nihil prius aut antiquius nostro *μακαρίη* fuit, quam ut se in singularem favorem Clarissimorum DD. Professorum, præsertim Clarissimi Domini AULÆTII: nec non Viri Celeberrimi RAPHAELIS CLING-BYL insinuaret, sub cuius quoque præsidio publicè de igne elementari disputavit cum summa circumstantium admiratione, usque adeo ut in publica disputatione Præses aut Moderator publicè in hæc verba eruperit: *Quis Spiritus hunc juvenem ac Respondentem agit? Videtur ad magna natus.* Paulò post Athenas Frisicas ó *Μακαρίης* deferens, ut uberiores studiorum suorum fructum & messem consequi posset, (tanquam ad uberiores mercatum) sese ex consilio patris, recta Lugdunum Batavorum contulit. In qua illustri ac celeberrima Academia itidem (uti Francquera fecerat) in omnium DD. Professorum gratiam ac singularem favorem se insinuavit, præsertim in gratiam ac amicitiam Clarissimorum Dominorum Professorum PAVII VORSTII, Medici, HUERNII, DANIELIS HEINSII, nec non MERULÆ, quorum omnium institutione ac familiaritate quotidie uti frui nostro *μακαρίη* in summis delitis fuit, qui omnes & singuli ipsum singulari affectu, amore & favore prosequerantur, summæque ingenii dotes admirabantur ac venerabantur. Ne tamen cochlearum instar, aut domi ad focum delitesceret, aut in una atque altera Academia consenesceret aut oberraret, relicta Leyda censuit exteras regiones & Academias quoque lustrandas esse.

— — — Et ire per omnes

Terrasque tractusque mari. — —

Vt mores hominum multorum cernat & urbes.

Voluntariumque (amore literarum) exilium decennale in se ó *Μακαρίης* suscepit, bisque se in Germaniam omnium nationum matrem, studiorumque alumnæ & altricem se recepit: ibidemque mutato studii Medici cursu, se ad divinæ ac humanarum rerum scientiam, iusti atque iniusti notitiam, artem æqui & boni, id est, ad Jurisprudentiam se contulit, sive hoc aut proprio Naturæ ductu ac instinctu factum sit, sive amicorum Mecænatumque hortatu ac suasu, nec ne, non satis constat. In Germania ubi vixit Helmsta-

dii, Erfordiae, Jenae, aliisque in locis, summam quoque mo-  
cum summis viris ac JurisConsultis familiaritatem ac am-  
icitiam inivit ac contraxit: Imprimis vero Jenae cum ma-  
gno illo JurisConsultorum Coryphaeo ac Dictatore, conter-  
raneo suo, DOMINICO ARUMÆO, *Frisio*, ex vicino pa-  
go *Arum* patriciis parentibus oriundo. Cum hoc Juris-  
Consulto, nec non Consiliario Ducis Brunsvicensis, Doctis-  
simo Domino FOPPIO AB ÆTSEMA, conterraneo  
familiarissimè, quoque toto illo tempore, quo in Germania  
hæsit ac vixit, conversatus est. Postmodum, relicta Ger-  
mania, contulit se ô *Μακρίτης*, ut alias quoque lustraret A-  
cademias longe celeberrimas, in Sueciam, nec non paulo  
post in Gallias, ut summis Galliae luminibus, JurisConsultis,  
Politiciis, & Historiciis quoque innotescere posset, quibus  
omnibus in locis, propter singulare ingenii acumen & natu-  
rae donum, apud summos JurisConsultos, Politicos, ac Hi-  
stóricos, in summo honore ac æstimo fuit; qui omnes ac  
singuli, singulari amore & favore, quâ publicè, quâ priva-  
tim *Μακρίτης*, prosequerentur. In Galliis dum agit, ut stu-  
diorum suorum fructum consequeretur, debitosque Virtutis  
ac eruditionis honores ac dignitates reportaret, visum ipsi  
fuit, ad Lauream Doctoralem adspirare, eamque Anno mil-  
lesimo sexcentesimo undecimo, vigesima prima Mensis A-  
prilis, in Academia Cadomensi, post publicam Disputatio-  
nem de Testamentis habitam, consecutus est, præsentibus  
multis Proceribus, Clarissimis Dominis Professoribus, Do-  
ctoribus, Licentiatibus & Magistris, postquam cum summo  
omnium applausu publicè disputavit, quâ Disputatione  
peracta, stupendum hoc ingenium omnes in admirationem  
sui rapuit. Relicta Gallia postquam per continuum de-  
cennium propriis sumptibus ætatem in diversis celeberrimis  
Academiis egisset, visum ipsi fuit, tandem rectâ in pa-  
triam ad Amicos ac Meccenates tendere, quos non paucos  
sibi addictissimos ac faventissimos habuit, invenit, & fecit,  
usque adeo ut quasi mutua æmulatio ac concerratio pia ac  
religiosa inter illos, fuerit, dubiumque ac ambiguum saepe  
foret, plusne noster *Μακρίτης* diligeret ac æstimaret Meccenates,  
an vero vice versa illi nostrum *Μακρίτης* domum re-  
versum. Ne segne otium Magnifico nomine velaret, Docto-  
risque Titulum ac gradum ad inanem pompam ac ostenta-  
tionem haberet, coram suprema Frisiae curia (post immatru-  
cationem) Praxin Forensensem exercere cœpit; Verum nec

illa res feliciter ipsi ex animi voto ac sententia cessit, mox enim in ipso ingressu ac prætos limine defecit, ac descendit, Foroque valedixit, repudium misit, divortiumque à Foro fecit, iussitque (more solenni Romano) forenses res suas sibi habere. Moxque ad Theoreticum, tranquillum, modestum, ac placidum vitæ genus se contulit, Rusin-Tusculanum suum nimirum privatus, ut altum dormiret, nec non in tanto liberius philosophari ac meditari posset remotis arbitris.

*Scilicet, secessum scribentes & otia quarunt.*

*Sylva placet Musis, urbs est inimica Poëtis.*

Vel quia cum Poëta Lyrico, beatum illum existimavit:

*Qui procul negotiis*

*Ut prisca gens mortalium,*

*Paterna rura bobus exercent suis*

*Solutus omni fanore*

*Forumque vitat, & superba civium*

*Potentiorum lumina.*

Dum totus in Theoretico ac solitario hoc rusticis vitæ genere esset, sequē privatis Musis oblectat, ecce derepente ex improvviso ad gravissimum ac præclarissimum Historiographi munus ab Illustribus ac Præpotentibus Frisiæ ORDINIBUS vocatur, non secus ac si patriæ Procere Clarissimo Maxapitæ doctum hoc & solitarium otium inviderent, existimantes scilicet, tam nobile ac portentosum ingenium ruri non debere in privatis speculationibus consensescere aut torpescere, verum illa meditari, aggredi, æternæque memoriæ posterorum consecrare, quæ ab ipso Regifugio inter Potentissimum Regem Hispaniæ, nec non inter Procere hujus Provinciæ domi & foris gesta sunt, post violatas Leges fundamentales Unitarum Provinciarum, post violatum jus Gentium, post violata fœdera, post violata pacta publica, post violata pedibusque conculcata (tyrannide Hispanica) Privilegia Majorum: Et quod caput rei est, post introductam tyrannicam Conscientiarum mortalium Inquisitionem, Orthodoxæque Religionis Reformatæ suppressionem & extirpationem. Hanc Historici Patriæ spartam ac Provinciam sibi ab Illustribus ac Præpotentibus Ordinibus hujus Provinciæ conceditam, fideique suæ commissam, quanta cum laude immortalique fama Maxapitæ noster ad æternam memoriam decusque Patriæ exornarit, testabitur ipsa Historia, quæ jam sub prælo est, brevique lucem aspe-

ctura est, instantibus proximis Comitibus Patriæ. Ex eo enim tempore, quo primam Historiæ suæ partem publici fecit, ris mox quasi agminatim per literarum commercium, V. totius Europæ celeberrimi ac famosissimi (profundam conditionem *Maxapitæ* admirantes) primas ipsi detulerunt, a que ad cælum usque laudibus encomiisque extulerunt, videre est ex literis incomparabilis ac immortalis Heron JOSEPHI SCALIGERI, HUGONIS GROTIJ, PAULI LUBBERTI, Legati Illustrissimi Régis Succiæ, DANIELIS HEINSII, PONTANI, CATZII, GRASVINKELII, ZEVECOII: nec non quoque liquet ex commendatione AMMIANI STRADÆ, Jesuitæ Romani, qui non semel atque iterum, verum multoties in Historia sua nostri *Maxapitæ* honorificam mentionem facit, summeque commendat. Verum Historici Patriæ munus cum per viginti quatuor, aut quod excurrit, annos, *Maxapitæ* fideliter bona fide obivisset; visum deinde Illustribus ac Præpotentibus Frisiæ Ordinibus, nec non Nobilissimis ac Amplissimis almæ hujus Academiæ Curatoribus, *Maxapitæ* nostro propter summam spem, quam de illo conceperant, injungere ac demandare quoque ordinariam Historiam & Eloquentiæ Romanæ Professionem, quam Anno millesimo sexcentesimo trigésimo sexto, die VII. Decembris, post publicam Inaugurationem, Rectore Clarissimo, Collega GEORGIO PASORE, (piæ memoriæ) aggressus est, in qua professione quantus *Maxapitæ* fuerit, Vos Frisii, Vos Belgæ, Germani, Sueci, Sarmatæ, Ungari, Dani, Norvegi, Galli & Angli, qui quotidie ad ipsius lectiones publicas agminatim, tanquam ad uberem mercatum, confluxistis: teste omni exceptione majores esse potestis. In hac Academiæ dignitate, ab Illustribus ac Præpotentibus Frisiæ Ordinibus constitutus, Amplissimos quoque Academiæ honores ac dignitates Anno cIo Ioc XXXIX. sustinuit, Recturæque honos ipsi, concordibus Senatus Académici suffragiis, demandatus est, in qua summa dignitate ac Præfectura Académica positus, se muneri isti parem ostendit, juxta illud tritum Græcorum proverbium ἀρχὴν ἀνδρῶν δεινὴν, id est, Magistratus virum ostendit: cum alias, Tacito teste: *Plurimi boni sint ante imperium, pauci in imperio.* Leges Académicas quas factas testasque se conservaturum juraverat, pie, religiose & masculè defendit, & quidem ea tempestate, qua boni mores in hac Academia proh dolor! non coleban-

tur, sed exulabant. In Academia hac dignitate positus & Μακαρίτης cum per octennium firma solidaque valetudine ut plurimum præditus fuisset, post varia edita eruditionis suæ monumenta, post Historiam ad umbilicum deductam, post Syrium editum, post Amores editos, post varias editas Orationes funebres, tandem pridie Calend. Nov. anni præsentis cl. Ioc XLIV. qui dies erat Mercurii, mane Lethargo exquisito ac legitimo corripitur ac infestatur, usque adeo ut mox neminem Amicorum aut Collegarum dignosceret aut alloqueretur, verum toto decubitus tempore omni loquela, & quantum extrinsecus dijudicare licuit, etiam omni rationis usu & sensu destitutus fuerit. Hoc gravi ac tristi spectaculo attoniti ac contr. statim Amici ac proximi Hæredes, è vestigio atque confestim curaverunt vocari Clarissimum Dn. PHOCYLIDEM HOLVERDA, nec non Doctissimum VIBRANDUM REVIUM, SS. Medicinæ Doctores, qui post varias deliberationes ac consultationes, ultro citroque habitas, judicabant ex re ægri esse, terrium Medicum vocari, ne quid temerè in tam periculoso symptomate aut morbo acuto statueretur. Evocatur igitur Harlinga, D. JOHANNES ANSTA, Medicus ejusdem Reipublicæ Ordinarius, ac Practicus summus, *ταῖς τοῦ αἵματος ἀνάγκαις*. Hic ubi nocte concubia aut intempestiva appulisset, communicato consilio, cum prædictis Medicis, suavit *φλεβοτομήν* aut Venæ Sectionem instituendam ac tentandam esse, quæ etiam mox subsecuta est. Verum enim vero cum ne sic quidem feliciter hoc negotium succederet ex voto & opinione Medicorum, proinde de aliis quoque mediis aut remediis inter Medicos deliberatum ac disceptatum fuit, quæ tamen pro illo temporis momento dilata fuerunt, donec aut melior & commodior *εὐεργισία* occurreret, aut se offerret. Verum enim vero cum post tentata omnia remedia, quæ in hoc casu, ex Medicorum opinione ac sententia, aut Schola & adhiberi soleant & applicari, incassum cederent, decessit interim Μακαρίτης, Vir Clarissimus, ex hac vita, quarto Nonarum Novembris, circa mediam septimam vespertinam, Anno ætatis quinquagesimo octavo. O tristis, funesta, infausta nox! nigro signanda lapillo, quæ omnium Doctissimorum Virorum nostri ævi facile Principem nobis ademittit ac sustulit! Sustulit Academix nostræ Ocellum; Sustulit Patriæ Lumen ac Decus æternum;

Sustulit consummatissimæ eruditionis ac Περύ - Historiæ Virum incomparabilem; de quo ipsa Fama mentiri veretur. Verum enimvero frustra lesso ac immodicis lachrymis denatum Μακαρίτην prosequimur, qui optimo jure illud Ποιῶν usurpare, sibi que vindicare potuit.

*Nemo me lachrymis decoret, nec funera fletu  
Faxit, nam volito docta per ora Virum.*

Ille præcessit, nos sequimur omnes ac singuli; illum non amissimus, sed præmisimus.

*Serius aut citius sedem properamus ad unam.*

Omnibus nobis semel calcanda est via lethi, quicunque terræ munere vescimur: Subductus est tot calamitatibus, infortuniis, ac concussæ Europæ motibus ac turbis præsentibus, maximisque periculis, quæ nos manent. Ille celestis Aulæ incola ac municeps, terrena omnia ex alto despicit ac ridet. Ille jam omnium calamitatum ac dolorum expertus, in gremio Abrahæ conquiescit. Nos hic quotidie morimur, singulæque horæ aliquid de vita nostra demunt. Ludibrium sumus fortunæ, fragilitatis exemplar, lachrymarum domus, curarum omnium carcer. Igitur quod restat, salve terque quaterque, mi beatissime WINSEMII, qui supra orbem coelestes evectus, curas mortalium despicias, qui jam in suprema coelesti Curia maximus Professor; qui non purpura, verum niveo indutus es virtutis ac æternitatis Amiculo ac Stola; qui pro Republica, pro Ecclesia, pro Academia nostra ad gēna Divinæ Majestatis ac Potentiarum humiliter te submittis ac incurvas. Iterum salve, atque vale beatissima WINSEMII anima. Nos ubi decretoria fatalis illa hora affulserit, rursus tuo grato ac venerabili aspectu fruemur in æternum, cum omnibus fidelibus, fratribus, & μετὰ τοὺς ἀδελφούς ac meritis unici Salvatoris ac Mediatoris nostri JESU, cum PATRE & SPIRITU SANCTO, DEO TRINO & UNO, sit laus & gloria in secula, Amen. Dixi.

## IN EFFIGIEM

*Viri Summi,*

PIERII WINSEMII.

*Posteritas venerare Virum, qui hoc pingitur ære:*

*Ingenium & Virtus hoc meruere Viri.*

*Ille fuit doctus, Facilis, Gravis, atque Disertus,*

*Orator, Vates, Doctor & Historicus.*



# VVINSEMIANA.

Qualibet Ars toto vixi uni addiscitur aeo:

VVINSEMIVS quatuor praevalet ingeniis.

Os, Oculi, Facies, Sensus, Miracula ponunt:

Fama per Historias non moritura viget.

HENR. NEUHUSIUS,

Fris. Advocatus.

## EPITAPHIUM.

Heic situs Orator Magnus, Magnusque Poeta,

VVINSEMIVS Patria Conditor Historia:

Cui quantum doctos minuit mors saevior annos,

Tantum nescitur FRISA chara Tui.

P. A. DOMA, J. U. D.

Frisiae Rationarius.

## SCRIPTA.

Historiarum ab excessu Caroli V. sive rerum sub Philippo

II. per Frisiam gestarum libri quatuor. *Leovardiae*

1629. in 4. earumque libri septem. *ibid.* 1646.

in fol.

Amotes. *Franek.* 1631. in 12.

Panegyricus ad Sereniss. Invictissimumque Gustavum II.

Suecorum, Gothorum & Vandalorum Regem. *Am-*

*steloh.* 1632. in fol. & *Lugd. Batav.* 1637. in 12.

Oratio cum ab Ordinibus Frisiae ad Ordinariam Historia-

rum & Eloquentiae Professionem vocatus in Acade-

miam introduceretur. *Franek.* 1637. in fol.

Syrius, carmine expressus, cum notis. *ibid.* 1638. in 12.

Dissertatio de causis corruptae Eloquentiae. *ibid.* 1638.

in fol.

Oratio in excessum Illustriss. Herois, Henrici Nassovii. *ibid.*

1641. in fol.

Oratio in obitum D. Guilielmi Straackmanni, Viri Consu-

laris. *ibid.* 1641. in fol.

Oratio de reparata & de Academica. *ibid.* 1643. in fol.

Disputationes aliquot etiam conscripsit publiceque habuit,

ex quibus sunt: De igne elementari: De Testamen-

tis, &c.

VITA

## VITA

CLARISSIMI VIRI,

DN. NICOLA  
VERNULÆI,

S. Theol. Licent.

Historiographi Regii ac Cæsarei, & Eloquentiæ  
Professoris Publici in Academia Lovaniensi.

NICOLAUS VERNULÆUS ex Ducatu Luxemburgiensi oriundus, natusque in Robelmontio, qui vicus est agri Vertonenfis, anno clō lō LXXXIII. die Resurrectionis Dominicæ Sacro, patre *Petro de Vernulz*, in exercitu Regis apud Belgas Centurione, matre *Maria de Meriaq*. studia humaniorum litterarum ac Philosophiæ partim Treveris, partim Colonix absolvit, cursum vero S. Theologiæ Lovanii, gradu Licentiæ, ut vocant, donatus an. clō lōc XLVII. Idus Decembris. Docuit ibidem Rhetoricam in Gymnasio Porcensi ab anno clō lōc VIII. Eloquentiam in publico Artium Schola Professor, eoque titulo in Ecclesia collegiata D. Petri Canonicus, ab anno clō lōc XI. in utraque hac functione Successor datus *Iohanni Baptista Gramaye*, J. C. & Belgii Principum Historiographo: Ab obitu verò Cl. Viri, *Erycii Puteani*, etiam Historiam, Politicamque scientiam in Auditorio Trilingui Buslidiano: Verum anno Professionis nec dum elapso, docendi assiduitate ac labore fractus, diem obiit extremum, VIII. Idus Febr. anno clō lōc XLIX. ad D. Petri, in sacello S. Caroli Borromæi, juxta tumulum Amicissimi Viri, E. Puteani, depositus. Vir fuit in utraque oratione excellens, attamen stylo quam voce promptior, & scribendi quam dicendi gratia (ob raucitatem quandam, qua à natura primisque vitæ annis laborare solet) præstantior; doctrina varius, ingenio politus & elegans, iudicio perspicax. Illud in eo mirabamur, quod cum quicquid componeret ac scriberet, seu vincta seu soluta numeris oratione, nihil unquam bis scriberet, imo ne quidem mutaret, emendaret, aut deleteret aliquid: Adeò fecundum illi peritus erat, ex quo, velut ex limpido quodam ac copiose scaturiente

turiente

oriente fonte, sine fece ac luto, unoque tenore fluebant omnia, ritè præmeditata, ordinata, composita. Et non tam loquendo ac scribendo, quam etiam regendo, ac sobrie, iuste, ac vivendo, publice privatimque exemplum dedit omnibus imitandum. Vixit autem in Collegio Myliano, primus ejus Præses anno clc lcc XIX. constitutus, rexitque triginta annis, ac tertium Rector totæ Academiæ præfuit: Nullas interim sibi à scribendo ac commentando dans ferias, eratque domus illius non tam locus ad habitandum, quam Schola prædam ad docendum, ad quam nobilissimi ac illustres è remotioribus diffitisque Provinciis ac Regnis, Germania, Bohemia, Poloniaque juvenes confluebant. Quò factum, ut & ad Cæsarem FERDINANDUM III. ac PHILIP-  
 UM IV. Regem Catholicam nominis ejus fama perveniret, qui eundem Sereniss. Domus Austriacæ Historiographum cum Consiliarii titulo, singulari Diplomate deputarent. Cæterum eminebat ille in omnibus, quæ quidem imitari & illustrare politionis litteraturæ studia solent, sive riis suæ scientiæque, quam profitebatur, principia traderet; sive soluta ligataque numeris oratione quidquam scriberet: Cujus rei testimonium luculentum præbent ingenii nonumenta, quæ posteritati plura reliquit, pleraque ad noscendum utilitatemque litteratæ juventutis conscripta, Oratoria, Poëtica, Historica. Nam & de rebus cum sacris, cum profanis ac politicis, disserere vel ipse identidem solebat, ejusve stylo atque oratione discipuli, quos formabat: leque materiis variis Tragædias plures composuit, & publice exhibuit, quo in genere eidem Academici omnes palmam præ cæteris deferrebant. Historiam verò veterem potissimum ita tractare consuevit, ut simul & ad Politicam scientiam artemque regendi atque administrandi Rempubl. viam iteraret. Nam ad hunc scopum collimant Institutiones imprimis Politicæ, Illustrium Scriptorum testimoniis, exemplis ac documentis instructæ: ut & Ethicæ atque Oeconomica, pari apparatu adornatæ. Sed neque recentioris ævi Historiam intactam reliquit: Et cum in una Augustissima ac Serenissima Domo Austriacæ Virtutes omnes vel maxime luceant, emineantque; cum una illa sit, quæ latissime imperando in omnibus suis Regnis ac ditionibus nunquam solem videt occidentem, ut hanc ejus potentiam adeoque & Zelum pro tuenda retinendaque Religione Catholico-Romana, ferre nequeant æmuli, quasi solo obtentu Religionis

ad Orbis universi dominatum adspiraret, Imperium Romano Germanicum cogitet efficere hæreditarium & Austriacum: Ut hanc ab ea invidiam amoliretur D. Vernulæus Apologiam scripsit pro Augustiss. Gente Austriaca, qua illius Magnitudo, Imperium, Virtus, adversus ejus hoc temporæmulos adseritur, deque Virtutibus ejusdem Gentis, S. & Historiam reliquit Austriacam, ut à morte extaret monumentum, quo affectum suum in eandem Potentiss. familiam ostenderet. Quæ insuper edidit, eorum mox dabimus syllabum:

## LESSUS

In obitum CL. Viri.

## DN. NICOLAI VERNULÆI.

*Dicite, quæ tanta video nova fercula pompa?*

*Quis novus hæc luctus? quis novus ille dolor?*

*Dicite, quid lacrymis Vobis sic pectus inundat?*

*Alveus undantes non capit intus aquas.*

*Dicite, quo tanto fertur nova Præfata luctu?*

*Dicite, vel cujus fata vicesque gemat.*

*Otcidit: At quisnam? Flos Vernus Palladis urbis,*

*Quo non in tota pulchrior alter erat,*

*Lilia, narcissi, viola, calthaque, rosæque,*

*Et quidquid Floris vel Zephyritis habet,*

*Ite procul, Vernus præ cunctis floribus ille*

*Flos placuit, vento marcidus ille jacet.*

*Ille etiam flores multis diffudit ab annis,*

*Ille dedit variis plena canistra rosis.*

*Quis VERNULÆVM nescit? proh invida fata,*

*O nimium votis invida fata meis!*

*VERNULÆE jaces! radiabas undique donis,*

*Historia quantus, carmine quantus eras?*

*Debita quæ magnis animis dedit æqua vetustas*

*Premia, mirari sæcula nostra facit.*

*Urbis tu Gædia Atlas, VERNULÆE, fuisti;*

*Hoc qui portet, onus vix reor ullus erit.*

*Quis ferat, hoc humeris? humeris labor iste gravabit,*

*Quod tu gaudebas ferre libenter onus.*

*VERNULÆE jaces! voluisses fata subire,*

*Debebat suos numpere Parca meos.*

*Hoc erat in votis, vixisses Nestoris annos:*

*Ut morerer pro te, (scilicet) eras,*

Nam

Namque ego cum vidi meritorum quanta tuorum  
 Prælia, vive meo dixi, tempore vive tuo.  
 Vix fato iam fundus eras, vix credere quūquam.  
 Credere vix potuit te potuisse mori.  
 At mors incerta, non ducit arundine telum,  
 Quosque cupit telo sæva ferire, ferit  
 Et Reges mors sæva ferit: nā iusta feriret,  
 Natura ditio jam superata foret.  
 Sic VERNVLÆVS tranquilla in pace quiescit,  
 Natura clausit deficiente dies.  
 Claudite Vos mæsti, lacrymarum claudite fontes.  
 Non poscit madidas Vita beata genas.  
 Non meretur iustus, sed tantum ergastula mutat.  
 Viveret ut semper, debuit ergo mori.  
 Ille suo placidam traduxit tempore vitam,  
 Sic etiam placide debuit ille mori.  
 In Divi Petri placide sic ossa quiescant,  
 Et VERNVLÆI Spiritus astra colit.

## EPITAPHIUM.

Hic situs est, miseris solus qui ferre levamen.  
 Sæpe VERNVLÆVS nomine notus erit.

Aliud.

Cui fuit eloqui semper flos vernus in ore.  
 Flos VERNVLÆVS decidit, ecce jacet.

Aliud.

Gesta Ducum cecinit, cecinit qui Cæsaris acta,  
 Funera qui Regum, claraque facta Virum;  
 Hic jacet, ille jacet: vivit virtute superstas  
 Et qua vel solat cognitus esse potest.

Credite mortales, mortalia cuncta peribunt.  
 Sic juvat hic fausto claudere sine dies.

GYMNAS. PORC. P.

## SCRIPTA.

De arte dicendi libri III. una cum Praxi Rhetoricæ seu modo  
 utendi arte Rhetoricæ. Lovanii 1619. in 8. Item  
 cum duobus Topicorum libris, ibid. 1637. in 8. Nori-  
 bergæ 1658. in 12.

Dissertationum Politicarum Decas prima, qua continentur  
 de Una & Diversa religione uno in Regno seu Repu-  
 blica:

- blica : Quis inter orbis Monarchas potentissimus  
 De Peregrinatione : De gloria militari : De Libertate  
 Politica : De litibus cito finiendis aut tollendis : De  
 Bello Turcico : De Vectigalibus : De Imperio Maris  
 De Munitionibus. *Lovanii* 1613. in 4. 1646. in 8.  
*Institutionum Politicarum libri IV. ibid.* 1624. in 8. *Colo-*  
*1628. in 12.* Quas deinde scriptorum testimonii  
 auctoritatibus, documentis, exemplisque, quæ in  
 Commentariis sunt, illustravit. *ibid.* 1647  
 in fol.  
*Institutionum Moraliu libri IV. ibid.* 1625. in 8. 1637  
 in 8.  
*Historia Academia Lovaniensis libris III. ibid.* 1627. in 4.  
*Annus Austriacus, sive Ephemeris Historica rerum Austri-*  
*carum per singulos anni dies. ibid.* 1628. in 8.  
*Certamen Oratorium de militari gloria, inter VI. milites*  
*Hispanum, Germanum, Francum, Italum, Polo-*  
*num, Hungarum. ibid.* 1624. in 4.  
*Differatio Politica de bello feliciter gerendo. ibid.* 1639  
 in 4.  
*Tragoediae X. Conradus Dux Sueviae, Crispus Caesar: Theo-*  
*doricus Rex Italiae : Stanislaus Cracoviensis Episco-*  
*pus: Ottocarus, Bohemiae Rex: Thomas Canturien-*  
*sis, Episcopus: D. Eustachius: Martyres Corcomi-*  
*enses. ibid.* 1631. in 8. Accessit his Maximus 1630.  
 in 8. item *Fritlandus* 1635. & 1656. in 8.  
*Orationes Sacrae XXX. ibid.* 1633. in 8. & *Colo.* in 12.  
*Elogia Oratoria Alberti Pii, Isabellae Clarae Eugeniae, An-*  
*brofii Spinolae, Caroli Comitis Bucquoti & Jo. Comi-*  
*tis Tillii, cum aliquot Orationibus miscellaneis. ibid.*  
*1634. in 8. Colon.* 1635. in 12.  
*Apologia pro Augustiss. gente Austriaca. ibid.* 1635. in 4.  
*Laudatio funebris Ferdinandi Austriaci S. R. E. Card. & mu-*  
*nus parentale Sacris Manibus ejusdem Ferdinandi*  
*ibid.* 1641.  
*Laudatio funebris Ferdinandi II. Imper. ibid.* 1637.  
*Triumphus ob caesos ad Calloam Batavos. ibid.* 1638.  
*Triumphus Lovaniensium ob solutam Urbis obsidionem*  
*anno clc lxxv. & Oratio ad Studiosam juven-*  
*tutem, cum Kal. Julii post solutam obsidionem stu-*  
*dia resumere. ibid.* 1635. in 4.

Dissertatio Oratoria de causis occupatæ à Francis Lotharingæ. *ibid.* 1636. in 4.

De Justitia armorum Batavicornum adversus Regem Catholicum. *ibid.* 1637. 4.

Orationes Rhetorum Gymnasii Potcensis. *ibid.* 1645. sæpius & *Colon.* 1656. in 12.

De Propagatione fidei Christianæ in Belgio per Sanctos Hiberniæ Viros. *ibid.* 1639. in 8.

Dissertationum Politicarum Decas secunda, qua continentur de bello feliciter gerendo: De meritis in Ecclesiam Romanam inter Francum & Hispanum: De causis belli Germanici: De causis occupatæ à Francis Lotharingæ: De Justitia armorum Batavicornum adversus Regem Catholicum: De causis belli inter Franciæ & Hiberniæ Reges: De Luxu conviviorum: De Administratione & amplificatione Imperii: De peregrinatione juvenis Principis: De militum electione. *ibidem.* 1646. in 8.

De Virtutibus Gentis Austriacæ, libri tres. *ibid.* 1640. in 4.

Institutionum Oeconomicarum libri II. *ibid.* 1640. in 8. quos postea Additamentis, quæ Commentariorum vicem suppleant, adornavit. *ibid.* 1649. in fol.

Discursus Historico - Politici tres, quibus causæ belli Sueco-Germanici, Franco-Lotharingici, Armorumque Belgico - Batavicornum Oratoriè ventilantur. Accedit Cinea Pacificus. *Colon.* 1643. in 4.

Observationum Politicarum ex Corn. Taciti operibus Syntagma. *Lovanii* 1651. in 8.

Historia Austriacæ Gentis Augustissimæ, Sereniss. ac Potentissimæ Archiduces, Reges, Imperatores breviter complexa. *ibid.* 1651. in 8.

Pitome Histor. ab orbe condito ad hæc usque tempora. *ibid.* 1654. in 4.

Imperatorum Symbola. *ibid.* 1652. in 4.

Oratio in Obitum Ericii Putcani. *Colonia* 1650. in 4.

## VITA

*Viri Incomparabilis,*GERARDI JOANNIS  
VOSSII,

Eloquentiæ & Chronologiæ  
In incluta Academia Lugduno-Batava  
Professoris Celeberrimi,  
Cum ex Athenis Batavis Jo. Meursii,  
tùm scriptis aliis,

*breviter collecta.*

**G**erardi nomen à parentibus accepit in memoriam pro-  
avi sui, Gerardi Vossii, Ruremondani, Viri in urbe pa-  
tria, ante hos annos centum & amplius, genere, virtute  
fortunisque spectatissimi: qui ex uxore, Gertrude Verha-  
gens, Bartholomæi filia, reliquit filium Antonium Vossium.  
Huic uxor fuit Juditha Calenia, soror unica Viri Clarissimi  
Christophori Calenii, Ruremondani in Crucigerorum Mo-  
nasterio antistitis (quo in munere jam septuagenarius obiit  
anno c13 l3c VIII.) filia vero Johannis Calenii, in publicis  
muniis quinquaginta pene annos cum honore versati, &  
Catharinæ Budeliæ, Reineri Budelii, experientissimi Me-  
dici filiæ: amitæ autem Amplissimi Viri, Reinerii Budelii  
Jurisconsulti, cujus de re monetaria uberes atque utiles com-  
mentarii Coloniz prodierunt. Ex Calenia hac Antonii  
Vossio liberi fuere, Johannes, Gerhardi hujus pater, Aren-  
tius, & Isabella, quæ ex marito Dionysio Bylmacero, filiam  
unicam, Juditham, reliquit, nuptam Amplissimo Viro  
Petro Bosmanno, superioris Ducatus Geldrici ordini equi-  
stri, ac Ruremondanz item Civitati à secretis. Natus  
est Joannes anno c13 l3 XLIX. Vix quinquennis erat, cum  
famigeratum illud incendium anni c13 l3 LIV, quod &  
Ruremondæ parti decimæ pepercit, etiam parentem eju-  
& avi utriusque ædes, absumeret. Multum illud & rei  
spei parentum incommodavit. Sic tamen etiam fortunæ  
ferentibus, urbe quotidie è favillis pulcrius exsurgente, il-  
lum Latinis Græcisque literis, ac Philosophiæ studio,

Scho



Scholapatria excolendum curavere. Postea etsi tumultu belli Belgici, paullum amor studiorum refrixisset, mox tamen ardor prior rediit: etiam Italicam, Gallicam, & linguas alias superaddidit: occasioneque captæ ab Auriaco Principe Ruremundæ; Concionumque ibi habitatum nova luce accensus, in Academiam profectus est Heidelbergensem, summosque audivit Theologos, ante omnes Hieronymum Zanchium & Zachariam Ursinum, ibidem frequentabat disertas Casparis Oleviani conciones, feliciterque ipse exprimebat. Cumque magistris tantis præclaras animi dotes auxisset, nec leve jam sibi parasset nomen; anno cIdo Id LXXIII. adlectus est in eorum numerum, qui Ecclesiam DEI in diœcesi pascerent Heidelbergensi. Quo ipso anno, bona cum venia Electoris Palatini, Friderici Pii, Waseburgam, Juliaci urbem, ubi libertas Religioni Reformatæ erat, profectus fuit; ac genere, pietate, prudentiaque præstantissimi Viri, Matthæi à Biele, Ruremondani; qui Albani Ducis, ac Lindani Episcopi metu, eò se receperat, filiam Corneliam, lectissimam Virginem, uxorem duxit: cuius ille ut mores castissimos multis annis perspexerat; ita propinquos omnes norat, quæstoria, Senatoria, ac Consulari dignitate Ruremondæ, inque vicinis oppidis, insignes. Reversus ad Ecclesiam suam, quadrienni proximo quaternis augetur liberis. Eorum natu omnium minimus noster fuit Gerardus, qui in lucem editus, ineunte vere anni cIdo Id LXXVII. semestri circiter post obitum Friderici Pii. Eopse anno, Ludovico Electore Palatino, in locum Pastorum priorum surrogante alios, qui Lutheri de S. Cæsa sententiam amplecterentur, parens cum uxore & filiolo Gerardo vix senum mensium, è Palatinatu in Bataviam commigravit; novæque Academiæ, & magnorum ibi Virorum desiderio, doctissimus ipse, plectus, Lugduni potissimum domicilium elegit, atque à Rectore Petro Tiara V. Maji anni cIdo Id LXXVIII. inter Academiæ membra adscriptus est hoc nomine: *Ioannes Alopecius Ruremondanus*. Nam ex more eorum temporum, & Græcicæ linguæ amore, Græca magis appellatione gaudebat: quam & filius Gerardus ad annum usque ætatis XII. retinuit, auctoreque tum præceptore suo Rekenario mutavit; qui appellatione vulgo haud intellecta honestatem familiæ obscurari distitabat. Lugduno dum parens degit, ad Lejemundensem Ecclesiam, quæ in Rhinlandico est Leidenfium territorio, vocatur. Unde

mox, attamen ægrè admodum, Gerardo adhuc tum vix bi-  
 mulo, avellitur. Sed in istis Belgicæ motibus, ingens eo-  
 rum in Flandria penuria erat, qui non prudentia atq; erudi-  
 tioneminus quam Zelo pollerent. Itaque optimi quique  
 auctores fuere, ut à nobilitate Flandrica, quæ perhonorifi-  
 cam miserat legationem, persuaderi pateretur, ut Ecclesiæ  
 curam susciperet Furnæ, oppido, ut fertilitate soli, & mar-  
 tyrum sanguine, ita natalibus Clarissimi Pauli Leopardi, in-  
 clyto. Anno c<sup>lo</sup> I<sup>o</sup> LXXXIII. cum illud & alia Flandriæ  
 oppida, in potestatem rediissent Hispaniarum Regis, Gerar-  
 dus, jam sexennis in Bataviam reducitur. Parens Dor-  
 drechti, primaria Batavorum urbe, Ecclesiæ præfectus fuit.  
 Hic anno proximo Gerardus dulcissimam Matrem amittit.  
 Pater anno c<sup>lo</sup> I<sup>o</sup> LXXXV. alteris nuptiis uxorem ducit An-  
 nam Wittiam, Francisci filiam, sororem Amplissimorum  
 Virorum, Cornelii & Jacobi Wittiorum, quorum ille Con-  
 sulari, hic quæstoria apud Dortrechtanos, uterque Senato-  
 riadignitate inter delegatos Hollandiæ ac Westfrisiæ Ordi-  
 num conspicuus fuit. Tertio ab eo conjugio mense etiam  
 patre vix octennis orbatur. Utroque parente destitutus,  
 studia nihilominus literarum excolebat, condiscipulo inter  
 alios usus Erycio Puteano, Historiarum, post Justum  
 Lipsium, in Lovaniensi Academia Professore, viro scriptis  
 non intermorituris toto orbe clarissimo. Inferiores classes  
 permensus, à Cornelio quidem Rekenario potissimum insti-  
 tuebatur in elegantia Latini sermonis, Philologia universa,  
 Oratoria item ac Poësi; at Oratores & Poëtas Græcos enar-  
 rabat Franciscus Nansius, Franconatium prius in Flandria  
 Decurio perpetuus, tum Græcæ ea in Schola linguæ Pro-  
 fessor. Ac nunc Græcum carmen pangendo, nunc Græcè  
 declamando, item in omni pene philosophia exercebat A-  
 drianus Marcellus. Anno c<sup>lo</sup> I<sup>o</sup> XCV. mense Septembri.  
 Lugdunum Batavorum mittitur. inque literis Græcis por-  
 ro audit Bonaventuram Vulcanium, in Mathesi Rudolphum  
 Snellium, in Philosophia Peripatetica, cum Petrum Ber-  
 tium, tum Petrum Molinæum; à quo & cum universam  
 Philosophiæ *ἀπορρητομένης* publicè defendisset, ex auctori-  
 tate Rectoris Magnifici, ac Senatus Academici, liberalium  
 artium Magister ac Philosophiæ Doctor creatus fuit, quod  
 anno contigit c<sup>lo</sup> I<sup>o</sup> XCVIII. XIII. Martii. Exinde in He-  
 bræis audivit incomparabilem Virum, Franciscum Junium,  
 in Theologia, tum eundem Junium, tum Lucam Trelca-  
 rium

tium Seniore, & Franciscum Gomarum, Viros præcellentis doctrinæ. Nec minus lectionibus privatis, ac disputando exercebatur à Johanne Kuchlino, Theologici illustrium Ordinum Collegii Præsidi; sub quode summo bono, iterum de agnitione miseriæ, hinc de Symbolo, rursum de Trinitate, denique de prædestinatione eas theses defendit, quæ cum Vossii nomine in lucem prodierunt. Interim & occasione Bibliothecæ à patre sibi relictæ, ac ab antiquis etiam Theologis instructissima, Patrum lectioni, & Historiæ Ecclesiasticæ, sedulo vacabat: quod studium deinceps, quantum muneris ratio permittetet, cum cæteris studiis semper conjunxit. Anno c1o 1o XCIX, præcipiti autumnò, ac deinceps aliquot mensibus, Clarissimo Viro, Ælio Everardo Vorstio, (qui Petro Molinaeo in Physices professione ante annum successerat) inter Medicinæ Professores cooptato, publicè cum laude summa in Academiâ explicuit Aristotelis lib. V. *φυσικῆ ἀκρόασις*, item ejusdem librum de memoria & reminiscencia. Actumque à nobilissimis Academiæ Curatoribus fuit, de eo in Professorum Philosophiæ numerum legendo. Sed dum in eo sunt toti, fato suo fungitur Dortrechtii Vir doctissimus, Isaacus Corputius, Ecclesiastes, ac cui in Præceptorum Collegio proximus ab Rectore locus esset. Paucis post mensibus etiam obiit Rector ipse Hadrianus Marcellus. Eaque occasione summa gubernatio Scholæ commissa est Gerardo Vossio: desinente tum & professionem suam Joanne Polyandro, doctissimo Theologo, qui Logices & Ethices in illustri eo Gymnasio fuerat Professor. Anno c1o 1o XII, Februar, uxorem duxit Castissimam Virginem, Elisabetham Corputiam, V. Cl. Henrici à Corput, primarii apud Dortrechtanos Ecclesiastæ, ex conjugè Adriana à Brecht filiam, neptem Jo. Corputii, Actuarii ac Consulis Bredani, ex uxore Antonina Montenia; cujus parentes fuerant, Henricus Montenius Senator, & Quæstor generalis Baronatus Bredani, & Joanna Roveria, Guilhelmi Roverii, Senatoris Bredani, filia. Ex uxore hac suscepit liberos ternos. Anno c1o 1o VII, VI. Februar, uxorem amisit. Eopse anno in lucem dedit Oratoriarum Institutionum libros VI. quos triennio post auctiores & emendatiores emisit. Eo opere primam sibi nominis claritatem peperit, dum magno applausu exciperetur, etiam ab ipsis eruditionis principibus, Josepho Scaligero, & Isaaco Casaubono: quorum ille cum avide sane per-

legisset, profitebatur (verba ejus retinemus) se infinita ex eo didicisse: nec è veteribus quidem esse, qui palmam præripiat summo Viro: Casauboni vero apud V. Cl. Hugonem Grotium, aliosque multos, judicium tale fuit, nihil Rhetoricis ejus esse elegantius, nitidiusque, nihil *κατεπ' ὄψιν*, elucens ubique judicium & *παραπαιδείας*. Simillima etiam aliorum judicia erant, quæ Vossio ad ea, cæteraque studia, porro excolenda, non mediocriter animum addebant. Anno vero c13 13 C VII, XVIII. Augusti, alteris nuptiis uxorem duxit Virginem honestissimam, Elisabetham Juniam, progeneram nobili & viro & Theologo, Francisco Junio, & Elisabetha Corputia, Joannis Corputi, Consulis Bredani, filia. Anno c13 13c XIV. & proximo, ad professionem S. Theologiae in illustri Schola Steinfurtensi vocatus est, à generosis Comitibus Bentheimensibus. Sed cum eodem tempore nobilibus Academiae Lugdunensis Curatoribus perhonorifice vocaretur ad regimen Collegii Theologici, quod illustres Hollandiæ ac Westfrisiæ Ordines Lugduni statuerant hanc vocationem, urgentibus amicis, prætulit; etsi magis quam dicere posset, terreretur oneris difficultate, præsertim in maximo illo Ecclesiæ Schismate, juventutem etiam contraria in studia scindente, non exiguo sane pietatis at modestiæ dispendio. Quam diu tamen id munus gessit (per quadriennium & amplius fuit) fortiter ea in tempestat clavum tenuit. Postea, ut lassus, sic levatus, regundæ adolescentiæ molestia (quæ annos duraverat viginti, optimamque ætatis partem sibi vindicarat) in Academia Lugdunensi Eloquentiæ, ac simul Chronologiæ Professor factus est ordinarius, stipendioque publico extra ordinem invitatus quæ ad veteris Ecclesiæ controversias atque historiam pertinerent, fideliter consignavit. Is itaque fuit Vossius, qui omnibus omni studio etiam prodesse voluit, atque ita quidem, ut non valetudini curandæ (ita de se ipso loquitur in præfatione præmissa lib. III. de Theologia Gentili) vel instruendæ, studiose daret operam, sed cum prioris haud lepericulo, & certo alterius dispendio, impensius semper publicis studeret commodis: plane ad exemplum prisce Catonis, qui multo surgebat mane, atque imo ipsa etiam nocte quo vacaret studiis, ac meditaretur quid Reip. foret utile posthabita etiam rei familiaris ratione: Quin imo cum scriberet illud:

Οὐ χρὴ παννύχιον ἔνδον βαλὴφορον ἄνδρα,

insomnes traducebat noctes & vir, & senex, qua ætate sibi jam parcere potuisset; omne id temporis perdi ratus, quod publico bono non impendisset. Quid quod ne inter ipsas quidem epulas sibi temperaret, quo minus vel lectitaret libros, vel cogitationibus inhæreretur. Omne pene, quod hic in terris egit tempus, ita egit Vir summus, ut unius cujusque momenti fere rationem reddere vellet, nec posset minus. Loquuntur id, & loquentur tot ejus labores, quos nunquam suo pretio æstimare queat justa posteritas. In iis dubius sis, quid potissimum mirari conveniat; omnigenamne magis ac solidam eruditionem; an vero piam magis, ac modestam. Pulcra fuit illa Ægyptiorum consuetudo, qua non licebat aliquod præclarum inventum sacrarum ædium columnis inscribere, nisi prius ab aliis ejus artis maxime gnaris id probaretur. Legat hos, ac sanè judicet eruditus orbis, non vidit, aut videbit unquam, quod magis Æternitatis Ædi inscribi mereatur. Ut autem erat ille βιβλιοθήκη ἑμψυχῶν, καὶ ἀειπατὲρ μαθητῶν, atque omnium artium, & doctrinarum Promus condus: ita liberis non minus, quam libris ornavit seculum, ut dubium effecerit, scriberetne accuratius, an gigneret felicius, quemadmodum alicubi loquitur illustris Grotius. Atque ii quidem patri simillimi ea etiam edidere scripta, quæ non nisi cum pereunte mundo perire possint. Cum vero numero novem essent filii, filiarumque, omnesque pariter linguarum peritia, ac quovis studiorum genere inter se certarent, meritò ipsius ædes, quod de Pythagoricis dicebatur, Apollinis, novemque Musarum, vocasses habitaculum. Atenim horret animus (scribente Francisco Junio, in præfatione operis Vossiani de quatuor Artibus Popularibus) dum liberos cogito. Vix viderat illos ad justam vitæ, & gloriæ, maturitatem excrevisse Parens, cum ecce turbato mortalitatis ordine, contra commune Parentum votum, videt alterum alterius quasi premere vestigia, dum ad vocantis Dei nutum se sistunt penè omnes. Quis neget omnem humanitatis sensum exuisse Tiberium, qui felicem vocabat Priamum, quod superstes omnium suorum extitisset? Quis sortis suæ, suorumque memor Camillum laudet, qui amisso filio dolori succubuit; adeo quidem, ut non nisi inter ipsos mulierum cœtus muliebre in modum casum filii dolens inveniretur? Summus Vossius, quanquam eos amisisset filios, qui paternis passibus contenderent, quousque gloria eniti potest, quales etiam pro suo in literas amore non filios

non lugere non posset, quovis tamen dolore se ostendit patientiorem, cui succumbere tristissimis cladibus ducebat tristius. Enimvero non Periclem, non Xenophontem, non Anaxagoram Clazomenium, constantis in adversis animi exempla, jactet antiquitas, quos nempe erigere poterat praecra filiorum in bello pro patria Virtus; Vossius lectissima atque eruditae filiae Corneliae propè inclytam Leidam aqua hyberno frigore concretis fidem frangentibus miserrimè submersa iturus exsequias, cum corpus humandum ostendi sit peteret, atque ægre ab amicis, quod crudum vulnus sic refricari crederent, id obtineret, ubi vidisset, distavit ipse constantibus solatia, monuitque divinae acquiescendum esse voluntati, ac nihil fieri ἀλογον παρὰ τὸν λόγον τῶν ἡμετέρων, καὶ ἡμῖν ἔτι φαίνεται. Ita vixit hic literati orbis Imperator, & septuagesimum tertium egit annum, cum fatis cederet vix immortalitate dignissimus. Recessit a nobis anno recuperatae per Christum Salutis clo hoc L, pia placidaque morte, quanquam non recesserit totus. Reliquit enim liberos suos, Eximium nempe Virum, Isaacum Vossium, insignis sui ævi decus, ac ex Clarissimo Mathæo nepotem sibi cognominem, Gerardum, in quibus eum aliquando agnosceremus, cernemus, tenebimus, ut immutem paullo Ambrosii illa in funere Theodosii. Addam ingeniosissimi Poëtae Batavi, Justi Vondelii Epigramma;

## IN EFFIGIEM

Celeberrimi Viri,

## GERARDI JOHANNIS VOSSII.

*Sex datus nihil est numeret si VOSSIVS annos,**Candidior niveis frons erit illa comis;**Hæc habitat cuncti sub fronte scientia seculi,**Condita quæque libris condita habet cerebro.**Quid chartis hominem cingis, Sandrarde, librisque**Charta, liber, quicquam si capit, ille capit.*

## EPITAPHIUM.

*Hoc tumulo plorat pietas & candida Virtus,**Et lucem Pallas Saxea dirigit.**Invidiam mors ridet, ridet quoque VOSSIVS illam,**Dum calamo mortem vincit & ingenio.*

ANTONIUS THYSIUS

## SCRIPTA.

Oratio Panegyrica, de felici expeditione exercitus Foederatæ Belgicæ, novem oppidis trimestri captis, ductu Illustriss. Principis Mauritii, Comitis Nassoviæ, &c. *Lugd. Bat.* 1597. in 4.

Commentariorum Rhetoricorum, sive Oratoriarum Institutionum libri sex, *ibid.* 1606. 1630. 1643. in 4. *Dordraci* 1606. 1609. in 8. *Francof.* ad Viadrum 1616.

Dissertationes de Mundi Creatione, de Peccato primo Adami, de Bonis Operibus eorumque Meritis, de Statu animæ separatæ, de Orationibus & Oblationibus pro defunctis, de Sanctorum invocatione, de Carnis Resurrectione, de Judicio extremo, de fine Mundi, de Sacramentis universis, de Baptismo, de Cæna, de Decalogi divisione, *ibid.* 1615. 1619. *Haga-Com.* 1658. in 4.

De Arte Grammatica libri VII. *Amster.* 1615. 1635. 1662. in 4.

Responsio ad judicium Herm. Ravenspergeri, de libro ab H. Grotio, de Satisfactione Jesu Christi scripto adversus Socinum, *Lugd. Bat.* & *Francof.* 1618. in 4.

Historiæ de controversiis, quas Pelagius ejusque reliquæ moverunt, libri VII. *Lugd. Bat.* 1618. 1630. *Amsterod.* 1655. in 4.

In Fragmenta Veterum Tragicorum Castigationes ac notæ, *ibid.* 1620. in 8.

De Rhetoricæ Natura ac constitutione, & antiquis Rhetoribus, Sophistis ac Oratoribus liber. *ibid.* 1622. in 8. *Haga-Comit.* 1658. in 4.

Rhetorices contractæ, sive Partitionum Oratoriarum libri quinque, *ibid.* 1622. 1627. 1640. *Iena* 1634. *Amster.* 1651. 1655. 1666. in 8.

Ars Historica, sive de Historiæ & Historices natura, historiæque scribendæ præceptis commentatio. *Lugd. Bat.* 1623. 1653. in 4.

De Historicis Græcis libri IV. *ibid.* 1623. Emendatior & auctior. *ibid.* 1651. in 4.

Responsio ad Consilium Michaëlis Lonigi, it. ad Aphorismos de Statu Ecclesiæ instaurando. *ibid.* 1623. in 4.


Oratio in Obitum Thomæ Erpenii, Orientalium Ling. in Academia Leidensi Professoris. *ibid.* 1624. in 4.

De Historicis Latinis, *ib.* 1625. 1627. Emendatior & auctior. *ib.* 1650. in 4.

- Grammatica Latina, *ibid.* 1628. *Amster.* 1631. 1651. 1666. in 8.
- Ludolphi Lithocomi Syntaxis Latina, ex ejus recensione 1628, in 8.
- Latina Grammatica contracta. *ibid.* 1632. *Amster.* 1651. in 8.
- Vellejus Paterculus cum Notis, *ibid.* 1639, 1654. in 12.
- Periclus Scylacis Caryandensis. *Amster.* 1639. in 4.
- De Cognitione Sui. *Lugd. Bat.* 1640. *Amsterod.* 1654. 1664. in 12. *Hamburgi* 1651, in 12.
- Germanicè vertit M. V. Bonhou. *Hamburgi.* 1658. in 12.
- De Theologia Gentili & Physiologia Christiana; sive de Origine ac Progressu Idololatriæ libri IV. *Amsterod.* 1642, 1656. in 4. Libri IX. 1668. in fol. & *Francos.* 1675. in 4.
- Dissertatio gemina, una de Jesu Christi Genealogia, altera de Annis, quibus natus, baptizatus, mortuus. *ibid.* 1643. 1662. in 4.
- Annales Hollandiæ & Zelandiæ, *ibid.* 1645. in 4. & fol.
- De Vitiis Sermonis & Glossæmatæ Latino-Barbaris libri I. *ibid.* 1645. *Francos.* 1666. in 4.
- Institutiones linguæ Græcæ Cleanardi. *Lugd. Bat.* 1641. *Amster.* 1655, 1670. in 8.
- De Arte Poëtica & imitatione veterum. *Amster.* 1647. *Haga-Com.* 1650. in 4.
- De Baptismo Disputationes XX. *ibid.* 1648. in 4.
- De Poëtis Græcis & Latinis, opus posthumum. *ibid.* 1651. 1654. in 4.
- De Natura & Constitutione Logices & Rhetorices. *Haga-Com.* 1658. in 4.
- Dissertatio de Studiis bene instituendis. *Ultrajecti.* 1651. in 12.
- Institutiones Poëticæ. *Amsterod.* 1653. in 4.
- Harmoniæ Evangelicæ de Passione, Morte, Resurrectione ac Adscensione Jesu Christi libri III. *ibid.* 1651. in 4.
- De Philosophia & Philosophorum Sectis, opus posthumum. *Haga-Com.* 1658. in 4.
- Isagoge Chronologiæ sacræ. *ibid.* 1659. in 4.
- De quatuor Artibus Popularibus, Grammaticæ, Gymnasticæ, Musicæ & Geographice liber. *Amstelod.* 1656. 1660. in 4.



- De Philologia liber, *ibid.* 1660. *Lipsia.* 1670. in 4.
- De Universæ Matheſeos natura & constitutione liber. Cui subjungitur Chronologia Mathematicorum, *ibid.* 1660. in 4.
- Commentarius de rebus pace belloque gestis Fabiani Burggravii à Dhona. *Lugd. Bat.* 1628. in 4.
- Vox naturæ acclamantis. *Francof.* 1634. in 12.
- De primatu Papæ, *Lugd. Bat.* 1645. in 4.
- Notæ in Epistolas genuinas S. Ignatii Martyris. *Amster.* 1646. in 4.
- De tribus Symbolis, Apostolico, Athanasiano & Constantinopolitano, *ibid.* 1642. 1662. in 4.
- Elementa Rhetorica, *ibid.* 1657. *Lubeca* 1651. in 12. Aucta à Joh. Sebast. Mitternacht. *Iena* 1657. in 12.
- In Epistolam Plinii, de Christianis & edictis Rom. Cæsarum adversus Christianos, Comment, *Amsterod.* 1654. in 12.
- Rudimenta linguæ Græcæ, *ibid.* 1659. *Heidelb.* 1672. in 8.
- Vocabularium Etymologicæ Latinæ Belg. *Dordraci* 1654. *Rotterod.* 1670. in 8.
- Lexicon Etymologicum linguæ Latinæ. *Amsterod.* 1662. in fol.
- Dissertat. Epistolica de jure Magistratus in rebus Ecclesiasticis, *ibid.* 1669. in 4.
- Progymnasmata.
- De Manichæis & Stoicis : De Miraculis Christi ; De primatu Petri & Sedis Rom. conf. Cl. Arnoldum, Fauctorem meum singularem, in selectioribus G. Richteri Epistolis p. 484.



## MEMORIA

*Praclarissimi, Amplissimi & Excellentissimi Viri,*

**DN. M. HENRICI  
JULII SCHEURLII,**

Moralium in Alma Universitatis Julia Professoris Publici, ut & Philosophicæ Facultatis Senioris atque Decani longè meritissimi,

*Renovata & translata,*

Ex concione funerali Vernacula, in solenni  
Ecclesiæ cœtu, proposita à

**BALTHASARE CELLARIO,**  
SS. Theol. D. PP. & Superint.

**I**llis, qui utilissimis ingenii monumentis publicum sibi de-  
vinxerunt, famamque ex artis præstantia feliciter assecuti  
sunt, HENRICUM JULIUM SCHEURLIUM, Philo-  
sophum acutissimum, & πολλῶν ἀντάξιον ἄλλον, meritissi-  
mo jure annumeramus. Natales debuit, sub ipsius ævi no-  
stri auspiciis, XXI. Januarii, Illustri ad Elmum Julix, ubi  
maximorum ingeniorum formatrici: Ortum verò summi  
Reverendo Viro, *Laurentio Scheurlio*, Theologo Doctori  
Professori, ac generali, ut vocant, illius loci Superinten-  
denri; nec minus sceminæ, qua prosapiæ splendorem, qua  
dotium omnium, cujusmodi in hunc sexum cadere possunt,  
ἔσχεν. Clarissimæ, *Maria Magdalena*, Celebratissimi  
dem Theologi atque Cancellarii in Tubingensi Academia  
perpetui, Doctoris *Jacobi Beurlii*, filix. Cum infans per  
primam gratiæ portam duceretur, ut Ecclesiæ civis ac Ser-  
vatori εὐσεβὴς fieret, Serenissimum Principis & Aca-  
demix Nutricii, *Henrici Julii*, Magni sui è sacro lavacro susce-  
ptoris, nomen adeptus est. Ex tantis proinde Majoribus  
ὁ Μακαρίτης Noster prognatus non potuit non optimam in-  
dolem virtutumque insignium semina trahere. Quam pri-  
mum in ludo patrio Musis consecraretur, pro tenera illi  
ætate, pietatis ac literarum rudimenta satis avide cele-  
riterque

iterque hausit. Nondum ex ephebis plene excefferat. & ecce! præmaturo optimi Genitoris obitu totus confundebatur. A consanguineis igitur *Halam* amandatus *Saxonum*, Scholam inibi per triennium tanto quidem successu frequentavit, ut *μυδρὸς* in hoc literarum studio atque stadio de palma contententes facile anteverteret. In *Marienhalsensi* postea *Cænobio* industriam suam iterum Præceptoribus abunde probavit, donec dignus judicaretur, ut ad aliora in celebri, quod *Helmstadii* viget, Lyceo eveheretur. Sed quum ille, in ista adhuc juventute constitutus, probe intellexerat, sine solidiori in triviis jacto fundamine, nihilei ut parum deinceps eruditionis posse in Academiis superari, obnixè petiit, ut ulterius sibi in palæstra hacce Scholastica subsistere liceret. Non omnigenam inde tulit repulm, modo condiscipulis Horatium, Lyricorum Principem, interpretando cotidie vellet præire. Id quod & aliquandiu non sine ingenii & industriæ laude præstitit. Ætatis annum IX. jam ingressus, suasu & voluntate Superiorum, ad reas Scholam transiit: Ibi non studio solum Philosophiæ, sed & linguarum Historiarumque sedulam navavit operam, locupletissimum variæ doctrinæ thesaurum, sibi compavit. Quinquennio egregie peracto, Lauream Magistratam, Brabeuta τῷ πᾶν, *Conrado Hornejo*, cum singulari iusarum applausu ac congratulatione obtinuit. Quod auditi laboris præmium quum reportasset, incentivi loco sibi habuit ad majora audenda. Quo circa cum juvenum ore nobilissimo, *Adriano à Veltheim*, cujus studiorum primum formator extitit, *Lipsiam* profectus est. In splendido illo loco, Academia æque ac Mercatura celeberrimorum quoque & ingeniorum teatro, mirum quantum profecit. Posteaquam enim, ex consuetudine hujus Athenæi, solennem pro loco Disputationem habuisset, Collegium illicet aperuit *Rhetorica*, *Historica*, *Geographica*, *Ethica*, *Politica*, *Logica*, *Physica* ac *Metaphysica*, ingenti undique venum confluxu, majori etiam fructu & emolumento. Dein & exquisitissimas tum pariter publicavit *Disquisitiones Politicas*, aureumque plane libellum, cui *Statuam Mercatoriam* nomen dedit. Tanto itaque doctrinæ splendore iuscans, *Concilii Nationalis à Philareæ* cultoribus Adselegitur. Anno cIo Ioc XXVIII, Serenissimi *Friderici* Brunopolitano - Luneburgici Ducis, jussu & auspicio Professor in *Academia Julia clementina* constituitur.

Hunc

Hunc proinde, ut fas erat, Dominum ac Mecænatem suum humillima mente omnique obsequio semper coluit. tali nunc munere degens, veritatem Proverbii, quod *εὐδαιμονία ἀπὸ τοῦ θεοῦ ἐστίν*, sensit, adeoque vitæ sibi legit adjutorium, Lectissimam Virginem, *Annam Mariam*; antiqua fide ac pietate maxime conspicui, *Gothardi Grossen*, Lipsiæ quondam non imæ cavæ Mercatoris, filiam. Illa, Deo benedicta, Beatissimum nostrum quaterna prole, trina nempe sexus foeminini, ac unica masculini, parentem fecit. Cæsarum de pristina in studiis alacritate & industria nihil quam remisit. Aliquando bis in die publice auditores suos informavit, & domi nihilo secius pubis Academicæ usibus strenue perquam litavit. Testantur id in primis solerti mi Viri lucubrationes æterna luce oppidò dignæ; ut Disputationes, de selectissimis quibusdam materiis, nerva brevitate rerumque pondere admodum commendabiles, quas per XXII. annorum Decursum non parce habuit, Iussu fertò insuper ore proloqui, & verba, fluminis instar, fuisse, *Scheurlio* peculium ferme erat. Hinc summi Orator partes nonnunquam subiit, & aliquot, publico Academico nomine, Legationes cum laude & fructu insigni sustinuit. Vere igitur à non nemine sequenti celebratur Elogio:

-- -- *Vir Optimus, cultor*

*Pietatis integra secundus haud ulli;*

*Sophiæ stupendus Mysta, Magnus Orator.*

Qua porro animi bonitate, quæ in pauperes egenosque misericordia fuerit, dici vix potest. Equidem non modicum temporis Divinarum rerum meditationi & ardentissimè destinavit precibus; quas ad proprios usus Latino æque Germano idiomate concinnavit. Sanctissimo *εὐδαιμονία*, immortalitatis pharmaco, animam subinde suam refecit. Iam quoque erga alios se gessit, ut officium facile probaret omnibus, quietus commodusque & comis. Sub ultimo vitæ cursu aliquoties in gravissimos morbos, mortis prodromos, incidit, divino tamen ope, & provida Medicorum cûta, refectus, cum sanitate non nihil in gratiam rediit. Verum nihil adeo sub cælo constans esse atque stabile, Noster *αὐτὸς* *αἰσίων* tristi suo exemplo docuit. Lecto enim tandem ætatis xus, viribus paulatim exhaustis, ad piam placidamque *ἀνταρξίαν* se præparavit. Nato suo, quem reliquit, unico, cum morti jam proximus esset, salubria quædam suppeditavit monita, ut DEO timorem, Matri honorem, & Præceptis

ibus debitum præstaret obsequium. In ore frequenter ha-  
 uuit illud Divi Pauli: *Cupio dissolvi, & esse cum Christo,*  
*Hocce dicto, aiebat, meus quondam Parens intrepide obdor-*  
*nivit, eidem & ego immoriar.* Voti sui campos redditus est  
 XII. Decembris, anno recuperatæ per Christum salutis  
 1515. Inter horam VI. & VII. vespertinam, absque ul-  
 o mortis metu atque motu; cum Servatori in terrestri mi-  
 litia, plenus fidei & amoris, LII. annis inservisset; fidelis  
 adeoque ministri præmium, æternam in cœlo gloriam, re-  
 portavit.

## IN OBITUM

*Excellentissimi Viri,*

## HENRICI JULII SCHEURLII.

SCHEVRLEVM, qui dignus erat compluribus annis;

*Propter & ingenii tot bona dona cati,*

*Et niueos animi mores, quæ chartis ubique,*

*Invida mors nostris obterit ex oculis.*

*Lugent hinc meritò clarissimus ordo Senatus*

*IVLIADÆ, imprimis sed studiosa cohors,*

*Optima cui vita solers præcepta regenda*

*Tradidit, & quæ Res Publica stare queat,*

*Flebilior tantò magis occidit is mihi, quantò*

*Arctius inter nos gluten amoris erat,*

*Ejus cum haud licuit viventi ponere signum,*

*Mæsti defuncto has solvimus inferias,*

SCHEVRLEI IACET HIC PARS TERREA, COE-

LICA COELVM

CONCESSIT, FAMA AST DOCTA PER ORA

VOLAT.

GEORGIUS FRANTZKE, Jct. Sacri

Palatii Cæsarei Comes & Cancellarius

Saxonicus in Aula Gotana.

*Ætate nondum fessus, annis nec gravis*

*Clausit supremum SCHEURLIVS vita diem:*

*Disertus ille SCHEURLIVS, prudentia*

*Fidus Magister, & peritus abdita*

*Stoa & Lycæi interpretari dogmata,*

*Lugent ademptum prosequenti fletibus*

## V I T A

*Illustris & Incomparabilis Viri,*CLAUDII SAL-  
MASII,

Equitis &amp; Professoris Honorarii

in incluta

Academia Lugduno-Baravica,

*paucis descripta*

a

MARTINO HANKIO.

CLAUDIUM SALMASIUM, ex Elisabera, Guilielmi Viroti, in supremo Burgundiæ Senatu Consiliarii, filia, Benignus, Eques, Taliaci Dominus, Consiliarius Regius, in eadem Burgundiæ Curia Senator, illustri & antiqua propapia, quæ multos & scientia & potestate Civili eminentes Heroës olim Burgundiæ procreaverat, ortus (juvenis Reformatorum secutus Ecclesiam, post horribiles in Gallia persecutiones, ab anno M D LXXII. Romanorum sacro professus) in suburbano avi sui, quod in Alexio Ballivatu ad Semurium visitur, suscepit. Sunt, quos nativitatis temporis haud satis certum sollicitos habet. Ipsum si audimus Salmasium nostrum, libro I. epistola CXI. quam ad Joannem Fridericum Gronovium, Leydæ XXX. Augusti M DC XXXVII. scripsit: Commentarium Floro additum, cum vix quindécim annorum esset (Heidelbergæ anno M DC IX.) publicavit. Hinc anno MDXCIV. natus, & rarissimo exemplo, in ætate puerili, quæ virili conveniant, egisse colligas. Patre Præceptore Latinas & Græcas litteras didicit. In quibus eo puer progressus est, ut decimo ætatis anno, nec male Pindarum interpretaretur, & in utraque lingua non ineptum Poëma componeret. Vix undecennis, cum in eo jam esset, ut Philosophiam docendus, Magistris Societatis Jesu Divionensibus à patre committeretur, odio religionis Romanæ, jam tum Reformatæ studiosior, matris impulsu, repugnabat. Tandem, ut Parisios

mitteretur, impetrabat. Ibi cum Isaaco Casaubono alii-  
 que conversatus, solutis pro fide Pontificia præcipuis argu-  
 mentis oppositis, inconsulto, quin & ignorante patre, à qua  
 Senatoriæ dignitatis successor exoptabatur, Reformatorum  
 se palam addixit Ecclesiæ. In qua tutiorem DEO cultum  
 præstiturus, Heidelbergam cogitabat; cum Dionysii Go-  
 thofredi, tum Palatinæ Bibliothecæ fama instigatus. Em-  
 migrare ut concederet, diu nequicquam orabat patrem; ut  
 tum quidem conscium, jam relicta filio papali dogmata  
 ideoque cumprimis, ne ab iisdem discederet, metuentem  
 Genitoris tamen non extorto consensu, Heidelbergam an-  
 no M DC VIII. veniebat, ibique per Isaaci Casauboni com-  
 mendatitias litteras, maxime per ingenium suum. Jam  
 Grutero, Joachimo Lingelshemi, & Dionysio Gothofre-  
 do, quo doctore juris artem cœpit colere, non mediocriter  
 se insinuabat: quanto plura discenda speculatus, tanto in  
 omne disciplinarum liberalium genus, præsertim antiqui-  
 tates, propensior. In interiorum Gruteri amicitiam admissus,  
 ad locupletissimam Bibliothecam Palatinam liberum  
 sibi faciebat aditum. Quam exoptatam studiorum occa-  
 sionem utraque manu arripiendam ratus, eo ardore libri  
 Græcis & Latinis incubuit, ut tertiam quamque noctem in-  
 somnem transigeret. Sed nimis exornando animo inten-  
 tus, imbecillioris corporis negligentior, in morbum inci-  
 dit. A quo ut penitus se vindicaret, parcior laborum ex-  
 stitit. Triennium in Palatinatu substiterat, cum Italiæ ca-  
 put, Romam, perlustrare certus, mercatorum ad eandem  
 abiturantium Societati nomen suum adscriberet. At no-  
 ã lucem illam, quæ suscipiendo itineri destinabatur, præ-  
 cedente inquietus, ad interdicentem sibi vocem audire vi-  
 sus, mutavit consilium; quantum vel ob Nili & Barlaami  
 Pontificio Principatui adversantium libros, si agnosceretur  
 editor, periculum posset incurrere, animo præmeditatur.  
 Ad suos hinc in Burgundiam reversus, Lutetiam sæpius re-  
 visebat; ex Regia Bibliotheca subinde Codices (post men-  
 sium tempus reportandos) in Burgundiam deferendi po-  
 testatem consecutus. Inter has curas ad maturam progres-  
 sus ætatem, conjugem Annam, Josia Mercero, Joannis fi-  
 lio, genitam sibi conjungebat. Huic universa domesticæ  
 rei cura permissa, ipsemet, ne quod eruditioni solida, quam  
 affectabat, obstaculum se interponeret, præcipuis Orienta-  
 lium gentium linguis addiscendis se accingebat. Jam He-  
 bergam,

bræam, Chaldaicam, Syriacam, sed & Arabicam, Persicam, Ægyptiacam tenere, nec Indicæ, nec Sinensis planè imperitum esse, jam mansuetioribus litteris Jurisprudentiam copulasse, non satis habebat. Ipsam quoque scientiarum Reginam, Theologiam; Medicinam, Philosophicas disciplinas, capacis, & quod semel arripuerat, retinentis memoriæ fiducia, perscrutandas sibi proponebat. In præcipuis Europæ locis jam clarus, in privato adhuc subsidebat. Ut stationem obiret publicam, magnos habebat monitores. A Venetis, ut Patavino Gymnasio; à Britannis, ut Oxoniensi Academiæ Professore daret, invitabatur. His, quod minus ad genium suum nescio quid exigenter; illis, quod Religionis veritati renunciare, conscientia prohiberetur, obsequium denegabat. Ex eo cum fama crescebat autoritas, & quò difficilior erat, eò intentius desiderabatur. Urbano VIII, Pontifici arridebat, quod libro de suburbicariis Ecclesiis adversus Jacobum Sirmondum, Societatis Jesu, nonnulla, quæ ad existimationem Episcopi Romani per Christianas terras itabiliendam pertinere videbantur, inserere non dubitavisset: tanti certe habebatur, cui per Aurelianensem Episcopum amicam salutationem denunciaret. Cum à Batavis, ut Josephi Scaligeri locum in Academia Lugdunensi occuparet, circiter annum M DC XXX, sollicitaretur; quid ageret, dubius, æccuratiore mentis æstimatione, cum se, tum studia sua, diu pensitabat. In his præcipuum sibi scopum præfixerat, Ecclesiæ primitivæ universam antiquitatem, maxime quatenus in eadem Pontificii præsidium quærunt, observationibus illustratam dare. Huic proposito feliciter exequendo minus idoneam judicabat Galliam, in qua nuspiam sibi locum satis tutum videbat. Quare Isaacum Casaubonum, qui contra Cæsarem Baronium Cardinalem scripturus, se in Angliam receperat, imitaturus, rebus suis eò meliorem in Batavia sedem statuebat, quò major ibi, quàm in Regno, libertas pateret. Erant tamen, quæ proclivem retrahebant; frigidus cœlegenius, cujus impatientior erat: multorum invidia, cum qua luctari, & molestum, & periculosum habebat, præsertim extra solum natale. Conditionibus tandem ad arbitrium oblatis victus, circa exitum anni M DC XXXII, Lugdunum Batavorum se cum familia contulit, non, ut Josephi Scaligeri exemplo, cum Justo Lipsio succederet, Professore ageret, sed ut Academiam honore nominis sui nobilitaret.



scriptis inclarescere faceret, præsentia condecoraret. Quam omnibus superior Professoribus, in publicis actibus, oppidanis quidem proximum Civitatis Magistratui locum; Academicis verò singularem & quadam intercapedine distantem à reliquis sedem habebat. Ea prærogativa summis ingenii aliis (quantò plus dignitatis uni conferebatur, tantò minus sibi relictum esse judicantibus) perpetua indignationis materia, diuturnioris invidiæ nutrimentum fuit. Anno M DC XL. parentem, grandævum senem, qui ex scriptis filii & doctior & melior, à Pontificiis circa religionem sententiis alienus esse jam cœperat, amisit. Galliam idem optaturus, præpotentum Hollandiæ pariter & Westfalsiæ Ordinum autoritate, simul in securitatis certitudinem, & honoris documentum, nave bellica, cum comitatu classis Diepam deferebatur: Lutetiam Parisiorum appulerat. Ibi non modo privatis, Hugoni Grotio, aliisque summis viris sed Regni Proceribus etiam, humaniorem in modum tractabatur. Præ cæteris in Cardinale Richelio tum potentis Gallorum manu, liberalem in se notabat affectum. Nam si larem in Gallia figeret: stipendium duplo majus, quam in Belgio caperet, spondebat; solutionem certam & promptam, addebat; nihil exigui laboris, solam ipsius in Galliam præsentiam desiderari. His & Regis & Cardinalis sollicitationibus ut se subduceret, in Burgundiam iter maturavit: de paterna hæreditate cum germanis transacturus. Divione dum moratur, anno M DC XLII, ad finem decurrente, Richelius ex humanis exivit. Rex Ludovicus XIII, sequentis anni vere, imperium vitamque ponit. Tantis nominibus extinctis, jam de libertate sua retinenda securior, anno M DC XLIII, Lutetiam revertebatur. Ibi vero peculiarem in se propensionem, quam cum Richelio sepultam credebat, in ipsius successore, Cardinale Mazarino reviviscere intelligebat. Quare ut tam fortis ambitioni subtraheret, confectum eodem anno in Bataviam rediit. Lugdunensis Consules ut reduci magis gratum stabilemque constituerent larem, ipsam Principalem arcem in civitate sua concesserunt habitandam. Paulo post, de Salmasio in Galliam reducendo (qui interim de Presbyteris & Episcopis dissertatione omnem Ecclesiæ Romanæ Hierarchiam ab ipsis fundamentis oppugnaverat, & jam de Pontificis primatu exercitationes suas prælo subjecerat:) cum aliis, tum in primis Mazarinus cogitabant. Id impedire Papalis Nuncius, qui

Parisiis erat, summopere contendebat; ne tolerandum quidem in Christianissimo Regno, jam præsentem pestilentissimum hæreticum; nedum, ut illud ingrediatur, magnificè invitandum esse, ratus. Sed aliud de Salmasio iudicium Cardinalis erat, efficientis autoritate sua, ut, posthabitis Nuncii crebris intercessionibus, Regiæ litteræ, cum ad Salmasium, quibus in Galliam vocabatur, tum ad foederatos Belgii Patres, ut virum dimitterent faciles, perferrentur, Salmasius ne his quidem permotus, ut è Belgio discederet; tamen in aula Regis non perdidit gratiam, quin ab eodem, cum in Equestrem, tum in Sanctionis Consilii ordinem, sponte misso diplomate, suscipiebatur. Posthæc Regina Suecorum, Christina, singularis eruditionis patrona, dudum Regno suo exoptatam Salmasii præsentiam litteris amicis expetebat: Cum eo, dum se itinere præparat, epistolarum, quas sua manu bene longas, sex, septem, pluriumque paginarum solebat scribere, commercium frequentissimum inuit. Tandem ardentiori desiderio victa, se ad ipsum venturam, si ad Reginam iter diutius quidem differre sustineat, responderet. Salmasius hinc verecundia compulsus, anni M DC L. media æstate in Sueciam properat, cui tam gratus, tam venerabilis fuit, ut præsentis augeret, adeo nihil minueret fama. Certè cum ex aspero cœli Suecici habitu laboraret, decumbenti adesse, quin & officia quædam caritatis ne Regina quidem præstare dubitavit. Meliori valetudini redditus, in Belgium cogitabat. Abiturienti amplissimas Regina conditiones offerebat; sed datam Lugdunensibus fidem, se ad Batavos rediturum, aliaque causato, persuadere non poterat, ut in Septentrione domicilium figeret. Præcipiti mense Julio, matrimonii ægrotantis comes, ad bibendas acedulas, Lugduno Spadam profectus erat; defensionemque Caroli I. Anglorum Regis, componebat, cum solenne sibi malum, arthritidem, concurrente febricula, sentiret. Ibi crescentis efficacia morbi superatus, die III. Septembris, Anno M DC LII. decessit. Trajecti, quò cadaver postridie translatum fuit, sepultus.

Qui plura de vita & obitu CL. SALMASII scire desiderat, poterit evolvere Volumen Epistolarum suarum ab Antonio Clementino emissum, cui Vita ejus prolixè descripta præfixa est. Lugduni quoque Batavorum in excessum ejusdem summi viri orationem habuit Adolffus Vorstius. Med. D. & P. P. quæ ibidem prodit anno M DC LIV. in A.

## IN OBITUM

*Litteratorum Principis,*

## CLAUDII SALMASII.

*Tot penetrasse locos, resevasse tot abdita rerum,**Et vidisse unum quicquid ubique latet:**Laus ea SALMASIDIS, potes huic quem opponere nostra**Ætas prisca tuum, Roma superba tuum?*

BALZACIUS.

## SCRIPTA.

Commentarius in *Florum. Heidelb. 1609.*

Duarum Inscriptionum Græcarum, Herodis Attici Rhetoris &amp; Rhegillæ conjugis ejus honori positarum explicatio: Accedunt ad aras Dosiadæ &amp; Simmiæ Rhodii

*Poëmata Notæ. Lut. Paris. 1619. in 4.*Eucharisticon Jacobo Sirmondo, pro adventorio de Regionibus & Ecclesiis suburbicariis. *ibid. 1621. in 4.*Confutatio animadversionum Antonii Cercæti, sive Dionysii Petavii, ad Tertulliani Pallium, sub Francisci Franci nomine. *Middelburgi (Lutetia) 1623. in 8.*Exercitationes Plinianæ in Julii Solini Polyhistora. *Paris. 1629. in fol.*Interpretatio Hippocratei Aphorismi LXXIX. Sectione IV. de Calculo. Additæ sunt Epistolæ duæ Jo. Beverovici, quibus respondetur. *Leyda 1640. in 8.*De Usuris. *ibid. 1638. in 8.*De modo Usurarum. *ibid. 1639. in 8.*Dissertatio de fœnore Trapezitico. *ibid. 1640. in 8.*Brevis confutatio notarum larvati cujusdam Theologi, in excerpta Dissertationis de Trapezitis Cl. Salmassii. *ibid. 1640. in 8.*De Hellenistica Commentarius. *ibid. 1643. in 8.*Funus linguæ Hellenisticæ. *ibid. 1643. in 8.*Commentar. in Epictetum & Simplicium. *ibid. 1640. in 4.*Alexii à Messalia Diatriba de mutui alienatione, contra Coprianum, i. e. Jo. Jacobum Wissembachium. *ibid. 1640. in 4.*

- De Episcopis & Presbyteris, contra Dion. Petavium, sub nomine Walonis Melfalini. *ibid.* 1641. in 8.
- De Mutuo Disquisitio, qua probatur non esse alienationem. *ibid.* 1645. in 8.
- Miscellæ Defensiones de variis observationibus ad jus Atticum & Romanum pertinentibus. *ibid.* 1645. in 8.
- Librorum de primatu Papæ pars prima cum apparatu. Accessere de eodem primatu Nili & Barlami tractatus. *ibid.* 1645. in 8.
- De Cruce & Hystopo Epistolæ ad Thomam Bartholinum scriptæ. *ibid.* 1646. in 8.
- Simplicii Verini ad Justum Pacium Epistola, sive judicium de libro posthumo Hugonis Grotii. *ibid.* 1646. in 8.
- De Transubstantiatione liber ad Justum Pacium contra Hugonem Grotium. *ibid.* 1646. & 1666. in 8.
- Tractatus de subscribendis & signandis Testamentis, contra Heraldum. *ibid.* 1648. in 8.
- De annis Climactericis & antiqua Astrologia. *ibid.* 1648. in 8.
- Epistola ad Menagium super Herode infanticida. Heinſii Tragedia, & Censura Balsacii. *Paris.* 1648. in 8.
- De Coma. *Lugd. Bat.* in 8.
- Defensio Regia pro Carolo I. Rege Angliæ. *Amstelod.* 1649. 1651. in 4 & 12. 1657. in 4.
- Epistolarum Tomus, editore Antonio Clementino. *Lugd. Batav.* 1656. in 4.
- Commentarius de militia Romanorum, opus posthumum, editore Georgio Hornio. *ibid.* 1657. in 4.
- Apologia contra Jo. Miltoni defensionem, pro populo Anglicano, cura ipsius filii. *Divine* 1690. in 12.
- Dissertatio de Saccharo & Manna. *Lutet.* 1664. in 8.
- Prefatio in librum de Homonymis Hyles Jatricæ, & de Plinio judicium. *Divion.* 1668. in 4.
- Conf. hic insuper Paulum Colomesium in Gallia Orientali pag. 189.



HENRICI VALESII  
ORATIO  
IN OBITU  
PETRI PUTEANI

VIRI CLARISSIMI,  
REGI CHRISTIANISSIMO  
A CONSILIIS  
ET BIBLIOTHECIS.

**P**Ræclare à Veteribus institutum accepimus ( Auditores ornatissimi ) ut quæ quisque in vita maximè adamasset iisdem etiam post mortem ornamentis funeris donaretur. Quod etiam à principibus Poëtarum in Patrocli & Pallantis exequiis observatum videmus, quos exuviis militaribus armisque instructos, à suis in rogiū referri sinxerunt. Itaque cum PETRUS PUTEANUS quandiu in vivis fuit, singulari semper amore literas prosecutus sit, nec solum hereditario quodam, sed proprio ac peculiari affectu studiosos omnes fuerit amplexus, non dolore nec lacrymīs, quæ cassa sunt & inania, sed literarum, quas coluit, immortalibus monumentis ac titulis post obitum decorandus videtur. Ac ceteris quidem, quibus major eloquentiæ copia, aut facultas carminum suppetit, curæ erit laudes ejus viri partim vindicta, partim soluta numeris oratione prædicare. Neque enim fas est nomen tanti viri & de literis ac de patria optime meriti, absque illo Musarum præconio, inhonoratum transmittere. Me vero non ambitio laudis, nec fiducia faciundæ, à qua me adhuc remotissimum esse & profiteor & sentio, sed sola beneficiorum illius recordatio ad dicendum impellit. Juvat optimo viro, & de me privatim bene merito has laudis inferias mittere, & hanc seram licet ac tristem, piam tamen nobisque honestam imprimis, nec ipsi, ut arbitror, ingratam mortuo gratiam referre. Itaque hoc à vobis postulo ( Auditores ornatissimi ) ut hoc grati animi nostri obsequium æqui bonique consulere, & quantum nobis deest aut ingenii, aut eloquentiæ, tantum favore vestro ac benevolentia supplere velitis.

Ac principio quidem cogitanti mihi, & universas simul Petri Puteani virtutes animo perlustranti, & quandam

velut

velut imaginem vitæ ipsius ob oculos proponere instituenti, non mediocris occurrit difficultas ac perturbatio, undenam potissimum orationis nostræ ducamus exordium. Hinc se prudentia ingerit atque sapientia, quibus ille Vir tantum præstitit, ut omnium consensu summis quibusque muneribus, Regisque ipsius Consilii dignissimus haberetur. Illinc morum integritas, ac vitæ innocentia non dicam sine noxa, sed sine ullius querela transactæ. Hinc singularis temperantia nos ad se vocat: illinc animi magnitudo atque constantia, qua veritatem atque intimos animi sui sensus de Rep. coram Magnatibus semper libere est prolocutus. Nec se præteriri patitur beneficentia, quæ in illo viro tam prolixa inerat, ut in hac tanta honestissimorum hominum multitudine vix ullus possit reperiri, qui non aliquo beneficio ei se devinctum esse fateatur. Tot igitur tantæque virtutes, seorsim singulæ & cum cura dicendæ, onerant potius dicentem quam juvant. Atque ut in opiparo convivio exquisitis dapibus referto singula propè fercula singulorum instar sunt conviviorum, sic in hoc argumento singulæ Petri Puteani virtutes iustarum nobis Orationum materiam subministrant. Sed nescio quomodo me quidem minime invitum ad se allicit beata tranquillitas, quam cum ille tantopere adamaverit, ac perpetuo quodam nexu sibi mancipaverit, propriam ac familiarem ipsius virtutem meritò possumus appellare. Itaque cum ipse hanc totius vitæ suæ quasi fundamentum esse voluerit, non aliud nos sermonis nostri fundamentum ponere debemus, sed hanc tanquam tabulam substernentes, reliquarum deinde virtutum colores ad exprimendam vitæ illius imaginem illinere.

Magnum profectò & illustre exemplum tranquillioris vitæ his perturbatissimis temporibus extitisse mihi videtur Puteanus. Multi quidem antea Philosophi multa in suis libris de tranquillitate animi præclare scripserunt, & ad eam omnibus votis, omnique animorum contentione adspirarunt. Verùm unus propemodum hac ætate eam & optime intellexisse & feliciter allecutus esse Puteanus videtur. In quo tamen utrum prudentior fuerit, an felicior, equidem affirmare non possum. Nam quod à prima statim adolescentia ad tranquillitatis amorem vehementer incitatus, eademque per totum deinceps vitæ tempus potitus est, felicitati adscribendum puto. Neque enim sine divino quodam instinctu, & auxilio id aut cogitare aut consequi unquam potuisset.

fer. Quod vero id vitæ genus omnibus rebus anteponen-  
dum esse judicavit, summæ profectò prudentiæ est. An  
esse ulla major prudentia unquam potest, quam vindicare  
se sibi, nec alienis negotiis distentum se duntaxat ac sua cu-  
rare; se se in arctum cogere, & minimam sui partem nuda-  
tam præbere fortunæ? Sed quibus gradibus ad hoc beata  
tranquillitatis culmen Puteanus pervenerit, videamus.  
Duas res potissimum in vita tranquillitati obstare nemo est  
qui nesciat, ambitionem & avaritiam: geminas quasdam  
pestes ac furias generis humani. Quarum utra tetrior sit  
ac violentior, difficile est dicere; sed ubi ambæ simul jun-  
ctæ animum cujuspiam occuparunt, tum vero incredibi-  
les excitant æstus ac tempestates. Ceterum quicumque ad  
ipsum tranquillitatis portum cupit appellere, sic clavum  
prudentiæ moderari illum oportet, ut inter hos duos scopu-  
los rectum semper navigationis cursum teneat, nec se Sire-  
num cantu deliniri patiatur; sed ut quondam Ulysses præ-  
tervehi debet, non quidem auribus cera oblitis, sed animo  
adversus cupiditatum illecebras obfirmato atque invicto.  
Id vero à Puteano egregie præstitum esse, testes mihi estis.  
Qui cum ad summos honores merito adspirare posset, ut-  
pote clarissimi Senatoris Claudii Puteani filius, cujus vi-  
vit adhuc immortalis memoria atque fama; nec mater-  
no genere minus nobilis; cumque esset ipse eximia in-  
dole præditus, & liberalibus disciplinis non vulgariter in-  
stitutus; quæ omnia ambitionem juventutis stimulis qui-  
busdam incitare solent; tamen spretis honoribus, nobile  
quoddam ac liberale otium præoptavit. Ac principio  
quidem foro nomen dederat, morem secutus nobilium  
adulescentum, qui in hoc stadium laudis & gloriæ, atque  
honorum vestibulum ingredi consueverunt. Sed eo hac-  
tenus adspecto & salutato, ut morem atque ordinem ju-  
dicioz cognosceret, utque gravissimum illum coetum  
videret, in quo & pater ipsius, & ex materna stirpe quam-  
plurimi summa cum laude confederant; rectà se in do-  
mum, atque in ipsum tranquillitatis contulit sinum, à  
quo tota deinceps vita divelli non potuit unquam, nec vo-  
luit. Eodem animi impetu quo honores contempserat,  
conjugalibus etiam vinculis repudiatis, utraq; simul cu-  
piditate superiorem se præstitit.

Sed erit fortasse quispiam qui non magnopere mi-  
randum



randum esse dicit honores à Puteano spreto fuisse, ad quos in numerosa præsertim & frugi familia adspirare vix posset. Quid tu mihi labem atque infamiam temporum nostrorum commemoras, quam ego de industria tacitus dissimulâre volueram? An si jus & ratio in legendis Magistratibus valeret, non existimas P. Puteanum, & alios ejus similes ultrâ ad tribunalia invitandos fuisse? Ego vero ob id ipsum maxime honores à Puteano spreto dico, quod venales esse eos videbat. Vile enim profecto sit necesse est, quicquid pecunia comparatur. Neque enim merx ulla, quæ venum exponitur, pecunia ipsa multo pretiosior potest esse. Quod si pecuniam, qua res omnes ipsique adeo honores parantur, non solum fastidio, sed etiam contemptu dignam sapientes viri semper judicaverunt, certe nec Magistratus ipsi, qui tanquam in auctione pretio addicuntur, eo quidem nomine magnificandi sunt. Verum concedamus, si placer, arctiorem censum fuisse Puteano, quam ut ad Senatoriam dignitatem comparandam sufficere valeret. Quæ interim non minima laus est patris ipsius Claudii Puteani, qui in summo Magistratu summa cum integritate versatus, plus gloriæ liberis suis quam pecuniæ reliquit. At si minus sua pecunia, gratia certe, atque amicorum subsidio potuit facile Petrus Puteanus ad honores pervenire. Potuit suffragantibus Viris potentissimis, quibus aut notus erat, aut affinis, honores saltém Ecclesiasticos adipisci, quos tamen illè nunquam concupivit, sed aliis potius quam sibi mandari voluit, ut sui semper juris tranquilliore otio frueretur. Atque ut scias non ex æris inopia, sed certo ac fixo proposito, & constanti animi inductione honores à Puteano contemptos fuisse, unico eoque illustrissimo argumento rem evincam. Meministis, ut opinor, cum ei ante hos decem circiter annos ob egregia ipsius in Remp. merita, Comitiva Sacri Consistorii à Rege delata fuisset, quanta cum animi magnitudine oblatum sibi in illo Regis Consistorio confessum, solo Comitivæ titulo contentus repudiavit: idque non fastu aut arrogantia, à qua Vir ille maxime semper alienus fuit, sed amore otii ac tranquillitatis, à cujus complexu & contubernio ut discederet, nulla unquam conditione poterat adduci.



Otium porrò cum dico, ne quis mihi molle quoddam ac delicatum otium suspicetur, ejusmodi est hominum luxu ac deliciis diffluentium; nec languidum pigrumque quale servulorum esse, ac nullius pretii hominum solet. Longe aliud est otium sapientum Virorum, quos nunquam minus otiosos videas, quam dum sunt otiosi, quippe qui probe intelligunt non solum negotii sui, sed etiam otii reddendam esse rationem. Itaque illorum otium aliorum negotiis longè antepono. Nec sine causa Socrates dicere solebat, non cujusvis esse hominis in otio agere, sed solius sapientis, quicum omnia rectissime faciat, tum belle in primo otio uti novit. Hujusmodi igitur otium Petri Puteani fuisse dico, quod ille totum in literis & pulcherrimarum rerum cognitione consumpsit. Et cum in quacunque disciplina, & quam animum applicare voluisset, primas posset sine controversia obtinere, tamen promiscuæ eruditionis gloriam aliis concessit: ipse ad historiæ, rerumque Gallicanarum notitiam conversus, otium suum patriæ utilitatibus & gloriæ consecravimus. Nec contentus vulgarium librorum lectione, ingentem præterea numerum Epistolarum, Actorum, Legationum, Chartarum, atque hujusmodi monumentorum publicorum undique conquisivit. Quæ omnia, ut erat elegantiae ac nitoris studioliis, pulcherrimo ordine digesta, non sine maximis sumptibus in libros redigi ac compingi curaverat. Diceret novam quandam Bibliothecam ab illo esse compositam, paternæ illi atque hereditariæ nihilo postponendam. Quam tamen ille non ad privatum dumtaxat usum sibi retinendam putavit, sed ut erat bono publico natus, omnium usui & commodis publicavit. Itaque nemo fere erat in civitate, qui non ejus domum libentissime frequentaret. Conveniebatur quotidie à Senatoribus, à Legatis, à Principibus, ab omnibus omnium ordinum Viris, partim ut eum consulerent, quem unum rerum nostrarum peritissimum esse cognoverant: partim ut libros illos, quibus tot recondita monumenta continebantur, ab illo commodatos acciperent. Nec quicquam gratius accipere poterat Puteano, quam cum cujuspiam hominis eruditi laborem suis illis monumentis adjuvari posse intellexerat, quippe qui hunc unum fructum esse censebat tot sumptuum ac laborum suorum, ut historiam patriæ aliqua ex parte illustrare posset.

Atque hoc primum mihi videtur fundamentum fuisse Musæi illius toto orbe celeberrimi: de quo si quid impræsentiarum dicere aggressus fuero, vereor, ne infra ejus dignitatem mea esse videatur oratio. Sed tamen cum quemadmodum olim M. Cicero quicquid in eloquentiæ studio profecerat, id totum Academiæ spatium acceptum referre solitus erat, sic ego Academiæ illi fratrum Puteanorum studia nostra plurimum debere profitear, nefas mihi esse arbitror de ejus institutione nunc silere. Malo enim ut de ejus gloria aliquid oratione nostra imminutum esse videatur, quam ut silentium nostrum ingrati animi reprehensione non careat. Igitur cum apud alias nationes, ac præsertim in Italia plerasque Academias ridiculis, quibusdam atque absurdis nuncupatis nominibus Puteanus videret, eisque certas leges descriptas esse intelligeret, certaque argumenta, de quibus illic esset colloquendum, definita, nec in eas præter homines ingenuis disciplinis exultos quæquam admitti, plane diversum iter in Academia sua instituenda sequi maluit. Neque enim ullum ei nomen imposuit, nec sermones, qui in ea essent habendi, ullis legum vinculis astrinxit, nec ab ejus aditu quemquam submovit, nisi qui sua ipse infamia aditum sibi ad eandem interclusisset. Quod cuidam notissimo ætatis nostræ parasito non semel evenisse meminimus; cui Musarum illud sacrarium ingreditenti in ipso statim limine occurrens Puteanus, nunquam hominem ulterius passus est, nec in ornatissimo cœtu illo confidere. Omnes igitur omnium ordinum viri non solum togati, sed etiam militares eo conveniebant, nec tantum Senatus, sed etiam Ecclesiæ Proceres hoc Musæum frequentabant. Vix in tota civitate domus erat ulla, cujus limen tot honestissimorum virorum vestigiis tereretur; ad cujus vestibulum tot Musarum caveam non in schæ Tiron Philosophus appellavit, quod in eo loco Doctissimi Viri tanquam utiles aves in cavea saginarentur. Sed hoc Puteanorum Musæum Alexandrino illo longè præstantius mihi videtur, tum quod multo majore doctorum hominum frequentia celebretur, tum præcipue quod non modo omnis eruditionis copia, sed etiam rerum civilium non vulgaris notitia ex hoc nostro percipi possit.

Quod igitur otium (Auditores ornatissimi) hoc Petri Puteani otio amari nunc unquam fuit, quæ tranquillitas beatior,

quis

quis secessus felicior? Mihi certè ne ipsæ quidem, si usquam sunt, fortunatorum Insulæ fortunatiores videntur. Conferat nunc qui volet aliorum, atque inprimis Senatorum inquietissimas occupationes cum hoc otio Petri Puteani, & quantum intersit inter utrumque vivendi genus, intelliget. Illi totos pene dies in curia sedent audiendis litigantium clamoribus occupati: Hic Doctorum hominum Sermonibus quotidie fruebatur. Illi contractuum, testamentorum, & hujusmodi instrumentorum exemplaria, & rædiosissima causidicorum scripta assidue in manibus habent: Hic vetera historia nostræ monimenta cum summa voluptate læsitabat. Illi litigantium jurgia disceptant: Hic de libris & operibus eruditorum virorum sincere atque integerrime judicabat. Illi ex aliorum controversiis privatum sibi quæstum comparant: Hic ex studiis suis nihil præter decus & gloriam patriæ captabat. Illorum domus procuratorum litigantium turba: hujus lætissimorum hominum frequentia redundabat. Quod si fortasse penes illos gratiam, auctoritatem, potentiam residere quis dixerit, ne hæc quidem omnia Petro Puteano defuerunt. Vixit enim tanta auctoritate privatus, quanta vix unquam ullis in summo Magistratu constitutis fuit. Itaque qui honores initio refugerat, ab honore ultro ambiri videbatur. Cujus commendatio apud Judices, & tam Senatus quam Ecclesiæ Proceres plus valuit, quam suffragatio Petri Puteani? Quis ex ipsis Aulæ Proceribus ejus notitiam non appetivit? Amicitiam summo honori non duxit? Verum ille tanta gratia atque auctoritate nunquam ad ullius noxam atque injuriam, sed ad aliorum commodum atque utilitatem semper est usus. Possem plurima hic exempla proluxæ illius erga amicos beneficentiæ vobis commemorare, nisi hoc facto plurimorum, qui hîc adsunt, onerare verecundiam viderer. Præstat igitur ut privata unicuique beneficia narranda relinquamus, maxime cum in referenda gratia nihil sit grato animo eloquentius. Illud autem insignie beneficium, quo me privatum ei obstrictum esse in ipso orationis exordio sum professus, à me si lubet, accipite. Meministis adhuc temporis illius acerbissimi, cum Publicani genus hominum rapacissimum, & alienis opibus inhiare solitum, novum atque inauditum quoddam exactionis genus excogitarunt, quod collationem divitum appellabant. In hunc

hunc divitum numerum relatus est inter ceteros Carolus  
Valesius pater meus, Vir qui suo semper patrimonio con-  
tentus vixerat, nec nummum ullum Regiæ pecuniæ contre-  
ctaverat. Imperata est ei non modica vis pecuniæ, quam  
intra paucissimos dies solvere jubebatur. Ea res non me-  
diocriter animos nostros conturbabat. Itaque ego & Ha-  
drianus Valesius frater meus quod unum poteramus, que-  
relas nostras ad amicos detulimus, inter quos Puteani fra-  
tres principem locum obtinebant. Ægre inprimis hunc  
casum tulit Petrus Puteanus, & tum quidem nihil dixit,  
Sed crastino Illustrissimum Senatus Principem Matthæum  
Molæum adiit, quo cum ipsi summa familiaritas intercede-  
bat; virum in tantum prudentiæ reliquarumque virtu-  
rum fastigium evectum, in quantum se se offerre humana  
mens potest. Causam ei sui adventus aperit, facinus in-  
dignum esse inquit, nos, quos literarum merito tutos esse  
atque immunes decuerat, hoc calumniæ genere vexari: de-  
pellendam esse a nobis hanc injuriam. Tum Molæus, ut  
est ad bene de literis merendum promptissimus, id se esse  
cturum pollicetur. Nec mora Puteanus famulum cum E-  
pistola ad nos mittit, monens ut statim à prandio ego, & fra-  
ter ad Prætorium Illustrissimi Præsidis pergeremus. Ex-  
cepti à Molæo cum summa humanitate, indictionis nostræ  
libellum, cujus exemplar ab apparitore nobis editum fue-  
rat, ipsi obtulimus, patrociniū ejus implorantes. Ille  
accepto libello nos bono animo jubet esse, se id quod posce-  
bamus, à Præfecto Regalis Ærarii facile impetraturum.  
Vix biduum intercesserat, cum Puteanus libellum illum ad  
nos remittit, Præfecti ærarii manu subnotatum, mandan-  
tis unius e judicibus, quibus ea jurisdictio à Rege commissa  
fuerat, ut nos hac indictione liberaret. Idque intra pau-  
cos dies incredibili celeritate completum est; tantum pon-  
dus habuit commendatio Petri Puteani. Et magnam qui-  
dem eo nomine gratiam Illustrissimo Molæo, non mino-  
rem tamen Puteano debemus, qui nobis præsentissi-  
mum illud ac potentissimum Molæi patrociniū concili-  
avit.

Quemnam igitur Puteano nostro parem unquam ex-  
stitisse censetis, quem tot tantisque animi dotibus ornatum?  
Nisi forte Pomponium Atticum conferre lubet. Hic enim  
perinde nobili loco natus, cum nullos non Magistratus  
Romæ

Romæ assequi posset, tamen ab honoribus constantet abstinuit, & otium suum in literis, & in historiæ Romanæ, nobiliumque familiarum cognitione traduxit. Par etiam in utroque beneficentia, nisi quod Atticus plures pecunia sublevavit, Puteanus vero tantum gratia. Est autem tanto majus gratia quemquam adjuvare, quanto plus plerumque gratia efficitur quam pecunia. Et pecunia quidem adjuvare inferior superiorem potest: gratia nisi superior non potest. Cæterum neuter beneficia sua venditare solitus: malebantque præstare operam amicis, quam polliceri. Verumtamen hoc mihi superior Attico Puteanus videtur, quod nec cōjugalibus vinculis, nec tanta rei familiaris cura distractus fuit, nec pristinam vitæ tranquillitatem violento, ut ille, exitu maculavit: sed cum in summa innocentia vixisset, tandem perceptis omnibus Religionis nostræ Sacramentis, spem æternæ tranquillitatis jam animo præcipiens, placidissima morte decessit. Vir profecto immortalis memoria, & hoc, quem ei nunc habemus, honore dignissimus: optimus civis, patriæque amantissimus, qui semper utilissima Reipublicæ & sensit & dixit: Amicus fidelissimus: fautor & propugnator acerrimus literarum: summis juxta ac mediis carus: sui semper similis & constans, nec tenuitate rei familiaris infractus, nec affluentibus postmodum opibus elatus, eodem semper tenore æquabilem cursum à carceribus usque ad metam peregit. Habetis imaginem vitæ Petri Puteani (Auditores) eamque non fucatis adumbratam coloribus, sed veritatis ipsius penicillo delineatam. In quam quoties oculos conjeceritis, non mediocre levamentum doloris vestri percipietis: & quam deinde, si placet, ad posteros transmittentes, immortalem, quantum in vobis erit; memoriam nominis Puteani conservabitis. Superest vobis etiam altera ejus imago; atque utinam diu supersit: fratrem intelligo, veram effigiem oris illius, modestiæ, probitatis. Quo quidem superstitite tantam hanc jacturam moderatius ferre debetis. Tibi vero Jacobe Puteane, jam enim ad te nostra se convertit oratio; cujusmodi consolationis fomentum ad molliendum solitudinis tuæ dolorem adhibebimus? Amisisti quidem fratrem optimum atque amantissimum tui, cum quo sexaginta fere annos sine ulla offensione vixisti. Sed habes amicos fratris tuique communes, ut omnia semper vobis fuere com-  
munia.

munia, qui sicut clarissimi Viri fratris tui exitum acerbissime lugent, ita omnem cultum ac benevolentiam, quam nuper in duos partiebantur, nunc in te unum conferunt atque convertunt. Noli igitur horum mœrorem tuo mœrore exaggerare. Tot tibi fratres adesse existima, quot hic amicos circumstantes vides. Quamquam si fratrem adhuc desideras, habes Christophorum Puteanum. Virum summa doctrina, prudentia, sanctitate. Qui tametsi locorum spatiis longissime abest, adest animo, adest creberrimis literis & nuntiis. Quare absterfo doloris nubilo animum erige, & ad majora te negotia accinge. An non sentis majus nunc tibi esse onus impositum morte fratris tui? Suscipias oportet patrociniū literarum. Non potes hanc hereditatem repudiare, quam Vir Clarissimus pater, quam frater tuus tibi reliquerunt. Et quemadmodum quoties ad unum quempiam nomen atque hereditas splendidissimæ familiæ pervenit, totum gentis Decus in illo uno periclitatur, sic tibi laborandum est, ne ab illa paterna, fraternaue gloria degenerasse videare. Omnes in te oculos nunc defixos habent, & abs te contendunt, ut quam personam vivo fratre in secundis partibus constitutus gerebas, eam nunc mortuo solus velis sustinere. Quod si feceris, ut facturum te omnes confidimus, & pulcherrimum pietatis tuæ monumentum fratri statues, & tibi ipsi immortalem gloriam comparabis.

PETRO PUTEANO,

LITERATORUM ERGA LITERATOS  
OFFICIOSISSIMO.

*Complexus meritis terrarum ingentibus orbem,  
Angusta situs est hic PUTEANVS humo.  
Multa viro debent Germanus, Belga, Britannus  
Tu quoque vix solvas nomina, Galle, tua.  
Nec nihil Ausonius benefacti civis ab illo,  
Nec nihil Hispanus, sit licet hostis, habet.  
Denique quisquis erat, seu doctus, siue paratus  
Discere, munificam sensit amicus opem.  
Ipsi adeo de se manes sensere merentem,  
Curavit libris quos superesse suis.*



Namque per hunc tot scripta manu nituere, summque  
 Regia servavit Bibliotheca decus,  
 Pro quibus officiis, toto jam plurimus auctor  
 Elysio, grates fundit ab ore pias,  
 Historicus, vates, orator, quisque suetum  
 Fecit opus, nullis gratia muta modis,  
 Laudibus innumeris resonant loca lata silentum:  
 Plausus & à doctis manibus usque datur,  
 I nunc, officium ne redde, ingrata, supremum,  
 Cui sua non umbra solvere iusta negent?

FRANCISCUS VAVASSOR,  
 S. J.

## EPIGRAMMA.

Qui modo Pieridum fuerat, sacrique Senaius,  
 Atque Parisini gloria prima soli,  
 Proh dolor! occubuit PUTEANVS crimine facti,  
 Et jacet in modico pulvis & umbra loco.  
 Qua tamen ardenti viguit sub pectore virtus,  
 Vivit, funereos nec timer illa rogos.

IS. SARRAVIUS.

## EPITAPHIUM.

PETRUS PUTEANUS CLAUDII PUTEA-  
 NI SENATORIS AMPLISSIMI FILIUS, EX  
 CLAUDIA SANGUINA FILIA BARBARÆ  
 THUANÆ, QUÆ FUIT CHRISTOPHORI  
 THUANI SENATUS PRINCIPIS SOROR,  
 CLEMENTIS PUTEANI JURIS ÆVO SUO  
 PERITISSIMI NEPOS. OPTIMIS PAREN-  
 TIBUS OPTIME RESPONDIT: DOCTRI-  
 NA PIETATE PRUDENTIA FIDE GRA-  
 VITATE CONSTANTIA PROBATISSI-  
 MUS: REGI A CONSILIIS ET BIBLIO-  
 THECIS

THECIS: IMPERII GALLICANI JURA,  
EXEMPLIS SUMMO LABORE PROVISIS,  
REMPUBLICAMMINISTRANTIBUSCON-  
SULTISSIME SUGGESTIT: PROCERUM  
ET CLARISSIMORUM UBIQUE VIRO-  
RUM OFFICIIS, OBSERVANTIA, FRE-  
QUENTI CONVENTU CELEBRATISSI-  
MUS. VIXIT ANNOS SEXAGINTA NO-  
VEM, MENSEM UNUM. HIC SITUS XIX.  
CAL. JAN. AN. CHR. MDCLII. IMMOR-  
TALIS PER CHRISTUM VITÆ GRA-  
TIAM EXSPECTAT. JACOBUS PUTEA-  
NUS FRATERNÆ GLORIÆ CONSORS,  
ORBITATIS SUÆ MOESTITIAM, NICO-  
LAI RIGALTII VERBIS AMICITIÆ VE-  
TERIS HONOREM TESTANTIBUS,  
QUANTO PER CHRISTIANÆ MO-  
DESTIÆ PRÆCEPTA FAS EST SOLATIO  
CONSOLATUR.

SCRIPTA.

Traictés concernant l'Histoire de France: *Paris. 1654*  
in 4.

Les Droicts du Roy de France. *Paris. 1655.*

Preuves des Libertez de l'Eglise Gallicane II, Vol. *Pa-  
ris. 1651. 1657. in fol.*

Traicté de la Majorité de nos Rois, & des Preeminences  
du Parlement de Paris. *ibid. 1655. in 4.*

Perroniana, seu excerpta ex ore Cardinalis Perronii. *Ge-  
nova 1667. in 8.*

Scaligeriana, seu excerpta ex ore Josephi Scaligeri. *Lugd.  
Batav. 1668. in 8. Gröninga 1665. in 12.*

Thuanea, seu Excerpta ex ore Jacobi Augusti Thuani,  
*ibid. 1669. in 8.* In hisce tribus scriptis additur:  
per F. F. P. P. & debetur *Iacobo & Petro Fratribus*



*Puteanic*, prout post alios erudite observat Vinc. Placcius in Synt. de Anonymis p. 75.

Historischer Tractat von dem Process wider den Ritter-Orden der Tempel-Herrn. Vlm. 1665. in 4. Gallicè. Paris. 1654. in 4.

Quàm plurima illustris hujus Viri scripta recensita invenio à Nicolao Rigaltio, sed ea publicam vidisse lucem singula, valde ambigo. Quamobrem Lectorem ad illum remitto.



MEMORIÆ  
PHILOSOPHO-  
RUM, ORATORUM,  
POETARUM, HISTORICO-  
RUM, ET PHILOLOGORUM

*NOSTRI SECVLI*

CLARISSIMORUM

RENOVATÆ,

DECAS SEXTA.

CVRANTE

M. HENNINGO WITTEN.



FRANCOFVRTI,

Apud MARTINUM HALLERVORD,

Typis JOHANNIS ANDREÆ.

*Anno 613 136 LXXIX.*

**J. LIPSIUS CENTUR. III. AD  
BELG. EPIST. XXVI.**

**! AUDE AC MEMORIA BONA DE-  
FUNCTOS PROSEQVI, RATIO  
ET SAPIENTIA PROBANT.**

NOBIL, AMPLISSIMO ET EXCEL-  
LENTISSIMO VIRO,

DN. GEORGIO  
MATTHIÆ KÖNIGIO,

MAGNI QVONDAM PARENTIS,  
THEOLOGI DE ECCLESIA PRÆCLARISSIME  
MERITI, FILIO ÆQVE MAGNO,  
IN INCLUTA NORICORUM ALTOR-  
PHINA GRÆCARUM LITERARUM ET  
POESEOS PROFESSORI LAU-  
DATISSIMO,

DOMINO ATQVE FAUTORI OMNI  
STUDIO PERPETIM COLENDO,

UTPOTE CUJUS  
VARIAM SOLIDAMQVE ERUDI-  
TIONEM,

COMITATEM AC MODESTIAM  
INCREDIBLEM,

CANDOREM ANIMI MORUMQVE  
ET VITÆ INNOCENTIAM  
SINGULAREM,

ET QVOD RELIQUARUM VIRTUTUM  
FUNDAMENTUM,  
SINCERAM IN DEUM  
PIETATEM.

JAM DUDUM PERSPEXI ET AD-  
MIRATUS SUM,  
LUGUBRES HASCE CHARTAS,  
QUARUM PRIMITIAS  
ALIQVOT AD ME EXARATIS LITERIS  
ALBO CONSIGNAVIT CALCULO,  
SERENA, CEU DECET, FRONTE  
CONSEURO,  
IISQUE GRATAM MENTEM  
SUBARRHO,  
PACEM INSUPER,  
GRATIAM ET BENEDICTIONEM DIVINAM  
CALIDISSIMO PECTORE  
APPRECOR

M. H. WITTE,  
ENIXE PETENS,  
UT PRONUM ISTHUNC ANIMI  
ADFFECTUM,  
QVEM LOETISSIME SENSI,  
INCORRUPTUM ANNARE ET  
PERENNARE SINAT,  
DEQUE TANTO MIHI FAVORE DIU  
MULTUMQUE GLORIARI  
PERMITTAT.

SERIES

**SERIES PHILOSOPHORUM,  
ORATORUM, &c.**

**SEXTÆ DECADIS.**

Obiit anno

1652. Joh. Mochingerus, Eccles. & Rhetor.  
Dantiscanus.

1653. Marcus Zuerius Boxhornius, Eloqu.  
& Hist. Prof. Lugd. Bat.

1653. Elias Ehingerus, Gymnasii Ratisbon.  
Rector.

1654. Daniel Stahlius, Logic. ac Metaph.  
Prof. Jenensis.

1655. Daniel Heinsius, Polit. & Hist. Prof.  
Leidenf.

1655. Petrus Gassendus, Phil. & Math. Gallus.

1655. Lambertus Barlaeus, Græc. Ling. Prof.  
Lugd. Bat.

1655. Paulus Slevogtus, Logic. & Metaphys.  
Prof. Lipsiens.

1656. Andreas Rivinus, Poës. & Physiol. Prof.  
Lipsiens.

1657. Joachimus Jungius, Mathem. & Philos.  
Prof. Hamburg.

❧ (O) ❧

*Non signatur* OLLVS.

GEDANENSES.

LETHO. DATUS. EST.

IO ANNI. MO-  
CHINGERO.

SACERDOTI. RHETORI. POLYHISTORI.

EXEQVIAS. IRE.

QVIB. COMMODUM. EST.

JAM. TEMPUS. EST.

OLLVS. EX. ÆDIBUS. ECFERTUR.

ECQVID. AUTEM. NON. COMMODUM. SIT. EXE-

QVIAS. IRE. MOCHINGERO.

QVEM.

SIVE. DOCTOREM. OLYMPICUM.

SEU. AD. CATHEDRAM. ORATORIAM. NON.

CATHEDRARIUM.

VEL. AMICUM. AC. DECUS. URBS.

OMNES. OMNES.

NUPER. ADMIRATI. AMPLEXATI.

JAMQ. MERITISSIMO. PLANGITIS.

NATUS. GEDANI. PARENTIBUS. HONESTISSI-

MIS. ANNO. SECUNDO. SECVLI. SUPRA. MIL-

LESIMUM. SEXCENTESIMUM. QVI. IN. GLO-

RIAM. LITERARUM. ET. INCREMENTUM. QVI-

RITUM. PRÆTEXTATORUM. PLURIUM. FELI-

CITER. ADOLEVIT. IN. STUDIIS. URBS. PRIMA.

SUBSELLIORUM. ET. TYROCINII. TEMPORA.

OMINATA. SUNT. FESTINATAM. AUTUMNI-

TATEM. ET. SUGGESTUM. QVEM. OCCUPAVIT.

AD. MAJORUM. GENTIUM. SCHOLAS. PROFE-

CTUS. ERUDITIONEM. SACRAM. PROFANAMQ.

ET. QVÆ. ORIENTIS. ARDUA. ET. VARIA. EST.

LOQVELA. SUB. MAGNIS. PRÆSTITIBUS. ALI-

QVOT. ANNIS. IMBUTUS. EST. EX. BREVI. PERE-

GRINATIONE. GALLIARUM. ALBIONIS. ET. BA-

TAVIÆ. JUXTA. QVOSCVMQVE. ALIOS. PRO-

DIGIOSA. FELICITATE. INGENII. LINGVAS. GEN-

TIVM.

TIUM. CALLUIT. LATIALIS. ET. IBERÆ. SUPRA. MULTOS. ARNI. AUT. ESCURIALIS. ACCOLLAS. INTELLIGENS. EX. SOLO. LECTU. IN. PATRIAM. REDUX. ÆTATEM. DOCTRINA. ANTEGRESSUS. PRIVATO. MAJOR. CONSENSU. OMNIUM. DIVINA. ET. HUMANA. DOCENDI. CAPAX. IN. SACRORUM. BASILICÆ. CATHARINÆ. SYMMYSTAM. ET. LYCEI. RHETOREM. AC. POST. BIENNIUM. MOX. DICTI. TEMPLI. DOCTOR. PRINCEPS. ADSUMPTUS. EST. AD. COLLOQUIUM. REGIUM. DE. REBUS. SACRIS. TORUNIUM. CUM. MEGISTANIBUS. ALIIS. SACERDOTII. EX. SC. DEPUTATUS. FUIT. ENTHEUS. DOMI. FORIS. ADSERTOR. RELIGIONIS. SED. UBIQ. MODESTIÆ. RETINENS. RHETOR. NON. DE. SALAMINE. NEC. AD. POMPAM. NISI. RARO. SEMPER. AD. VITAM. ET. MORES. PROLOCUTUS. EST. IMITATOR. OMNIUM. ET. NULLIUS. INCHOAVIT. COMMENTARIA. FLORIDA. IN. ARPINATEM. ABSOLVIT. MELETEMATA. DE. ORATORE. SUPER. INSCRIPTIONIBUS. LIBERA. PER. VACUUM. VESTIGIA. AUSUS. EST. STATOR. SCIENTIARUM. RARO. ENCOMIO. NULLA. PROPE. INDECORUS. FACUNDIA. CIVILIS. ANIMI. APUD. URBEM. MAGNI. INGENII. APUD. OMNES. FECIT. FIDEM. DIXIT. MILLIES. MILLIES. OPTIMUM. MAXIMUM. NUMEN. CUJUS. VERE. CULTOR. SACER. VERE. SACERDOS. FUIT. DIXIT. AUGUSTOS. POLONIARUM. ET. GOTHORUM. REGES. SIGISMUNDUM. TERTIUM. VLADISLAUM. QUARTUM. ET. JOANNEM. CASIMIRUM. GRATUS. IN. TUTELARES. SUBDITUS. MAGNIFICUS. OMNIA. PANEGYRISTA. DIGNUS. IPSE. QVI. SURLIMI. DICATUR. ORE. IN. EXEMPLUM. NEPOTIBUS. FECIT. ANNOS. VITÆ. NONDUM. QVINQVAGINTA. UTRISQ. PULPITI. VIGINTI. TRES. EXHAUSTUS. PROPE. TRIMESTRI. VALETUDINE. HECTICA. EXPIRAVIT. ELOGIO. URBIS. SACERDOS. PIUS. RHETOR. INDUSTRIUS. OMNIA. BONUS. PACIFICUS. NEC. INGLORIUS. SANE. TRADUX. SIVE.

MAJO



MAJORUM. SUORUM. SIVE. COGNOMINUM.  
MOCHINGERORUM. AD. POSTEROS.

# TANTI. VIRI.

HOC. DIE. GEDANENSES. DUCENTUR.

EXEQVIÆ.

INTRA. URREM. HUMABITUR. ORATOR. UR-

BIS. INQ. ÆDE. UBI. TOTIES. ADSTRUXIT.

BEATITATEM. QVAM. INDEPTUS.

EST.

LECTICAM. NULLÆ. ANTEVERTENT. VENALES.

ANIMÆ. PRÆFICÆ. NON. SITICINES. CANET.

FLEBILE. PUBES. CUJUS. INSPECTOR.

FUIT.

PLORABIT. SUA. SPONTE. COETUS. PIETATE.

VICTUS. NEMO. QVÆSTU.

AUDIANTUR. EX. THRONO. TEMPLI. NON. MOR-

TUALIA. AUT. THEATRICA. CALLOPISMATA.

SED. ACROAMATA. SACRA.

ET. POST. ILLA. SUCCINCTA. MAGNORUM.

MERITORUM. COMPENDIA.

ADESTE. COMITATE.

FREQVENTES. QVÆSUMUS.

VIDEANT. ADVENÆ. VESTRA. GLORIA.

DISCAT. ORBIS.

RENASCI. GEDANI. DIGNITATEM. PRISCAM.

LITERARUM. HEIC. FELICITER. NASCI.

VIROS. CLAROS. HEIC. DENASCI.

QVIDPE. QVOS. FUNGENTES. VITA. OMNI. HO-

NORE. RECOLITIS. ET. DEFUNCTOS. GRATI-

TUDINE. PUBLICA. EFFUSI. AD. MEMORIAM.

COMMENDATOS. HONORIFICA. CUM.

POMPA. ET. PARATU. COM-

PONITIS.

POSVIT. CONTRA. VOTVM.

JOAN. ERNEST. Schmiiden

PRÆCEPTORI. BENE. DE. SE. MERITO.

# EPITAPHIUM.

*Religio, Candor, Doctrina, Modestia, lingua*

*Pervaria, nec non summa, quas dicere longum.*

*Virtutes reliquæ verrare*, Nestoris annis  
 Quem dignum fecere (dolor!) tumulo hoc requiscit.  
 Nosse cupis nomen? Tacito me, *fama* loquetur  
*Ipsa Viri, Gedanum*; quin *Orbis*. Is est JOANNES  
 In Patria *Pastor*, *Rhetorque* REGINCHOMUS urbe  
 Præclarus meritis bis denos amplius annos.  
 Hæc quoties recolis, calidis consperge Viator  
 Laudatos cineres lacrymis, & *facta imitare*.

GEORGIUS FHELAVIUS,  
 Dantisc. in Æde Mariana  
 Ecclesiastes.

## SCRIPTA.

Discurfus Philologicus de Nominibus Dei Hebraicis Biblicis  
 & Rabbinicis. *VVitteb.* 1623. in 4.

Oratoris boni, sicut & Rhetoristæ industrii idea atque de-  
 scriptio. *Gedani.* 1641. in 12.

Sylva floridorum è Dissertationibus Rhetoricis super Cice-  
 rone in Lyceo Gedanensi habitis. *ibid.* 1640. in 4.

Orationes XV. de variis argumentis in Athenæo urbis Ge-  
 danensis dictæ, quarum I. De Bellorum Vicissitudi-  
 nibus & eorum vario exitu. II. De plangore Urbis  
 Gedanensis super excessu Sigismundi III. Poloniæ &  
 Sueciæ Regis. III. De plausu ejusdem Urbis super  
 Electione Vladislai, Sigismundi Sueciæ Regis Hære-  
 ditarii, ad fasces Poloniæ. IV. De Conservata Bo-  
 russia & Pace restituta. V. In Usuram fortiarum.  
 VI. In Pasquillos & Pasquillifices. VII. Contra  
 Munitiones Urbium. VIII. Pro Munitionibus Ur-  
 bium. IX. Judex Physices sit peritus. X. De Lo-  
 tionibus frigidis in profluentibus fugiendis. XI. De  
 eminentia Scachorum inter alios ludos. XII. De  
 præmiis in bene meritos conferendis. XIII. De Po-  
 lytropia. XIV. De Vulpe, quæ, ut in fabula est,  
 blanditiis usa, Gallo caput morficando abstulit. XV.  
 De Symbolo Hieronymi Falleti, quod fuit, Rosa inter  
 Allium & cepas surgens, cum inscriptione; Fragan-  
 tior. *Gedani* 1637. in fol.

Hermathenæ Gymnasii Gedanensis à Johanne Mochinge-  
 ro editæ; in quibus sunt dissertationes variæ: De Vi-  
 cissitudinibus Bellorum: De Fortunæ Olla: De Elo-  
 quentia; De vario vestitus cultu: De modo nostra  
 gerendi

gerendi bella: De mira pecuniæ indigentia ejusque  
causis: De libellis famosis: De Excessu Sigism. III.  
Polonorum electi, Sueconum Hæreditarii Regis: De  
Electione Vladislai Regis: De laudibus Linguae Ger-  
manicæ, Typographicæ, Bombardicæ, artis utriusque  
à Teutonibus inventæ, Alemannicæ Poëseos: De  
Ovo: De Consultatione, circa vitæ genus sapienter eli-  
gendum, rectè instituenda: De peregrinatione: De  
conservata Borussia & pace restituta: De præmiis in  
Rep. conferendis & moderandis: De Polytropia: De  
Funeribus quibusdam præclarissimis Gedanî confe-  
ctis: In Nuptiis Henrici Frederici & Reginæ Wîderia:  
De Gedanî: De themate, Parva magnis esse præstan-  
tiora: De Luxu literario: De Andrea, Gloria & Avi  
Pelecano: Invitatio ad audiendam orationem fune-  
brem: De Amnestia: Commendationes duæ studio-  
rum: Invitatio ad Orat. Ecclesiasticam: Acclama-  
tio in nuptiis Valentini Thilonis: De Viris Magnificis  
Magnificentiaque virtute: De Natali Gymnasii Ge-  
danensis: De Mercatore sapiente, honesto atque  
Christiano: Μαχαριππος Theologi Gedanensis, Da-  
nielis Dilgeri: De memoria, pronuntiatione, & com-  
positione: Invitatio ad quinque orationes audiendas:  
De Mæcenatis prisca descriptione: De librorum Tul-  
lianorum utiliter evolvendorum ratione commo-  
dissima: De Fortuna: In Nuptias Friderici Henrich-  
senii: De valetudine tuenda: De Fortitudine: In obi-  
tum Vladislai Pol. & Sueciæ Regis: Gratulatio ad Ja-  
cobum Zetzkiûm, Scholæ Marianæ Rectorem: De  
Modestia: In Electionem Regis Joh. Casimiri: In  
Nuptias Salomonis Blanckii: De Martini Lutheri in-  
comparabili Eloquentia: De Bibliothecis: Testimo-  
nium Augustino Wisæo debitum: De Modestia, sedu-  
litate & obsequio juvenum: De armorum Apparatus  
Memoria Eggertiâ Kempen & Dorotheæ Schuman-  
niæ: Elogium Joh. Freudenburgii: Monumentum  
Theologo Gedanensi, Michaëli Blanckio, debitum:  
Monumentum Elisabethæ Dalmerio - Rassovianæ:  
Lapis literatus Henrici Closii: De gloria Gedanî  
De Mosis ex monte Nebo inspectione in terram Pa-  
læstinam: In introductionem Mich. Falckii ad Pro-  
fessionem

fectionem Philosophicam: *Gedani* recusa sunt singula  
1651. in fol.

I. A. Comenii Janua Linguarum referata, cum collateralis  
Germanica & Polonica versione, vocumque indice  
Etymologico, studio Jo. Mochingeri & Andr. We-  
gierscii. *ibid*, 1637, in 8.

LAMBERTI BARLÆI

O R A T I O

FUNEBRIS

IN EXCESSUM

*Clarissimi Viri,*MARCI ZUERII  
BOXHORNII,Eloquentiæ & Historiarum in inclyta Academia  
Luguno-Batavâ, dum viveret, Professoris  
celeberrimi.

H A B I T A

*In Auditorio Theologico IX. Octobris,*

Anno M DC LIII.

*Magnifice Academia hujus Rector, Amplissimi, Spectatissi-  
miq; Præclara hujus Urbis Prætor, Consules, Scabini, qui-  
que Magistratui estis à consiliis & secretis, Professores  
celeberrimi, Collegæ honorandi, Pastores Reverendi,  
Doctores Clarissimi, Cognati, Affines, propinqui hujus  
nostri defuncti, Tuque florentissima Studioforum juve-  
num Corona,*

**Q**Uum nihil sit in rebus creatis proletarium magis, nihil  
naturæ convenientius, mortalibusque adeo omnibus  
à summo Numine penitus infixum, quam quæ nata sunt,  
denasci: & in hac mundi constitutione cælo immortalita-  
tem, terræ fragilitatem & corruptionem videamus esse con-  
genitam: ita tamen cum humano genere comparatum est,  
ut si quos Reip. vel Ecclesiæ necessarios utilesve sibi subdu-  
ctos conspicit, eorum jacturam impatienter admodum, nec  
nisi cum summo animi dolore perferat. Quod, ut homines  
mittam,

mittam, in brutis quidem ipsis verum esse comperimus, quæ naturæ quodam instinctu surreptos sibi foetus aut necatos cum compare quærunt, nec inventis ipsis orbitatem suam quasi deplorant, querulasque voces emittere non desinunt. In homine tamen, quem non pecudis ritu prorum ventriq; obedientem finxit Naturæ conditor, sed divino quodam rationis lumine collustravit, cuiq; imaginem suam insculpsit, longe major hic doloris sensus apparet, qui cum vetera & præsentia inter se bona comparat, damniq; illati magnitudinem apud se metitur, sæpe ingeniosus sui ipsius tortor est mirusque carnifex. Quod ut privatæ utilitatis causa non raro facimus: ita justiori ratione dolemus, quando publici boni sit iactura, & Rempublicam, Ecclesiam, aut Lyceum aliquod non modo corrucere, sed & splendorem huius vel illius multum deteri videmus, hoc est, cum subtrahuntur nobis viri rara doctrina, & virtute præstantes, qui civitatis, Ecclesiæ, vel Academiæ, dum vivebant, quasi fulcra quædam fuere & tribicines. Hinc luctuosum hoc seculum nostrum reputo, quo non privatorum modo hominum funera deploramus, sed & illustrium heroum principumque exequias sæviore luctu & lessu prosequimur. Non jam referre animus est duo Fœderati Belgii nostri sidera, & quasi Atlantes, Cellissimum Arausionensium Principem Henricum Fredericum patrem, quique brevi secutus est, per illustria Majorum suorum vestigia incedentem filium Gulielmum, fato non ita pridem extinctos: privata sunt, quæ loquar, tamen damnosissima Reipubl. Perdidit, heu dolor! jam nuper Batavia nostra Heroem fortissimum, Martinum Harperti Trompium, Belgii nostri summum maris Præfectum, Oceani scopulum & assertorem invictum, cuius viri iactura, quam noxia sit patriæ, ne dicam, internecina, propius sentiunt, qui mare navigant. Nec jam inflicta recens Ecclesiæ vulnera refribabo, fideliumque Dei servorum, quos intra paucos abhinc annos, ex hac miseriarum valle ad se vocavit iratum Numen, obitus recensebo: sed quæ palæstram hanc Academicam propriè spectant, detrimenta non parva referam. Nuperum est, recensque adhuc dolor imis pectoribus inhæret, cum exequias celebravit illustris hæc Musarum sedes geminorum virorum in arte medica summorum, Adriani Falckenburgii Anatomices, & Ottonis Heurnii practicæ Medicinæ, dum viveret, Professoris, quorum utriusque excessus non exiguam Asclepiæ Scholæ caliginem induxit. Nec adhuc sandapila-

larum

larum & funerum Academicorum hic meta aut finis. En nova rursus & lugendi, & parentandi se nobis offert occasio, nova materies. Amisit iterum, Auditores, amisit, inquam, celebris hic Phœbi recessus, duo non vulgaria, sed splendidissima sui lumina, Claudium Salmasium, ingens illud omnigenæ eruditionis sacrarium, vereque ambulans Musæum: & Marcum Zuerium Boxhornium Eloquentiæ & Historiarum nuper in hoc Athenæo Professore clarissimum, de studiosa juventute jam per annos viginti duos optime meritum, cujus ego viri pientissimos in præsentia manes præfica oratione, sed brevi, pro more recepto, si Deo visum, ex hoc loco prosequar. Potuisssem hanc provinciam detrectasse A. S. cum alii sint in hoc Professorio ordine viri Defuncto nostro conjunctiores, & a dotibus eloquentiæ, quas in me agnosco, instructiores; tamen Magnifici Rectoris Senatusque Academici motus auctoritate, cui non parere relligio mihi fuit, laborem hunc in me recepi: partim ob amicitiam, quæ mihi cum Defuncto intercessit, haud vulgarem; partim quoque vestra, Auditores, benevolentia fretus, quæ mihi celeberrimi hujus viri vitam, & mortem simpliciter & sine phaleris enarranti adspirare non sitis dedignaturi.

Originem Defuncto nostro dedit Berga ad Zomam, (fluviolo id nomen non ignobile in extremis Brabantiae ad occasum finibus oppidum, situ amatum, præterlabente Scaldi fluminum celeberrimo, qui grandioribus navigiis portandis ob profunditatem aptus Emporio Antvverpiensi vicinisque locis comoda affert luculentissima. Quæ præclara urbs, non tam munitionibus, quam civium virtute valida, dum Fœderatis paruit Ordinibus, invicta hætenus stetit, tentata sæpius ab hostibus, etiam ex parte capta; tamen defensa forriter, exactis iterum Hispanis, qui mediam occupabant. Quo memorabili facinore, & verè Romano gloriæ sibi peperit immortalem. Eodem quippe momento, & miraculum! & victa ab hostibus civitas, & ab incolis recuperata. Tunc qui eam ceperant facti duces, capti præda cessere civibus nostris: ex militibus Hispanis qui poterant, de cellis manibus se præcipitantes natando vitæ suæ consulere: qui natare non didicerant, aquis mersi justas Plutoni inferias solvere. In hac, inquam, pulcherrima Brabantiae sede, vera Martis area & ludo, quæ & patria fuit Johannis Latomi Præfulis eruditissimi, & Poëtæ suavissimi, natus est Boxhornius noster anno dñi 16 CXII. ibi primam cœli au-



ram hausit, vagituque suo tam clara vivendi auspicia fecit. Faustus ille dies, & niveo, utcum Poëta loquar, signando lapillo, quo lucem adspexit hic infans, qui patriæ suæ præsidio, familiæ decori, & Academiæ nostræ prælustre fortuo suo tempore ornamentum. Nec perinde refert A. H. quiquis solo cœlove natus sit. Habent præclara imprimis ingenia commune aliquid cum patria gleba, natalisque loci indolem referre ut plurimum solent. Sita est Bergopzæmum in lectissima Brabantia parte, non longè à Mattiacorum regione, cujus aërem ob vicinū mare rudiores minusque salubrem cœli sui benignitate calligat. Qua in urbe cum nascendi initium sumpisset Defunctus noster, utriusque & cœli & soli temperiem vita & moribus mirificè expressit. Erat enim vir ingenio miti & blando, singularique adhuc morum suavitate præditus, quæ Brabantorum vel propria quædam dos est. Hac ille gratus infimi, mediorum, summique ordinis præcebat hominibus. Unde verissimum esse deprehendimus, quod Peripateticorum affectu Schola, pro regionum cœlique natura similes quoque morum characteres imprimi mortalium animis. Ut alia miramur, patet id in plantis. Etenim nobiliores multo gratioresque sunt, quæ molli solo & aëre natae. Notum est illud summi vatis: Hic segetes, illic crescunt felicius uvæ. Non quævis olim vina probabant Romuli nepotes, sed quæ velut agro Falernitano, vel collibus Massicis proveniebant. Nec crocus omnis ex æquo præstans habebatur, sed optimus censebatur Corycius, quique circa Tmolum colligitur. Sic generosissimas equas alit Epirus: suavissima ostrea fert sinus Abydenus, vel matre Britannicum. Lupus piscis in Tiberi natus esset, an mari, distinguere olim poterant ingeniosæ Apiciorum gulae. Quod & in aliis natalium generibus optime norunt Batavorum erudita palata, quorum pater Nepos est: patria mare. Nec minus ad laudem fuit præclarum ex gente progenitum esse. Bœotorum stupiditas in proverbium abiit, ut suam Bœoticam appellarent veteres homines væcordem & obesæ naris. Hinc divinus ille Plato Jovi suæ gratias egisse dicitur ob quatuor: quod natus esset, non ornithocærus; quod natus esset homo, non bestia; quod Græcus, non Barbarus; quod denique Atheniensis, non Caralius, aut vili de gente Cappadox. Nam extra Græciæ portam Barbari erant omnes: inter Græcos autem & linguæ, & morum elegantia præstabant Athenienses. Quare uti Sophus ille

Ille passim Atticissat vita, moribus, stylo: sic & in Defuncto nostro, dum vixit, perspicere licuit genium suæ gentis, qui tum Brabantus esset, & Bergopzomius, præter congenitam illi populo humanitatem, Martiale quiddam spirabat, & heroicæ indolis.

Sed Boxhornianæ stirpis claritudinem, & decora jam videamus. Ea certe vetustissima est, nec infimæ nobilitatis. Celebratur in antiquis Brabantiae fastis, ut alios taceam, Johannes quidam Boxhornius, vir genere & bellica virtute præcipuus, ex cujus prosapia nomen omenque futuræ dignitatis accepit hic Noster. Nec ignota hodie Bruxellis, Lovanii, aliisque Brabantiae in partibus Boxhorniorum prælustris familia, ut audiendus hic non sit cavillator Cuyepius, perfrictæ frontis sive Jesuita, sive Sacerdos, qui scripto publicè edito negare id ipsum impudenter ac refellere conatus est. Contrariam ejus rei veritatem testantur Insinua eorum, quæ, dum viveret Boxhornius, amicis id requiruntibus modestè ostendebat: quanquam & idem ex aliis instrumentis, & chartis si opus foret, haud difficulter edoceri posset. Huic verò tam præclaræ domui non minimum splendorem intulit avus Defuncti nostri, Henricus Boxhornius vir eximie doctrinæ, & ardentis in Deum zeli. Hic dum Pontificiæ religioni initiatus esset, eamque diu, quæ ope, qua calamo alleruisset, summæ inter Suos fuit existimationis, & dignitatis. Etenim Lovanii cum studiis operam navasset, & Latinis, Græcis, Hebraicisque literis haut pariter esset tinctus, ad sacram Theologiam se contulit, in qua tantos brevi tempore fecit profectus, ut dignus fuerit iudicatus, qui Licentiæ gradum in eadem consequeretur: tumque idem Romanæ Sedis iunc vindex esset acerrimus, cum ab Episcopo suo dignitatem obinuit, ut Tineni Ecclesiæ præficeretur Decanus, & hæreticæ, ut vocant, pravitatis inquisitor. Verum ineffabilis, & misericors ille Deus cum singulari gratia Senem illum è verbo suo rectius instituisset, spiritusque sui radius caliginosam ejus mentem collustrasset, vidit tandem vir optimus, in quantis versaretur erroribus, quam fædis superstitionibus pollisset animam, quamque damnandæ in conscientias hominum carnificinæ fuisset assertor & propagator. Itaque cœlesti illa veritatis luce circumfusum mutavit cum Saulo propositum, qui quæ lupus gerat gregem Christi persequens & vastans, missimâ Domini ovicula factus est. Maluit venerandus Senex cum fido



Dei servo Mose commoda omnia, & dignitates, oblatamque adeo sibi mitram despiciere, & cum fratribus suis Christi opprobrium ferre, quam temporaneis deliciis, opibusque cum Ægypto, hoc est, Papatu frui. Mente igitur in melius mutata pro Reformatorum partibus stetit, tamque præclarum se præstitit veritatis Evangelicæ defensorem, ut communibus fratrum suffragiis ad divini verbi præconium vocatus sit, Pastoremque egerit primum in Montium regione Ducu Brandenburgensi subjecta, prope Cliviam. Mox Wordam accersitus, qui illic colligitur gregi Dominico per aliquot annos inservivit. Tandem ad Bredanam Ecclesiam regendam vocatus, una cum reverendo viro D. Musenholio divini ibidem verbi præcone celebri, vigilantiam suam, fidem & integritatem ita probavit omnibus, ut non civibus modò esset gratissimus, sed & fortissimo Heroi Justino Nassovio urbis illius & tractus tunc Gubernatori summopere placeret, ejusque aula & mensa, ut sua ureretur. Nec, quod & hic obiter in laudem tanti Senis dictum volo, solius ille gregis sui curam habebat, sed & hoc sibi insuper negotii datum esse sciebat, ut præter annunciationem verbi, sponsam Christum in tuto collocaret, quæque eam impeterent contradicentium ora, divinis ratonibus objuraret. Hinc cum prodirent nonnulli ex cucullatis fratribus, & aliis, qui protervis convitiis, scædisque calumniis proscinderent Reformatam religionem, hic fortem se suis antagonistam præbuit & athletam. Talis inter alios fuit doctrina purioris oblatator supra dictus Cuyckius, qui nostrum hunc invictæ veritatis, bonæque causæ vindicem non semel adortus est. Contra quem scripsit libellum, cui titulum fecit Anti Cuycki, in quo multiplicium errorum, & manifestæ idololatriæ reos agit Papistas. Edidit quoque Harmoniam Evangelicam, ubi Transsubstantiationem solidis à Dei verbo argumentis evertit. Nec calamo solum, sed & viva voce cum hostibus congredi ausus est. Hic est, qui cum Patre Gauda Theologo apud Antvverpienses famulos disputavit, idque faustis auspiciis & laude cum summa, triumphante semper supra mendacium divina veritate. Quin & alios ejusdem farinae & sectæ homines in certamen provocare non extimuit. Cujus fortissimi athletæ nostri laudes hic omnes recensere velle, supervacaneum fore duco, vobisque etiam, Auditores, tædiosum. Reliquum est, ut de Zueriorum familia non minus clara nonnihil dicamus. Ea quoque gens cum vetusta sit, & illustribus sub-

nixa meritis, longa annorum serie firma apud nos perstat. Insigna veram, & omnibus partibus numerisque consummatam nobilitatem præferunt. Quatuor enim ex paterno, totidem ex materno genere latera, hoc est, familias ostendunt percelebres, ex quibus conflata Zueriorum in hunc usque diem clarescit gentilitas. Deinde in summo vertice galæ conspicitur aperta, & leo ascendens, quæ non nisi Mariam & præcelsis majorum virtutibus fundatam claritudinem arguunt. Ex hac tam nobili stirpe Brabantica prodiit Jacobus Zuerius Defuncti nostri pater, Ecclesiæ Bergopzomianæ, dum vixit, Pastor insignis, qui cum uxorem duxisset Annam Henrici Boxhornii jam memorati filiam lectissimam, geminos ex ea suscepit filios, Marcum Zuerium Boxhornium, cujus in præsentia exequias celebramus, & Henricum Zuerium Ecclesiæ Lilloënsis in ripa Scaldis, Præfectum, Juvenem egregium, non Latine modo Græceque doctum, sed & Orientalium linguarum, ut multorum fama est, peritissimum. Quibus jam dudum fato subductis se socium ex eadem familia infert Jacobus Zuerius Defuncti nostri cognatus, vir gravissimus, & quæstoriarum apud Sylvoduncenses dignitatis, cujus uxor nobilissima item mulier tanta apud Ameliam Principem viduam pollet gratia, ut eam Hagæ commorantem mensa sua & cubili dignata sit non semel. Ex hoc tam felici connubio fecunda adhuc superest filiorum propago, qui doctrina omnes insigni litterarumque studiis probe ex culti, non indecores sunt generi suo, sed uti nominis, sic & avitarum virtutum se declarant ex asse hæredes.

Verum uti majorum natalibus meritisque resplendet Defunctus noster, ita nec affinitate eum minus fortunatum judico, qui cum ad nuptias animum appulisset, uxorem sibi delegit non rogata de plebe aliquam, sed patritia è gente virginem, nempe Susannam Duvelariam, Petri Duvelarii Middleburgensium Consulis spectatissimi filiam, insignibus cum corporis, tum animæ dotibus ornatam foeminam, quæ fecunda mater geminam marito suo peperit sobolem, atsequioris sexus, Johannam Boxhorniam natum majorem, & Annam Justinam, minorem annis erectæ utramque indolis filiolam. Tertia in utero prole posthumâ jam gravida ex Defuncto nostro relicta, partuque proxima peracerbo conjugis sui divortio immane quantum affligitur. Tam splendida è familia cum oriundus sit Boxhornius noster, tamque

præclara affinitate junctus, nunquam tamen se majorum, aut affinium suorum decore & honoribus extulit. Norat enim vir modestissimus, non sanguine nitendum esse, sed virtute propria: Progenitorum nostrorum & conjugiorum prærogativas non nisi fumum esse & auram, nisi idem, quibus partæ sunt, meritis suffulciantur. Quare ad ingenii cultum capellendum se totum contulit. Sciebat enim optimus parens, quantum in prima juventutis educatione momentum foret, nec satis esse, ut quis indole gaudeat bona, Musisque apta, sed adhibendam esse etiam à teneris probam institutionem, sive doctrinam, quæ teste Flacco, vim promoveret insitam, discendisque pectus & judicium format firmatque: eandem nempe animi nostri rationem esse, quæ fundi alicujus vel agri. Hic enim licet solum nactus sit glebosum, & pingue, nisi tamen excolatur bonaque conferatur frugum, sylvescit, nihilque præter tribulos procreat & infelix solum. Ita pariter mens humana, nisi ab ineunte ætate honestis artibus, sanctisque imbuatur moribus, luxuriatur, sylvamque profert omnis generis vitiorum & errorum. Hoc igitur ut præcaveret sedulus & providus genitor, eum jam disciplinæ capacem in Scholam ablegavit, ubi commilitonum laudabilis æmulatione accensus, tanta ingenii dexteritate & discendi promptitudine cum æqualibus suis contendit, ut palmam omnibus præiperet. Itaque primis Grammaticæ rudimentis, Latinisque litteris haur leviter instructus, ad Græcorum auctorum lectionem se gnaviter accinxit, in quibus, ut in aliis, licet non pari felicitate versatus esset, tamen & hic profectus fecerat non poenitendos. Mox patre orbatu adhuc junior, matreque vidua, in avitutelam domumque receptus est, qui non minorem nepotuli sui curam gerens, cum porro ingenio artibus imbuendum tradidit, nullis ipse laboribus, sumptibusque parcens, quo minus ad plenæ eruditionis tandem culmen pertingeret. Breda igitur ab hostibus capta, vel potius fame dedita, postquam religionis causa cum avo suo Leidam concessisset, quæ deerant sibi studia, pari diligentia & ardore pertexuit. Philosophicis diatribis haur segniter incubuit, opera usus Burgersdyckii, Professoris tunc temporis in hac Academia clari. Cum Bodechero quoque & aliis Peripateticæ Scholæ magistris familiariter conversatus haur exiguos profectus fecit. Nec à Juris legumque scientia plane alienus esse voluit, quæ cum maximam sui partem ex historiis petenda sit, etiam hoc in campo strenuum se præstitit.

Themidis sectatorem, adeo ut nihil intentatum reliquerit generosus adolescens, quo veram & solidam eruditionis famā sibi compararet. Nec vota fefellit labor. Brevi enim tempore ad tantæ sapientiæ fastigium conscendit, ut de variis questionibus, præsertim ethicis & politicis inter eruditos differeret, idq; tanta judicii sagacitate & verborum ornatu, ut audientium omnium oculos animosq; in se converteret. Historiarum præ cæteris lectione delectatus est, & naturali quadam inclinatione totus propendit in litteras. Unde factum, ut crebris declamationibus privatisque exercitiis vacaret, nec se modo solum, sed & studiosam juventutem una secum expoliret, salutaribusq; civilis doctrinæ præceptis imbueret. Quare cum jam supra prætextam saperet hic Papyrius noster, consummatamq; in politiori litteratura peritiā undequaq; testatā faceret, nobilissimis Academia Curatoribus eum commendandum esse censuerunt viri docti, qui tantum quoq; gratia sua & opera apud Consules Leideneses, & Lycei hujus Ephoros effecere, ut communibus omnium calculis Eloquentiæ Professor fuerit creatus, idq; juvenis admodum, quod mirandum, vix annum egressus decimum & nonum: In quo munere ita se gessit, tamq; præclarum se præstitit oratorem, ut non Marcus Zuerius Boxhornius, sed Marcus Tullius Cicero à nonnullis appellaretur. De quo jure equidē dici possit, quod de Pericle scriptum reliquit disertissimus Arpinas: Eloquentia illius non Græciam totam, sed Leidam universam, imo Bataviam intonuisse. Tanta enim cum majestate declamantem audivimus, ut ad ejus dicendi vim obstupescerent omnes, ipsa subsellia, parietes ipsi velut contremiscere viderentur. Ita olim in Philippum arma strinxit Demosthenes: tanto in Verrem, Clodium, & alios robore detonuit Cicero: nec aliter Neroni suo bene vivendi imperandiq; præcepta dictabat eloquentissimus Seneca. Certe quod præhscini dictū volo, vix alter inventus est aprior, qui decora magis oratione principum magnatumq; laudes extolleret, vel piis defunctorū manibus ore parentaret flebiliori. Hinc cum fecundæ alicujus linguae præconium desideraretur, omnium ad hunc dicendi magistrum concursus erat. Quis Reginam Angliæ, Magnillius Henrici filiam huc accedentem gratulatoria oratione excepit? Boxhornius. Quis Celsissimū Arausiacæ Principem Guilielmū præmatura morte nobis ereptū voce & fletu profecutus est? Boxhornius. Quis Justino Nassovio Bredæ Governatori perorando iusta persolvit? Boxhornius. Quis nobilissimi Academiæ

postre Curatoris Adriani Mylii exequias suada sua & lacrymis decoravit? Idem Boxhornius. Hic est, qui & aliorum complurium herorum res præclare gestas, & illustres manes æternitati consecravit, quos, ut brevitati studeam, nunc tacitus prætereo. Trompii quoque Ducis fortissimi feralia celebrasset, si valetudo permisisset, quod officium disertæ item oratione ejus loco supplevit vir clarissimus Aptontius Thysius, collega noster dilectissimus. Nec Oratorem seduntaxat Boxhornius, sed & philosophum subinde testatus est. Cum enim publicis disputationibus, ut Polinices Professor, aliquando præsideret, tam graviter arguteque è cathedra differuit, ut auditorium Theologicum, quo secedendum erat ob angustias Philosophici, vix caperet confluentem eâ juventutem. Ad Academicas item lectiones quotiens accederet, Tacitumque prælegeret optimum vitæ civilis ducem, & aulicarum artium indagatorem vaserrimum, in tanta juvenum frequentia, tanto cum eloquio Scriptorem illum interpretatus est, ut in stuporem ageret pendentem ab ore ejus studiosam multitudinem. Nec vulgares modo discipulos habebat & sectatores, sed plerosque optimatum filios, florem Belgicæ & Germanicæ nobilitatis. Qui omnes tanti viri gratia & eruditione pelliecti, sæpe ipsum adibant, de quaestionibus variis, ut Apollinem alterum consulebant, collegia privata sub eo habebant. Ita ut de domo ejus dici possit, quod de Isocratis Rhetoris domo scriptum legitur, ex ea, tanquam ex equo Trojano complures prodiisse disertissimos juvenes, & in historiis omni que literarum genere versatissimos. In quibus præter innumeros Germaniæ Comites & Barones, etiam fuit illustrissimus Princeps Megapolitanus, sive Dux Mekkelenburgensis, qui, ut propius Defuncti nostri institutione & politissimis colloquiis frueretur, mensa ejus aliquamdiu usus est. Imo in tanto habebatur apud externos pretio, ut evocatus fuerit à Suecorum apud Ordines Federatos Legato, Regiæ & Procerum nomine ad amplissimas dignitates in Sueciam, sed amorem patriæ suæ Septentrionum illis filiis prætulit, & Attalicis conditionibus animum tunc sua sorte contentum. Nec sine causa tantum sui amorem concitavit: Erat enim Viro illi à natura ingenium acre, judicium sagax, lingua prompta, methodus in docendo facilis & expedita, perspicuitas admiranda, dictio tersa & elegans, cæteræque animi dotes supra vulgarem hominis sortem: ita ut quæ vix singula singulis contingunt do-

na, in hunc unum quasi virgula divina confluisse videntur.

Jam scripta Defuncti nostri quid memorem A.S. tot præclaros ingenii sui foetus? Multa & varia edidit, quibus literatum orbem locupletavit. In his non infimum locum obtinent Historiæ Augustæ scriptores, quos ut turè legi possint, emaculavit, notisque & animadversionibus doctissimis illustravit. Emblemata politica quoque & quæstiones Romanas Plutarchico more proposuit, quibus pro eo quo pollebat ingenii acumine, graviter subtiliterque respondet, causis insuper additis variorum in togata gente rituum consuetudinumque. Vulgavit item opus non inficiandum, quod inscripsit Theatrum urbium Hollandicarum, in quo præclara multa de suo addidit, quæ apud Guicciardinum & alios tabularum geographicarum scriptores frustra quæras. Bredanæ urbis, cui juventutis suæ educationem magna ex parte debet hic præstans alumnus, obsidionem, & à Principe Auriaco expugnationem graphicè delineatam descriptamque nobis exhibuit: uti & Sylvæ Ducis, quam à se pæne puero adornatam publici juris fecit. Notas in Justinum, & Paterculum quoque edidit rara eruditione refertas. Nec in Floro scriptore florentissimo, quod stylo confoderet, insigni Critico defuit. Animadversiones ejusdem in Cornelium Tacitum, & Poëtas Satyricos minores commentarium sedula terit juvenus. His adde Chronicon Zelandiæ, quod vernaculo sermone à Joanne Reygersbergio conscriptum in lucem emisit. Quin & Metamorphosin rerum Anglicarum post eadem Caroli Britanniarum Regis nuper exortam è diversis auctoribus collectam concinnatamque in vulgus deduxit. Cum de longioribus virorum capillis, & volantibus foeminarum cincinnis motum esset in Batavia nostra certamè, hic quoque libellum publicavit de prisco Belgarum in alendis discriminibus more, in quo non pauca reconditæ eruditionis ex Adriano Junio & aliis affert exempla. Plinii item Secundi Panegyricon & epistolas à plurimis lacunis, & mendis repurgavit. Apologiam insuper scripsit pro navigationibus Hollandorum adversus Pontum Heuterum additam libero mari Hugonis Grotii: nec non dissertationem de Typographicæ artis inventionem & inventoribus: cui junge & alteram de Trapezitis, vulgo Longobardis, qui in fœderato Belgio mensas scænebras exercent. Commentarios idem scripsit in v. tam Agricolæ Cornelii Taciti, & Apologiam pro com-



mentario suo adversus Dialogistam, Historiam denique universalem condidit à nato Christo ad annum usque millesimum, sexcentesium & quinquagesimum, opus profecto laboriosum, & pereruditum. Scythicæ quoque linguæ tyrocinia quædam & arcana prodocere satagebat, sed cum ea vix nota sit Europæis, nec in aliis scientiis usum ullum aut exiguum habeat, paucos sibi invenit sequaces. Nec prætercunda hic Poëtica Defuncti opuscula, quæ vel quinta Dionæi nectaris parte imbuta doctæ posteritati reliquit. Fuit & illi benigna in Musas vena, nec invito Apolline carmina faciebat. Ingenii sui acumen ostendunt gnomæ, & curta epigrammata, quæ lusit. Distichis idem impense gaudebat prisci Catonis æmulus. Tum panegyricos, dissertationes & Orationes suas in lucem dedit, quas habuit diversi argumenti. Plura scripsit diligentissimus auctor ad genium prisci ævi, quæ variarum rerum & elegantiarum velut sesamo & papavere sparsa salivam movere queant erudito lectori, sed ne prolixior sim, Auditores, hic ea recensere supersedebo. Lucumo est, palatumque illi obbruit, cui Boxhornianæ Veneris & scripturionis hypotrimmata non sapiunt.

De conversatione Defuncti nostri pauca loquar. Et si enim se facilem cuivis affabilemque præbuerit Boxhornius, nulliusque viri docti probive societatem despexerit, tamen intimæ admissionis non nisi paucos habuit amicos, ad quorum exemplar & quasi nutum se totus componebat. Inter eos præcipue coluit summi & ingenii & doctrinæ virum Danielem Heinsium, maturæ jam ætatis senem & emeritum, Academiæ nostræ & Græciæ, dum floruit, singulare fulcimentum, à quo cum plurimis beneficiis esset affectus Noster, non ingratus esse voluit, sed de tanto heroe, & Evergeta suo nusquam non bene mereri. E cuius etiam ipse lectionibus & dissertationibus eruditissimis plurimum profecerat. Petrum quoque Scriverium maximi fecit ob raram scilicet illius viri in historiis & omni antiquitate peritiam, tum quod promotionis suæ auctor & patronus apud Curatores & Magistratum Leidensem fuisset haud postremus: ne jam tanti Mæcenatis prolixum in omnes doctos affectum & candorem eloquar, quibus & hunc & alios sibi devinxit Musarum cultores. Franconi item Burgersdyckio intimus fuit, philosophorum, ut dictum, in hoc Athenæo nostro tunc celeberrimo. Denique cum omni hominum genere, præsertim Collegis suis  
tanta

tanta semper vixit animi concordia & pace, ut nulli unquam gravis aut molestus; cunctis ex æquo gratus esset & amabilis.

Verum A. H. cum nihil in hoc orbe perpetuum esse voluerit divina Providentia, omnibusq; tandem mortalibus instet decretorius ille dies, placuit etiam Deo Opt. Max. hunc Collegam nostrum ad se vocare, morbumque ei immisit artus & membra velut lenta tabe depascentem. Quo nomine fuerit appellandus hic affectus, medicorum inter se disceptent filii. Phthisin alii vocant; alii Atrophiam, vel Anorexiam: nonnulli omnes has pestes quasi facto agmine in ipsum incurrisse verius affirmant, Quicquid sit, hæc occulta lues, ut incrudescere primum cœpit, pedes labefactavit ægri nostri, corporis sui columnas, quos ita attenuarat, ut rarius, nec nisi testudineo ac vacillante gradu ad Academiam proreperet potius quam irer. Subsecuta est deinde nutritionis, & virium omnium dejectio, ut cibum nullum admitteret fastidiosus stomachus. Si quid enim vel carniū ovillarum, vel piscium fluviatilium, aut firmioris edulii ingereretur, continuo id reddere coactus fuit. Solo potu Cereali, vino, & embammati liquidioribus vitam utcunq; sustentabat. Ingravescente igitur morbo, nec pedibus ultra officium facientibus lectulo affixus suo, ut vado obhæsit, divinæ se voluntati totum committens, Tum Christi mortem & pretiosa merita sæpius deprædicare, conscientiam excutere, peccata ingenue fateri, cœlestem misericordiam implorare: mundi contra hujus bracteata bona, & vitreos splendores contemnere, destituti, conculcare, cœlestium thesaurorum; & deliciarum duntaxat appetens. Quoties ab uxore mœsta subinde compellaretur, piis & benignis verbis lacrymantē consolatus est: Deum non defore viduæ & orphanis dicebat: se jam à longo tempore mori didicisse, ut cum suprema illa afflueret hora, secure & beate mori posset: nihil aliud jam restare, nihil se desiderare ardentius, quam ut de statione hac sua eum vocet cœlestis ille Imperator. Tunc sæpius animo occurrebat postrema illa & vere cygnea cantio Simeonis: Nunc dimitte servum tuum in pace, o Domine, secundum verbum tuum. Nam oculi mei viderunt salutem tuam. Amicis ipsam invisentibus nulla unquam tristitiæ signa declarabat, sed bono se animo esse constanter asseverabat. Postremum ubi vox deficere cœpit, accersitus ad eum vir reverendus Martinus Ubenius, Ecclesiæ Leidensis Pastor



eximius, quæ sivit ex eo: num abdicatis propriis meritis solum Christum ejusque merita amplecteretur brachiis fidei? Respondit: Etiam. Deinde precibus ad Deum fufis salutarem illi coelitus à summo Numine excessum optavit. Qui ex consanguineis & amicis ad extremum usque vtae halitum ei adhæserunt, in quibus etiam fuit egregius juvenis Abrahamus Bubbenius Theologiæ Studiosus, non nisi pia illum divinæque fiduciæ plena verba locutum esse testantur, quæque lingua amplius exprimere nequibat, nutu significasse. Ita placidus tandem quietusque Zuerius noster in Domino obdormivit V. Nonar. Octobr. hora octava matutina, ætatis suæ annum agens quadragesimum. Quodque notandum est, eodem illo die, quo liberata fuit Leidensium civitas ab arctissima obsidione Hispanica, cujus grata posteris memoria quorannis heic celebratur, dimissus etiam est & quasi manumissus ex hoc corporis ergastulo in libertatem Boxhornius noster, cujus beatissima jam anima in sinum Abrahamæ recepta gaudio fruitur ineffabili: quique terrenorum regum magnatumque hactenus intonuit encomia præco, jam Creatoris sui & Agni præconia celebrat in cœlo triumphans. O gratissimum Superis hospitem! o desiderandum piis omnibus Defuncti nostri exitum! qui jam in cœlestem illam traductus Academiam, in plenæ veritatis Scholam, non Belgas modo, Germanos, aut Polonos sibi habet auscultatores, sed ipsos Dei Angelos, sed beatissimas ex omni gente mentes, sed cives novæ illius Jerusalem, quibuscum ille pro more differens, canens, declamans, voluptatem sibi parit incredibilem: at nobis, mœstæ conjugii, liberis, triste sui desiderium in terris reliquit. In quo Viro A. H. Academia nostra Professore amisit celeberrimum: Nos singuli Collegam conjunctissimum & suavissimum: Vos Studiosi adolescentes singulare diligentia & comitatis exemplar. Intuemini quæso vitam ejus, & virtutes, perseverantiam in vera fide, charitatem erga Deum & proximum, spem animi inconcussam, in malis ferendis patientiam, aliasque animi vere Christiani dotes. Has, inquam, suspicite, & quantum in vobis est, vita & moribus exprimate. Privata magis loquar, viri hujus in discendo docendoque sedulitatem imitmini singularem, in sedulitate labores, in laboribus constantiam, in constantia alacritatem. Sicut ille crebris vigiliis, & laboribus indefessis ad editum illud sapientiæ culmen contendit: ita & vos tam clari Præceptoris vestigia prement-

tes ad ejus normam studia vestra componite. Non in lecto plumeo, aut floridulo prato recubat Sapiencia. In prærupto stat monte. Laborandum est, anhelandum, ut eam arripiatis. Defuncti nostri exemplo, qui diurnis nocturnisque impallescent chartis, crebroque sudans & algens, tantam sibi eruditionis famam acquisivit. Fallunt miseri & falluntur, qui viam sibi planam, & facilem imaginantur. Scrupea est, acclivis est, dumis & vepribus obsessa, quæ ad Scientiæ collem ducit semita. Ad hunc cum Zuerio nostro pertingeris, sylvæ voluptatum illecebris, & turpi desidia solum ea sectemini, quibus Patriæ, & Ecclesiæ, præsidio ac ornamento esse possitis. Ad mortem vero Defuncti quod attinet, ea etiam placidissima fuit & piissima, doloris omnis experta, nulla cum sensus alienatione aut delirio conjuncta. Extinctus est, ut lucerna oleo destituta: quodque nobilissimum animæ depositum à Deo acceperat, porrecta quasi manu Creatori suo reddidit, non ægre aut murmurans, sed ultro, cum gaudio, ingeminans subinde: Veni ò Christe, veni Redemptor expectatissime. Talem igitur vitæ feliciter transactæ exitum, qualis cum Defuncto nostro paucis obtingit, non mihi solum A. S. sed vobis etiam, sed omnibus piis suo tempore largiatur summus ille animarum nostrarum Pastor & Sospitator Deus per Dominum Christum.

## D I X I.

Extat quoque Historia vitæ & obitus Celeberrimi hujus Viri descripta à *Iacobo Daselio*, quæ una cum Boxhornianis Epistolis Amstelodami anno 1662. prodit.

## M. Z. BOXHORNIO,

*Viro maximo,*

Historiarum Professori clarissimo,

Sacer honor novissimus.

*ZVERIVS jacet hic, cui Fata secunda dedere  
Ingenio terris vivere, mente polis.*

*Exuvias alij claudant, cineresque sepulchris;  
Tullius hic, Virtus, hic Tacitusque rigent.*

*ZVERIVS jacet hic, atas cui nulla priorum  
Vidit, posterior non habitura parem est.*

L. DE LINDA.

*Cujus*

*Cujus adoranda concessit laurea lingua,  
 Quem coluit patrius, quem peregrinus honos:  
 Qui toties lauro praeclaros dixit utraque,  
 Magnaque sive toga nomina sive sago:  
 Nunc tacet aeternum, numero nunc ille silentum  
 Additus, emeritis latus inerrat avis.  
 Leida quid illius praemia dicere tentas?  
 Nulla capit Zueri linguaue, mensve decus.  
 Dediticit se nunc avi facundia, Zueri  
 Desiit (hoc uno noverat) ore loqui.*

HENRICUS BRUNO.

## EPITAPHIUM.

CONDITUR HOC TUMULO BOXHORNIIUS, EC-  
 CE VIATOR;  
 NEC TAMEN HIC TUMULUS DICITUR ESSE  
 CAPAX:  
 CORPUS HABET TANTUM, VERUM MONUMEN-  
 TA MANEBUNT,  
 NAMQUE HORUM POTUIT JURIS HABERE  
 NIHIL.

F. TVRCÆVS.

## SCRIPTA.

- Granatarum Encomium. *Amsterod.* 1631. in 4.  
 Historiæ Augustæ Scriptores, cum Animadversionibus ac  
 Notis Tom. IV. *Lugd. Batav.* 1631. in 12.  
 Theatrum, sive Descriptio Comitatus & Urbium Hollan-  
 diæ, cum tabulis Geographicis. *Amster.* 1632. in 4.  
 Petrus Montanus in linguam Belgicam vertit. *ibid.*  
 in 4.  
 C. Plinii Panegyricus, recensitus: *Lugd. Bat.* 1632. 1648.  
*Austar.* 1659. in 12.  
 Animadversiones in Suetonium Tranquillum. *ibid.* 1632.  
 1645. in 12.  
 Poëtæ Satyrici minores cum commentariis *ibid.* 1632. in 8.  
 Respublica Leodensium. *Amsterod.* 1633. in 24.  
 Apologia pro Navigationibus Hollandorum, adversus Pon-  
 tum Heuterum, addito Hugonis Grotii Mari Libero.  
*Lugd. Batav.* 1633. in 24. 1638. *Londini* 1636. in 8.  
 Emblemata Politica & Dissertationes Politicæ. *Amsterod.*  
 1634. 1651. in 12.

Julii

- Julii Cæsaris opera cum commentariis Variorum, ex recens.  
*ibid.* 1634. in fol.
- Grammatica regia, sive nova & facillima ratio discendi lin-  
 guæ Latinæ præcepta, pro Christina Suecorum Re-  
 gina. *Holm.* 1635. *Lugd. Bat.* 1650. in 12.
- Dionysii Catonis disticha de Moribus Græco- Latina cum  
 notis. *Lugd. Bat.* 1635. in 8.
- Oratio Inauguralis, de Majestate Eloquentiæ Romanæ, cum  
 Collegii publici Præses creatus esset. *ibid.* 1636.  
 in 4.
- Orationes tres, de Theologia Paganorum, Fabulis Poëtarum  
 & Animarum Immortalitate. *ibid.* 1636. in 4.
- Character Caussarum Patroni. *ibid.* 1627. in 4.
- Character Amoris. *ibid.* 1637. in 4.
- Oratio funebris in obitum Illustriss. Herois, Dominici Mo-  
 lini, Patricii & Senat. Vener. *ibid.* 1636. in fol.
- Panegyricus Celsissimo Arausionensium Principi, Frideri-  
 co, Henrico, post Bredam oppugnatam dictus. *ibid.*  
 1637. in fol.
- Quæstiones Romanæ, in quibus sacri & profani ritus, pluri-  
 ma etiam Antiquitatis monumenta eruuntur & expli-  
 cantur. *ibid.* 1637. in 4.
- Monumenta illustrium Virorum æri incisa & elogia. *ibid.*  
 1638. in fol.
- Justinus, cum Notis. *Amstelod.* 1638. 1653. 1660. &c.  
 in 12.
- Historia Obsidionis Bredanæ, & rerum An. 1637. in Belgio  
 aut alibi gestarum. *Lugd. Batav.* 1640. in fol.
- Panegyricus in classem Hispanorum profligatam. *ibid.* 1639.  
 in fol.
- Orationes duæ de vera Nobilitate & ineptiis seculi. *ibid.* 1635.  
 in fol.
- Oratio, qua Serenissimæ Henricæ Mariæ, Magnæ Britannicæ  
 Franciæ & Hiberniæ Reginæ, urbem Leidensem sub-  
 euntis adventum venerabatur. *ibid.* 1642. in fol.
- De Typographicæ artis Inventione & Inventoribus Dissertatio. *ibid.* 1640. in 4.
- Dissertatio de Trapezitis, vulgo Longobardis, qui in fœderato  
 Belgio mensas scænebres exercent. *ibid.* 1640. *Grœ-  
 minge* 1658. in 8. & 4.
- Commentar. in Vitam Agricolæ Corn. Taciti. *ibid.* 1642.  
 in 12.

- Apologia pro Commentario ad Agricolam Taciti, adversus Dialogistam. *Amsterod.* 1643. in 12.
- Plinii Epistolæ una cum ejusdem Panegyrico recensitæ, *ibidem* 1659. *Lugd. Bat.* 1648. in 12.
- Oratio in excessum Illustriss. Principis Constantini Alexandri Principis Ostrogæ, &c. *Lugd. Bat.* 1642. in fol.
- Animadversiones in Corn. Tacitum, *Amsterod.* 1643. 1638. in 12. 1673. in 8. *Lugd. Batav.* 1642. *Venetis* 1645. in 12.
- Oratio de Somniis, habita cum ordiretur interpretationem Somnii Scipionis, *Lugd. Bat.* 1639. in 4.
- Dissertatio de Amnestia, *ibid.* 1648. in 12.
- Dissertatio de Successione & Jure Primogenitorum in ad eundo Principatu, ad Carolum II. Magnæ Britannia Regem, *ibid.* 1649. in 4.
- De Majestâte Regum Principumque liber singularis, adversus I. B. cogitationes subitaneas in præcedentem Dissertationem, *ibid.* 1649. in 4.
- Commentariolus de Statu Confœderatorum Provinciarum Belgii, *Hagæ-Com.* 1650. 1659. in 12.
- Panegyrcus in Nuptias Principis Araus, Guilielmi, & Mariæ Britannia Regis Filia, *Lugd. Bat.* 1641. in fol.
- Historia Universalis sacra & profana, à nato Christo. ad annum M DC L. *Lugd. Batav.* 1651. 1654. in 4. continuata ad nostra usque tempora, *Lips.* 1575. in 4.
- Oratio funebris in excessum Adriani Falckoburgii Med. D. & Prof. *ibid.* 1650. in 4.
- Haymonis Historiæ Ecclesiasticæ Breviarium. Cui adjunxit prima Religionis Christianæ rudimenta, vetustissima Alemannorum & Saxonum lingua conscripta. *ibid.* 1650. in 12.
- Elberti Leonini Dissertatio de Trapezitis Belgii, *ibid.* in 8.
- Disquisitiones Politicæ, id est, LX. Casus Politici, ex omni historia selecti, *Hagæ-Com.* 1650. 1655. in 12. sunt quoque recusæ Gallicè.
- Metamorphosis Anglorum, 1653. in 12.
- Dissertatio de Græcæ, Romanæ & Germanicæ linguarum harmonia, Subjuncta est Grammaticæ Regiæ, *Lugd. Bat.* 1650. in 12.
- Orationes varii argumenti, *Amstel.* 1651. in 12.
- Originum Gallicarum liber, in quo veteris & nobilissimæ Gallorum gentis Origines, antiquitates, mores & lingua,

guæ, aliaque eruuntur aut illustrantur. Cui accedit antiquæ linguæ Britannicæ, Lexicon Britannico-Latinum, insertis explicatisque passim Adagiis Britannicis. *ibid.* 1654. in 4.

Oratio in excessum Guilielmini, Principis Arausiæ, Comitissæ Nassovii. *Lugd. Batav.* 1651. in fol.

Oratio in excessum illustri Viri, Cornelii van der Myle. *ibid.* 1642. in fol.

Idez Orationum è selectiori materia moderni status politici desumptæ. *ibid.* 1657. *Lipsia* 1661. in 12.

Institutionum Politicarum libri duo. *ibid.* 1657. 1668. *Lips.* 1659. 1672. in 12.

Chronologia sacra & profana. *Francos.* 1660. in fol.

Epistolæ & Poëmata. *Amstel.* 1662. in 12.

Differratio de Imperio Romanorum. *Iena.* 1664. in 12.

Nederlandtsche Historie eerste boeck, behelsende de eerste Veranderingen in den Godsdienst en leere tot de tyden van Keyser Karel de V: Tot *Leyden* 1644. 1649. in 4.

Spiegel-tjen van 't lanckhayr ende hayrlocken by de Hollanders ende Zeelanders getragen. Tot *Middelb.* 1644. in 12.

Spiegel-tjen vertoonende 't kort hayr by de Hollanders ende Zeelanders jonghst getragen en van de Vremde ontleent. *ibid.*

Chronyck van Zeeland eertyds beschreven door Joh. Reygersbergen, nu verbeterd ende vermeerderd. *ibid.* 1644. in 4.

Bediedinge van tot noch toe onbekende Afgodinne Nehalennia; over ettelicke hondert jaren onder t' sant begraven ende onlangs ontdeckt op het strandt van Walcheren. Tot *Leyden* 1647. in 4.

Antvort op de Vragen, voorgesteld over de bediedinge van de Afgodinne Nehalennia, in vvelcke de gemeyne herkomst van de Grieken, Romeynen ende Duytsche tale uyt den Schythen duydelick bevvesen, ende verscheyden out heden van dese volckeren ontdeckt ende verklaert vworden. *ibid.* 1648.

Chronyck van Holland, Zeeland ende West-Vrisland door Jo. Veldenæer geschreven, uyt gegeven door M. Z. Boxhorn. *ibid.* 1650. in 4.



## MEMORIA

*Reverendi Clarissimi & Excellentissimi  
Viri,*

**DN. M. ELIÆ  
EHINGERI,**

Gymnasii Poëtici apud Ratisbonenses  
Rectionsemeriti,

*Renovata & translata*

Ex Concione funebri Germanicè habitâ

à

**M. ANDREA STEINERO,**

S. Ministerii Evangelici ibidem  
Seniore.

**I**ngens illud totius Germaniæ ac rei literariæ decus,  
**ELIAS EHINGERUS**, superioris ævi anno septuage-  
simo tertio, septimo Septembris die, in lucem hancce vita-  
lem felici ortu prodiit. *Patrem ejusdem habuit Nominis*,  
doctrinæ insignis & que ac spectatæ fidei Virum, in Comi-  
tatu primum Oettingensi, Augustæ deinde Vindelicorum  
ad Spiritum S. Symmastram pium atque fidelem; *Matrem*,  
*Mariam Aspergerinam*, stemmate & probitate egregiam,  
*Avum* verò *Iohannem Ehingerum*, jam pridem summo re-  
rum culmine Virtus ac meritorum in Ecclesiam gloria ex-  
tulit, atque fama, ceu Poëta loquitur, in astris locavit: Quip-  
pe qui in prædicta urbe Augusta, circa A. C. 1531. Evange-  
lium animosè & juxta divini verbi tenorem ritè docuit, ve-  
rumtòbid, ab Imperatore Carolo V. Sleidano teste, in exi-  
lium pulsus fuit. Hujus quoque opera, prospero admo-  
dum successu, usus est Otto Henricus, Elector postea Hei-  
delbergensis, qui cum Neoburgum benignè evocavit, ut Ec-  
clesiarum Palatarum Ephoriam sustineret, sibi que subje-  
ctas ditiones ab omni Paparum heterodoxia purgaret. Rediit  
demum Augustam, ibidemque Spiritum Christo Salvatore  
placida morte reddidit. *Parentes autem provida, ut decet,*  
cura

cura igitum in Elia filiolo suo genium animadvertentes, cum à teneris statim unguiculis literarum liquore imbuedum destinarent. Sub *Hieronymo* itaque *Barvaro*, *Georgio Salzhubero* & *Davide Schramo*, Ludi Augustani Moderatoribus dexterrimis, cum omnium bonorum gaudio & admiratione adolevit, & pietatis, linguarum, artiumque rudimenta posuit. *Vittebergam* *Academiā* longè celeberrimam A. 1593. petiit, ibidemque splendidissima cœli Sionei sidera, *Lyserum*, *Hupnium*, & *Gesnerum*; docentes eximia coluit sedulitate. Vix biennium in studiis absolverat, cum dignus judicaretur, ut Philosophica Laurea, quam *Magisterialem* vocant, exornaretur. Ne autem una solum alligatus loco videretur, *Tubingam* salutavit, ubi à Præstantissimo Theologo, *Matthia Hasenreßero*, Ministerii sacris fuit initiatus. Mox in *Inferiorem* abiit *Austriam*, ut Perillustri Baroni, *Davidi Enenckelio*, à concionibus esset Aulicis. Quod munus magna utique dexteritate ac prudenti vigilantia *Alberti monti* sustinuit. Cum illic sexennium docendo complevisset, in *Superiorem* quoque *Austriam* A. 1603. ab alio illustri quodam Viro, *Ioh. VVilhelmo L. B. de Zelcking* vocatus, Verbi divini egit Præconem *Kefermarkii* satis probum atque orthodoxum. Sed in sperato in tristitia illa incidit tempora EHINGERUS, quibus gravissima suborta persecutio solum vertere, & supremum Ecclesiæ sibi rum desponsatæ vale dicere debuit. Patriam igitur repetere necessum erat, summo ita eum Numine ducente, ut Anno 1605. honorificum *Rectoratus* in Lib. Imperiali *Rotenburgo Francorum* ad *Tuberam* officium amplecteretur. Dum hoc toto animi impetu persequitur, nihilquæ de parta jam eruditionis ac industriæ suæ laude remittit, duas æque legitimas aliunde obtinuit vocationes; Unam ad *Ephoriam Ecclesiarum VVolfsteinensium & Sulzburgensium*; alteram ad *Moderamen* inclui *Gymnasii Vlmensis*; Sed utrasque istas, gravissimis inductus rationibus, suscipere modeste recusavit. Anno demum post *Redemptoris* Nostri Natalem sesquimillesimo decimo octavo, o *Maximilianus* ab Amplissimis Patriæ suæ Proceribus, ad *Lycei Augustano-Evangelici*, & instructissimæ ibidem *Bibliotheca* Directionem humanissime invitatur, quibus se subducere laboribus nec potuit satis nec etiam voluit. Hac proinde nobili provincia suscepta, nihil tunc omnino altissima Viri indoles intactum reliquit, nihil in *Encyclopædia Philosophica*, nihil in immensis *Historiarum* ac



Philologiæ aurifodinis insalutatum transmisit: Poëticam ille venam mollibus numeris profluentem ad stuporem usque multorum hominum exercuit: Problemata quælibet, licet spinosa maximique momenti promptè ac perspicuè novit illustrare: Sacratissima non minus fidei dogmata nervose exponere, eaque venerando Antiquitatis consensu apposite comprobare, studium EHINGERO maximè fuit proprium. Hinc *thesaurum Patrum & Antiquitatis* ipsum haud immeritò indigitarunt, qui exactius virum, hunc impense doctum noverunt. Testantur cum primis de eo tot consummatæ eruditionis monumenta, orbi gratissime relicta, in quibus habent, quod sudent Theosophi, quod ungues arrodant Poëtæ, quod æstuent Oratores, quod fatigentur Historici. Virtuti tamen tantæ non semper secundis arrisit auribus benignior fortuna, adeoque & altera vice A. 1629. *ὁ πῦρ* Noster frequentissimum maximorum quondam Virorum fatum, Ostracismum nimirum, subiens, in triste deniq; exilium detrusus fuit. Sed is, quo sine nec capitis nostri pilus defluit, DEUS Ter Opt. Max. minimè permittit, ut CL. Vir, qui ingenii perspicacis lumine universum irradiare orbem debuit, in obscuro quodam terræ angulo diu multumque lateret. Hinc Serenissimum Saxoniz Electorem commovit, ut Eundem probum exulem ad se accerferet, & *Seminario* suo *Portensi* haud incelebri *Rectorem* præficeret. Triennio iterum elapso, sedatis pariter in Patria motibus, quod circa 1632. contigit, ad pristinos reverti penates iussus est. In pulvere autem isto Scholastico, quamvis, ut ubivis ferme locorum, molestissimo, ad ultimum vitæ halitum, dubio procul Augustæ mansisset, suisque lucubrationibus omne tempus residuum addixisset, nisi Lycei illius jactura, & Bellonæ insolentia, Musarum pulli quicunque inde fuissent ejecti. Vere itaque in Ipsum quadrat, quod dici alias solet: *Quum duplicantur lateres, venit Moses.* Venit tum opportune & ex voto inclutæ Reip. Ratisbonensis Nobilissimus Senatus, & EHINGERUM An. 1635. *Gymnassii* sui *Poëtici Ducem* atque *caput* esse constituit. Præstitit sanè hic quoque se Virum & Didacticum longè optimum, quamdiu viridi ætate valeret, viresque, quas continuis lucubrationibus, variisque hinc inde perpeffis molestiis multum jam debilitaverat, in corpore sano superessent. Verum enim vero cum senectutis gravidæ mala indies magis magisque persentiret, factum est, ut à Scholarchis pruden-

dentissimis rude donaretur. Ista tum nactus à publicis negotiis requiem, modò in misera hominum vita hacce mundana atque senio debili vera inveniri unquam posset requies, majorum suorum longævitatē imitari velle videbatur: Nam Patrem 72. Avum 84. annorum cursum inter mortales complevisse referunt, quibus noster pie denatus Octuagenario paululum major accessit. Cæterum ei conjugium obtigit felix atque tranquillum. Uxorem duxit lectissimam Virginem, *Sabinam Sturmiam*, quacum per integros 42. annos sine lite ac felle suaviter vixit. Prolem ex ea, Deo benedicente, utriusque sexus, Masculini 5. foemini 2. & quos ab illis rursus progenitos Nepotes 7. duosque Pronepotes vidit, iisdemque eximie gavisus est. Restabat tempus, quo universi Rector Rectorem huncce suum, ex impuris terræ quisquiliis, ad continua supernæ vitæ gaudia evocaret. Paruit lubenti perquam animo EHINGERUS, & sacro prius viatico instructus, mundum cum cœlo placidissima morte permutavit. Factum id diē 28. Novembris, inter duodecimam atque primam nocturnam, anni salutis 1653. Hujus memoria in perpetua vigeat benedictione!

IN CL. VIRI,  
ELIÆ EHINGERI,  
Effigiem.

*Talis EHINGERVS facie sub imaginis umbra*

*Germana spirans integritate Virum.*

*Hanc comam, hos oculos, hanc frontem, hoc pectus, &  
hoc os,*

*Suada, Minerva, Venus, Gratia, Phœbus habent.*

*Hancce Comam, hos oculos, hanc frontem, hoc pectus &  
hoc os*

*Quando vides, Docti scito videre Viri.*

JOH. HARTMANNUS,  
P. L. C.

SCRIPTA.

*Psellus in Organon Aristotelis Græcè & Latine. VVitteb.*

1597.

*Hymni Ecclesiastici. Francof. 1598. in 8.*

*Dissertatio de Jesuitico Lysandro. VVitteb. 1611. in 8.*

*Apostolorum Canones & Sanctorum conciliatorum Decreta, Græcè & Latine edita. ibid. 1614. in 4.*

Oratio de Rotenburgo-Tuberana Civitate, *Rotenb. ad Tub.*  
1615. in 4.

Oratio funebris de Serenissimo Principe Philippo II. Duce  
Stetini Pomeranorum, *Augusta* 1618. in 4.

Exercitationes Augustanæ in Gymnasio ad D. Annæ publicè  
propositæ, *ibid.* 1620. in 4.

De Criteriis scientiarum centuria, *ibid.* 1623.

Oratio de Athenæo Augustano, *ibid.* 1623. in 12.

Oratiunculæ tres de sanctissimo puero Jesu, *ibid.* 1626.

S. Chrysostomi Oratio in Pentecostem Græcè & Latine, *ibid.*  
1624.

Quæstiones Theologicæ & Philosophicæ Cæsarii Gr. & Lat.  
editæ, *ibid.* 1626. in 4.

Psalmus Davidis CLI. Græcè, Latine & Germanicè editus.  
*ibid.* 1627. in 4.

Orat. tres de innocentissima & sanctissima Christi Passione.  
*ibid.* 1627. in 4.

De Patricia dignitate Dissertationes, *ibid.* 1627. in 4.

Passionale Scholasticum, de Calcatore torcularis Christi, *ibid.*  
1628. in 4.

Themistocles Græcè & Latine, *Francof.* 1629.

Poggius Florentinus de infelicitate Principum, *ibid.* 1629.  
in 8.

Oratio de Anno Jubilæo Augustanæ Confessionis. *Lipsiæ.*  
1630. in 4.

Oratio de Invocatione Sanctorum, *ibid.* 1630. in 4.

Velitatio Epistolaris cum Jesuitis Monacensibus, de præci-  
pui fidei articulis, *VVitteb.* 1631. in 8.

Revelationes S. Brigittæ, *Augusta.* 1632.

Catalogus librorum Amplissimæ Reip. Augustanæ, *ibidem*  
1633. in fol.

Parentationes II. Memorix Gustavi Adolphi, Regis Sue-  
corum, &c. dicatæ, *ibid.* 1634. in 4.

Oratio de S. Augustino, an nescierit, à Christo, an à B.  
Maria Virgine sit redemptus & salvatus? *Ratisbon.*  
1635.

De Quæstione Politica: An Fides Hæreticis sit servanda?  
dissertatio è Theologorum & Politicorum scriptis  
concinnata, *Noriberga.* 1637.

Orationes quinque de stimulo Virtutum, *Ratisb.* 1638.

Loci Theologici Areopagitice dispositi, *Norib.* 1639. in 4.

Phænomena & Miracula Solis, *Ratisb.* 1639.

Disp.

Disp. Theologica, de Sanguine Christi, triduo Passionis, habita Romæ, anno Domini MCCCCXLIII. inter Monachos Dominicanos & Franciscanos. *Francof.* 1640. in 4.

Præconium Pacis. *Norib.* 1640. in 4.

Martinalia Lutherana Ratisbonæ celebrata. *Ratisb.* 1641. in 4.

Oratio de Amnestia. *Norib.* 1641.

Oratio de anno seculari Ecclesiæ Ratisbonensis. *ibid.* 1642.

De Statu Ecclesiæ Christianæ in terra militantis. *Ratisbon.* 1642.

Dispositio Bibliorum & Versionum tempore Origenis. *ibid.* 1642.

De Germana & sincera Pace. *ibid.* 1643. in 4.

Prognosticon Theologicum perpetuum super futura Pace Germaniæ. *Norimb.* 1644. in 4.

Judicia Jesuitarum aliorumque Pontif. scriptorum, de Augustana Confessione, collecta. *ibid.* 1644.

Dialogismus Christi & Christiani. *Ratisb.* 1646. in 4.

Post Nubila Phœbus, hoc est, Consolatio piorum in ærumnis. *ibidem* 1646.

Prolusiones Panormitani de summa summi Pontificis Romanipotestate. *Norib.* 1647.

De honore & præmiis Professorum in Academiis, & Præceptorum in Scholis. *Ratisb.* 1649.

De Pareliis. *ibid.* 1649.

De emendandis Germanorum moribus. *ibid.* 1647. in 4.

Quatuor hominis Novissima. *ibid.* 1651.

Paradoxon *παράδοξον*, adversis lætari. *ibid.* 1650. in 4.

Seculum XV. Historiæ Ecclesiasticæ, in gratiam Antiquitatis Studiosorum concinnatum, opus posthumum. *Francof.* 1659. in 4.

Leichpredigt auf Herrn David Enenckeln L. B. gehalten/ von der Seelen Unsterblichkeit. *Laugingen* 1603. in 4.

Von der Kindertauff. *Warrinstatt.* 1608.

Das alte und neue Wapstumb/ von der Uneinigkeit der Papisten. *ibid.* 1609. in 4.

Geistliche Betrachtung/ in welchem sich vor Jahren 22. heilige Einsiedler täglich geübt. *Augsburg* 1628.

Weissagung Joachimi Abbatis von dem zukünftigen Zustand der ganzen Welt. *ibid.* 1633. in 4.

Der Teutsche Locus, de Sola fide justificante, Nürnberg. 1638.  
in 4.

Judicium Astrologicum, vom neuen Stern, Regensp. 1638.  
in 4.

Rettung des Lebens / Lehr und Ehr / auch seeligen Ableiben D.  
Martini Lutheri. *ibid.* 1639. in 4.

Wider die Aufßhunger des heiligen Evangelii. 1649.

Historische und Theologische Aufßführung der Frage / wo die  
Christliche Kirche gewesen / ehe D. Luther geböhren?  
Ulm 1649. in 4.

Disputationes à B. EHINGERO, VVitteberga, Tubinga,  
Augusta Vindelicorum atque Ratisbona habitæ sunt  
variæ, ex quibus de Temperantia: De Forma Meta-  
physicè considerata: De Substantia & Accidente:  
De Demonstratione: De editione scripturarum au-  
thentica, & versionibus illarum vernaculis: Analysis  
primi capitis epistolæ ad Romanos: De Methodis:  
De Causis Virtutum: Problemata Physica & Logica:  
De sacra scriptura contra Bellarminum: De indul-  
gentiis Papalibus, &c.

## PROGRAMMA,

In funere

*Viri quondam Amplissimi, Excellentissimi,  
Præclarissimi.*

**DN. DANIELIS  
STAHLII.**

Hammelburgo-Franci,

Philos. Magistri & Logices Metaphysicesque  
in hac Acad. Salana Professoris Publici famigera-  
tissimi,

*Propositum,*

a

PRORECTORE ACADEMIÆ JENENSIS,  
CHRISTOPHORO RICHTERO, J. U. D.  
Com. Pal. Cæsar. Decret. Prof. P. & Facult. Jurid.  
Ordinario.

Ita

**I**Ta vitæ hujus Comœdiam peragere, ut ejus post clausulam applausus sequatur ad posteros perennis, majoris Agesilaus, Spartanorum Rex gloriosissimus, faciebat, quam sumptuosorum monumentorum ac statuarum, sive vivo sive defuncto ponendarum honores. Itaque non solum, cum nationes Græciæ Asiæ celeberrimis in urbibus statuas collocare ipsi decrevissent, summa vi abnuebat, verum etiam, cum ex Ægypto discedens, patriam repeteret, morbo implicitus in portu, qui Menelai dicitur, ac brevi post moriens in mandatis dabat iis, qui aderant, ne quidem fictam aut sculptam imaginem sui corporis facerent: Si quod, inquit, præclarum facinus gessi, hoc erit monumentum mei; sin minus, ne omnes quidem statua mei illustrabunt memoriam. Quippe arbitrabatur, has statuariorum, illud vero suum ipsius esse opus: Rursumque has divitum esse, istud vero bonorum. Ideoque ut Xenophon in suo de ipso sermone loquitur, animi elaborare monumenta nunquam desistebat. Faciunt hanc in rem & Crispi Salustii verba: Multi, scribentis, mortales dediti ventri atque somno, indocti; incultique vitam sicut peregrinantes transiere: Quibus profecto contra naturam corpus voluptati, anima oneri fuit. Eorum ego vitam mortemque juxta æstimo: quoniam de utraque siletur. Verum enim vero is demum mihi vivere atque frui anima videtur, qui aliquo negotio intentus, præclarifaciniore aut artis bonæ famam quarit. Sed in magna copia rerum aliud alii natura iter ostendit. De hujusmodi vita post fata quoque vivida & ingenii doctrinæque monumento Romanæ fideiæ lyræ gloriatur, sibi que gratulatur, quod exegerit id ipsum

-- -- are perennius,

Regalique situ Pyramidum altius;  
 Quod non imber edax, non Aquilo impotens  
 Possit diruere, aut innumerabilis  
 Annorum series, & fuga temporum.  
 Non omnis moriar; multaque pars mei  
 Vitabit Libitinam, usque ego postera  
 Crescam laude recens, dum Capitolium  
 Scandet cum tacita Virgine Pontifex.  
 Dicar, quæ violens obstrepit Ausidus,  
 Et quæ pauper aque Daunus, agrestium  
 Regnator populorum, ex humili potens,

*Princeps Æolium carmen ad Itales*

*Deduxisse modos.* — — — —

Simili modo omnino Vir quondam Amplissimus, Excellen-  
tissimus, Præclarissimus DN. DANIEL STAHLIUS,  
Hammelburgo-Francus, Philosophiæ Magister, & Logices  
Metaphysicesque hæc in Salana annos integros XXXI. Pro-  
fessor Publicus famigeratissimus, Collega noster, dum vive-  
ret, honorandus, qui hanc jam paginam nobis facit edecu-  
mata sua in Philosophicis humanioribusque disciplinis sci-  
entia, quam non sub modio aut terra in cavernis abscondit,  
sed cum aliis invidiæ nescius large communicavit, ingenii  
monumentum sibi, quamdiu hujus mundi stabit machina,  
perennaturum, fama sui omnem per Germaniam sparsa,  
erexit. Ejus cum exequiæ hodie ducendæ, quæ nostrarum  
sunt partium, prosequemur, de pie Defuncti cum primis  
vitæ curriculo, quantum quidem cognoscere licuit, adscri-  
buri. In lucem hanc mortalem, anno superioris seculi  
octogesimo nono, circa festum Michaëlis, Hamelburgi,  
rube Franconiæ ad Salam fluvium sita, prognatum accepi-  
tis, & parentibus piis. Pater fuit *Michaël Stahlus*, civis  
ibidem honoratus. Cum in ipsius tenera adhuc ætate Ab-  
bas Fuldensis, sub cujus ditione *Hamelburgum*, olim *Han-  
nalunburgum* dictum, situm, contra Lutheranos persecu-  
tionem institueret, parentesque solum mallent vertere,  
quàm Pontificiæ Idolomaniæ se addicere, itaque *Suinfur-  
tum* cum familia abirent, pietatis ibidem & humanioris li-  
teraturæ prima fundamenta collocavit: Post, cessante ali-  
quantisper Pontificiæ persecutionis furore, parentibusque  
*Hamelburgum* remigrantibus, per biennium ibi substitit, sed  
non sine studiorum suorum detrimento insigni; Exin *Co-  
burgum* anno ætatis XIV. abiit, ubi Præceptores nactus &  
eruditissimos & in juventute informanda sagacissimos ac fe-  
licissimos, brevi, ob ingenii felicitatem & diligentiam gna-  
vam, tantos fecit profectus, ut sui in admirationem omnes  
raperet, quin ea tempestate Scholæ istius Rector, Vir appri-  
mè doctus, ejus industriam præsertim in conficiendis quæ  
Græcis, quæ Latinis Carminibus, identidem commendaret,  
& publicè lectis non solum auditorium totum ad attentio-  
nem cohortaretur, sed etiam vix separem ipsi in hoc erudi-  
tionis genere esse, non obscurè præ se ferret. Porro anno  
ætatis XVIII. suasu propinquorum & eorum, quibus se po-  
liendum ac limandum tradiderat, Academiam *Argentora-  
tensem*

*sensem* adiit, ubi postquam annum quidem substiterat, ad  
*Gieffenam* se movit, ubi anno reparatae salutis 1608. die  
 22. Decemb. annum agens ætatis XX. supremis in Philoso-  
 phia honoribus, non sine laude sui, fuit maectatus. Ex eo  
 tempore quadriennium *Gieffæ* commoratus, & privata Col-  
 legia aperuit, & disputationes publicas instituit, studium ta-  
 men Poëticum neutiquam insuper habens, quippe ex quo  
 plurimum ipsi gloriæ accrescebat, adeo, ut & *Laurea*, hujus  
 studii præmium, offerretur, quam tamen suæ, ut quidem  
 autumabat, tenuitatis conscius, gratiis actis remisit. Medi-  
 cæ etiam studio una incubuit. *Gieffa* discedens hanc *Sala-*  
*nam* accessit, ubi in publice disputando, privatimque do-  
 cendo ac disputando occupatus fuit. Anno Christi 1620.  
*Francofurtum ad Viadrum* se contulit, exacto tamen anno  
 huc & ad exercitia sua pristina reversus. Tandem anno  
 1623. in numerum Professorum Publicorum, demandata  
 ipsi *Logica & Philosophia Prima seu Metaphysica Professione*,  
 adscitus fuit: Cui functioni abunde satisfecit, usque dum  
 ante annos ferè XII. oculorum in valetudine fuit correptus,  
 quæ publicum quidem docendi & disputandi munus inhi-  
 buit, non tamen privatum, quo istius interceptionem pro-  
 virili resarsit. Philosophica in Facultate plurima vice *De-*  
*canatus*, *Rektoratus* vero Academici unica (quod altera vel  
 tertia quoque offerri poterit, nisi oculorum in valetudo ob-  
 stitisset) nec sine laude functus fuit. Geminus in Matrimo-  
 nio vixit; Primam uxorem duxit Anno 1622. mense Julio,  
 tum Virginem honestissimam, *Magdalenam, Iohanni Fied-*  
*leri*, Civis & Pistoris hoc in Oppido relictam filiam, qua an-  
 no 1625. mense Martio defuncta, in quadriennium usque  
 Viduus. anno 1629. mense Julio alteram duxit, viduam jam  
 moestissimam, Virginem tum temporis pudicissimam, *Ma-*  
*riam Magdalenam*, Viri integerrimi, *VVenceslai Arti*, No-  
 tarii Publici Cæsarei, relictam filiam. Utrumque conju-  
 gium tranquillitatis plenum fuit, nec plane sine prole. Ex  
 priori quidem conjuge filium suscepit unicum, qui tamen  
 & matris obitum antevertit: posterior vero XI, ipsum libe-  
 rorum parentem fecit; potioris quidem sexus senorum, se-  
 quioris quinquorum, quos inter istius sexus duo, hujus vero  
 quatuor, reliquis, anticipato Parentis obitu, in fasciculum  
 viventium collectis, superstintant quamdiu visum Deo fue-  
 rit. Atque ex filiabus paucos ante menses natus maximam,  
 Viro eleganter docto, *Dn. Casparo Brenningio*, J. U. Stu-  
 dio,



dioso, elocata, in recenti omnium nostrorum est memoria. Morbum quod attinet, fere ante trimestre ardor & siccitatis præternaturalis in faucibus fuit animadversa, destillationes postmodum subsecutæ, ad quas tandem superiori mensis hujus currentis die XI. febris, eaque continua, cum tremore & convulsionibus, quæ sermonem quoque ad horas aliquot interclusit, accessit, & lecto ipsum afflixit. Quamvis vero medicamenta idonea non neglecta, & spes non mala affulserit, diebus tamen XV. & XVI. ita morbus accrevit, ut accedente catharrho suffocativo, die XVII. hora I. Pomerid. postquam Ecclesiæ Diaconus, quæ officium junior, pomeridianis horis ad ipsum inviserat, vitæ pausam, inter devotas adstantium preces à *Μακαρίτης* faceret, ex hac in cœlestem Academiam translatus. Vidua mœstissima hodie ad horam I. Mariti Defuncti corpus exanime ad suum dormitōrium efferendum Christiano ritu curabit. Quam Pompam exequialem Professoris bene meriti, Philosophi, cui hoc seculum vix parem novit, quin, nostri, qui estis, vestra sponte frequenti comitatu sitis decoraturi, ut nulli ambigimus, ita multo monitu & hortatu superfedemus. P. P. Domin. Trinit. quæ erat XXI. Maji, anno clc lcc LIV.

## EPIGRAMMA.

*In Nomen Acutissimi Philosophi,*

DANIELIS STAHLII,

*Stablius à chalybis nomen bene nomine ducit:*

*Hic acuit ferrum, Stablius ingenium.*

*Aliud ad Eundem.*

*Omni bus in rebus solummodo querere verum,*

*Hæc est doctrina summa caputque tue.*

GEORGIUS NICOLAI ERASMI.

## SCRIPTA.

Canones Metaphysici, *Marpurgi*. 1635. in 8.

Regulæ Philosophicæ, *Rintelii* 1635. 1641. *Marpurgi* 1635. *Lond.* 1658. in 8.

Emendatiores *Iena* 1653. 1657. 1662. in 8.

In compendium redactæ, per Christ. Henricum Lœberum, *Iena* 1669. in 8.

Jacobi Thomassii Dilucidationes in partem priorem Regularum Philosophicarum, *Lipsiæ* 1676. in 8.

In-

Institutiones Metaphysicæ. *Breda* 1650. *Sagani* 1652. in 8.  
*Tena* 1664. in 8.

Quæstiones Logicæ. *Iena* & *Francof.* 1652. 1662. in 9.

Compendium Metaphysicæ in XXIV. tabulas redactum.  
*Francof.* 1652. in fol. *Breda* 1650. Auctius *Iena* 1655.  
 in fol.

Institutiones Logicæ. *Hildesia* 1655. *Iena* 1663. in 8.

Philosophia Moralis. *Francof.* 1652. in 12.

Notæ & Animadversiones in D. Conradi Horneji Compen-  
 dium Dialecticæ. *Iena* 1656. 1660. in 8.

Inter Disputationes, quas creberrime habuit publice, sunt  
 sequentes: De Fortitudine: De Enunciatione con-  
 ditionali: De ratione Definiendi Relata: De Verbo  
 Infinito: De Enunciatione infinita infiniti prædicati  
 affirmante: De tertio modo *καθ' αὐτό*: De generum  
 & specierum Divisione, contra Laurent. Vallam &  
 Joh. Hospinianum.

ANTONII THYSII, JC.

Et Eloquentiæ Professoris Ordinarii,

ORATIO FUNEBRIS

IN OBITUM

*Nobilissimi, Celeberrimique Viri,*

DN. DANIELIS

HEINSII,

S. MARCI Equitis, Politices & Historiarum  
 Professoris, &c.

**N**obilissimi & celeberrimi Viri DANIELIS HEINSII,  
 diutino languore confecti, exuviâs terræ matri im-  
 menso luctu commissus hodie, Auditores: magnus vero  
 ille & excelsus animus, qui nuper admodum hic in terris  
 Principatum omnis humanioris eruditionis obtinuerat, ter-  
 restrium nunc securus cœlesti & divina luce fruitor. Cu-  
 jus viri laudes & ingentia merita me tacente totus admodum  
 lo-

loquitur, atque obstupescit Christianus orbis, nunc vero tanto extincto lumine horret, & fatalem eruditionis noctem meruit. Magna itaque me formido concussit, ne me dicente laudes ejus minuantur, qui omnibus superior pro dignitate neminem præconem admittit. Sufficiebat illi sua gloria, amplissimum illud virtutis & eruditionis præmium, quæ per totum se terrarum orbem effudit, quæ post funestam mortem immortalis in omnium animis vivit, vivetque, quamdiu verum pretium virtuti & eruditioni futurum est. Nemini loquendum erat, nedum mihi, quem ingeni imbecillitas, verborum inopia in tanta rerum ubertate excusabat. Placuit tamen Amplissimo Academico Senatui mihi hanc provinciam injungere, cui morem non gerere summa me incessit religio. Et quanquam insolita hæc rerum facies; indicium hoc funesto die omnibus Sapientiae Magistris altum & luctuosum silentium; atque adeo ipsa hæc cathedra atro velamine induta horrorem incutiat, mihi tamen publica autoritate hodie loquendum fuit, ne impietatis in defunctum & quidem in Præceptorem meum argui possim. Namque & illud gloriæ duco, me sub tanti Herois auspiciis in hoc Musarum augustissimo sacrario literis humanioribus imbutum fuisse: tum etiam verus & arcta jam ante sexaginta annos inter illum & parentem meum intercessit familiaritas & necessitudo. Rupto itaque silentio non opus erit anxie hic laudes conquirere, vel pupa ambitione vana rerum sectari; cum tota ejus vita veræ virtutis atque exactæ eruditionis nitidissimum fuerit speculum. Longam denique moram desiderium vestrum & prolixus in defunctum amor non admittit, atque adeo vester intuitus me admonere videtur, ut sine ambagibus initium dicendi faciam. Faciam itaque, quod pictores solent, qui totum terrarum orbem exiguis circumscribunt tabulis; ita vitam tanti Herois, immensas ejus laudes, quas & Reges Principesque terrarum venerati sunt, angustius hujus orationis concludam. Daniele itaque Heinsum A. cl. 15 LXXX. mense Maio Gandavum produxit, quæ Flandriæ urbium Princeps, Caroli V. mater ingeniorum semper fecunda nutrix fuit. Si genio loci quid tribuendum, patria illustris fuit: verum tamen an plus gloriæ a patria acceperit, an eidem reddiderit, jure dubium est. Parentes fuere Nicolaus Heinsius, Consulis Gerardimontani filius, & Elizabetha Navegeria, splendida utrinque stirpe & spectatissimæ inter suos dignationis. Etsi autem non tam

fa-

familia, quam animus nobilem faciat, ut plurimum tamen Majorum clara vita necessitatem generosam imitandi nepotibus imponere creditur. Noster autem utramque gloriam & Majorum & suam ita junxit, ut sine imaginibus posteris initium Nobilitatis & virtutis luculentum esse exemplum potuerit. Miserum est Majorum incumbere famæ, si tuam negligas. Melius est sua industria peperisse, quam socordia à Majoribus acceptam contaminasse: verum ubi utraque gloria surgit, eò splendidior in oculos mortalium incurrit. Quod defuncto nostro ita contigit, ut & Majores illi præluxerint, & ipse Majoribus. Familia certe paterna & materna utrinque amplissima. Illustres Navegeriæ stirpis etiam Flandrorum Annales meminerunt. Præter plures alios sanguine vel affinitate propinquos, avunculus summus rerum criminalium in Flandria Præfectus Auriaci partes secutus, etiam postmodum inter Foederatos Proceres summam dignitatem tenuit: cujus uxor, quæ Gandavi manserat, post occupatam ab hoste urbem, immati pecunia multata, cum uxore Præsidis Meetkerckij, rustica veste per militum præfidia, perque horrida castra ad maritum incolumis pervenit. Inter propinquos Martinus Hauvelius, Haveschoti & Lembecæ dominus, Nobilitatis Flandricæ eruditissimus, Principi Guilielmo vindici libertatis Belgicæ gratissimus, optimum Reip. officium præstitit. Pater ejus vir cordatissimus, rebus domi turbulentis, prudenter admodum à Rep. abstinuit, quanquam ante deditionem Gandavensem à Magistratu Brugensi honoratissimum illi Syndici munus offerretur. Contemnere potuit dignitates, qui & Fortunam poterat, homo tranquillus, taciturnus, & sui semper similis. Rebus itaque dubiis nunquam se immiscuit, crebro illud usurpans. Audi, tace, vide & abstine. Sapiens nimirum est discordias civiles tanquam ingruentem procellam declinare, præsertim cum incertæ sint ut plurimum Principum voluntates, & varium & mutabile vulgus tanquam tempestatibus agitatam levi momento huc atque illuc fluctuet. Quippe illa tum erant tempora, ut quod extremum in servitute esse solet, ne verba quidem libera essent, atque solâ indignatio pro crimine essent. Dum enim Libertati Belgarum conculeandæ per vim vel fraudes cuncta destinabantur consilia, nihil pensi habitum: Religionis velo dominationis arcana obducebantur: sanguinolenta inquisitione passim gladio, laqueo, aqua, & igne innocentissimi mortales necabantur.

tur, quibus nullum aliud crimen erat, quam quod Christum profiterentur. Tota admodum terra innocenti sanguine turgebat, laesa carnificum manus, vastae urbes fuga & caedibus, exulum proscriptorumque capita numerari nequibant. Denique cum religio veluti captiva deduceretur, & in exilium mitteretur, Nicolaus Heinſius religionis & pietatis amore, quam ex maximiviri Desiderii Erasmi lucubrationibus hauserat, cujus lectione praeter sacram scripturam unice oblectabatur, ruenti patriae se subduxit, atque in Bataviam, ubi communis libertatis & religionis asylum, sanguine civium, & consiliis Procerum fundatum erat, secessit. Defunctus itaque Noster inter maximos Reipubl. nostrae fluctus per multa dura & aspera jactatus, vix triennis patriae extorris, atque ob eam causam Fortunae privignum se appellare solitus erat. Primo Hagae Comitum initia literarum didicit, postmodum in Zelandiam cum parentibus delatus sub doctissimis Praeceptoribus, Joanne Kautenburgo Belosio, Nicolao Olivario, Petro Montano, quantum aetas ferebat, literarum & Philosophiae primordiis imbutus est. A Grammaticis Canonibus, qua cruce optima saepe puerorum obtundi solent ingenia, mirum in modum abhorruit: ad versus componendos adeo proclivis, ut sponte illi nascerentur, & si quid puerilis error admisset, versibus plerumque jussus expiaret. In prima nimirum aetate florentissimi ingenii ignes imitabant, certo admodum indicio, quantus in hoc genere futurus esset. Illud excellentibus ingeniis a Natura tributum est, ut aetatem suam antevortant, & cum ipsa semente jam fructus ferant. Anno utique decimo in obitum nobilissimae puellae, cum qua familiariter pueritiam transegerat, Elisabethae Boreckiae, ex sorore neptis Illustr. Anglorum Legati Caroni, & cognatae suae venusta admodum elegia parentavit. Extant & ingeniosa illius aetatis Epigrammata, quae maxima facilitate effudit. Anno admodum decimo aetatis & quarto a Parente severioribus destinatus studiis Franequeram Frisiorum missus, ubi in Jurisprudentia Henricum Scotanum docentem audivit. verum eo tempore ingenti graecarum literarum aestu flagrare coepit, quas tanto studio arripuit, ut intra paucos menses etiam alios doceret. Noverat enim literatae gloriae cupidissimus adolescens literas graecas fontem esse omnis eruditionis, quarum peritia ad omnia severiora se extendit studia. Cum impatiens morae generosus ejus spiritus esset, prime elegan-

elegantissimum Musæide amoribus Leandri & Heronis Poë-  
matum studiose lectitavit, propriaque manu descripsit, at-  
que avide menti infixit, hinc, ubi Lugdunum artem omnis  
eruditionis migravit, auctore Illustri viro Josepho Scalige-  
ro, scientiarum omnium linguarumque veluti Dictatore  
quodam, noctes atque dies involvendis antiquis Græcis au-  
toribus extinguere desiderium suum immensus ejus ardor  
nequibat. Atque adeo, uti maximus ingeniorum æstima-  
tor Scaliger adolescentis animum quotidie gloriæ facibus  
incitabat, ita noster vigilis quoque continuis laborum im-  
modicus seipsum fatigabat, quo studia sua tanto viro proba-  
ret. Ipse admodum memoriæ reliquit, sæpe incredibili se  
gaudio perfulum, sæpe lachrymantem domum concessisse;  
prout placuerat displicueratque magno Scaligero. Tanta  
honestæ gloriæ cupido pectus ejus agitabat, quæ nunquam  
illum quietum esse permittebat, donec æternitatis candida-  
tus immortale quoque sibi nomen compararet. In pan-  
gendis græcis latinisque versibus quotidie secum certabat;  
quotidie seipsum superabat, donec ipse postmodum superio-  
rem non habuit. Negligentiæ aliquando à divino sene no-  
tatus, quod, uti convenerat, Latina in sermonem Doricum  
non vertisset, per longum tempus concoquere tale dedecus  
nequibat, atque inedia aliquot dierum seipsum vindicabat.  
Interea per omnes antiquos scriptores liberale se circume-  
git ingenium. Servile putabat in uno carcere claudi, gene-  
rosum per cunctas disciplinas se diffundere. Præter Poëtas  
Græcos Latinosque quibus maxime delectabatur, Histori-  
cos omnes, Philosophos Platonem, Aristotelemque, cæte-  
rosque interpretes Græcos simul cum facundia hausit;  
Queis studiis ita placuit magno illi Scaligero, ut morti pro-  
pinquus in hæc verba eruperit, se neminem æque amasse;  
ac Daniele Heinsum. Quin etiam idem Heinsum filium  
suum appellare solitus fuit, ille autem tanquam patrem  
suum semper veneratus est. Et revera fuit Defunctus no-  
ster vera & unica soboles Scaligeri, non quidem natura, sed  
eruditione, ingenio, quod digna tanto patre proles igneum  
heroicumque habebat. Cum successorem principatus li-  
terarum quæreret Scaliger, non potuit alium eligere, alium  
sibi adoptare, quam Heinsum nostrum, quia nemo Hein-  
sio similis; nemo Scaligerum virtute & eruditione magis ex-  
primeret. Integram illi Bibliothecam suprema voluntate  
addicere, illustris ille Heros in animum induxerat suum;

sed ipse reluctatus hoc tandem admisit, ut paucos libros seligeret; Bibliothecam vero ingenii & eruditionis alteri relinquere non potuit, quia nemo alius accipere poterat. Neque major hæreditas Heinſio contingere potuit, quia nemo actionem de inofficioſo teſtamento inſtituere quibat, quia nemo propior hæres fuit, cum ſuus & ſolus, & proximus eſſet hæres, in quo magnus ille ſpiritus Scaligeri iterum eluxit, & liceat mihi cum Pythagora loqui, vitam recepit. Neque vero erectum illud ac admirabile ingenium cæteros dilatare potuit. Literarum ille magnus vindex Caſaubonus illum adhuc adoleſcentem quam effuſiſſimis laudibus in libris Epistoſtarum extollit. Amor erat & deliciæ nobiliſſimi Douſæ, qui cum Lugdunum veniret, ut plurimum adoleſcentem viſitabat, ſæpe etiam Nordovicum abducebat, ut illic literis humanioribus ſimul diem frangerent otiumque honeſtum ponerent. Fama quotidie creſcente, adoleſcens admodum, anno nimirum decimo & octavo publice primum Latinos, deinde Græcos autores interpre-tatus eſt, ultimo Politices & Hiſtoriarum Profeſſionem ſuſcepit. Quæis & Secretarii Acad. & Bibliothecarii nobilissimum munus acceſſit. In docendo ſummum ingenium, faciendiam incredibilem, igneumque indicendo ardorem & in Politicis prudentiam omnes admirati ſunt. Quinimo & magnam partem celebritatis Academia noſtra illi debuit, cujus cauſa frequentes huc venerunt Galli, Germani, Angli, aliæque nationes, qui illum tanquam commune conſultabant oraculum: obſidebantur quotidie limina & fores, implebantur atria literatorum hominum turba, atque adeo viſiſſe talem virum, gloriæ ducebatur. Neque ad eum plebejæ tantum animæ ventitabant, quæ ex inſuetudine cuncta admirantur, ſed viri Illuſtriſſimi Regum Principumque Legati, aliisque maximis dignitatibus præditi: cum quibus de Republica, de graviſſimis negotiis familiares ſermones ſerebat. Et tamen fama, quæ cuncta in majus auget ſolet, minor illius meritis eſſe comperiebatur: namque immenſa per omne genus literarum eruditio, inuſitatum ingenium, cordata & generoſa facundia, omnes in ſtuporem rapiebat. Itaque & peregrini homines, dignitate & eruditione nobiles quotidie illum officiſis literis obruebant, vel dubia illi ſua proponebant. Namque divinis ſcriptis, quæ poſtmodum ſeorſim enumerabimus, tantam celebritatem nominis acquiſivit, ut nulli hoc ſæculo ſuperiorem habuerint. Al

delicias Musarum, alii omnis literaturæ Principem, alii cōluminam Græcæ Latinæque linguæ, unicuique Statorem appellabant. Et nihil tam magnum dixere, quod laudibus ejus non multo inferius esset. Virtutum omnium scopulus est arrogantia, qua plerique mortalium secunda Fortuna abripiuntur, Noster autem prosperam famam ea profectus est animi moderatione, ut infra ipsam modestiam se submitteret, ipsaque dissimulatione tantæ famam augeter. Quam ingens illud modestiæ exemplum, cum nihil fere ignoraret, passim suo symbolo positi, **QUANTUM EST QUOD NESCIamus!** In eo propemodum sapientissimum Socratem imitatus est, qui dicebat, se nihil scire, præter hoc quod nihil sciret, reliquos vero ne hoc quidem scire. Sol quo altior, eo minores umbras facit: Phœbus noster; verus ille Musarum hoc sæculo antistes, in excelso positus nullam quoque superbiæ umbram faciebat, omnibusque tamen conspicuus latitare nequibat. Ipsi Reges, Principesque terrarum, quibus rara & exquisita tantum placent; tantum illi honorem tribuerunt; quantum Fortunæ suæ celsitudo permittebat, plurimisque illum muneribus illustribusque dignitatibus auxerunt. Inviçtissimus Gustavus Adolphus Rex Sueciæ, fulmen illud Septentrionis, quo nemo in scrutandis ingenis nostro tempore sagacior fuit; ultro illum nihil tale affectantem in illustrem consiliariorum numerum adseivit, Regioque stipendio ornavit, atque à nemine suam Historiam quam à tanto viro describi voluit. Illum solum tantæ Provinciæ parem esse judicabat, & verba factis æquaturum; quod uti difficillimum erat, ita vel omnibus tacendum; vel illi soli loquendum. Quod & divino in laudes Gustavi Panegyrico abunde defunctus ostendit. Quid ego hic ingeniorum Principem Italiam commemorem, quæ virtutes & merita ex vero æstimare solet? Præ cæteris hic elucet Illustrissimi Dominici Molini, Senatoris Veneti, tenerrimus affectus; qui tanti illius virtutes ingenique dotes fecit, ut, quod proprium est Italorum, eum quem admirabatur, colebatque, omnibus officiis humanitatis obrueret. Neque vero hic Patrem Paulum Servitam præterire licet, qui religioni nostræ propior illum similiter effuse coluit, literisque officiose admodum salutavit, queis, incredibile dictu, etiam de hoc Synodo Dordracena, in qua Noster Proceribus à literis fuerat; judicium continetur, illam Apostolorum doctrinæ congruam esse; Batavos felices, quibus divinæ gratiæ detecta



essent cœlitus mysteria; Sapienribus mundi, rationique humanæ ea adversa esse, quæ sui intellectus lumine percipere nequeant. Sicuti ad lucem noctuas, ita illos ad divinam lucem cæcutire. Et profectò profanum est, velle Dei voluntatem nostræ subicere, quia eam non capimus. Pleraque mysteria à nobis non intelligi voluit supremus Dictator. Nescire autem velle, quæ nesciri voluit, ut ait ille, erudita inscitia est. Sine murmure Deum sequi oportet, à quo suspena sunt omnia, à quo omnes causæ causarum. Hic est ille Paulus Servita, qui sub nomine Petri Suavis Concilii Tridentini historiam edidit, qui pro libertate Veneta contra Pontificem scripsit, qui omnis eruditionis vasta quædam fuit Bibliotheca: qui ut parcus fuit in laudando, ita ab illo laudari, idem est, atque omnes laudes excedere. Sed hæc exigua præ illis honoribus, quos Serenissimus Reipublicæ Venetorum Dux Antonius Priulus, Augustissimusque Senatus præter omnem expectationem in illum congestit. Illustri enim Divi Marci Equestis dignitas, quæ virtutis summum apud Venetos præmium atque fastigium esse solet, sine ullo ambitu ultrò, & nihil tale cogitanti oblata est, cum arctissimo foedere inter invictam Rempubl. & Foederatum Belgii populum contracto, disertissima oratione utrique genti gratulatus esset. A Marco Antonio Moresino oratore Veneto, simul cum Nobiliss. Amplissimoque Viro Marco à Lyelema, qui eo tempore, quo subsignatum fuit foedus, in Collegio Illustr. ac Præpotentium Federatorum Procerum ex more præsidebat, torque aurea, diplomate, cæterisque illius ordinis insignibus donatus est. Quæ suprema dignitas uti ipsis aliquando concessa fuit Principibus, ita neque infra animi magnitudinem esse censuit, accipere, præsertim cum non ambitu sed sola virtute, cujus solius ratio haberi debet, supremum honorem consecutus esset. Neque vero maximâ hæc dignitas tanti æstimanda est, quam quod splendida ejus virtus, quæ suprema omnium dignitatum est, hoc mereretur. Quam multos ambitionis æstus, & cupido gloriæ omnibus affectibus potentior transversos egit, qui per inhonestam licitationem præmium virtutis quærent, quibus ignavissimis mortalibus, vitiisque omnibus coopertis, ipsa admodum dignitas ignominie & dedecori fuit? Plures quærent honores, ut existimationem sui perdant, noster non quæsivit, oblatosque meritis superavit, quos non humiliter ambivit, ut superbe gereret. Tanta porro

porro Defuncti nostri virtus fuit & doctrina, ut ingenii incredibilis ille ardor velut flamma cunctorum Principum animos abriperet. Tam singulare ornamentum literarum in videbat Bataviæ nostræ orbis terrarum: suum esse voluit Germania, Gallia suum adnitente Bullionco, ut ipsi à consiliis esset, denique ipsa admodum Italia. Quid dico, Italia? vereor dicere, dicendum tamen: ipse Pontifex Urbanus Octavus, & Cardinalis Barberinus honores ingentes, amplissimum honorarium promiserunt, si præsens in Urbe esse cuperet, quo Romam à Barbarie vindicaret. Ita enim recte judicabant, in Herois nostri solo capite, virtutis ac literatæ eruditionis incolumitatem tempestate nostra verti. Aliquotiens illum sollicitavit Nuncius Pontificis, sed invictus ejus animus stetit, non ut religionem mutaret, nam ne hoc quidem Pontifex postulaverat, sed uti in ea Urbe videret, quæ omnis superstitionis mater esset. Ingenii itaque & literarum felicitate omnem Fortunæ magnitudinem superavit, & qui dignitates accipere noverat, etiam noverat recusare. Neque vero Patriæ Patres ingentia ejus in hanc Academiam latuerunt merita. Cum enim undique ad summam dignitatem à Principibus aliis vocaretur, atque adeo Curatores Consulesque hujus urbis metuerent, ne tam illustri ingenio Academia privaretur, eorundem nomine F. Arfenius Sommelsdicæ dominus, & Jacobus Brouchovius Consul Leidensis tanti viri merita Proceribus Hollandiæ proposuerunt. Quibus cum semper cordi fuerit maxima ingenia liberalitate sua accendere, decretum fuit, ut Historici Hollandiæ munus magnifico stipendio illi offerretur. Et majora tamen ejusdem merita esse, utpote in quo splendor & decus unicum hujus Academiæ consisteret, ipsi admodum Proceres judicant, sicuti ex instrumentis publicis vidimus, legimusque. Excusant pro ratione temporum tenuitatem stipendii, cum tamen longe splendidissimum esset, quod nihil ejus meritis comparari posse non ignorent. Ita, Auditores, undique ad cumulandos ejus honores concursum fuit. Unde & in invidiam & livorem nonnullorum incurrit, sicuti illa virtutis perpetuo comes esse solet: sed ille superior illa, virtute sola se sustentabat, livorem autem atque æmulationem passum & obsonium magnarum animarum esse judicabat. Utique qui ferre invidiam non potest, ferre postmodum contemptum cogitur. Neque vero mirum erat, tantum favorem omnium, tantam

nominis celebritatem, & quidem subito fulminis instar illud comparasse, cum divinis scriptis totum repente terrarum orbem impleverit. Quam enim partem literarum intactam reliquit fecundissimum ejus ingenium? In Poësi latina neminem superiorem, in Græca nostro ævo ne quidem parem, si Scaligerum excipias, habuit. Quid Pælo divinius, quo Philosophorum vitæ, placita, dialecti græcis versibus ita depinguntur, ut laudem etiam nonnullis antiquorum ancipitem reliquerit? Quid reliquis versibus, Pandora in primis, elegantius? Audeo dicere, ab antiquis temporibus in tanta ingeniorum ubertate neminem fere esse reperi- tum, qui venustatem Græci carminis, qualis inter antiquos fuit, feliciter expresserit. Quid latinis in elegiacis numerosius, in quibus vel ingeniosissimum Poëtarum Ovidium exprimit, qui ubi torrentis in modum ingenii frenos laxat, æqualem quandam carminum legem versibus construxit: vel Græcorum venustatem secutus, fractis quibusdam numeris ita animos legentium detinet, ut venustissimo illo modo loquendi satiari nemo possit. Quid lyricis elegantius, heroicis sublimius? In tragicis vero omnium mentes ita perturbat, ut suo unusquisque interesse videatur infortunio. Memini me, cum Herodem infanticidam legerem, aliquando in effusissimas lachrymas erupisse, atque diu dolori meo non potuisse temperare. Balsacum tamen in minutiis quibusdam, si Diis placet, reprehensorem invenit, cui admodum erudite Noster respondit, Nam Guilielmum Auriacum, quam tragædiam in prima adolescentia condidit, ne quidem in partes affero, quam luxuriantis ut credo, ingenii foetum, ideo suppressit, & ne quidem inter sua numeravit. Illam tamen tanta cum admiratione se legisse Casaubonus commemorat, ut judicio ejus omnes longe à tergo reliquerit, qui à multis sæculis in hanc arenam descenderunt. Idem ille magnus autor omnia in dramate illo ad stuporem proposita, argumentum magno judicio electum, inventionem ubique ingeniosissimam, affectus incredibiles, denique purissimam latinam extollit: quotiescunque vero ejusdem versus græcos legeret, Homerum non Heinsum, cum latinos, Ovidium aut Propertium se legere existimabat. Atque adeo cum multi nostro sæculo Psalmos græce exprimere infelicitè vel ridicule tentaverint, idem obtestatus est, & obnixè rogavit, ut accingeret se Noster tanto operi, cui unus hodie par esse posset: cum plurimis sæculis vix ullus repertus sit,

qui

qui græci Poëtæ titulum, ne Apollinare quidem excepto, mereretur. Non hoc amoris sed exacto judicio tanti viri tribuendum. Ecquis enim sublimem vere & regiam Psalmorum majestatem, præ qua Homerus & Pindarus sordescunt, græco fonte imbueret, nisi ille, qui genium antiquitatis cum ingenio junxerat, & in græcis carminibus pangendis superiorem à multis sæculis non habuit, imo novitios Græcos venustate superavit? Neque enim Lascaris Poëmatia famam tantæ viri sustinere posse videntur, & præter pauca admodum voluntatem sine successu ostendunt: neque Musurus auribus satisfacit, nisi unico illo carmine, quod Divini Platonis operibus præfixum legitur. O magnum igitur & vastum Heinsii ingenium, qui tanquam Proteus in omnes formas mutare se potuit! In græcis omnes dialectos expressit, in lyricis alter Pindarus vel Horatius, vel Catullus, in heroicis Virgilius, in elegiacis Ovidius vel Propertius, in tragicis Seneca. Idem Belgicis quoque versibus inter primos nostratibus Parnassum hic aperuit, Castaliasque undas cum Rheno miscuit: in quibus omni laude major est divinus ille hymnus in filium Dei, quem ingeniose postmodum Germanicis versibus Opitius expressit; quo tota Ecclesiæ doctrina continetur, cum annotationibus perpetuis, quæ ex antiquorum Patrum monumentis depromptæ sunt. Poëtas cœlesti quodam instinctu divinoque spiritu afflari, & natura ipsa mentisque potissimum viribus excitari, Sapientum judicium est. Luxuriat tamen sæpe natura, quæ arte politur. Sicuti plures arbores citra curam infirionis insipidos ut plurimum fructus gignunt, atque fecunda mater tellus, si sibi relinquatur, ex ubere cœlicis alioquin glebæ zizania producit, ita mentis optimæ seminaria, quæ sevit agros ingenii beata rerum natura, sæpe nimis quam luxuriant, insipidos vel nullos sine cultura fructus ferunt. Quid enim est hodie quorundam Poësis, quam sine delectu rueritum verborum strepitus? Defuncto nostro cœlestis quidam impetus ad Poëtica studia fuit, ita tamen ut artem imple-ret simul & tegeret. Putanda est artis affectatio, sed sequi illam & dissimulare, excellentis artificii esse censeo. Primus fuit Aristoteles, qui ex multorum Poëtarum virtutibus artem perfecit. Ex cujus mente tragœdiæ veram ideam ita aperuit defunctus noster, ut simul absolverit, etiam antiquorum censor eruditissimus. Quis enim melius de Poësi judicare potuit, quam qui artem cum sublimi ingenio

plusquam civilia gliscebant : deinde acerbis scriptis se invicem violare, calamum pro gladio stringere ; venenatæ maledicentiæ frenos laxare, morbus imo furor hujus sæculi fuit. Noster autem ut judicii erat acerrimi, cordate, & sobrie & modeste illustrandis antiquis autoribus illustrem suam operam intendit, neque quod in labyrintho properantibus evenire solet ; inconsulta se implicavit velocitate, sed maturo judicio obscura adyta emensus est. Nam ut Silium Italicum, vernantis adolescentiæ primitias præteream, ingenii, judicii & admirandæ eruditionis copiam in Theocritum, Hesiodum, Senecam doctissimæ produnt lucubrationes. Quam multa autem in omne genus autorum sibi annotavit, quæ nondum edita si in ambitiosas quorundam manus incidissent, ad solam nominis æternitatem sufficere possent ? In principem omnium Poëtarum & veteris Philosophiæ parentem Homerum ita ingenium & judicium exercuit, ut ex oriente illi potissimum lucem dederit, quod Eustathium Didymumque doctissimos se fellerat grammaticos. Neminem excelsi ingenii virum humilia delectant : maximus erat Homerus, neque alium quam nostrum admittebat judicem. Hesychius grammaticorum doctissimus, qui eruditorum hætenus torisit ingenia, nunc demum intelligi posset, si cum defuncti annotationibus immensæ industriæ, judicii, atque eruditionis, lucem aliquando conspiciat. Cum multa peregrina in hoc autore occurrant, nihil illi potuit esse peregrinum, cui tota familiaris erat antiquitas, qui orientem cum occidente junxerat, qui sine ambitione Imperator utroque sole eruditionem terminaverat, ingenii que supremos fascies per omnes populos diffuderat, & qui omnia aliis in via expedire judicio exacto, stupendo ingenio, & memoria, unicus hujus sæculi Phoenix poterat. Neque vero his limitibus se clausit vivax illud & omnium capax ingenium. Cum enim antiquæ Philosophiæ adyta penetrasset, etiam editis libris æternam memoriam posteris reliquit. Namque in juventute divinum Platonem, atque Aristotelem, græcosque omnes interpretes cum serio lectitasset, etiam de iis judicare recte potuit. Barbaræ & Scholasticæ Philosophiæ, illorumque interpretum, qui Aristoteli summo Philosopho tenebras offuderunt, insensibilis hostis, illorum loco Alexandri perspicuitatem, diligentiam Ammonii, Themistii facilitatem, Simplicii diffusam eruditionem sectabatur. His adjutus præfidiis Maximum quidem Tyrium Platoni-

cum philosophum, qui Marci Antonini sapientissimi Imperatoris tempore vixit, quo nemo genium Platonis melius expressit, qui dicendi venustate, sapientia, facundia, nulli nisi magistro suo cedit, interpolatum restituit, versione exacta, notis eruditissimis auxit. Alcinoi quoque in Platonis Philosophiam introductionem cum græcis codicibus contulit, versionem notasque addidit, quibus elegantissimam de Pulchro Socratico dissertationem adjunxit. Quæ verpulchritudo captum iudiciumque multorum excedit. Divinus quidem Plato, cujus concitata & sublimis ingenii virattico lepore aspersa dictio, neminem non trahit, quam qui illum non intelligit: sed maximus quoque Aristoteles, naturæ illud ingens miraculum, de quo cum Quintiliano dubitare licet, an eum scriptorum copia, an eloquentiæ nervosæ suavitas, an inventionum acumen, an varietas operum clariorem fecerit, qui disciplinas omnes primus in ordinem redegit, & cujus errores si qui sint, pluris sunt, quam illorum inscitia, qui in omnibus illum contemnunt, & faciunt, ut intelligendo nihil intelligant. Credidit autem defunctus noster concisæ Aristotelis dictioni, suspensæ & ambiguae nonnunquam brevitati, nihil accommodatius esse, quam paraphrasin. Quod jam olim in octo de Physica auscultatione libros, tres de Anima, & alios nonnullos Themistius admirabili quadam ratione perfecit; Paraphrastes autem antiquissimus, qui Andronicus Rhodius esse creditur, in decem libros de Moribus, quos Nicomacheos vocant, omnem laudem superavit. Quem autorem primus in lucem noster Heros protraxit, in linguam latinam convertit, eadem, qua Andronicus, perspicuitate & felicitate. Politica quoque Aristotelis perpetua paraphrasi interpretatus est, quod opus Italos in stuporem abripuit, cum omnium commentatorum labores superet. Hi sunt illi libri de Republica, quibus procul dubio Alexandrum futurum Imper. universi instruxit summus Philosophus, quos cum plurimi laboriosis commentariis oneraverint, Noster omnis salebris Aristotelis genium ita continuo orationis filo expressit, ut omnibus illum jam intelligere proclive sit. Neque vero Stoicos sapientiæ humanæ summos magistros neglexit, qui natura duce præcipue in moralibus eo ascenderunt, ut, cum gentiles essent, naturam ipsam, atque rationem humanam superasse videantur. Præter Senecam defunctus noster aureo libello Epicteti maxime delectabatur

tur, qui sapientia Fortunam suam superavit, atque in ipsa servitute sui ipsius dominus fuit augustissimus, atque triumphator vitiorum illustris, & posteritati splendidissimum speculum humanæ vitæ reliquit, in quo virtutes ac vitia sua nullo negotio contemplari quis potest. In eum Simplicii commentarium eruditissimum cum Nansiado manuscripto collatum (quod non video cur non nemo vitio vertat) plurimisque in locis emendatum, quin etiam auctum, literato orbi dedit. Parœmias quoque veterum græcorum, quæ popularis sapientiæ & quidem antiquissimæ illustre exemplar exhibetur, quas Michaël Apostolius inter novitios græcos, qui post eversum Græcorum imperium in Italia Græciam erexerunt, non infimi nominis, collegerat, erudite recensuit, emendavit. In Diogenem Laërtium de Vitis Philosophorum, plurima annotavit, & luculentum edere commentarium in animum induxerat suum, sed fati inexplicabilis lex & necessitas impedivit. Neque verò Medicos & Jurisconsultos intactos reliquit, cum in Theophrasti editione nobilem operam posuerit, in Jurisprudencia dissertationem ediderit in qua J. C. ac Aristotelis de naturali servitute sententia conciliatur. Denique, uti ab ipsa adolescentia sacris semper addictus fuit studiis, ita postmodum continuus fuit in legendis antiquis Patribus, & simul autore Thoma Erpenio in hebraicis syriacisque ingenium vastum exercuit. Quantus in his linguis evaserit, Constantinus I. Empereur & Ludovicus de Dieu, quibus nemo hoc sæculo illarum linguarum peritior fuit, publice testati sunt. In Patribus græcis, latinisque ita exercitatus fuit, ut paucos sibi similes habuerit. Memini reverendum Parentem meum, qui totam in Ecclesiasticis scriptoribus ætatem consumserat, mihi dixisse, se vastam memoriam, diffusam lectionem, subactumque ejus judicium admiratum fuisse. Itaque sæpe usque ad extremam vesperam summa cum voluptate sermonem de antiquitate Ecclesiastica conseruerunt. Præterquam autem quod Clementem Alexandrinum, quem tantopere Eusebius, & Hieronymus commendant, summo studio recensuit, & plurimam passim in Patres annotaverat, quæ diffusissimæ eruditionis Aristarchum, & inexhausti illud laboris opus, Exercitationes sacras pro dignitate satis laudavit. Quo quidem splendidissimo ingenii sui partu, quem Germani, Angli, Galli, Italique, ut thesaurum æstimarunt maximum, seipsum superavit, qui aliis jam pridem monumentis su-

superaverat alios. Non ego celeberrimorum virorum, quorum ingens copia est, encomia hic in medium adducam, solum illud nobis sufficit incomparabilis Viti Francisci Gomari luculentum testimonium, qui sincere & pro more suo asserit, eo libentius, Deo evocante, mortem se obiturum, quod opus tanto animi studio à se ac bonis & literatis omnibus expectatum emerferit, & æternitati tuto consecratum sit, atque in eo exultat, D. Heinsium, quem tanquam literarum columnen semper merito suspexerat, novum Testamentum illustrissima opera ornare voluisse. Cum summa jam omnia scripisset, atque majora nemo posset, ut rebus florentibus solet, invidiam, quanquam & alias expertus, nunquam tamen magis adversam habuit. Quæ uti eminenti virtuti, vel eruditioni adhærere solet, ita solo contemptu se vindicavit. Sicut rupes insanis allisa fluctibus immota tamen manet, ita sapientis animus supra omnem contumeliam est. Atque adeo, qui gloriæ illius inviderunt, eo confessi sunt se minores esse. Præcipue infirmæ victique animi signum est, in convitia erumpere. Virtus læcessita multum sibi quasi adjicit etiam tacendo. Nulla enim vindicta major esse adversario potest, quam ne dignum quidem censere, cui respondeas. De voce & appellatione linguæ Hellenisticæ, (linguam enim appellari debere ipse Clemens Alexandrinus testatur) acres contentiones in nervum eruperant, res in confesso erat. Insolitum modum loquendi, phrasés orientis in novo Fœdere inveniri nemo inficias iverit, nisi qui in linguis orientalibus peregrinus est, in primis vero qui Rabbiorum veterum monumenta non scrutatus de causa judicare nequit. Hellenistas, quorum in Actis Apostolorum mentio fit, Chrysostomus, Theophylactus, Oecumenius Judæos natione, qui nimirum mores & linguam græcam imitabantur, fuisse testantur. Qui præcipue in sacris genium & majestatem hebraicæ linguæ sectabantur, sicuti hodieque Judæi variis gentibus immixti in vertendis sacris faciliare solent. Præter magnum Scaligerum, Drusium, Constantinus l'Emperèur, Ludovicus de Dieu, & Buxtorfius ita judicarunt, censuerunt, qui principes eruditionis orientalis, Judæorum secreta adyta perruperunt. Quorum ego singularem peritiam, exactum judicium, & industriam sequi malo, quam paucorum invisam malevolentiam. Quorundam, qui studia humanitatis colunt, ea est hodie morum intemperies, ut omnia officia humanitatis exuisse videantur, tumidi,



tumidi, præferoces per ruinam alterius sibi nomen quærant; denique ita affectibus indulgeant suis, ut huc atque illuc fluctuantes, modo hujus vel illius sententiæ patroni, modo desertores fiant. Vera autem sapientia est, ut inquit ille; idem semper velle atque nolle. Calumniis itaque Noster & invidia superior, in eo quoque Scaligeri hæres, famam tamen cum orbe Christiano terminavit, & tacendo victor fuit; nisi quod Croyo, ingenti antea laudum ejus præconi, qui illius postmodum nomen laceraverat, succincte respondit, Videtis, videris, Auditores, nos, copia immensarum laudum obrui, & quo plura diximus, eò adhuc plura dicenda restare. Neque mirum est, cum ipse laudum sibi nullum terminum posuerit, me neque dicendi finem invenite posse. Hæsitat jam lingua, titubat oratio, multus ore toto rubor, exæstuante ab imis præcordiis sanguine; vitam tamen ejus privatam, & divini senis excessum vestrum expectat desiderium. Eadem autem fortuna privata fuit, quæ publica, id est, splendida, gloriosa. Anno trigesimo ætatis circiter & quinto Ermigardim Rutgersiæ, Nobilissimi celeberrimiq; viri Jani Rutgersii, legationibus ad omnes fere Europæ Principes illustres, Gustavi denique Suecorum Regis ad Fœderatos Proceres Oratoris, sororem unicam matrimonio sibi junxit, quo conjugio nobilissimis familiis Reipubl. Dordracenæ innexus est: ejus obitum impatientissime tulit, & admirando carmine, cui simile in tali genere ne quidem inventiri potest, parentavit. Ex qua duplicem prolem suscepit, virum nobilissimum, Nicolaum Heinsium, ingenio & eruditione pollentem, Fœderatorum Procerum in Regno Sueciæ Oratorem, & Elizabetham filiam, delicias (heu!) quondam patris sui, quæ nupsit Amplissimæ dignitatis Viro, Guilielmo Goësio; Curia Hollandiæ, Zelandiæ, West-Frisiæque Senatori, de cujus eximia virtute & eruditione plura dicere modestia ejus, & præsentia non patitur. Quod ad mores defuncti attinet, nihil ex umbra præ se ferebat, ad civilem vitam natus, officiosus, inter amicos usque ad sales jucundus, ita tamen ut vultus gravitatem retineret. Magnitudo animi in oculis, in loquendo elucebat. Simulationes & fluctuationes male compositæ mentis averfabatur, ipse candidus & nullius fuci. Itaque aliquotiens conquestus est, se à nonnullis sub specie amicitia circumveniri. Gloriæ cupidior fuit, sed quæ vera virtute nititur: quam ego solam honestissimam ambitionem esse arbitror. Injurias  
primò

primo impetu gravissime ferebat, sed ita tamen ut placabilis esset. Religioni & melioribus in Patria partibus semper favit: itaque in Synodo Dordracena Politici hunc potissimum sibi à liberis esse voluerunt. Impios, vel qui parum honeste de religione loquerentur, ne quidem aspectu dignabatur: animus enim illi emendatus & purus fuit, quique semper Deum immortalem in pectore suo fovebat, venerabatur. Videbat hoc perditio saculo ita impietatem in nervum erupisse, ut plures vel non reverenter de Rectore & Vettore universi loquerentur, vel religioni velificarentur, vultum religiosum promerent, profanum pectus occultarent. Titubante autem religione, nutare, vacillare omnia jure censebat. Quippe sine vera religione, horrendum dictu, Deus ipse veluti Republ. ejicitur; sine quo omne regimen collabascit, probitas ceteraque bonæ artes subvertuntur, & pro his flagitia novis admodum flagitiis reguntur. Plurimos amicos, paucos familiares habuit. Præterquam quod Reges Principesque terrarum amicos & fautores habuit, Illustrissimis viris, Buzenvallio Gallia, Noello Carono Angliæ, Jacobo Dycquio, Axelio Oxensterno Sueciæ, Alberto Joachimi Fœderatorum Procerum Legatis supra modum carus acceptusque fuit. De Dominico Molino, Josepho Scaligero, Isaaco Casaubono jam ante diximus. Jāno Douzæ Nordovici Domino, & Cornelio vander Mylen, qui illum ita deperibat, ut fratrem suum appellare solitus fuerit, inimica erat admissiois, Cum Hugone Grotio usque ad fatalia dissidiorum in religione tempora, Dominico Baudio, Petro Scriverio, Constantino Hugenio Zulichemi Domino, Thomæ Erpenio, Joanne Seldeno, Eryco Puteano, pluribusque aliis, quorum nomina jam diu æternitati consecrata sunt, dulcissima illi intercessit consuetudo. Cum Petro quidem Scriverio Polyhistorē celeberrimo, (cujus vastam in omni genere literarum eruditionem, ingenium amœnissimum, Martialis sui æmulum; acerrimumque judicium nemo non eruditorum veneratur, suspicitque;) ultra quinquaginta annos familiaritatem coluit, quem etiam in summa senectute lumine oculorum privatum, mentis tamen lumine illustrem cum Poëtarum Principe Homero elegantissimo comparavit carminæ, eundemq; singulari affectu vernacula consolatus fuit allocutione, quamquam ille animi quadam magnitudine supra omnem calamitatem posuit, ita ratione prava Fortunæ corrigere possit, ut, quod admirandum, in maximo infortu-

nio serena animi tranquillitate felix sit. Inter Theologos, viros præstantissimos Franciscum Gomarum, Antonium Thyrium parentem meum, Constantinum l' Empereur, Daniele Colonium, Jacobum Revium, Ludovicum de Dieu maximi semper fecit. Præter elegantissimi ingenii foeminam, Dominam Gournæam, à qua frequentes & nitidissimas accepit literas; Nobilissimam virginem Annam Mariam Schuyrmans, quæ omnes fere scientias & linguas muliebri pectore clausit, ita admiratus est, ut elegantissimo versu non tantum eam decimam Musam appellaverit, sed omnium vicem præstare prædicaverit. Inter ætate inferiores juventutis tum literatæ Principes M. Zuerium Boxhornium, Vincentium Fabricium nunc Syndicum Gedanensem, Franciscum Gronovium summo in pretio habuit, quorum florentissima ingenia ad maxima quæque accendit. Boxhornii diffusam admodum eruditionem, Fabricii excelsum ingenium & Poëtico æstu agitarum, Gronovii singularem doctrinam, atque industriam postmodum admiratus est. Firmæ ut plurimum fuit valetudinis, nisi quod semel Ischouria periculose admodum laboraverit, & in senectute articulari morbo admodum premereur. Anno hujus sæculi quinquagesimo secundo vehementi febris correptus extrema expectabat, sed Natura prævaluit. Postmodum tamen omnia in pejus ire, ac retro sublapsa ferri, & corpus paulatim languescere, & nonnunquam memoria vacillare cœpit, ita tamen, ut quæ in juventute didicisset tenacissime retineret, ad eò quidem, ut totum fere librum IV. Æneidos memoriter recitaret. Apollini autem nostro inter Musas suas decumberè jucundum fuit, ita ut medio ingentis atrii, lectulo cubans, instructissimam undique circumspectare Bibliothecam, & deliciis quondam suis oculos animumque pascere posset. Jacente illo jacebant languebantq; Musæ, quamquam quæ sano & vigilantem semper infervierant, tunc etiam dormienti, & languido, Zulichemio vate, ingenioso carmine nomen ejus celebraverint. Ita paulatim in senili corpore fatiscebat natura, quanquam eidem succurrere summa ope niteretur præstantissimus Medicus Johannes Elemannus, Reip. Leidenensis Senator amplissimus. Ab hoc fere tempore non solido cibo, sed lacte & vino corpusculum sustentavit; atque omnibus relictis soli Deo immortalis incubuit. Cum Zulichemi Dominus, qui illū officii causa salutaverat, ex eo quæreretur, ecquid solitudinem & dolores carmine, veteri oblectamento,

mento, non aliquando falleret, respondit, se unicam vocatam in Deo suo posuisse, cœlestia cogitare, cœtera contemnere. Quin & ipse eodem animo, quo de Contemptu mortis scripsit, eadem superior, mortem hanc terrenam vite suæ cœlestis primordium esse judicavit. Testem habemus virum præstantissimum Martinum Ubbenium, quem etiam pluribus ad eum scriptis literis magni semper fecit, qui in extremis illi adfuit, D. Balbianum, qui præter alias eximias dotes in ægrorum consolationibus rari est exemplum, quanta fuerit in Deum suum, in Servatorem Christum fidei, Ipse tandem vigesimo quinto Febr. die vesperi inter decimam & undecimam præeunte Ecclesiaste perripit ipsum cœlum precibus, quibus peractis primo paucillulum somno se dedit, dein expergefactus placide sine ulla membrorum titubatione ultimum spiritum dedit, oculosque tanquam dormiturus sponte clausit. Excessit, excessit magnum illud Reip. literariæ lumen, & simul cum exequiis suis exequias literarum nobis reliquit. Ubi nunc illa disertæ lingua, qua totiens amplissimum hoc atrium personavit? obmutuit, obrigit; quod dum dicimus, etiam nobis lingua impeditur. Ubi illa agilis dextra, ubi illa latéra? immota jacent. Ubi illi vivaces igneique oculi? caligo mortis clausit. Ubi illud vegetum corpus illustris illius spiritus domicilium, in quo non Heinsius tantum sed ipsa Pallas habitabat, paucorum pedum tumulo continetur. Quamquam quid illum sepulchri claudi angustis dico, qui totum tertiarum orbem, ubi ullum decus eruditioni est, pro domicilio habet, qui vivit victurusque admirandis suis monumentis, quæ nulla injuria temporum delebit? Maxime Heinsi, iterum dico, maxime Heinsi, quis nunc literarum gloriam tuebitur, quis dotes tuas exprimet? Illas nemo exprimere potest nisi Heinsius. Quis divinam tuam Poësin imitabitur? exaruit Castalis unda, aufugerunt Musæ, quæ tuis carminibus detinebantur. Quis Platonicas delicias, quis magnum sectabitur Aristotelem? tenebræ heu fatales imminet. Græciæ olim in Batavia inveniebatur, nunc in Batavia ne quidem Batavia invenitur. Ubi vetus ille studiorum ardor, qui in majoribus nostris cordatissimis mortalibus fuit? Excessit, evasit, evanuit. Fuere, fuere illa tempora, eum non tantum ab aliis scientiis, sed potissimum à literarum gloria hæc Academia æstimaretur, nunc, etsi virorum præstantissimorum copia sit, qui sapientiæ & eruditionis gloriam con-

unxerunt, omnis fere juvenus bonam mentem ejuravit, in præcipitia studiorum abripitur, nihil denique pensi habet, ita quemadmodum imperiorum, etiam studiorum quædam subitæ sunt conversiones, & sola in hac sorte mortalium varietas stabilis est. Crescentibus ingeniis in immensum crevit Resp. nostra, Auditores, metuendum, ne socordia nostra fatali vicissitudine decreseat. Tali igitur relinquis nos tempore Illustris Heinsi, ô literarum Princeps, invidiæ victor, virtutis speculum, quo omnis eruditio, omnis virtus collabascit? Solus tuus aspectus & majestatis plenus vultus auctoritatem literarum servare potuit. Videor, videor hic tuam imaginem præsentem videre, ipsa admodum hæc cathedra horret, ex qua totiens divinæ facundiæ verba emisisti: ex hoc loco toriens tanquam alterum Demosthenem vel Ciceronem te non loquentem, sed tonantem audivimus. Horret iterum animus, & te tanquam præsentem alloquitur. Ignosce itaque mihi maxime Heinsi, quod ingentis vestra merita tenuissimo dicendi genere detrivim, ignosce mihi, qui vix mihi ipsi ignosco. Quod idem Nobilissimi, Amplissimi, Clarissimique Viri, vosque lectissima Juventus, qui partim ex vicinis Provinciis, partim ex dissitis terrarum locis frequentes ad hoc sapientiæ Prytanæum confluxistis, obnixè à vobis peto, uti prolixæ meæ erga defunctum voluntati, quæ tanto oneri succubuit, faveatis: quod uti ex vultu vestro mihi polliceri videor, ita hic dicendi finem faciam.

## D I X I.

AD MANES HEINSIANOS.

## ALLOQUIUM FUNESTUM.

**T**ACEBO TE! CLARUM TERRA COELOQUE  
SIDUS MAGNE HEINSI? Etiam Atys, quam natura negaverat vocem, periculo monitus rupit: Ego funus tuum mæstus silensque comitarer?

Non quod immortalitatem tibi invidemus, aut ad terrestria hæc inanibus votis & nihil profuturis te repetamus, aut illis tuam, qua frueris felicitatem, augeri laudibus nostris posse credamus, qui supra omnia hæc, quæ miramur, quæ cupimus, longissime evehctus es.

Pietati nostræ tantum indulge, ut liceat ultimum te, quasi præsentem alloqui, non tua, sed superstitem causa,  
N quibus

quibus magnum & vivus exemplum fuisti, & jam cœlo receptus tumultoque conditus ingens futuris seculis certamine præbebis.

TRIUMPHALIS TUA ADOLESCENTIA SINE  
NECTUTI OMNEM PALMAM PRÆRIPUIT.

Non poteras major fieri cum ætate, qui intra juventutem, omnem vel exhauseras famam, vel occupaveras.

Nunquam illustriori exemplo, natura, quantum in capacissimo animo posset, ostendit. Et quasi moræ pertæsa, citius te absolvit, quam inchoaverat.

ILLE SEculi sui NESTOR TUA JAM PRÆ  
SENTIA ABSQVE FINE ABSQVE TERMINO FRUITUR.

Quam delectabatur fortunatus senex tua pueritia?

Quam ipsum tot exhaustum curis & laboribus, subinde recreabat illa vivacitas & vigor mentis, atque ingenii tui inexhausta ubertas?

Tecum universam Græciam in suum inducebat sacrum.

Tu ipsi Roma, tu Athenæ eras. In te sibi reviviscere & renasci velut ex cineribus Phoenix videbatur. Neque dignior rem reperit cui monumenta relinqueret, quia neminem rectius illis usurum noverat.

JAM EMENSUS ERAS OMNE ILLUD, QVOD  
CÆTERI MORTALES IMPROBO TOTA VITA  
LABORE QVÆRUNT, SCIENTIARUM ET GLORIE REGNUM.

Non habebat tua, quo progredieretur, eruditio, neque tamen velut fessa substitit. Neque Sol radiis augetur & semper tamen lucet. In tanta fortuna magis mirer prosperam famam, an modestiam & animi in se reducti ac compositi tranquillitatem?

Dum omnem illum ambitum declinas & tibi sufficis, non te Reges & magni Principes patiebantur esse tuum.

Major eras quam ut latere, excelsior, quam ut eorum sollicitationem effugere posses.

Instar Solis universum hoc, non tam illustrabas, quam magnitudine nominis implebas.

Dicamne quantum stupendis tuis virtutibus tribuerit ille Septentrionis sui Rector & Germaniæ liberator, & omnium hostium victor, GUSTAVUS?

Non alium immortalitatis suæ inter mortales & testem  
& præ-

& præconem te digniorem reperit. Tu ipsi, quod Alexandro Aristoteles. Neque ab alio scribi Gustavus, quam Heinſio, vel poterat, vel debebat.

Illa Resp. quæ antiquam Rom. Majestatem hodie ingentibus factis repræsentat, quæ Ottomannico furori metas ponit & limites: illa cum tanto deposito frui propius non posset, tamen inusitatis honoribus suum fecit; & D. MARCI creavit Equitẽm, quem non modo Marci, verum omnium Evangelistarum ac Apostolorum prævidebat fore illustratorem.

CUM EXTERI IN TE ORNANDO CERTARENT, QUID BATAVIÆ TUÆ NON DEBEBAS?

Illa, sicut propius divini ingenii tui fructus sensit: ita aliorum omnium magnificentiam superavit.

Te Ordines victoriarum suarum & casuum volebant esse scriptorem, ut quæqua versum Auriaca arma fugam hostibus & metum intentabant, tu stylo & sermone immortalitati consecrasses.

Dignus tanto Scipione Polybius: & quantum præstiteris Sylva Ducum omni ævo loquetur, nescio majori à tanto Principe animo expugnata, an à te grandiori eloquio scripta: ut neque ab alio capi potuisse, neque ab alio scribi voluisse, videatur.

LEVIA SUNT HÆC, SI CUM SECRETIORIBUS TUIS STUDIIS ET CURIS CONTENDANTUR.

Quem non illa tot ingenii monumenta tuis illustrata laboribus, vel erudiant discendi cupidum, vel afficiant stupore invidum?

Habent omnia tua aliquid nobis inaccessum, & facer quidam horror inest.

Non persuades sed trahis; & tamen violentia abest.

Non blandiris sed delectas; & tamen fucus abest.

Nemo tecum paria aut faciet, aut fecit, nisi, cui tantum te tribuere semper professuses, Scaliger.

ERAT JUDICIUM TUUM LIMA SINE STRIDORE, NORMA SINE ERRORE.

Quo se non penetrabat illa mentis tuæ acies? Quam partem universæ doctrinæ inaccessam intactamque reliquisti?

Nullæ tantæ in omni antiquitate tenebræ, quin ad lucem tuam diffugerent.

Tibi clausa aperiebantur, recondita promebantur.  
Sanabas desperata, curabas mutila, reponebas detorta.  
Et post hæc omnia, totam Græciam, totum Latium,  
atque insuper longinquum Orientem, in Batavia solus pos-  
sedisti.

ALII DIVINA CARMINA TUA LAUDANT  
ET ORIS FACUNDIAM: EGO SUPRA LAUDEM  
DUCO.

Quid enim antiquitas habet quod iis opponere possit?  
Tu seculi nostri Maro, tu Naso eras, & quem proprio  
quodam naturæ genio æmulatus es, Homerus.

Ita virtutes eorum exprimis, ut vitia omiseris & lapsus,  
Ira elegantiam, ut insuper altius quid & quod ipsos fu-  
giebat, & nomine caret (est enim propriè tuum) superad-  
das.

Si Augusti seculo vixisses, quantum tibi magna illa in-  
genia cessissent, quibus in hac mundi senectâ & par eras &  
superior?

Quicquid Cicero habet augusti, Cæsar generosi, Livius  
magnanimi, Plinius delicati, hoc omne tuum est.

ITA CUNCTÆ NATIONES CUM CÆTEROS  
ÆSTIMARENT, SOLUM HEINSIUM ADMIRA-  
BANTUR.

Tibi GERMANIA assurrexit: quanquam civili san-  
guine oblita.

Tibi ITALIA applausit: quanquam sua tantum mi-  
retur.

Tibi GALLIA concessit, quanquam magnorum in-  
geniorum æmula.

Quod Themistocli Miltiades, hoc nobis omnibus erat,  
Heinsium admirari jam magna eruditionis pars erat.  
Nemo magnus videbatur, nisi cui HEINSIUS ma-  
gnus: ita seculum erat.

CUM OMNIA JAM EXHAUSSISSES VETUSTA-  
TIS MONUMENTA, AD DIVINA TE ARDOR  
TUUS, ANNIS MATURUM, IMPULIT.

Et quod Heinſio dignius munus erat, quam in altissi-  
mis desinere, qui à maximis cœperat?

Ergo magno animo, id est tuo, & ab omni ad tantam  
expeditionem instructo apparatu, id est toto Oriente, cujus  
tibi



tibi amorem inspiraverat Erpenius tuus, opus aggressus es, quod cuncta secula, quia carpere nequeunt, mirabuntur, imitabitur nemo, quia imitabilis es.

Ostendisti in quo etiam summa perspicacitas, non tamen omnia assecuta fuerit. Hellenismum ita asseruisti, ut cum ratio quod obrectaret, reperire non posset, invidiam exercueris.

Orientem in Occidente, Occidentem in Oriente, velut transmigratione facta & colonius ductis, cum quæreret, etiam invenisti. Magnum scilicet nomen primi novarum detectores terrarum sibi vel faciunt vel merentur: quanto major tu qui abditos tot seculis ingenii recessus & hactenus impenetrabiles, aperuisti?

**HOC, VELUT QVO PROGREDERERE NON HABERES, PAUSAM TIBI ET TERMINUM IMPOSUISTI.**

Quanquam maximus esses, non tamen **PLUS ULTRA** voluisti.

Et Heracles columnas laboribus suis posuit, & Alexander aras.

**JAMQUE IPSE ANIMUS TOT ANNIS INQVIES ET INSATIABILIS, TERRIS PAULATIM ET EVANIDIS HISCE CURIS EXSOLUTUS, AD ORIGINEM SUAM, QVA NUNC BEATISSIMUS FRUE-  
RIS, TENDEBAT.**

Angustior erat ille carcer quàm quod diutius claudi posset. Alta & immensa cœlorum appetebat, ac si per ipsum stettisset, dudum te luxisset, tanto fidere spoliatus orbis.

**TU VERO COELITIBUS NUNC MAGNA FACTUS ACCESSIO HEINSI, INTER INGENTES ILLAS, ET TIBI SOLI, DUM FATA SINEBANT, PARES ANIMAS, SCALIGEROS, CASAUBONOS, ER-  
PENIOS, CUNÆOS, &c. JACENTIA TERRARUM ET VANAS INUTILESQUE CURAS NOSTRAS, EX ALTO DESPICIS.**

Ingressus es portum nullis tempestatibus obnoxium, ubi neque invidiæ & obrectationis brevia, neque Syrtes, neque infirmitatum humanarum metuendi impetus: omnia ibi liquida & serena.

Nos vero tuarum ingentium virtutum admiratores, & qua datur, longo intervallo sectatores, dum in hoc mari jactamur, inter naufragia & scopulos, inter miseras & æru-

mnas, quod unum possumus, non otioso aut remisso vultu,  
ad te subinde respectabimus.

Erunt nobis divini monumenta ingenii tui, velut in  
densis tenebris præfulgida Pharos. Tu errantes, ex præcella  
illa arce, velut Helice & Cynosura diriges.

QVICQVID EX TE AMAVIMUS, QVICQVID  
DESIDERAMUS, MANET MANSURUMQUE EST  
IN ÆTERNITATE TEMPORUM, FAMA RERUM,  
HEINSIUSQUE POSTERITATI SÆPE DICTUS  
SÆPE DICENDUS, SUPERSTES ERIT.

ÆTERNVM VALE MAGNA ET  
BEATA ANIMA.

G. HORNIUS.

*Viri Incomparabili*  
**DANIELI HEINSIO,**

hæc mæstus accinebam  
**LAMBERTUS BARLÆUS.**

Lagete ð Veneres Cupidinesque,  
Et quantum est hominum politiorum:  
Vester heu cecidit patronus ingens,  
Ingens HEINSIVS: ille Gratiarum  
Cunctorum Pater Helladisque Vindex,  
Et nostri, jubar eminens Lycei,  
Laudum ævique satur petivit astra,  
Qui quicquid Plato Socratesque dius,  
Et Stagira Vetus, rigensque Zeno  
Quondam disseruit, tenebat unius.  
In hoc pectore Homerus alter, alter  
Sedit Virgilius, Theocritusque,  
Et tota Hesiodi patebat Ascrea,  
Sappho, Nonnus, Anacreon, lyraque  
Præstans Flaccus, amabilisque Naso  
Vates, vate sub inclyto hoc latebant.  
Quis nunc historias legat Iuventa  
Vi tanta eloquii tonans Professor?  
Quis nunc Versiculos canet Poëta  
Tam gratis salibus jocisque tinctos?  
Nemo mehercule, nemo: namque par huic  
Cælesti ingenio, stylo, vel arte,

*Nil usquam invenias Viro aut secundum,  
Quare fleibus & frequente planctu  
Lugete o Veneres Cupidinesque,  
Et quantum est hominum politiorum.*

## EIDEM.

*Quisquis in illustrem defigis lumina pompam,  
Præclarisque potes condoluisse rogis:  
Attratos sequere immistus longo ordine Patres,  
Et sint maroris publica signa tui.  
Hæc probitas, hæc prisca fides tumulantur in urnâ  
Et miscent cineres consociata suos,  
Hoc defuncta pridem tumultu doctrina quiescit,  
Ista sibi Pallas marmora structa gemit.  
Hæc sunt Socraticis immista cadavera membris,  
Hic jacet extinctus cum Cicerone Cato.  
Ista Stagyraum concludunt busta Magistrum,  
Ascræique regunt ora diserta senis.  
Hoc Ovidi, hoc docti sublimis Musa Maronis,  
Hoc Taciti illudit flebilis umbra rogo.  
Imus ad exequias cuncti, illustrique feretro  
Præbimus quassas, languida membra, manus,  
Scilicet, est aliquid comitari funera, Divum,  
Atque humeros istis supposuisse suos.  
Quis paria Heinsiada faciet? Tu maxime Fili,  
Sanguine Virtutes serpere posse proba.*

JACOBUS REEPMAKERUS.

## EPITAPHIUM

XPONOTIXON.

*HO C L I t e r a t V r æ D e C V s  
p o L i t o r I s & a r b i t e r,  
o C e L L V s o r b I s H e I n s I V s  
C o n C L V s i t a r t e s e n t h e a s,  
C V n C t a s q V e V i r t V t e s L o C o.*

Aliud.

*Si Pietas, expers foret & Doctrina sepulchri,  
Heinziada non hic deslerent funera Musa.*


## SCRIPTA.

*Crepundia Siliana, seu Notæ in Silium Italicum. Lugd. Bat.  
1600. 1618. in 12. Cantabrig. 1646. in 12.*

- Auriacus sive Libertas saucia. *ibid.* 1602. 1608. in 4.  
 Jambij partim Morales, partim ad Amicos. *ibid.* 1602.  
 1608. in 4.  
 Hesiodus, ejusque interpretes, cum notis atque introductione in opera atque dies. *ibid.* 1603. in 4. 1622. in 8.  
 Theocritus, ejusque interpretes, cum Scholiis Theocriticis. *ibid.* 1604. in 4.  
 Laudatio Jani Dausæ. Accedunt ejusdem Manes Dauſici. *ibid.* 1605. in 4.  
 Paraphrasis Andronici Rhodii in Aristotelis Ethica ad Nicomachum, cum interpretatione. *ibid.* 1607. 1617. in 4.  
 Maximi Tyrii Platonici dissertationes XL. Græco-Latina cum Notis. *ibid.* 1607. 1614. in 8.  
 Panegyrici suo Josepho Scaligero dicti. *ibid.* & Antuerpia 1609. in 4.  
 Satyræ duæ, Hercules tuam fidem, sive Satyra Menippæa, & Virgula Divina, cum brevioribus annotatiunculis. *ibid.* 1609. in 8. 1617. in 12.  
 Poëmata. *ibid.* 1610. 1613. 1617. in 8. 1640. in 12. *Amstel.* 1617. 1649. in 12. 1666. in 8.  
 Dissertatio de Nonni Dionysiæis. *ibid.* 1610. in 8.  
 Theophrasti Eresii opera omnia Græcè & Latine, cum notis. *ibid.* 1611. 1613. in fol.  
 Oratio de conjungendis Græcorum Lingua & Disciplinis. *ibid.* & *Francof.* 1611. in 4.  
 Aristotelis de Poëtica liber ordini suo restitutus, cum interpretatione & notis. Accedit de constitutione Tragica liber, secundum Aristotelem. *ibid.* 1611. in 8. 1643. in 12.  
 L. Annæi Senecæ Tragœdiæ cum Animadyersionibus. *ibid.* 1611. 1619. 1619. 1621. in 8.  
 Socrates, sive de doctrina & moribus Socratis oratio. *ibid.* 1912. in 4. Gallicè. *Paris.* 1642. in 12.  
 In Theophaniam sive Domini Natalem Homilia *ib.* 1613. in 4.  
 Incruentum Christi Sacrificium, sive Domini Passionem Homilia. *ibid.* 1613. in 4. Anglicè. *Lond.* 1618. in 8.  
 Peplus Græcorum Epigrammatum aliaque Græcè scripta, & è Græcis Latine reddita. *ibid.* 1613. 1616. in 4.  
 De præstantia & dignitate Historiæ Oratio. *ibid.* 1614. in 4.  
 De Sapientia Politica Oratio. *ibid.* 1614. in 12.

- Q.** Horatii Flacci opera cum notis. *ibid.* 1612. 1628. 1635.  
in 12. & 16.
- Orationes *ibid.* 1615. 1620. 1627. in 8. 1621. in 4. 1642. 1652.  
1657. in 12.
- Aurelii Clementis Alexandrini opera Græcè & Latine, quorum  
textum Græcum recensuit. interpretationem veterem  
meliozem reddidit, & breves in fine emendationes  
adjecit; *ibid.* 1616. in fol. *Amsterod.* 1667. in 12.
- Dissertatio epistolica. an Viro literato ducenda sit uxor, &  
qualis? ejusdem alia amœniora opuscula. *ibid.* 1616.  
in 12. 1638. in 8.
- Q.** Horatii Flacci de arte Poëtica ad Pisones epistola, ex D.  
H. recensione seorsim edita. Addita est ejusdem Dissertatio  
super Plauto & Terentio Comicis. *VVitreb.*  
1616. in 4.
- P. Terentii Comœdiæ sex, ex recensione D. Heinssii. *Amsterod.*  
1618. 1622. 1633. in 8. *Lugd. Batav.* 1635.  
in 12.
- De prima Romanorum ætate & virtute, ad L. Florum; De  
secunda & postrema Romanorum ætate, ad Corn.  
Tacitum. *Lugd. Bat.* 1614. in 4.
- De contemptu Mortis libri IV. *ibid.* 1621. in 4. & 12.  
Belgicè. *ibid.* 1625. in 4.
- Paraphrasis in Aristotelis Politica. *ibid.* 1621. 1656. in 8.  
*Iena* 1660. in 4.
- Aristarchus sacer, siue Exercitationes ad Nonni Paraphrasin  
in Johannem. *ibid.* 1621. 1627. in 8.
- Laus Asini, absque auctoris nomine. *ibid.* 1623. 1629. 1632.  
in 4. & 24. Postea, adjecto nomine, inter ludicrarum  
Dissertationum scriptores recusa. *ibidem* 1644.  
in 12.
- Cras credam, hodie nihil. *ibid.* 1629. in 12.
- Oratio in obitum Reimerii Bontii Doct. Med. habita. *ibid.*  
1624. in 4.
- Oratio in obitum Philippi Cluveri habita. *ibid.* 1624. in 4.
- Laudatio funebris Mauriti, Principis Auriaci. *ibid.* 1625.  
in fol.
- Gallicè. *ibid.* 1625. in 4.
- Laus Pediculi ad conscriptos Mendicorum Patres. *ibid.*  
1629. in 12. 1638. 8. & in Dissertationibus ludicris.  
*ibid.* 1644. in 12.

- Herodes infanticida, Tragoedia, *ibid.* 1632. in 8.  
 Dissertatio Epistolica de servitute naturali, *ibid.* 1630.  
 Homilia in locum Johannis cap. XVII. *ibid.* 1625. in 12.  
 Pub. Ovidii Nasonis Opera recensuit, *Amsterd.* 1630. 1653.  
 1661. in 12.  
 Historia rerum ad Sylvam- Ducis atque alibi in Belgio aut à  
 Belgis c1o 16c XXIX. gestarum, *Lugd. Bat.* 1631.  
 in fol.  
 Panegyricus Gustavo Adolpho, Suecorum Regi, &c. conse-  
 cratus, *ibid.* 1632. in fol.  
 Gallicè, *Parif.* 1638. in 8.  
 Tit. Livius, ex ejus recensione, *ibid.* 1632. in 12.  
 Hymnus in Jesum Christum Latine & Germanicè redditus,  
*Rostoch.* 1635. in 4.  
 Aurelii Prudentii opera cum notis, *Amsterdam.* 1637. in 24.  
 1670. in 12.  
 Epistola, qua Dissertationi D. Balsaci ad Herodis infannici-  
 dam respondetur, *Lugd. Bat.* 1636. in 8.  
 Exercitationes sacræ ad Novum Testamentum; quibus ac-  
 cessit Aristarchus sacer, *ibid.* 1639. in fol. *Cantabr.*  
 1640. in 4.  
 Apologia adversus Jo. Croji calumnias, suppresso proditi  
 nomine *ibid.* 1646. in 8. Creditur tamen esse aut D.  
 Heinsii, aut M. Zuerii Boxhornii.  
 Oratio de pace inter Hispanorum Regem, & Belgas foede-  
 ratos, *ibid.* 1648. in fol.  
 Exercitatio demonstrans omnem Ægyptiorum aliorumque  
 Religionem ex Oriente profluxisse, *Cantabrigia.* 1646.  
 in 12.  
 Lofflanckh van Jesus Christus, den eenighen und euvvigen  
 Sone Godes, *Tot Amster.* 1618. in 4. 1621. in 8.  
 Nederduytsche Poëmata, *ibid.* 1622. in 4. & 8.  
 Emblemata amatoria Belgice, *ibid.* 1616. in forma oblonga  
 & *Rotterdam.* 1625. in 4.  
 Historie du Siege de Bolduc, 1631. in fol.  
 Heinsiana quædam anonyma detexit Cl. Vir, Vincent. Plac-  
 cius, in Syntagmate sapius à nobis citato p. 64. 74.  
 & 129.



SAMUELIS SORBERII

DISSERTATIO

De Vita ac Moribus

Philosophi ac Mathematici Celeberrimi,

PETRI GASSENDI.

*Ad Virum Illustrum*

HENRICUM LUDOVICUM

HABERTUM MON-MORIUM,

Libellorum Supplicum Magistrum integerrimum,  
*perscripta.*

**Q**Valis, quantusque Vir fuerit PETRUS GASSENDUS *ὁ Μακροβρύτης*, nemini notum non esse puto, qui in Imperio literario & bonæ mentis studio hospes omnino non fuerit; adeo ut tanti Viri laudes pluribus prosequi Lectorum incitiam arguentis esse videretur, vel hominis esset otio abutentis suo, & soli lucem foenerari præpostere gestientis. Pauca tantum prælibare est animus, quæ ad vitam Senis optimi, studia, mores, invaletudinem, & tandem placidum in Christo obitum, atque maturatam operum editionem pertinent. Quippe cæteris non injucundum fore confido, testem in his rebus oculatum, amicum fidum, discipulum veterem audire. Mihi verò, in luctu & mœrore posito tam chari capitis desiderio, ingens dabit solatium procul dubio præteritorum memoria; eximæ Virtutis, sine fūco pietatis solidissimæ, stupendæ eruditionis, ingenii acutissimi, judicii, subactissimi, & inprimis intemeratæ, quamvis immeritæ, quæ me tamen dignatus est ab adolescentia, arctissimæque necessitudinis repræsentatio. Aggrediar itaque nonnulla præfari, quandoquidem Viri facundissimi, quibus id oneris incumbibat, ob pleniorum rerum omnium informationem & majorem dicendi copiam, silent nunc per negotia gravissima, quæ parentationem istam, & justorum solutionem non permittunt. Meminerint illi, si quando vacat, reddere victimas ædemque votivam piis Amici nostri Manibus; interea nos humilem ferimus agnam. Ita jubes *Henrice Ludovice Haberte Mon-mori, Vir Illustrissime, Suadent*

dent *Brutus & Martellus*, Animæ, quales neque Candidiores Terra tulit, neque queis me sit devinctior alter; Optant Typographi, hortantur alii; & finit nunc prospera. De bene propitio, valetudo mea; tum in Urbem reditus, sedata non nihil mæstitia, reddita animo tranquillitas, relata mecum scriniola, libraria supellex, & orium, quibus abundo.

PETRUS GASSENDUS vulgò *Diniensis* habitus, or Ecclesiæ illius Præposituram, quo functus est munere annos viginti, non tamen *Diniam* quam appellavit patriam sed *Campotercerium* agri *Diniensis* Pagum seu Oppidulum, una ab urbe *Leuca* in occasum distans, natalitium habuit anno superioris sæculi nonagesimo secundo, Januarii die vigesima secunda. Pater illi fuit *Antonius Gassendus*, & Mater *Francisca Fabria*, morum suavitatem, & fidei in Religionē majorum perseverantiam potius quam genere & divitiis in patria conspicui. Quibus parentibus ad pietatem ita effectus fuit à teneris unguiculis, ut non prius voces nonnullas reddere potuerit, quin sublatis jam in Cælum oculis, & manibus junctis paratus fuerit precibus ad Deum fundendis, quas, ut accepi, primas omnium pronunciare didicit. Unde cum primum firmato gressu domo egredi quadriennis valuit, vel coætaneos inter concionatorem imitabatur, vel solus in multam noctem Cælo fudo, serenoque Lunam & sidera contemplabatur; non sine metu parentum multo per avia puerum in cunis Astrologizantem quæritantium. Ut primum igitur grandior culturæ admoveri debuit, *Diniam* missus est, ubi brevissimo temporis spatio specimina edidit, ingenii elegantissimi, usus Præceptore *Godefrido VVendelino*: quare nemine non exosculante virtutis præsentis & futuræ doctrinæ tam elara pignora, vel invito, at saltem infcio parentum altero, qui colendi agri magis quam permovendi ad bonas literas gnati sollicitus erat, non solum Latinæ linguæ rudimenta superavit, sed in Rhetorica tantos progressus fecit, ut ab affine *Diniensi*, qui liberos paulo inferioris notæ nec eò, quod *Gassendus* provectos habebat. Aquas Sextias missus fuerit, quo Philosophicis studiis sub *Fesajo* Minorita doctissimo, incumbere posset. Et circa *VVendelinum* audiendus est *Valerius Andreas Desse- lius* in Bibliotheca Belgica edita 1643. Romam adiit, peragrataque Italia bona parte dum per *Massiliensem* Gallia Provinciam iter domum versus instituit, substitit ibidem aliquantisper, studiaque sua impensius excoluit, *Diniensem* in-

stituenda



stituendo ac formando iuventutem, discipulum prae multis unum natum Petrum Gassendum, scriptis famaeque celebrem, Vivit adhuc Senex optimus Tornaci Canonicus, nec quidquam ejus in rem literariam affectui ætas illa detraxit. Assensit pater ea conditione, ut redderetur pago suo post biennium filius, qui domestica curaret potius quam ea, quæ nihil ad rem suam pertinere existimabat: nam scientias omnes Vir ille bonus quamvis non haberet exosas; ut steriles tamen Camænas seu leves nugas valere jubebat, ut filii sui fortunæ, non splendide quidem, verum mature & tuto consuleret. Idem enim satis inter vilia fortis, illos sapere, & solos aiebat bene vivere, quorum

*Conspicitur nitidis fundata pecunia villis.*

Exacto Aquis-Sextiis biennio, Campotercerium non diu manere potuit Gassendus; Diniam scilicet vocatus adolescens annorum sexdecim, ut Rhetoricam doceret: unde rursus triennio post Aquas Sextias reverti coactus fuit, factis functo scilicet Minorita Præceptore, in cujus locum substitutus imberbis Philosophiæ Professor, agro tandem æternum valedicere debuit, Musarum Castra sequiturus, & in illis quidem tanta cum gloria militaturus. Neque enim diutius evocatus inter & tumultuarios milites meruit, qui Sacramento religatus in Rempublicam literariam juravit, imo statim agmen duxit, *Exercitationes Paradoxicas* conscribere aggrediens ut virium suarum periculum faceret. Quas urvidit Nicolaus Fabricius Peireskius, & Iosephus Galterius, Prior Valettæ, omen lubentes acceperunt, facile dijudicantes, quantum in studiis philosophicis futurus esset Gassendus. Hisce duobus Amicis & Patronis, Scholæ ereptus fuit, rixosæ nimis altercationis funem semper trahenti, ut vitæ Ecclesiasticæ traderetur, quæ otium præbet securius, & tranquillitatem ad Philosophandum uberiores. Id jam igitur ætatis ut Sacerdotii jugo cervicem submittere posset, sacris ordinibus se admovit, & *Canonicatu* donatus, mox *Præposituram* adeptus est Doctoratus sui privilegio, cum de illo munere controversia inter Canonicos Dinenses oriretur. Cujus litis occasione pluribus innotuit Viri literatis dignitate Senatoria conspicuis, & Gratianopoli & Lutetiæ Parisiorum, ubi decertandum fuit, ut in possessione Præposituræ suæ assereretur. Quid interea temporis & per annos sequentes contigerit, nec satis compertum mihi præter initas amicitias multas, de quibus erit infra dicendi locus, & scriptos libros, nec homini Philo-

sopho

sopho plura contigisse notatu digna arbitror, ut in hisce levioribus vitæ privatæ casibus pluribus esse non debeam.

Unum sufficit animadvertere, susceptam à *Gassendo* hujus sæculi anno XXVIII. cum *Francisco Luellerio* Parisino Rationum Magistro, in Belgium peregrinationem, quæ unica fuit extra patriam: quare frustra sunt illi, qui scripserunt in Italiam appulisse, & Romæ cum *Athanasio Kircher* Jesuita, imo cum doctissimis Cardinalium contulisse de rebus Philosophicis. Certò certius est iter Hollandicum unicum extra Gallias extitisse; quo in itinere ingeniosissimam scripsit adversus *Robertum Fluddum*, *Marino Mersenn*o defendendo *Exercitationem*. Ille nimirū paulò acerbius exceperat deliria *Fluddana* in vægrandi Comment. suo ad VI. priora Libri Geneseos Capita, unde *Fluddus* excandescens malè habuerat Virum cæteroquin optimum, & litium fugientem animum passim ostendentem, in Libro recens edito, quem *Mersennus* amico suo proficiscenti examinandum tradidit. Itaque exarata à *Gassendo* desultoriæ Epistola, quam Apologiæ vice publici juris fecit *Mersennus*, in qua verò Author noster Socratico more futilissimum adversarium deridendum propinavit, intricata solvens, & obscura in lucem proferens, ut ineptissimarum cogitationum deformitas omnibus pateret, Qua in arte mirus fuit omnino *Gassendus*, quem sæpius audiui laceffitum à Sophistis nullam aliam responsionem adhibere præter eam, quam ipsi sibi adversarii faciebant. Quippe nudare solebat perplexa & involuta verborum cortice sophismata, probaturus an satis Authorum mentem assequeretur. Quod ubi concesserant, rogabat, ut jam efferrent ratiocinia sua verbis istius ejus captui magis accommodatis. Jucundum autem erat videre bonos illos Viros, quos ratiocinii sui suppudebat, qui verò inchoatum alacriter sermonem ægrè ad exitum proferre totū poterant: nam quibus erat ingenui pudoris quid, reliquū durum erat retexere, quæ tunc apparebant ineptissima. Et circa *Mersennum* quidem ejusque Commentarium intempestive aliquando in latifundia Scientiarum Mathematicarum divagantem, hic mihi venit in mentem, quod ab *Andrea Riveto* accepi, & doctis contendentibus exemplo esse poterit. *Sixtum Amamam* Erisium duriter tractaverat *Mersennus*; itaque vapulabat in opere quod parabat *Amama*; qua de re certiore fecit *Rivetus* *Mersennum* per epistolas, quare facta est aliqua commutatio, donec ad *Sixtum* ipsum scripserit *Mersennus*, veniam

petens

petens ultro laceffiti Viri docti, & rogans, ut sine convitiis ad rem ipsam responderetur. Quod ab *Amama* factum, & insuper initum amicitiae fœdus ad mortem usque perseveravit.

In *Hollandia Gassendus* tantam sui admirationem reliquit, ut cum ego amœnam illam & eruditissimam regionem post annos ab illa peregrinatione quatuordecim incolerem, & frequens literarum commercium cum *Gassendo* haberem, percunctabantur semper eruditiores solliciti quid ille pararet: Cum autem significassem, vidisse me *Lutetiæ Parisiorum Disquisitionem Metaphysicam*, quam premebat, ne litem ex lite moveret, auctores fuere omnes, ut mitti quam primum curarem; & illa ipsa Princeps *Elisabetha Serenissimi Regis Bohemiæ* filia natu maxima, quæ tantum favit *Cartesio*, cum cæteris avebat perlegere. Itaque ad *Gassendum* iterato scripsi, & per *Marsennum*, *Thomam Martellum*, atque *Abrahamum Præteum* effeci tandem, ut scripti copiam haberem; inprimis ad expugnandam Viri modestiam afferens, efflagitasse *Cartesium*, quem in suburbano *Leydensi Engelgeest* dicto inviseram, ne diutius ista Diatriba inter paucos ambularêt, sed palam & apertè hostem adoriretur. Et meminî cum lares *Lugduni Batavorum* fixissem, *Adrianum Heereboordium* & *Henricum Bornium* Viros amicissimos & φιλομαθῆς, impulisse, ut *Discursum illum Scepticum* Gallica veste donarem, in quo *Ioannem VVallam*, Medicorum Belgicorum, ne quid majus dicam, faciliè Principem. & nimis propera morte rebus humanis exemptum, provocarem ad refellendas *Gassendi* objectiones, contra sanguinis circulationem & chyli per venas lacteas exsuctionem. Qua de re communicavi cum Authore, qui æqui bonique consuluit curas nostras; & sententiam demum mutavit; præsertim ubi *Ioannes Pecquetus* vivorum animalium sectionem instituens rara felicitate pepercit receptaculo illi lumbis imposito, cujus ope ductum Chyliferum dorso ad repentem detexit. Non dubitavit enim amplius & circulationem sanguinis, juxta *Harvæi* demonstrationes fieri, & venas lacteas *Afellianas* Chylum exsugere, & in canalem *Pecquetianum* transfundere, & chylum guttatim in venas subclavias decidere, sanguineæ massæ permiscendum. Adfui non semel unâ cum *Gassendo* canum dissectionibus, in quibus omnibus *Pecquetus* noster peculiari solertia rem adeò fecit inhabitatam, ut gauderet admodum senex curiosissimus ob-

detectum sibi ante obitum Medicinæ utrumque Polum; Veritates, inquam, tanti ponderis, quarum altera alteram confirmat, quibus vero sperabat ut deinceps ars tota Medica superstrueretur, illa saltem quæ à perspecta Oeconomia Animalis ad morborum curationem mechanico more procedet aliquando ubi major lux affulserit: neque enim magni faciebat latricem illam, quæ tantum verbis verbanectere docet, & tota ludit in Combinatione Qualitatum, in Elementorum, humorum, temperamentorum ficta proportionem, in facultatum & ministrantium partium assignata subordinatione, arque in hujuscemodi præclaris cogitationibus ex Politicis vel ex Schola Rhetorum callide desumptis. Et talia quidem exagitans figmenta facete multa proferebat, sed coram amicis tantummodo, quorum censuram non vereretur. Erat quippe natura sua in Ironiam propensior, ut si quis audire veller narratiunculas risui commovendo idoneas, haberet ille in numero statim innumeras; verum quibus non utebatur, nisi inter familiares & necessitudine conjunctissimos. Ut suspicionem autem prorsus amoliretur, quam de canali Cholidocho habuerat; quem Chylodochum dicere maluerat, equos, in quibus omnino deficit, introspicere voluit. Et memini offendisse me aliquando eundem cum *Martello*, sæviante admodum hyeme, ad loca illa, in quæ deportari solent viarum purgamenta & trahi equorum cadavera, quæ plura soluto pretio aperiri jussit. In mentem mihi revocat iterum facta mentio, quod contigit Amplissimo Viri, *Petro Maridato*, Senatori doctissimo, cum Gratianopolim venisset comite *Gassendo*, & sub noctem invisisset amicum, qui veniam statim petiit non protractæ diutius conversationis, nam propero, ait, ad *Gassendum*, qui in urbem commodum venit die crastina discessurus: Ad quæ *Maridatus* annuens subjunxit, ego vero te lubens comitabor, & una rediit ad hospitium suum, in quo reperit hominem, cum quo plures dies versatus fuerat illum ipsum esse *Gassendum*, quem quærebat. Nullum scilicet sui indicium fecerat Vir modestissimus; quamvis de re literaria multi sermones habiti fuissent, nec facile daretur vel nuper editorum librorum catalogum recensere, vel scientiarum historiam prosequi, cujus pars aliqua non esset Author noster, atque adeo cujus occasione de se ipso nonnulla ambitione procul prædicare potuisset. Nimirum jactantium omnem tantopere

pere averfabatur, ut de se ipso vera dicere, quamvis necessarium foret aliquando, tamen pudibundus reformidaret.

Atque honorum & lucri tam non erat appetens, ut invitatus in *Matheseos Professore Regium* electus fuerit anno M DC XLV. *Gassendum* promovente & propemodum cogente Cardinali Lugdunenli *Alphonso Plessio*, *Armandi Richelii* Fratre. Extat *Oratio Inauguralis*, & isti muneri debetur edita jam toties *Institutio Astronomica* prælectionibus explicata, quibus non aderant tantum Auditorio frequentissimo adolescentes, sed omnis ætatis homines, senes quamplurimi, & Viri doctissimi. Quod in honorem Scientiarum non memineram vidisse uspiam præterquam Amstelodami, *Gerardo Ioanne Vossio* prælegente non tyronibus quidem solis, sed grandævus & rude donatis undiquaque ad Varronem istum, vel Mercurio posthabito, confluentibus. Adversata est procul dubio illa Professio *Gassendi* nostri bonæ valetudini; tussis enim inde & pulmonis sequuta est inflammatio. Provinciam itaque, ut aëre natali reficeretur, petiit. Nec tamen Dinæ concessum fuit diu manere, optimo Prorege ejus consortio ita gaudente, ut sine *Gassendo* degere non posset. Comitatus est igitur semper *Valesium*, non solum ut Principis animum studiorum amœnitate recrearet, sed turbatis tunc rebus ut consiliorum particeps sapientia sua juvaret; donec in Aulam vocato Prorege Diniam ipse repetiit, commoratusque est ad annum usque M DC LIII. quo Lutetiam venit cum *Francisco Bernerio*, Andegavensi Medico, qui post elatum *Gassendum* in Ægyptum profectus, nunc Memphis Medicinam facit, & cum *Antonio Poterio* suo, atque in ædibus tuis residentibus, *Mommori* Illustrissime, exceptus fuit tanta comitate tua, lectissimæque Conjugistux, ac tanta famulorum tuorum reverentia, ut Herus alter esse videretur; cum tamen ille nullam omitteret partem debiti cultus natalium tuorum splendori, vel debitæ venerationis virtutibus illis, quibus fortunæ munera superare contendis. Totus erat *Gassendus* in adornando Philosophiæ suæ Systemate, post publicatam *Tychonis* & *Copernici vitam*, cum in morbum incidit anno M DC LIV. quo levatus quidem fuit studiorum facta intermissione, & educta ex senili corpore sat magna sanguinis copia, qua fuere vires non nihil infirmatæ. Sive enim morbi fomitem introrsum latentem, sive morbi remedium phlebotomiam, sive studiorum intemperantiam, sive ingravescentem ætatem incuses,

certum est *Gassendum* prospera ex illo tempore non usu  
esse valetudine, nec perambulationes, quibus in horto  
tabatur, nec longas cum amicis confabulationes sustinuit.  
Quare tandem anno sequenti, ineunte Autumno, in me-  
bum lethalem delabitur; atque ab iisdem Medicis Lutetie  
celeberrimis eadem fuere adhibita remedia. Nec sane  
leni & Hippocratis auctoritates defuerunt. Vni doctissimi  
quibus erat cordi procul dubio Amici restauratio: vero  
tristissima comprobatum fuit experientia tritum illud:

*Interdum docta plus valet arte malum.*

Cum repetitis jam novem sanguinis missionibus dejectus  
heu! nimium vires suas sentiret Vir optimus, & adesse  
Medici per celebres & Amici, dubitanter proposuit, ne in-  
lienam messem falcem suam injicere videretur, an consi-  
tum esset abstinere à Phlebotomia, cui toleranda impar  
se existimabat. Assidebat ægroto Medicorum Senior, qui  
teriam consulens, & ad cætera attendens inclinabat jam  
cum sociorum suorum altero, ut sanguini parceretur; cu-  
nescio quis alius grandi passu cubiculum perambulans pro-  
fracte in contrarium contendit, & collegas in sententia  
suam veluti postliminio redeuntes pertraxit. Nec renu-  
*Gassendus*, qui non tanti ducens usuram vitæ in illa æta-  
adeo labefactatæ, ut vix spes esse posset restaurandæ in  
tegrum bonæ valetudinis, sine qua non tam vivere debe-  
aliquem dicere, quam a gre Spiritum in pœnam & dolor  
trahere; secum vero repurans, nihil sine Numine contiger  
Providentiæ divinæ committendum se statim deliberavi  
quæ quidem fines suos habet præstitutos, nobis ne quicquid  
supremam moriendi necessitatem tardare nitentibus. N  
illa fuit ultima Phlebotomia, sed insequentæ sunt aliæ qu  
tuor, quarum unam cum *Poterius*, conscio *Gassendo*, elud  
re voluisset; quasi peracta jam fuisset ante adventum Me-  
ci, qui imperaverat, officiosum istud mendacium nesc  
quomodo detectum nihil aliud profuit, nisi ut graviter fid  
iste Amanuensis inciperetur, & largior forsan copia  
quoris accersito Chirurgus hauriretur. Quæ quidem rece-  
seo historiæ seu veritatis causa, non verò ut quemqua  
laceissam, vel ullius praxin Medicam inculpem: Amicus  
nim Socrates, amicus Plato, sed magis amica veritas.  
quid Lutetiæ verè eruditum & magni nominis fuit inter Me-  
dicos, totum illud adfuit sanando *Gassendo*; nec alia metho-  
do itum esset à Viris præstantissimis ad Medicinæ finem i-  
pe



perfanandis sanguine conjunctis, vel Principibus ipsis morbo confimili laborantibus. Haud itaque in culpa sunt Medici propter celebratam paulo frequentius Phlebotomiam, quemadmodum innuere voluit *Petrus Borellus*, quum Observationum Physico-Medicarum, seu Medico-Physicarum Centuria III. Observatione XI. scribit: *Possent hic Viri semper lugendi mortem dolorosam toti Europa, immo Mundo, recensere nimio illo remedio sanguineo, & verba ab ejus ore deprompta referre, quibus ante obitum fassus est se nimio obsequio periisse. & cum Heroe suo ad inferos cum viridi adhuc & stante senectute descendisse.* Sed nimirum commovit diligentissimum scriptorem, quod acceperit dictum à *Gassendo*, dum celebrandæ ultimæ Phlebotomiæ brachium præberet: Conversus enim ad *Poterium*, satius est, ait, ista virium infirmitate placide obdormire in Christo Domino, quam majori cum sensu doloris suffocatione vitam amittere. Ex illo tempore ferme obmutuit, cum non posset vocem attollere, ut audiretur ab adstantibus *Bernerio* & *Poterio* extrema officia, quemadmodum in toto morbi decursu fecerant, ministrantibus. Extremam tamen horam imminentem sentiens, quod reliquum erat virium impendendum existimavit præparando ad mortem animo. Itaque significavit ut quamprimum vocaretur Sacerdos, in cujus aurem, dum fari poterat, peccata sua effunderet; quorum omnium veniam per sacrum ministrum à Deo peteret, atque per Confessionis Sacramentum obtineret; ut inde paratior existeret sistendæ coram summo judice animæ suæ, ac veluti alba puritatis stola indutus nuptiis Agni immaculati interesse posset, sacrum scilicet viaticum debita cum veneratione tertium accipiens: nam semel illud atque iterum sumpserat ingravescente morbo. Dein, ut nihil perfectæ Christiani militis armaturæ deesset, sacro inungi oleo efflagitavit. Ad quam carimoniam animo attendens cum Sacerdos aures inungens pronunciaret verba solemnia, & lapsu quodam memoriæ dixisset: *Indulgeat tibi Dominus, quicquid per odoratum peccasti,* repoluit statim æger, imò per auditum; adeo intentus erat rei gravissimæ, & eluendarum sordium vel minimarum cupidum se & sitibundum gerebat. Ex illo scilicet momento, quasi se itineri accinxisset in æternas sedes brevi migraturus, repudium misit omnibus aliis, præterquam sacris cogitationibus subinde versus nonnullos Psalmorum proferens; sed leni murmure & tam summissa

per interceptum spiritum voce, ut procul audiri non valeret. In ore quidem habuerat initio morbi loca Poëtarum Latinorum quamplurima. quibus recitandis tempus aliquando falleret: quum & memoriâ admodum polleret, & sibi temperare non posset, quin semper ad honesta studii animum converteret. Verum & Musis & amœniori literaturæ tum valedixit. Illud enim unicum Philosophantis ad extremum vitæ curriculum ingenii signum edidit, quo mortuo manus dextera reperta fuerit regioni cordis appollita; cui parti non semel iusserat *Poterium* ut manum ad moveret, notandæ Systolæ & Diastolæ; quarum ipse titubantem gressum & deficientem vigorem advertens, *vides, ait quid sit hominis vita.* Quæ vox ultima fuit summi Philosophi; quandoquidem philosophari tum desinit *Gassendus*, ut totum se Christo & Sanctissimis Meditationibus traderet quas inter placidè obdormivit. in Domino, & die quidem Dominica, hora post meridiem quarta, vel circiter, IX Kal. Novembris, Anni à virgineo partu M DC LV, ætatis vero suæ exacto jam à novem mensibus LXIII. qui magnus Climactericus ab hominum perditione & fractura *αὐτοκλάστη* dicitur. Atque ita nobis ereptus fuit Senex optimus.

Mortuum luxit universus Orbis Terrarum eruditus quod innumera testari possent tum prosa, tum versu encomia undiquaque ad Te, Illustrissimum Defuncti hospitem missa, qui funus ducens cadaver extulisti, & sepulchro Majorum tuorum in Ecclesia Sancti Nicolai Campensis deposuisti, juxta *Guillelmum Budaum* parentis tui Proavunculum, togatorum autem superioris seculi doctissimum; appositæque fuit aliquandiu post in *Memorianorum* sacello statua marmorea; cujus iconem reperire licet inter Operum istorum præludia. In Ecclesia autem patria Dinie mortuo lessum fecit publice *Nicolaus Taxilius* presbyter in Præpositura successor, oratione habita in obitum Philosophi Christiani, quem titulum præfixit cum Lugduni typis edendam curavit anno sequenti quinquagesimo sexto; atque tanto civium omnis ætatis concursu, tam largo autem omnium fletu, ut non meminerint senes publicum luctum huic similem extitisse. Nec quidem temere factum, ut mœror nullos non conterraneorum pervaserit; quippe Vir pius summæ fuerat vivens valensque, non solum universo Dinienſi populo, sed ipsi præsertim Clero suo, venerationi; adeo ut pro-

con-



conceione hisce ego auribus aud verim, cum aliquando A-  
rausione *Gassendum* invisissem, factam Viri cum elogio men-  
tionem ad sententiam aliquam plenius confirmandam, un-  
de tantus homini modestissimo suffusus rubor, ut domum  
reversus nondum pudoris commotio penitus sedata videretur.  
Et forsan in causa fuit, quod à me una redeunte in-  
genti cum gaudio notatum, neminem occurrisse, qui non sa-  
lutarer, idque ex animo, quemadmodum vultu præsignifi-  
cabatur, & multis atrio suo vel officina exeuntibus atque o-  
pus suum intermittentibus, ut Venerando Seni debita præ-  
staretur reverentia.

Quod demirans & adstantibus indicans, accepi à *Lau-  
taretio* Medico, & ab aliis concivibus, nihil illius esse impræ-  
sentiarum venerationis, si conferretur cum publica hilarita-  
te, qua obviam iri moris erat, si quando urbe absuisset, quod  
sæpissimè contigerat Illustrissimo Principi *Ludovico Vale-  
sio*, *Peitreskio*, *Campinio*, *Luillero*, vel *le Mon-Mori* doctis-  
sime, tam clarum lumen patriæ suæ invidentibus. Cum  
autem inquirerem paulo diligentius, quid Virum sortis hu-  
juscemodi in tenui re positum, universis tam gratum redde-  
ret, imo adeo venerandum, ut nulla institui posset compa-  
ratio quod spectat ad cultum ultro præstitum cum ipso Præ-  
sule vel Præfecto Provinciæ *Niniam* adventantibus; com-  
peri immensam ejus eruditionem doctos omnes sibi con-  
ciliavisse; officia & liberalitatem seu eleemosynas pro vi-  
rium modulo factas, plebeculam & egenos sibi devinxisse,  
modestiam, comitatem, & morum niveum candorem. Bo-  
næ mentis amantem oculos perstrinxisse, at pietatem &  
sapientiam universis amorem sui & admirationem crea-  
visse.

Et de pietate quidem ut primum dicam, attendendum  
sedulo ad ea, quæ *Gassendus* voce & scriptis docuit, ad vitæ  
rationem, quam instituit, & à qua ne latum unguem un-  
quam discessit; ad Amicos, quibus conjunctissimus sine  
querela vixit; & ad ea tandem quibus moriens ultimum vitæ  
actum clausit: Nam veræ voces tum demum pectore ab  
imo ejiciuntur, & eripitur persona, manet res. Ad doctri-  
nam quod attinet, quam professus est tum privatim tum  
publice, certum est, nunquam ejus ore excidisse verbum  
ullum, quod summam non præse ferret dogmatum Ec-  
clesiæ Catholicæ venerationem, de quibus ne controver-  
siam quidem debere moveri, nisi serio & graviter, idque à

Viris doctis, quibus id muneris sacra vocatione traditum existimabat. Itaque sacras scripturas, & Patrum, Conciliorum, Sanctæ Sedis Apostolicæ, & totius Ecclesiæ auctoritatem semper suspiciens, indignabatur, si quando diffidentes Christianos offenderet ingenio suo abutentes ad neccitendas difficultates, vel frustra nitentes in explicandis vi-  
tiosinji sui, tam perplexi, tam nullius, rebus illis, quas Fides suscipiendas, haud enarrandas proponit. In concionibus autem suis ad populum Diniensem, quas plurimam habuit, Theologiæ Doctorem egit egregium, dum junio latere & pulmone valeret: nam ab istis exercitationibus temperandum necessario fuit, quandoquidem non poterat de rebus sacris, præsertim controversiis, sermonem suggestu instituere, quin Zelo flagrantior vocem attollerere & erumperet dolor animi ob laceratam Christi vestem in fletus & lamenta, quibus non firma valetudo conveleretur. Ad scribendum vero ubi animum appulit, nullam prætermisit occasionem pietatis suæ comprobandæ quod passim videre est in uberrimis refutationibus errorum circa DEUM ter Maximum, Providentiam, Animæ immortalitatem; in explicandis Opinionibus Physicis non damnatis quidem, sed nondum probatis, & in lubrico loco positis, unde facilis esse posset lapsus in errorem. Nihil enim de Systemate Mundi, juxta *Copernicum*, *Aristarchum*ve *Samium*, nihil de Atomis scribit, nisi mentum aliorum exponendæ, & assensu jugiter cohibito, atque præfatus observantiam suam erga communem fideliū Matrem. Quo sane intemerato ad Ecclesiæ nutus omne obsequio meruit, ut ad generalem Cleri Gallici Confessionem Diœceseos suæ nomine mitteretur anno hujus sæculi XL atque in generalem Agentem, ut vocant, seu Procuratorem totius sacri Ordinis eligeretur. Quo tamen non functus est munere, id honoris lubens concedens Ecclesiastico nescio cui, in quem Cardinalis *Richelii* favor procumbebat, cum non satis nosset *Gassendum* summus ille rerum nostrarum Administer, qui tamen Eruditorum fautor fuit sed ea infelicitate sua ut primarium Galliæ & ævi sui decum ignoraverit. Obfuit nempe Viri Sapientis modestia, cujus in nonnullis desiderium id semper efficit, ut Principibus notiores sint homines levis armaturæ, petulanti ingenio & vulgari doctrina præditi, quam illi graves Musarum mystra, qui famam aucupari, Magnum favorem ambire

&amp; adu

& adulatione nummos conquirere virtuti suæ haud consonum putant; *Nec fumum ex fulgore, sed ex fumo dare lucem cogitant.* Verum obiter illud in *Gassendi* laudem & *Richelii* gratiam: quippe satius est illam assignare causam, cur omnino præteritus ab isto Mæcenate fuerit *Gassendus*, quam fateri haud ignotum extitisse, sed insuper habitum; quod cadere non potuit in Eminentiſſimum Heroem, quem Iugent adhuc Musæ & Gratiæ, quibus condire solebat quæ sunt alias amara ingratis & invenuste doctis quam multis pariter & indoctis deglutienda, quoties scilicet clavo admoventur Numinum istorum contemptores. *Quod procul à nobis avertit, qui cuncta gubernat*, ut eò *Lucretii* verba detorqueam, & temporum nostrorum felicitatem paucis perstringam. Verumtamen cum eò devenerim, ut nonnulla scitu digna subnectere possim posteris profutura, quandoquidem monitis non eget ætas nostra, per tot egregia nimirum facinora, quorum rationes & argumenta in mores nostros jam abierunt, nec *Gassendi* tantum, sed Philosophiæ causa agatur, non inconsultum erit uberius rem prosequi, & dolore incuriam, seu infelicitatem Principum, qui vere Doctos & Sapientes Viros, aut non advertunt secum habitantes, aut temnunt mites & modestos, aut reformidant oculatos nimis & sagaciores. Et vide, quæso, *Richelii* fatum, qui Philosophos quotidie admittens exercendi acuminis gratia Peripateticos, nunquam audivit illum, qui non solum Peripateticorum sanior doctrinam, sed Syllogismorum captionumque Dialecticarum laqueos, & *exercitatus, non ex forma, & aspectus*, aliosque id genus gryphos in numero habebat; qui vero his superaddebat Stoæ, Horatorum, Academiæ, & nullius non Methodi scientiam, qui nullas non disciplinas callebat, qui omne immensum peragraverat mente animoque. O quam deperiisset *Armandus*, si satis nosset Philosophum istum non ignava opera, qui Philosophica erat sententia: quandoquidem tantum præ se tulit amorem vulgaris illius Philosophiæ & humanioris literaturæ! Hæc duo prima occurrunt magnatibus in atriis & pergulis Palatiorum; quæ torva, aspera vel ludibunda & aliquando nugatoria, officiunt solidioris doctrinæ existimationi; quippe uno ordine censentur omnes disciplinæ, & crimine ab uno discuntur omnes. Ita Principes arbitrantur, totum illud quod Philosophiæ ambitu continetur, simile esse rudimentis & progymnasma.

tis Scholarum, Rhetorum scilicet, Poëtarum, & Dialecticorum, quorum ipsi specimina edidere, vel quæ postmodum Aulici nonnihil calamistrata in Aulam deportant & divendunt; quibus vero fuctum facientes emptori, id consequuntur, ut nec probatæ nec lustratæ bonæ merces rejiciantur. Hinc exploduntur Artes ingenuæ, sana mens & vera eruditio; nec parcitur illis scientiarum interpolatoribus, quorum conditio nequaquam melior existeret sorte bonorum, nisi semel in animum induxissent omnia perpeti opprobria, rumorem parvi facere, dum sit rumen qui impleant, Verum aliter fit cum verè Philosophis, quibus cor rite salit læva sub parte mamillæ, nec sustinet os honestum infrunitotum & maleferiatorum hominum insaniam. Ita factum memini ut *Renatus Cartesius* in Aulam vocatus, quamprimum in Hollaëndiam redierit fermè in salutato Aulæ limine, Nequerenuerit tamen rursus se Oceano committere accersitus à Regina Sueciæ, quæ tunc temporis Viros doctos undiquaque accersebat, Sed neque eo loci satis convenisse audio huic Philosopho cum Grammaticis & Pseudophilosophis, seu cum anseribus & corvis olores inter advolantibus, quibus aurem facile commodant Principes. Quicquid illius sit ut vineta cædathus nostra, non sine publico damno *Gassendi* Virtus in obscuro latuit apud rerum Magistros, qui beneficia, mûnera, vel opes largiores nactus, uti portuisset in publicam utilitatem, ad arcana Naturæ deregenda, ad illustranda vitæ commoda, ad sublevandam pauperum inopiam. Vetus est querela, bonæ mentis sororem esse paupertatem; nec enim tam bene rebus humanis fatò consulitur, ut bonis semper bene sit: quanquam non male fuerit *Gassendo* propter istam præteritionem, cui nihil eorum defuit, quæis dolet humana sibi natura sorsque privata negatis, licet non fuerit facie notus, vel munere auctus, vel opibus donatus à Magnatibus. Quod tamen recensendum duxi ad Viri modestiam & *avertit præter* confirmandam, non vero quod sperem, ut in meliorem frugem reducantur, si qui oriantur olim, quod Deus aveitit, rerum humanarum moderatores, quorum fortasse intererit, ut ingenii, Virtutis, & pietatis rationes susque deque habeantur. At istarum omnium rerum interesse existimavi, ut subinde audeat aliquis sæculo suo, si meruerit, gratulabundus, in prisca tamen oculos retorquere, & exoptare venturis, ne unquam in societate civili exoriantur vomica & carcinomata, quibus morbis

morbis genus humanum laborare videtur, quotiescunque regendum traditur infacetis, imperitis, ingloriis Terræ filiis, id sibi tantum negotii datum existimantibus, ut Reipublicæ artus universos depascentur, & luccum nutritioni corporis destinatum in pus, tabem, & saniem introrsum latentem convertant. Sed iterum è diverticulo in viam.

Ad privatam *Gassendi* vitam sæpius attendens, Anachoretam aliquem cernere mihi videor, qui media in urbe vitam instituit plane ad Monachi severioris normam; adeo paupertatem, castitatem, & obedientiam coluit, quanquam sine ullo voto tria ista vota solvisse videatur. Parvo contentus vixit, nulli invidens divitias operosiores; opulentiorem favore nihilo factus ditior, elargiens autem ipse è suo liberali manu, quoties se dabat occasio sumptus faciendi. Abstemius erat sponte sua, ptisanam tepidam bibens pulmoni refrigerando humectandoque: nam existimabat altius liquorem penetrare vi caloris immixti; allerebatque cum tertiana laboraret aliquando expertum fuisse, vix quattam se adhibuisse siti extinguendæ tepidi liquoris partem, cujus frigidi triplo majorem mensuram hauserat in præcedentibus paroxysmis. Carne raro herbis sæpius, ac macerata offa mane & vespere utebatur. Spectandam præbuit in humilitate obedientiam, qua nulli unquam se præposuit, nulli contendenti non statim loco cessit, nihil scripsit quod sufficere & sui plenum hominem sapiat, quemadmodum excidit aliquando Viris magnis multa volumina scribentibus. *Tu me ut voles alloquere* (ad *Cartesium* respondens) *nam per me quidem integrum tibi est affari non modo ut carnem, quæ vox scilicet tua occurrat, ut esset menti dandis, sed etiam ut saxum, ut plumbum, & si quid putet esse obtusius.* Et articulum illum claudens verba addit elegantissima, quibus & simul modestissime, solus de se ipso ausus est aliquid affirmare. *Tametsi enim carneum me dicas, non ideo facis exanimem; ut neque tametsi te mentalem geras, idcirco facis ex carnem.* Quare & permitendum tibi, ut pro genio loquaris tuo, sufficitque ut Deo propitio, neque ego sim plane caro sine mente, neque tu plane mens sine carne; & neque tu supra, neque ego infra conditionem hominis simus: quamvis tu, quod est humanum, recuses, ego id à me alienum non putem. An in controversiis Religionis pertractandis ullus unquam inter torremios religionum hominum ordines humilitatem professus, tanta cum

moderatione de se ipso sensit, tam modeste egit, ut arctius se continuerit intra justum inculpatæ tutelæ moderamen. Et illa fuit Modestia tanto ingenio & tantæ eruditioni coniuncta, quæ omnibus acceptissimum reddidit *Gassendum*. Quamvis enim magna quæque & excelsa sui admirationem facile concitent; non tamen ingenerant semper amorem sui & charitatem, si difficilem per superbiam & torvitatem seu per ardua & obrupta accessum habeant. Nimirum nemo non exoptat sibi quod in alio ad probandum cernit; & quanto quisque in meliori luto ficta præcordia habet, tanto magis præcellere cupit. Acclivem igitur Virtutem quæ bonus conspicit non desperat montem aliquanto se superaturum, & templa illa Sapientum serena consensurum, quæ radii solis jugiter illuminare videntur. Amabant omnem cum primum cernerent *Gassendum*, ob illam scilicet comitatem, mansuetudinem & modestiam, quibus se adeo demittebat ad cuiusque accedentis mensuram, ut modo puerum dixisses, vel è plebe literatorum aliquem, atque genio sese accommodans & captui auditoris, sibi quisque sperabat idem, nemo non existimabat facili negotio eodem se modo Philosophaturum, & Naturæ arcana referaturum: verum sudabat multum frustra que laborabat ausus idem. Itaque adeundus erat rursus blandus ille Doctor, qui semper paratus erat amicis & merentibus operam navare, & ulterius promovere veritatis amantes. Hinc charissimus vixit Viris quoque Nobilissimis & Principibus nonnullis, animo scilicet cultoribus quam solet esse illud genus hominum. *Peireskium* quid memorem, vel *Campinios*, *Luillierum*, aut *Christinam* Serenissimam Sueciæ Reginam, cuius Epistolæ fidem faciunt, quanti fecerit *Gassendum*, quum Musis alias Princeps illa operaretur, tantam sui doctis venerationem, & bonis Artibus tantam incrementi & futuræ laudis spem ingenerans; vel Illustrissimum Cancellarium *Petrum Seguerium*, qui in illo honorum fastigio cum doctis congregi, & *Gassendum* imprimis audire gaudebat, vel illum denique, qui unus instar plurium esse poterit, *Ludovicum Engolismensem* Ducem, ultimum stirpis Regiæ *Valesiorum* surculum, & *Te Mon-Mori*, cuius familia non minus illustris est pietate in Deum, quam doctrina & nobilitate: nolo enim recensere Viros omnes in ætate & genere claros *Gassendi* Amicos, vel tuarum laudum præconiis instituere. Testor tamen illa tua verba, quibus nuper significabas,

ficabas,



ficabas, Te non minus exosculatum esse in *Gassendo* pietatem sinceram, quam cæteras ingenii dotes eximias. Gratulor autem imprimis, quod mihi copiam feceris *Comentariorum* & *Secularum* optimi Principis, in quibus datum animadvertere quam amice egerit cum *Gassendo*, de rebus gravissimis & ad Rempublicam spectantibus Philosophum, & de sacris Theologum consulens. Et si editæ testentur illud Epistolæ, benè multa sunt tamen ipsius *Valesii* manu exarata, quæ non minus confirmabunt aliquando, si tempore suo in lucem prodeant, Illustrissima Heroïna conjugemittendi curam tibi tradente, intimam fuisse animi cum *Gassendo* conjunctionem, quam Principi doctissimo fuisse ingenium defæcatissimum & pietate Virtutibusque Pacis ac Belli instructissimum.

Cæterum, ut istorum finem faciam, in praxi Religiosa ex quo ad sacrum Sacerdotium adnotus fuit *Gassendus*, nulla dies Dominica vel Sanctorum publicæ commemorationi dicata præterit, quandiu nulla fontica causa vel quid gravius impedit, quin augustissimam cærimoniam ad altare tremebundus accedens celebraret. Ritus Ecclesiasticos ad unguem callebat omnes, & rationes expeditissime reddebat, tempus assignabat, nominabat Authores, quibus singuli fuerant constituti. Quorum omnium curiosissimum extitisse satis apparet, velex libro de Notitia Ecclesiæ Dinienfis edito, ex Calendario Romano, & passim ex aliis. Nam inferri debet quid majus ex legatis Testamento ducentis libris Turonicis, ut quorannis die obitus sui Sanctissima Missa, in quo sepeliendus erat sacello celebraretur; tum aliis sexaginta tribus annui redditus concessis, ut idem Dinia præstaretur, & in pauperes fierent largitiones. Verum de pietate summi Viri satis dictum esto. Est nunc, ut de ingenio nonnulla subjungam, quandoquidem scire, qui bonum Virum facile crediderint, magnum non adeo libenter. Unde autem illud, paucis aperiâ.

Cum neuiquam *Gassendus* careret ingenii acumine, sermonis facili nitore, urbanitate, & salibus Provincialium suorum ingenito lepore, atque cæteris τῶν χαρίτων dotibus; iudicii tamen & Sapientiæ potiores esse partes existimans, tardior in dicendo & subtilior visus est in interiora nondum admissis; quanquam blando & renidenti vultu obvios quosvis exciperet & alloqueretur. Verum nequaquam eum sibi finem proponens in quem plerique collineare videntur, ut subtilitatis & dicacitatis lau-

laudem consequeretur; præterea non ignorans, quam  
 facile esset apposite loqui ex tempore, neque id curans,  
 nugis adderet pondus, quod passim faciunt nonnulli, tu  
 voce veluti in minas elata, tum vultu ad audaciam quanda  
 composito; quam vero diversa fierent de rebus etiam co  
 pertissimis judicia; sententiam suam promere temerari  
 ducebat, antequam expiscari potuisset, quæ mens esset  
 ditoris, quas haberet præjudicatas opiniones, ne incassu  
 loqueretur, vel ingratum faceret, aut pipulo se differendu  
 exponeret. Itaque adventantes Viros literatos non stat  
 verbis obruebat incondite prolatis; pauca tantum in ber  
 volentiæ signum & grati animi testimonium proferen  
 cum se non existimaret dignum, quem eruditi inviserent,  
 quidquam addiscerent; neque ipse eruditos inter nom  
 suum profiteretur; sat magno apponens lucro, si æqui b  
 nique consulerent affectum, quem in eruditionem & Phil  
 sophiam haberet. Studia sua ad aliud se nunquam direxiss  
 nisi ut se ipsum erudiret & meliorem redderet. Si quæ a  
 tem in lucem prodissent, factum id esse amicorum cul  
 siue consilio, qui exempli forent alicujus, & adhortamen  
 studiosis, ut Libris incumbentes aliquando majora præst  
 rent: neque ausum fuisse, quamvis revera jure debuiss  
 reculare; Symbolam suam conferre, tenuem adeo & ta  
 parvi momenti, ac proinde prorsus inutilem juvandis ca  
 terorum studiis. At ubi in medium proferebatur quæst  
 de qua sententia sua rogaretur, præfari solebat quàm a  
 gustis limitibus humana mentis scientia circa res natural  
 cohiberetur; & ipse in primis quam ignarus esset istoru  
 omnium, atque inidoneus tarditate ingenii promovend  
 scientiæ istius pomariiis. Cum non diffiteretur, sapius  
 animum suum torsisse in eadem illa quæstione enucleand  
 neque quidquam adinvenisse, quod sibi nedum aliis sag  
 cioribus satisfacere posset. Et quidem meminisse, non  
 mel habitos hac de re sermones cum optimo *Peireskio*, q  
 somnia enarrantem audiebat, & nugas suas per justitiam  
 secessu Belgencenariorum amenitate loci ductus lubens adm  
 tebat. Verum ubi somnia, nugas suas, & deliramenta  
 narranda suscipiebat, animo erat maxime attendendum,  
 doctissima atque sapientissima ratiocinia erant expectand  
 Præmittebat autem, ut velitationem institueret, veluti e  
 ploratores quosdam & primipilares propositiones quasda  
 universaliore, quibus notum fieret qua via incedere par  
 ba



bat; quæ principia admitteret. Si quis autem in limine hærebat ob ignorata hucusque elementa, seu iter non allue-  
tum, calcare renitenti non addebat, sed præcedens quasi ma-  
nuduere conabatur: Cui operæ si morositas quædam ob-  
esset, & calcitronem quendam offenderet, verbum ultra  
nullum, aut operam sumebat inanem. Confestim igitur  
linebat quemque sibi sapere, & è vestigio rursus causaba-  
tur infirmitatem suam & humanæ mentis caliginem, per quam  
non licet longum iter in investigatione rerum naturalium  
instituire. Dein aliis lampada tradens occasionem dabat  
fusse differendi; neque hilum ducebat, vel minimum com-  
motior videbatur, si quando senex coram juvene obmutes-  
ceret, & discipulum ageret, qui doctorem cœperat. Inter-  
ea libenter Sigalioni litans mirabatur tacitus multorum lo-  
quendi pruriginem, mores intempestivos, temeritatem; un-  
de factum procul dubio, ut istam ad silendum proclivitatem  
interpretari sint nonnulli tarditatem ingenii. Quæ quidem  
nulla fuit, ut conjicere licet vel ex acutissima Disquisitione  
Metaphysica, quam intra paucos dies tam miro ordinavit  
artificio, ut adversario subtilissimo omnem respondendi an-  
sam omnino præripuerit. Opus sane tereti filo & eximia saga-  
citate ad umbilicum perluctum satis mirari nō poterat *Tho-  
mas Hobbius*; qui Heroem nostrum nusquam majorem ap-  
parere pronunciabat, quam in retundendis larvis, tenues in  
auras tam facile diffugientibus, gladio imperviis, nec ictum  
clavæ excipientibus. Ita enim sentiebat Vir emunctæ naris  
de Meditationibus *Cartesii* & de illa *Gassendi* Disquisitione,  
quæ primum posteris exemplum dedit refutationis numeris  
omnibus absolutissimæ, qualem esse decuit Philosophi acu-  
tissimi, Viri doctissimi, qui Gratiis non minus quàm Mu-  
sis litaverat, & præsertim hominis Christiani, cui nefas  
*λοιδορεῖν καὶ πλειδορεῖν*, cui vetitum est obrectandi & ma-  
ledicendi ferram reciprocare: sed cui licet in hostem tela  
sua amica manu, nec ferendi animo retorquere. Ita se  
gessit Vir optimus in refutando *Cartesio*, ut præter lepide  
quædam dicta nihil invenias, quod adversarium pungat: vel  
si quid tangat cutim extremam, illud quidem blande, mo-  
deste, & cum significatione quadam benevolentis intro-  
sum latentis, & cui renovandæ paratissimus esset. Quem-  
admodum re ipsa fuit, ubi elapso vix quinquennio occasio-  
nem habuit *Cartesium* Lutetiæ amplectendi, & proum  
affectum in laudes tanti Viri patefaciendi. Copula scilicet

tantorum Virorum Abbate *Cajare Estrao*, qui nunc Episcopus Laudunensis factus, inter Franciæ Pares gradum stitit nobilissimæ non minus quam infusæ & meritis debitum obtinens, non tamen deposuit bonarum artium curam; quæ aliis contigit aliquando, non quidem illis, quos evehit adens ad sidera Virtus, sed quos illa ludum insolentem dedere pertinax fortuna rebus humanis præposuit. Illustratus ille Præsul prandio excipere voluit una cum *Gassendo Cartesio*, & *Joanne Launejo* suo Theologo Parisiensi, *Ægidium Personerium Robervalium Mathematicum*, *Michaelem Marollum* Abbatem Villalupensem, *R. P. Marinum Messennum*, & *Hilarium à Costa*, *Mari Vallium* illum Abbatem qui in Americam transfretaturus in ipso portu Lutetiæ Parisiorum naufragium fecit. *Gassendi* obortia noctu invaleuit non permisit, ut conviva adesset: Itaque ad illum sub vesperam properarunt, Magistro convivii dæte, & deleta sunt omnino præteritorum memoria. Sarta enim tecta, deinceps mansit inter illos amicitia, saltem per *Gassendum*, qui honorificam in opere posthumo nunc in lucem prodeunte *Cartesii* mentionem fecit; quamquam non prorsus exuisse hostilem animum visus fuerit *Cartesius* in responsionibus Galicis ad Instantias eodem anno editis. Atque utinam, si quæ oriantur in posterum, quod absit tamen, inter Viros doctos dissensiones, attendatur sedulo ad exemplum mansuetudinis, non minus quam solertiæ & acuminis, cujus satis amplum specimen edidit *Gassendus*, unde judicari possit, an ingenii acutissimi titulum meritus fuerit.

Desiderant alii nonnulli in Philosopho nostro Mathematicam profundiorē, quia nihil, ajunt, scripsi protulit, unde conjiciendum præbeat ulteriores in Geometria & Arithmetica progressus, & inde etiam ejus acumen obtundere nituntur, vel quid laudibus immensis detrahere volunt. Verum nihilo inferior summis Mathematicis fuit *Gassendus*, quamvis ignoraverit, vel potius discere neglexerit nonnulla, quæ nullius usus esse noverat, impensæ vero, hoc est temporis in acquirendo sat longi. Nimirum satis esse duxit vitæ humanæ brevitate advertens, & angustias mentis nostræ dimeriens necessaria tantum comparare, & ea sine quibus ad Philosophandum se accingere non poterat, non invidens aliis, qui totæ Geometriæ vel Algebræ incumberent, subtilissimum inventionum gloriam. Præ oculis semper habuit ultimum Philosophandi scopum Felicitatem, quæ in corporis bona vale-

rudin

tudine & animi tranquillitate tota consistit. Ad utramque partium istarum recta collineare existimavit rerum naturalium cognitionem: Itaq; ex univ.erso scientiarum ambitu ea tantum collegit, quæ præcipue ad institutum suum facere viderentur; haud imitatus imprudentem viatorem, qui ad loca quoq; amœna deflectit, immemor patriæ vel termini peregrinationibus suis præfixi. Equidem ita se gerunt pleriq; eruditorum, doctrinarum Oceanum ingressi & veluti varia appellentes ad litora. Nec tamen deteriores sunt illi vel insubiores, quæ ætate nondum adulta studiorum cursum, ut vocant, instituentes, & libros omnis generis evolventes, tradunt se alicui disciplinæ, cujus dulcedine capti fuerint præter mentem suam, vel contra propositum ad aliam concedendi, quæ paulo remotior erat. Quos nequaquam magis dammare velim, quam Mercatorem Batavum culparem, si quis in Indias Orientales navigaturus mercibus reportandis, quibus di-rior factus Amstelodami demum senex in otio degeret; in Insulâ tamen fortunatis vel alibi Terrarum manere veller, & inquilinorum mores arridentes induere. Detinet Eloquentia quam multos egregios Viros: quot alios Ars Poëtica, quot Mathematicarum partes singulæ, quot Juris, Historiarum, Politices, Medicinæ Scientia? Disciplinarum nulla est, quæ amatores suos non habeat, & sua cuique Minerva placet, adeo ut despectui sint aliæ, & pudeat Geometram ad Orationis elegantiam & flosculos attendere, misereatur vero Oratorem infantia & inconcinnitatis styli Geometrici; Poëtam rideat Jurisperitus, & ab inamœna Jurisperiti occupatione abhorreat qui fonte labra proluit caballino. Quicquid sit illius mutua subsannationis, verum est Matthesin illam abstrusissimam non multum conferre, ne quid gravius dicam, ad recti rationis adeptionem, & ad rerum naturalium illustrationem: Cum nemo non norit insignes in arte Analytica, vel in Sectionibus Conicis Mathematicos interdum nihilo in cæteris rebus existere oculatiores. Ideoque temporî parcendum, nec se pluribus impedimentis onerandum suscepit *Gassendus* noster, qui vel solo Euclide armatus, altior veluti præinctus, satis instructus sibi videri potuisset debellandis errorum monstris, vel Physicæ difficultatibus referendis, quæ potissimum Felicitati obicem opponunt. Apparet quam facili negotio penetraret in intricatissima quæque, ubi Astrologiam explodit, in cujus nugas non dedignatus est descendere; ubi *Fluddum* exagitavit, ubi in Aristoteles signa contulit, ubi sola sermonis usus perspicuitatem nihil

enarrandum statuit, quod non statim percipiatur, sine ullo molimine, sine ullo figuratum apparatu, quas adhibent aliquando nonnulli ad ostentationem, vel solertiæ istius defectu, quæ certe sagacissimum ingenium, & ad omnia studia natum innuere videtur. Sed quid ego natum dico ad abstrusissima quæque disciplinarum Virum doctissimum, qui reipsa penetraverat in adita, recessus omnes lustraverat, nulum non moverat lapidem, ut veritatem erueret? An scilicet, qui in Scholasticorum libris aliquandiu impalluit, qui Astrologiam, & nullas non scientias, etiam nugatorias excutere gessit, omnium primarias præterisset? Quantus fuerit in Astronomicis nemo dubitat; atque utinam sibi temperare potuisset ab Astorum inspectione, qui nocte intempesta siderum motus, quotiens cælum erat serenum, observabat, non sine magno valerudinis suæ dispendio; quamvis statim post occasum solis caput muniret pluribus tegumentis, retundendæ aëris noxæ quam gravem sæpius expertus fuerat. In Opticis autem haud minor exstitit, quod nos monet observatio de visione distincta per oculorum alterum facta. Quæ circa motum commentatus est, Geometram acutissimum sapiunt, qualem se gessit in detegenda fallacia circa inventionem Longitudinum, de qua non nemo gloriabatur. Etiam de Musica libellum scripsit; nullam denique partem Mathematices intactam inexpugnatamque reliquit. Quare inter Mathematicos merito refertur à Gerardo Ioanne Vossio, qui de Gassendo ita loquitur, Anno M. DC XXVIII. *ac deinceps varia doctrina, imprimis Mathesi, eluxit Petrus Gassendus Gallus, cuius singularem & multijugam eruditionem non potui non mirari, cum Belgicam hanc lustrans Anno M DC XXIX, inter alios, me non semel salutatione & alloquio suavissimo dignaretur.* Nec aliter Reverendus Pater Ricciolus in Catalogo Chronologico Mathematicorum eximio operi præfixo, quod *Almagestum Matheseos* appellavit, Verum à Sapiencia, non à Mathesi, præcipuum esse Gassendum lubens concedam; qui summus quidem Mathematicus, sed idem sapientissimus fuit, & sapientiæ suæ famulas disciplinas illas adhibuit. Non essent hîc loci innumera, quæ in confirmationem illius sapientiæ afferre possim, silentio prætermittenda, & memorandi jam occurrerent viri orbis totius literati sapientissimi, qui primariam illam virtutem in Gassendo colebant; Sed in immensum opus excurreret. Id partim ex-

sequitur

quentur Epistolæ; & alibi ostendent illi ipsi Viri magni, qui in operibus suis amicam *Gassendi* mentionem facere inter titulos suos merito posuerunt. *Peireskium* quid nomen & *Galterium*, *Valesium* Principem, *Varium*, & *Varii* in amando *Gassendo* æmulum illustrissimum *Petrum Seguerum* togatorum nunc Principem, *Luillerium*, *Campinium* utrumque, & alios quos jam inuimus, nec quisquam ignorare potest, qui *Gassendum* norit. Vel quid in medium afferam quotidie accedentes, magno ambitu amicitiam suam optimo Virorum offerentes; aut quos ille sibi in itineribus suis devinxit, quod laudata *Vossii* verba satis demonstrant. Paucos igitur seligam, quos esset piaculum præterire, quippe interioris notæ & omnium horarum Amicos, vitæ testes, studiorum socios, ejusdem sapientiæ cultores. Primus occurrat *R. P. Martinus Mercennus*, Religiosorum Ordinis Sancti Francisci à Paula Minimorum decus & ornamentum, qui dum vixit Luretiæ Parisiorum tersius Philosophantium commune centrum fuit. Ad illum pergebat *Gassendus* singulis diebus Dominicis mane, sacris operaturus, & deinde amico confabulaturus. Atque eò tum confluebant docti permulti, ut tantorum Virorum colloquia audirent. Visus ibi à me primum *Carolus Dubiscius*, *ἐὼς ἐσφίς*, quem per transennam *ἐὼς ἐσφίς* in *παρόδῳ* laudare, Virum supra omnem laudem positum, non debeo; & *Thomas Hobbius*, *Gassendo* Charissimus, cujus libellum de corpore, manibus *Prætei* nostri paucis ante obitum mensibus accipiens, osculatus est subjungens, mole quidem parvus est iste liber, verum totus, ut opinor, medulla scatet. Annumerandi veniunt *Puteani* fratres celeberrimi; *Ismaël Bullialdus*, *Philolaus* alter, nec pietate minus & omnigena eruditione, quam Astronomica scientia conspicuus; *Gabriel Naudæus*, librorum helluo, qui callebat varias cujusque editiones, qui si quid forte luteret, indice monstraret digito; *Ludovicus Iacob Cabilonensis*, hac in arte à *Naudæo* non divellendus, sed morum suavitate potior; *Ælius Diodatus*, senex intemeratam probitatem eximie eruditioni & sagacitati conjungens; & *Franciscus Motha Vahyerus*, Aulæ nostræ *Seneca*, cujus sapientia Regibus & Regum Fratribus instituendis dudum selecta fuerat, in quem vero illud *Casparis Barlei* adscriptum Iconi *Vossii* usurpare possum,

*Et puer, & juvenis chartis impalluit, & Vir,*

*Et nunc non alium se cupit esse senem,*

Non cessat enim inter Aulae ministeria, & in senili ætate, eundem profiteri in bonas disciplinas affectum, & patriam suam scriptis ornare ære perennioribus. Ad istum inter Amicos intimos vetustissimum hospitem divertere solebat nonnunquam *Gassendus* Lutetiam appellens; *Iacobus Valesius* Gratianopoli Franciæ Thesaurarius, in Mathematicis versatissimus, Nec postremum locum obtinere debet *Ioannes Capellanus*, cujus in Testamento meminit *Gassendus*, qui verò *Virgili* famam in Gallia Heroico Poëmæ consequutus, excultum habet omnifaria eruditione & Philosophica præsertim modestia ingenium; vel *M. Nevræus*, acerrimus ille *Gassendi* defensor, quotiescunque dentata opus fuit charta Amico propugnando, quod plus satis probavit in illum *Ioannem Baptistam Morinum* *Φιλόσοφον*, qui livido morsu *Gassendum* petere præter omnem humanitatem ausus fuerat, forsan ut ista immanitate inclaresceret, qui aliunde non poterat. Quod tandem advertens *Gassendus*, dolebat quidquam repositum fuisse ab Amicis, *Nevræo*, inquam, & *Bernerio*, & vel Apologiam suam expungi operum suorum Catalogo æquo animo passus fuisset. Et præsertim si adversario suo supervixisset, ne Legem Solonis violasse videretur: *τὸν τὸ θ. κ. ε. μὴ κακῶς ἀγρόπνεον*; & *Illius Planci* memor, cum mortuis nonnisi larvas luctari, vel *Euripidis* apud *Strobæum* *Grotio* interprete,

*Mors iurgiorum finis est mortalibus:*

*Nam majus aliud letho quid potest dari?*

*Molem quis autem saxeam hasta verberans*

*Cicat dolorem, mortuumve injuriis*

*Frustra laceffens, nulla senjorum mala,*

Cæterum is ille *Nevræus* est, qui *Gassendi* vitam unus potest immortalibus suis coloribus repræsentare. Aut *Franciscus Bernerius*, qui non solum stylo acutissimo confodit adversarium, *Muris* ridiculi *Anatomiæ* faciens, & favillam *muris* dispergens, sed, quod pluris duco, qui secutus est Optimum Præceptorem suum *Tolonam*, *Diniam*, & *Lutetiam* *Parisi*orum, lateri semper adhærens, nulla non reddens officia, & oculos demum mœstissimus tanquam parenti Charissimo claudens. Inter Amicos istos ab annis hisce viginti sedem occupaverunt Viri duo *Gassendum* mire ingenio & sapientia mihi nunc referentes, *Abrahamus Præzeus* Medicus doctrina & judicio cum paucis conferendus, nisi *Socratem* *Hippocrati* superaddens, utrumq; *Φυσιολογίας* facias;

facias; cujus quoque in Testamento suo mentionem fecit *Gassendus*; & *Thomas Martellus*, qui Philosophica studia negotiis publicis absorptus non intermisit, ut quam in Theoreticis disciplinis solertiam præbuit, in rebus agendis retinuerit. Par istud Amicorum nunquam divellebat *Gassendus*, & trigam ego sæpius faciebam, ex quo mihi conciliaverat amicitiam *Gassendi*, *Samuel Petrus* Avunculus meus. Nam una Philosophum nostrum adire solebamus, & domum reduces ejus aurea dicta excerpere, facta recolere, & in ejus mentem veluti descendere. Quod illis sane non parum profuit ut in tantos Viros evaderent. Nec reticendus Filius tuus *Ludovicus Henricus*, qui tum summæ spei Adolescens, jam Senator Parisiensis in Supremo Regni Senatu, vaticinia *Gassendi* adimplere felicissime cœpit. Adeo ut vestigia tua arcte premens, non solum Te, & *Habertos* omnes imitandos nunc sibi proposuerit; sed vel in ipso literarum tyrocinio *Budaum* suum Græce loquentem auditorio frequentissimo retulerit. Neque semel jam memorasse sufficit Illustrissimum Laudunensem Episcopum *Cæsarem Æstreum*, eruditorum fautorem pereruditum, qui non tantum doctrina labore parata, vel Familiæ suæ splendore antiquissimo, verum innatis excultisque Virtutibus totus circumfulget. Hunc Præfulem inter paucos *Gassendus* habuit amicissimum. Redamavit præterea *Gassendus* egregios multos Viros, *Ægidium Menagium*, quem nominare toto orbe Terrarum celeberrimum ut sat laudum tribuam, sufficit; *Conrardum*, humanissimum Virum, auctoribus optimis obstetricantem, *André d'Aux*, nec tantum Gallicæ facundiae summum censorem, sed, quod stupendum, sine ullis Græcis Latinisve literis veterum mentem ita assequutum, ut aliquando eorum Interpretes lapsuum & errorum monuerit; *Knelmum Digbium*, Equitem Anglum, non minus doctrina & sapientia, quam generis nobilitate, & dum res Regni stabant, publicis muneribus, Magni illius *Verulamii* desiderio, patriam suam feliciter consolantem; quo Viro Roma redeunte donatus fuit *Gassendus* Telescopio *Eustachii* illius divini arte elaborato, quod *Galileano* suo anteponebat; *Michaëlem Marollium* Abbatem Villalupensem, oris præstantia, sed magis animi robore Heroas suos referentem, qui tot elegantissimorum Poëtarum Latinorum fidus interpret, patriam suam locupletavit quidem alienis opibus, verum privavit suis: nam Vir alti spiritus poterat eloquentiam, quam in foetibus aliorum



suscipiendis impendit, in usus suos convertere, & ipse e  
 socundissimo ingenio suo plura promere immortalitate di  
 gnissima; *Ioannem Launoium*, Theologum Parisiensem,  
 qui Conciliis omnibus interfuisse videtur, unde aliis tot in  
 audita referre potest; *Franciscum Tallemannum* Abbatem  
 Græcis adeo literis imbutum, & inamœna studiorum Au  
 læve lato risu, vocatis scilicet Camænis, temperantem;  
*Franciscum Barancium* & *Balthazarem Monconisum* ad un  
 guem factos homines, amara curarum eluere efficacissimos,  
 quorum iste regiones tot exteris lustravit, & tanta quidem  
 cum perspicacitate; *Petrum Moinerium* nostrum *discepo*,  
 virtutibus subactam mentem, & maceratum bonis artibus  
 ingenium in Aula nunc retinentem; *Franciscum Henrijanum*  
 Patritium Lugdunensem curiosissimum: cui quantum de  
 beat editio ista nemini compertius quam tibi, *Mon-mori* Il  
 lustrissime, quem sollicitudinum parte gravissima levavit  
 Vir iste lucubrationum *Gassendianarum* ab interitu vindic  
 endarum studiosissimus; *Guilielmum Barberium* quidniā  
 partes vocem, Typographum egregium, qui vitam Epicuri,  
 & Animadversiones in X. Laërtii elegantissime excudit, &  
 doctos omnes ita deperit, ut fortunarum suarum rationem  
 non habeat, si quid operæ præstandum sit; vel *Petrum Gui  
 sonium* Cavallionensem, juvenem in Philosophicis & Ma  
 thematicis versatissimum; *Elzearium Carolum* Abbatem  
 Avenionensem, egregium prudentiæ & moderationis exem  
 plum, qui tot annos Aulæ fluctibus irrequietis ratim credi  
 dit, ut in eam quam assequutus est tandem tranquillitatem  
 appelleret. Cum primum enim potuit extricare se mole  
 stissimis negotiis, Oceano illi infido æternum valedixit, &  
 in Musæum suum sese abdedit, solis literatis viris visendus;  
 unde autem ipse, tanquam ex specula, videns nunc sua sine  
 parte periculi sævos maleferiatorum hominum lusus, qui  
 bus tamdiu iniquitate fati volēs nolens interfuerat, ridet mi  
 feram ambitionem Aulicorum, qui sæda Magnatum man  
 cipia, nec sui plane juris esse sciunt, nec dominos graves  
 adsciscere æquo prorsus animo possunt. Verum semper  
 de Fortuna conquerentes, Fortunam tamen venerari non  
 desinunt: cujus neque rictum vanissimum audent sperne  
 re, neque superba fastidia perpeti, aut procul amoliri que  
 unt; *Capellam Luillerium*, cujus versus illi hendecasyllabi  
 cultissimum ingenium satis superque monstrare videntur,  
*Franciscum Verduisum*, Patricia familia Burdigalensi na  
 tum,



um, qui tutoris fraude adolescens amplissimo patrimonio privatus, scilicet: *Dum peregre est animus sine corpore velox*, solatium nunc quærit in bonis artibus, quarum amorem gello & purpura potiorē habuit; Nobilissimum Virum *Alexandrum Delbenum*, rerum ad Physicam spectantium curiosissimum; *Ludovicum Nublaum*, Jurisconsultum tam probitate, quam doctrina & rara ingēni felicitate omnibus acceptissimum; *Balthasarum de Vias*, Apollinem Massiliensem; *Carolū Pererium*, doctis adeo versibus ludentem, in quem Virum aut Heroa Lyra, vel acri tibia sumat celebrare; *Carolū Guilletum*, seu mavis, *Calvidium Latum* quo primum nomine usurpato Callipædiam suam emisit in lucem, an satis placeret opus elegantissimum probaturus; Et *Marinum Curam Cambram*, Medicum, qui primus Aristoteleam Philosophiam & Platonica ratiocinia cultiore cultu ornata deduxit in Aulam nostram; *Petrū Guillielmum* & *Carolū Sponium*, Medicos quoque Lugdunenses non modo doctissimos, sed felicissimos, seu rectius dixerim, ut felicitatis istius causam complectar, sapientissimos; *Petrū Petitum*, Regiis arcibus muniendis præfectum, cum quo gaudebat experimenta plurima Physica facere; *Ioannem Riolanum*, Anatomicum percelebrem; *Renatū Moreaum* & *Guidonem Patinum*, Medieos & Professores Regios eruditissimos; itemque *Claudium Martinum* & *Iacobum Louvinum*, Medicos prudentissimos; *Iacobum Mentelium*, cujus nomini innatum videtur rarissimorum inventorum laude aliquandiu privari: Artis enim Typographicæ inventionem luculenta Dissertatione majoribus suis demum asseruit; qui tamen rerum suarum, ut ait, negligens noluit amico nostro jam jam nominando quidquam detrachere ejus, quam meretur commendationis, quamvis constanter affirmare soleat, ante annos triginta, cum *Bartholomæi Eustachii* locum & *Herophili* apud Galenum legisset, quæ situm a se & inventum ductum Chyliferum. Verum cum non satis in illum adverterit, mavult adhuc senex & Medicus, quod prorsus insolitum, sinere ut laus universa cedat juveni, per quem revera primum res clare & distincte omnibus innotuit. Nimirum magno Viro, & plura tamen habituro, convenit ista neglectæ laudis jactura. Addam igitur, *Mentelio* annuente, ut agmen claudat, *Ioannem Pecquetum*, Medicum, cujus gloriam à reperta chyli via invidendam pronuntiabat; cum laudaret prudentiam illustrissimorum *Fucquetorum*;

quibus vir ille multis beneficiis devinctus operam suam addixerat. Nempe quod bonis bene fit beneficium, ea gratia gravis est bonis, & famæ suæ in posterum sapienter consulunt, quibus sola desunt certa pignora victuræ in æternum post funera laudis. Dilabuntur opes, corruunt ædes, numerosissima deficit aliquando familia: at inserta præclaris inventis nomina nunquam intereunt; & *Fuquetos* loquentur Doctorum *Mecænates*, *Pecqueti* liber exiguus, quo forsitan tempore de iis, quæ in Rep. gellere amplissimi rerum nostrarum administri nulla erit memoria: Civitates maximæ & Regna florentissima subverti possunt: At genus humanum prius universum deleatur oportet, quam pereat ductus ille Chyliferus, & ignorentur illi, quorum munificentia *Pecquetus* honestum otium nactus, iter Medicis ignotum aperuit. Verum in Amicis *Gassendi* recensendis ne nimis sim vereor, qui paucos seligere constitueram; brevior autem futurus, si vel integrum volumen cunctis memorandis impendere vellem. Quamquam nominare sufficit omni laude majores *Sammarthanos* & *Valesios* Frastres; *Hugonem* *Grozium* τὸν πᾶν, *Dionysium* *Petavium*, qui πολλὰν ἀντάξιν ἔδωκεν, *Honoratum* *Fabrum* Romæ nunc magnum *Pœnitentiarum*, *Petrum* *Burdinum* & *Ioannnem* *Bertetum* *Jesuitas*, & innumeros alios, quos Religiosissima Societas quotidie fundit Viros doctissimos; *Iacobum* *Gaffarellum* *Maimonidem* Christianum; *Petrum* *Fermatium*, tam longo intervallo *Vietam*, *Diophantum*, & *Pythagoreos* omnes post se relinquentem; *Nicolaum* *Rigaltium*, *Philibertum* *Maræum*, & *Claudium* *Hardyaum*, Senatores, Viros omniscios; *Hieronymum* *Bignonum*, τὸ ἐξ ἀπὸ γλώσσης μέλιτος γλυκίων πέν ἀνδρῶν, *Oppedam*, *Boissiaum*, *Donnevillæum*, *Roccam*, *Molaum*, *Thuanum*, *Memmium*, Senatum Præfides: *Claudium* *Auvrium*, *Constantiensensem* Episcopum, cujus in dolem officiosam, media in Aula ferratos postes portasque uni Marti & Mercurio aperiendi, laudat in *Dedicatoria Calendarii* sui; ad quem vero Gallice Epistolam scripit, firmandis multorum animis, qui Lutetiæ ingentem impendere ruinam arbitrabantur ab illo solis defectu anni M DC LIV. quem harioli tantopere reformidandum prædicaverant; *Antonium* *Arbaudum* *Bargemoneum* *Sistericensensem*; *Antonium* *Godellum* *Venciensem*, & *Iosephum* *Mariam* *Suarezium* *Vasioneensem*, Episcopos pedo ligneo vere aureos; qui omnes *Gassendi* Virtutem colere non dedignati sunt; ut majorum Gentium Deos omittam,

Eminentissimos S. R. E. Cardinales *Barberinos, Franciscum*, inquam, qui *Musas ornans ornatur ab illis*, teste *Sangenese* nostro, & *Antonium*, solem illum beneficum, *Qui examine magno*, ut ejudem Poëtæ verbis animi mei sensa exprimam, *Doctas pascit Apes & Terris mella ministrat, Balneum*, ἰσόδου Φῶτα, *Ludovicum Alphonsum, Plessaum Richelium*, seu *Ἰωάννην μυχανῆς*, *Ioannem Franciscum Paulum Gondium Retzium*, excelsi animi Mæcenatem, nec minoris facundiæ & eruditionis *Chrysostomum*, qui *Gassendum* audire apud *Campinium* degentem solebat. Vel Celsissimum *Borbonium* Principem *Contium*, per quem non stetit, ut *Gassendus* frueretur Prioratu, quem ultro dederat, cum *Indultarius* superveniens Munificentia isti obicem opposuit. Aut *Regiam Virginem Aurelianensem* *Heroïnam*, quæ per illustrem affinem tuum *Frontenaci* Comitem sæpius *Gassendum* salvare jussit. Et Illustrissimam *Agaillonii Ducissam, Richeliorum* Neptem dignissimam, quæ benevalenti *Gassendo* *Ruellium* suum non semel obtulit, etiam Philosophicis studiis nobilitandum, post agitata olim amœnissimo in suecessu negotia totius Europæ gravissima, quæ quidem sapientissima *Fœmina* illis totius *Universi* pluris non facit: admodum enim sollicita de fato *Philosophiæ, Gassendo* ægrotante, *Medicum* suum quotidie misit, non solum ut sciscitaretur, quomodo se haberet, sed ut consilio juvaret, & cuncta quæ in locuplete Domo reperiuntur pellendo ciborum fastidio *Heræ* suæ nomine, testandoque tam diutini morbi dolori, præsens larga manu offerret.

Superesset jam ut de ista Operum *Gassendianorum* editione multa dicerem, quæ in laudem tuam omnino cederent, *Monmori* Illustrissime; sed ne plurimus sim vetas. Tibi nempe commodavit moriens Author scripta sua, quæ in ordinem digessim tam aptum & concinnum, ut nullius rei præmonendus sit Lector in antecessu, quo facilius fruatur tantis opibus, tanta scilicet bonæ mentis & eruditionis segete. Elegisti quoque *Typographos* diligentissimos, qui nullis sumptibus pepercerunt, ut quam primum thesauro isto omnes potirentur; quibus cum autem egisti, Nobilissimo intercedente *Campinio*, per præclarum Virum *Franciscum Henryam*, cujus fidei Codices Manuscriptos committere voluisti, ut in Musæum tuum redirent inter cimelia tua pretiosissima asservandi: nempe cum tot voluminibus, manu Patruï tui exaratis, ex plurimis autem

quæ Carthusianis cessere; illius, inquam, *Petri Haberti Cadurcensis* Episcopi & Comitiss illustrissimi, Dii cui divitias dederant, artemque fruendi, qui retinuerat, quod est difficillimum, ex sapientia modum. *Antonii Poterii*, Amnensis illius *Gassendo* charissimi, patrociniū suscepisti, Familiæ tuæ orbatum Patrono adscivisti, & *Lugdunum* misisti, ut editionem maturaret. Typographicis operis præesset, Codices servaret, & quæ restabant digerenda juxta mentem tuam disponderet. Iconem Amici insulptam cœlo *Nantivii* illius mores ipsos hominum exprimentis, toti Terrarum orbi suspiciendam curasti, & elegantissimo Epigrammate ornasti, quo paucis tersissime complexus es ea omnia, quæ nos balbutiendo pluribus repræsentare non potuimus. Manum igitur de tabula, ne modum excedere videamur. Quamquam enim non injussus calamo manum admoverim, tamen in publica commoda peccare non debeo, & tua vel aliorum tempora longo sermone morari. Perge porro, Vir Illustrissime, de genere humano bene mereri, dum bonis impense faves, & Philosophantium in ædibus tuis chorū moderaris. Regium illud sane quod nuper suscepisti ad Physices arcana indaganda; unde summi Opificis laus emergere, & in usus publicos plurima commoda redundare poterunt. Utinam ulterius tam præclara cœpta procedant, & mentem tuam penitus assequantur, qui tantam assequuti sunt aliarum rerum cognitionem. Adsis Tu quoque præsens, optime *Gassende*, ut modestiæ & sapientiæ tuæ semper omnium animis obversetur imago? Equidem post edita opera tua nihil deerit, quo minus te totum videamus; neque tantum vigiliis tuis & eruditione tua fruamur, sed & oculis perpetuo in sapientiam tuam defixis, illa potiore tui parte imitemur veram, cujus tam clarum exemplum præbuidisti, Philosophandi rationem. Intereris quoque, quaterre patent, post innumerabilem annorum seriem studiis hominum ad bonam mentem contendentium, ut si qui reperiantur olim, quos jūvet adhuc barbare vel meteorice Philosophantium lectio, unum illud Ciceronis in redargutionem usurpari possit: *Quæ est autem ista inter homines tanta dementia; frugibus inventis, ut glande vescantur!*

## IN EFFIGIEM

ILLVSTRIS VIRI

PETRI GASSENDI,

Diniensis Ecclesiæ Præpositi,

Et in Academia Parisiensi Mathes. Profess.

Regii.

*Talis erat veterem excipiens GASSENDVS Amicum,**Talis eras placido pectore vera sequens,**Cernitur hic rerum prudentia rara, fidesque,**Candor cum cauta simplicitate patet.**Deficit ille unus (nam cælatura negavit)**Qui laudes temnens pinxerat ora pudor,**Cætera divini ingenii miracula, Lætor,**Facundi refert pagina docta Senis.*

SAM. SORBERIUS, M. P.

## EPITAPHIUM.

*Hic jacet,*

Non unus è septem Sapientibus,

Verum

Totum Sapientum Familia,

Philosophi omnes, Politici, Philologi, Mathemati,

Theologi,

Eodem Tumulo reguntur,

Academiæ veteris &amp; novæ, Lycæi, Stoæ, Hortorum

Rudera, Vestigia,

E quibus

Jam jam reparanda, &amp; multo splendidius restauranda

Edita doctrina Sapientum Tempia serena.

Ubi

Veluti totidem Oracula

Sistendi erant Redivivi &amp; Audiendi

Tales, Anaxagoras, Pythagoras, Hippocrates, Democritus,

Socrates, Plato, Aristoteles, Zeno,

Epicurus, Lucretius, Cicero,

Seneca, Plutarchus,

Sextus,

Et quotquot hujuscemodi Heroum

Ad nostra usq; tempora existere.

P f

*Hic*

## MEMORIA

*Hic jacet*

Cum Musis, Pallade & Apolline,  
 Pudor, & Justitiæ Soror Incorrupta Fides,  
 Nudaque Veritas.

*Quæ universa*

Magnum PETRI GASSENDI Nomen  
 Complectitur.

*Tu Viator Erudite*

Luge sortem Generis Humani,  
 Cui Mors Invida eripuit

Fidissimum, diligentissimum Naturæ Interpretem,  
 Virtutis, Solidæ Pietatis, Bonæ mentis  
 Cultorem, Vindicem, Propagatorem  
 Integerrimum, Acerrimum, Felicissimum.

*Vixit*

Sine querela, sorte sua contentus,  
 Interioris notæ Amicis jucundissimus,  
 Viris imperio, auctoritate, doctrina, sapientia præstantissimis

*Acceptissimus, Charissimus,**Non apud externos solum,**Sed & in patria sua**Amorem, Venerationem,**Meritus, consequutus,**Annos LXIII. Menses IX. Dies XIII.**Æternum sui desiderium relinquens**Lutetiæ Parisiorum**A. d. IX. Kal. Nov. clc Isc LV.*

ABRAHAMUS PRATÆUS,

THOMAS MARTELLUS,

SAMUEL SORBERIUS,

FRANCISCUS BERNERIUS,

Amico Veteri, Præceptori bene merito,

Grati animi Monumentum

M. M. P. P.

## ALIUD.

*Hoc jacet in tenui sapientia clausa sepulchro**GASSENDVS, Patria notior ille sua.**Qui meritis terras, studiis complexus Olympum est:**Hic situs est alter totius orbis Atlas.*

JO. ALBERTUS PORTNERUS.

SCRI.

## SCRIPTA.

- Exercitationes Paradoxicæ adversus Aristoteles.** *Gratiæ-nopoli* 1624. in 8. *Amsterod.* 1649. in 8. *Haga Comit.* 1656. 1659. in 4.
- Exercitationes pro Marino Mersenno, adversus Robertum Fluddum.** *Parif.* 1630. in 8.
- Parhelia, sive Soles quatuor spurii circa verum, visi Romæ, Anno 1629.** *ibid.* 1630. in 4. *Haga-Comit.* 1656. in 4.
- Mercurius in Sole visus, & Venus invisæ An.** 1631. *ibid.* in 4. *Haga-Com.* 1656. in 4.
- Vita Nicolai Claudii Fabricii de Peiresck, Senatoris Aquensis.** *Parif.* 1641. in 4. *Haga-Com.* 1650. 1655. in 12. 1656. in 4. *Anglice. Lond.* 1657. in 8.
- Epistolæ IV. de Apparente magnitudine Solis humilis & sublimis.** *Parif.* 1642. in 4.
- Epistolæ II. de Motu impresso à motore translato.** *ibid.* 1642. in 4.
- Novem stellæ circa Jovem visæ.** *ibid.* 1643. in 4. *Haga-Com.* 1656. in 4.
- Disquisitio Metaphysica, seu dubitationes & instantiæ adversus Renati Cartesii Metaphysicam & Responsa.** *Amsterod.* 1644. in 4.
- Oratio Inauguralis, habita Parisiis in Collegio regio.** *Parif.* 1645. in 4. *Haga-Com.* 1656. in 4.
- De Proportionibus, quæ gravia decidentia accelerantur, Epistolæ IV.** *Parif.* 1646. in 4.
- Institutio Astronomica, juxta Hypotheses tam veterum, quam Copernici & Tychonis.** *ibid.* 1647. in 4. *Londini* 1654. in 8. *Haga-Comitis* 1656. in 4.
- Philosophia Epicuri, seu Animadversiones in decimum librum Diogenis Laërtii.** *Lugd.* 1659. in fol. *Amster.* 1659. in 4. *Lond.* 1660. in 12.
- De Vita & Moribus Epicuri libri octo.** *Lugd. Bat.* 1646. *Haga-Comit.* 1656. in 4.
- Vita Tychonis Brahe, Nicolai Copernici, Georgii Peurbachii & Joh. Regiomontani, Astronomorum celeberrimorum.** *Parif.* 1654. in 4. *Haga-Com.* 1656. in 4.
- Calendarium Romanum compendiose expositum.** *ibid.* 1654. in 4.

Notitia Ecclesiæ Dinienſis & Concilii Avenionenſis, *ibid.*  
1654. in 4.

De Septo cordis pervio, Observatioes; extant cum Sev. Pl.  
nei libro de notis Virginitatis. *Lugd. Bat.* 1639. in 12.  
Manuductio ad Theoriam Musices.

Proportio Gnomonis ad Solstitialem Umbram observata  
Massiliæ 1636. *Haga-Com.* 1656. in 4.

Opera omnia in VI. Tomis distributa. *Lugd.* 1658. in fol.

ANTONII THYSII  
ORATIO FVNEBRIS,

IN OBITU M

*Viri Clarissimi & Præstantissimi,*

DN. LAMBERTI  
BAR LÆI,

Græcarum Literarum Professoris longè  
dignissimi.

**Q** Vanquam, Auditores, ex luctuoso obitu Præstantissi-  
mi Viri Lamberti Barlæi, tam ingentem conceperim  
dolorem, ut nondum composita mente verba ipso initio de-  
ficient, tamen iterum dicendi mihi incumbit necessitas,  
Utique pro tanti viri maximis meritis, quem, dum in vivis  
esset, summo opere colui & suspexi, defuncto, ultimum pieta-  
tis officium recusare nec potui, nec debui. Neque vero vana  
in luctu hoc publico dicendi affectatio, verum & proluxa  
propinquorum petitio, autoritas Amplissimi Senatus Aca-  
demici, & familiaris, quæ cum defuncto mihi intercessit, ne-  
cessitudo, eo me impulerunt, ut hanc Provinciam non dif-  
ficulter susceperem. Quanquam vixdum mihi persuadere  
possum, illum mihi ereptum, ejus eruditionem, ingenium,  
candorem, & fidem summo opere semper admiratus sum; vi-  
deor hic mihi præsentem tanti viri imaginem intueri, ju-  
cundissimos sermones conferere, denique omnia mihi tur-  
bata, confusa videntur; dum dextram porrigo, illius im-  
mota



mota mea subito inhibetur, dum intueor, oculi fixi hæ-  
 rent, dum tacentem alloquor, præ nimio dolore obrigit  
 mihi lingua, & parum explanatis vocibus sermo præruptus,  
 ipsaque adeo mentis penetralia tremore quodam interclusi  
 spiritus concutiuntur. Luctum hunc privatum auget & pu-  
 blicus. Patres Academiæ summo cum mœrore attrati funus  
 prosecuti sunt, & damnum ingens in iactura tanti viri lugu-  
 bribus questibus prædicarunt, ipsa demum hæc cathedra  
 luctum insolitum ostendat. Dum tantis malis mens mea  
 fluctuat, Auditores, fluctuantem quoque neque bene com-  
 positam expectate orationem. Sereno animo enitescit di-  
 ctio: ubi tristitia dominatur, cogitationes impediuntur, de-  
 nique non limpidus spiritus sed tenebricosus supremum men-  
 tis obducitur domicilium. Tumultuario itaque genere lo-  
 quendi succincte, Natales, vitam moresque desideratissimi  
 Collegæ proponam: vos autem, Auditores, ut exiguum au-  
 diendi spatium mihi æquis animis tribuatis, etiam atque et-  
 iam rogo. Natus est defunctus familia perantiqua & nobi-  
 li; Patre Casparo de Baerle, Matre Anna Evervynsia An-  
 no cło Io XCV. Bommelæ Geldrorum, ubi in exilio turbu-  
 lentis illis temporibus vitam honeste pater tolerabat. No-  
 bilem esse Barlæorum familiam publica monumenta sa-  
 tis superque evincunt, qui Antiquitus illustri Kesseliæ fa-  
 miliæ inferti ab arce Barlæa juxta Ruremondam originem  
 stirpis trahunt. Etsi autem non tam fumosæ majorum ima-  
 gines, quam animus virtute præditus nobilem faciat, ma-  
 jorum tamen gloria posteris lumen est, qua ad virtutem ca-  
 pessendam accenduntur generosi spiritus. Verum in his  
 prædicandis parcus ero, ut verba mea ipsius defuncti mori-  
 bus & sublimi humilitati respondeant. Nimirum qui ge-  
 nus laudat suum, aliena laudat, virtuti incumbere soli, illa  
 demum vera & stabilis est nobilitas. Quæ illi ut plurimum  
 destituuntur, qui immodici sunt in majorum nobilitate præ-  
 dicanda, vel ne quidem majores nobiles habuerunt, verum  
 cum in obscuro vitam transegerint, fortuna luxurjante in  
 sublime eVecti, ignobilem esse contumeliæ & opprobrio du-  
 cunt. Plurimis nunc domina & regina rerum humana-  
 rum pecunia largitur genus & dignitatem, qui nonnun-  
 quam corruptis largitione indicibus aliena stemmata inva-  
 dunt. Longe alia fuit ratio defuncti nostri, qui cum vere  
 nobilis esset, sublimi animo illa contemnebat, despiciebat-  
 que. Avus ejus magno Erasmo non ignotus, & Pater Prin-  
 cipi

cipi urbium Antverpiæ ab Actis publicis fuere, spectatissimæ inter cives suos existimationis. Invenio & patruos Virtute & eruditione nobiles, Melchiorum Barlæum, ingeniosum Poëtam, qui plurimis editis libris nomen suum latissime diffudit; Jacobum, qui redituum Ecclesiasticorum Antverpiæ Quæstorem egit; Balthazarem, qui splendida affinitate nobilissimam Virginem, filiam Illustr. Viri Joannis Werckii Antverpiensis, sibi matrimonio junxit, qui, urbe occupata, Ordinum postmodum Zelandiæ Syndicus & Consiliarius, Illustrissimis Legationibus ad Angliæ, Daniæque Reges difficilibus temporibus Remp. multum adjuvit. Defunctus itaque noster Bommelæ quidem primum spiritum hausit, sed revera Antverpia, urbium ocellus, ingeniorum mater, horreum quondam divitiarum illi patria fuit. Namque occupata urbe religionis causa in alia loca Parens secesserat. Enimvero, ut notum est ex Historiarum monumentis, jam antea anno c. 1605 LXXXV: pertinax & infensus hostis ponte Scaldi rapidissimo flumini injecto urbem nobilissimam clauserat, & cum nullos accessus, nullam vim vel impressionem in muros faceret, per inedia & famem attrivit, cum durum victoriæ genus meditaretur, nolle pugnare. Quamvis autem ejus naturæ amnem, qui rapidissimo motu concitatur, claudi posse supra fidem humanam esset, vis tandem major superavit. Ita fatali necessitate Parens defuncti Vir eruditissimus Lugdunum Batavorum secessit, ubi jam tum Musæ splendidissimum suum domicilium arcemque omnis eruditionis erexerant. Ibi summo humanitatis officio ædibus Jani Hauteni, qui huic orbi tum temporis erat à secretis, cum tota familia receptus fuit. Triennio hic exacto Bommelam honestis conditionibus evocatus secessit, atque ibi defunctus noster bonis auspiciis in lucem editus. Ubi ætas studiorum capax fuit, Pater Vir cordatissimus perspecta ejus indole, literis statim humanioribus eum mancipavit. Quas tanto studio partim sub patre, partim sub Viro celeberrimo Jo. Ger. Vossio Dordraci arripuit, ut incredibili industria expectationem Parentis superaret. Academiæ spatia ingressus laboribus immodicus non tantum dies, sed & noctium partem in studiis sibi vindicabat, & non semel oculos vigilia fatigatos cadentesque in opere detinuit. Generosi nimirum spiritus nullam moram patiuntur, & perennia opera, atque intenta & diligenti cura aspera quæque studiorum perumpunt, expugnant. Vigilando,

gilando, agendo ad summa rerum fastigia pervenitur, atque adeo ipse animus nutritur, accenditur, & igneum fervorem concipit: contra ubi quis se socordiae atque ignaviae dedit, animus marcescit, spiritumque obtundit torpida quaedam remissio. Sicuti enim exercitatione corpus roboratur, nimia quies noxia, viscera obstruit, venas putrido sanguine implet, ita ingenii quoque exercitatio animum alit, cogitationes fovet: nimia quies rubigine lædit, imo nihil agendo male agere docet. Defuncto itaque nostro in literato negotio summa semper fui voluptas, & nunquam otio ita se dedit, ut non ad negotium respiceret. Continua itaque industria, atque ingenio admodum capaci, facile omnes æquales in linguæ Latinæ & Græcæ cognitione superavit, atque adeo in hoc sanctissimo Palladis sacratio summis præstantissimisque Viris, quorum hic semper ingens copia fuit, non tantum innotuit, verum admodum carus accepiusque fuit. Præcipue Viri Incomparabiles Jo. Polyander, Daniel Heinsius & Joannes Gerardus Vossius, eruditionem in illa ætate, morum modestiam & candorem summo in pretio habuerunt. Nimirum præclara ingenia diu latere nequeunt. Sicut ignis, qui circumseptus fumo est, subito erumpit, aureumque illud jubat extollit; ita quibus virtutis eruditionisque æstus in præcordiis concaluit, etiam invidia spectante, ad celebritatem nominis magis currunt, quam properant. Noverat autem cordatissimus adolescens sine Græcæ Latinæque linguæ intima cognitione artes omnes & scientias in obscuro latere. Nimirum cum in terris ante aliquot sæcula omnia barbaries occupasset, literarum peritia sapientiæ imo & religionis iterum viam aperuit, & subito omnes artes & scientiæ admirabile cepere incrementum. Nul- lum magnum ingenium excelluit, quod in literarum præfidiis fundamentum suæ eruditionis non posuit. Nunc, pro tempora & mores! rerum bonarum fastidio plerique torpent, & in præcipitia studiorum aguntur, unde postmodum pedem referre nequeunt. Fatuum est Argonautarum velle navem gubernare, qui ne quidem cymbam possis. Præcipue autem noster in Græcis ita animum exercuit, ut intima quæque penetraret. Plurimi sententiam unam aut alteram græce lectitare norunt, verum genium linguæ penetrare, de stylo uniuscujusque autoris judicare posse, paucorum hominum est, & qui in  
legen-

legendis Græcis autoribus ætatem triverunt. Itaque curram  
jugi & continua diligentia omnes Græcos Poëtas sapientiæ  
primos magistros, probatissimosque autores lectitasset, ex-  
actum quoque de iis iudicium ferre potuit. Imprimis ta-  
men Principe omnium Poëtarum Homero capiebatur, cu-  
jus admirabile ingenium, eruditionem, facundiam qui se  
percipere putat, nã ille intelligendo nihil intelligit. Afla-  
tu quodam cœlesti imbutum hunc Poëtam, omnium scien-  
tiarum Patrem, & juxta Platonem vitæ magistrum fuisse  
nemo eruditorum dubitat. Hunc adeo familiarem Defun-  
ctus noster habuit, ut ubique circumtulisse propinqui & fa-  
miliares testentur. Et hic est ille Poëta, de cujus Patria se-  
ptem inter se Asiæ civitates certarunt, quem Alexander et-  
iam pulvinaribus subjecit, & cum aliquando accurrentem  
cerneret tabellarium, qui res lætas afferre videbatur, Ec-  
quid, inquit, nuncias mihi Homerum revixisse? Neque ve-  
ro in Græcis Latinisque literis tantum se exercuit, sed ita  
quoque Philosophiæ se addixit, ut teneret ex sapientia mo-  
dum. A Scholasticis tricis & ænigmatibus, quæ ne ipse  
quidem solvere posset Oedipus, mirum in modum abhor-  
ruit. Sicuti ægrorum sunt turbulenta somnia, confusæ  
imagines, ita æstuantis cerebri hæc sunt deliria. Noster au-  
tem masculam illam, vegetam, floridam secutus est Philoso-  
phiam, quæ ex divini ingenii viris Platone, Aristotele, atque  
eorundem antiquis interpretibus hauritur. Non fuit illi in  
studiis festinatio præceptis & inconsulta, cum omnia non pro-  
perantibus rectius procedant. Postmodum ad Hebraicam  
linguam, in qua non contemnendum progressum fecit, &  
Theologiam animum appulit: quæ uti omnium scientia-  
rum Princeps est, & limpidissimi fontis instar nihil terrenum  
atque turbulentum habet, ita mentis sanctimoniam requirit.  
Religiosus autem sanctissimusque animus, qui optimus &  
pulcherrimus Dei cultus, Defuncto semper adfuit. Neque  
enim hoc tantum Theologi esse credebat, arcana Dei im-  
mortalis mysteria perscrutari, verum pura, integra, incor-  
rupta mente & voce supremum illud & purissimum numen  
venerari, virtutem sine fūco sectari, vitiis sempiternum o-  
dium indicere, denique virum bonum esse, quod nomen  
multis officiis magnisque laudibus continetur. Neque e-  
nim angustis finibus circumscripta est innocentia. Ita  
Theologicis imbutus præceptis, animo præbo, religioso, mi-  
nisterio tandem se addixit sacro, Anno hujus sæculi XVIII.  
Illu-

Illustri Nobilissimoque Domino de Langeracq, Forderatorum Procerum ad Christianissimum Galliarum Regem Legato à sacris concionibus fuit. Quotanto ardore illum non dilexit tantum verum etiam amavit, ut intima sæpe illi aperuerit pectoris secreta, nihilque fere in causa domestica majoris momenti sine illo arbitrio ageret. Quippe erat Defunctus noster probatissimæ fidei, & qui silentio & taciturnitate cuncta sine ullo strepitu peragebat, & interiori recessu occultabat. Nimirum altissima quæque flumina minimo labuntur sono, & præstat minimum cum aliis, multum secum loqui: cum taciturnitas rerum administrandarum optimum vinculum sit. Anno demum XXIX. hujus sæculi domum reversus ad functionem sacram in ditione Bredana vocatus, cum honestis conditionibus illum flagitarent Amstelodamenses, illorum voto cessit. In hac civitate, quod nunc totius Europæ augustissimum est Emporium, in quo totus hodie veluti mundus emittitur venditurque, per plures annos ita victitavit, ut Nobilissimo Magistratui, honestissimisque civibus amorem sui ingentem expresserit. Demum cum antio hujus sæculi XLI. Cl. Vir Jeremias Hoezlinus, Græcæ linguæ Professor, mortalitatis leges implevisset, à Nobilissimis Curatoribus, Consulibusque hujus urbis illa provincia illi ultro oblata fuit, quorum uti semper incorruptum fuit judicium, ita non nisi merentibus talia virtutis & eruditionis præmia tribuere solent. Cujus Professionis dignitatem, utilitatem, necessitatemque qui contemnunt, vel fastidiunt, nullo bonarum artium studio agitantur, sed loco fontium paludibus interpretum delectantur. Et ut videant homines profani ac fastidiosi nihil majus esse eo quod contemnunt, Chrysoloram post Illustrissimam Legationem ad omnes Christianos Principes, non puduit publicam Legationem cum Professione Græcarum literarum commutare: Lascares quoque Imperatoria familia oriundus, post Legationes ad Bajazetem Turearum Imperatorem, atque alteram ad Ludovicum Galliarum Regem, Romæ literas Græcas profiteri non erubuit. In quo quidem munere ita excelluit, ut clarum fuerit hujus Academiae ornamentum & decus, summa industria, accerrimis studiis, doctrina optima juventutem instruxerit literatam. Homerum enim Poëtarum Principem, cujus lectione satiari nequibat, Hesiodum, quem doctissimis lucubrationibus auxit, Euripidem, Aristophanem,

nem, Theophrasti Characteres, Lucianum, cujus Timonem eruditissimis notis illustravit, pluresque alios ita interpretatus est, ut non in verbis tantum haereret, sed nihil ex tota antiquitate prætermitteret. In Græca autem lingua ita exercitatus erat, ut nemini cederet, paucos admodum æquales haberet. Si ulla mihi illius linguae sit perina, à qua nullum ætatis meæ tempus abhorruisse non diffiteor, frullum in Græcis pangendis versibus mihi sit iudicium, quod senio quam sit exiguum, hoc tamen dicere non erubesco, Auditores, me nonnullos versustanta voluptate legisse, ut proxime ad veterum genium mihi accedere viderentur. Quoties eundem nulla hæsitazione sua lingua cum Græcis, inprimis Archiepiscopo Ephesi, loquentem audivimus, ita ut ipsi illi in stuporem abriperentur? Quos omnibus quoque officiis humanitatis ita obruit, ut simul cum nobilissimo Viro C. L. Empereur, maximam pro iis apud Fœderatos Proceres inierit gratiam, Eidemque senio in id incubuerunt, cum præstantissimo Viro Jac. Revio, ut iussu publico homines Græci Confessionem Nostratium in linguam vulgarem suam verterent, quo religio nostra per totam Græciam diffunderetur. Quod summa quoque & laudabili liberalitate à Proceribus indultum fuit, Præter Græcos in Latinis antiquis Autoribus diffusæ quoque fuit lectionis, ingenii iudicique exacti, Poëtico quoque spiritu nonnunquam concitatus, eisi in eo Fratri suo Casp. Barlæo, in Heroicis hoc sæculo omnium facile Poëtarum Principi, cujus carmina nulla non ætas admirabitur, lubens cesserit. Literas, quas plures ad amicos & Magnates scripsit, in quibus character mentis elucet, tam elegantes, nitidas, politas exaravit, ut nulli in illo scribendi genere cederet. Volvere verba, neque dicendi rudem esse plurimorum hominum est, sed terse, polite, verba literis committere, atque in iis maximam laudem consequi paucorum est. De omni antiquitate, ritibus gentium, collatione Græcorum Latinorumque autorum cordate multoties summa cum voluptate differenter audivimus. Nunquam illius temporis mihi elabetur jucundissima memoria, cum quæ ex Theocrito in Bucolicis, ex Hesiodo in Georgicis, ex Homero in Æneide sibi assumfisset divinus Poëta Virgilius, docte ac luculenter proponeret, de plurimis aliis antiquis Autoribus sententiam suam promeret. Cui

cum ego omnes ferme Virgilii Eclogas me versibus Theocriti expressisse ostenderem, mirum in modum lætitia quadam mentem laxavit. Atque ab illo tempore multo arctior quoque intercessit necessitudo, sicuti inter consorteseorundem studiorum animi facillime conglutinari solent. Mores privatos quod attinet, erat homo candidissimus & nullius fuci, fluctuationes & diverticula mentis oderat quam maxime, religionem vere & ex animo in pectore clausam sustentabat, fucata quorundam pietas, qui religionis velo sua tegunt facinora, maxime illi invisa fuit. Cum omnibus, quantum in se erat, amicitiam coluit, si qui illi inimici essent, quos nullos vel paucissimos habuit, non illos, sed vitia illorum oderat. Injurias sponte ignoscebat, neque ad animum trahebat. In adversis, in secundis soli se committebat Deo immortalī. Ambitionem omnem & vana rerum despiciebat, neque tamen in humilitate superbus erat. Nullum tumultum affectuum in præcordiis suis nutrit fovitque, sed victor semper fuit victoria gloriosissima. Præstita beneficia facile, accepta nunquam obliviscebatur. Non immiscuit se multis negotiis, sed fugiebat illa, quæ ad se nihil pertinent, inquirere. Tanquam mortalis vivebat, tanquam mortalis laborabat. Erat interioris recessus, paucorum verborum, & mentis bene sanæ. Nimirum ars tacendi & loquendi summa sapientia est. Non erat teticus, sed facilis & comis ingenii, inter familiares quoque multi joci & leporis. Denique liceat cum Comico dicere: Sic vita, erat, facile omnes perferre ac pati, cum quibuserat cunctis, que una his sese dedere, eorum obsequi studiis, adversus, nemini, nunquam præponens se illis, ita ut facillime sine invidia laudem invenias & amicos pares. Porro omnes amicos, paucos admodum familiares habuit. Cum Ampliff. Viro Jo. Wevelichovio, qui honestissimæ matronæ Barbaræ Ægidie, quam Noster uxorem postea duxerat, testamentarius tutor fuerat, hujus Urbis Syndico, qui que in hac civitate magnum religionis, justitiæ, prudentiæ fulcrum est, atque ejusdem Filio Joachimo, qui paternam jam virtutem exprimit, totaque familia propter necessitudinem sanguinis intimam familiaritatem coluit, quos æque hodie luctus premit, atque si domesticum funus esset. Ur nihil dicam de Viris præstantissimis, qui jam mortalium numero exempti sunt, Johanne Polyandro, qui prolixo



illum persecutus est favore, Jacobo Triglandio, Daniele Heinsio, Cl. Salmasio, Petro Cunæ quem & sanguine attingebat, Gerardo Joanne Vossio, inter superstites Virum celeberrimum Jacobum Revium magni fecit. Jam ante plures annos nephriticos dolores, eosque acres admodum & acutos, sensit, quibus præsens aliquando illi vitæ periculum fuit. Dies jam decimus sextus est, ex quo dirus ille carnifex illum iterum opprimeret, verum ita ut ipso initio non magnum videretur esse vitæ discrimen. Namque vivido admodum & Poëtico spiritu honori Nobilissimi Juvenis Cornelli de Beveren, qui paternas jam virtutes foelicitè imitatur, & omnia magna promittit, elegantissimum carmen conscripsit, cum idem juvenis luculente sub moderamine Consultissimi Clarissimique Viri Adriani à Thienen respondisset. Verum ab illo tempore, cum febrilis accessisset ardor, subito callabascere vires corporis, ita ut nonnunquam deliquium animi pateretur, cœperunt. Namque cum ætas ejus jam in flexu esset, & multum de pristino vigore remisisset, cruciatibus calculi, & simul febrili violentiæ resistere languidum corpus nequibat. Ita tandem decimo & sexto hujus mensis Junii die, plenus in Deum immortalem fiducia, fatali necessitati occubuit. Ex cuius viri thorte quam grave vulnus acceperit Academia, doctorum omnium luctus & squalor, quem in vultu omnium conspicio, abunde testatur. Non tam defuncto quam Græcis literis, quarum peritia jam ferme opprobrio ducitur, exequiæ factæ videntur. Præter publicum luctum privatim carissima fidei conjugalis pignora, quæ ex honoratissima Matrona Barbara Ægidia suscepit, densolachrymarum imbre orbitatem suam deplorant, quibus optimo parente destitutis vulnus hoc altius pectori infligitur, quam ut verbis efferri possit. Etsi autem hæc calamitas & publica & privata longè acerbissima est, nullum tamen aliud patientiæ remedium reliquum esse video, Auditores, quam ut divinæ voluntati nos submittamus. Triumphat semper in Providentiæ curru æternus ille rector, & nutu suo cuncta dirigit, temperatque. Mortalium numero Deus Opt. Max. cum eripuit, ut immortalium & cœlestium choro infereret, ubi nunc exors omnis doloris in præsentia divini numinis incredibilem capit voluptatem; ubi nunc cœlestis ille animus, carcere sui corporis exutus, tandem sui juris &

arbi-



arbitrii, cunctas res humanas ex summo rerum fastigio ridet, despicitque. Ibi nunc nulli temporum injuriæ obnoxius non annos vel menses numerat, sed perpetua & stabili æternitate fruitur. Numerare omnia sæcula, Auditores, quid cum æternitate comparari potest, cujus nullum initium, nullus quoque finis inveniri potest? Non deploranda itaque illi sua fortuna est, sed misera mortalium fors, qui in hac vita imbecillitatis imaginem præ se ferunt, qui & corporis & animi morbis quotidie concitantur. Immaculata est illa vita cœlestis, omnium morborum & affectuum expers, nullis calamitatibus obnoxia, qua nunc Defunctus noster summo cum gaudio fruitur. Hanc felicitatem, hoc æternum gaudium, ubi decretorius nobis aderit dies, omnibus & singulis voveo atque auguror.

D I X I.

## SCRIPTA.

Luciani Timon, sive de Divitiis & Paupertate Dialogus festivissimus, Scholiis Plutique Aristophanici collatione illustratus. *Lugdun. Batav.* 1652. in 8.

Obsidio Sylvæ Ducis. *ibid.* in fol.

Commentar. in Hesiodi Theogoniam Græcè & Latine. *Amsterod.* 1658. in 8.

Oratio funebris in Excelsum Clarissimi Viri, Marci Zucrii Boxhornii, *Lugd. Batav.* 1653, in 4.

❧ (Q) ❧



Q 3

PRO.

## PROGRAMMA,

In funere

*Viri quondam Amplissimi, Excellentissimi,  
Præclarissimi,***DN. PAULI SLE-  
VOGTII,****Philos. Magistri & Poëtæ Laureati****Cæsar. Logices & Philosophiæ primæ  
Professoris Publici famigeratissimi,***Propositum à***RECTORE ACADEMIÆ JENENSIS,****OTTONE GVILIELMO****KÖNIGSMARCK,****Comite in Westervick & Stegholm, Dynasta  
in Rotenburg & Neuhaus, &c.****ET PRORECTORE,****JOH. ERNESTO GERHARDO,****Doct. ac Profess. Publ.**

**C**um propter Abnerum à Joabo ferro nefario insidiosè  
 Cè medio sublatus populo Israëlito Rex David luctum  
 publicum, istiusque exsequias indixisset, non solum eas ipse  
 met prosecutus & lacrymis effuse profluentibus, ad sepul-  
 crum clamando quiritatus est, verum etiam celebratis istis  
 de cibo sumendo monitus, antè solem occasum gustare  
 quicquam renuit, in hæc ad ministros suos prorumpens  
 verba: An nescitis, quod Princeps & quidem magnus ho-  
 die cecidit in Israël? Dum quidem nos hac luce, Viri quon-  
 dam Amplissimi, Excellentissimi, Præclarissimi, *Dn. Pauli  
 Stevogtii*, Philos. Magistri & Poëtæ Laur. Cæsar. Logices &  
 Philosophiæ primæ Professoris famigeratissimi, quem mors  
 homicida nudius quartus sibi fecit, indicimus, quid  
 Salana hæc agat aliud, quam ut se totam in luctum in-  
 duat? Cecidit in ea Doctor & quidem magnus. Cecidit  
 & extinctum est lumen, quod cum primis eam illustrabat.  
 Cecidit columna, cujus doctrina, judicio, prudentia, au-  
 thoritate

Fortitate non minimum fulciebatur. Cecidit amplissimi Collegi Philosophici membrum nobile. Inflictum isti ante annum, mentes quumque & dies quatuor, subtilissimo Stahljo erepto, vulnus per quam grave, quod postquam nondum plane consanuit, ecce novum! tanto acerbius, quanto celerius. Sed enim in tuo, Magne Deus, acquiescendum nobis arbitrio. Tua absque voluntate ne capillorum quidem, quos in numero habes omnes, de capite nostro cadit ullus. Vulnerasti tuo pro beneplacito, pro beneplacito tuo rursus sanabis. Ita precamur, vovemus, qui jam ad ea, quæ supremi honoris B. *Slevogtio*, olim nostro, præstandi sunt, accedimus. Vitæ ipsum hujus usuram cepisse accepimus *Pessendorffii*, pago non procul à Vinaria disito, parentibus bonis & piis, quorum genus honestum à longa ætate isthici loci deduci potest. Patri quidem nomen fuit *Martino Slevogt*, anno clc lxxXII. defuncto, matri *Anne Günthausen*. Annus ipsi natalis contigit superioris seculi XCVI. dies vero, mensis *Aprilis* vigesimus nonus. Christo per baptismum absque comperendinatu insertus, quam primum ætas tulit, in scholam istius loci missus fuit. Quia vero indoles cum primis præclara cito sese exseruit, post annum ætatis octavum præceptoris inibi sui, qui progressus ejus promovere ulterius non poterat, suasu ac consilio, ad scholas varias alias fuit ablegatus, in quibus pietatis & bonarum artium rudimenta, quantum per ætatem licuit, imbibit, usque dum *Vinariensis* tandem scholæ alumnus fuit factus: ubi adeo felices brevi profectus fecit, ut non solum id temporis Conrector, jam Pastor *Fidelhausensis*, Vir Reverendus & humanissimus D. M. *Iohannes Fridericus Weshmann* summam in admirationem raptus sua manu sequentibus ipsi versibus fuerit gratulatus:

Ad meum Paulum Slevogtium:  
*Vix vix cæpisti puerili scribere vena  
 carmina, qua metrico non bene fulta pede.  
 Mox mox cæpisti Thymbraæ scribere vena  
 carmina, qua metrico sunt bene fulta pede.  
 O ita perge modo! Sic sic cum sænore quondam.  
 Ipse Poëtifica mento Poëta clues.*

Verum etiā Rector Vir Cl. Dn. M. *Georgius Saltzhuber* præ reliquis discipulis hunc unice amat, judicantq; dignū, qui ad Salanā hanc nostram fundamentis bonæ literaturæ probe jactis ædificiū majus superstructū migraret. Felici ergo auspicio A. clc lxxXV. m. Apr. hanc ingressus, & linguarū Philosoph.

disciplinarum studia tam calide habuit, ut non solum *anno* cl<sup>o</sup> l<sup>o</sup>c XX. mensis *Februar.* die VII. sub Decanatu Beati *Heideri Doctore* Philosophici, quem *Magisterium* vocant, Gradum gloriose reportaret, verum etiam post ejus adeptionem statim collegia privata institueret & publicis in disputationibus Praesidis fungeretur munere. *Anno* cl<sup>o</sup> l<sup>o</sup>c XXII. mense *Januario* *Brunsvigam* ad *Gymnasii Martini*ani *Conrectoratum* legitime vocatus secessit, quam *Spartam* cum maxima sui laude integrum triennium cum trimestri qua publicas, qua privatas Philosophicas lectiones, ornavit, adamat<sup>us</sup> à Senatu & Scholarchis & cum primis à tum temporis *Reipubl. Syndicis*, *Jore* *Consultis* magnis, *Dn. Casp. Glöckio*, & *Dn. Ioanne Lemmanno*, v<sup>o</sup> in *az*iois. Ipse factum ut cum *anno* cl<sup>o</sup> l<sup>o</sup>c XXII. Legati Imperatorii, quorum quoque Vir olim Magnificus, Nobilissimus, Consultissimus *Dn. Otto Meleander*, J<sup>ctus</sup>, Comes Palatinus Cæsareus & Cæsar. Majest. Consiliarius pars erat, *Brunsvigam* appulsi à prælaudato *D. Glöckio* convivio exciperentur, & ipse ad idem invitaretur: qua occasione præfatus Comes Palatinus sermone multo cum ipso variis de rebus, cum primis Poëti, habito, quin & certamine Poëtico inito, *Lauream* ipsam donavit, *diplomate* *Magdeburgo*, quo tum properandum Legatis erat Imperatoriis, transmissio. *Anno* cl<sup>o</sup> l<sup>o</sup>c XXIV. cum suas ob causas paternos reviseret lares, ac præclara ipsius non in linguis tantum ac Philosophicis disciplinis, verum Theologicis quoque in rebus sciennæ, concione *Vinariæ* habita, Illustrissimis *Saxoniz Ducibus* innotesceret, datis hi ad Senatum *Brunsvicensem* literis eum avocarunt, & stipendio extraordinario partim *Vinariæ*, partim hæc *Jenæ* sustentarunt, usque dum cl<sup>o</sup> l<sup>o</sup>c XXV. mense *Novembri*, Viro admodum Reverendo, Amplissimo, Excellentissimo, *Dn. Salomoni Glassio* SS. Theol. D. & illustris Ducatus *Saxo Gothani* jam Superattendenti generali vigilantissimo, Consistorii que Ecclesiastici Adessori gravissimum temporis à *Græcæ* *Ebrææ* que lingua Professione Publica ad Pastorum atq; *φωπία* *Sundershusanam* in Comitatu *Svartzburgico* abeunti, prævia legitima Philosophicæ Facultatis denominatione, ab utraque linea *Saxonica* Illustris successor daretur. Quanta vero fide, quanta industria, quanto studio huic muneri præfuerit, nemini non, nisi qui triduar<sup>us</sup> apud nos hospes, cognitum, & disputationes in lucem datæ oppido satis loquuntur. Cum *anno* *supra*

*Superiori mense Majo* Vir Excellentissimus atque Amplissi-  
 mus Dn. *M. Daniel Stahlius*, Logices & Philosophiæ pri-  
 mæ Professor Publicus hac è vita discederet, post denomi-  
 nationem à Collegio Philosophico exhibitam, paulo post  
 Professio isthæc ab Illustrissimis utriusque lineæ Saxonæ  
 Ducibus ipsi clementissime fuit demandata. Quanta in  
 ipso Theologica fuerit scientia, documento sat luculento  
 esse potest, quod non una vice ad Theologicam fuerit Pro-  
 fessionem denominatus, quam tamen summa modestia à se  
 declinavit: Nihilo tamen minus superioribus annis Eccle-  
 siasticæ visitationi, qua Jenensem præfecturam & diocce-  
 sin, in vicē Superattendentis Saxo-Vinariensis generalis ad-  
 hibitus fuit, Cæterum Decanatus Philosophici munus un-  
 decies, Rectoratus vero *Academici* ter non sine laude gessit,  
 Quarum maritus Conjugum fuit, Priorem quidem, virgi-  
 nem pudicissimam *Vrsulam*, Viri amplissimi & iurium bene-  
 gnari Dn. *VVolffgangi Freyher* Reipubl. hujus loci oppida-  
 næ Syndici filiam, Viri vero Amplissimi, Prudentissimi, Con-  
 sultissimi Dn. *Andree Hübneri*, Consulis hujus oppidi, ex  
 filia *Vrsula* neptem, duxit anno cld lcc XXVII, mense Fe-  
 bruario; ex qua suscepit filios tres, *Paulum Andream*, An-  
 no cld lccXXXIII, mense Aprili defunctum, *Iohannem*, qui  
 in nupero hujus anni Parentis Decanatu Mensis Martii die  
 XXVII. Magisterii honore suo ex merito est decoratus, *Paulum*  
 juniorem, qui anno cld lccXXXVI. XXIII. Ianuar,  
 natus, insequentis Martii mensis die V, rursus denatus: &  
 filias duas, *Annam Mariam*, anno cld lcc XLIIIX, die XX,  
 Novembr. Viro Ampliff. atque Excellentissimo Dn. *M. Io-  
 hanni Grischmuth* tum quidem Scholæ oppidanæ Rectori,  
 jam vero Græcæ & Orientalium Lingg. Prof. Publ. ordina-  
 rio elocatum; ex qua neptes duæ & totidem nepotes avum  
 ipsum fecere: & *Annam Christinam*, anno cld lccXXXIV,  
 mense Septembri natam, at anno cld lccXXXV. XVII. Fe-  
 bruar, rursus his terris ereptam. Hac conjuge priore An-  
 no cld lccXXXVI. Mensis Maji die XII à latere ipsius, post-  
 quam febris ardenti aliquot septimanas decubuerat, abrepta,  
 in tristi viduatu quadriennio & mensibus fere septem trans-  
 actis, posteriorem conjugem, viduam jam moestissimam,  
 tum virginem laudatissimam, *Barbaram Catharinam*, Viri  
 prudentissimi Dn. *Henrici Ringleri*, Reipubl. hic loci oppi-  
 danæ Judicis filiam relictam, copulandam sibi curavit; ex  
 qua parens fuit factus tum filiorum trium, *Gothofredi*, An-

no clō IocXLI. XXXI. Oētobris nati, at Calendis Xbribus  
 rursus ablati, *Iohannis Philippi*, xxiv. Febr. A. clō IocXLIX.  
 & *Iohannis Adriani*, anno clō IocLIII. XXV. Sept. natorum,  
 tum filiarum quatuor. Fva anno clō IocXLIII. mense *Iu-*  
*nio* genitæ, at 2. *August.* rursus defunctæ, *Barbara Catha-*  
*rina*, anno clō IocXLV. mense *Aprili* natæ, cum fratribus  
 duobus *Iohanne Philippo* & *Iohanne Adriano*, quamdiu visum  
 Deo fuerit, superstitis, *Anna Elisabetha*, anno clō IocXLVII.  
 XXX. *Iulii* die natæ, at *Augusti* mensis die XXIV. rursus  
 demortuæ, & *Regina Maria*, anno clō IocLI. IV. *Septembr.*  
 natæ, sequenti autem anno clō IocLII. rursus defunctæ,  
 Reliqua ejus vita pietatis fuit plenissima, frequenti Ecclesia-  
 sticorum Conventuum visitatione & S. Synaxeos devota u-  
 surpatione, non solum integra dum adhuc esset valetudine,  
 verum etiam ipsa deficiente; nam aliquoties id temporis &  
 cum primis ante septimanam geminatam ea est usus: testi-  
 bus sat veracibus. Addimus & hoc: In ista in valetudine per-  
 quam sæpe de vitæ hujus miseriis & ærumnis conquestus,  
 alterius vitæ possessionem serio anhelare & esse cum Christo  
 suo cupiit. Quod desiderium suum eo ipso quoque osten-  
 dit, quod non tantum domi Sacram Cœnam flexis popliti-  
 bus devote acceperit, cum ante à Deo ter Opt. Max. arden-  
 tissimis precibus peccatorum remissionem flebiliter petiis-  
 set, verum etiam mature sepulture locum in templo Michaë-  
 litico sibi elegerit atque acquisiverit. Domui quoque suæ  
 ad monitum *Esaæ* Prophetæ cito disposuit, ad mortem  
 quandocunque advenerit præparatus ut foret. Morbum  
 itaque mortis prodromum ipsamque mortem quod attinet,  
 aliquot per annos habere male cœpit, laborans modo capiti-  
 tis dolore, modo contumaci dolore ischiadico, ut & aliis hy-  
 pochondriorum affectibus, à quibus tamen legitimo medi-  
 camentorum usu, divina favente gratia, liberatus fuit: An-  
 no superiori, vere adolescente, sanguinis serum per loca con-  
 venientia cruentum per dies aliquot cœpit emittere; Eo  
 symptomate cessante XXIIIX. *August.* insultu apoplectico  
 circa horam IX. matur. correptus est tam forti, ut tum vox,  
 tum mentis operationes pleræque turbarentur, quæ vero  
 variis iisque generosissimis remediis & auxiliis adhibitis,  
 Deo benedicente, paulatim rediere, ut in publicum prodire  
 ipse iterum, bonæque revalescentiæ spes apparere cœperit.  
 Vere autem hoc anno ineunte paroxysmus, leviter tamen,  
 semel atq; iterum rediit, à quo denuo remediis consuetis fuit  
 libe-

liberatus. Die autem proxime superiori XXII. mensis huius, postquam aliquot diebus præcedentibus sat bene habuit, circa XI. pomeridianam præter spem paroxysmus ingruit fortior, supervenientibus artuum convulsionibus, qui post horam III. recrudescens, vitæ tandem finem minatus, qui intra horam VII. & IIX. vespertinam præsentente Ecclesiæ Diacono Seniore, Viro Reverendo & Clariss. Dn. M. Adriano Beyero, Ecclesiasticam ipsi benedictionem impetiente, & cum astantibus preces fundente obtigit, placide obdormiscens, cum antea interrogatus, an in Christi merito fiduciam suam locaret, cum vocæ rum manu cordi admota annuerit. Exsequiæ hodie ad ipsam hor. II. pomerid. ducuntur, ad quas cohonestandas nostræ subjectos jurisdictioni eo minori verborum compendio hortamur, quod de majori eorum ultimum hoc honoris officium Professori ac Præceptoris optime merito, & in solatium moestissimæ Viduæ, liberorum, generi, Professoris Publici optime de juventute scholastica merentis, id ipsum præstandi, promittuntur certi sumus. P.P. XXV. Junii Anno Cl. 1755. Concio funebris Eidem habita fuit, ex Apocal. XIV, 13. à Christiano Chemnitio, SS. Theol. D. Past. & Superint. Jenensi.

## EPICEDIUM.

SLEVOGTO triplices secuerunt filia sorores.  
Inde gemit penito Phœbi cortina recessu:  
Suavissonos cithara numeros, & amabile mutans  
Carmen: Delirium sibi dulce queruntur ademptum  
Pansophie, & magnus variarum præses Apollo  
Linguarum valde tristatur, flebile fatum  
Tam chari capitis revocans ad pectoris ima:  
Qualis Ityn dolet abreptum sibi Daulias ales.  
Et merito: seu prorsus loqui, seu versa pararet:  
Excuteretve novi, veteris seu fœderis arcam.  
Non nisi mellifluo promebat nectare verba.  
Non turgebat eo ventosis pagina nugis.  
Omnia Nestoreo manabant flumine rerum.  
Nos etiam violas & lugentes hyacinthos  
Vrba inspergimus & nardi fragrantis aristas,  
Et gemitus, & cordicremo suspiria pulsu  
Adferimus simul, & vivacis carmina secli.

GVERNERUS ROLFINCK.

Phil. &amp; Med. D. P. P.

EPI.

## EPITAPHIUM.

*Cuncta eruditionis heic penarium,  
 Illustre Salana decus columnaque  
 primaria, & Sophici Chori ingens gloria,  
 Sicilicet mortis, nemini homini parcere  
 gnara, resectus, conditus SLEVOGTIVS  
 jacet. Sed haud omnis. Tegit quæ corporis  
 sunt umbra, huius, Vivit recepta anima polo  
 inter beatos gaudiorum particeps  
 perennium: Escriptis laboreque improbo  
 enata, totius orbi dras pervolat  
 mansura, fama, quamdiu mortalium  
 superat genus. Qui transiens tumulum aspicias,  
 Voto iube, precare, calido, corporis  
 suo in cubili ut membra molliter cubent,  
 revocata donec ultima mundi die  
 animaque juncta rursus, aeterna incolant  
 tempe salutis ac beatitudinis.*

PHILIPPUS HORST. P.P.

Facult. Philos. & totius Acad.

Senior,

## SCRIPTA.

*Pervigilium de diffidio Theologi & Philosophi in utriusque  
 principiis fundaro, editum a L. N. S. D. Gansanii  
 1623. in 4.*

*Id vero (scribit Pl. Reverendus Dn. Spizelius in Templo  
 Honoris reſerato) non niſi ingenii exercendi gratia  
 conſcriptum, & citra authoris voluntatem publici in-  
 ris factum fuiſſe conſtat.*

*Disputationes Academicæ, cum Philoſophicæ, tum Philo-  
 logicæ, quarum 1. De Prædicatione. 2. De contra-  
 dictione. 3. De ratione generica entis in ordine ad  
 inferiora. 4. De differentia inter Subſtantiam & Ac-  
 cidens. 5. De quibusdam quæſtionibus Logicis. 6.  
 De ente rationis. 7. De entis finiti ratione formali.  
 8. De eſſe poſſibili. 9. De univerſali ante rem. 10. De  
 Dependencia. 11. De lumine Naturæ in divinis, & iis  
 rebus, quæ ad religionem pertinere videntur. 12. De  
 Supernaturali. 13. De principio Syllogizandi in di-  
 vinis. 14. De primo conceptu Dei, noſtro intelligen-  
 di*



di modo. 15. De Ubiquitate essentiae divinae. 16. De Ubiquitate operationis divinae. 17. De Ubiquitate Dei, ratione Scientiae ac Visionis. 18. De Creatione in genere, prima. 19. De creatione in genere, secunda. 20. De creatione in genere, tertia & ultima. 21. De creatione primi hominis, contra Hebraeos, prima. 22. De creatione primi hominis, contra Hebraeos, secunda. 23. De identitate potentiarum vitalium inter se & cum anima. Sequuntur Dispp. Practicae & Philologicae, quarum 1. De Indifferentia Voluntatis humanae in ordine ad Actiones morales. 2. 3. 4. 5. de Eadem. 6. De Causa morali. 7. De Voluntario. 8. De Peccato morali. 9. De Civitate materialiter considerata. 10. De Civitate, ratione formae considerata. 11. De potestate Legis in Rep. 12. De Metempsychosi Judaeorum. 13. De morbis & doloribus Messiae. 14. De Profelytis Judaeorum. 15. De Anno Jubilaeo & ejus juribus apud Hebraeos. 16. De Hellenistica, qua ubique exemplo maximus linguae Hellenisticae usus in Interpretatione scripturae ostenditur. Ienae 1656. in 4.

RECTOR  
ACADEMIAE LIPSIENSIS

*Indicit*

Funus Clarissimum

*Viri Amplissimi, Excellentissimi, atque  
Experientissimi*

DN.D. ANDREAE  
RIVINI,

Poet. & Physiol. Prof. Publ.

**N**ON apud Christianos duntaxat, sed & Gentiles extra pomeria Ecclesiae constitutos *intra auras* votorum fuisse metam, literarum monumentis informamur. Gentiles *intra auras* in cita morte, quam prodromi nulli morbi, dolo-

dolores, metus, angores & similes asperabant, exemplo CÆSARIS, qui repentinum mortis genus pridie illius diei, quo viginti tribus in Curia vulneribus inflictis tollebatur, exoptabat, pro sapientia sua, sed humana, collocabant. Inde Symboli loco ipsi adscribitur: *Semel, quam semper*. Similem *εὐθανασίαν*, licet non in eodem mortis genere, qua remotis illis terrificis anteambulonibus, in breve suspirium mors terminatur, (ut delensice Petrarcha in suo cum Laura sua defuncta colloquio de morte plus quam suavi loquitur,) AUGUSTUS Imperat. sibi precabatur. Aliam in SALVATORIS scil. per fidem complexu rebus mundanis valedicere, quodq; mortale nobis a natura datum est, in manus ipsius deponere, Christiani didicerunt. Hæc *εὐθανασία* mortis amaritatem edulcat, & absinthium, quod ipsi admixtum gentilibus omnibus degustandum, in saccharum convertit. Manet gentilibus, quorsum etiam se converterint, mors omnium terribilium terribilissimum, ea saltem parte tolerabilior, quod superventu celestiore terror antecedens quibusdam citius decurratur; cum Christianis SALVATOREM suum fide amplexis dulce lucrum, placidus somnus & Paradisi vestibulum existat. Utraq; *εὐθανασία* nudius sextus obtrigit Viro Amplissimo, Experientissimo & Excellentissimo DN. ANDRÆE RIVINO, Phil. & Med. Doctori, C. P. Cæsareo, Professori Physiologo nominatissimo & Poëtices meritissimo, Collegii Principum minoris Collegiato, & Academiæ Decemviro, Viro in omni politiore literaturâ versatissimo, & tum scriptis in Salivam publicam emissis, tum informatione studiosæ juventutis a multis annis celeberrimo. Prior quidem, cum diu lecto non fuerit affixus, sed ut Petrarcha dicto loco, (quem *ὁ Μακρίτης* noster anno abhinc undevigesimo in exequiis fœminæ cujusdam nobilissimæ ex Italico feliciter transtulerat) loquitur, per breve suspirium solutus theatrum hoc mundanum destituerit. Posterior, cum in verâ SALVATORIS agnitione, fideq; in ipsius meritum collocata, quam gemitibus ardentissimis & impetuosissimis luculenter satis expressit, ex hujus mundi fluctibus καλὰ χριστοῦ confingentibus ad æternæ tranquillitatis portum appulit. In Pace jam factus est locus ejus. & in Sion habitatio ejus. Ut quietem hanc ipsi gratulamur: ita Viduæ moestissimæ & prolis septenæ vicem ex animo dolemus, Deum precantes, Patrem orphanorum & viduarum ipsemet agere, vulnus inflictum consolidare. post nubila Phœbum reducere, ruinas ultiores ab Academiæ

fulcris

fulcris avertere, nosq; in media vita morte cinctos veram & Christianam *instructiōem* docere, tandemq; decurso vitæ studio nos quoq; eadem dignari propitius velit. Si dona ingenia, quibus Deus hoc organon præ multis aliis exornaverat & instruxerat, spectamus, BEATUM nostrum RIVINUM, quantum ad humaniores præsertim literas, Academiæ hujus luminibus accensendum esse, non inciciamur: unde quæ potius in volumen, quam chartam hanc irent, de vitæ cursu in studiis laudabiliter & exemplariter confecto, nobis essent dicenda: verum cum non omnia, præsertim in ætatis vere peracta, pervenerint ad manus nostras, & brevitati litandum sit in ejusmodi funerum indictionibus, prima saltē lineamenta ducemus, colores vivos aliis superinducendos committentes.

Lucem hanc adspexit *ὁ Μακαρίτης* in Salinis Saxonici anno currentis seculi primo 14. die Octobris, sed salinas istas quis ignorat? Si cætera sicco pede prætereamus ornamenta, hoc tamen non est reticendum, quod ille locus verbi cœlestis lumen à Lutheo accensum celerius arripuerit, ardentius retinuerit, constantius conservaverit ministerio fidelissimo JUSTI JONÆ, ERASMI SARCERII, SEBASTIANI BOETHII, JOHANNIS OLEARII, ANDRÆ MERCKII, ARNOLDI MENERINGII & GODOFREDI OLEARII Ephorum. Patrem sibi habuit cognominem, ad annos triginta plus minus ejusdem urbis Senatorem, Virum bonum, civili & militari laude clarum. Militavit enim in juventute sua per sexennium integrum in Pannonia & Belgio contra Christiani & Evangelici nominis hostes infestissimos & hæreditarios. Hunc senio confectum in iras suas ædes recepit *ὁ κύριος ἐν ἀγίοις*, & postquam *ἀντιπαύσηται* per biennium & amplius ipsi persolvisset, rebus humanis exemptum honorifice in templo Academico, quatuordecim abhinc annorum spatio sepelivit. Matrem habuit antiquæ virtutis exemplar DOROTHEAM, ex familia KREBSIORUM apud Halenses ampla & perantiqua, JEREMIÆ de COMPASCUIS viduam. Puerilis educatio pia fuit & accurata, cum singulari devotione studiis liberalibus destinata. Placuit ingenium Informatoribus, ut nihil non laudabile de illo sibi & Parentibus promitterent. Pater, quia sobole numerosa fuerat auctus, filium hunc suum à studiis liberalibus abstractum arti alicui lucrosæ consecrare animum induerat. Verum ab hoc incepto destitit autoritate suaque

Magni-

Magnifici quondam Amplissimi & Consultissimi Viri DN. LEOPOLDI HACKELMANNI, tunc temporis Archi-Præfatus Magdeburgici Cancellarii, qui rem eo deduxit, ut Pater sumtus ad continuandam studiorum telam, quam feliciter orfuserat Filius, suppeditaret. Fuit Vir hic Magnus Θεὸς δὲ τοῦ μεγάλου, rebus conclamatis καὶ Μακροπύκνῃ interveniens tempori, & impedimenta bono publico per hoc Patris consilium Injicienda tollens. Accidit brevi post, ut Parens orbaretur sobole universa, grassante peris ibidem contagio, Filio hoc unico sibi relicto, in quo paternum affectum pleno, quod dicitur, sinu effunderet. Inde filius factus animosior, & veluti virgula divina excitatus, ex quibus studiis gloriam aucupatur, in iis fuit totus & unus, ætæ minoribus scilicet, quibus severiora condiuntur, donec ex Gymnasio patrio satis celebri, bene factis prius fundamentis, in Academiam concederet. Prius autem in matriculam hujus Philyreæ receptus est Rectore Magnificentissimo DN. DN. JOHANNÉ PHILIPPO, Saxonie Duce Illustrissimo, ProRectore cum honoris præfatione jam dicto, DN. LEOPOLDO HACKELMANNO, Juridicæ Facultatis tunc Ordinariò, & Decretalium Professore Publico, studiorum suorum, quod fausti omnis loco semper habuit, veluti Phosphoro. Studio Medico se addixit præcipue, concessitque Jenam, junctis sibi tribus Concivibus Philiatris, ut studiorum suorum incrementa in isto loco caperet. Non otio marcuit, aut Vacuæ litavit ibidem, sed Medicis ac Philosophis καὶ νοσήτραις ὁμαρτὸν καὶ κόμαρτὸν, JOHANNI BRENDelio, & ANTONIO VARO, indivulso nexu adhæsit. Huic vero Academiæ concorpor factus studiis Philosophicis, quæ noverat ansas Medici, totus incubuit, præsertim cum de pensandis honoribus in iisdem Consilium cepisset. Certus itaque solidam eruditionem non ex aëre captari, nec ex Præceptoribus duntaxat mutis addisci, sed ex viva docentium voce melius hauriri, ad pedes Dominorum Professorum indefessus sedebat, nec ab iisdem dimovebatur, donec anno currentis seculi vigesimo quarto primam, subsequente vigesimo quinto supremam in studio Philosophico lauream, summo cum Parentis gaudio & bonorum applausu deportaret. Interea tamen studii Medici, quod semel complexus fuerat, curam non abjecit, sed diversarum sectionum corporis humani à Medico celeberrimo, tum temporis Professore Anatomico, postmodum Archia-

ero Electorali Saxonico Dn. D. JOHANNE RUPERTO SULTZBERGERO administratarum exercitiis interfuit; id agens, ut indies se ipso melior evaderet. Cum vero non omnis ferat omnia tellus; & cuique terræ suæ sint gemmulae, cœlum imitari; & ad exterarum quoque gentes excurrere cœpit. Ut genio loci sæpe respondent ingenia, Viros Excellentes passim locorum offendit, quorum non colloquium duntaxat, sed & visum magni aestimavit. Quomodo celebratissimas Germaniæ urbes oculis & animo usurpaverit, diligenter regnum perlustraverit, Britanniam penetraverit, Belgium intimius perspexerit, impræsentiarum commemorare longum esset. In eo se jactabat præcipue, quod Clarissimos Philologos, PETRUM BERTIUM; DANIELEM HEINSIUM & PETRUM CUNÆM, nec non Medicos experientissimos, Lutetiæ quidem BELLI QVERCETANUM & ANTONIUM CARPENTARIUM, in Academia Batavorum ÆLIUM EVERHARDUM VORSTIUM, Professore primarium; & Botanicum non obscuri nominis, OTTONEM HEURNIUM, & GILBERTUM JACCHÆUM; quorum omnium summam eruditionem & humanitatem prædicabat, sibi familiares habuerit, & ab iisdem profecerit. Quantumvis autem exteros admiraretur, ipsorumque memoriam Sacrosanc̃tam haberet, NOSTROS tamen meliori semper loco habere solitus est. Ut ita redux domum factus inter honoratiores aliquando locum obtineret, & ad altiora sibi semper pararet aditum, Amplissimæ Facultatis Philosophicæ in hac Academia sibi demereri studuit gratiam. Pro loco vero in eadem obtinendo duas Disputationes Philologicas eruditione varia referas, de Pædogerontagogo; quibus etiam futuræ famæ vadam tentavit, habuit. Interea Civitati Imperiali Northusæ, cui per hæc egregia specimina innotuerat, suam operam locavit in triennium ad gubernanda juventutis studia in Gymnasio ipsorum haud ignobili; cui præfuisse aliquando scimus JOHANNEM REGIUM, SS. Theol. Licentiatum, Organum Aristotelici acutissimum Interpretetem. Exacto, ut pactum fuerat, triennio, rediit majore laude cumulator; locumque prædictæ Facultatis anno trigesimo primo seculi currentis non difficulter obtinuit. Inde factum, ut officiis publicis paulatim adhiberetur, fieretque particeps honorum & dignitatum, quæ Ordinis istius propriæ sunt ac præcipuæ. Decanatus officium quater, anno trigesimo quinto, quadra-

gesimo primo, quadagesimo septimo, & quinquagesimo tertio cum insigni studiorum communium emolumento gessit. Procancellariatus munus in creandis novis Magistris bis anno scilicet trigésimo sexto, & quadagesimo octavo *ἐν ἀρχαῖς* sustinuit. Ad Professoriam dignitatem, (quam locus in consilio perpetuo sequebatur) prævia Facultatis Inclytæ Philosophicæ denominatione subjectissima Sereniss. PATRIÆ PATRIS gratia fuit euectus anno trigésimo quinto, cum sparta Poëticæ Professionis, ipsi ornanda demandaretur. Ornauit hanc etiam scriptis & informatione studiosæ Juventutis dexterrima, quamvis ad altiora simul studia velis & remis contenderet. Honoratissimæ præterea Societati Collegiatorum adscitus est anno trigésimo sexto singularis benevolentiae causa, & ut laborum suorum inde caperet honestam quandam remunerationem. Fasces Rectorales bis, anno trigésimo nono & quadagesimo quinto ad BEATUM nostrum RIVINUM fuerunt delati: quo ipso anno posteriori Dominorum Nationalium votis & suffragiis in locum Dn. M. CONRADI BAVARI p.m. Concivis & in Poëtica Professione quondam Antecessoris sui Decemvir creabatur. Commemorare novimus τὸν *Μακρίτην*, quâ humanitate ipsum complexi fuerint Medici præstantissimi præter eos, qui supra nominabantur: Enchusæ, urbe Hollandiæ primaria BERNHARDUS PALUDANUS; Chiloniæ in Holsatia WENDELINUS SIBELISTIUS; Argentinæ JOHANNES ADOLPHUS Ringelstein; in patria LAURENTIUS Hofmann & MATTHÆUS Unger/ & alibi plures alii, ut vel in Parisiensi, vel Patavina, vel Oxoniensi Academia titulos & honores summos sibi oblatos reportare potuissent. Verum ad hanc Phillyream subinde respexit, in hac inclarescere cupit. huic se reservavit, huic studia & vitam suam omnem consecravit. Quare quæ calculum album totius Collegii Medici hoc in loco merentur, conari cœpit omnia, cumque Lectione publica, disputatione gemina, & quibus poterat ac debebat modis suam industriam & profectus laudabiles dicto Gratiosissimo Collegio probasset, Licentiæ honorem anno trigésimo octavo, quem Doctoralis anno quadagesimo quarto excipiebat, non sine applausu fuit adeptus. Hic ipse gradus ad Professionem Medicam Physiologicam, quam anno superiore singulari Clementia Serenissimi nostri obtinuit, fuit accessus. In his sibi demandatis officiis talem se gessit,

gessit, ut singularis eruditionis raræ & præclaræ specimina exhiberet plurima, suumque nomen immortalitatis albo inscriberet. Privatam vitam quod concernit, primam vitæ sociam sibi junxit CATHARINAM ELISABETHAM BERGERIAM, Virginem lectissimam, Dn. M. HIERONYMI BERGERI, Quæstoris Sceudicensis filiam, anno trigesimo secundo, cum qua jugum commune vix aliquot septimanarum spatio traxit. Exacto vero viduitate sexennio ad secunda vota transit, sibiq; jugalem foeminam florentissimā, ANNAM ELINGERIAM, Dn. WILHELMI AVIANI, Phil. Fac. Attestoris & Scholæ Thomanae Rectoris, Viri Clarissimi, viduam relictam adscivit, ex qua sex liberorum, quatuor masculorum; duarum sexus sequioris parens factus, CAROLUM THEDOSIUM novendialē ann. 39. ANNAM DOROTHEAM ferè bimulam, & CAROLUM HILDEBERTUM trimestrem annō quadragesimo secundo præmisit, Patri vero superstites ex secundo matrimonio in vivis agunt CLARA ELISABETHA, MARCUS ANTONIUS, & HEINRIC. JULIUS, quos divinæ gratiæ ac protectioni commendamus. Tandē anno quinquagesimo, viduitatis tertio, Virginem prosapiæ celebritate, virtutumq; laude commendatissimam CATHAR. ELISABETHAM, Viri perquā Rev. & Cl. Dn. M. TILEM OLEARII, Ecclesiæ in Salinis Saxoniciis Symystæ fidelissimi filiam, Doct. JOH. OLEARII, Superintend. istius loci adhuc decapantissimi neptem, & D. TIL. HESHUSII, Theol. de Eccl. meritisissimi, proneptē, sibi συζυγον feliciter junxit, Inter hosce conjuges suavissima fuit animorum conjunctio, pignoribus quatuor, tribus filiis, QUINTO SEPTIMIO FLORENTE, AUG. QVIRINO, TILEM. ANDREA, & una filiola EVA MARIA, (quos omnes paternæ & avitæ pietatis hæredes & usufructuarios exoptamus,) obsignata. Tota ipsius vita quotidianis pietatis exercitiis inprimis rerum sacrarum meditationibus, fuit destinata, prout olim etiam Theologi summi D. HEINRICI HOPFNERI, Collegiorum pars aliqua fuit, & quas reliquit, meditationibus piis 9, stylo partim Latino, partim Germanicis, nec non septem Christi verbis, septem petitionibus Orat. Dominicæ applicatis, testatum fecit. Ut bono publico velificaretur, & proximo *καὶ διὰ τὴν* inserviret, id vel inprimis sibi dictū putavit. Vitæ usurā prolixiorē intercepti catarrhus suffocativus, quem *ἀσθμα*, viriū defectus, asthma & prodromi similes antecesserūt, Licet a, nullis mediis & remediis hic fuerit parsi; ea tamen viriū fuit prostratio ut morbo succum-

beret natura. Id quod factum proximo parasceves die post auditam octavam, cum prius a Domino Confessatio vivis e rectus solatiis, a quibus se læsum putabat, ignovillet, domui suæ disposuisset, & misericordiam divinam, Salvatoris sui merito nixus indefinenter invocasset, completo ætatis anno quinquagesimo quarto cum semisse. PAX IPSIUS ANIMÆ. Dormitorio suo exuviæ inferentur hodierno die post auditam primam pomeridianam. Quarum conductus ut frequentes interfint Nostri, gratitudinem erga Præceptorem suum declarent, honoratissimæ familiæ dolorem quadatenuus levent, & fragilitatis humanæ recordentur præsentibus jubemus. P. P. 9. April, anno M DC LVI.

## EPITAPHIUM

Lipsiæ positum ad D. Pauli,

*Offibus in nostris quisquis transiveru ista*

*Sortem cerne tuam, quod sum eris; es quod eram;*

*Vita ut bulla fugax levis utque evanxit umbra;*

*Mens ceu stella manet sole corusca suo,*

*Est ab humo omnis homo, sumus aqua sorte proinde;*

*Sive premamus humum, sive premamur humo.*

*Hic cubo RIVINVS Vates Medicusque Sophusque,*

*Humana & Criticus si quis ab arte potens.*

*Hic cubo, cuius erat conceptio culpa parentum,*

*Nasci pœna, labor vita, necesse mori.*

*Hic cubo Iova cui Pater, estque Ecclesia Mater,*

*Frater IESVS, Herus SPIRITVS, Alma TRIAS.*

*CruX soror, obstetrix HALA, mundus & hospes & hostis;*

*Terra Domus, cælum Patria, cuncta DEVS.*

*Proximus Agnatus genius bonus & malus adstes,*

*Conscia mens, uxor liberi erantque libri.*

*Posthuma spes Gnata & nutrix revocatio ab umbris*

*Sol utriusque obiens obses eratque Oriens.*

*Sero etiam sed ter socialia pacta subivi.*

*Septem habui hinc Gnatos, tres quoque filolas.*

*Mentem, corpus, opes, genius, Vespillo, propinqui;*

*Fert operit, legant, atheri, humo, studiis.*

*Tu Lector, siquidem livor post fata quiescat,*

*Vivo aberat, si pax pace precare cubem.*

Ab. A. D. M DC LVI. Prid. Non April,

Vix. Ann. LIV. M. V. D. XVIII.

In pace dormiam & requiescam.

SCRI.



## SCRIPTA.

- C**ælum terreſtre Poëticum ſeptilingue. *Lipſ.* 1631. in 12.  
**A**nthologia Epigrammatum Veterum Græco Latina, è plu-  
 ribus quam DC. Auctoriſus Collecta. *Lipſ. & Gotha*  
 1651. in 8  
**P**ervigilium Veneris, ſeu Carmen priſcum de Vere. *Francoſ.*  
 1644. & *Lipſ.* 1644. in 4.  
**C**œna Cypriani dubia per Maturum Lotharii Cæſaris Mi-  
 niſtrum. *Lipſ.* 1650. in 4.  
**V**eſpæ iudicium de primatu Coci & Piſt. *ibid.* 1650.  
 in 4.  
**P**ædogerontagogus cum lyra Mercurii. 2. Mæcenæ. 3.  
 De Duello. 4. De Contributionibus. 5. Miſcella-  
 nea. 6. Lanx ſatura. 7. De peſte. 8. De Veniſſa Sa-  
 lacia item Malina & Liduna, ſeu de æſtu marino. *ibid.*  
 1645. & 1650. in 4.  
**D**iatribæ Majana Exoterica de Panegyricis Majumis, Mai-  
 campis & Roncaliis, Majalibusque aliis. *ibid.* 1651.  
 in 4.  
**R**ei Hortenſis & Botanicæ Scriptores metrici: Columella,  
 Palladius, Walafridus, Macer, Sammonicus, Mar-  
 cellus & Salernitani, cum variis variorum, ſed vere-  
 rum, eadem de re argutis Epigrammatis hinc inde  
 congeſtis. *ibid.* 1653. in 8.  
**D**uûm Victorinorum, Piſtavenſis & Afri, Sanctæ reliquæ.  
*ibid.* 1653. in 8  
**Q**uæ Septimi Florentis Tertulliani Opera Poëtica omnia cum  
 Animadverſionibus, junctis Poëmatis, quæ Ceci-  
 lii Cypriani eſſe perhibentur. *Lipſ.* 1653. in 8.  
**F**lorilegium Græco-Latinum diverſorum Epigrammatum  
 veterum è CCLXXVII. Auctoriſus Græcis ab Aga-  
 thia Scholaſtico & Maximo Planude jam olim Col-  
 lectorum; recens vero à CCCXXX. Latinis Poë-  
 tis, Carminibus totidem translatorum. *ibid.* 1651.  
 in 8.  
**S.** Orientii Illiberitani Episcopi Verſus Commonito-  
 riû floridiſſimi reſtituti & emendati. *ibid.* 1651.  
 in 8.  
**D**racontii Hiſpani libellorum biga, quorum prior Hexaë-  
 meri titulo pridem, ſed mutilus, Heroico metro, al-

ter Elegiaco prodiit : Novis notis aucti & illustrati, *ibid.* 1653. in 8.

Damasi 1. Pont. Max. carmina sacra, *ibid.* 1653. in 8.

Psalmi, hymni & carmina sacra Gallicorum Scriptorum & Episcoporum, Drepanii Flori, Theodulphi & Jonæ Aurelianensium, Moduini Hedui, Laidradi & Agobardi Lugdunensium, cum notis, *ibid.* 1653. in 8.

Dracontii & Eugenii Toletani Carmina sacra, *ibid.* 1653. in 8.

Accii & Aviani Centuria Apologorum Ætopicorum. *ibid.* in 8.


Fl. Cresconii Corippi scripta de gestis Justinii Minoris Augusti. Hildeberti Cenomanensis opera omnia cum notis, *ibid.* 1653. in 8.

De Christi Jesu beneficiis & laudibus L. Cæcilii Lactantii, F. Merobandis, Hispani incerti Constantino ævo Auctoris, Rustici Elpidii & Amæni Diptycha. *ibid.* 1653. in 8.

Paschafii Ratberti, Abbatis Corbejensis, carmen geminum cum notis. Cui accedunt Engelmodi Episc. ad Ratbertum versiculi, & Petri Damiani de gloria Paradisi, nec non Sibyllæ Erythrææ Acrostichi. *ibid.* 1653. in 8.

Quodnam ista per Folia proscriptio fuerit medium, quodque non magis civile quam Ostracismus Excellentissimos Viros in ordinem cogendi extiterit remedium, *ibid.* 1654. in 4.

De Pollinctura sive Balsamatione Cadaverum, *ibid.* 1655. in 4.



# HISTORIA

## VITÆ ET MORTIS

# JOACHIMI JUNGII,

Mathematici Summi, cæteraque incomparabilis Philosophi.

*Auctore*

MARTINO VOGELIO,

Hamburg.

**J**OACHIMUS JUNGIIUS M. NICOLAI, Scholæ Lubecensis Præceptoris, filius, ex BRIGITTA HOLOMANNIA, Viri Rever. JOACHIMI, filia, Pastoris ad Templum Cathedrale Lubecensium, natus est Lubecæ anno superioris sæculi clj l3 LXXXVII. nocte inter XXI. & XXII. Octobr. media, præcise audito primæ quadrante post primam, notabili caractere temporis. Insignis enim est hic annus MARIE SCOTORUM cæde.

clj l3 LXXXIX. Pater ei matura nimis & violenta morte eripitur. Cum enim ex convivio lætus domum pergeret, gladio eum invitus quidam conficit, adversarium suum hunc esse ratus. JOACHIMUS vero Præceptoribus Scholæ patriæ in disciplinam traditus fundamenta jecit linguarum qualiacumque. *Αυτοδίδακτος* potius jam tum grandes ingenii vires cœpit ostendere, cum propter domesticam rem tenuiorem ad Aeademias si non continuo liceret transire. Uni tamen *Drinchanio* aliquid se debere aliquando fatebatur. Cum Rectori viro non indocto sophisma hoc, in *Logicam* quoque *Hamburgensem* transcriptum objecisset; Si nullum tempus est, nox non est; Si nox non est, dies est; Si dies est, aliquod tempus est; Erg. si nullum tempus, aliquod tempus est; Rector non statim quidem ad illud recte respondere valuit, (pro Sorite enim negativo hoc sophisma habebat, qui à nonnullis tanquam illegitimus argumentandi modus ex Logica ejicitur) postero tamen die deprehensa fraude, quam secunda sibi struxerat propositio, primam suam responsionem jure à JUNGIO repudiatam publice attestatus est. Repudiaverat autem JUNGIIUS, quod nec prima nec secunda nec ultima propositio negantium nomine ap-

pellari possent, & inde Soriten negativum non redderent. Huius rei memoriam commendando JUNGII ingenio Giffæ postea præsens usurpavit, quamvis non existimaverim potissimum virum, quod ex *Fonseca Instit. Dial. l. 8. c. 15.* Iophilma hoc accepisset ignoravisse. *Tragœdias* etiam fecit valde adolefcens, & condiscipulis suis *Rami Dialecticam* prælegendo exparavit.

clō loc V. *Orationem* conscripsit *adversus Artem Oratoriam pro vera & sana Eloquentia*, non ut solet fieri persona accusatoris assumpta.

clō loc VI. ætatis 18. cum dimid. XXI. Maj ad capefendam uberiorem ingenii culturam Rostochium venit. Cœpit *Suarefii Metaphysicam* imp nsius evolvere, diligentæ notis etiamnum superfluitibus, usus Præceptore *M. Iovanne Slekerō Pomerano*, sub cuius præsidio primum de *Naturali Dei cognitione* eodem anno, deinde de *Potentia Activa*

clō loc VII. mense Nov. theses publicæ ventilationi exposuit. Sensim autem cum ad Mathematica præstantius iter pergeret, quantum scientiæ suis cultoribus Metaphysica promittat, sagaci industria subodoratus est.

clō loc VIII. Gießam X. April. ingreditur, ubi

clō loc IX. ætatis 22. liberalium artium Magister factus una cum aliis, inter quos ipse primum locum habuit, *Stablius* quartum. Apud hunc, ut obiter istud adjiciam, paucæ quædam JUNGII schedæ tantum faciebant pretii, ut eas non nisi cum intimis suis communicaret. Cujus tamen viri veneratione in Germaniæ Academiis satis magna est, ut philosophastris tam sinitre de nostro judicantibus merito obstruere os valeat. Sed redeamus, unde digressi sumus. Cum constitutum ei paulo ante fuerat, porrum eum in quo semel ratem suam sacro morsu fixurus esset, recta tandem via petere, incitatum cursum paulum deflexit Academiæ Gissensis decretum, quo ipsum nihil minus cogitantem circa Martini festum in Professoris Mathematicum *Nicolai Hermannii Franci* locum sufficiunt, qui ante mensem circiter supremum diem obierat, relictis (quod *ais cū nupō dō*) de ingenii sui monumentis *Arithmetica Practica* libris sex.

clō loc XII. 14. Junii Francofurti solennitates in Electione & Coronatione MATTHIÆ spectavit.

*VVolfgangus Ratichius Saxo* circa hæc tempora XIII. fere annos in reperienda ratione linguas & artes expeditius addiscendi laboraverat, communicato suo proposito cum  
qui

quibusdam Protestantium Principibus. III. LUDOVICUS altius in fundamenta jubet inquirere *Christophorum Heluicum* excellentem Theol. D. & *πολυίσορα*, & *Iungium* Mathematicum, ut cum *Ratichio* Francofurti

clō Ioc VIII. coram conferrent. Natus est igitur *Kurzer Bericht von der Lehrkunst VVolfgangi Ratichii*, durch *Heluicum & Iungium*. Recusa quoque *Lutheri* treuhergige Vermahnung an die Bürgermeister und Rathherren aller Städte in Teutschl. daß sie Christliche Schulen auffrichten und halten sollen / cum *appendice Heluici & Iungi Germanica*. Nihil dum de admirandis *Vietæ* laboribus inaudierat. Quærit forte ex eo Mathematicus tum Marpurgensis, post *Jenenfis Hofmannus*, an sine numeris numerare sciret. Quæ occasio ita ejus animum affecit, ut *Vietam* à Jcto quodam mutuo acceptum, & postero die restituendum noctu pervolverit, excerptis tamen necessariis, quæ reliquis proprio Marte inveniendis sufficere putarat. Et parum sane fuit, in quo à *Vietæ* modo abiit, ex paucis sagaciter venatus pleraque. Non tamen hac parte stetit igneus Viri impetus, quo in *Vietæ* *analysin* cum suis meditatibus conferendam propendebat. Itaque per amicos *Vietæ* exemplar ut impetraret, omnem lapidem movit. Cum autem jam

clō Ioc XIV. impetrata missione ab officio professorio Augustâ se contulisset operatus studiis potissimum Didacticis, *Vietæ* *Gießam* ipsi missus Augustam transportatus est. Nulla ei potior cura quam ut describeretur totus. Rarus enim erat eo tempore in Germania hic liber.

clō Ioc XV. 27. Julii Lubecam rursus salutavit.

clō Ioc XVI. circa Augusti initium Rostochium transmigrauit, & commensalibus *Husvedell* se adjunxit. Bienio ab hinc, id est

clō Ioc XVIII. peregrinandi amor & Medicinæ studium ita eum incendit, ut summis Medicinæ honoribus *Paravii* ornari destinaret. Feliciter quoque 22. Decembris eos ibidem consecutus *Sanctorio* *Sanctorio* Medicinæ Theoricæ ordinario interprete in primo loco, duorum Profess. Philosoph. & Medicin. Præsidente, Promotore *Casare Cremonino Centensi* philosoph. ordinar. in primario l. Professore, viris satis celebribus.

Post peragratam Italiæ partem, & celebria quædam Germaniæ loca

clō clō XIX. sub finem Augusti Rostochium appulit.

præsidendo disputavit, Unius disputationis *impositum* notari meretur, quod *Aristotelis* locum l. 3. de cæl. t. 66. de figuris locum replentibus partim illustrat, partim *Schegkii paralogramum* pro demonstratione venditatum exponit. Meditatus videtur fuisse sub hoc tempus & quod proxime hoc excipit rexisse SOCIETATEM PHILOSOPHICAM, cui nomina sua dedisse aliquos anno

XXXII, reperio, alios

XXXIII, quo Lubecam iverat Rostochio.

Cujus autem rei gratia præstantissimi aliquot viri coire in societatem voluerint, & nunc monstrare potest Schedæ, quæ olim collegas colligere debuit. Et talis erat:

*Sunt in Saxonia & ii omnes honestis vita studiis dediti, à quibus ratio est inventa vel absirusissima quæq; sophismata apudicte refutandi, idque ea certitudine atque evidentia, quâ propositio aliqua Euclidea deducitur. Logicam quoque qua nunc obtinet, tantis accessionibus locupletarunt, ut plane nova videri posset. His quasi armis confisi planissime se probaturos pollicentur. Philosophiam Iesuitarum qua Europam pene omnem hodie occupavit, nonnisi sophisticam & meras imposturas esse, quibus illi incautis hominum animis illapsi, Pontificia superstitioni præsidium, sibi dominatum callidissime quarunt.*

Deinde Nova permulta in Mathematicis partim affecta, partim etiam confecta habent, & inprimis, summum harum disciplinarum apicem HEVRETICAM; cujus ductu problemata amissa restituuntur, nova proferuntur, dubia firmantur; denique nobilissima hac scientia tam copiose augeatur, ut infinitis modis vita humana commodet.

Hoc amplius, viam longe expeditissimam pervestiganda Natura se monstraturos profitentur, quam si quis ingrediat futurum spondent, ut certo & absque errore ad rei proposita metam perveniat.

Ea autem quia in permultis Observationum quasi quodam filo dirigitur, qua sine instrumentis, operis, sumptibus constare nequeunt; adjumenta quadam ab hominum fortunatorum verique amantium beneficentia desiderat.

Verum enim vero non benigniora fata habuit ista Societas Ereunetica, quam quæ olim patrum nostrorum memoria in Anglia ab Hugone Latomero, Grocinio, & Thoma Linacro instituta fuerat ad illustrandam Aristotelis Philosophiam, & vertendos ejus libros, sed irrito omnino conatu,

cum

cum tamen illam Eleutherianam præ hac meliorem omnino successum meruisse, nemo libertatis Philosophicæ studiosus negaverit.

clj. Joc XXIV. 6. Februarii solenniter Rostochii Mathematicum Professor renuntiarius, cum ante ut in locum *M. Joannis Posselii* Græcas professi literas succederet, statutum fuisset.

10. Febr. Sponsam suam CATHARINAM, *Valentini Hafemanni* civis quondam Rostochiensis primarii relictam filiam domum duxit. Ex qua (sermonem omnem de ea hic absolvam) nullam suscepit sobolem, mortua Rostochii anno XXXVIII. 16. Junii, cum nec Hamburgi nec Lubecæ à melancholiæ ægritudine curari potuisset, ex quo tempore viduus semper mansit.

claj. Joc XXV. 21. Junii Helmstadii Professio Medica ei assignata. Sed vix confederat cum bellum Danicum Professores pelleret, Brunsvigæ igitur aliquamdiu commoratus medicam artem fecit, donec anno

XXVI. Brunsvica Lubecam, inde Rostochium secunda feria Pentecost. rediret, ubi Mathematica tum iterum publice docuit.

XXIX. Trium Regum festo Hamburgi ædes Rectoris intravit, die XIX mensis Mart. solenniter Gymnasii & Scholæ classicæ Rector designatus est.

XL. 16. Jul. Scholæ classicæ regimen deposuit, servata solius Gymnasii præfectura, & Logicæ, Physicæque Professione.

LVI. post Paschatos festum ex lapsu æger redditus claudicare quasi deinceps necesse habuit, ingruente simul senectute, nec minante sed trahente post se memoriam imbecilliolem, viriumq; ingenii decrementa, aliasque plurimas molestias. Accessit malum quod vocant hypochondriacum quod graviter sæpe senem nostrum affligebat, somniq; paucitas anno maxime

LVII. vel levissimo gallorum cantu non dicam turbati sed plane oculis excussi, ut ædibus ad tempus mutandis primam suggereret deliberandi ratione caniculari præsertim instanti tempore. Per vices tamen bene valuit, bene dormivit. Cum in ædes suas remissiore æstu iterum immigrasset, ex alio lapsu caput dolere conquestus, novum sibi impendere morbum sensit, & hunc fatalem. Ad Christum igitur spirabat unum, & huic Apostoli illo: *Dissolvi cupio, & cum Christo esse.*

esse, animam suam haud semel & tunc & alias commendantem audivimus. Festinabat autem 15. Augusti nimio opere sacramento Eucharistico præmuniri, quod juxta morem nostræ Ecclesiæ magna submissione animi sui peccata confessus, ad languorem quoque se cui commodo Divina providentia daret agnoscens, cum debita veneratione suscepit. Sed Medicorum longe experientissimorum cura & singularis per omnem vitam victus temperantia cum jam morbum depulisse videretur, non ita multo post 5. scil. Septembris de-nuò à languore occupatur, memoria & phantasia per vices nonnihil à 10. die ejusdem vacillante, sani tamen animi indicia sub finem non pauca edens. Nec alius ei postea morbi quem apoplexia pridie mortis comitabatur, quam vitæ finis fuit.

Obiit autem 23. Septembris tertio undecimæ nocturnæ quadrante, & beate quidem, ut speramus de omnibus, qui alias pie probeque per totam vitam inter Christi nos vixerunt. Et ne de hoc aliquis amplius ambigat, operæ pretium duxi pauca quædam superioribus adjungere documentis. Biblia sacra non minus diligenter atque Aristotelem suum legerat; instructus sane excellenti Græcæ linguæ cognitione, Hebrææ mediocri quidem sed vel magnis quandoque optanda Theologis. Nec legit tantum sed & vita, quantum quidem humanæ imbecillitati datum in summis viris maxime sæpius conspicuæ, diligentissime expressit. Famulis suis catechesin *M. Iusti Gesenii*, cum cura legendam non tantum dedit, sed & an intelligerent, pii oeconomi officio subinde sciscitatus est. Præscripserat ei hos versiculos:

*Such Gottes Reich vor allen Dingen/*

*So wird dir alles wol gelingen/*

*Maßst du aber einen andern Anfang/*

*So gehst dein Sach den Krebsgâng/*

Sæpissime etiam mecum questus paucitatem piorum, *Terentium*, ajebat, & *Ciceronem imitari discunt*, *Christum imitari non discunt*.

Ceterum omnis ejus conaminum eò pertinebat destinatio, ut Divino honori & veritati contentius provohendis, *Scientias Artesque rationi & experientia innixas epistemonice & Heuretice propagaret*, atque ab opinionum & sophismatum tricu, quibus omnes fere scholas impeditas viderat, ad apodixeos expeditam firmitatem reduceret.

Maxi-



Maxima sane posteritatis admiratione dignum iudico, quod tantillo quo Philosophiæ se dederat tempore, aliis interturbatum studiis tantos errores Philosophiam occupasse jam tum perspiceret, cum Societati quam dixi præflet inventa ARTE PROTONOETICA, qua periculosis diexodorum anfractibus eductos in solem protraxit. Primæ enim mentis operationis omiſſa fere ubique mentio tantum abfuit, ut in protonoemata i. e. irrefolubiles notiones usque reſolutio fieret, infinita in rebus Philoſophicis peccata pepererat: diexodica ubivis procedebatur via, & ſolus regnabat *modus docendi actū (vel Latinis reipſa) catholicus*; tum tegendis tum cumulandis opinionibus peridoneus: *æſtheticō* plane non noſcitato, quo Mathematici ſua theorematata declarant & demonſtrant actū catholice ante propoſita.

DOXOSCOPIAS igitur exercuit numero plurimas, & opinionum vanitatem non Ramea periergia, ſed ea evidentiâ detexit, qua Euclideâ aliqua propoſitio demonſtratur, quod non diffitetur Vir quidam ſummus, cum omnibus qui Ariſtotelem oppugnarunt hunc cum laude non parva & quaſi de quibusdam Ariſtotelis dogmatibus dubitabundus antepoſuit. Impreſſæ ſunt harum aliquot, multo plures in Phyticis, paticiores in Logicis ſervamus. Atque in *Phyſicis* quidem affectas *Doxoſcopias varias* Dialecticorum facile Principis *Ariſtotelis* & duarum Peripateticæ *Phyſicæ* ſectarum, *Cramatitarum ſive Alexandreorum*; & *Morphitarum ſive Averroïſtarum*, inter quos *Zabarella* eminet: Illi præter primas qualitates ſive poteſtates in elementis nihil agnoſcunt, hi formas innominatas ſuperaddunt.

Absolvit autem *Phyſicas definitiones & Aſſertiones* (vocabulo licet magno Voſſio non probato; diſtinguendis tamen his ab hypotheſibus & theorematibus accommodato ſatis). *Prælecciones de anima*, *Tkeſes Phyſicas* *Iacchæo* & *Burgersdicio* & aliis oppoſitas, *Exercitationes Phyſicas*, è quibus unam nuper deſiderabam, unam mutilam inveni.

Faſciculus quidam *Doxoſcopiam Sporadicam* completitur opinionum ſcil. *I. C. Scaligeri*, *Schegki*, *Harvvenrenteri*, *Iavelli*, *Svareſii*, *Fonſecæ*, *Toleti*: de putredine *Claudini*, *Valleſii*, &c.

Alius *Fernelii*, *Magiri*, *Sennerti*, *VVichelmanni*, &c.

Referam huc *Doxoſcopiam Galenicam* ob argumenti vicinitatem.

In *Galileum* itidem, *Carteſium* & *Gaſſendum* eximios

nostra ætate Philosophos animadversiones quasdam scripsit, sed paucas illas, quod cum ipso veritatem experientia & rationi Mathematica via superstruerent.

Ad Logicas Doxoscopias venio, quæ Logicæ naturam, præsertim nobilissimam ejus partem Epistemonicam à variis tritis expeditam nativæ majestati suæ reddiderunt. Zabarella *reptinens* de notionibus secundis, demonstratione tritermina, definitionibus, & aliis jam olim profligaverat; Dissertationes aliquot in Gymnasio hac de re habuit, nonnullas privatim suis excutiendas dedit. Editioni quædam appendices jam dudum fuerunt paratæ, quædam in fasciculo cui titulus *Apodictica Zabarella*, indigesta reperies. Jacobi Schegk lib. XV. de Demonstratione examen parantem & expectantem Andrea Planeri SchegkI discipuli scientiam demonstrandi immatuta nimis mors avocavit, territum hac cogitatione sæpius cum inchoaret.

Neque vero ex illo tempore quo *Logica Hamburgensis* lima defuisse existimata est, illa ut fiderata vitis jacuit. Noluit sane, ut sæpe mihi dixit, tot bonas horas perdere longe sublimioribus occupatus negotiis. Retundendistamen quorundam vanis jactationibus supersunt schedæ digerendæ eristico se oblectantibus certamine.

Scripsit præterea epistolam Cartesii Logicam consentem ad quendam suorum discipulorum, in Principis famina in primis obsequium, quæ Cartesium summo in pretio habebat.

Quid de *Verulamii Philosophia* sentiendum, integro quoque fasciculo nobis suam mentem aperuit.

Omnia hæc tacito quasi consensu *Logicam Hamburgensem* ceteris supervehunt, excellentius autem idem præstant.

*Examen Controversia* inter duos celebres viros non ita multos ante annos agitata, an Theologus semper in forma argumentari debeat;

*Examen syllogismi Tanneriani*, qui extat in colloquio Ratiobon. circa fin. Sess. XI. Qui negat Articulum fidei aliquem, is solum est hæreticus; Sed hæreticus est qui negat Tobiam habuisse canem, ergo sequitur esse articulum fidei;

*Censura Bertiana* reductionis syllogismorum relative compositorum (qua fit transpositis propositionibus & Majore conversa.)

Pertinet hæc fasciculus vel præcipue notandus, quo

Ari-

*Aristotelis Analysin non nisi recognitoriam, ut appellabat, fuisse, liquidis argumentis ostendit, falli omnes qui Inventivam seu Heureticam existimarunt.*

Ille item non omittendus, quo veram *metacognitionem* ex Aristotele indagavit.

De modalium conversione absoluta est exercitatio, cui & illa, ut corollarii loco METAPHYSICOS labores subjiciam, contra sententiam VVichelmanni de Metaphysica probante principia;

Itemque à discipulo ejus elaborata de probationibus eminentibus adversus M. Iustum Bravu.

Et Axiomata ex Aristotele cum cura in unum collecta opusculum.

Fasciculi METAPHYSICI qui supersunt variis in Metaphysicam observationibus abundant.

Qui noverit quid sit Doxoscopias exercere, quanto labore constet tædiosos opinionum labyrinthos perreptare, quam studiosa cautione opus, ne vel adversario tuo alienam affingas sententiam, vel aliquam quæ sub ambiguis & obscuris latet, reticeas, de tantis Viri hujus laboribus recte demum sentiet.

An verò inquit aliquis, nihil ipse invenit, qui tot opinionum monstra detexit? nihil ne nisi refutare didicit? Imò vero inquam satis rerum invenit ille, qui *semnosophistica* cavendi viam excogitavit, exquisitissimam. Sed hoc non attendam. Quid iste non sperabatur invenisse, qui summum Mathematicarum disciplinarum apicem, HEURETICAM s. ANALYSIN s. ZETETICAM signo, intentius excussit, cuius ductu, ut ante audiebamur, problemata amissa restituntur, ante non soluta solvuntur, qua nova theoremata invenit, novos canones condit, dubia firmat, qui tam tam copiosis auxit accessionibus, ut infinitis modis vitæ humanæ commodet? Eximius sane labor fuit Apollonii ut vocat Saxonici, sive locorum planorum Apollonii restitutio, cui perficiendo VVoldetum VVelandum Verda Saxonem socium adhibuit virum juvenem jactura irreparabili nobis ereptum, ni alios Deus ad hanc absolvendam Venerem suscitaverit. Videre quidem nuper nostrò seni contigit quæ summius Analyticus Franc. SCHOTENIUS de eodem argumenti publici juris fecit, sed conferre *Analysin Cartesii* cum *Vietae* & sua parum sufficit ob inimitatam judicii acrimoniam quam res

hæc exigebat summam, quædam tamen ad *ejus Geometriam* validior adhuc notavit.

Quid de *Cyclometricis* dicam operis? quid de *Conicis* & reliquis *Stereometricis*? quid de compendio *Geometriae numerosæ*? Quid de *Arithmetica augmentis*; de *Trigona normali*, de decimo *Euclidis* generaliter proposito, & in *soixèze* animadversionibus?

Potius est ut attingam paucis *PHORANOMICAM*, quæ magnitudinem ut motu implicatam considerat, *vectionem*, quæ *Ochetica* est peculiaris; *pulsum*, *tractionem*, *connexiones*, *misiones*, *compositiones*, *deflexiones*, *repercussiones*, & inde exorientes *orbitas* h. e. motu signatas *lineas*, *Motum* item in *Validitate* & *Debitate*, tum in *Velocitate* & *Tarditate* comparat, rursus motuum compositorum unius cum altero, sive in *orbita* sive in *tempore* aequipollentias speculatur. Eam hætenus parte sua nobiliori partim proliis ignoratam; partim aliis mixtis Mathematicis immixtam & primis suis principiis primus extruxit, ordineque digessit, ut in eam amplitudinem excreverit, in quam *Optica*, nec minores ex illa quam hac ad humanam vitam redundent fructus. Docuit hanc olim Ill. Comitis Novi Castellii in Angliâ fratrem, cum *Hamburgi* viveret, Generos. Baronem CAROLUM CAVENDÛSSHE, qui in Angliam primus n. falior *Jungiani* nominis gloriam intulit, in majus à *Slezero*, *Comenio*, *Harlebio*; aliis auctam. Ex conjugio *Phoranomicæ* & *Opticæ* *Phoranomica* enascitur *Parallactica*, quæ magnitudinem motu implicatam; visuque observatam expendit, sine qua ne notionem quidem motus distinctam formare intellectus potest.

*STATICAM* quæ corporum gravitatem contemplatur, pondera contendit cum ponderibus, eorum pro distantia à centro statere aequivalentias sive *Ijorrhopias* & differentiam gravitatis ejusdem ponderis in diversis liquidis mediis scrutatur, magno observationum cumulo locupletavit.

*Loxostaticam* ab *Hygrostatica* secernebat. In illa silentio præteriri non debet quod contra maximum *Galileum* de *Catena Loxostatica* observavit, sive, si clarius cupis, decurtata ex duobus paxillis suspensa: curato enim *Calculo* deprehendit non facere catenam talem perfectam figuram parabolicam. Memoranda simul hæc *Geometria Loxostatica linearum*. In *Hygrostaticis* observationes supersunt de *Triangulo*, *Rectangulo*, *prismate triquetro*, &c; natantibus. In

*Centrobarycis* quæ in gravibus gravitatis centrum indagant *Geometria Centrobarycis* inserviens. Hypothesi quæ ad aliam reduci poterat in his omnibus studiose ut in ceteris deduxit, plura principia ad pauca, cavens ne cum *Stevino* hypotheses præter necessitatem multiplicaret.

Quod ad *ASTRONOMICA* attinet, *catalogum stellarum fixarum* egregie emendavit, ex quo *Globis* plurimæ adscribendæ sunt si omni numero absolutos optamus, etiam quæ ex serenis noctibus satis clare videntur. Similiter facilem monstravit artem quæ *stellarum in planum projecti characteres commodius queant dignosci & retineri firmitus*, ad *Geographicarum tabularum* instar excogitati, interque se mutuo cohærentes. Cæterum in schedas conjecit *observata varia, & item Spharomeiricas lectiones*.

*GEOGRAPHIAM* ita curioso oculo perlustraverat totam, ut si pro lexico potuisset me illo uti dicerem *Geographico*, dicerem sane quod res est. Testes reliquit plurimos: *Tauri montis nexus accurate perquisitos, Colonias Græcorum, Romanorum, Africa regna quatuor, Asiam, Palestinam, Germaniam, Germaniam superiorem, Geographiam recentiore, Geographiam denique generalem*.

*Chronologica, Chronologiam Romanam, Græcam, lectiones munitorias, Opticas, vel potius Photoscopicas Observationes* obiter tango, neque multum immoror *HARMONICÆ compendio* celebrando.

*Specimina SCIENTIÆ SITUS* in *Texturæ* contemplatione non possunt non esse admirationi omnibus, ubi præmissis paucis definitionibus aliquot subjicit theoremata.

*MATHESEOS ATOMISTICÆ, CHYTORRHOPICÆ* singularis in *PNEVMATICIS* latentis scientiæ, & *LEIPTOTHICÆ* præcipua si explicare vellem, nimis cresceret nostra historia.

*MECHANICÆ* scientiæ suppellectilem hanc habet: *Lexicon Mechanicum affectum* ut & cetera quoque.

*Mechanicam Quietis*, ubi de nodis, & laqueis. De laqueis quidem *Galenus*, de nodis hætenus quod sciam nullus, ex quibus tamen sæpius hominum vita pendet.

*ARTIFICIA, OPIFICIA VARIA, Fullones, Vitriarios, Infectores, Cornifrangos (Hornbrecher) & plurimos alios*.

*Chronodidactica* live si mavis, *Automataria*.

ASTROLOGICAS autem VANITATES indignas quæ in Mathematicis numerentur, peculiari fasciculo decessit.

Atque hæc quidem omnia incomparabilem omnino nostrum reddendo sufficere valerent, ut non cum *Archimede*, *Apollonio*, aut *Vieta* conferendus, amplius longissimo hos omnes intervallo relinqueret.

Verum quid quæso ad subtilissimas Logicas demonstrationes? Alias ne attingam numero plurimas unico contentus exemplo, *Consequentia* utilissimam & in omnibus fere disputantium congressibus obviam, quam *Hyphorismum* in schedis, in *Logica Hamb.* à rectu ad obliqua dixit, demonstrare eidem in proclivi est Apodictica & Euclidea certitudine. *Notionum* vero tot venatus est differentias, tot indagavit πύθη. ut si lucem aliquando viderint, vel hæc solæ eruditos in JUNGI mentis admirationem plane incredibilem rapturæ sint. Quis Logicorum hætenus Homonymiarum species exacte numeravit? Quis Adsignificationis Homonymia amplissime se diffundentis verbo meminit? Quis genuinam demonstrationis indolem sua facie expressit? Inter inventa sua Logica sæpiissime celebrantero cum gaudio audiui *Notionem contrariarum Differentiarum investigatam*, promptamque differentias específicas indagandi methodum. *Superfluoꝝ multitudinē necessariis suffectis tollit maximam*. *Orationem internam* quam in Logicis potissimum observabat, ab externa ubique curiose & utilissime disjungit. *Pradicamenta ex scholis relegat: Pradicabilia reformat ambiguitatibus denudans; Modalium inexplicabiles tricas cum Suppositionibus ejicit, Syllogismum solum non instituenda Analysis recognitoria, non controversiis finiendis sufficere, advocandas esse alias diandas a quæ experientia interna, ac syllogismus est, superstruittas.* Quid alia? In *Antisophistica* plura ad pauca reducit. *Artem disputandi facilimam reddit.* Augere licet quemlibet *Hamburgensis Logica* librum ex chartis ipsius in magnum volumen.

DIDACTICÆ item *Scheda* & *Hermeneutica* *Dianæ* inordinati adhuc labores in continuos facile mutari poterunt.

PHYSICUM vero studium stupebunt omnes qui versabunt aliquando *Logicam Phyeoscopica*, *Auctores Physica*, *Physicam καθολικὴν*, *Definitiones Reflexivas* & *Rectas Syndiacricas*, *Syndiacrisin*, *Democritica*. Admirabilis est *Textu-*

*auram* *Templa* modo sciendi *Physico* *inserviens*, Adde *Observationes* de corporibus *similaribus*, *observationes* *Terra*, *Aqua*, *Aëris*, *Ignis*, *lixivii*, *muria*, *aceti*, *vini*, *fermenti*, *sebi*, *creta*, &c. de *Mineralibus* *generalia*, *Fossilia*, *Lapides* in genere, *Fossilium* *loci*, *Dictionarium* *Docimasticum* *Metallurgicum* *Chimicum*.

**METEOROLOGICORUM** *fasciculus* *unus* *est*.

**Plures** *numero* **BOTANICÆ** *rei*: *sc.* *Isagogen* *Phytoscopicam*, *opus* *confectum*, & *huic* *addenda* *generalia* *Botanica*, de *Plantarum* *speciebus*, de *differentiis* *plantarum*, de *generatione* & *propagatione*, de *generatione* & *immutatione* *earundem*, de *seminis* & *florum* *differentiis*, *Hortos* *Botanicos*, *lectiones* *Phytoscopicas*, *Disputationes* *Phytoscopicas* & *Botanicam* *Patavinam*.

**Ad** *sunt* & **GEOPONICA** & **AMPELURGICA**.

**ZOOLOGIÆ** *tam* *generalis* *quam* *specialis* *historiam* *aliæ* *schedæ* *suppeditant* *Creatoris* *disceptationes* *maxime* *prædicando* *tum* *sapientiam*, *tum* *potentiam*, *tum* *providum* *regimen* *collectæ*. *Impense* *autem* *præ* *ceteris* *suas* *Meditationes* *de* *Insectis*, *de* *Tineis*, & *Scarabais*, *de* *Erucis* & *Papilionibus* *generalia* *æstimabat*.

**Ultimos** *inter* *labores* *Physicos* *Alphabetum* *fuit* & *Introductio* *in* *Physicam*. *Uterque* *sane* *præstans* *est*, *sed* *posterior* *mors* *mutilat*. *Alter* *Consonas* *contemplatur* & *profundius* *nonnihil* *quam* *magnus* *vir* *Ioannes* *VVallisius*, *cujus* *insignem* *de* *Sonorum* *Formatione* *tractatum* *cum* *Alphabeto* *nostri* *pridem* *mihi* *contigit* *conferre*.

**MEDICA** *nunc* *essent* *his* *subnectenda*, *sed* *vela* *contrahi* *oportet*. *Satis* *est* *olaudasse* *in* *iis* *Logicam* *Medicam*, & *Historiam* *Medicam*.

**Et** **CHIMICA** *transeant*, *quia* *sunt* *pauca* & *quædam* *sub* *Physicis* *observatis* *comprehensa*.

**PHILOSOPHIÆ** **PRACTICÆ** *vero* *vel* *exaugendæ* *utilem* *vel* *reformandæ* *necessariam* *opem* *afferent* *Annotata* *de* *Philosophia* *practica*, *Theses* *Ethica* *generales* *adversus* *Aristotelis* *quædam*, *plura* *Peripateticorum*, *Ethica* *specialia*, *de* *Arte*, *Prudentia*, &c. *singularia*; *Platonis* *Ethica*, *Politica* *generalia* & *specialia*; *Politica* *theses* *adversus* *Aristotelem* (*supremorum* *unū* *est*;) *Platonis* *Resp.* *Romana*, *Græca*, *Imperium* *Germanicum*, *Matricula* *imperii* (*hanc* *be-*

neficio Geographicae suae peritiae collatis diligenter omnibus juris publici auctoribus multis in locis emendavit; ) & postremo in *Hobbesii Politicam* nota.

**HISTORICA** sunt ista: *Historia Philosophia antiqua, Historia Peripateticorum, historia recentioris pauca, Historia Ecclesiastica collectanea, denique Papa regnum.*

Definam si prius signavero *Analogiam Latina lingua, item Germanica, Nomenclatores, Lexici Teutonici initia, Theses Grammaticas, Teutonica vocabula didactica, de Hebraea, Graeca, Aegyptia, Armenia pauca, & Colloquiorum Posselii censuram. Quibus affinia sunt Poëtica, Rhetorica & de Monetis specialibus & Episcopalibus, de Mensuris & Ponderibus non ubilibet obvia. Hellenisticam, quia Salmasius jam funus extulit & ossa legit, non resuscito.*

Quid superest aliud quam quærendum stupentibus quæ tam capax omnium memoria, tam in omnem cognitionem versatilis indoles, tam industria cura, quod tam sagax iudicium, tam vastum JUNGII ingenium fuerit, quod tantæ scientiarum moli, tot observationibus, tot novis tam feliciter excogitandis, tot historiis, tot linguis continendis, simul menti in se ipsam toties reflexæ, simul maximis rebus gerendis sustinuerit sufficere?

Nihil tibi deerat JOACHIME nisi Alexander aliquis, adeo grandibus ausis tuis & sine exemplo consiliis, ex tuo voto omniumque veri amantium latius porrigendis, & quaqua versus patet orbis, gloriose demonstrandis. Diximus paucis de JUNGII laudibus, & quem titulum præfert historia, soli fere ab omnium memoria competentem deprehendimus, elaboratius & cum ingenio aliis potius dicendi quam nobis intra præfixos reciso tempori cancellos scriptionem præcipitantibus. Nunc ex pollice gigantem æstimet qui potest.

Atque hæc omnia excitandis Viris summis quibus orium est & ex hisce volupe, ad indigesta JUNGII *Zetetica* ordinatius digerenda, alioque quam quo nunc pleraque jacent habitu induenda potissimum à me conscripta sunt, qui pro hisce solis timeo, cum paucissimi fiet qui τὸν θεὸν καὶ τὴν μακάριον ἀνθρώπων attingere soleant. Impetrata autem facile, quod plurimis nominibus tanto Præceptorum tantoque Amico, plurimis quoque obstringar ejusdem TESTAMENTI curatibus. Noluit enim committere ὁ θεὸς γέρας, ut mors inchoata sua abruptura eadem omnino aboleret. Ea re, dum vita ei suppetebat, ad exemplum *Petri Rami* non neglectis

ramen



tamen consanguineis Testamento sancitum voluit, ut illis quos Euclidis Elementis & Logica Hamburgensi veritatis amor addidit, de suis bonis stipendio qualicunque prospiciatur, pro conditione temporum inter pauciores pluresve distribuendo, longius autem profuturo his qui omnem vitam ad vera Philosophia studium conferre destinant. Selectiorem quoque Bibliotheca sua licet non magna supellectilem Philosophicorum usui consecravit. A singulis autem hoc beneficii sibi reddi postulat qui suum sumserint, ut unum ad alterum, pluresve fasciculos in ordinem redigant, incepta extendant, & ab interitu asserere quantum quisque vel ingenio vel iudicio valuerit, etiam annitantur. Eo vero præcipue Voluntas hæc ultima valere debuit, ut fortunatiores sociatis præmiis ad Philosophica studia avidius amplectenda plures hortarentur, ne quam fere Germaniæ minantur ruinam, aliquando tristi fato videre contingat. Cæterum curabunt omnia rectissime pro ea qua sunt fide & diligentia ab ipso in hanc Administrationem rogati Viri Excel. & Experientiss.

ANDREAS CASSIUS, Med. & Phil. D.

CHRISTIANUS BUNCKIUS, Med. & Phil. D.

*Viri Ampliss. & Consultiss.*

DAVID PENSHORNIUS, J. U. L. & Reip. Hamb.

Senator dignissimus.

CASPAR WESTERMANNUS, J. U. L.

*Et Vir Doctiss. & Spectatiss. civis*

JOACHIMUS BECKENDORFIUS,

omnes Jungiani nominis cultores, Mathematicumque & solidioris Philosophiæ Fautores incomparabiles.

Nunc manum de tabula.

## LEGES SOCIETATIS EREUNETICÆ.

### I.

**C**um omnis societas finem cuius gratia instituta est legum suarum principium, adeoque summam legem habeat: Scopus Collegii nostri unicus esto, veritatem à ratione & experientia tum inquirere, tum inventam monstrare; siue artes & scientias omnes ratione & experientia subnixas à Sophistica vindicare, ad demonstrativam certitudinem reducere, dextra institutione propagare, denique felici inventionis augere.

## II.

Quilibet collegarum sibi certam aliquam materiam summat ingenio & viribus suis congruam, quam à Praside ad id sufficienter instructus, optima methodo (qualem Protonoëtica esse spondet Praeses) pertractet, & spudasma suum dein collegio offerat ceu symbolam, ut rursus reliquorum collegarum laboribus fruatur mutuis,

## III.

Si quam novam demonstrationem, observationem, aliudve quodcunque inventum hactenus non vulgatum collegarum aliquis Collegio sub silentii fide obtulerit, quod quidem in libros commentariosve collegii relatum, & à Registratore consignatum sit; id in jure ejus maneat, qui sub silentii fide obtulit,

## IV.

Quicquid laboris primo semestri ab eo tempore quo cum Praside de materia excolenda convenit vel meditando, vel observando absolverit, id omne in jus Praesidis transeat,

## V.

Quicquid ita elaboraverit praterea, ut in eo continua quasi alterius collega manu ductione & correctione opus habuerit, id in jure ejus esse reputetur, qui manu duxit.

## VI.

Si quis collegarum spudasma aliquod Collega ex praescripto auctoris in ordinem redegerit, vel epitomen inde pro collegii usu extraxerit; vel indicem super id confecerit, aut secundum canonem ab altero collega traditum calculationem absolverit, omne id ordinatum, extractum, confectumve auctoris sit, non ordinatoris aut abbreviatoris, aut calculatoris. Neque opera ista ordinaria symbola loco numeretur, sed officii collegio debiti rationem habeat,

## VII.

liceat collega spudasma suum alteri collega quasi mancipio dare, sive permutatione sive quovis titulo id fiat, & petere ut Registrator in indicem referat, spudasma istud istius collega ad illum collegam utriusque consensu transisse, si id factum fuerit, in jure posterioris habeatur.

## VIII.

Si quod spudasma in jure collega alicujus secundum leges praemissas fuerit, id reliquorum collegarum nulli (sub collega nomine simul Praeses in omnibus legibus comprehensus esto)

esto) siue directe siue oblique evulgare, id est cuiquam communicare fas esto, siue adhuc collegii membrum sit, siue è collegio quacunque occasione vel dimissus vel exemptus vel exclusus sit.

## IX.

Si quis collega à collega Mathematicam Heureticam edoctus fuerit, idque sub silentii fide, & ope istius Heuretica problemata aliqua construxerit, licitum ipsi esto ea ipsa evulgare, modo ne artem ipsam, in quantum ea inedita est, vel exemplis Heuretica Analyseos ob oculos positus, vel expressis canonibus, praeceptis, monitis, h. e. vel oblique vel directe divulgat.

## X.

Si quis diexodos in liquidarum apodixeon formam traducere & apodictice examinare didicerit, apodixes quidem ipsas earumque examina sua industria confecta aliis communicandi potestatem habeat, modum vero reducendi & examinandi sedulo tegan.

## XI.

Si quis collegarum à collega methodum machinas tam staticas quam spirituales, h. e. phoranomicon practicam edoctus fuerit, machinas quidem ipsas à se inventas iuxta eam methodum cui voluerit communicet, methodum auctori suo sartam tectam relinquat.

## XII.

Si quis collegarum scientiam è principiis & demonstratis constitutam, demonstrative extenderit & evulgarit, nondum evulgata parte prioris istius scientia, quam à collega acceptam extendit: dum partem à se adiectam evulgarit, priorem simul oblique evulgasse censeatur, cum principiis & propositionibus prioris ut praemissis siue sumtionibus posterior pars utatur.

## XIII.

Si quis collegarum artem aut scientiam cryptice evulgatam ab auctore suo, sub silentii vero fide collegio communicatam omni crypti liberam cuiquam in collegium hoc non recepto crypti denudatam proposuerit, fidem collegio datam temerasse iudicetur.

## XIV.

Si quod spudasma collega ad collegam vel generali vel speciali iure transferit, ( generali ex lege quarta & quinta, speciali ex lege septima, ) idipsum in posterum nemo, nisi is ad quem transit, divulgandi potestatem habeat,

Quicquid in collegio prolatum, propositum, traditum, explicatum, disputatum, demonstratum fuerit, quod Registrator in catalogum silentiorum non retulerit, ad quamcunque scientiam vel artem pertineat, cuiusvis evulgare aliisve communicare fas esto.

## XVI.

Collega alterius collega symbolam non vilipendat. Sola enim ingeniosa spudasmata scopum nostrum non attingunt, requiruntur etiam industria.

## XVII.

Quia sparsim novi collega accedunt, ii qui Protonoëtica methodi tyrocinia jam fecerunt, onere instituendi Praesidem sublevento.

## XVIII.

Registrator spudasmata sub silentii fide collegio oblata ordine consignet, & utrum recte in commentarios collegii relata sint dispiciat, & catalogum eorum singulis semestribus conficiat, adscripto die & ejus qui obtulit nomine. Idem in alio indice similiter officia collegio praestita annotet, quo commodius onerum aequalitas servari possit.

## XIX.

Fiscalis sive Quaestor collegii fiscum accurate custodiat, & qua ex eo ad communem collegii usum, v.g. ad observationes, experimenta, machinamenta, instrumenta, &c. communi collegii consensu impenduntur, diligenter in rationum codicem referat.

## XX.

Praeses à contributione immunis esto. Reliqui quantum communibus votis, & quoties visum fuerit contribuant.

## XXI.

Quicumque in collegium hoc recipi vult, annum integrum in eodem cum Praeside loco dimoraturum se promittat, nisi peculiariter ob graves causas cum eo à Praeside fuerit dispensatum. Quod si deinde prater expectationem quid ingruat, quod promissorem invitum à Praeside abstrahat, excusatus habeatur.

## XXII.

Si quis exclusionem dignus videatur, quod utinam nunquam eveniat, communi reliquorum collegarum consensu excludatur.

## XXIII.

Leges & instituta collegii temere iis qui extra collegium sunt ne divulgentur.

## EPITAPHIUM.

JOACHIMO. JUNGIO.

LUBECENSI.

PHIL. ET. MEDIC. D.

VIRO. SUMMO.

PHILOSOPHO. SUI. SEculi. INCOMPARABILI.  
 QVI. QVICQVID. EST. HUMANÆ. SIVE. MAGNI-  
 TUDINIS. SIVE. VOLUPTATIS. SIVE. GLORIÆ.  
 PRÆ. UNA. VERI. SCIENTIA. ET. NUDA. VIRTU-  
 TE. BONOQVE. PUBLICO. CONTEMPSIT. GRA-  
 TIAMQVE. EO. NOMINE. ET. INVIDIAM. CU-  
 JUSCUNQVE. EODEM. HABUIT.  
 LOCO.

VIR. ANIMO. MAXIMO. INGENIO. SUBTI-  
 LISSIMO.

SPIRITU. ACERRIMO. DILIGENTIAQVE. NON.  
 ALITER. QVAM. PER. SENECTUTEM. IMMI-  
 NUENDA. PER. MORTEM. SOLAM.  
 FINIENDA.

QVI. HUMANÆ. RATIONIS. MUNIA. AD.  
 EXQUISITAS. REGULAS. REVOCAVIT.  
 MATHEMATICAMQVE. CERTITUDINEM. IN.  
 PHYSICAM. INTRODUCERE. CONATUS. EST.  
 NIHILQVE. LIBERTATE. RECTE. SENTIENDI.  
 PHILOSOPHICA. POTIUS.

DUXIT.

MAGNUM. EST. ALIORUM. MODUM. NOVISSE.  
 ET. SUI.

DOCUIT. MATHEMATICA. GIESSÆ.  
 ET. ROSTOCHII.

MEDICINAM. HELMSTADII. IN. HAMBURGENSE.  
 DENIQVE. LYCEO. RECT. ET. PROF. MULTOS.  
 ANNOS. AMPLISSIMA. CUM. LAUDE. EXTITIT.  
 UXOREM. QVAM. DUXERAT. ROSTOCHII.  
 SINE. LIBERIS. IBIDEM. AMISIT.

DECESSIT. MORTE. PLACIDA. ET. SINE. ULLA.  
 QVERELA.

NATUS. ANNOS. LXX. ANN. CHRIST. c1515e LVII.  
 D. XXIII. SEPT. JUL. NOCTU. SEPULTUSQVE.  
 IN. TEMPLO. DIVI. JOANNIS.

AMICO. BENEVOLENTISSIMO. ET. COLLEGE.

B. M. MERITO. POS.

MICH. KIRSTENIUS.


PH. ET. MED.D. IN. GYMN. HAMB.

MATH. P.P.

## SCRIPTA.

Logica Hamburgensis. *Hamb.* 1638. in 8.Geometria Empirica. *Rostoch.* semel & *Hamb.* bis in 4.Doxoscopix Physicæ minores, seu Isagoge Physica Doxoscopica. *Hamb.* 1662. in 4.Kurzer Bericht von der Didactica oder Lehrkunst Wolfgangi Ratichii, durch Christoph. Helvicum und Joach. Jungium. *Gießen.* 1614. in 4.

Disp. de naturali Dei cognitione: De potentia activa: De loco Aristotelis lib. 3. de Cælo t. 66. De figuris locum replentibus: De Relationibus: De notionibus secundis: De Demonstratione tritermina: De Definitionibus, &amp;c.



MEMORIÆ  
PHILOSOPHO-  
RUM, ORATORUM,  
POETARUM, HISTORICO-  
RUM, ET PHILOLOGORUM

*NOSTRI SECVLI*

CLARISSIMORUM

RENOVATÆ,

DECAS SEPTIMA.

*CURANTE*

M. HENNINGO WITTEN.



FRANCOFVRTI,

Apud MARTINUM HALLERVORD,

Typis JOHANNIS ANDREÆ,

Anno 612 126 LXXIX.

**M. TULLIUS CICERO**

**IN ORAT. PRO P. SEXTIO.**

**COGITEMUS DENIQUE, CORPUS VIRORUM  
FORTIUM, MAGNORUMQUE HOMINUM  
ESSE MORTALE, ANIMI VERO MOTUS  
ET VIRTUTIS GLORIAM, SEMPITER-  
NAM.**



V I R O

*REVERENDO PLVRIMVM, AMPLISSIMO  
ET EXCELLENTISSIMO*

DN. CHRISTO-  
PHORO ARNOLDI,

PHILOLOGO PRÆSTANTISSIMO,  
POLYHISTORI SAGACISSIMO,  
LINGVARUM ORIENTALIUM ALIARUMQUE  
EXOTICARUM AD STUPOREM PERI-  
TSSIMO,

IN ILLUSTRIS AC NITIDISSIMA NORI-  
BERGA ECCLESIASTÆ AD D. Mariæ DI-  
SERTISSIMO, PROFESSORI ITIDEM GRÆ-  
CARUM LITERARUM, ORATOR,  
ATQUE POESEOS FAMIGE-  
RATISSIMO,

DOMINO ET FAUTORI OPTIMO,  
MULTISQUE DE ME NOMINIBUS EGREGIE  
MERITO,

SINGULARI PROINDE OBSERVANTIA  
AD EXTREMUM VITÆ HALITUM  
MACTANDO,

QVEM  
IN EBRÆA ET ANGLICANA  
LINGVIS

DOCTO

DOCTOREM ALIQVANDO EXOPTA-  
TISSIMUM,  
AMICUM POSTEA

VEL EX MILLIBUS PRINCIPEM,  
SUMMA BENEVOLENTIA,  
PLURIMIS OFFICIIS,

FIDUM OMNINO ATQVE CONSTAN-  
TEM NACTUS SUM,

EX CUJUS QVOQVE EPISTOLIS,  
SVAVI OMNIGENÆ ERUDITIONIS  
MELLE TINCTIS,  
UBERRIMUM FRUCTUM PERCIPIO,  
AMICITIÆ PER XV. ANNOS,

SINE FUCO , SINE OFFENSA  
INTER NOS CULTÆ,

QVALECUNQUE HOC MONUMEN-  
TUM JURE MERITISSIMO  
D.D.C.

M. H. WITTE,

NEC TAMEN ABSQVE VOTO DEVOTO,  
UT ECCLESIAE AC REI LITERARIAE,  
QVIBUS PRÆEST AC PRODEST,  
EMOLUMENTO,

SERIS TANDEM ANNIS SENESCAT,  
AMOREMQUE MIHI CONSERVET  
ÆVITERNUM!

SERIES



# SERIES PHILOSOPHORUM, ORATORUM, &c.

SEPTIMÆ DECADIS.

Obiit anno

1657. Michaël Eiflerus, Log. & Metaph. Prof.  
Regiomont.

1658. Johannes Sperlingius, Phys. Prof. Witt.

1658. Georgius Philip. Harsdörfferus, Reip.  
Noriberg. Senator & Philologus.

1658. Caspar Barthius, S. R. Imp. Eques &  
Polyhistor Lipsiensis.

1659. Simon Dache, Poësis Prof. Regiom.


1659. Andreas Tscherningius, Poës. Prof.  
Rostoch.

1660. Joh. Freinshemius, Honorarius Prof.  
Heidelberg.

1660. Laurentius Eichstadius, Philos. Prof.  
Dantisc.

1660. Henricus Nicolai, Phil. Prof. Dantisc.

1660. Augustus Buchnerus, Poës. & Eloq.  
Prof. Witteberg.



HONOR.

## HONOR EXEQVIALIS,

*Viro Spectabili, Excellentissimo, atque Clarissimo,*D. M. MICHAELI  
EIFLERO,

Logicæ ac Metaphysicæ P. P. celeberrimo,

Facultatis Philosophicæ Amplissimæ nunc Decano,

Alumnorum Electoralium Inspectori

primario,

Collegæ ac Amico nostro Honoratissimo,

nunc desideratissimo,

Cum inter publicum Academiæ, ac bonorum omnium,  
luctum, efferretur,*Exhibitus*

a

RECTORE ET SENATU ACADEMIÆ  
REGIOMONTANÆ.

**E**T ita est! ita est, BEATISSIMA ANIMA, prout eodem fere, quo, placidissima emigratione, à mortalitate, ad cœlitum felicitatem, proficiscebaris, momento, plena tuo DEO, lætans atque ovans, exclamabas: *Bonum certamen certavi, cursum consummavi, fidem servavi; In reliquo, reposita est mihi corona justitiæ, quam reddet mihi Dominus, in illa die, justus iudex, non solum autem mihi, sed & iis, qui diligunt adventum ejus.* Imo, quia strenuus DEI miles, legitime, pro DEI honore, intemerataque verbi sui veritate, certasti, nunc triumphas; quia non segnis, & vitæ, & vocationis, & pietatis stadium, decurristi, nunc quiescis; quia in paucis iis, quæ sub miseram hanc mortalitatem, tuæ fidei commiserat, æternus bonorum distributor, fidelis fuisti, super multa jam constitutus, in gaudium Domini tui intraisti, & mansuro æternum, prælii, cursus, fidei, præmio, gloriæ corona redimitus, sine termino, felix effulges. Neque ullum, dicta à nobis, aut negaturum, aut in dubio saltem positurum confidimus, quæquis EXCELLENTISSIMUM, CLARISSIMUM, ATQUE AMPLISSIMUM VIRUM, DN. M. MICHAELEM EIFLERUM, LOG. ET METAPHYS. P. P. CELEBERRIMUM, SPECTABILEM

AM.

AMPLISSIMÆ FACULTATIS PHILOSOPHICÆ  
 nunc DECANUM, & ALUMNORUM ELECTORA-  
 LIUM INSPECTOREM PRIMARIUM, COLLE-  
 GAM ET AMICUM NOSTRUM HONORATISSI-  
 MUM, NUNC DESIDERATISSIMUM, cui, non abs-  
 que iterata, eaque gravissima; Reipubl. literariæ, jactura,  
 mortalibus subtracto, hoc die exequiæ fiunt, exactius nove-  
 verit. Is namque cum omnino, è communi, miseræ hu-  
 jus vitæ, conditione, pugnandum sibi nosset, id maxime cu-  
 ravit; ne inani pugnae suscepto labore, victoriæ triumphique  
 privaretur honore; sed ut tandem postquam depugna-  
 tum olim esset, brabreion & ipse reportaret. Quo fine, &  
 inoffensam conscientiæ sanctitatem, & constantem verita-  
 tis propugnationem, & illæsam fidei integritatem, & inde-  
 fessam, in peragendis, ordinis sui, laboribus, alacritatem,  
 DEO non minus, quam bonis omnibus, immortalis sui cum  
 laude, probavit. Neque hinc avocari, variis illis, quæ hinc  
 imminebant ei, molestiis, se passus fuit; quin, quod familia-  
 ri Symbolo, VERITAS ODIUM PARIT, profitebatur;  
 idem illud, quotidiana Praxi, confirmare studens, sat feli-  
 citatis se obtinere statuebat, si DEO, supremo veritatis, &  
 fidei Patrono, amico uteretur. Et felices eas mentes, quæ  
 cum inevitabile illud mortalitatis subeunt prælium, illud  
 ante omnia procurant, ut DEO Imperatore ac Duce uten-  
 tes, hujus divinis monitis informantur, hujus sapientissimo  
 regimine ducantur, invictoquo tandem robore muniantur;  
 non profecto eas; aut violentissimus impetus cujusvis ter-  
 ror exanimabit; aut insanus furor prosterneat, quin integris  
 semper fidei viribus, invictæ perstant, felicesque vincunt.  
 Non ignotum est, quantum sæpe fiduciæ, in unius Impera-  
 toris, siue prudentia, siue fortitudine, omnis collocet exer-  
 citus: Et tamen, cum homo & ipse sit, omnique proinde,  
 cum humani nihil alienum à se putare possit; casui obno-  
 xius agat; quam indubium magis animi robur; exercituum  
 Dominus Deus, cujus & sapientiam nemo potest perscru-  
 tari, & potentiam omnis mundi dominatio adorare jubetur;  
 atque tremere, militum suorum pectoribus addet. Quod  
 si vero tanto etiam cordatior militis virtus esse solet, quan-  
 to spectatiorem sui, in se, Imperatoris amorem novit, cujus  
 quippe instinctu, omnium accuratissime, quæ depellendis  
 periculis, promovendoque honori; servire possint; submi-

nistrari sibi credat; ecquis non, DEO Duce ac Imperatore, animosus atque fortis, in hostes eat, cujstantus amor in nostrum genus exstat, ut, quem unicum, coævum coævumque habet Filium, non modo, prælium omne, quod sustinendum nobis erat, subire nostra causa, atque hinc omnem, conficiendi ejus, rationem docere nos; sed & fractis, sævissimorum hostium, viribus imbellem nunc, ac impotentem eorum dominatum, devincendum, relinquere nobis voluerit. Hinc jam, hoc Victore triumphante, omnis, à parte nostra, victoria est, modo, ejus exemplo dictoque obsequentes, constanti fide, ac perpetua constantia, cum hostibus congrediamur. Memorabile omnino est, quod de Antiocho, qui ΣΩΤΗΡΟΣ, seu Salvatoris, cognomen, arroganter satis sibi sumsit, Historia refert, quod cum adversus Galatas, fractis militum animis, parum feliciter pugnasset, novo invento istos animaturus, per quietem, Alexandrum Magnum, sibi visum salutis Victoriæq; quoddam symbolum, triangulo triplici invicem inserto, lineasque & angulos quinque continente, constans, verboque ΥΓΕΙΑ, quod Salutem notari nostis, inscriptum dedisse, ac, ut eam Tribunis tesseram daret, jussisse, finxerit. Fabulosæ hujus superstitionis fidem, non operose hoc loco adstruimus, quin illuisse, his præstigiæ artibus, pullo suo, vaserrimum ex inferis impostorem, non negamus: ast si quid tamen, siue ex Pentagono dicto, siue de Salutis inscriptione, quod commode nostro, & prælio præsertim, felicius conficiendo, prodesse queat, conjicere velimus, magnum profecto mundi SALVATOREM, qui, æternum è Stryge hostem, pro nobis expugnans, quino Sacrosanctorum vulnerum numero, ΥΓΕΙΑ, & Salus nobis factus est, cognoscere liceat. Sane his sanctissimis JESU stigmatibus, omnem nostram contineri Panopliam, qua & ipse peccatum, mortem ac Diabolum, debellaverit, & nobis debellandi hostes istos, vera fide, potestatem dederit, nemo equidem pie credentium facile negaverit. Quod pie non minus, quam amœne, non nemo, antiquorum Doctorum, expressurus, Christum ait, in cruce, fuisse instar equitis armati; coronam illi spineam, galeæ; cruorem, toto corpore, perfusum lorice; clavos gladii; crucem equi loco fuisse: neq; lanceam defuisse, neq; scutum, sacra scilicet quinque vulnere, atq; hac armatura, mundum, carnem, ac Diabolum esse profligatos.

Vide.

Videtis, credimus, ergo, omnem eam, mysticæ pugnae vi-  
 ctoriaeque rationem, quam quisquis, immota fiducia, rite te-  
 nuerit, ipso eventu, Bonum se certamen certasse, cursum fe-  
 liciter consummasse, fidem sancte servasse, cognoscet. Innu-  
 meras artes, quinquentionibus istis, qui Pentathlo quondam  
 prisco exerceri solebant, propositas Historia refert: Sed quo-  
 rum omnium vanitas parum, aut nihil verius, nostrum hunc,  
 Deo sacrum, militem juvat. Neque enim hic corporis, sed  
 animi lucta est: nec proinde corporis, sed animi armis, opus  
 est, si animum impugnantes hostes subjugare velis. Ast vide  
 omnium præsentissimam armaturam, in æterni Salvatoris  
 Tui, patiundo vincentis, moriendo triûphantis, sanctissimis  
 vulneribus, apparatus. Non possumus, quin, id confirmaturi,  
 incomparabilè, illum Hipponensium, imo Antistitè omnium,  
 Antistitem potius, quàm balbutientis linguæ nostræ, infantiam  
 proponamus. Ita ergo ille: *Cum me pulsat aliqua turpis co-  
 gitatio, recurro ad vulnera Christi. Cum me premit caro mea,  
 recordatione vulnerum Domini mei, resurgo. Cum Diabolus  
 parat insidias, fugio ad vulnera amoris ac misericordia Domi-  
 ni mei. & recedit à me. Si ardor libidinis moveat membra  
 mea, recordatione vulnerum Domini nostri, Filii Dei, extin-  
 guitur. In omnibus adversitatibus, non inveni tam efficax  
 remedium, quam vulnera Christi. In illis dormio securus, &  
 requiesco intrepidus.* En vobis instructissimum armamenta-  
 rium! En vobis armamenta, omni luctæ, inexpugnabili vir-  
 tute, profutura, quæ, divinà copia, Sacrosancta hæc Christi  
 vulnera suppeditant. Habes hic, pia mens, cœleste illud bal-  
 samum, quod felicius longe, quam Quinquentionum Cero-  
 ma, omni conflictui superando, te præparabit. Habes hic, si  
 certandum tibi sit, salvum illud, ac omni telo stygio, impe-  
 netrabile scutum, cujus munimine, turissima securitas tene-  
 tur. Habes hic, si molestissimo adversitatum æstu fatigatus,  
 cursum vitæ pietatisque segnius conficis, amœnum eum, ac  
 medicatum fontem, cujus dulcissimo refrigerio, animatus,  
 novo cursu valebis, ac recte eum perages. Habes hic inteme-  
 ratum asylum, quò, si malignæ, perfidi hostis, insidiæ; fidei  
 tuæ constantiam sollicitare incœperint, confidenter fugere  
 licebit, nec ullius, infestissimi tametsi, hostis, injurias, sub  
 hoc misericordiæ patrocínio, timebis. Habes hic, uno ver-  
 bo, omnia: ut bonum certamen certare, ut cursum feliciter  
 consummare, ut fidem servare possis, vulnera Christi, medi-

tari, nunquam cesses. Et ne falli te metuas, BEATISSIMUM cogita. qui & ipse, quantum luctæ sustinuerit, quantumque subsidii sublevandæ eidem, à Sacrosancto eo, quem veneranda hæc vulnera distillarunt, sanguine impetravit, ipsum, in vitæ curriculo, manu sua scripto, audi profitemtem. *Vita mea cum semper inii rationem, ut DEVM Creatorem, Redemptorem, Sanctificatorem meum, sanctum & illasum pietatis cultum, supplex quotidie oraverim: conatus quoque, quantum ipsius gratia adjuto licuit, opere atque re id probare; verum, quæ mea infirmitas fuit, non satis ex debito; & voto, præstare illud potui. Et in me namque, hoc est, in carne mea; non habitat bonum: & ego venundatus sub peccato, forti nimis, peccati originalis stimulo, ad peccata actualia impello. Verum enim vero, non modo serio, horum me omnium pœnitet, sed etiam, universali Dei misericordia, universali Christi merito, fretus, indubia fide scio, quod Sanguis IESU CHRISTI, FILII DEI, nunc quoque mundet ab omni peccato; quodque ipse me etiam dilexerit, & se, pro me, tradiderit. Vide prælium & luctam! vide subsidium & victoriam! Imò recte, imò vere: Luctam Tibi, BEATISSIMA ANIMA, & avita, & propria delicta movebant; victoriam & triumphum Christi Tui vulnera concesserunt: Atque hæc præmittere BEATISSIMI VIRI Historiæ volumus, quam paucis ita subjungimus. Natus est 1601. 13. Maji st. n. in oppido hujus Ducatus; Zinten / PATRE, PRUDENTISSIMO, DN. FRANCISCO EIFLERO, VIRO EJUS LOCI CONSULARI, ET CAMERARIO, de Ecclesia Scholæque ibidem meritissimo: MATRE PISSIMA ET HONESTISSIMA, GERTRUDE Bittin' pie jam defunctis. Renatum initiationis Sacramento, ad annum usque VI. domi; solertissima cura, educantes piissimi Parentes; Catechismi; & piarum precum; cognitione, initio imbuerunt; dehinc Scholæ ejus loci, publicæ informandum tradiderunt, pro cujus conditione, juxta rudimenta Latinæ, Græcæque Linguae, Musicam, Arithmeticam, & Calligraphiam, coepit exercere: & tanto solertius hæc exercebat, quanto fortiori impetu, insita naturæ vis huc ipsum impellebat. Jactis ita, in patria; fundamētis; 1616. Regionem accessit, & confirmaturus eadem; sub manu ductione CLL. VIRORUM, DN. ADRIANI DE WENT, RECTORIS, & DN. M. JOACHIMI BABATI,*



**TII, PRORECTORIS**, tunc in Schola Lœnicensi, exorsam telam, summa cum laude, quam indefessa solertia mereretur, triennio fere integro, strenue pertexere pergit. Post feliciter vero operas triviales absolutas, in Academiam, valedictoria primum, de studiis ritè tractandis, dicta, 1619. 8. Aprilis, dimissus, publicis, in ea, Lectionibus, & privatis Exercitiis, tam fideliter, feliciterque interfuit, ut, post biennium exactum, 1621. 20. Nov. publica, sub præsidio, **DOCTISS. DN. M. PAULI SAGITTARII**, Disputatione defensa, egregia profectuum suorum, indicia, produceret. Neque cessavit omne reliquum tempus, singulari studio exigere, quod non modo gratiam ipsi, ac addictissimam benevolentiam, passim conciliabat, sed & summam, futuri emolumenti, quod Academiae collaturus esset, spem excitabat. Cujus prima specimina, Schola, inter nos, Cathedralis vidit: in hac enim, cum Pro Rectoratus officium vacaret, huic vero id, interprete, **AMPLISSIMI SENATUS CNIPHUVIANI**, vocatione solenniter transmissa, committeretur, obsecutus divinæ voluntati, 1627. 11. Aug. eam Spartam sustinere incepit, sed &, insigni cum juventutis incremento, annos fere tres, pulcherrime exornavit. Quandoquidem autem Academiae interea operas suas non subtrahebat, diu de præmio, spectatissimæ ejus solertiæ, decernendo cogitaverat: hinc cum **PL. REVER. atque EXCELL. DN. LEVINUS POUCHENIUS, EBR. LING. tunc P. P. SPECTABILISQUE FAC. AMPL. DECANUS**, post **S. S. THEOL. D. P. P. ET ECCLESIASTES AULICUS PRIMARIUS**, supremos Philosophiæ Honores conferendos, intimaret, **BEATISSIMUS HIC**, solenni invitatione, ad eosdem suscipiendos, expetebatur: Cui petitioni locum concedens, 1627. 30. Sept. Laurea Philosophica coronabatur. Hac occasione, Studia Philosophica, quæ **SS. Theologiæ** hucusque cesserant, multo etiam solertius continuans, privatim publiceque legendo ac disputando, Academicæ juventutis commoda literaria promovet. Ipse vero id inde fructus habuit, ut, cum 1630. mense Mart. Publica Logices Professio, inter nos, vacaret, præ aliis omnibus, eidem præficeretur: qua, cum solennem, pro constitutione, & more Academiae, Disputationem, de Princip. Demonstrat. 25. & 26. April. præmisisset, 6. Maji fungi cœpit, &, ad vitæ usque terminum, excellenti cum laude, qua &

quod à PLUR. REVER. ac EXCELLENTISS. DOMINIS, DOMINO ABRAHAMO CALOVIO, & DN. DORSCHÆO, S.S. THEOL. DOCTORIBUS, undique celebratissimis; magnis Orthodoxæ Ecclesiæ columinibus, ad supremos THEOL. HONORES, non semel fuerit invitatus: quamvis benevolo ei affectui, ob causas, quas domi secum habebat, subscribere nec voluerit, nec potuerit. Atque hæc, quæ publicam BEATISSIMI vitam absolvunt, potissima fuerunt: quibus jam, si laudem subungere, pro meritis VIRI, vellemus, & tempus, & spatium nos destitueret. Tamen si bona ejus pars, ex iis, quæ passim, per operam hanc sparsa occurrunt, appareret: Uno saltem verbo; fuit BEATISSIMUS, COLLEGA nobis, & dilectissimus, & nunc, post inopinata fata, desideratissimus. Et merito quidem: Erat namque in eruditione, solidissime doctus; in consiliis dandis, caute prudens; in religione asserenda, serio sincerus; in labore sustinendo, strenue diligens, in dirigenda, Oeconomix Academicæ, ratione, dexterrime accuratus; in colendo Deo, pie devotus, in fovendo amore, aperte candidus. Et quid videtur, an desiderio digna sit VIRI virtus? Imo faxit Deus, ne ea Academicæ tempora incumbant, quæ, quod vanum aut exiguum, jam nonnulli putant, nimium ejus desiderium creent. Sed Dei amor, ac curæ, ista committimus: nunc ad privata progredimur. Quorum ut justior constaret ratio, 1631. 22. Januarii, ad nuptias animum applicans, VIRGINEM tunc, ORNATISSIMAM SEXUS SUI VIRTUTIBUS, ELISABETHAM, VIRI VENERABILIS, AMPLISSIMI, ET EXCELLENTISSIMI, DN. M. SIGISMUNDI WEIERI MATHEMATUM olim, nunc HISTORIARUM P.P. QVINQVAGENarii & ultra, ut & BIBLIOTHECarii ELECTORALISEMERITI, ACADEMIÆ SENIORIS, (quem intra decrepitæ ætatis infirmitatem, acerbò hoc funere oppressum, Dei virtus sublevet) FILIAM, VIDUAM nunc MOESTISSIMAM, sibi despondet: quam &, 28. Aprilis, solenni nuptiarum festivitate, arctius sibi jungens, optatissimum ac tranquillissimum conjugium, FILIORUM duorum, totidemque FILIARUM, (è quibus FILIAM, FILIUMQUE superstitēs, cum moestissima Vidua Matre, Dei curæ, ac patrocinio, fideliter serioque commendamus,) Parens, cura

## SCRIPTA.

**Methodologia** Particularis, synthefin & analyfin Thematicam, quæ Praxis Logica vulgo dicitur, sistens. *Regiom.* 1643. 1653. in 8.

**Angelognofia** Theologia. *ibid.* 1634. in 4.

**Comes** Agonisticus Lectionum Metaphysicarum. *ibid.* 1643.

**Politicus** bonus & malus. *ibid.* 1642. in 4.

**Intelligentia** subtilitatum. *ibid.* in 8.

**Primordia** Philosophiæ. *ibid.* 1645. in 4.

**Frontifpicium** Logicum. *ibid.* 1648. in 8.

**Primordia** Panfophiæ, naturam & culturam ejus explicantia. *ibid.* 1654. in 8.

**Gnoftologia**. *ibid.* 1653. in 8.

**Gaudium** magnum, quod nato Servatore Mundi Curia cœlestis Præco Paftoribus Bethlehemiticis, omni populo futurum, annuntiavit. *ibid.* 1654. in 4.

**Disputationes** Philosophicas multo plures publice habuit, quam ut nos hic recensere possimus. Ex ingenti numero, quæ nos tantum vidimus sunt : De Anno Seculari : De Attributis simplicibus subjecti primæ Philosophiæ : Triga Problematum Philosophicorum.



## PROGRAMMA,

In Obitum  
MAGNIFICI RECTORIS,

VIRI

*Amplissimi, Excellentissimi atque Praclarissimi,*D. M. JOHANNIS  
SPERLINGII,

Physicæ Professoris Celeberrimi,

*Propositum à*

PRORECTORE ACAD. WITTEBERGENSIS,

MICHAELE SENNERTO,

Anatom. &amp; Botan. Prof. Publico.

**Q**uod sine gubernatore navigium, sine Duce exercitus, orbatum anima sua corpus; id sine capite, sine Re-  
ctore Academia est. Debet ludibrium undis cymba, cum  
nemo, qui moderetur & flectat adest: Inutilis est exercitus  
vis, nisi ad unum omnis conferatur potestas, jacetque exan-  
gue atque immotum corpus, unde discessit spiritus, qui dif-  
fus per omnes partes hactenus, vigorem ac vim membris  
singulis dederat. In non dissimilem itaque sortem Acade-  
mia incidit, cum nudius quartus JOHANNEM SPERLIN-  
GIUM, Virum & Professore consummatissimæ laudis  
haud tantum, verum Rectorem etiam in præsens, hoc est,  
gubernatorem & ducem, & animam denique suam Acade-  
mia nostra amitteret. Magnum profecto, quod patimur,  
est; & patet latius hoc vulnus nostrum, quam ut magnitudo  
ejus colligi statim, aut plaga ejus sanari ex facili possit. Ad  
Academiæ quidem quod attinet regimen, quadrare hic for-  
tean possit, quod Poëta princeps, de aureo illo Junoni in-  
fernx sacratæ arboris fœtu, dixit

*-- primo avulso, non deficit alter.*

Ita enim provisum legibus nostris est, ut mori quodammo-  
do Rector nobis haud possit: cum in incerto nunquam sit,  
qui clavum suscipiat vacuum, & regat navim, ne undis det  
latus,

latus, aut tempestatibus pateat; sed qui in cæteras partes SPERLINGII succedat, ubi & quando inveniemus parem? Ut assit ingenium, non tanta statim tamen & tam parata eruditionis vis adest; & licet hæc quoque non parum præstet, non usque quaque iudicium tamen respondet in omnibus, quod regat ingenii vim, quod eruditionis copias, tanquam bene ordinatam aciem, producat auspicato in campum. Nihil horum mediocre in SPERLINGIO erat: magna atque eximia omnia: quo accedebat, quod quas acceperat partes tractaret solas, non in secundis haberet curis, & quibus post alia vacaret. Quid nunc de disertissima hominis facundia dicam, qua ita & ab ingenio, & ab eloquentissimorum auctorum lectione valebat, ut quas præclaras cogitationes secum concepisset in animo, eas quam prompte, tam eleganter atque venuste expromeret? Longe enim à secta illorum aberat, qui tum philosophari se putant maxime, cum sordidum maxime atque inconditum sermonem afferunt. Nolebat deformia atque inculta esse, quæ de pulcherrimis & maximis rebus dicenda essent. Existimabatque efficacius prodesset, quæ cum venere quadam honoreque verborum animum subirent. Difficilis æmulatio est, cum in ejus locum successeris, in quo summa omnia fuerint: & quem imitari quidem liceat, non æque exprimere. Quid faciemus tamen? Cedamus fati, sequamur Deum, & ei committamus Academiae statum. Hic providebit, hic in medium consulat: nos interim subjiciamus animis, nihil magnum nasci statim, sed fieri: & in fastigium ac summum verticem per declivia laterum ascendendum. Quare exequamur nunc ea, quæ nobis feralis scripturæ necessitas in præsentī imponit. Natus SPERLINGIUS itaque est Zeuchfeldi in Thuringia prope Laucham oppidum, A. c. 1513. III. d. XII. Julii. H. X. ad meridiem. Patrem sortitus fuit, PAULUM SPERLINGIUM, Lauchanæ Ecclesiæ Pastorem, & Ephoriæ Friburgensis Adjunctum, Virum reverendum & perquam doctum. Matrem habuit Ornatissimam fœminam DOROTHEAM, PAULI KINDLERI, Friburgensis Civis filiam. Cum primis annis statim bonitas indolis exereret se, non aliis applicandum artibus puerum censuit pater, quam maximæ omnium & præstantissimæ quæ essent. Cumque traditus scholæ patriæ mira celeritate Latinam ac Græcam literaturam arripuisset hauissetque, usque adeo ipsi

cteret, atque diversam sibi figeret metam. Deliberantis  
 æstum explicuerunt duo summa auctoritate ac sapientia  
 viri, FRIDERICUS BALDUINUS Ecclesiæ nostræ An-  
 tistes, cognatus nostri, & M. ERASMUS SCHMIDIUS,  
 ambo Professores publici, qui facile persuaserunt, ut à Theo-  
 logia ad Medicinam animum suum transferrer. Quo ma-  
 gis enim illa Philosophiæ parte captus delectatusque hacte-  
 nus esset, quæ causas naturasque rerum vestigat & contem-  
 platur, hoc se libentius quoque in illud studiorum genus de-  
 dit, quod fundamentum sibi Physicam & basin veluti habet.  
 Quod ut tractaret rectius; feliciusque continuaret, pluri-  
 mum sibi parentis mei monita assiduamque consuetudinem  
 profuisse semper professus est. Quod non referrem, ne ex  
 parentis laudibus, meas captare videri possem; nisi ingenuo  
 Viri candori suum reddendum fuisset testimonium. In eo  
 itaque cum esset, ut adipiscendi summi gradus licentiam pe-  
 teret, non sine fato quodam accidit, ut ex decessu Viri Cla-  
 rissimi Amplissimi que GEORGII WECKERI, Med. D.  
 Professio Physica vacuëfiet. Tum enim recludi videban-  
 tur carceres, unde ad metam illam procurreret, quam Deus  
 ipsi præstituerat ad summam gloriam ac laudem. Com-  
 muniibus enim & Philosophorum ordinis; & reliquorum  
 Patrum suffragiis; cum maxime vero auctoritate Serenissi-  
 mi Electoris susceptus in illum locum est; quem hactenus  
 WECKERUS tenuerat. Ad quem tuendum implendum-  
 que, quam industriam; quod studium, quam fidem; quem  
 acerrimum atque invictum animum attulit? Non ignora-  
 bat; quid Aristoteles, divino ingenio vir, quid alii in hoc ge-  
 nere prodidissent literis; quorum viam, ut non deferendam  
 existimabat; ita si propior planiorque aperiretur, hanc cal-  
 candam putabat, hanc muniendam. Non occupavit omnia  
 antiquitas; multa & juniorum industriæ reliquit. Veneran-  
 da magna nomina sunt; sed ante auctoritates habenda est  
 veritas. Quæ nemini tota patuit; per partes conspicien-  
 dam se præbet: nec pauciora, quam prodita dederit abscon-  
 dit semper ac tegit. Non obstant igitur inveniendis inven-  
 ta; nec ulli nato; post mille sæcula præcludetur; ut ille ait; oc-  
 casio; aliquid adhuc adjiciendi. Non hoc Philosophari exi-  
 stimabat: hæc Socrates dixit; ergo verum est; hoc effatus  
 est Plato; amplectendum igitur. Hæc Aristotelis est sen-  
 tentia; itaque dissentire non licet. Non qui dicant, sed

quid dicant, considerandum: nec quod præscriberet sibi magnum nomen; sed quod invicta ratione niteretur, id optimum statuebat. Non deerant ipsi, qui reprehenderent, & novitatem vocarent veritatis studium: quorum alios, qui immodestius videbantur agere, dignis modis excepit, alios suo irato reliquit Genio, & volutari sivit in tenebris, donec eluctarentur in lucem. Non enim cogenda veritas, persuadenda est. Tantus amator & inquisitor veritatis cum esset, ejusmodi etiam sectatus perpetuo vitæ est genus, quod conveniret proposito suo & sectæ: hoc est, quietum & placidum, & rerum illarum vacuum curis; in quibus sudare tanto opere alias magna mortalium pars solet; quo liberum animum, & sui plenum, impendere cogitationibus egregiis, pulcherrimaque naturæ opera sine impedimento scrutari & contemplari accuratius posset. Unde & illud Senecæ (cujus lectione mirum in modum tenebatur, copiosissimum ingenium hominis, & singularem sapientiam admiratus) *Composita mentis signum est, consistere posse, & secum morari*; pro Symbolo habuit veluti, & plurimorum hæcenus inscripsit libellis, testaturus quasi, quid peteret maxime atque probaret. Quid est, *Composita mens*? non perturbata distractaque incondite, sed ordinata intus bene & sibi suaviter acquiescens. Quid est, *consistere ac morari secum*? Manere scilicet intra se, & velut habitare secum, nec evagari foras, & in diversa vota ac cupiditates externas dispergere se; quod illud erat, quod optabat noster assidue, stupebatque ac præ se ferebat. Ac inde factum, quod tot præclaras dissertationes, tot libros tractatusque egregios, quibus vivet perpetuo, & ediderit hæcenus in publicum, & inchoatos affectosque in scriniis suis reliquerit. Decanatu Collegii quaternis vicibus functus est: Rectoratus munus bis obiit: in utrisque partibus ita versatus est, ut plurimum semper laudis reportarit. Jam publicas operas & proprii perpetuique officii partes ita tractavit, ut nemo majorem industriam, fidem, assiduitatem afferre præstareque posset. Matrimonium iniit An. c. 1635. Octobri mense, cum lectissimam virginem ELISABETHAM, PETRI MULLERI, Senatorii viri filiam (quæ utroque parente orbatum apud vitricum suum, Excellentissimum atque Clarissimum Virum, WILHELMUM NIGRINUM Practicæ Philosophiæ Professore publicum, degebat) sibi conjugem necteret.

æteret. Ex qua suscepit libros septem, masculos omnes,  
 una ELISABETHA excepta: quam florentissimam virgi-  
 nem superiore anno extulit, & acerbissime hactenus luxit.  
 Ex pueris quatuor reliquit superstites: JOHANNEM PAU-  
 LUM, PAULUM GODOFREDUM, PAULUM  
 CHRISTOPHORUM, & DANIELEM adhuc infantem.  
 JOHANNEM NICOLAUM, & GODOFREDUM jam  
 dudum composuit ætate prima ereptos. Amavit omnes  
 impensissime, ita ut nulla alia in re, quæ inter bonâ haberi  
 soleat, aut lætari uberius, aut delectari voluptuosius vide-  
 retur. Adversus cæteros etiam, quibuscum agendum ipsi  
 versandumque esset, & humanissimus semper & plenus offi-  
 cii fuit. Collegas amavit, coluit, respexit summo opere: &  
 eadem ab ipsis plenissime recepit officia. Qui sequerentur  
 scholas suas Juvenes, aut extra eas adirent se consulendi  
 causa, liberaliter juxta & comiter habuit; averfatus nemi-  
 nem est, libenter & prompte admisit omnes, & gestit quasi  
 res atque studia eorum juvare ac promovere quantum pos-  
 set. De Pietate ejus erga Deum, quæ summa maximaque  
 virtus est, & cæterarum omnium fundamentum, nihil dum  
 diximus. Quam præter documenta alia, loquuntur claris-  
 sime atque abunde testantur preces, quas manu sua reliquit  
 scriptas, quæ non honores, dignitates, opes ambiant, in qui-  
 bus plurimi sua consumunt vota; sed bonam sanamque &  
 integram mentem quæ optent à Deo, quæ acrem intelli-  
 gendi vim, quæ judicandi de rebus sincere copiam, quæ  
 facultatem clarè dilucideque explicandi cogitationes suas,  
 efflagitentque ac impetrent, non tam ut clarus & celebris  
 fieret ipse, quam fructuose ut fungi munere, ut plurimum  
 iis prodesse posset, qui quærunt verum, scientiisque præ-  
 claris imbuere animum non sordide cupiunt. Fuit maxi-  
 mam partem sano & valido corpore: sed annis proximis  
 tentari calculo renum cœpit. Quod malignus mox per  
 occultū eas sumpsit opes, ut immedicabile redderetur. Heb-  
 domas tertia ipsa effluxit, ex quo id denuo ita ipsum afflixit,  
 & inauspicata sabuli mole opplevit oppilavitque vias omnes,  
 ut saccati illius (liceat ita cum Lucretio verecundius loqui)  
 humoris corporis aut nihil aut parum admodum excerni  
 posset. Accessit imbecillitas stomachi, cibum omnem ac  
 porum rejicientis: accesserunt vigilæ ex acerbissimis dolo-  
 ribus, quibus excruciabatur, Profligatis itaque atque dejectis



viribus omnibus, quid aliud restabat, quam quod imponit vitæ finem, & esse homines amplius non finit? Quod cum non vanus prævideret, Dominica proxima verendis myste-riis expiavit animam, simulque præcepit liberis, ut pro so-lutione sui allegarent Deo precēs. Sequentes dies inter ora-tiones ac hymnos, quorum nonnullos incepit ipse, maxi-mam partem consumpsit. Inde remedium dolorum, inde præsidia & firmamenta in ultimam illam & decretoriam ho-ram sibi petens. Ac inter ea, nunc de fragilitate vitæ hu-manæ atque miseria, sæpius de futura conditione nostra memorabat; subinde dulcissimum Salvatoris nomen repe-tens, atque in eo spern omnem atque fiduciam collocans. Nudius quartus, ut prædicebamus, acquievit leniter, post decimam ad meridiem, cum LV. annos fecisset vivens. Ma-gnum omnino est, ut repetamus priora, magnum ac grave, quod patimur, est: sed quod humana ope averti non po-tuit, cum immineret, nec nunc mutari ullo ingenio potest, ex quo oppressit. Lamenta, querelæ, lacrymæ, planctus hic nihil valent. Consilium turbidæ res, non fletum expe-tunt: nec cogitandum; quam alta ac ingens plaga nostra sit: sed quam obduci mature sanarique utcunque possit, re-spicendum. Non omnis SPERLINGIUS obiit, multa & melior superat pars. Ingenio, libris, fama perdurat. No-strum nunc est curare exequias, & dare operam, ut honor supremus cumulatissime mortuo exhibeatur. Agite igitur, ACADEMICI CIVES, & longa decentique pompa profe-quimini postea, cum efferretur ex suis ædibus post horam primam, in oppidanum primum, arcis deinde, ubi huma-bitur, templum, Rectorem vestrum, pro potestate com-missi muneris; Magistrum, auctoritate docendi publicæ; Patronum studio; affectu & pietate parentem communem. P. P. Dominica X. post Trinitatis anno recuperatæ gratiæ M DC LVIII.

*Funebrem magno huic Naturæ Mystæ, SPERLINGIO; concionem habuit, ex Rom. VIII, 18. Abrahamus Calovius, SS. Theol. D. Prof. P. Past. & Superintendens generalis, cujus titulum fecit: Philosophia Passionum saluberrima.*

## EPICEDIUM.

*Qui modo pandebat docto, SPERLINGIUS, ore  
Natura secreta sagax. Qui mente capaci*

*Hosti-*

*Hostileis superare strophas, nodosque solebat  
Solvere. Quem candor morum, Suadaque Vennstas  
Ornabant: Nunc morte quidem surreptus acerba est.  
Vivet at in scriptis, quibus in velut altera Phœnix  
Surgit, & aternâ florebit laude superstes.*

CHRISTIANUS KLENGEL,  
D. & P. P.

## ALIUD.

*Eheu! nocte jacet Magnus SPERLINGIVS ille  
Hic pressus, jacet hic gloria, noster Amor:  
Hujus quique fuit Parnassi, RECTOR APOLLO,  
Qui Candor, bonitas, qui fuit ipse Amor,  
Qui fuit in vita veri præsignis Amator,  
Victor perpetuus, proh! Sopor urget eum.  
Ast non ut victus jacet hic; sed ut inclytus heros,  
Hoc ceu Virtutis splendida signa docent.  
Fama perennis erit SPERLINGI, vertice Cælum  
Qui tetigit: scriptis fama perennis erit.*

ARNOLDUS LENDERIGK.

## SCRIPTA.

- Tractatus Physico-Medicus, de Morbis totius Substantiæ,  
& cognatis quæstionibus, pro D. Daniele Sennerto,  
contra Jo. Freitagium. *VVitteb.* 1633. in 3.  
Oratio Auspicalis, de Physica Lugente. *ibid.* 1634. in 4.  
Tractatus Physico-Medicus, de Calido Innato, pro Daniele  
Sennerto, contra Jo. Freitagium conscriptus. *ibid.*  
1634. in 8.  
Defensio Tractatus, de Origine Formarum, pro D. Senner-  
to, contra J. Freitagium. *ibid.* 1638. in 8.  
Tractatus Physicus, de formatione hominis in utero. *ibid.*  
1641. 1655. 1661. in 8.  
Institutiones Physicæ. *ibid.* 1638. 1645. 1653. &c. in 8.  
Dissertatio de Principiis corporis Naturalis. *ibid.* 1647. in 8.  
Anthropologia Physica. *ibid.* 1647. in 8.  
Antiparasceve pro Traduce. *ibid.* 1648. in 8.  
Synopsis Anthropologiæ Physicæ. *ibid.* 1650. in 12.  
Dissertatio de Semine. *ibid.* 1651. in 8.  
Synopsis Physica. *ibid.* 1645. 1666. *Hardervici* 1651. in 12.  
Perturbatio Calumniatoris contra J. Z. *ibid.* 1651. in 8.  
Meditationes in Julii Cæsaris Scaligeri exotericas Exercita-  
tiones de Subtilitate. *ibid.* 1656. in 8.

De Principiis nobiscum natis Dissertatio, *ibid.* 1657. in 8.

Defensio Synopsos Physicæ. *ibid.* 1658. in 8.

Carpologia Physica posthuma, *ibid.* 1622. in 8.

Exercitationes Physicæ, *ibid.* 1663. in 8.

Zoologia Physica posthuma, *Lipsia.* 1662. in 8.

Disputationes, si quisquam, frequenter admodum, in publico Lycei Auditorio, instituit, ex quibus sunt: De Physicæ natura & constitutione: De Elementis: De Aqua: De Aëre & Igne: De Sole: De causis corporis naturalis in genere: De Homine: De Mundo: De Cælo: De causis corporis humani: De erroribus naturæ: De Magia: De Magiâ naturali & Dæmoniacâ: De Sanguine: De Auro: De Sermone: De generatione & corruptione rerum naturalium: De Somno & Somnio: De Stellis: De Fulmine: De Viribus Imaginationis: De Uva, Musto ac Vino: De occultis naturæ qualitatibus: De insectis: De Phantasia ejusque viribus admirandis: De Vita & Morte: De Hirundine: De Calore: De Actionibus Magneticis: De Virgula Mercuriali: De Minimis Naturæ: De Spectris: Decas quæstionum Anthropologicarum: De materia & Forma: De Meteoris in genere & in specie: De Somniis: De Mortistris: Theoria univocæ viventium generationis: De essentia vitæ & mortis: De causis vitæ & mortis: Decas Axiomatum Physicorum: De Formis Materialibus: De materia, forma & privatione: De sensibus in genere & in specie: De educatione formarum: De Traductione formarum in hominibus: De Traductione formarum in brutis: An Natura senium patitur aut languorem? De Anima: De Anima rationali: De Anima humana: De Anima vegetativa: De intellectu in Homine: De generatione Hominis: De Speciebus sensibilibus: De Capite humano: De Principiis Chymicorum: De formis materialibus & immaterialibus: De generatione: De creatione formarum. De traductione formarum in plantis: De Mistione: De Subtilitate ex Scaligeri Exercitationibus Exoticis: De ordine, veritate & efficiente Mundi: De raritate & densitate: De Materia & Va-

& Vacuo : De elementorum loco ; De Vacuo & Loco : De anima Mundi : De Anima Mundi Platonica : De Deo & Ideis Platoniciis : De formatione corporum.

## MEMORIA

ERUDITÆ NOBILITATIS

*Viri Magnifici, Nobilissimi, Perstrenui, Amplissimi  
ac Prudentissimi*

**DN. GEORGII PHILIPPI HARSDÖRFFERI,**

Inclutæ Reip. Norimbergensis Senatoris laudatissimi,

ORATIONE PARENTALI

Publice in Alma Noricorum Academia celebrata

Die 23. Mensis Martii,

Anno MDC LIX.

**VITO GEORGIO HOLTZSCHUHERO,**  
a Neubürg.

*Illustris Reip. Noribergens. SENATORES & PRÆ-  
FECTI bene merentissimi, Magnifici, Nobilissimi, Perstrenui  
ac Prudentissimi Viri, Domini & Patroni submisse honoran-  
di. Magnifice Dn. Rector, Viri admodum Reverendi Consul-  
tissimi, Experientissimi, Clarissimi & Excellentissimi Dn. Pro-  
fessores : Vosque in laetam spem Patria subolescentes Iuvenes  
Studioſi, Fautores & Amici honoratissimi.*

**Q**uem arctiore spiritu intra pectora vestra coarctat longa  
temporis mora paulum detepescens, nunc vero appa-  
ratu ferali denuo ex cineribus evocat luctus sermonis lamen-  
torumque usum, cum, ego, justæ pietatis officio incitatus,  
mihi vindicare sum ausus, juvenis confidentissimus; de eo  
verba hoc die facturus, quem plerique omnes, qui aut for-  
tunæ, aut animi magnitudine, hac tempestate nostra præe-  
minent, non suspiriis tantum aut falsis lacrymis, quorum ne-  
cessitatem vulgo etiam suis injungit cujusvis privati fatum;

sed ipso sanguine suo ac spiritu, vitam ejus redditam restitutamque vellent; *Harsdörfferum*, inquam, non ita pridem naturæ legibus concedentem laudare institui: Cujus nominis quamprimum aures vestras feriit memoria, non potest non luculentissima imago, absolutissimæ, quam fors humana recipit virtutis & eruditionis examuffitata oculis animisque recurrere vestris. Nam cum moriturum se aliquando cognosceret, vitam, quod paucis contigit, contingetque paucioribus mortalium, vivendo post mortem extendit; unde non debuerat mori, nisi & illi morerentur, qui in vita nil nisi laudandum admisere: Quin tantum urbi suæ decus attulit ornamentumque tantum, ut *Noriberga* invideret totus terrarum orbis. Quicquid enim magnarum rerum geri poterat exsequutus, quicquid sciri poterat complexus, domi, foris, ubique, clam, palam, apud omnes, etiam bonarum artium obrectatores in pretio ac exquisitissimis deliciis habitus, maximique æstimatus. Adeo, ut cum inter privata exempla non sit, ad tanti operis molitionem, venia vel maxime opus sit: Qui enim *Nostrum* à quoquam etiam disertissimo (qualis fuit *Noster*) exhiberi posse arbitratur, næ ille magnitudinem & sublimitatem virtutum ejus nondum habet exploratam; Et qui eum à nobis satis laudari posse existimat, næ ille tenuitatem ingenii nostri ignorat. At enim vero et si styli nostri humilitas, ad majestatem tantæ virtutis affurgere non valeat, nec vitio tamen quisquam bonus vertet, *Nostrum* publica voce celebratum, ad imitandum proponere, cujus inusitatam ac prope cœlestem humanitatem & merita, nemo non expertus est, nisi qui ipsum non novit; Qui omnes hac ætate nostra, fortunæ suæ, cultu illustrissimarum artium post se multis parasangis reliquit, publica voce laudare. Hæc itaque oratiuncula *Harsdörfferi* honori destinata professione pietatis aut laudata erit, aut certe excusata. Quandoquidem autem vitæ illius, à Natali, ad æmortualem usque decursus, jam alibi haud perfunctorie est descriptus, nunc quidem serie ista omissa, ad *Viri* eruditionem auspiciatissimo pulcherrimarum quarumvis virtutum nexu, copulatam, animum advertemus haud parum in admirationem *Tanti Viri*, in deprædicationem nostræ felicitatis, in æmulationem *Erudita Nobilitatis* collapsurus, si hujus imaginem sim repræsentaturus. Vos Auditores qui ad *Celeberrimi*, & omnibus vobis singulariter *Culti Viri*

nomen, ora vestra spectatius convertitis, date quæso hoc gratæ illius memoriæ, & attentas aures ad finem usque æquis animis præbere perseverate.

Quod si limites præfinitos transire luberet, Patriam, Parentes longa serie more vulgo recepto, recitare copia esset; At quem fugit, Illustrissimam, inter sidera caput jam condentis Urbis *Norica*, jamque & temporis antiquitate, & magnitudine meritorum se ipsam commendantem familiam, *Nostrum* orbi terrarum concessisse, quæ nisi fuisset talis, sola hujus virtute prima jam inter omnes extaret. Potioris itaque officii est ea oculis subicere ornamenta, quibus *ipse* familiam mastravit, quæque nascendi felicitate inde rerulit. Ac quidem indolem singulari quodam benignissimæ matris naturæ favore, noster, nactus erat longe benignissimam; Ingenii ad inveniendum expeditum acumen; Memoriam meminisse potentem, quæque quicquid magnum supponeret, cum res posceret promptissime suppeditaret. Imprimis vero judicii, quod sal & condimentum cæterorum omnium est, tanta valebat acie, ut vel abscondita naturæ omnia solerter penetraret. Sic nempe factum, ut nihil memoria ejus amplecteretur, nihil ingenium sibi fingeret, quod non ratio judicii approbaret. Sic juvenem didicisse quibus virum indueret, sic privatum quibus publicam dignitatem postornaret, quis mirabitur? Adjuvabatur miranda indoles paterna disciplina, cum enim non nisi sanctæ incorruptæque vitæ domestica omnia adolescenti sese offerrent exempla, ad virtutes omnes, eas imprimis quæ istam perficiunt ac absolvunt ætatem, modestiam, raramque quandam, & mansuram seni sicuti mansit morum verecundiam, præcipuum cujusvis ætatis ornamentum adjunxit. Quo magis abominamur, quæ hic in contentionem veniunt nostri seculi consuetudines & mores, dum cerea illa & in vitium prona ac flexilis ætas, paterno in gremio, tum parentum perversis judiciis, tum corruptis eorundem exemplis, ita fere flectitur, ac fingitur, ut lascivia & indulgentia bonæ etiam indolis semina, quæ natura ipsa insevit, extinguantur. Longe sane aliter formatus & compositus erat *nofter*, qui positus pietatis in *urbe patria*, ut & bonarum artium & disciplinarum tyrociniis, magistrum studiorum suorum *Aldorffinam* nactus est: Mirum & incredibile dictu, quam tum latenti

de se constituto *Divini Numinis* decreto responderit, quam cum ingenii felicitate, quam cum industria certaverit, quam *Parentum* vota, *Commilitonum* æmulos ausus, omniumque bonorum excitatam de se expectationem superaverit, dubium an ingenii felicitate, an industria *Præceptorum*, an concitati laboris ardore, *Naturæ* felicitatem fovebat imprimis, omnis ille humanæ eruditionis promus condus *Philippus Carolus*, cujus informatione, & in orationibus conscribendis, & in carminibus pangendis, & in historia *Sacra* æque ac *prophana*, & in omni eruditionis genere grande decus sibi & incrementum comparavit.

Ei operam surrogarunt *Philosophi* & *JurisConsulti* celebratissimi, quorum lectionibus publicis pariter ac privatis interesse, auditas calamo excipere, exceptas in locorum communium forulos digerere, publicis privatisque *Disputationibus* & *Orationibus*, animum, memoriam & linguam exercere atque incitare, inter præcipua *Nostro* oblectamenta fuisse, ab æmulis & æqualibus ejus accepimus. Profecto vel præcipuo calculo, ista felicitatis pars est numeranda, si cujus ætas & diligentia incidat in præceptores, prudentes non minus, quam doctos, quibus eruditio non tam in ore natet, quam penitissimos animi sinus occupet. Etenim si ambo ista, ingenium fecundum discantis, & sinceritas, promptitudo ac dexteritas docentis, amice concurrant, & ille quidem proficere, hic prodesse & possit & omni animo velit, tum videlicet operæ fit pretium & ultra vulgarem gradum doctrina provehitur. Tales contigisse *Nostro*, & ipse haud raro prædicabat, & nisi prædicasset, sane accuratæ Eruditionis copia, quam ab illis hauserat, & amabilibus vitæ præceptis, luculenter esset testatus. Sic igitur per triennium hic versarus, ut per nullum non Eruditionis genus, ingenii felicitatem & industriæ acrimoniam diffuderit, musarum suarum sedem mutare, *Argentoratūq;* transferre, animum induxit. Admonet me hic quaque juventutis tam præclare actæ, & tam egregii exempli memoria, ne indicta etiam nunc & intacta transeam, præcipitata eorum studia, qui tanquam trosculi aut levis milites armaturæ, paucis, & satis quidem frigide, annis in hisce musarum castris exactis, jam tanquam veterani, tanquam post multas hyemes, ac exercitās æstates, nescio quo titulo, vel sperare, vel petere etiam audent,

audent, missionem. Miseret me profecto & Ecclesiæ pariter ac Reipublicæ, quarum tribunalia & ambones, nisi oborto veiuti collo, meliora Majorum, ac *hujus* quoque, quem nunc laudamus (liceat enim ad imitandum optima quævis proponere) exempla, tanquam à fuga retrahamus, brevi profecto, non nisi cruda studia & inciticia implebunt. Neque vero eò ista dicamus, quasi intra angustias paterni agelli, compingi juventutem, ad foci familiaris ignem incalescere, blandoque matris gremio ætatem indormire, velimus. Longe alia mens nobis, alia longe probis sedet, qui, uii impotentem, imprudensioris & ne quidem privatis commodis consulere gnaræ ætatis, luxuriam frenis cohiberi; ita ignaviam calcaribus excutiendam, & in maria, in urbes, in aulas, sæpe etiam in campos & militiam propelli volumus. Quæ enim sit indignitas, animum, quem vix cælum capit, in sesquipedali terræ frustillo captivum teneri? Quæ sit iniquitas, passerulum, liberrimo per infinitos terrarum tractus frui ære, & hominem cæterorum animalium dominatorem cavæ unius agelli aut urbeculæ includi? Etsi enim arcano quodam vinculo patriæ obstringi videamur, meritoque istam amemus terram, quæ prima nos excepit in lucem editos, in qua infantia nostra vagiit, pueritia lusit, juvenus exercita est & educata, cujus hausimus aëra, ubi familiare oculis cælum, flumina, agri, ubi longa serie cognati, amici, sodales, & tot gaudii illecebræ, quas frustra terrarum alibi quæramus: Provida tamen natura, omnibus cupiditatem cognitionis variarum rerum ingeneravit, nosque non tantum mentis oculos circumferre, sed & maria transmittere, lustrare Provincias, Insulas cum Columbo & Magellano investigare, cognoscere urbes, instituta earum perscrutari, mores, ritus, leges, denique gentium penetrare jussit. Liberalium igitur scientiarum, bonarumque artium comiteatu abunde instructus *Harsdörfferus*, probe callens quanti intersit, magnæ illius Patriæ partes nobiliores, pedibus & oculis usurpasse, atque cum judicio penitus cognovisse, quantumque utilitatis publicæ privatimque cum maximo sæpe numero gloriæ & existimationis fœnore secum trahat, induciis ad tempus cum laribus paternis, & jucunda amicorum consuetudine factis, admiranda variarum nationum scrutari, domesticos mores asperiusculos, lima peregrinationis emolliere, paternamque rusticitatem extero civilis cultusque



salefricare & macerare constituit; consensuque *Nobilissimi* DN. *Parentis Philippi Harsdörfferi*, Gallicas, Belgicas, Anglicasque terras, harumque regionum urbes, & loca nobiliora obcundo, corpus exercitiis, Nobili homine dignis, animumque linguis acuendo, in re præfenti, quod ajunt, æstimavit, quibus nexibus, vinculis, rotis, ingens iste vasti Europæi orbis volveretur: Quæque sidera quibus regnis quid promittant, quæ in Germaniam & res nostras Germanicas studii, voluntates & consilia versentur, in animis hominum, in aulis Principum, in ore nationum, soleriter penetrabat. Provinciis hisce satis feliciter peragratis, alterius Græciæ, omniumque quondam artium liberaliumque scientiarum Reginæ, Dominiæ ac Matris Italiæ penetralia, mentis oculorumque acie penetrare, memorabilia omnia, quæ vetustas, temporumque iniquitas spectanda reliquit, inquirere, eniti denique, ut cuncta quæ audiret, videret, animadverteret, lasdabilia, in succum & sanguinem convertere, dataque occasione Reipublicæ suæ negotiis cum fructu & gratia attemperare possit. Sic igitur per quinquennium, peregrinis in oris ingenti progressu vitam cum egisset *Noster*, jussu tandem DN. *Parentum* patrios lares repetiit, alio longe fructu alio successu, quam hodie fieri amat: Bene multi siquidem ex peregrinatoribus nostris, vix è conspectu patriæ: elluris in oras digressi peregrinas (liceat *Lansii* verba mea facere) si Galliam limis oculis aspexere, gallica omnia, si Italiam intuiti sunt Italica omnia, si alterum pedem in Hispaniam intulerunt, Hispanica omnia, si in Anglia pernoctarunt, Anglica omnia, & undecunque tandem peregre rediëre, peregrina omnia, mores, gestus, ceremonias, vestitum, linguam, histrionica quadam temeritate ac ineptia probant, jactitant, extollunt, paternis omnibus fastiditis, neglectis, rejectis: Unde quoque domum reversi serium nihil pariunt, sed ut tumidi tantum utres, austro blandientium opinionum gravidi, nil nisi ventos & vapores fabularum & mendaciorum evomunt, & evaporant. Aliter ut dixi, *cordatus & prudens Noster Germanus* peregrinabatur: Fulgebat in reduce sincera ac incorrupta patrii moris gravitas; quam nec diuturna peregrinatio, in pravam exteri ritus imitationem deflexerat, aut in Vanitatis ac Versutix amorem distorserat, nec ipsi tanti erat exoticum vitrum, quanti domesticum aurum. Quamvis vero *Noster* viarum, itinerumque

molestiis & laboribus exantlatis, dulcissima amicorum domesticorumque consuetudine ac conjunctione frui potuisset; Animus tamen, nihil unquam abjectum, nihil unquam vile spirans, & de fama ac gloria semper cum majoribus contendens, plura quotidie ac majora cernere, comprehendere & cognoscere ardebat. Accendebant *Generosum Petrus Majorum Avorumque PHILIPPI & PETRI HARSDÖRFERORVM ut & GABRIELIS, ALBRECHTIQUE SCHEVRELIORVM*, imagines, quorum memoria tanta *Nostro* in pectore crescebat flamma, ut denuo flagrantissimo & invicto desiderio proficiscendi inflammaretur. At cum discendi cupidis nulla unquam occasio desit, ultro quoque *Nostro* jam diu iter novum meditant, jamque comitatum instruere, sarcinas componere, ocreas calcaribus armare, penulam sumere, equoque infilire dudum parato, sese non incommoda obtulit. Tempus erat, quo *Germania nostra*, à multis jam annis, quasi aliarum nationum sepulchretum, & publicum Martis macellum, sanguinolentis gurgitibus, & concisarum legionum sanie taboque ut & urbium ruderibus ac ruinis late horrebat, & nil nisi officina luctus, portusque calamitatum erat. Ardebat bellis patria, non grandis illa & communis solum *Germania*, sed peculiaris etiam, cui arcano quodam vinculo ac nexu propius obstringimur; natale nostrum *nostrique Harsdörfferi* solum bello affligebatur, infestabatur, opprimebatur. *Patres* igitur *Patria* de Reip. suæ salute conservanda, & ex ærumnis utcunque eripienda solliciti, *Nobilissimum virum IOHANN. IACOB. TETZELIVM* grande decus ac munimentum seculi sui, Francofurtum expediendorum gravissimorum Reip. negotiorum ergo, ablegabant: Huic comitem se *Noster* addere flagrabat, & votifacile compos factus, ea raræ eruditionis & singularis prudentiæ specimina exhibebat, ut in juvene Virum nemo prudens non agnosceret; intrante subinde animum majoris gloriæ cupidine, ingrata equidem temporibus illis, quibus sinistra erga eminentes interpretatio, quippe non minus periculum ex magna fama quam ex mala est. Hinc in Urbem patriam ex itinere regressus consilio tam amicorum, quam *Nobilissima Matris* consensu ( *Parens* enim jam naturæ debita exolverat ) *Susannam Färerianam* splendidis natalibus ortam sibi junxit. Idque matrimonium ad majora nitenti decus ac robur fuit.

Vixerunt mira concordia, per mutuam charitatem, & invidiam se anteposendo, nisi quod in bona uxore tanto major laus, quanto in mala plus culpæ est. In thalamum intrabant certissima florentis conjugii omnia pudicitia & fecunditas, quarum illa intaminatum amorem, hæc suavissima amoris pignora, *quinque masculini, tria fæminei sexus conciliabat.* At quæ rerum humanarum vicissitudo, quæ terrenæ felicitatis inconstantia? Immite fatum, ter geminam dulcissimis dulcissimi conjugii floribus stragem dedit, & ad duos *Carolum Theophilum, & Iohannem Sigismundum*, Paternæ spei, & hanc excipientis felicitatis complementum transtulit, non solum, sed & rupto sinceri Amoris Connubialis vinculo, florentissima lectissimaque *Nostrum* orbavit conjuge; Quos tamen casus, septem quamvis domesticis vulneribus confossus, neque per nimia lamenta, ac mœrorem muliebriter, nec, ut plerique fortium Virorum, ambitiose tulit. O Summam moderationem, & raram horum temporum animi infracti constantiam! Videres hic quam vere pronunciatum olim sit, à Romano Oratore: Studia Adolescentiam ornare non solum, sed & in rebus adversis solatium, perfugiumque præbere. Sic igitur privatus adhuc major privato erat, & illustrissimæ dignitatis capax, priusquam obtineret. Nemo repente factus est summus Imperator: Ætas suas requirit illustrium dignitatum fortuna, & summam rerum evertunt, qui eam in inexpertos transfundunt, Itaque & *Noster* non uno saltu, non ambitione, cui locus nullus est ubi tantum ardor de Rep. bene merendi occupat animum, non præsidio & favore amicorum, magnus hic animus, qui amorem in patriam, pretiumque sui undiquaque circumgestabat, ad Reip. fastigium ascendebat: tunc enim demum tempestive maximis admovebatur, ubi magna feliciter sumus exsequuti. Ergo *Dicafterii* magistratum capeffens, campum nactus est, sic satis amplum, in quo exercita per dubios easus, perque itinerum difficultates, & ad justam maturitatem profecta virtus, altius de publico merendi auspiciu sumeret. Dividebat primum, ancipitem animum, cura veterum amicarum Musarum, quas deferere, aut certe non nisi partita industria colere eo ægrius ferebat, quo sanctiore fœdere ætatem ei omnem suam addixerat. At enim vero intelligebat *Vir Patria Amatissimus*, Vir boni partes ex asse non impleri, si quis luce hominum vitata inter Musæi Clathros

hros delitescat, si profundis contemplationibus, alto veluti  
 omni immerfus, sibi suisque Musis cantitet. Præclarum  
 quidem, rerum humanarum, causas, motus & principia  
 ioscere; laudabile, rerum divinarum penetralia ingenii  
 cie consequi & intrare: At nisi horum omnium cognitio-  
 nem ad publicam utilitatem referas, nisi civium sive singu-  
 orum, sive Univerſorum, salutem procures, animum tan-  
 um imbues & exornabis, jucundissima rerum cognitione,  
 & docti nomen occupabis, & fortassis Viri, non Civis boni,  
 qualis & esse & audire voluit *Noster*, & cum summo publici  
 egregii bono, emolumento, ac splendore exiit. Interpun-  
 ctis igitur, non repudiatis nec sepositis omnino studiis, Reip.  
 se devovebat totum, deque ejus incremento & promovendo  
 bono, ardore animi indefesso & ingentibus curis coti-  
 die contendebat. Aderat enim constans & inexcitata quæ-  
 dam vis mentis, qua quasvis actiones, litiumque difficulta-  
 tes facile superabat, quaque contra impedimenta omnia,  
 omnesque molestias, audentior semper invheebatur: Ob-  
 servabat acriter & legum fori Patrii, & institutorum urbis  
 nostræ severitatem, nec prece nec pretio in deteriorem  
 partem flecti se patiebatur. Pauci sane ita in Judiciis publicis  
 versantur administrandis, Multi equidem adferunt ad illa  
 incorruptum animum, quia hætenus corrumpi non po-  
 tuere, pauci servant, quia jam possunt corrumpi. Instar au-  
 tem omnium, & fidem verbis meis facere, & laudis verita-  
 tem adstruere poterit, gloriosissimum *Senatus Nobilissimi*  
*Noribergensis* judicium, quo *Nostrum* idoneum judicavit,  
 consortem imperii eligere, cujus singularem sapientiæ cog-  
 nitionem, suavissimam eloquentiam, rerum agendarum  
 promptitudinem, dexteritatem, fidem, laborem, industriam,  
 per ipsos octodecim annos (quibus dicasterio præfuerat)  
 luculentissimis argumentis adprobatam, jam in sinu fo-  
 veret. Hic vero omnium attenderes virtutum certamen,  
 videres contendentem cum obsequio verecundiam, dimi-  
 cantem cum lætitia modestiam, quarum illæ animum & vi-  
 res Republicæ administrandæ suggerebant, hæ eripiebant.  
 Restitantem quantumvis impellebat *Nobilissimi Senatus* ele-  
 ctio, reluctantem invitabat, non flagitata, sed oblata, non  
 extorta, sed obtrusa, non pretio aut precibus emptæ, sed me-  
 ritis *Nostris* debita dignitas Senatoria: Unde Divinam *Divi-*  
*ni Numinis* voluntatem, ex tot bonorum votis & suffragiis,  
 popu-

populique desiderio ac applausu, tanquam ex certis omnibus haud obscure colligere poterat. Quod si felicissime Magistratus ab iis geritur qui invitum susceperunt, & si inviti, non ambientes in Remp. collocandi, cui quæso alii amplissima Senatorii ordinis sparta, ornanda, augendaque melius committeretur, quam ei, qui cum omnium judiciis dignus haberetur, ipse solus dignum se vix agnosceret? Unde *Noster* difficilior juxta ac gloriosior ratus, provinciam retinere quam facere, quasi melius & altius laborum suorum initium adventasset; id omni conatu agebat, ut non majorem splendorem à novo honore sibi, adferri, quam ipse eidem conciliare intelligeretur: unde vigilantia ejus Tituli Tanti honore, quasi validiore spiritu inflammata, omnes ad Reip. pomeria & pulcherrimum ejus corpus ampliandum vires convertit. Quo factum ut occasionem nullam Reip. conducentem, & qua uti debebat, prætermitteret. Cum vulgo ita fieri soleat, ut præpostere non tam utamur præsentibus, quam uti velimus postquam effluxere. Quid vero, *Auditores*, dicam auctoritatem, cum publicam personam indueret, quid humanitatem? Rara profecto morum & ingenii mixtura, ita privatum esse, ut publici cura, ita publicum ut privatorum desideria non negligantur. At *Noster* & adhuc privatus apud privatos bona Reipublicæ, jamque publicus privatorum commoda promovebat. Quid eloquentiam prædicem? Quæ si suadendum erat modestiam, quoties dissentendum concordem pro Republica animum, quoties probandum, quod alii bene suaserant, candorem exprimebat: Adeo ut Optimi Oratoris Imaginem, in se ipso, omnibus exhibuerit: Non qualem vulgo in umbra discimus, ubi specie inutilium verborum decipimur, sed qualem insita naturæ bonitate sublimis ille animus ex usu rerum sibi finxerat. Hinc ex Senatore, Consul, ex Consule, Scabinus, ex Scabino, mechanicarum controversiarum Arbitrator & judex factus, ubi conventus ac judicia poscerent, gravis, intentus, severus, ubi officio satisfactum, humanitatem, facilitatem, familiaritatem resumebat: Nec, illi quod est rarissimum, aut facilitas auctoritatem, aut severitas amorem deminuit. Integritatem atque abstinentiam in tanto Viro referre, injuria virtutum fuerit: Nec in famam quidem cui etiam sæpe boni indulgent, gestis exultabat, eamque nec ostentatione virtutis, nec per artem quæsiit: Procul ab

æmulatione adversus Collegas, procul à contentione, & meritis atteri sordidum & vincere inglorium arbitrabatur. Ita continuis pro Rep. laboribus animum fatigabat, si fatigari dicendus sit, qui innata ingenii facilitate & experientia difficillimorum operum, publica jam tanquam domestica, & intricatissima tanquam quibus impar esse non poterat, exsequebatur. At, ne studia tantum delicatæ juventutis condimenta esse puteis, adolefcebat cum annis, & in ipsam usque senectutem potrigebatur, literarum amor, ut omne etiam quod à Reipublicæ negotiis liberum dabatur, in cultu optimarum artium, & amplexu illorum, qui eas profitebantur, liberaliter occuparet, ut non immerito *Musarum Pater, Oraculum Sapientia, doctorum omnium delicia & amor* passim celebraretur. Nec patriæ muris se continebat late sonans fama, quin omnes cultioris Europæ aulas, urbes omnes, omnia Lycea, denique Eruditorum ora ac calamos implebat diffusa passim gloria *Eruditi Harsdörfferi*. Evenit hinc, ut multi non tam urbis nostræ monumenta & ornamenta oculis usurpare, quam visendi *Nostrum*, dulcissimaque ejusdem colloquia degustandi animo, peregre adventarent, ita late famam sui circumtulcrat: Quin quotidie multi, tanquam ad Oraculum Delphicum confluerent ejusdemque verba tanquam Deorum Sybillinumque responsa exciperent, altaque mente reponerent. Exercebat sese quotidie Divinus animus in monumentis veterum inspicendis, ex quibus sapientiam omnem, & bene Imperandi artes hauriri posse merito existimabat: Et tanto quidem magis quia usum eorum quotidie experiebatur. Quid hic dicam tot myriades literarum, quibus initam cum Eruditis ubique gentium amicitiam perpetuo sancte servabat & fovebat, quæ solæ incredibilem ingenii promptitudinem, in tantis Reip. negotiis, quibus quotidie vacandum erat, satis superq; omnibus possunt testari. Non illa fucis & fallaciis, quæ vitia olim, nunc mores esse cœperunt, sed heroico & plus quam humano affectu se commendabant; adeo ut ipsum qualis esset, & legeres simul & videres; legeres, sicut vivebat, videres sicut scribat: Nimirum eundem & stylum & animum præstabat. Sunt in omnium jam manibus eruditissima, *Nostræ*, scripta, prope infinita, sacra pariter atq; profana, quorum multitudinem & magnitudinem, si quis cum annis *Nostræ Harsdörfferi* conferat, ætatem ultra putet: Volvuntur sane illa omnium eruditorum in mani-

bus, nec minori aviditate leguntur & releguntur, quam eâ, quæ à privatis nunc teguntur parietibus, ingenti desiderio expectantur. Abeant nunc fortunæ pusiones, qui opinionibus suis ad ineptias, otio ad voluptates, dignitatibus ad arrogantiam, & gentis suæ splendore, ad contemptum literarum & odium eruditorum abutuntur. Quos non minori animæ nos contemnimus, dum pretium nostri ex conscientia, & usu præstantissimarum artium metimur. Discant vero hic ex cultu illustrium studiorum splendorem Reipublicæ & æternitatem nominis comparari. Et ipse quidem, quanquam in medio ætatis spatio; proh dolor ereptus, ad gloriam tamen longissimum ævum peregit. Quippe cum & vera bona quæ in virtutibus sita sunt, implevisset, & consularibus ornamentis prædito, haud facile aliquid amplius fortuna adstruere posset; Angelorum, in sui amplexum effusorum obvio applausu; & sanctorum cœlitum festivis gaudiis & gratulationibus exceptus est. Finis equidem vitæ Tuz; *Vir Immortalis* nobis luctuosus; amicis tristis, extraneis etiam acerbus fuit. Vulgus quoque, & semper aliud agens populus, audita morte *Harsdörfferi* tristabatur. At *Tu* in sinu *Servatoris* tui; quem à primis cunabulis; ad extremum usque halitum sanctissime coluisti, placide quiescas; nosque ab infirmo desiderio, & muliebribus lamentis ad contemplationem virtutum iuarum voces, quas neque lugeri; neque plangi fas est; Admiratione *Te* potius temporalibus laudibus, & Civium decorabimus encomiis. Is verus honos, eâ conjunctissimi cujusque pietas. Quicquid ex *Harsdörfferi* amavimus, quicquid mirati sumus, manet, mansurumque est; in animis hominum, in æternitate temporum, in fama verum. Semperque *Harsdörfferus* posteritati narratus & traditus superstes erit. Dixi.

Lugubrem consignavit atque habuit concionem Nobilissimo *HARSDÖRFFERO* *Ioh. Michaël Dilherrus*, Pastor ibidem ad *D. Sebaldi* Primarius & Prof. Publ. ex *Psalmo XXXI, 16*, Defuncti Symbolum fuit: *Miseri Mortales; nisi quotidie invenirent, quod discerent.*

In Effigiem

*Celeberrimi Viri;*

**GEORGII PHILIPPI HARSDÖRFFERI;**  
*HARSDÖRFFERI animus Docto patet eminens orbi,*  
*Tanti miratur qui monumenta Viri.*

ORA

*Ora etiam posthac Ejus Vultusque tabella*

*Hac pateant. Similem qua mihi secula dabunt?*

J. M. DILHERRUS.

*In Ejusdem Obitu.*

*Induit infelix luctu se doctior orbis,*

*atque HARSDÖRFERI nobile funus agit,*

*Quem pietas atque Eunomie Musa, Charitesque*

*Commendant toto, munera rara, solo.*

*Teutonici reparator erat sermonis, & auctor,*

*è tenebris quod nunc clarior ille nitet,*

*Ingenioque sagax varias effingere formas,*

*quæ vita nostra sint simulacra proba.*

*Quicquid & Historia, & quodcunque Politica monstrat;*

*HARSDÖRFERE, animus calluit omne tuus.*

*Prosequitur lacrimis ergo tua funera, Musas*

*Cultoresque almòs quonvis amore fovet.*

ANDR. KRANNÖST:

*Noridos in gemitus Pastores pectora solvunt,*

*Oraque Castalidum luctibus agra silent.*

*Contremuit Pindus, nec Pegnesus arva rigabit,*

*Per loca multi vago murmure verna strepens.*

*Cur? Cecidit, cecidit Magni pars magna Senatus,*

*Stemmatibus antiqui stella corusca ruit.*

*Pieridum columen, Pastorum insigne levamen,*

*Aonius quotquot conciliavit Amor.*

*Germanæ dextra, patria que hic cura loquela*

*Carpoferumque decus morte soluta jacent.*

*Ast quæ Casareos defessa erexerat arcus,*

*Atria pro requie mens petit alta Poli.*

JOH. HELWIGIUS:

*Adeste MVSÆ! & ite, funus exequi:*

*Is; ille vestri gloria ingens ordinis*

*Effertur. HARSDÖRFERUS occidit: dolor!*

*Flos ille Vatum, Gratiarum Corculum,*

*Medulla Suada; Vera Siren Teutonum,*

*Et aureum omnis literatura iubar;*

*Terras reliquit, atque inertì urgebitur*

*Sopore posthac perpetis silentii:*

*Quis insequens hoc sarciet damnū dies?*

*Sed justa, MVSÆ! justa si molimini*

*Apollini vestro alteri; absint lachrymæ*



*Nil profutura: inanis absit nania:*  
*Sat plorat orbis orbis amissum decus,*  
*Bene ominatis pausibus Senatui*  
*Celebre nomen Ejus Immortalium,*  
*Axique Stellarum inferatis, quasumus:*  
*Vt semper orbi, haren Olympo, fulgeat.*  
*Hoc prisca cultu prosequi voluit Viros*  
*Antiquitas, quos censuit Diis pares.*  
*Maclare fas est non minore gloria*  
*Nostrium, Vetustis non minorem Heroibus,*  
*Vt laude crescat usque & usque postera:*  
*Dum litera atque literatorum decus*  
*Perenni verna permanebit Laurea.*

CHRISTOPH. Furer von Haymendorff/  
 uf Wolckersdorff.

## SCRIPTA.

Memoria Christophori Fureri ab Haymendorff. *Norib.* 1640.  
 in 4.

Porticus Augusti Ducis Brunswicensis. *ibid.* 1646. in 4.

Specimen Philologiae Germanicae. *ibid.* 1646. in 12.

Sophista, sive Logica & Pseudo Politica. *ibid.* 1646. in 12.

Arcus Triumphalis, in honorem Invictissimi Imperatoris,  
 Leopoldi, Archiducis Austriae. *ibid.* in fol.

De Quadratura circuli. *ibid.*

Fortpflanzung der Fruchtbringenden Gesellschaft. *Nürnberg.*  
 1671. in 4.

Frauenzimmers Gespräch-Spiel 8. Theil. *ibid.* 1642. in 8.

Der schönen Dianæ 3. Theil. *ibid.* 1646. in 12.

Hertz-bewegliche Sonntags-Andachten / das ist / Bild-Lieder-  
 und Bett-Buch / nach Veranlassung der Sonntäglichen  
 Evangelien- und Episteln-Texten verfasst. *ibid.* 1649.  
 1652. in 8.

Poetischer Trichter 3. Theil. *ibid.* 1650. in 8.

Nathan und Jothan / das ist / Geist- und Weltliche Lehr-Gedich-  
 te / sambt einer Zugabe / genennet Sunson / begreifend  
 100. Räthsel. *ibid.* 1650. 1659. in 8.

Grosser Schauplatz lust- und Lehr-reicher Geschichte. *Frankf.*  
 1651. in 8. *Hamb.* 1669. in 8.

Belgicè. *Utrecht* 1670. in 8.

Grosser Schauplatz der jämmerlichen Blut- und Mord-Ges-  
 chichten. *Hamb.* 1650. in 12. 1660. in 8.

Belg -

- België. Utrecht 1670. in 8.
- H. von Vellen Historisches Fünffck/ nebst Jos. Halls Kennzeichen der Tugenden und Laster/ gedolmetschet. Franckf. 1652. in 12.
- Heraclitus und Democritus, das ist/ 200. fröliche und traurige Geschichte. Nürnberg. 1652. in 12.
- Deliciæ Mathematicæ & Physicæ, der Mathematischen und Philosophischen Erquickstunden Danielis Schvventeri Fortsetzung 2. und 3. Theil. *ibid.* 1651. 1653. in 4.
- Göttliche Liebeslust/ das ist/ die verborgene Wohlthaten Gottes entdeckt von Aloysio Novarino. Diefem sind beigefüget: Pauli de Barry heilige Meinungen oder Vorträge mit Gott/ übersetzt. Wolffendbüttel. 1652. in 12.
- Mr. du Refuge kluger Hoffmann/ das ist/ nachsinnige Vorstellung des untadelichen Hofflebens/ mit vielen lehrreichen Sprüchen und Exempeln gezieret. Nürnberg. 1654. Franckf. 1655. in 8. 1667. in 12.
- Geschicht-Spiegel/ hundert denckwürdige Begebenheiten/ benebens XXV. Aufgaben / von der Spiegel-Kunst. Nürnberg. 1654. in 8.
- Ars Apophthegmatica, das ist/ Kunst-Quelle denckwürdiger Lehr-Sprüche und ergötzlicher Hoffreden *ibid.* 1655. in 8.
- Artis Apophthegmaticæ Continuatio, Fortgeleitete Kunst-Quelle/ durch Quirinum Pegum. *ibid.* 1656. in 8.
- Teutscher Secretarius. *ibid.* 1656. & altera parte auctor recusus 1659. in 8.
- Die Hohe Schule Geist-und Sinn-reicher Gedanken/ vorgestellt durch Dorotheum Eleutherum Melethephilum. *ibid.* in 12.
- Der Königlische Catechismus, aus dem Französischen gedolmetschet. *ibid.* in 12.
- Der Mäßigkeit Wolleben und der Trunkenheit Selbst-Mord. *ibid.* in 12.
- Groß Trincir oder Vorleg-Buch. Item von Taffeldecken/ Schaugerichten/ &c. *ibid.* 1657. in 4.
- Conf. de hilce G. Neumard in dem Neu-sprossenden Palmenbaum. cap. XII. p. 464.

RECTOR  
ACADEMIÆ LIPSIENSIS,  
ad exequias

*Viri Nobilissimi, Strēnui & incomparabili  
eruditione præditi*

# CASPARIS BARTHII,

Sac. Rom. Imp. Equ.  
Polyhistoris, Critici & inter eruditos Luminis  
ingentis, &c.  
Cives Academicos  
invitat.

**I**ngentis beneficii loco ducendum, quod hac ultima mundi  
leantie non tantum Christiana religio puritati suæ, deter-  
sis erroribus Pontificiis, fuerit restituta, sed & literæ sub  
quisquiliis barbariæ prius quasi sepultæ revixerint, & incre-  
menta tanta, ut, majora vix spe præcipere liceat, ceperint;  
Cum ante ducentos annos, & quod paululum excurrit, Ty-  
pographiæ defectus in claustris Monasticis manuscripturis  
frequentioribus sarciretur, præterquam quod inter blatta-  
rum & tinearum certamina Scriptores optimi in iisdem (præ-  
sertim vetustioribus Benedictinorum & Canonicorum in  
cathedralibus Ecclesiis, unde pleraque ad nos prodierunt,  
Bibliothecis), obsolescerent, variis etiam additionibus, de-  
tractionibus, immutationibus, suppositionibus, memoriæ  
lapsibus inter describendum, ut fieri amat, corrumpen-  
tur. Verum, inventa Typographia, & ex tenebris istis in  
apricum productis bonis Autoribus, ingenia quædam he-  
roica (quis enim sine afflatu divino magnus extitit?) & Resp.  
literariæ Atlantes in theatro nationis eruditæ se stiterunt, qui  
succollarent oneri, diversas lectiones notarent, depravata  
restituerent, prætermissa complerent, supposititia obelo  
configerent, errata in citando corrigerent, asterisco digna  
indice digito commonstrarent, obscuris facem prælucere-  
nt, versiones incongruas emendarent, ritus priscos edocerent,  
hallucinationes memoriæ indicarent, uno verbo, rem li-  
terariam collapsam instaurarent. Isthmum Criticis istis  
fregisse videntur Doctores Synagogæ magnæ, (his enim po-  
tius, quam Judæis Tiberiensibus Criticam sacram Buxtorf-  
ius

fius rationibus non ficulneis motus adscribit) cum stupendo prorsus labore singulas literas, singula puncta nunterant, suo quælibet ordine disposuerunt, à lectione variantem scripturam annotarunt, & ita corruptioni præcaverunt, ne minutissimus apex in posterum de lege perire possit. Non in disciplinas duntaxat amceniores, sed & ipsas Facultates Juridicam, Medicam, Philosophicam, inprimis Theologicam, sub limam Criticam revocatis Scriptoribus Ecclesiasticis Græcis pariter & Latinis per incuriam & injuriam mire depravatis, ab istis heroibus, Reip. literariæ Statoribus, emolumentum quam plurimum redundavit. Funem inter hosce quondam duxerunt Erasmus, Melanchthon, Camerarius, Rhodiginus, Politianus, Victorinus, Manutii, Stephanus, Muretus, Scaliger, Lipsius, Casaubonus, Gruterus, Heinsius, Salmasius, Meursius, Vossius [ceteriores & in vivis etiamnum existentes commendabit posteritas] quorum nomen non nisi cum literis ulla sepelire poterit oblivio. Luminibus his & primæ magnitudinis stellis accensimus πολυμαθῆσαντον & in literis heluonem CASPARUM nostrum BARTHIUM, gente ac mente nobilissimum, quem scripta partim in salivam publicam dudum emissa & omnium applausu avidè arrepta, partim adhuc ἀνέκδοτα vetabant mori. Non sufficiebat huic Semoni ad Majores ευχαρίστησις καὶ ἀντιλογία, quorum quidam sub Carolinorum temporibus ante annos octingentos claruerunt, literis & armis inclytos ortum retulisse, nisi & ipse propria luce per literas quæ sita fulgens plus adhuc splendoris in familiam alias satis celebrem intulisset.

*Nam genus & proavos, & qua non fecerat ipse*

*Vix sua censebat.*

Solis, quam Lunæ maluit esse æmulus, lucem aliis potius impertiens, quam ab aliis precariam accipiens. Quod quæsit, etiam invenit, cum propter eruditionem edecumatam & multiplicem μακροῖον ἐμψυχον domi forisque audiret, & nominis sui famam ultra limites Europæ proferret. Hic ipse cum septuagenario major adulto mense Sept. naturæ debitum persolvit, hodie in templo Academico (Lipsiæ enim vivere, mori ac sepeliri pulchrum sibi duxit) ceremoniis solennibus dormitorio suo venit inferendus. Epitaphium ære perennius scriptis, & monumentum ingenii sui monumentis dudum sibi paravit, ut soli lumen inferre videremur, si demum post Homerum Iliada scribere, famæque posthu-

mæ tanti Viri laudatione funebri velificari vellemus. Quo tamen solenne vetus observetur, natales, studia, peregrinationes, vitæ genus, Conjugia & vitæ pausam hoc exequiarum die rudi penicillo adumbrabimus, & selectis potioribus, *ὡς δὲ μέντοι ὁψι* agemus.

Lucem hanc Vir Nobilissimus, Strenuus & eruditione propemodum incomparabili præditus CASPARUS BARTH, S. R. I. EQ. adspexit Cüstrini in Neo-Marchia 10. Cal. Quintilis anno 1587. ex antiquissima, quam supra quadantenus attigimus, in toga & sago celebri familia, ex Bavaria in Saxoniam superiorem ante seculi spatium, & quod excurrit, translata progenitus. Patrem coluit Vitum Nobilissimum, Magnificum & Consultissimum Dn. CAROLUM BARTH in Passendorff/ Jctum celeberrimum Serenissimi Electoris Brandenburgici JOHANNIS GEORGII Consiliarium, tandemque Cancellarium meritisimum, anno seculi superioris vergentis 97mo rebus humanis exemptum: Matrem generis, sexus & ævi sui Phœnicem MARIAM ex antiquissima familia nobili Julia-censi HACKELBUSCHIORUM oriundam, anno currentis seculi 22do ex syrtibus hujus mundi ad æternæ tranquillitatis portum præmissam, & in Salinis Sax. sepultam. Avum patetnum habuit Virum itidem Nobilissimum, Magnificum & Consuliss. Dn. CASPARUM BARTH, Duorum Marchionum, Archipræsulatus Magdeburgici Administratorum JOHANNIS ALBERTI & FRIDERICI Cancellarium. Aviam raræ virtutis ac pietatis exemplar CATHARINAM, fortunatissimæ quondam GOLDHAHNIORUM familiæ hic Lipsiæ natales debentem, cujus Soror natu minima ELISABETHA jugalis Viro per Imperium Romano-Germanicum decantatissimo LAMPERTO DISTELMAYER Lipsiensi in Meisdorff & Reudersleben/ Consiliario Brandenburgico Intingo cessit, ita ut Comitissa de LINAR, nata DISTELMAYERIA itidem 71. ætatis anno ante sexennium fere denata, proximo consanguinitatis gradu *τὴν Μακαρίτην* attigerit. Proavus paternus Ipsi fuit Vir manu Strenuus, nec minus nobili loco natus JOHANNES BARTH, qui primus una cum agnato ex Bavaria (ubi superest adhuc arx hæreditaria Schwarzbach/ familiæ BARTHIANÆ titulus) in Saxoniam Superiorem concessit, & cum esset in bene aucta parte constitutus, coëm-

tis bonis immobilibus pluribus fortunarum sedem ibidem constituit. Proavia vero SOPHIA nata CRESSIA ex antiquissima & apud Norimbergenses nobili familia nata. Proavus ex altera parte in linea Paterna fuit Vir omni bonorum genere, præsertim fortunæ, & hic apud Lipsienses cumulatissimus CHRISTIANUS GOLDBAHN, qui vivus septem filias hic Lipsiæ feliciter elocatas splendidis familiis intulit, ita ut Neptis ex filia ELISABETHA Comiti de LINAR contubernalis addita fuerit: proavia ELISABETHA ex nobili CROSTEWITZIORUM familia nata Viri magni nominis CHRISTOPHORI à CROSTEWITZ alias TURCÆ dicti, Seren. Sax. Electoris MAURITII Cancellarii soror germana. Ex linea materna τὸ ἐν εὐλογίᾳ fuit Avus Vir Nobilissimus & Strenuus JOHANNES HACKELBUSCH, castra diu secutus, qui tandem Solquellis in Palæo Marchia domicilium fixit: Avia URSULA ex veteri & jam ante trecentos annos celebri Nobilium à CHUDEN familia, sed quæ penitus quantum ad εὐλὰς δίκαν intercidisse videtur. Proavus maternus ex parte dextra fuit CHRISTOPHORUS HACKELBUSCH. Proavia CHRISTINA BARTENSLEBIA: ex parte sinistra proavus fuit ANDR. de CHUDEN: proavia DOROTHEA VINTZELBERGIA. De majoribus ulterioribus, utpote HERM. BARTH jam certe quadringentos annos Magistro Teutonici ordinis, quæ summa ante dignitas) deq; iis, qui nexu affinitatis hoc mundi cymbalum attigerunt, ut sunt in historiis non exigua occupans spatia Elector Moguntinus DAN. BRENDL, HEINR. à KURTZBACH Baro Liber in Trautenberg & Miltitz & alii, dicere super sedemus impræsentiarum. Cum sacro baptismi lavacro tingeretur ὁ ἐν ἀρχαῖς, Sponsores fuerunt Celsissimus Marchio Brandenburgicus Byruthinus CHRISTIANUS adhuc infra pubertatis terminos tunc constitutus, filius Electoralis, Generosissimus Comes in Hohenstein MARTINUS, susceptrix Elect. Ser. Brandeb. JOHANNIS GEORGII Conjux Illustrissima. Educatio fuit accurata per decennium sub inspectione privata Præceptorum privatorum, donec anno 97. superioris seculi Parens morte nondum satis matura quinquagenarius scil. impuberi subtraheretur. Cum vero ad studia videretur ἐνφύστα, suisque fratribus in studiis, commilitonibus, sed natu majoribus quoad memoriæ & judicii dona plane stupenda mature pal-

matam interverteret. Mater una cum proximis pie defuncti agnatis Tutoribus MAURITIO & ALBERTO Musis Eundem destinarunt, & ne ab iisdem avelleretur, quoad ejus in egrum, prospexerunt. Tyrocinia per biennium posuit Isenaci sub VALENTINO WEINRICHIO & Gothæ sub famigeratissimo ANDREA WILCKIO, ubi *συνολάσης* ipsi fuit THOMAS REINESIUS inter Medicos & Philologos summis nominibus hodie accensendus. Ingenium, imprimis memoriam divinam ex eo colligere licuit, quod puer novennis non sine Domini Parentis adhuc superstitis & assidentium admiratione omnes Terentii Comœdias à capite ad calcem memoriter sine lapsu recitaverit. Duodecennis cum fratre quindecenni, num ille prius institutiones juris memoriæ mandare, num ipse ὁ Μακαρίτης noster Psalterium Davidicum integrum versibus omnis generis exprimere posset, contendit: sed Noster pensum suum intra spatium paucorum mensium absolvens fratrem in hoc stadio anteverit: sicut & eodem anno versus à se conscriptos publicis typis descriptos edidit. His amœnioribus, imprimis tamen PRUDENTII carminibus, adductus hymno funebri suavissimo, in puerilibus annis delectabatur. Antequam adhuc ex ephebis excederet, Academica studia orsus progressu temporis Academias Germaniæ varias Jenensem, Wittebergensem, Lipsensem, (quam tandem præ omnibus sibi domicilium legerat) Juliam, Coloniensem, Marpurgensem, Heidelbergensem, Argentoratensem, Basiliensem, accessit; ex vivis & mutis Præceptoribus *ἡγεμονίζων*. Hoc enim ubi commorabatur ὁ ἡγεμονιστής agebat, ut convivio & conversatione Virorum celebrium gaudere posset, quorum & conspectum magni semper æstimavit. Sic Heidelbergæ DIONYSIO GODOFREDO, Lugduni Batavorum (cui, dum peregrina loca visceret, non dies, sed annos aliquot dedit) JOHANNÉ MEURSIO hospite fuit usus, in Gallia Belgica reliqua HERIBERTI ROSWEYDI de Soc. JESU, JOHANNIS PETRI NUNNESII, à quo Bibliis ROBERTI STEPHANI donatus fuit, & aliorum Virorum summorum conversatione fuit usus. Cum non omnis ferat omnia tellus tum quoad frugum, tum ingeniorum proventum, per annos quamplures excursions in Italiam, Galliam, Hispaniam, Angliam, Belgium instituit, non tamen vagatus, ut multi faciunt, sed vere peregrinatus est, ad scopum

pum præfixum, Sui per literas perfectionem, semper colligens. Ubi pedem in Academiis exteris fixit, ibi ad tempus substitit, ut Romæ, Paduæ, Parisiis, Genève, imprimis Lugduni Batavorum præsentissimis interdum vitæ discrimini-  
bus ut Genève, ubi JOHANNES RUDOLPHUS a DUS-  
BACH, Bernas in ipsius complexu pestilentia moriebatur,  
expositus. Ex itineribus variis domum redux vitam quietam,  
à strepitu alienam, locum tamen in oculis & luce hominum  
positum, sibi que magis sufficientem, in quo quicquid su-  
peresset vitæ, tranquillus perageret, Lipsiam tunc, ubi 30.  
præter propter annos, maximam partem ædium Paulinarum  
inhabitor commoratus est, sibi legit. Ibi DEO suo, Musis,  
amicis ( sed, ut erat homo perpaucorum hominum, non  
nisi eruditis & ὁμοτέχweis ) peregre advenientibus hospitibus,  
visum ipsius magno æstimantibus, sibi que suaviter vixit.  
Tranquillitas enim studiorum causa fuit Princeps, quod an-  
te & post Conjugium, divisis domiciliis, hic Lipsiæ vixerit,  
cura domesticarum rerum Collateralibus suis suavissimis &  
ad nutum præsentibus relicta. De monumentis ingenii hu-  
jus divini plurimis, quæ late sparsa manibus eruditorum te-  
runtur & auro contra, præfiscini ! habentur, non est cur plu-  
ra dicamus, cum opera commendent artificem, & plus ad-  
huc commendatura sint, si soli & aprico etiam adhuc ἀνε-  
δοτæ & in scriniis latentia exponerentur. Ne tamen in utraq;  
forte vitæ adjumento destitueretur, primam sibi εὐζυνον Vir-  
ginem nobilissimam AGNETEM a SCOLEN, Viri Nobi-  
lissimi ac Strenui BALTHASARIS a SCOLEN in Beuth-  
[[s]] inter copias Electorales Equitum Magistri filiam, anno  
1630. & hac illiberi defuncta & anno 1644. 3. Jan. in Sali-  
nis Saxonice sepulta, exacto viduitatis tempore, Virginem  
itidem genere ac virtutibus hunc sexum decentibus nobilis-  
simam MARGARITAM CATHARINAM a SCHLA-  
DEN Viri Nobilissimi ac Strenui ALBERTI a SCHLA-  
DEN in Stassfurt / relictam filiam 13. Febr. anno 1645.  
Sociam sibi junxit, ex qua etiam quatuor utriusque sexus li-  
berorum CASPARIS FRIDERICI, AGNETIS EME-  
RENTIÆ, MARGARITÆ ANASTASIÆ, CATHARI-  
NÆ LUCRETIÆ parens factus, de quibus filia natu ma-  
xima AGNES EMERENTIA fatis anno 1647. 19. Decemb.  
concessit in sæpius dictis Salinis terris mandata, reliquis Pa-  
rentis ἡ Μακαρίη superstitibus Deus ex alto benedicat. Icon



vitz ipsius Christianæ esse possunt ante annos non ita multos publici juris facta confessio Germanica, ut & soliloquia rerum divinarum, quibus se peccatorem poenitentem, in solo CHRISTI merito fiducia sua recumbentem se satis hac de re Curiosus videndum exhibuit. Sicco pede præterimus sacros ipsius labores in scriptores Ecclesiasticos insumptos, qui nobis gustum pietatis & devotæ mentis non obscurum faciunt. Hospitem epuli sacri dictæ Salinæ sæpius viderunt: affecta vero ætate per quadriennium in suo Muséo Lipsiensi ambrosia ista Dominici corporis & nectare vivi-  
fici sanguinis ad vitam æternam pasci voluit, id quod etiam pride Cal. Sept. præsentē jugali suavissima, & aliis domesticis magna cum devotione ab ipso factum. Vitz pausam quod concernit, præterquam quod senectus ipsa est morbus, ante triennium die ascensionis Dominicæ hemiplexi tactus fuit & *ex infirmitate* noster, ex eo, ad beatam anallysin sensim spectantibus omnibus, ad excipiendum Salvatorem suum lampade fidei, quam precibus ardentissimis luculenter satis declaravit, stetit in procinctu. Advenit iste post preces publicas proximo die 17. Sept. audita prima antelucana, secumque Beatissimum BARTHILUM nostrum *eis τὸ ἀνέστηκός καὶ τὸν* transtulit, cum 71. annos, addito fere trimestri spatio in hac scena mundana personam suam decenter egisset. Vale ac plaude literarum decus ingens:

In scriptis vivas, dum fortia robore tellus

Dum cælum stellas, dum vehet amnis aquas,

Exuviz post auditam I. pom. dormitorio suo in æde Paulina inferentur. Ut vero exequiis frequentes intersint nostri, tum ut benevolum affectum erga hoc lumen eruditæ rationis declarent, tum ut humanæ conditionis recordentur, præsentibus jubemus. P. P. Cal. Octob. anno LIIX.

Parentalia Memoriz Honoribusque posthumis summi Herois & Assertoris literarum, CASPARIS BARTHII, post annum à morte spatium instituit *Matthaus von der Lage*, ac in ipsa funeris deductione, concionem sacram, ex I. Timoth. I, 15. habuit *Ioh. Hülsemannus*, D. Profess. & Superint. Lipsiensis.

## IN OBITUM

Nobilissimi Seculi nostri Polyhistoris,

CASPARIS BARTHII,  
EQ. MISNICI.

BARTHIVS ergo FVIT? Romana Poëtria lassus

Incipe, funebres quisque Poëta modos.

BARTHIVS heu VIXIT! Romana Poëtria pausa,

Et melica cantor desine quisque lyra.

Vt factum hoc, desit, res lugendissima Musis!

Qui viduis doctas aptet APOLLO fides.

Æternam deinceps miseris incumbere noctem

Atra facit semper - flebilis una dies.

TH. REINESIUS.

Portentum ingenii, nullum quo vastius aequor;

Ille animus capere &amp; cuncta tenere potens;

Cui Musarum omnes scopulos superare, &amp; in ipso

Vertice Parnassi sistere posse datum;

Atque omnem doctrina absolvere, quam patet, orbem;

BARTHIVS hic tandem versus in ossa jacet.

Phœnicem orba suum Germania plorat ademptum,

Et novus ex cinere hoc an mihi surget? ait.

Vera times, Mater: tamen haud intercidit omnis

BARTHIVS: ingenio nulla ruina venit.

AUG. BUCHNERUS.

BARTHIVS hic situs est, Germana gloria gentis

Tanta, in SALMASIO Gallia quantam habuit.

Pœne puer libros componere cœpit uterque;

Regum hic &amp; ille animis æquiparavit opes;

Ambo obiere senes; livor surrexit in ambos;

Invidia ac fato major uterque tamen.

Verum Salmasio noster felicior hoc est,

In patria tumultum quod regione capit,

Imo Teutonia sortem hinc jactare decebit,

Quod tanta sobolis Lipsana cara tenet.

TOB. MOEBIUS;

Hic situs interpret Vatum dexterrimus ille!

Humani ingenii BARTHIVS altus apex.

Clarus Avis, summa doctrina clavior ausis,

Teutonia Phœbus, Nobilitatis honos.

X

Scri-

*Scriptorum repulit qui de tot noctibus umbras,  
Iussit & obscuris rite redire diem.*

*Non tenebris jacet in tetrīs. Tumulum aspice! Lux est:  
Ipsaque mors vita cessit inoccidua.*

CHRIST. DAUMIUS.

## SCRIPTA.

Juvenilia Sylvarum, Sermonum, Elegiarum, Lyricorum,  
Epigrammatum & Jamborum. *VVitteb. 1607. in 8.*

Panegyricus in obitum Laurentii Rhodomanni, Histor. Pro-  
fessoris Witteberg. *ibid. 1608. in 4.*

Virgilius cum Commentario. *Amberga & Francof. 1608.  
in 8.*

Opuscula Poetica. *Hanovia 1612. in 8.*

Cave Canem, de vita, moribus, rebus gestis, Divinitate  
Gasperi Scioppii Satyricon, Auctore Tarræo Hebbo,  
Nobili à Sperga, Germano. *ibid. 1612. in 12.*

Scioppius excellens, in Laudem ejus & Sociorum, pro Jose-  
pho Scaligero, & omnibus probis, Epigrammatum li-  
bri III. *ibid. 1612. in 12.*

In Monarchiæ Romanæ Cæsareæ Vindices à Melchiore  
Goldasto editos, Panegyricus. *ibid. 1612. in 12.*

Amphitheatrum seriorum jocorum libris XXX, Epigram-  
matum constructum: Amphitheatrum gratiarum li-  
bris XV. Anacreonte modimperante constitutum:  
Amphitheatrum sapientiæ, quæ ex libris hauriri pot-  
est, cujus X. libri puris Choliambis scripti: Sub ejus-  
dem Tarræi Hebbo nomine. *ibid. 1613. in 8.*

Petronii Arbitri Satyricon cum Notis. *Helenopoli 1610. in 8.  
Lugd. Batav. 1618. in 8.*

Amabilium libri IV. Anacreonte decantati. *Francof. 1612.  
1623. in 8.*

Galli Confessoris Christianæ doctrinæ compendium, seu  
Sermonem Constantiæ habitum, C. Barthius recen-  
suit, & Animadversionum librum adjecit. *ibid. 1623.  
in 8.*

De fide Salvifica libri duo, & de Constantia libri duo. *ibid.  
1623. in 8.*

Claudii Rustici Numatiani Galli Itinerarium, addita varia-  
rum Lectionum annotatione, cum notis. *ibid. 1623.  
in 8.*

Epi-

Epidorpidum, ex mero Scazonte, libri III. in quibus bona pars humanæ sapientiæ gravissimo metro suaviter explicatur, *ibid.* 1623. in 8.

Soliloquia rerum divinarum, *ibid.* 1623. in 8. *Cygnæa* 1655. in 4.

Phœbadii liber contra Arianos, cum Animadversionibus. *ibid.* 1623. in 8.

Paraphrasis Poëtica Fabularum Æsopicarum. *ibid.* 1624. in 8.

Zodiacus vitæ Christianæ, Satyricon, pleraque omnia veræ sapientiæ mysteria singulari suavitate enarrans, *ibid.* 1623. in 8.

Parnoboscadidasculus Latinus, de lenonum, lenarum, conciliatricum, Servitiorum Dolis, Veneficiis & machinis plus quam Diabolicis, ex lingua Hispanica, in Latinam transcriptus, *ibid.* 1624. in 8.

Adversariorum Commentariorum libri sexaginta, quibus ex universa Antiquitatis serie, omnis generis loci, tam Gentilium, quam Christianorum scriptorum illustrantur & emendantur, cum XI. Indicibus, *ib.* 1624. 1648. in fol.

Erotodidasculus seu Nemoralia. *HanoV.* 1625. in 8.

Philippi Cominæi Commemorationum rerum gestarum dictarumque Ludovi XI. & Caroli VIII. Regum Franciæ libri IIX, ex Gallico translati. *Francofurt.* 1629. in 8.

De Latina Lingua, & Scriptoribus Latinis, commentatio, inserta J. M. Dilherri Apparatus Philologico. *Ienæ* 1632. *Norib.* 1660. in 12.

Claudii Claudiani, quæ exstant, cum Commentario Grammatico, Critico, Philologico, Historico, Philosophico & Politico. *Francof.* 1650. in 4.

Æneæ Gazæi Dialogus, de Animorum Immortalitate, cum Zachariæ Mitylenæo, Philosopho Christiano, additis, C. Barthii notis & animadversionibus. *Lipsiæ* 1654. in 4.

Claudiani Ecdicii Mamerti, de Statu Animæ libri III. ut & Hermæ Pastor, itemque Paciani paræneticus ad poenitentiam, cum Animadversionibus. *Cygnæa* 1655. in 8.

Guil. Britonis, Angli, speculum boni Principis, cum commentario, *ibid.* 1657. in 4.

Animad.

Animadversiones ad Papinii Statii Thebaidem. *Lipsiæ* 1667.  
in 4.

Notæ in C. Plinii Cæcili secundi Epistolas, editæ primum  
cura Jacobi Thomæii, *ibid.* 1675. in 8.

Responsio ad epistolam Jacobi Kellersi, sub nomine Jacobi  
Hailbronneri scripta, ex Bibliotheca Christiani Dau-  
mii, à Johanne Frid. Hekelio edenda, non adeo pri-  
dem in Nundin. Lipsiensium Catalogo promittebatur.

HONOR EXEQVIALIS,

V I R O

*Amplissimo, Excellentissimo atque Clarissimo,*

**DN. M. SIMONI  
DACHIO,**

Poëteos Professori Publico, Poëtarum nostri  
seculi facile Principi,

Dn. Collegæ hucusque honoratissimo,  
nunc æternum desiderando,

*Exhibitus à*

**RECTORE ET SENATU ACADE-  
MIÆ REGIOMONTANÆ.**

**N**On Theſeo ergo ſoli Oſchophoria ſua, miſto plangen-  
tium plaudenriumque clamore reſonantia, celebranda  
erant; ſed & noſtræ proh dolor Academiæ ea infelicitas eſt,  
ut inter medios, ſolemniffimorum **LUDORUM**, plauſus at-  
que jubila, næniam adornare, atq; graviffimo luctui, omnem  
ſolemnitatis ſplendorem, ſubmittere jubeatur. Quemad-  
modum enim celebratiſſima, Viri Excellentiffimi, Ampliſ-  
ſimi, ac Clariffimi, **DN. M. SIMONIS DACHII**, Poëteos  
**P. P.** & inter ſeculi noſtri Poëtas facile **PRINCIPIS**, Dó-  
mini Collegæ ac Amici Honoratiſſimi, nunc æterno deſi-  
derio requirendi, eruditione ac Virtute, ita in ſinu hucus-  
que gaviſa fuit, ut læta ac gratulabunda, caput, inter quam-  
plurimas alias Muſarum ſedes, efferre, ac, de incompara-  
bili, tanti viri, ſplendore potuerit gloriari: ita nunc, juſto  
mœrore depreſſa, lachrymis atque luctu ſqualet, dum inſi-  
gne

gne adeo sui ornamentum, undique quærit, ast nullibi valet invenire. Neque id immerito: cum namque omnis bene beateque vivendi ratio, viris, literarum disciplina, præclaris, accepta, juxta sapientes, sit referenda; facile hinc apparet, quam & feliciter agant Respublicæ, copia Doctissimorum abundantes, & quantum detrimenti, ex obitu & jactura eorundem, iisdem accedat. Et quis adeo rerum nostratium expers est atque ignarus, ut quantum ornamenti atque Illustrationis, ACADEMIÆ nostræ, DACHIANA MUSA, attulerit, ignoret? Ecquis fere, Europæi Orbis, angulus adiri potest, quem divinum ejus ingenium, non oblectavit solum, sed & illustravit? Neminem quidem, è, literarii Orbis, proceribus, nominare licebit, qui non, admirandum Viri Genium, & in eo, Academiam Albertinam, admiratus, felicitatem utriusque, communi, publici elogii, consensu, celebrarit. Imo in excelsissimas, Regum Principumque, penetrans arces, ita summorum Mundi Caput, animos & voluptate, & graviori quovis motu perfudit, ut, quantum ab aliis laudis, tantum ab his Clementiæ reportaret. Sed fuit heu nobis! illud tempus, quo illustres, Magni Viri, nomine resplenduimus, nunc, cum ipso, cæca mortis caligine, obruto, multum caligare Athenarum nostrarum claritas videtur. Quæ proinde cum ita sint, ac, juxta Stoæ principem, damnum omnium maximum sit, amicum perdidisse: quo tandem luctu damnum illud, quod ejus Viri jactura, qui non modo bonis omnibus, candida amoris integritate, ac sanctissima fide, conjunctissimus amicus, sed publicum, rei literariæ, ornamentum ac delictum fuit, patimur, æstimandum videtur? Et testatur id quidem, communis ille, quo, summi pariter, ac imi, Virum desiderant, dolor, ita ut leniendo potius, quam exaggerando, opera nostra sit locanda. Neq; sane, sine modo, inconsulto dolori, est indulgendum, nisi, in Virtutem, adeoq; Musas ipsas, quæ, dignum adeo laude Virum, mori vetant, injurii esse velimus. Vel an omnino omnium mentibus excidisse putemus, quæ nudius quartus, sub publicam Ludorum Philosophicorum, festivitatem, de admiranda, nobilissimæ Palmæ, vivacitate diximus, qua non modo, æterno foliorum, nunquam deciduorum, vigore æterna viret; sed etsi, externa violentia, resecta sternatur, ex semetipsa suscitata, succrescit. Scilicet domi habent veri Musarum cultores, quod vanissimæ temporis fugacitati & mori

& mortis ruinam interitumque minantis, tyrannidi oppo-  
 nant. Ipse namque è limpidissimis Musarum fontibus, pro-  
 manans liquor, ea virtute pollet, ut postquam semel potus  
 ipforum rigavit, non modo amplissima, nobilissimorum fru-  
 ctuum, ubertate foecundat, sed novas insuper subinde suffi-  
 ciens vires, vivaci ita semper vigore animat, ut nulla vi, nulla  
 sævitie, lædi unquam possit. Ita videas, sitientem arden-  
 temque humum, inter flagrantis cœli ignes, benigno resi-  
 cientis pluviae, affluxu, saluberrimis frugibus ferendis, &  
 preparari, & confirmari. Non aliter de sapientum statuas ani-  
 mis, qui, post centena, & millena, fati sui secula, eo vigore  
 nobiscum vivunt, ut efficacissima operantes Virtute, non  
 minus Commodi nobis, quam dulcissimi delicii, pariant.  
 Adeo non Orphei tantum sanguis, semper vocalem Her-  
 bam, Cytharæ nomine; si fabulis fidem adjiciamus, pro-  
 duxit: Sed omnium, quotquot literis clarent, ea felicitas est,  
 ut, supra omnem temporum injuriam eminentes, celebra-  
 ta æternum nominis memoria, atque laude, cantentur.  
 Atque hinc est, quod commune; celebriorum Virorum, ef-  
 fatum reperitur, se quia exegerint monumentum, ære peren-  
 nius Regalique situ Pyramidum altius; quod non imber e-  
 dax, aut Aquilo impotens; possit diruere, aut innumerabilis  
 annorum series & fuga temporum; non omnes morituros;  
 sed multa sui parte, Libitinam vitaturos; & usque recentes  
 postera laude accreturos. Ita vero dum colligunt, non  
 emendicata, ab aliis, monumenta, requirunt; sed pulcherri-  
 mas sibi ipsis, non Corporum; sed animorum, statuas po-  
 nunt, ac æternos, quamvis sine voce, Virtutis statuunt præ-  
 cones. Qui sane immortalitatis honor, tanto certius Beatif-  
 simo NOSTRO contigit, quanto felicius, elegantioribus;  
 profanarum Musarum, deliciis, religiosam, colendi Numi-  
 nis pietatem conjungens, eas Odas, revera Deo suo, ast ve-  
 ro ac æterno; plenus, Christiano orbi dedit, quæ certissime;  
 cum DEUS has, juxta cultum suum, perennare sit jussu-  
 rus, æternitate pariter vatem suum donabunt. Est hæc pri-  
 vata Magni Dachii laus, ea gloria patriam maestalle, ut cum  
 Vernaculorum hymnorum, & elegantia, & devotione; & nu-  
 mero; plurimas alias Germaniæ provincias longe superet;  
 cui concedat, occurrat nulla. Et quis dubitet, quin hac re-  
 gia ad veram cœli immortalitatem, proventus, nunc Sacro-  
 sancto, divinorum vatum; Choro admixtus; quos hic, sub-  
 missa

hissa humilique voce, tentavit, plena ibi voce, æternos Deo hymnos decantet? Eas nunc, & eum mortuum esse dicas virum, qui & nominis æternitate in terris, & animæ felicitate, in cœlis est immortalis. Imo non; si oculis substractus, mentibus quoque substractum putemus: quod quo minus fiat, laudatissimam ejusdem memoriam, omnium bonorum animis, semper obversaturam, nunc porro proponamus. Natus is est, in fortalitiø Memenlensi, 1605. 29. Julii. Patre Spectatissimo, integerrimo atque Doctissimo Viro, Domino SIMONE DACHIO, interprete; prout incultior ejus temporis; quoad Linguae Germanicæ usum, ratio requirebat; Linguae Lithvanicæ; Matre Lectissima ac Pudicissima Matrona; ANNA LEPLERIN; cujus beatissimus avus Consul Memelæ Meritissimus, seculum vivendo integrum transgressus, satur tandem vitæ, fato suo cessit, secutusque post, suo tempore, BEATISSIMI NOSTRI Parentes, reliquosque suos; inter beatos excepit. Renatus initiationis Sacramento, tanto solertiori cura, ab optimis Parentibus educabatur; quanto sublimius, elegantiusque ingenium; prima statim ætas ostendebat; illustrissimis ita prorumpentibus igniculis, ut & à Piissimo Parente; & Doctissimis, quibusvis viris, Musarum sacris dedicandus, judicaretur. Quo fine Scholæ Patriæ instruendus committitur, inque ea, juxta Pietatis, ac literarum fundamenta jacta; tanto in Musicam (qua post omni vitæ tempore, & multum oblectatus, & plurimum valuit) ferebatur amore, ut absque ullius fere informatoris ductu, egregium ejus usum sibi acquireret. Annum ætatis agens XIV. studia continuaturus, Regiomontum mittitur ac intra ædes Pl. Rev. Clariss. ac Doctissimi Viri; DN. JOHANNIS VOGLERI, Diaconi Cathedralis Meritissimi; b. m. cujus beatissima Conjux matertera Nostri hujus erat, receptus, in Schola Cathedrali, sub ductu Cl. DN. M. JEREMIÆ NIGRINI, cui ob nativam in Poësi promptitudinem apprime clarus erat, laudatissime in literis progredi incipit, at sævissima Contagione, quæ 1620. horrendum grassabatur, sufflamine obiciente, domum regredi jubetur. Repetito tamen Regiomonto, post remissum luis furorem, pristino hospitio utitur, dum eodem anno, circa Paschalia solennia, commodum fieret, ut Vir postmodum Pl. Rev. Excellentiss. ac Clariss. DN. MARTINUS WOLDERUS, Pastor Ecclesiæ Parochialis, eximiis meritis, plurimum



timum famigerabilis, ut & Venerandi Consistorii Sambien-  
 sis, Assessor dignissimus, ad exterarum Academiarum hinc discede-  
 ret; Hunc ergo, post obstrictam famulitii fidem, comitatus  
 Noster, per Pomeraniam, Witebergam accessit, & ibi confir-  
 matus, quæ solidissime jecerat, fundamenta, Scholæ pri-  
 mum Civicæ, Triennium solidum, magna cum solertia im-  
 pendit. Dignus hic & Patrono suo laudato, & aliis videba-  
 tur, qui ad Academicas lectiones admitteretur, ast, quia ipse  
 defectus, non exiguos, in Logicis, Rhetoricis & Græcis de-  
 prehendebat, deprecatus id honoris, supplere istos (ô si ita  
 plurimi, implumes, inter nos, ICARI, qui revera, ante ala-  
 rum usum, magno suo cum præcipitio, sublime evolare  
 annuntur, agerent) ante malebat. Ut ergo voti hujus com-  
 pos, ex asse, redderetur, ad Celeberrimum, quod Magdeburgi  
 florebat, Gymnasium dimittitur, hicque hospitio quidem  
 Pl. Rev. Cl. ac Doct. Viri DN. M. CHRISTIANI VOGLE-  
 RI, Archi-Diaconi ad D. Johannis, informatione vero Ex-  
 cellentissimi EVENII, & reliquorum informatorum, Dn.  
 M. BLOCII, & MÖSERI utens, tam feliciter profecit, ut  
 præter alia publica specimina, Disputationem, Græco idio-  
 mate, conscriptam, eodem Respondente, cum applausu, de-  
 fenderet. Anno 1626. cum & peste, & bello, affligi urbs ea  
 inciperet, securitati suæ consulturus, post egregiam, miran-  
 dorum profectuum, laudem obtentam, non absque maxi-  
 morum periculorum, à milite Wallensteinii & Mansfeldii  
 imminantium, metu, salvus ac incolumis, per Marchiam,  
 Lüneburgum, Hamburgum, inde Gedanum, ac tandem Re-  
 giomontum, DEO Duce ac Comite feliciter est delatus;  
 Hic 21. Julii, Civibus Academicis, adscriptus, ita post omnē,  
 inter eos, vitam exegit, ut publicis privatisque, in re Philo-  
 sophica ac Theologica, exercitiis institutis, magnam undi-  
 que, de se spem excitaret. Vices enim, & Respondentis, &  
 Opponentis aliquoties sustinens, non modo applausum sem-  
 per meritus est, sed & continuatum DNN. Professorum fa-  
 vorem, confirmavit. Et quandoquidem, Theologiæ studio,  
 totum semancipaverat, Homileticis etiam exercitiis occu-  
 patus, sæpius, in concione sacra, verba fecit; quod tamen  
 institutum suum, Deus ipse immutasse videbatur, cum 1633.  
 Scholæ Cathedræ, constitueret Collaboratorem, Gravissi-  
 mum tunc sane onus imponi sibi videbat, sed Deo obsegu-  
 tus, promptus & suscepit, & tanta cum fide gessit, ut initio,

quartiordeinis, discipulos informans, gravissimum animi deliquium, ad linguæ usque deficientem usum, pateretur. Atque hoc primum, mali morbiq; omnis, initium, quod neglectum, perpetuoque labore vires sumens, omnis subsecutæ infirmitatis, mater fuit: Cui cum graviores Con- Rectoratus curæ, quas 1636 subibat, succederent, majus subinde valetudinis, succedebat detrimentum. Accidit interea, ut vere Nobilis ac Consultissimus DN. ROBERTUS ROBERTINUS, Supremi tandem in Borussia Regiminis Secretarius meritisissimus, exactissimus optimorum ingeniorum censor, à diuturna, variæ peregrinationis, molestia, redux, patriam hanc suam reviseret: Qui cum in varia, Latino pariter atque Vernaculo idiomate, conscripta, à Beatissimo, Carminè forte incidisset, primus ipsi Dux & Autor exstitit, ut quas, Natura largiente, dotes, in tractanda Poësi, obtinuisset, digne impenderet eidem, ac, solertiori cultu, perficeret. Cujus consilio non modo tunc locum dedit, sed & quod salutare, sibi, omni vitæ tempore, idem fuisse experiretur, post terminum etiam illius, petiit prædicari, Magni eum Amici affectum, Primi illi stimuli fuerunt, quibus actus Beatissimus, ita Romanam Germanamque Poësin expolivit, ut merito, restitutam eam pristino splendori, eidem, cum reliquis, non minoris nominis, Viris debeamus. Jam innotuerat 1638. Divo Georgio Wilhelmo, & cujus imperio (fax t Deus d. u. & feliciter) nunc regimur, Serenissimo Principi Electori, FRIDERICO WILHELMO, &c. &c. &c. Domino ac Nutritio Nostro Munificentissimo, auspiciatissimum, in Borussiam, adventum, gratulans DACHIANA MUSA: & ita innotuerat, ut nulla eandem oblivio, Clementissimæ Memorix, subtrahere posset.

Hinc porro factum, ut vacanti Poëseos Professioni, 1639. hic unus dignissimus, qui præficeretur isti, judicaretur: Et profecto, dignissimum eum fuisse, res ipsa postmodum est locuta. Et quidni rem quoque ipsam, laudes Beatissimi loqui potius patiamur, quam ut nos easdem, hac præsertim temporis angustia, minus rite enarrando, imminuere audeamus. Sed salva sunt omnia: Loquitur eas, Clementissimus, Serenissimi ac Potentissimi Nutritii, una cum Serenissima Coniuge Electorali, affectus, quo DACHIANAM MUSAM & aspexerunt, & munificentissimè compensarunt. Loquantur eas, tot diffusæ Provinciæ, quæ suo honori &

oblectamento augendo, DACHIANAM MUSAM instantissime expetierunt! Et quid multis? Ipsi dicite, si ulla, celebriorum Nuptiarum, exequiarum, aliarumque solennitatum, festivitas, per universam provinciam, absque DACHIANA MUSA, potuerit celebrari. Summa hæc Viri laus, quam tamen ipse, modesta humilitate, deprimens, in imis semetipsum collocavit, eminentiorem eam putans, quæ à Pietate in Deum, à fide in Principem, à solertia & dexterritate in officio, à candore erga amicos, à promptitudine in aliis juvandis, enasceretur. Harum itaque, & aliarum Virtutum, sanctissime semper studiosus, id felicitatis obtinuit, ut ubique largissimam, Dei benedictis, gratiam experiretur. Omnium tamen certissime, hanc sensisse, ipse fâtetur, cum, Deo pronubo, 1641. 29. Julii; Ornatissimam Sexus sui Virtutibus tunc Virginem, nunc Viduam Mœstissimam REGINAM, Viri quondam, Consultissimi atque Amplissimi DN. CHRISTOPHORI POHLII, Advocati, in Nobilissimo Judicio Aulico, Ordinarii, ac Venerandi Consistorii Sambienſis Aſſeſſoris æquissimi, filiam superſtitem, ſolenni nuptiarum ritu, ſibi ſociaret. Et exoptatiſſimam, hujus conjugii, tranquillitatem Beatiffimus ipſe expreſſurus, dulciſſimam conjugem, unicũ ſuũ, juxta Deũ, in adverſitatibus, ſolatiũ, refugium, refrigerium, atque portũ, appellat. Neque parum ejusdem felicitati, à fecunditate, cum V. filios, III. filias, è quibus Filii, natu maximus & minimus; cum filia unica, defuncti jam mortalitate, quieſcunt, ſuſciperet; acceſſit; quæ vero, cum turbata mortis tyrannide, omnino receſſerit, illud unũ, ut ſuperantibus liberis reliquis; cum affl. tiſſima Matre Vidua, bene eſſe jubeat, ac Ducere ſe, in ſectandis, Beatiffimi Parentis, veſtigiiſ; præbere Supremus Viduarum Orphanorumque Præſes, dignetur; ſerio precamur. Habuiſtiſ hucusque Beatiffimi Vitam, quam dum tanta laude illuſtrem auditiſ, illud veſtra ſponte cogitabatiſ, nec laboris parum eidem adfuſiſſe: quin credite, laborem unũ fuiſſe, qui & vires magis magisque inſitumaverit, & tandem, fatali imminente termino, omnino proſtraverit. Annus quippe jam ſecundus, ſupra vigefimum, labitur, cum malo Hypochondriaco oppreſſus, proxime à morte abeſſe videretur; aſt Dei aſſerentis Virute, ac ſolertiſſima valetudinis cura, ad hoc uſque temporis, quamvis laborante fere perpetuo corpore ſuperfuit. Accedebant varii alii pulmonum

monum defectus, cum Asthmate, & aliis Symptomatibus, quibus impredientibus, nunquam fere rebus suis gerendis suffecit; neque tamen defuit, sed, reluctanter etiam viribus, strenue, quantum poscerat, suum perégit. Tandem sub anni elapsi terminum, omnino lectulo affigebatur, ac quamvis varie morbus luderet, jam liquidam satis restitutionis spem ostendens, jam decollans omnino, vires tamen omnes, adeo, contra pretiosissimorum Medicamentorum Virtutem, prolabebantur, ut fatalis terminus indiceretur. Hinc ergo rite obtinendo animam, iterato aliquoties, Divini epuli, usu confirmavit, atque hinc, pro spectatissima sua pietate, Deo omnia committens, orando, suspirando, gemendo, incredibili patientia, novissima exspectavit. Hæc verò cum adessent, eadem animi constantia, 15. Aprilis post 1. matutinam, intra LIX. ætatis annum, Spiritum, placidissima morte avocatum, DEO, ut æterno gaudio resectus; in patriis manibus quiesceret, reddidit. Adstat ille hunc, adorando, æterni Agni Triumphatoris, throno, ac palmis laureisque non marcescentibus, ornatus, verò Divinorum Vatum fruitur honore. Quem uti, non exprimendum, honorem, ipsi gratulamur, ita vos, Cives, Celebratissimi Vestri Professoris, viri undiquaque Magni, funus, hodie post XII. tumulandum, citra monitum, ultro deducturos conficiamus. Sed & illud monemus, ut pro digno, tantis Viri Virtutibus, Suecessores DEO pie supplices fiatis. P.P. 1659. d. 20. Aprilis.

## SCRIPTA.

Dachiana Poëmata Germanica æque ac Latina, prout quam plurima, diversis annis formisque sigillatim prodierunt; ita longè dignissima, ut aliquando justæ molis volumèn junctim constituent. Interea si quis nonnullos perpolitos stupendi ingenii hujus versus; vernacula lingua fusos, legere cupiat, poterit, promulsidis loco, libare, quæ haud parca manu *Henrici Alberti Arii* inserta sunt *Regiomonti* 1651. 1qq. in fol. ut & *Christophori Caldenbachii* libris duobus, de *ratione conscribendi carminis Teutonici*, Norib. 1674. in 12.

## RECTOR

UNIVERSITATIS ROSTOCHIENSIS,

JOH. GEORGIUS DORSCHÉUS, D.

&amp; Professor Theologus,

Ad exequias

*Excellentissimi & Amplissimi Viri*DN. M. ANDREÆ  
TSCHERNINGI,

Philologi elegantissimi, &amp; Poët. Profess.

Publ. Clarissimi,

XXVII. Septembr. A. Chr. 1659. beatissime

*mortalibus exempti,*

Omnes omnium ordinum Literatos &amp; literarum

fautores, Cives inprimis Academicos,

*Peramanter & officiose invitat.*

**A** Suavissima commemoratione eorum, quæ circa myriades angelicas meditari jubet pietas nostra, redimus ad seculum, in quo serenum illud angelicæ puritatis infinitis tempestatibus turbatur. In eo occurrunt ANGELI pacis amarissime flentes, Esaïæ 33. 7. Hieronymus Stridonensis h. l. per angelos pacis accipit angelos præfides templi Salomonis, qui, quamvis passionum nostrarum incapaces, sua tamen quadam ratione acriter doluerunt, videntes, illud esse in periculo tantæ cladis. Illos ipsos Angelos putat, qui Titi Imper. tempore clamarunt, Migremus hinc. Rectius intelliguntur nuntii, quos Ezechias Rex ad Rabfacen ducem Sennacheribi Assyriorum Regis misit pacis componendæ causa, scil. Eliakim, Sobna & Joabe, qui, cum pacem à tyranno non impetrassent, adeoque extrema omnia in præsentissimo urbis excidio metuerent, fleverunt scissis vestibus, Esa. 36. Gabr. Alvarez Comm. h. l. ita scribit: Adumbrat Isaïas illam oppressionem & afflictionem Jerosolymitanorum & aliorum contribulium, vastante Sennacheribo Judæam & obsidente Jerosolymam: sed ita adumbrat, ut sub ea umbra veritas eluceat adumbrata, nempe oppressio humani generis sub Diabolo tyranno, Non satis concinna est istæ

istæ interpretationum conglomeratio. Posset quidem fortassis aliquo modo dici, illam oppressionem & afflictionem Jerosolymitanorum & aliorum contribulium, vastante Sennacheribo Judæam & obsidente Jerosolymam, esse typum & umbram, quæ oppressionem generis humani sub tyrannide Diaboli adumbret: Sed quod Spiritus sancti ea fuerit intentio, sub Sennacheribi malis, quibus populum Dei ille obruit, tunc oppressionem generis humani sub Diabolo, tanquam ab ipso intentam veritatem, repræsentare, id nullo indicio liquet. Et mirum, qua ratione Alvarez inducatur, ut videntes & angelos pacis eodem loco interpretetur, tanquam in rei veritate essent Angeli provinciarum salutis procurandæ à DEO præpositi, qui clamant foris & fleverunt amare, cum pacem promissam, præmonstratam, petitam & miris votis expetitam protrahi viderent. Ben. Arias Montanus h. l. suam interpretationem continentiores & sequentibus consequentiores esse putat, quam est illa, quæ hos videntes & angelos pacis exponit Apostolos, dolentes Judæorum obcecationem & Judææ vastitatem. Nihil enim vel de illo vel de hoc à Spiritu Sancto intenditur. Potest quidem ex circumstantiarum similitudine talis fieri collectio: Si angeli pacis à Republ. Israëlita ad Sannheribum missi frustra, amarissimas profuderunt lacrymas, cum omnia pacis consilia frustranea esse deprehenderunt, quanto magis Angeli provinciarum salutis procurandæ à Deo præpositi elamabunt foris & dolebunt flebiliter, cum pacem promissam, præmonstratam, petitam & miris votis expetitam protrahi viderent. Vel si angeli pacis à Republ. Israëlita ad Sannheribum missi & frustrati amarissimas lacrymas profuderunt, quanto magis videntes & Angeli pacis dolebunt Judæorum obcecationem & Judææ vastitatem? quanto magis iidem dolebunt & effusissimis prosequuntur lacrymis, cum meditantur oppressionem generis humani sub Diabolo tyranno. Sed hæc ratiocinatio est & accommodatio, non typus divinitus intentus. Atque sic nostris pro dolor temporibus angeli pacis flent amarissime. Nemo mihi comparationem imponat, quasi per Sannheribum, per Rabfacen, per Ezechiam quosdam nostri seculi designem aut distinguam summates. Unumquemque sua conscientia prodes. Unumquemque tribunal Jesu designabit. Interim Angeli pacis per Germaniã facti sunt superioribus annis plurimi.

Tot annorū bellis exonerati efficacissimo pacis instrumento, Angelica lætitiā passim pacem deprædicavimus. Sed ut nunc sunt tempora, pax submota est eo loco, in quo tot summi numinis obtestationibus roborata fuit. Etiam belli furores ibi insolescunt, ubi nulla pacis rumpendæ causa data est. Monumentum atrocitatis immeritæ sempiternum DUCATUS noster esto, cui iusti Principatus opes eripuit belli nuper furor. Cur non fleant amarissime, qui fuerunt Angeli pacis, PRINCIPES IMPERII, cum vident everfionem innoxii Principatus? Cur non fleant sapientes seculi, cum animadvertunt tam fortiter constricta convelli? Cur non fleant Angeli Pacis in congressu sanctorum, cum deprehendunt, tot suspiria precesque suas tanta ferocia conculcari? Cur non fleant tot pia pectora, quæ ex cœtu Angelorū pacis excludere, nefas; imo in eum includere, decus est, cum cernunt, nil nisi impietatem turbulentis seminari temporibus. Excidit cum gemitu non ita pridem vox ea Amplissimo & Excellentissimo VIRO, DN. M. ANDRÆ TSCHERNINGI, Antecessori Philologo in Universitate nostra meritis & famæ gloriā cumulatissimo, cum, ut fuit perspicacissimus conversionum publicarum, dijudicator, has calamitates, quibus nunc mergitur orbis, præfagiret, fore sc. Angelis pacis flendum amarissime. Confluxerunt exercitus, ultro citroque minaces excubuerunt acies, terræ, quas infederunt, exhaustæ fuerunt, intolerabile erat exercitiis, ultra audire vagientes plorantes, ad cælum deferentes injurias sibi illatas. Festinandum fuerat longe ab istis ululātibz & exprobrationibus. Mutandæ sedes. Jure ne an injuria, malitia seculi non attendit. Exhaustiendus Principatus innoxius, & adhuc vix dimidiam partem à vibicibus ac vulneribus tyrannidis anterioris belli restitutus. His intentus optimus Vir, cum præsertim oneraretur corporis molestiis multiplicibus, mundo sibi excedendum esse, accusata mortalitatis perversitate, ratus est. Equidem qui meliora optarunt seculo, qui annos viri æstimarunt, quibus adhuc pluribus prodesse possit, qui perpenderunt, non excedendo, sed obnitendo consuli potle seculo, qui in numerosam Amicorum seriem, quibus TSCHERNINGI nomen fuit amabile & venerandum, introspexerunt, qui juventutis Academicæ desideria, quibus TSCHERNINGUM inter primos coluerunt, trutinarent, qui ipsam denique Academicæ salutem sollicitudinem

tudinam suarum caput censuerunt, TSCHERNINGUM perennare gavisi sunt, & ut diu gaudere liceret, optarunt. Sed vis major juvare desideria ejus visa est. Major inquam vis non ea tantum, quæ omnibus viribus humanis superior est, sed ea, quæ bonitate major est, ut melius de rebus ejus dispo- neret; quæ sapientia major est, ut incomparabiliter felici- tati ejus consuleret; quæ divitiis major est, ut perennia cu- mulare possit: quæ gloria major est, ut immarcescibilem co- ronam largiri queat. Vixit ergo DEO, bono publico, sibi Clarissimus. Mortuus est iisdem vestigiis. Curriculum vitæ manu ejus designatum legite, ô mei, & ad vestros usus trans- ferte. Itaille. *Editus in lucem est anno c13 13c XI. d. XVIII. Novembris, incunabula nactus BOLES LAVIAM Silësiorum, fœcundam magnorum & eruditissimorum virorum genertri- cem. De qua OPITIVS ò πῆνν ejusdem oppidi filius vere at- que eleganter:*

BOLESLA grande SLESIAE decus nostræ,  
Et hortulorum fontiumque amœnorum,  
Nec non virorum fœra alumna doctorum,  
Quos censeat fors, non recensert quisquam.

*Patrem habuit ANDREAM TSCHERNINGIVM, virum honestissimi nominis, Matrem MARGARITAM RVTHAR- DIAM, integerrima fama & rarissimi exempli fœminam. Avum paternum sortitus fuit CASPAREM TSCHERNIN- GIVM, Civem Boleslaviensem Spectatissimum, & qui anno c13 13c XXXII. d. XV. Junii cum septuagesimum tertium ata- tis annum ageret, grande mortalis avi spatium, repentino obitus genere oppressus expiravit. Quale magnum illum Casarem sibi exoptasse, Suetonius refert. Sed erat ille paga- nus. Quanquam nec apud Christianos quoque repentinis mortibus quicquam inesse vitii potest, nisi quatenus impar- tos aut male agentes opprimunt. Aviam paternam VRSV- LAM Albrechtin/ matronam, qua pietate ac probitate animi, ut & innocentia morum & sanctitate quam paucas omnino habuit pares: Qua vero anno c13 13c XXII. d. 2 Junii placi- dissimo obitu vitam cum morte commutavit. AVVM mater- num nactus est ANDREAM RVTHARDVM, virum anti- qua fidei & simplicitatis; Aviam maternam ANNAM TEICHLERIAM, sedecim librorum matrem, matronam sine omni nota & fabula. His natus parentibus inter perpetua pietatis juxta & honestatis studia adolevit feliciter. Literis*



mature traditus, & initiatus in Schola patria est. Cum anno c1o 13c XXX. integrum non esset manere in patria, & orthodoxam profiteri religionem, wegen der Pabst- und Kayserlichen Seligmacher / uti quidem audire volebant, maluit penatis, patriam, parentesque relinquere, quam quotidie inter veritatis hostes de sua salute periclitari, dum illud teneret, quo cælum & aternitatem liceret lucrari. Sic factum est, ut fretus divino auxilio, una cum duobus commilitonibus Gorlicium Lusatia se conferret. Qua in urbe cum exul vix pacem posuisset, ejus fidei ac institutioni commissi sunt illico liberi Pratoris Reipubl. Oppidana, FRANCISCI BEVERI, Viri Coniunctissimi & antiqua fidei. Ita nunquam deserit DEVS, qui in se suas spes unice ponunt. Gratulatus sibi precipue de Rectore istius Gymnasii ELIA CVCHLERO, viro summo & celeberrimo, quem ut praeceptorem colebat, ut parentem reverebatur. Postea à parentibus domum revocatus, Vratislaviam (qua metropolis Silesia & omnium Germanicarum urbium pulcherrima & nitidissima) studendi gratia amandatus est, quam patriam alteram appellare semper est solitus ob beneficia, qua in ipsum contulisset, quam plurima. Anno c1o 13c XXXV. d. VII. Maji, cum aliquos in omni literatura humaniori fecisset profectus, quibus ad sapientia studia paramur, Rostochium concessit, ubi clarissimos viros sibi adiunxit, à quorum scilicet ore frequentissime penderet. Ob rem paulo arctiorem in patriam tandem redire coactus, quibusdam ingenuis pueris ex primaria Vratislaviensium nobilitate praefectus morum ac studiorum datus est. Qua occasione cum viris praecipuis hujus urbis innotuisset, eosque benevolos sibi faventesque in primis Vena Poëtica reddidisset, factum est, ut ipsum luculento congiario instruerent, & in Academiam denuo mitterent. Consilio igitur Mæcenatum, in primis MATTHÆI APELLIS duorum Caesarum rotidemque Principum Silesiorum Consilarii nunquam satis laudandi, Rostochium reversus, A. c1o 13c XLIV. d. XII. Maji, Brabenta M. IO. HVSVEDELIO, at quanto viro! Magisterii Philosophici laurea ornatus est publice. Die XVI. Maii ejusdem anni in ipsum Professorum Collegium honorumq; ac dignitatum, qua illum ordinem comitari solent, consortium cooptatus est.

Quaeritur officium primum, post quaeritur Uxor.

Conjugem igitur duxit Lubeca, SIMONIS HINZII, Advocati  
& No-

& Notarii Publici immatriculati, ut vocant, prudentissimi in-  
tegrissimiq; Viduam, IO. MARSILII, Canonici Lubecensis &  
Capituli Senioris optime meriti filiam. Cum qua tanta con-  
iunctione atque concordia vixit, quanta unquam in animos  
potest cadere, feliciter invicem & meliore, ut sic loquamur, si-  
dere copulatos. Adeoque de ipsis verum, quod Poëta ait:

VELLE ac NOLLE ambeobus idem.

Suscepit ex ea filium unum sibi cognominem, & filiam unam  
ANNAM CATHARINAM, ut patris sui fatum deplorent:  
Illum quidem natum cl<sup>o</sup> 16cXLV. d. XXV. Decembr. circa no-  
ctis horam duodecimam; hanc anno cl<sup>o</sup> 16cXLVII. d. II. Ju-  
nii. Rectoratus dignitas semel ad ipsum devoluta fuit, Decana-  
tus aliquoties. De Praelectionibus publicis & Collegiis privatis  
iudicent alii. Docuit publice, quoties per valetudinem licuit:  
in publicum autem egredi & demandati officii partibus fungi  
ob eandem adversam minime interdum potuit. Quicquid  
vero publice forsitan neglectum fuit, assatim domi refarsit,  
editis scriptis, quae in multorum manibus sunt, sermone tam  
solutum quam ligato, variis, DEVSOPT. max. in extremo mortis  
agone Spiritu solatii clementissime adsit, ut mimum hunc vita  
ita claudam, quo siam particeps melioris illius vitae, quae finem  
non habet. Idem misereatur & meorum, eosq; Spiritu suo du-  
cat ac regat, ut timeant ipsum & super omnia diligant &c.  
Habetis vitae, fortunarum, fatorumq; B. TSCHERNINGI  
nostri diexodum, pietate & modestia fulgentem. Intelligi-  
tis, quam ille omnia vitae suae momenta ad rationes cum  
Deo subducendas composuerit. Sed nunc agonem ejus Ex-  
cellentissimus & Experientissimus DN. D. JOH. BACMEI-  
STERUS, vobis exponat. Triennium & quod excurrit est,  
ex quo Excellentissimus ac Clarissimus DN. ANDREAS  
TSCHERNINGIUS, Collega meus dum in vivis esset hono-  
ratissimus, nunc cheu! desideratissimus, languescere, deque  
variis corporis incommodis conqueri coepit, ingravescente  
indies morbo. Quanquam enim remittere, pollicerique  
meliora interdum videretur, resumpsit tamen ante aliquot  
septimanas vires suas, intenditque ita; ut ægrotus pariter  
pariterque & Medicus (tanquam nihil deinceps suffectu-  
rus) animum desponderent. Tanta siquidem aderat pe-  
dum totiusque abdominis intumescencia, tanta respi-  
randi difficultas, tanta denique omnium membrorum  
lassitudo, intensusque pedum dolor, ut vix de loco in  
locum

locum amplius sese movere potuerit, cum appetitu plane prostrato. Quæ omnia Scorbutum, malum nobis familiarissimum, firmas in hoc subjecto egisse radices, & totalem viscerum introduxisse corruptionem satis demonstrabant. Hinc quoque factum, quod tandem pertinacissimi hujus hostis atrocitas, omnium remediorum apparatus vicerit, & ruidius tertius consumptis omnibus viribus amicissimus meus vitam cum morte commutare coactus sit. Quod ad instantiam viduæ mœstissimæ de morbo consignare volui. Habetis curriculum vitæ Viri excellentissimi, Habetis terminum Vitæ, quæ ornamentis coruscat eminentibus. Mors, nō ea parte, qua Medicus eam spectat, sed qua Theologi iudicii incurrit, eximiis pariter claret documentis, quæ ille sermone funebri rectissime communicabit. Fiet id à meridie hora I in templo Jacobæo, ad quod, ut quod in terris superest viri magni, honesta frequentia deducatis, & sic vestrum erga literas humaniores amorem declaretis, etiam atque etiam rogo atque obtestor. Valete,

*Ad CL. Virum*

**ANDREAM TSCHERNINGIUM,**

Poëmata sua Germanica edentem,

*Proximus extrema cum staret OPITIVS hora,*

*Augustum ponens mox abiturus ebur;*

*Quo mihi mansurum peperisti in secula nomen,*

*Dum canis, & docto carmine cuncta moves,*

*Barbite, cui, dixit, cedes? mox pauca moratus,*

*TSCHERNINGI inclamat nomina clara sui:*

*Et moriens, cerne istud, ait, tibi munus Amice:*

*Non alia ad nostras est manus apta fides.*

*Dixerat, & patulas animam difflavit in auras,*

*Ad cithara transit dum Genius Dominum,*

*Hinc Genium numerosque sonat TSCHERNINGVVS OPITI,*

*Et spondet patria, quod dedit ille, sua.*

**AUGUSTUS BUCHNERUS.**

*TSCHERNINGI, quoties legi tua carmine, dixi,*

*Hic erit OPITIO par, nisi major erit,*

*Sive Poëta velit Latiali ludere plectro;*

*Sive velit lingua psallere, Teuto, tua,*

*Audit ut hac mea puncta in rupe biverice Phœbus,*

*Iuxtimque Aonidum, gaudia nostra, chorus:*

*Indi-*

*Judicium probat ille meum, probat iste: nec ullus,  
 Qui didicit, qua sunt carmina tersa, negat.  
 Si tamen hic aliquis dubitandi fluctuet aestu,  
 Cujus ab invidia corda furore calent,  
 Fac lucem videant tua culta Poëmata: qua nunc  
 Sparsim errant, vel adhuc carcere clausa latent.  
 Omnis erit vox una, mei qua vox erat eris:  
 Hic erit OPITIO par, nisi major erit.*

JOH. HERMANNUS.

FATUM POETICUM

(aut si mavis)

ONOMASTICUM,

In funere

*Viri Amplissimi & Clarissimi,*

ANDRÆ TSCHERNINGII,

Poës. Profess. in Acad. Rostoch. celeberrimi,

Fatum I.

Magister ANDREAS TSCHERNING SILESIVS,

*Est annus mortis è nomine erutus*

M DC LIX.

Fatum II.

Magister Andreas TScherningius, Silesius, Poëta,

*Idem hoc Vaticinium continet.*

Per Anagramma *ἑμμερεος.*

Surge, migra; Elisias te in sedes portat hic annus.

*Mirare Lector: Vati illud est fatum,*

*Caraque Vocis triste fatum & effatum,*

*Fatalis hic Vatem annus obtulit fato,*

*Diis illa visa & sic fuere fatata.*

*Hac fata fati veriora Chaldeis,*

*Fatuque vanique orbium poli fati,*

*Fataliumque Sanctione signorum.*

*Cede ergo fati, quando fixum habes fatum*

*Beate Vates, tuque marmoris lector*

*Mirare Vatum inesse literis fatum,*

*Mirare fatum hoc insimulque da votum.*

DAN. GEORGIUS MORHOFIUS.

SCRI-

Semi-centuria Schediasmatum. *Rostoch. 1643. in 8.*

Oratio Panegyrica in obitum Jacobi Fabricii, Medici, *ibid. 1653. in 4.*

Centuria Proverbiorum Alis, Imperatoris Muslimici, distichis Latino-Germanicis expressa, cum notis brevioribus. *ibid. 1642. in 8.*

Deutscher Gedichte Frühling. *ibid. 1642. 1649. in 8.*

Judith, eine Comœdia. *ibid. 1640. in 4.*

Bedenken über eglische Mißbräuche in der Deutschen Schreib- und Sprach-Kunst. *ibid. 1659. in 12.*

Rede vor Deutschland. *ibid. in 4.*

# JOANNIS FREINS- HEMII,

## LAUDATIO POSTHUMA,

AVCTORE

ABRAHAMO FREINSHEMIO.

M<sup>i</sup> DC LXI.

**M**orte perire omnia, vulgari proverbio loquimur: quod ut in ceteris forsitan rebus verum sit, in amore certe locum non habet, qui, ubi semel ex veris honestisque causis convaluit, obitu amici capitis adeo non exstinguitur, ut potius gliscat, & inter alimenta sua ipsam defuncti memoriam, ipsam absentiam numeret. Id quod ego ingenti quidem, sed eodem tristissimo documento expertus sum, audito nuper fato viri summi & incomparabilis JOANNIS FREINSHEMII, quem mihi natura patrum, affectus patrem, convictus hospitem, institutio præceptorem, benignitas patronum dederat. Cuius quidem excessu tantum abest ut expiraverit amor noster, ut bona illa donaque, quæ quondam in superstite coluimus, amavimus, admirati sumus. post fatum majora etiam atque augustiora animo nostro obversentur. Atque utinam quanta nobis laudandi FREINSHEMII necessitas incumbit, tanta etiam facultas daretur, atque copia?

pia? efficeremus profecto, ut omnes intelligerent, illum virum non modo in omni genere eruditionis excellentissimum, verum etiam vita moribusque virtuti simillimum fuisse. Sed præter ingenii imbecillitatem, & desuetudinem studiorum, & varîe interpellantes Reipublicæ curas, luctus etiam mærorumque adeo perturbat animum, ut nec invenire quæ oporteat, nec inventa disponere, nedum exornare ulla ex parte valeamus: sed videamur rudes dicendi, videamur indocti, dummodo officii nos memores fuisse atque pietatis appareat.

Natus est JOANNES FREINSHEMIUS Ulmæ Suevorum A. D. XVI. Kal. Decembr. anno hujus seculi octavo, honestis splendidisque parentibus, JOANNE BARTHOLOMÆO FREINSHEMIO, & ELISABETHA MEYELIA. In puero statim eluxit igneus ingenii vigor, facilis & fida memoria, admirabilis recti honestique amor, quibus animi bonis accedebant corporis dotes, validus membrorum & decens habitus, vegeti & acres oculi, frons porrecta, nasus regius, magna oris dignitas: prorsus ut cœlesti illi ac divino animo dignum domicilium contigisse videatur, in quo habitaret, atq; tot egregias curas, tot in omne ævum mansura opera perageret; neque sefellit tanta indoles optimos parentū, quam ut ad cultum futuramq; magnitudinem perducerent, nec curæ pepercerunt, nec impensis: quare effectum est, ut cum aliorum fideli opera, tum inprimis clarissimorum virorum HONOLDI & WOLLEBI accuratissima institutione isthæc Musæ proles ea studiorum fundamenta tenerrima in ætate feliciter poneret, sine quibus ad veræ sapientiæ laudem decusque aditus non est. Certe anno vitæ decimo quarto expleto (properandum enim nobis, ut quibus tot tantaque dicenda adhuc restant) dignus omnibus visus est ô Μανασίης nosse, ut relictis inferioribus Scholis, Academiis inviseret. Venit igitur Marpurgū, deinde Giessam, quibus in locis ita legum difficillimo & vastissimo studio incubuit, ut Doctores ejus tantum ingenium, tantos profectus non citra stuporem intuerentur. Ita enim rapiebat cuncta ac penetrabat, ut non nova addiscere, sed dudum cognita repetere ac reminisci videretur. Memini ab ipso audire, admonitum se ultro à Professoribus fuisse,

ut solenne Candidatorum examen subiret, meritumque Doctoris nomen & jura expeteret. Sed non poterat una acquiescere laurea immensus ille & cœlestis animus, qui magnitudinis suæ sibi conscius, omnes scientias, omnes disciplinas, spe, successu, voto sibi vendicabat. Ergo fatis ad majora ducentibus, Argentoratum petiit, urbem & civium humanitate, & Doctorum Academicorum fama; & Magistratus prudentia celebratissimam. Hic occasione carminum Germanicorum & aliquot acute dictorum, (erat enim, ut de eo vir maximus merito olim pronuntiavit, totus apophthegmaticus) MATTHIÆ BERNEGGERO nosci & insinuari coepit, qui vir, uti erat non modo doctissimus, sed etiam humanissimus & optimus, (reddendum hic est sôcero verissimum testimonium; quod nē externo quidem negarem) reperto tali tantoque ingenio lætus, non prius desistit, quam domo, mensa, studiis FREINSHEMIUM sibi sociaret: qui nactus instructissimam copiosissimamque bibliothecam; incredibile dictu est, quantum operæ studique diu noctuque; in evolvendis omnis generis auctoribus collocaverit. nec enim una disciplina contentus erat, sed quicquid Theologiæ, quicquid Jurisprudentiæ, quicquid Historiarum; Philosophiæ, cæterarumque bonarum artium, vel vetus ætas reliquerat, vel nostra tradiderat, id omne inimitabili diligentia perquirebat, scientia complectebatur, acrimonia penetrabat; quod ut facilius credant, qui hæc lecturi sunt, uno exemplo fidem faciemus. *Berneggerus* periclitandi ingenii causa obtulerat beato nostro *Florum*; addita prece, ut legeret, & si quid correctione aut animadversione dignum occurreret, obiter enotaret. *Freinsheimius* authorem sibi nunquam lectum, & satis difficilem, sex horarum spatio non modo evoluit; sed etiam multis in locis emaculatum emendatumque *Berneggero* reddidit, ingenti hominis non tam admiratione, quam stupore: videbat enim *Freinsheimium* alibi scisse, quæ etiam doctissimorum virorum soletiam effugerant; alibi exercitatissimorum Criticorum conjecturis examussim congruere. Ad hanc divinitatem ingenii, tantarumque rerum scientiam, accessit insignis plurimarum linguarum peritia; nam præter vernaculam, & quæ doctorum propria habentur, Græcam, Hebræam, Latinam, callebat etiam Gallicam; Hispanicam, Belgicam, Italicam, Anglicam, Suedicam, Danicam. His notter artibus prælidiisque subnixus, vulgare doctri-

doctrinam dotesque suas instituit, multum diversus ab illis, qui citra omnem aut existimationis suæ aut conscientię curam, cruditatem & infantiam studiorum in publicum protrudere nihil veretur, docentes antequam didicerunt. Ceterum institutum hoc aliquandiu Gallica peregrinatio morata est, in qua triennium circiter consumsit, usus contubernio viri Illustris MICHAELIS MARESCOTTI; quamquam interea non cessaret, sed plurima legeret, & sub titulo Secretarii Regii Episcopatus Metensis tabularium recognosceret. Inde redux, ducta in matrimonium BERNEGGERI filia ELISABETHA; virgine ornatissima & piissima, amicitiam dudum validam novo isthoc vinculo indissolubilem reddidit. Tum vero sociatis studiis curisque, bone CHRISTE! quot quantosque auctores Græcos & Latinos illustrarunt? quot notarum sylvas confecerunt? quot accuratissimos rerum verborumque indices composuerunt? ut ipsorum incomparabili labore, ita Reipublicæ literariæ inæstimabili bono: sed *Berneggeri* quidem laudes alii occasione seponemus; *Freinsheimii* vero ingenium eruditionemque nec ostendere melius, nec laudare copiosius queamus; quam si opera ejus, tam quæ edita sunt, quam quæ adhuc *avendo* apud hæredes servantur, singulatim percenseamus.

Primum ingenii famæque publicæ periculum fecit; vulgari Gustavi Adolphi Suedorum Regis panegyrico, tanto successu plausuque omnium, ut incomparabilis Herois facta & magnitudinem dictis videretur exæquasse atque sensibus. Sequuta est Flori editio, quem auctorem in capitula & versiculos, ut vocant, distinctum, doctissimis notis illustratum, additis insuper variantibus lectionibus, Excerptis Chronologicis, & copiosissimo utilissimoque indice usquequaque exornatum in lucem emisit; specimen exemplumque daturum ejus accurationis formæque, ad quam deinceps plures melioris comitatus scriptores à Musæo Berneggeriano prodirent. De Potu Calidæ dissertationem scripsit ad JOANNEM KÜFFERUM, celeberrimi nominis Medicum, qui de illius usu apud veteres dubitaverat. Nec notæ, quas in Tacitum, familiarissimum sibi historicum dedit, silentio prætereundæ sunt, breves illæ quidem sed acutæ profecto & valde bonæ. Destinaverat autem in istum scriptorem justos perfectosque Commentarios concinnare, cumque in  
finem



finem ingentem apparatus fecerat: sed prævertentes mo-  
 aliæ curæ tam præclarum inceptum irritum reddiderunt.  
 Publiando Curtio intentus, quum animadverteret, sub no-  
 mine Supplementorum Curtianorum, jejunam & miseram  
 nescio cujus scriptionem circumferri, ex Justino & Arriano  
 nullo judicio compilatam, miseratus iniquam hanc sorte  
 elegantissimi scriptoris, ipse ex Græcis Latinisque quos in  
 manibus habemus auctoribus, duos priores Curtii libros de-  
 perditos, historica gravitate, fide, copia supplevit. Paul-  
 post ipse Curtius prædiit, cum Commentarius plenissimis, de  
 cetero ad eundem fere cultum expositus, quem in Floro su-  
 perius commendavimus. Inter hæc tetrica & severiora stu-  
 dia lætior scribendi FREINSHEMIO nostro occasio enat-  
 est. Provocatus enim insigni nec opina Bernhardi Wina-  
 riensis Ducis liberalitate, ne minus intelligens videretur tant-  
 muneris, homo inter ceteras suas laudes etiam gratissimus  
 honori & æternitati invictissimi herois composuit dicavitque  
 Virtutis speculum, germanico Carmine heroico, in quo Sa-  
 xonicorum Ducum inclutam stirpem à Wedekindo & Her-  
 cule Teutonico altissima origine nec ineptis rationibus de-  
 duxit; suavitate, concinnitate, gravitate carminis tanta usus  
 ut quod huic comparari, in nostra quidem lingua merito  
 queat, hætenus non invenerim. Erat enim beato nostro  
 eximium prorsus & singulare ingenium, ut quocunque illud  
 applicuisset ibi excellere & primas tenere videretur. Sed pro-  
 ptemodum me effugetat memorare Paraphrasin Cornelia-  
 nam, qua priores quatuor Annalium Taciti libros exposuit  
 non eo consilio, ut hac ratione è manibus negligentium le-  
 ctorum, rerum Romanarum florentissimum auctorem ex-  
 euteret, quod à non nemine Doctorum objectum fuisse scio,  
 sed ut latitantes sub scabritie styli & abstrusis sensibus præ-  
 dentissimi viri divitias diligentibus & cordatis erueret, mon-  
 straretque, eoque ad perquirendas illas acrius concitaret  
 huic operi subjunxit Comparisonem Versionum, in qua  
 translatorum Taciti interpretationes, candide examinavit  
 nullo alio nec scopo, nec pretio, nisi assequendæ veritatis.  
 dissimilimus illis qui eruditorum hominum opera, quæ sæ-  
 pius non capiunt, canina quadam rabie allatranc ac velli-  
 cant, tantummodo ut docti videantur, claritudinem quæ  
 quam ipsi non habent, ex aliorum insectatione aut inimi-  
 citiis consequantur.

Atque

Atque hæc quidem quantum memini, Argentorati edidit. In Suedia præter unam orationem & aliquot disputationes nihil typis imprimi curavit: inertia uti puto & imperitiâ typographorum atque iniquitate offensus, quod genus hominum sua potius vitia, quam utilitatem aut decus publicum in consilio habet. Postquam rediit in Germaniam sequentium publicatione priorem famam auxit & amplificavit. Sunt autem ista. Orationes, quas in Suedia diversis temporibus, de diversis rebus atque personis habuit, pleræque argumento insignes, verbis splendidae, tractatione graves, & quæ ad præcæ eloquentiæ robur ac majestatem quam proxime accedant. Supplementa Liviana, opus magnum, &, sine figura loquor, incomparabile. Cum enim Historiæ Romanæ Princeps jam multis à seculis, parte sui meliore ac potiore truncatus atque conclamatus esset; eaque de causa doctissimorum virorum gravissimæ quidem & justissimæ querelæ passim audirentur; sed de remedio nemo ne cogitare quidem auderet; unus FREINSHEMIUS exortus est, qui plusquam Herculeo ausu, laborem infinitum ac difficilimum eo ardore suscepit, eo ingenio & industria tractavit, ea felicitate absolvit, ut periisse Livium propemodum placeat, quo tanto felicius renasceretur. Et sane mirum videri debet, posteriorem horum Supplementorum tomum, etiam nunc ineditum manere; tanta seculi hujus vel incuria, vel imprudentia, vel postremo livore est. Denique syntagma de Vicariatu Palatino, quod sub nomine Philœci prodit, FREINSHEMI est; non mole quidem operosum, sed argumento illustre, & pondere rationum memorabile;

Non dubito, quin omnes, qui hæc cognoscent, vehementer miraturi sint, tot tamque præclara opera à FREINSHEMIO edi potuisse; at hercule nec pauciora numero, nec inferiora dignitate sunt, quæ ille edenda adhuc reliquit; ex istis primo loco memorabimus, de Assessoribus theses, accurate diligenterque compositas, quas publice olim defensurus erat; sed sine Præside; quod quum Professores Juridici contra consuetudinem concedere nollent, vulgare etiam in super habuit. Reliquit & paradigmata Orationum & Epistolarum, laborem ut non speciosum, ita vehementer utilem ad Latii sermonis & eloquentiæ laudem adspirantibus. Nec filebimus politicas ejus meditationes de officio Boni Præsidis, quem ex Tullii epistolis, quas in proconsulari Ciliciæ administra-

tione ad diversos scripsit, effinxit formavitque. Majoris adhuc momenti sunt prælectiones in Laurentii Surii Commentarios, in quibus noster hoc unice atque solide egit, ut ostensa impudentis monachi nugacitate atque impostura, Sleidano nostro veri historici nomen laudemque assereret. Prælo insuper omnino paratas reliquit Phædri fabulas, quas post diligentissimam recensionem ita adornavit, ut singulis fabulis congruens ex historicis exemplum subjiceret, ostensus puto, inique vulgo fieri, ut mythologi veteres ad pueros tantum ablegentur, quum illi non minus sapientiæ tradant in fabulis, quam historici sub exemplis doceant. Sed usui præsentis forte magis accommodata videri queant, quæ de S. R. Imperii Electorum, & S. R. Ecclesiæ Cardinalium Præcedentia composuit. Qua quidem in commentatione, propositis & comparatis utrorumque summis dignitatibus atque prærogativis, diligenter investigavit, utris prior locus sedesque debeat. Nec indicta abire merentur, Carthaginensia & Numidica: Achaica item & Pergamena, quibus homo ingeniosissimus juxta & laboriosissimus, istarum Rerum publicarum Regnorumque formas, historias, instituta, diligentissimo studio indagavit examinavitque. Non frustranda etiam sunt sua laude poemata, quæ noster Teutonice & Latine excellenter sane faciebat. sed Germanica lubentius, quod tû alia testantur, tum plerique psalmorum nostrate rhythmo expressi, in quibus ubi geniû laudaveris, plus bues pietati. ~ Mirandum certe est, *Freinsheimium* defatigari non potuisse, tot scribundis operibus, quot recensendis nos tantum non fessi sumus. Sane superioribus addidit adhuc occasione Supplementorum Livianorum Indicem Criticum, ut ipse appellabat, ut ego, Aristarchum Catholicum, in quo claslicos auctores utriusque linguæ propemodum omnes, ordine alphabetico digestos, infinitis in locis expolivit, correxit, illustravit. Editione quoque dignissimæ forent epistolæ, quarum multas centurias, ad summæ fortunæ doctrinæque homines, de rebus gravissimis dedit, in quibus nec Ciceronis copiam, nec Plinii acumen accuratoremque desideres. Sed quo ego piaculo disputationes in Ethica Aristotelis in ultimum locum rejeci, quæ omnium primo referri merebantur? in his enim Socratica colligendi concludendique ratione usus, DEUS magnè! quam solide, quam Christianè, id est, vere, disleruit docuitque, de beatitudine

dine hominis, de desiderio illius in homine, de illius consequendæ ratione, eademque opera invictis argumentis ostendit, Aristotelem his quidem in rebus malum cœcūque esse ducem, fallique omnes qui eum sequuntur. Quæ quum nuper légerem ac meditarer, ita me memini affici, ut non tam moveri, quam attolli, quam rapi & in cœlum ire viderer, atque adeo nunc etiam judico, salutis publicæ interesse, ut ista tam præclara, tam divina publici juris fiant; nam ut doctissimus, tandem non est necesse; ut simus boni, siquidem beati fieri volumus, unice necesse est.

Ex his igitur quæ partim edidit FREINSHEMIUS noster, partim editioni parata reliquit, (nam alia affecta quidem, sed nondum ad umbilicum deducta de industria non attingim⁹) satis liquere arbitror, fuisse illum virum undiquaq; doctissimum; restat ergo, ut eundem etiam optimum fuisse ostendamus. Quanquam autem ab ipsa doctrinæ excellentia virtus argui posse videatur, siquidem

Ὠπόλων ἔπειν φασίνετα, ἀλλ' ὃ, πρὸς ἐὸς λόγος.

tamen hoc firmitus demonstrandum nobis esse existimamus, quum sæpe eruditionem cum improbitate misceri videamus, & noster quoque verissime dixerit, docto nebulone nihil esse deterius.

Sic igitur agebat noster ὁ δαίμων, ut omnia à DEO deduceret, ad eundem referret omnia: hoc uno aiebat indigere hominem, nec posse minori conditione acquiescere; ut vero ad tantum DOMINUM pervenire, ejusque gratiam consequi queamus, opus nos habere recta via; eam porro & unam & veram esse CHRISTUM, per quem omnia nobis tribuat cœlestis Pater abundantissime. Ergo ut non modo æterna sapere, sed etiam in temporalibus prudenter versari possimus, unum esse necessarium DEUM, & conciliatorem CHRISTUM. Hoc duce nos consequi omne bonum, atq; omnem veritatem. At profecto male & præpostere vulgo homines agere, qui suo consilio, suo ductu, neglecto divino auspicio utantur. Sic enim fieri, ut sæpissime labantur, atq; errent, nulla moderatione in secundis, nulla consolatione in adversis: atque hæc non verbis tantum crepabat, sed vita etiam exprimebat atque moribus: precator assiduus, & divini verbi meditator devotissimus. Huic enim tribuebat omnem honorem; ab hoc sibi affulgere lucem in omnibus rebus asserbat, ad hoc denique ceu Lydium lapide

dem omnem divinam & humanam sapientiam explorabat. Qua de causa in omnibus consiliis actionibusque mirifica constantia utebatur, nec temere cujusquam unquam rei illum pœnitere memini. Dirigebat enim ex certis & divinis principiis omnia, casum & cetera quæ illi contribuuntur, non magnopere ad se pertinere existimans; inprimis autem officium hominis meditabatur, & ad illud intelligendum implendumque omni ope contendebat, multum conquerens de mortalium incogitantia, qui cum artem bene arandi, ædificandi, navigandi diligentissime investigaverint tradiderintque, artem bene vivendi transmiserint, tanquam illa aut non daretur, aut usu minime necessaria aut denique perceptione facilima foret; quum interim ex hujus vitii contemptu vel ignorantia, tot errores, tot miseriæ, tot vitia in humana vita reperiuntur, quæ nullis legibus, nullis pœnis satis coercere. Officiis ac Dignitatibus quum uteretur splendidis, nihil ex illis æstimabat præter ordinem, à DEO rebus inditum, ambitionem illis relinquens, qui nimia sui æstimatione, nimio aliorum contemptu ad vanissimas ineptias prolabantur, nihil aliud laturi, quam ut ludibrium debeant prudentibus, qui hujus farinæ homines intus & in cute noverunt, atque suo modulo suoque pede metiri didicerunt. Officii curas laboresque non modo sine tædio, verum etiam cum voluptate obibat, nihil esse suavius dictitans homini, quam partibus à Deo injunctis, rite fungi. Copia bonorum affluens, ea ita usurpabat, ut nec parceret pecuniæ ubi ratio exigeret, nec projiceret citra causam. Atq; hoc loco pateret latissimus sane campus laudandæ FREINSH. liberalitatis, quam non modo in pauperes Christi, quos commendatissimos sibi habebat, sed etiam in alios honestos quidem, sed egentioris fortunæ homines cognatosque, munifice exercuit; quorum quidem prolixum catalogum recensere possemus, si aut pudor illorum hoc permetteret, aut FREINSHEMIUS noster ita vellet, qui non ideo bene fecit, ut videretur, sed ut faceret. In cætera quoque vita idem virtutis tenor erat; imita admissionum facilitas, suavis conversatio; in amicitia legenda singularis prudentia, in tuenda immutabilis constantia, & ut breviter omnia contraham, in actionibus consiliisque cunctis, incredibilis integritas atque candor, quem etiam, quum summorum Regum Principumque aulas tot per annos frequentaret, ingenti animo retinuit, sine ullo detrimento gratiæ,

uā, quam alii per byssina verba & turpissimas adulationes frustra sæpius affectant.

Tali igitur virtutis, tali eruditionis fama quum floreret FREINSHEMIUS, non opus habebat ambire honores, atque officia: veniebant enim ultro, variisque ex locis offerebantur, honoratæ vivendi conditiones splendidæque. Sed multis ambientibus prævaluit Suedia, Germaniæque hoc decus eripuit, posseditque compluribus annis, mira quadam factorum industria, ut regnum dudum armis inclutum, etiam literarum gloria inclaresceret. Quo quidem tempore, quum multi amicorum sibi patriæque retinere cuperent virum maximi nominis atque optimi, interque alia, etiam pericula viæ & longinquitatem, nausæam maris & asperitatem Septentrionis allegarent, nostrum ita respondisse recorder; sibi vero constare vocationem suam in Suediam esse divinam, eaque de caussa sequi velle: ut eat Upsaliam necesse esse, ut perveniat, non esse necesse. Sed pervenit profecto feliciter, ducente DEO, qui jusserat ire. Quanta porro ibi gloria, quanto studiosæ juventutis fructu, Politicæ ac Eloquentiæ professus sit, omnis Suedia testis est. Nos quidem qui illius sectatores assidui fuimus atque indefessi, sancte confirmare possumus, eum in tradenda civili prudentia minime triviali methodo usum, sed illam ex optimis historicorum ac Philosophorum solide eruisse atque monstrasse, eliminatis longe lateque fraudibus, technis, & vaframentis, quæ pseudo-politici loco sapientiæ obtrudunt; commendatis contra plurimum fide, prudentia, virtute, tanquam summis & præcipuis humani generis bonis. Quæ autem propositurus erat auditoribus diligentissime prius meditabatur, adeo, ut non modo literis, sed etiam memoriæ mandaret omnia. Eadem excellentia Eloquentiam docuit, cujus præceptis quantum opus erat, ex præstantissimis auctoribus inculcatis, ad exercitationem styli dicendique unice hortabatur discipulos, quoque alacriores fierent, ipse, quod efficacissimum docendi genus est, præibat viā declamabatq, frequentissime. Sic quinquennio ferme exacto Holmiam commigravit, Bibliothecarii & Historiographi Regii splendidissima munia obiturus: ad hæc enim vocaverat illum CHRISTINA, quod vocabulum omnibus titulis augustius est, oblato in singulos annos bis mille imperialium stipendio, & libero præterea victu. Quæ ex re tum FREINSHEMIANUM meritum, tum incompara-

rabilis Principis munificentiam rectissime æstimaveris. Cuius aliud quoque paulo post insigne documentum dedit, donatis nostro una vice quingentis ducatis, uti vocant, quod natalem suum egregia oratione celebravisset. Hoc loco dubituros nonnullos existimo, annon limites liberalitatis excesserit gloriosissima Princeps, tot tantaque literatorum hominum ordini largiendo? nos ita iudicamus, nimium non esse, quod dignis tribuitur; ceterum ad hos intelligendos repriendosque, delectu opus esse: nam ut veri ac genuini Musarum filii, vehiculorum instar serviunt magnis Regibus Principibusque, quibus ad famam & æternitatem feliciter nituntur, ita illiterati illi literatores summorum Monarcharum res atque decora deterunt potius, quam illustrent. Qua de causa Augustum quondam, laudis gloriæque ad posteros cupidissimum Principem, prætoribus mandasse, legimus, ne nomen suum promiscuis commissionibus obsolescere paterentur.

Inter hæc firmata per Germaniam pace, cupido remeandi in patriam nostrum invasit, non tam ut patrimonium constitueret, quam ut deficienti indies valetudini consuleret. Petita igitur impetrataque venia revisit natale solum, non tantum honoribus quos supra memoravimus insignis, sed etiam illustri Consilarii Regii titulo auctus. Sed sefellit eum sua opinio, nam imbecillitas corporis nihil remittebat, & tum aliæ inopinatae curæ, tum imprimis calumniæ litium exercebant hominem sanctissimi propositi, quo genere morbi Germania nostra jam ab aliquot sæculis graviter sane decumbit, eo libentius paruisse crediderim, permittente CHRISTINA Regina, vocationi, qua à Serenissimo Electore Palatino, invitatus fuit Heidelbergam, sub honore & titulo Consilarii Electoralis & Professoris Honorarii, notabiliante alios prærogativa & præcedentia: quo fere pacto vir illustrissimæ originis famæque Josephus Scaliger apud Belgas clauit, & lumen illud eruditorum Erasmus Roderodamum ab Ernesto Baviaræ Duce Ingolstadtum accitum fuisse legimus. Qua autem gravitate, industria, prudentia, duplicem hæc Sparram ornaverit noster, nil attinet verbose demonstrare: res enim in aprico est, & fama publica loquitur. Et profecto duas res, quibus absolvi humana felicitas videtur, FREINSHEMIUS assequutus est, ut bene viveret, & bene audiret. Ex quo incredibilis veræ virtutis vis atque efficacia

clu-

elucet, cui frendente licet invidia, fama atque honor ultro famulantur. Nostro quidem, quum bonæ mentis & honestorum studiorum præmia in ipsis sita esse sapientissime existimaret, nec præterea quidquam requireret, opes, fama, gloria, sponte venerunt; quod partim ex his quæ diximus, manifestum est, partim ex sequentibus citra omnem controversiam manifestum fiet. Equidem si amplum atque magnificum habetur à claris laudatisque viris nosci, amari, coli, quis nostrum satis extulerit laudaveritque, cui non modo eximie æqualium amicitie contigerunt, verum etiam illustrium atque in summa dignatione positorum hominum, imo ipsorum Principum, Ducumque & Regum familiaritate, gratia, patrocinio, inclarescere, æstimari, locupletari, datum fuit? Et, ut veluti in transitu tantummodo nominemus viros meritiissimæ famæ, quibuscum FREINSHEMIUS amicitiam exercuit, Vossios, Grotios, Heinsios, Salmasios, Barlaeos, Boecleros, Gronovios, Diodatos, Gothofredos, Styrtzelios, Schefferos, Loccenios, Charus honoratusque fuit Forstneris, Mockeliis, Vicquefortiis, Snolskiis, Peyeris, Marefcottis, Canutis, hominibus & natalium splendore, & meritis in Rempublicam prælustribus: quorum laudes & decora pro virili traderemus, nisi augustissima nomina maiestate sua prorsus nos obruerent, ac veluti opprimerent; illud fulmen belli Bernhardus Vinariensis, illud literarum summum præsidium Augustus Brunswicensium Dux, illa Musa decima ELISABETHA Palatina, illud prudentiæ unicum specimen Elector Palatinus, ille orbis ocellus Regina CHRISTINA, illud denique præsidium suorum, terror hostium CAROLUS GUSTAVUS Rex Suedorum, qui omnes nostrum singulari gratia atque munificentia, prosequuti sunt; & certe supersunt adhuc multæ ab his ad FREINSHEMIUM ipsorum manibus scriptæ epistolæ, quæ veluti ancilia quædam cœlo delapsa, aut venerandæ Sanctorum reliquæ religiosa cura asservantur: Continent enim & auctorum suorum memorandæ ad posteros humanitatis, & FREINSHEMIANÆ virtutis certissimum testimonium.

Quam bene vitæ mimum egerit FREINSHEMIUS à *Memoriis* memoravimus hætenus, nunc mortem exponemus, quæ uti nobis ingentem moerorem attulit, ita defuncto læta, & expectata, & beatissima contigit. Feliciter enim



expertus est, quod superstes confirmabat sæpius, mortem neminem contemnere posse, nisi Christianum. Spectemus igitur, firmaturi animum tam constanti exemplo, ut vivamus tanquam morituri, ut moriamur tanquam victuri. Sic autem narravit mihi suprema hominis sanctissimi, vir summæ & humanitatis & doctrinæ, Henricus Holstius, qui omnium testis suis αὐτόπτης καὶ αὐτήκοος: quum instare sibi intelligeret decretoriam illam horam, sacra Domini Coena summa cum devotione esse usum; deinceps dictum Biblicum indicasse, quod in funere suo explicari vellet; paulo post quieto compositoque animo in hæc verba prorupisse: Sermo quidem me deficere incipit, ceterum metum vel dolorem mortis non sentio: inclinatis inter hæc ac novissima in lucē deficientibus oculis, admonitum ab ipso, meminisset omnis illius bonæ consolationis, quam in beatum Taubium (is nobilis Danus fideique Holstii commissus, non ita pridem Heidelbergæ decesserat) tam efficaciter, tamque abundanter effudisset, eandemque in ultimo vitæ articulo sibi quoque accommodaret, collectis extremo nisu viribus, Amen. Amen, respondisse, atque sic non mortuum esse, sed obdormisse: stupentibus cunctis qui aderant, atque talem finem religioso cum hortore intuentibus. O beatam εὐδαίμονιαν! O singularem constantiam! Quis te virorum optime mortem contemnere docuit, à qua omnis natura abhorret, ad cuius ipsum vocabulum tantopere plures expavescunt? scil. CHRISTUS ille amor tuus ac deliciæ, quem omni vita coluisti, amasti, prædicasti, adfuit tibi in extremis, morbi que ac mortis omnem cruciatum compressit ac sustulit,

*Excelsaque stetit victorem in rupe Sionis.*

Salve igitur omnium bonarum literarum Vindex atque Stator, Philosophorum Christianorum Princeps, omnis virtutis, constantiæ, candoris unicum exemplum, Principum Regumque cura atque voluptas, salve, inquam, & æternum vale. Quod si piis manibus rerum humanarum ulla adhuc cura superest, supremum huncce honorem, & ultimum munus, quod cum gemitu, cum lachrymis, cum afflictione cordis tibi offerimus, mitis placatusque suscipe. Nos ubi ordo naturæ permiserit sequemur: interea contra seculi iniquitatem & malitiam, contra imperitiam & livorem, à memoria virtutum tuarum, ab eruditione, à constantia, præsidium atque solatium mutuabimur.

## IN OBITUM

*Viri Celeberrimi,*

JOH. FREINSHEMII.

*Ingens ingenium, labor ingens, lectio pernox,  
 Plurima scripta Virum desuper astra locant.  
 Qui vivus fuerat doctos clarissimus inter,  
 Clarius huic sua post funera nomen erit.*

## EPITAPHIUM.

JOANNES FREINSHEMIUS

LUCEM PRIMUM ADSPEXIT ULMÆ

A.D. XVI. KAL. DECEMBRIS

ANNO CHRISTIANO MDCVIII.

ACADEMIAS INVISERE COEPIT NATUS ANNOS

QVINDECIM, MAXIME VERO PROFECIT

ARGENTORATI,

ADJUTUS HUMANITATE, CONSILII, EXEMPLO,

VIRI OPTIMI ATQVE DOCTISSIMI,

MATTHIÆ BERNEGGERI,

INDE VOCATUS A VIRO QVODAM ILLUSTR

IN GALLIAM,

INTER REGIS SECRETARIOS INTERPRETES

LOCUM TENUIT.

ANNO CHRISTIANO MDCXXXIV.

REVERSUS INDE AD BERNEGGERUM SUUM,

EJUSQVE FILIA DUCTA. A. C. MDCXXXVII.

COMMUNE CUM EO TECTUM; MENSAM, MU-

SEUM, BIBLIOTHECAM, STUDIA PROPE

OMNIA HABUIT.

HINC IN SVECIAM ACCITUS, UBSALIÆ PRO-

FESSOREM POLITICES EGIT ET ELOQVENTIÆ,

ANNO CHRISTIANO MDCXLII.

DONEC POST QVINQUENNIIUM IN AULAM AD-

SCITUS REGIAM, INCOMPARABILIS ILLIUS

CHRISTINÆ JUDICIO,

SUB REGII BIBLIOTHECARI ET HISTORIO-

GRAPHI TITULIS, A STUDIIS SERENISSIMÆ

REGINÆ FACTUS EST.

VALETUDINE VERO FRIGIDIORIS COELI

IMPATIENTE,

Z f

IN

IN PATRIAM SE RECEPIT ANNO M DC LI.  
 UBI TUM SERENISSIMUS ELECTOR PALATI-  
 NAM INSTAURANS ACADEMIAM,  
 PRÆSENTIAM ILLIUS OPERAMQVE DESIDE-  
 RARE COEPIT.  
 HUIC ILLE VOCATIONI LUBENS MERITOQVE  
 PARUIT, SED NON ANTE CONSENSUM SERE-  
 NISS. REGINÆ, QVÆ ANNO M DC LV.  
 PER GERMANIAM TRANSIENS,  
 CONSILIARIORUM NUMERO EUM ADDIDIT.  
 IGITUR ANNO SEQUENTI PROPECTUS  
 HEIDELBERGAM,  
 SERENISSIMI ELECTORIS CONSILIARIUS,  
 ET NOVO NOSTRIS ACADEMIS EXEMPLO,  
 PROFESSOR HONORARIUS CONSTITUTUS EST.  
 ADEPTUS ISTA SINE AMBITU:  
 FUNCTUS SINE TOEDIO:  
 RELIQUIT SINE MOERORE:  
 HEIDELB. AN. M DC LX. PR. KAL. SEPT.  
 UNUM, MEMOR, ESSE NECESSARIUM.

## SCRIPTA.

- Supplementum Livianum, *Argent.* 1619. in 8. 1649. 1662.  
 in 4. *Holmia & Amsterod.* 1649. in 12.  
 Gallice, de la traduction de P. du Reyer. *Paris.* 1653. in fol.  
 Supplementum & Commentar. in Q. Curtium de Alexan-  
 dro Magno, *Argent.* 1619. 1639 1670. in 8. *Am-  
 stelod.* 1660. 1668. in 12.  
 Panegyricus Serenissimo Potentissimoque Principi ae Dn.  
 Gustavo Adolpho, Suecorum, Gothorum, Vandalor-  
 um Regi scriptus, *ibid.* 1632 in 4.  
 L. Ann. Florus notis illustratus, *ibid.* 1632. 1636. 1655. 1658.  
 1667. in 8.  
 Dissertatio de calidæ potu, *ibid.* 1638. in 8  
 Politica Justii Lipsii cum indice. *ibid.* 1641. *Francos.* 1658.  
 in 12.  
 Locorum Corn. Taciti ab interpretibus intactorum, aut se-  
 cus acceptorum expositio, *ibid.* 1638. in 8.  
 Specimen Paraphraseos Cornelianæ, primum C. Taciti frag-  
 mentum, hoc est, Tiberiani Principatus quindecim  
 annos comprehendens, cum versionibus quinque lin-  
 guarum, *ibid.* 1641, *Amster.* 1673. in 8.

Syntagma de Vicariatu Palatino, sub nomine Philœci,  
Orationes cum Declamationibus quibusdam. *Francos. &*  
*Argent.* 1662. in 12.

Diatriba de S. Rom. Imperii Electorum, & Romanæ Eccle-  
siæ Cardinalium præcedentia. *Argent.* 1663. in 4.

Aug. Liberti Fædri Fabulæ cum Notis. *ibid.* 1664. in 4.

De Comitibus Dissertatio Politica. *Vpsalia* 1645. in 4.

Teutscher Tugendspiegel zu Ehren Herzogen Bernhard von  
Weimar aufgerichtet. *Straßb.* in fol.

FA Ma La Vrent II EICHSTADII,

In obitu quidem maxime pio & placido, sed Rei  
literariæ luctuoso,

*Viri Amplissimi, Excellentissimi, Exper. Clarissimi*que

# DN. LAURENTII EICHSTADII,

Gymnasii Gedanensis in Collegio Professo-  
rio Senioris,

Anno 1596. d. 10. Augusti St. N. nati & postea per Ba-  
ptismum renati,

Anno 1613. in Academia Gryphswaldensi Studiosi,

Anno 1621. Utriusque Medicinæ Licentiati & Doctoris,

Anno 1624. In Patria Physici Stetinensis,

Anno 1645. Physici, Mathematici, & Medicinæ Professo-  
ris in Gymnasio Gedanensi,

*Sed pro dolor !*

Anno 1660. D. 8. Junii St. N. pie in Christo denati,  
& D. 14. ejusd. terræ mandati,

In Gymnasio Gedanensi concelebrata;

Qua Dn. Seniore Gymnasii Venerandum, Colle-  
gam & Amicum intime dilectum, Medicumque fidelissi-  
mum, sæpe imploratum & exploratum prosequi  
voluit, debuitque

JOHANNES MAURISCH,

SS, Theol. D. & PP. Rector Gymnasii, & Pastor  
SS, Trinitatis,

Tres

**T**Res illas disciplinas, quarum primam Siderum; alteram Naturæ scientiam; tertiam denique Medendi artem vocaveris, *Noster* vñ ἐν ἀγίοις *Astronomus, Physicus & Medicus* ea cum laude copulavit & excoluit, ut, quæ singulæ sues sibi seligerent cultores, eosque laudibus efferrent maximis, in hoc uno Viro ad invidiam usque excelluerint, &, licet sororiorum quasi vinculo sociari possint, & optent, in eodem tamen litem movere videantur amicabilem, quænam ex his ab uno æque tenerime amatis Nostro EICHSTADIO plus voluptatis, aut autoritatis conciliarit. Hoc *Astronomie* Philosophorum Pater, & ab aliis Divinus Plato nominatus, tribuit encomium, quod vel Marsilio Ficino interprete sic accipies: Nolite ignorare Astronomiam sapientissimum quiddam esse. Nempe necesse est verum Astronomum esse non eum, qui secundum Hesiodum omnesque hujusmodi, occasum ortumque consideret, sed eum potius, qui circuitus octo, & quomodo septem sub primo versentur, quoque ordine circulos suos singuli pergant. Quod nulla natura nisi mirabilis sit, facile unquam inspiciet, pag. mihi 704. vel ex ipso textu Græco Astronomum magis, quam Astronomiam laudantem ita intelliges. Ἀστρονομίαν ἀγνοεῖτε; ὅτι σοφώτατον ἀνάγκη τὸν ἀληθῶς ἀστρονόμον εἶναι, μὴ τὸν καθ' Ἡσίοδον ἀστρονομῦντα, καὶ πάντας τὼς θεύτας, διονύσµας τε καὶ ἀναγλὰς ἐπισκεµένον, ἀλλὰ τὸν τῷ ὀκτώ περόδων τὰς ἐπὶ τὰ περόδους, διεξέσεως τὸν αὐτὸν κύκλον ἐκάσης· ὅτως ὡς ἐκ αὐτῶν ῥαδίως ποτε πᾶσα φύσις ἰκανὴ γήροισι θεωρῆσαι, μήτε θαυµαστῆς µείχυσσα φύσεως. Quæ omnia quum in Nostrium cadant EICHSTADIUM, ex mente Platonis illum σοφώτατον laudaveris, Ptolomæi certe Epigramma, a nostro Astronomo frequentius recitatum ex libro I. Anthol. Græc. c. 46. adhuc Auditores suo circumferunt animo, & ad eundem jam vita defunctum applicant. Ita vero sonat illud:

Οἶδ' ὅτι θνατὸς ἐγὼ, καὶ ἐφάµην· ἀλλ' ὅταν ἄστρον  
Μαστεύω πυκινὰς ἀμφιδρόµους ἑλικας,  
ἐκ ἑτ' ἐπιψάνω ποσὶ γαίης, ἀλλὰ παρ' αὐτῆς  
Ζητὶ διοτρεφέως ἀίµπλαμαι ἀµβροσίης.

Hoc non nemo sic latine vertit:

Mortalem quamvis norim me sorte creatum,  
 Dum tamen Astorum scrutor in orbe vias,  
 Sum pedibus Tellure procul, juxtaque Tonantem  
 Affideo Divis, pascor & Ambrosia.

Sed hanc Ambrosiam sæpe delicatula fastidit juvenus, laborem Astorum viam scrutandi formidans. Noster vero EICHSTADIUS virilem à teneris induit animum, eamque ætatis partem, quæ omnium formas impressas recipit facilissima, tum in Gymnasio Stetinenſi, tum Academia Gryphwaldenſi, in quam Anno 1613. profectus fuerat, Jenenſi & Wittebergenſi; Astronomiæ consecravit; & sic jam aliquot quadraginta ab hinc annis scriptis ſuis Astronomicis & Astrologicis erudito literarum orbi inclaruit. Anno namque Christi M DC XV. ætatis vero suæ XIX. primum Calendarium, & postea Anno M DC XVI. edidit Prognosticon. Quem laborem ad ultimam vitæ lineam magna cum laude hætenus continuavit. Scripta sane publici juris facta, acumen Viri Astronomicum loquentur. Loquentur idem Epistolæ & Elogia, à Celeberrimis passim Mathematicis conscripta, quorum partem à vicinis Academiis Viro laude dignissimo, quem Musa vetet mori; transmissum, morte præventus perlegere non potuit. Loquentur Ephemerides magna cum accuratione elucubratæ. Loquentur denique Observationes singularissimæ, quas Magnus ac Nobilissimus Dominus Noster JOHANNES HEVELIUS; Astronomica Scientia non in una hac urbe, ut vulgi fama terminatur, sed orbe universo Celeberrimus, cum eodem communicavit. De quibus quid aliud addam, nisi illud Nassonis lib. I. Fastorum

Felices animæ, quibus hæc cognoscere primis;

Inque domos superas scandere, cura fuit.

Verum, ne ad Astra elevatus, eorum, quæ sub pedibus etiam nostris teruntur, memoriam deponam, aut de Orbibus Cælestibus plura verba faciens, reliquis in hoc Orbe disciplinis & facultatibus laudem adhuc impertiendam intercipiam, me *Physica* retrahit, & pro Sideribus gramina, pro stellis herbas substituit, ac è florum & herbæarum regimine, cum cæteris rerum naturalium Originibus parilem; si non majorem, à pluribus sane magis expetitam jucunditatem promittit. Et quidem non meis, sed Philosophi verbis, qui è Scholâ absens Platoniez, sive mens abesse dicerebat;

batur. Hic summus Aristoteles rerum cacumina trutinans, Astronomiæ & Physiçæ scientiam, ac utriusque laudem primo hisce verbis subiungit l. 1. Part. Animal. c. 5. Ἐχθ' ἐκάτερα χάειν τῷ μὲν γὰρ, εἰ καὶ καὶ μικρὸν ἐφαπτόμεθα, ὅμως δὲ πλεῖον τιμιότητά τῷ γνωεῖζεν ἡδίων, ἢ τὰ παρ' ἡμῖν ἅπαντα, ὥσπερ τῷ ἐρωμένων μικρὸν μόριον καλιδεῖν ἡδιόν ἐστιν, ἢ πολλὰ ἕτερα καὶ μεγάλα δι' ἀκερείας ἰδεῖν. Τὰ δὲ δὲ τὸ μᾶλλον καὶ πλεῖον γνωεῖζεν αὐτῷ, λαμβάνει πλεῖον τῆς ἐπισήμης ὑπεροχὴν. Ἐτι δὲ δὲ τὸ σλησιαίτορα ἡμῶν εἶναι, καὶ τῆς φύσεως οἰκειότερα, ἀντικατὰλλάττεται τι πρὸς πλεῖον πρὸς θεῖα φιλοσοφίαν. hoc est, Interprete Theodoro Gaza; Utrumque studiorum nos delectat. Res namque illas superiores, tamen leviter attingere possumus, tamen ob ejus cognoscendi generis excellentiam amplius oblectamur, quam cum hæc nobis juncta omnia tenemus: Quemadmodum quamlibet partem, minimamque corporis nostrarum puellæ deliciarum vidisse gratius ac jucundius est, quam cæterorum hominum membra tota perspexisse & contrectasse. At hæc inferiora, quia & plura sunt, & cognosci plenius possunt, idcirco præstantiam sibi scientiæ vendicant. Quin etiam, quod & nobis propria & Naturæ familiariora sunt, hinc aliquid cum rerum divinarum studio rependunt, atque compensant. Idem deinceps Philosophus ad Physicas contemplationes progressus, jucunditates ex his oriundas non sine nostro opprobrio prætermitti posse hisce statuit: Ἐπεὶ δὲ πρὸς ἐκείνων διήλθωμεν, λέγοντες τὸ φαινόμενον ἡμῖν, λοιπὸν πρὸς τῆς ζωικῆς φύσεως εἰπεῖν μηδὲν πλεονεξίας εἰς δύναμιν, μήτε ἀτιμώτερον καὶ γὰρ ἐν τοῖς μὴ κεχαισμένοις αὐτῷ πρὸς πλεῖον ἀδοξασιν, καὶ πλεῖον θεωρίαν ὅμως ἢ δημικρῆσασα φύσις ἀμνηχάνει ἡδονὰς παρέχεται τοῖς δυναμένοις τὰς αἰτίας γνωεῖζεν, καὶ φύσιν φιλοσόφοις. Καὶ γὰρ ἂν εἴη παράλογον καὶ ἄβρον, εἰ τὰς μὲν εἰκόνας αὐτῷ θεωρῶντες, χαίρομεν, ὅτι πλεῖον δημικρῆσασαν σιωθεωρῶμεν, οἷον πλεῖον γραφικὴν, ἢ πλεῖον πλαστικὴν. Αὐτῷ δὲ τῇ φύσιν σιωσιώτων μὴ μᾶλλον ἀγαπῶμεν πλεῖον θεωρεῖν, δυνάμενοί γε τὰς αἰτίας καθορᾶν. Διὸ δὲ μὴ θυχεραίνον

μῖνεν παιδικῶς τὴν περὶ τῶν ἀτιμωτέρων ζώων ἐπίσκεψιν· ἐν πᾶσι γὰρ τοῖς φυσικοῖς ἐνέσι τι θαυμαστόν. Id est. Sed cum jam satis de illis egerimus, nostramque explicaverimus sententiam, restat, ut de animante Natura differamus, nihil pro viribus omittentes, vel vilius, vel nobilius. Nam & in iis, quæ hoc in genere minus grata nostro occurrunt sensui, Natura parens & author omnium, miras excitat voluptates hominibus, qui intelligunt causas atque ingenue philosophantur. Absurdum enim, nullaque ratione probandum est, si imagines quidem rerum naturalium non sine delectatione propterea inspectamus, quod ingenium una contemplamur, quod illas condiderit, i.e. artem pingendi aut fingendi. Rerum autem ipsarum Naturæ ingenio, miraque solertia constitutarum, contemplationem non magis persequamur atque exosculemur, modo causas perspicere valeamus. Quamobrem virorum animalium disputationem perpensionem fastidio puerili quodam sprevisse, molesteque tulisse, dignum nequaquam est, cum nulla res sit naturæ, in qua non mirandum aliquid inditum habeatur. Eandem cum Philosopho gessisse mentem nostrum Physicum· ἐν πᾶσι τοῖς φυσικοῖς π. θαυμαστόν animadvertentem, Disputationes eruditæ, typis divulgatæ, Lectiones publicæ, rerum naturalium species sensibus etiam Auditorum oggerentes, & excursionses Botanicæ fidem facient luculentam, de quibus me vera loqui, Doctorum Virorum pergula per totam hanc Civitatem diffusa, uno ore confirmabit. Hoc solemne erat nostro Physico, suas Disputationes publice habitas singulari toties condire oblectamento, quoties res Physicas in ipsum Naturæ theatrum protrahebat, & ipsis sensibus Adolescentiæ Gymnasticæ ita subministrabat, ut demonstrationes intellectui scientificæ propositas vel sensuum externorum evinceret suffragio. In Lectionibus suis præsertim æstivo tempore habitis, vel gula è fructibus nascentibus oblectanda, vel oculi naresque è florum amœnitate resiciendi, nostros Adolescentes ad Physicas auscultationes pelliciebat. Quin imo ut temporibus etiam suas discerneret demonstrationes, quam per hyemem in stellis de nocte demonstrandis dexteritatem indefessam ostendit, eam per æstatem in herbis colligendis fidelitatem juventuti probavit nostræ, non graviter suo in senio ferens excursionses, quas interdum etiam cum parvulis instituebat, Botanicas. Sed herbarum



barum Virtutes nostræ juventuti tam perspicue explanatas; vel mors ipsa acerbius accepisse videtur. Munere namque suo defunctus; & magis herbis ac verbis, quam instanti vitæ periculo declinando intentus; Anno 1655. à tauro petulco in pascuis lasciviente cornu feroce fuit petitus, projectus & prostratus; non sine viriū suarū notabili detrimento. Confimili ratione, quum binis abhinc septimanis herbarum per montes ac campos colligendarum Virtutes interpretaturus, juventutem versūs Templi burgum educeret, ac per acclivia & declivia; aëre tum temporis per ventos infestato, senex discurreret meritissimus; vires suas magnopere dissipavit, & qui herbarum Virtutes morbis pellendis proficias docuerat, ipse morbi & mortis subsecutæ semina collegit. Hoc tamen vitæ periculo beator judicandus, quod in via vocationis suæ in ea vitæ inciderit discrimina, quæ ut Imperatorem in militia stantem; ita Doctorem vel in via publica profitemtem, unumque sua laude coronant. Veruntamen non hic deerit animo mollior, qui Senem nostrum honoratissimum potius ægrotum quiritantium lectis affidere; & plantas à Pharmacopæis collectas ac confectas in Medicinæ usum convertere, quam, aëris præserim clementia minus favente, ad adolescentis; herbulam aliquam reperientis, vocem, per nemorosa tesqua decurrere debuisse, objiciet. Sed virum hunc non è tuo judices animo magis effæmitato. Nullus angulus naturæ aicana continens Physico debet esse occultus; quod vel ipsius Heracleti Historia ab Aristotele l. i. de part. Animal. c. 5. hisce verbis descripta suggeret: *Ἡράκλειτος λέγειται πρὸς τὸς ξένους εἰπεῖν ἵς βυλομένους αὐτῷ ἐνλυχεῖν, οἱ ἐπειδὴ προσόντες εἶδον αὐτὸν θερόμενον πρὸς τῷ ἵπνῳ ἔσθῃσαι, ἐκέλευσε γὰρ αὐτὸς εἰσέλαι θάρρυντα, εἶναι γὰρ καὶ ἐνταῦθα θεός. Οὕτω καὶ πρὸς πλείστην περὶ ἐκάστου τῶν ζώων προσέειπαι δεῖ μὴ δυσωπῆσθαι, ὡς ἐν ᾧ πᾶσιν ὄντι φυσικὴ καὶ καλὴ. Τὸ γὰρ μὴ τυχόντως, ἀλλ' ἐνεκά τινος ἐν τοῖς τῆς φύσεως ἐργοῖς ἐστὶ καὶ μάλιστα.* Quod sic interpretatur Theodorus Gaza: Heracletum dixisse ferunt, ad eos, qui cum alloqui eum vellent; quod forte in casa furtaria quadam caloris gratia sedentem vidissent, accedere temperarunt: ingredi enim eos fidenter iussit; quoniam, inquit, ne huic quidem loco Dii defuit immortales. Hoc idem in indaganda quoque natura animantium

vium faciendum est. Aggredi enim quæque sine ullo pudore debemus, cum in omnibus naturæ numen, & honestum pulchrumque insit ingenium. Quippe cum Naturæ Operibus junctum illud præcipue sit, ubi nihil temere viceque fortuità committatur, sed alicujus gratia omnia agantur. Ecquis igitur hoc vertet vitio Nostro Physico, si salubris herbulæ situm indigitaturus, locum acclivem vel declivem, imbecillitate etiam corporis saluti juventutis posthabita, conscenderit. Nec idem ipse graviter decumbentes suo consilio & auxilio destituit. Archiatro Nostro honoratissimo Dn. D. GEORGIO STIEGLIZIO, Pari Medicorum clarissimo, pariles in hoc corpore meo morbofo sublevando curas impendenti, debitas hic persolvo gratias, de utroque illud Senecæ, Medicum collaudantis optimum, meum faciens, quando lib. 6. de Benef. c. 16. p. 487. scripsit: Non fuit contentus remedia monstrare, sed amovit. Interea sollicitus affedit, ad suspecta tempora occurrit. Nullum Ministerium oneri illi, nullum fastidio fuit. Gemitus meos non securus excepit. In turba multorum invocantium ego illi potissima cura fui. Tantum illis vacavit, quantum mea valetudo permiserat. Huic (utrique) ego non tanquam Medico, sed tanquam Amico obligatus sum. Si quis igitur tam splendidam Astronomiæ, Physicæ & Medicinæ suppellectilem una mentis exornatæ domo comprehensam intueatur, ille, vel perponem pro corde gerens, medelam etiam dexteriorem, divina concurrente gratia, non poterit non sperare. Medicorum sane Filii in suo Hippocrate libro de Aëre, Aquis & locis p. 17. ex editione Hier. Mercurial. isthæc legunt: Εἰδὼς τῶν ὥρων τὰς μεταβολὰς, καὶ τῶν ἀστρον ἐπιβλάσ τε καὶ δυσίας, καὶ ὅτι ἕκασον τετέων γίγνεσθαι προειδὲν ἂν τὸ ἔκτθ, ὁποῖόν τι μέλλει γίγνεσθαι, ὥτως ἀντίς ἐρευνῶμενθ καὶ προσγινώσκων τὰς καιρὰς, μάλιστ' ἂν εἰδὲν περὶ ἕκαστ, καὶ τὰ πλεῖστα τυγχάνει τῆς ὑγίειας, καὶ κατ' ὀρθὸν φέρουσθ ἐκ ἐλάχιστα ἐν τῇ τέχνῃ. Εἰ ὃ δοκεῖ ταῦτα μείω-ρόλογα εἶναι, εἰ μείωσαι τῆς γνώμης, μάθοι ἂν, ὅτι ἐκ ἐλάχιστον μέρθ συμβάλλεται ἀστρονομίῃ ἐς ἰατρικὴν, ἀλλὰ πάνυ πλεῖστον. Ἀλλὰ γὰρ τῶσιν ὥρησιν καὶ αἱ κοιλίαι μεταβάλλουσιν τοῖσιν ἀνθρώποισιν. h. e. Quum temporum mutationes, & astrorum ortus & occatus observaverit.

quemadmodum singula horum eveniant, prænoscet utique & de anno, qualis hic sit futurus: hoc namque modo si quis rimatus fuerit, ac præcognoverit temporum occasiones, maxime de singulis sciet, ut plurimumque sanitatem assequetur, & recta via procedet non minima artis suæ gloria. Quod si cui hæc sublimiora videantur, is, si ab hac sententia discedat, discet sane non minimam partem conferre ad rem Medicam ipsam Astronomiam, sed omnino plurimum, quum una cum temporibus & ventriculi in hominibus mutantur. Nec hæc Hippocratis aurea sententia Nostrium fefellit Medicum & Astrologum: Suo namque Consilio Medico, & medela votis respondente, ad eam provectus est famam, ut non solum in Aulis Ducum & Principum, vigente adhuc ætate, versatum Medici Celeberrimi & in hac arte Viri Principes fecerint maximi, sed & Serenissimus ac Potentissimus REX NOSTER, cum aliis Magnatibus, Consilium ejusdem auditum commendarit, pluresque ipsum ad Homerici versus sententiam Iliad. λ, omni honore affecerint:

Ἰητρός γδ ἀνὴρ πολλῶν ἀντάξει ἄλλων.

Hoc tamen dissimulandum non est, Astrologos bene multos in Republica non semper parili Imperantium floruisse gratia, sed sæpius ob artis abusum à Principibus proscriptos, & à Patribus ex Ecclesia plane fuisse ejectos, imo & acutos Poëtarum ungues non effugere potuisse, ut in Anthol. Græc. l. i. c. 46. Leonidas hoc jecit in ipsos dictionem:

Μάντιες ἀσεβέσσαν ὅσοι ζητεῖτε κέλευθον,

Ἐρροῖ' εἰκαῖνς ψευδολόγοι σοφίης.

Υμέας ἀφροσύνη μαιώσατο, τόλμα δ' ἔτι κτε

Τλήμονας, ἔδ' ἰδίην εἰδύτας ἀκλεῖν.

Quod sic fuit translatum:

Vatum Sidereos quisquis scrutare meatus,

Dispereas, mendax non nisi vana sonas.

Obstetrix tibi stultitia est, audacia mater,

O miser & proprii non bene gnare probri.

Verum hæc non ipsi Astrologiæ sunt imputanda, multo minus Astrologis, limites suos recte custodientibus, sed hominibus arte bona suo cum vituperio abutentibus. Cujus rei abusum, ut in cæteris artibus, ipsi Arti non exprobrabis. Vera namque ea sunt, quæ Ammianus habet lib. 21, ex editione

Gryphii p. 284. Sufficit dici, quod & Grammaticus locutus interdum est barbare, & absurde cecinit Musicus, & ignoravit remedium Medicus: & non ideo nec Grammatica, nec Musica, nec Medicina subsistit? Omne punctum de hoc meruit Noster Astronomus, qui aliquoties Astrologorum errores publice castigavit, ab illis vicissim, ut hæc fert alea, graviter impetitus, præsertim à Mag. Schwarzen/ cuius Mansiones Lunæ improbatat. Philosophicum acumen produnt ea, quibus in cognato argumento Nagelium in *Abiehnung der ungegründeten Distinction und Abtheilung der Astronomie in Gentilem & Gratiæ*, &c. refutavit, & Astronomia cum arte Aurifabri comparata, accuratum discrimen, inter ipsam artem seu habitum, & Artificem seu Subjectum constituit. Ipsa vero Astronomia sic ususest Noster Doctor Beatissimus, ut ex attenta Siderum contemplatione suam insigniter pietatem augens, & omnis pulcritudinis Opificem cognoscens, Sanctum illud Esaiæ præceptum suis inculcarit frequentissime Es. 40. v. 26. Levate in excelsum oculos vestros, & videte, quis creavit hæc? qui educit in numero militiam eorum, & omnes ex nomine vocat, præ multitudine fortitudinis & roboris, virtutisque ejus, neque unum reliquum fuit, ut Textum Hebræum, licet non parili elegantia, Vulgata transulit. Quin imo devota DEI cognitione & laude sic oblectatus est Noster Astronomus, ut suis etiam Calendariis & Prognosticis scripturæ dicta & monita voluerit inserta, non tam *explorata* Theologicam sectaturus, quam pias etiam Astronomi Meditationes Practicas omnium oculis expositurus, & Lectori ad pietatem accendendam Igniculos additurus. Ipse Manuale piarum Meditationum sua manu conscripsit, in quo vel periculis, (qualia non pauca fuerunt, utpote morbi in tenera ætate difficultas, grave incendium, corporis & animi contagium, sæpicule metuendum) ereptus, vel beneficiis divinis ornatus, semper Creatoris sui laudem nova aliqua precum formula concelebravit. Gratiā Dei in Natali suo, qui in X. Augusti Styli Veteris, Annumque 1596. inciderat, & postea per baptismum renatus fuerat, quot suspiriis quotannis repetivit? Et hoc beneficium Dei deprædicavit magnum, quod à Christianis & omni pietatis & Virtutis laude maxime conspicuis Parentibus fuerit prægnatus, Patrem honorans Virum Integerrimum, Dn. PETRUM EICHSTADIUM.

Civem & Mercatorem Stetinensem, Musicum egregium; Matrem vero ANNAM, Camerarii Golnovensis Filiam. Ubi hoc notam meretur publicam, quod etiam Chytræus, Friedeborn, Artomedes, & alii posteritatis memoria dignum judicarunt, *Proavus nostri D. Laurentii* PETRUS EICHSTADIUS cum MARGARETA PIELSIA, Nostri Proavia, in tam felice Matrimonio vixit, ut honestissima Matrona, Anno ætatis suæ LXXXII. mortua, 131. posteros suis adhuc usurparit oculis, nimirum Mater 12. liberorum viventium, Avia Nepotum & Neptium 78. Proavia Pronepotum & Pronepotum 41. Quod Beatus Noster grato pectore deprædicavit. Verum ut hanc in Dn. Petri Eichstadii, Proavi honoratissimi, conjugio felicitatem raritas & caritas vel majoris facit pretii: Ita contra, pro rerum mortalium fragilitate, acerbior interpretandum est animo, quod lineam masculam in hoc Viro, quamvis doctrina & Virtute Nobilissimo, totam stirpem Eichstadianam tam frugiferam, succidi. Magna quidem in nostro Laurentio spes fuerat: Nam & ipse Anno 1628 die 28. Aprilis, Virginem Leticissimam, CATHARINAM, Nobilissimi DN. PAULI GIESEN, Consulis Stetinenfis Filiam, sibi matrimonio junxerat, à qua quatuor Filios, Germinæ stirpis Eichstadianæ florentissimæ, unamque Filiam Stetini susceperat, sed hos omnes liberos, jam gaudio & oblectamento Parentum natos & datos, mors acerbior præoccupavit. Hic vero Gedani dolorem, Filia die 15. Januarii Anno 1649. nata, & ob corporis & animi elegantiam, Votis præconceptam, DOROTHEA dicta, hætenus non parum lenivit, ac formæ & Virtutis decore jam prælucente, Parentes in spem novam erexit ampliorem. Hujus Pater cœlestis, jam Patre terreno orba, & cum matre dilecta moestissima, memoriam, in tam benedicta familia jam spectatam, non abjiciet! Sed brevitatis nos, reliqua vel tribus dicturos, submonent & temporis & chartæ angustia. Properemus igitur ad lineam, Pietatem Nostri Doctoris celeberrimi ad ultimam mortis horulam conservatam, collaudaturi. Hic enim divinam gratiam, dictis & cogitatis suis semper majorem, miratus fuit in honorum Gradu, Anno 1621. Mense Aprili utriusque Medicinæ *Licentiatus*, & Octobri ejusdem à Medicorum Phænice, Magno Doctore SENNERTO, *Doctor* proclamatus. Anno 1624. Patriæ suæ *Veteris Stetini Physicus Ordinarius*, & An-

no 1645. *Mathematicus, Physicus & Medicus* à Republica nostra *Gedanensi* constitutus. In hoc ultimo Virtutis & honorum stadio Noster Dn. D. EICHSTADIUS fuit EUSTADIUS, in Deum summum pius, Magnifico Magistratui honorificus, Nobilissimo Scholarchali Collegio charus, Honoratissimis Collegis pergratus, suis Auditoribus proficiuus, unoque verbo in omni vitæ & doctrinæ studio bonus, fidelis. Itojam Gedanum, & vota concipito, & ut tanta doctrina parem, quem in uno amifisti EICHSTADIO, Astronomum, Physicum, Medicum, & cum Chronologo pro muneris ratione Theologum à Deo exores, ne quæ in potestate habueris, forsan ante hac non æque intellecta, lugere cogaris. Excellentissimo vero meo Dn. Doctori, Collegæ, Amico & Medico ut fidelissimo, ita desideratissimo, de ultimo vitæ hujus terrenæ termino, & præoptato coelestis exordio, analysi scilicet beatissima, qua die 8. Junii, hora 10. matutina, inter preces devotas & suorum suspiria, marasmo jam senili intercedente, placidissime fuit potitus, gratulor, & nostrorum animorum conjunctionem, pro grata Dei voluntate futuram, in æterna præstolor beatitudine. Plura tempus luctusque subinde recurrens prohibent. Corpus autem Nostri Dn. SENIORIS Clarissimi sub terra quietem; Anima in sinu Abrahæ consolationem; ejusque memoria in nostris vivens animis gratum patiat incrementum. P. P. Gedani die 14. Junii Anno 1660.

Subjungam J. PASTORII, D. Med. Histor. Regii & Professoris Gedani honorarii, Epistolam ad Nobilissimum, Amplissimumque Virum, DN. JOHANNEM HEVELIUM, Consulem Gedanensem Palæopolitaneum, Magnum & Incomparabilem Astronomiæ Illustratorem, scriptam, Anno MDC LX. die XIV. Jun. cum postridie tumulandus esset magnus Polyhistor, Medicus, & Astronomus LAURENTIUS EICHSTADIUS.

Sic igitur rebus humanis interesse desiit Laurentius Eichstadius, Medicinæ Doctor, inclytæ Civitatis hujus Physicus, & in Gymnasio Professor Medicinæ ac Mathematicæ, *σωτὴρ* & Amicus noster conjunctissimus? Sic morti tandem succubuit, qui toties de morbis & de morte ipsa, tot ægros identidem juvando, triumphavit? Sic nihil profuit Ars nostra, qua excellebat? Nihil diffusissima disciplinarum penne omnium peritiâ, qua neminem non in sui rapiebat admi-

rationem? Nimirum cedere debuit summo rerum arbitro, qui legem moriendi cunctis hominibus insuperabilem, & huic adeo certam vivendi metam posuit. Illo quoque jubente depultrix morborum ars in ipso defecit, ut laborum, quos hic artis exercitatio perpetuos Viro, indefesso creabat, tandem sentiret finem. Scientiæ denique omnes elanguerunt, ut summum scientiarum fastigium in coelesti Academia adipisceretur. Jam cupidus herbarum vestigator veram vitæ arborem invenit. Jam nocturnus Siderum spectator sine nocte diem videt, & ex propinquo Solem intuetur, quem nullæ maculæ inficiant, nullaq; eclipsis tangit. Nihil igitur illi, sed plurimum nobis, quos illi superstites Deus esse voluit, decessit. Amisit tota Respublica literata magnum sui lumen, amisit hæc Civitas magnum depositum, amisisti Tu, Vir Amplissime, amisimus Nos quoq; Collegæ ejus, magnum Amicum. Omnes in tanta jactura & clade sua requirunt solatiū. Respublica literaria levat damnum suum lectione scriptorum, quæ Vir Eruditissimus summa industria elucubravit. Civitas fruitur fama, quod tantum Virum benignissime aluit. Amici memoria virtutum ejus solantur desiderium suum. Recordor *τοῦ Μανασίου* mirifica quadam animi jucunditate vitam Nobilissimi Astronomiæ reparatoris, Tichonis Brahe, a viro præclaro, Petro Gassendo, descriptam, mihi inter sermones familiariter habitos sæpius celebrasse. Non ita dudum quoq; ille vitæ Herlicii, celebris Medici & Astrologi, a se ipso descriptam mihi legendā misit. Utinam Occupationes meæ permitterent, ut quod Tichoni Gassendus, ipse vero Herlicio præstitit, id ego illi jam conferre possem. Equidem rapit me illuc animus, & videor mihi aliquo officii nexu ad hæc quasi iusta Viro amicissimo exsolvenda obstrictus. Sed is adeo non tantum acerbo, sed mihi quoq; intempestivo funere abripitur, ut vix exequiis Ejus fortassis sim interfuturus. In Aulam enim Regiam me negotia vocant. Inter itineris autem meditationes occupato, num quidquam tanto & viro & Amico dignum vel mens concipere possit, vel exprimere calamus? De me quidem nihil ejusmodi ausim promittere, & sum virtutis adeo reverens, ut eam perfunctoria laudatione deterere nefas putem. Video autem in Viro isto, aliquibus fane, qui non nisi externis validos amant suspiciuntque, parum intellecto, multa fore cum cura dicenda. Occurrent Pietas in DEUM adeo eximia, ut inter memorabilia ejus virtutis

exem-

exempla : Μακαρίτης numerari poterit. Omnes ejus sermones, omnes actiones illam spirabant, omnia denique scripta, etiam ubi excusate tacere poterant, eandem loquuntur. Occurret rara & memorabilis Probitas indolis, morumque infucata simplicitas, omnis prorsus doli fugitans & expers, talisque omnino, qualem à columbis nos discere vult Servator. Occurret admirabilis temperantia vitæ, qua adeo infra usitatum hominibus cibi potusque modum Vir ille constitit, ut plerique mirarentur, qui circumferre, & tot laboribus diurnis nocturnisque impendere posset illud corpusculum, quod tam parce & tenuiter aleretur. Et nulla vel frigidissimorum Ascetarum σκληραγωγία Viri hujus abstinentiam unquam, opinor, superavit. Occurret insignis Modestia, in vultu ejus, sermone, gestu, familiarum cum aliis vitæ modo, ita clare, ita perpetuo lucens, ut cordi penitus insitam facile agnosceres. Pene illa justam excedere visa est metam, cum sui nimius quasi contemptor, virtutem ipsam debito nonnunquam honore privaret. Sed ille adeo de se demisse sentiebat, ut cum prope omnium alias rerum scientissimus esset, unum hoc, quis & quantus esset, videretur ignorare. Utique Eruditione si censendus Vir sit, eam assiduo ab ineunte ætate labore acquisiverat sibi tantam, quantam in paucis deprehendimus. Nihil usquam vel vetus vel præsens seculum edidit, quod ille cum cura non evolverit, magnus & insatiabilis librorum helluo : quos ita legebat, ut & signa manus suæ ubique imprimeret lectis, & quicquid legisset, memoria ad miraculum usque facile complecteretur. Prorsus ut sine damno Veritatis id illi elogium, quod olim Dionysio Longio Cassio datum est, nos, qui familiarius cum illo versabamur, tribueremus, βιβλιοθήκην ἑμψυχον καὶ περπατῶν μεσέων appellantes. Eruditionis autem suæ fontes quam apertos, quam obvios aliis tenebat? Quam ultro eam non offerebat, sed ingerebat publi literatæ? Quibus illam stimulis, quam blandis subinde invitamentis alliciebat ad Matheseos studia, vulgo juvenili minus grata? Quam gestiebat, quoties ingenia naturalis scientiæ Medicæque artis avida se offerrent? Qua industria & ipse de nocte inspectioni Siderum invigilabat, eodemque ducebat discipulos talium curiosos? Quo studio, qua promptitudine



memoriæ, qua copia verborum corporis humani fabricam, ejusque partes singulas, maximas, minimas, in oblati cadaveribus demonstrare solebat? Qua alacritate etiam senex in campos excurrebat, præsentem in quavis herba Deum tyronibus ostendere cupiens? Quod ipsum opus quoque extremum illi in terris esse voluit Deus. Inde morbi novissimi, inde mortis occasio Viro immortalitate dignissimo nata est. Cum enim Botanices Candidatos per vicina urbis arva, pedes, ut solebat, circumduxisset, à vento, sole, & nimio imprimis macilentissimi corpusculi motu contraxit cum catarrho febrem, quæ paucillum id, quod in ipso supererat succi vitalis, intra octiduum exhaustit. Ita Viro Optimo & Doctissimo ea felicitas contigit, ut sine Imperatorio, hoc est, stando fere, partibusque muneris sui incumbendo, moreretur. Nam & tum, cum extrema sibi adesse sentiret, satisque id voce pene deficiente testaretur, præcipue quidem is de beata sui dimissione, quam assiduis suspiriis, Vir Pientissimus orabat, de conjuge & filia unica, quas Mæcenatibus per nos Amicos cum cura commendari petebat, sollicitus erat, à bibliotheca tamen adeo nec dum avelli se patiebatur, ut non multo ante mortem, & vix jam pedibus se suis sustinens, librum, quem desiderabat, scala conscensa, è forulis peteret. Adeo ille perpetuo sibi & præsens & constans, adeo studiorum etiam ad extremum usque amans mansit. Quæ quantopere, ut primum per ætatem potuit, non excolere modo boni publici causa; sed ornare etiam, augere & provehere conatus sit, satis docent tot egregia ejus in publicum edita monumenta, quibus partim cursum Siderum accuratissime descripsit, partim temporum doctrinam, partim denique rem Medicam impense jovit, eo nomine universo orbi literato apprimè & notus & acceptus. Sed quemadmodum ipse, quantumcunque temporis, per curam ægrorum, perque alios labores ordinarios poterat, literis dabat, ita nulla re magis delectabatur, quam, si eadem studia aliorum pariter laboribus altius in dies exurgere videret. Quanta voluptate præclara scripta primiceriorum hoc seculo Virorum Gassendi, Kircheri, Riccioli, Bullialdi, Phocylidæ aliorumque talium, qui naturæ secreta rimarentur & naturæ sinus excuterent, remque imprimis Astronomicam laboribus suis amplificarent, legebat? Quam Tuis præcipue, Vir Nobilissime, admirabilibus inventis, & in omne ævum perennaturis, ingenii solertiæque

fætibus

fætibus lætabatur? Quam plaudebat, cum Tubos Tuos, cum Astrolabia, cum cætera Organa, quibus paria Orbis non habet, intueretur? Quam gratulabatur studiis Nostreis, cum ex Italia, Gallia, Germania; & ex omni orbe literato literæ ad Te afferrentur, quibus Viri Magni, Magni etiam Principes, testabantur, quanti labores Tuos & ipsam, cui hi dicati sunt, disciplinam æstimarent. Quanto & nuper cum hic pacis negotium ferveret, gaudio perfusus est, cum non tantum magnorum Regum, Principumque Legati, sed & ipse Serenissimus Rex noster, Serenissima Regina comitatus, Tuas ædes adire dignatus est, ut locum & instrumenta videret, quibus Tu scandere Sidera, & cœlo Te inferre soles. Ea erat ipsius indoles, ut honores amicorum duceret esse suos; expers Loriginis illius, quæ sibi decedere putat gloriam, quam alteri videt accrescere. Te ille inter potissima Gedani nostri & Orbis eruditi decora amabat, colebat, & quoties occasio ferebat, privatim publiceque laudabat. Tu vicissim Senem, ita, ut dignuserat, venerabaris. Tu de communibus studiis cum nullo mortalium fidentius ac familiarius sermocinari solebas. Eo acriori jam tristitia luctuque Viri obitum prosequeris, eo majore etiam studio memoriæ & famæ ejusdem posthumæ faves, quum alioquin insignibus meritis partam exstantia ingenii monumenta non sinent equidem intermori. Nos quoque eidem colendo, quantum in nobis est, non pariemur deesse. Multos Eichstadio non majores Viros, aliquos etiam inferiores, memorant Magni Thuani Annales, & singuli prope libri eorum, singuli utique annitales alicujus eruditi hominis morte terminantur. Forte erit, qui Eichstadium quoque ita ut revera est, dignum deputabit, quem historiæ peplo innectat. Neque profecto elogium mortui dedecorabit annum suum, etsi jam ante aliis longe maximis rebus memorabilem: Et hæc adeo ipsæ memoriam hominis juvabunt, si quando tempus, quo Eichstadius vivere desierit, recordari volent. Veniet enim in mentem annus, qui omni pene cultiori Orbi Pacem reddit; Primum enim duo maxima Occidentis Regna, Vinculo nuptiali coaluerunt, depositis in templo Veneris, quæ acerrima tot annis inter se foverunt odiis atque hostilitatibus. Secuta est Polono-Suetica Pacificatio, ingens opus, & quod omnem prope spem & fidem humanam excessit. Neque enim nisi paucissimis credibile visum est, bellum tam late grassans, & tot Principum

externorum armis implicitum hic adeo æquo fine terminari posse. Terminatum tamen est singulari Dei beneficio, tum feliciter interposita Christianissimi Regis autoritate, sed imprimis etiam efficacissima Sacrarum Majestatum Sere-  
niss. Regis & Reginae præsentia, tum indefessa Illustrissimo-  
rum Legatorumque Cæsareorum, Regionum, Electoralium  
opera. Cæterum perfectioni muneris tanti malignitas tem-  
porum subtraxerat aliquid, quod alibi deinde idem, qui nos  
respexit, favor Numinis supplevit. Cum enim afflictis So-  
ciæ Daniæ rebus pax nostra non ita, ut votum & spes erat,  
succurrisset, succurrit tamen divina manus, & hostes ante-  
hac illi nobiscum communes, mox omni mole sibi incubi-  
turos, imposito idem pacis fræno à cervicibus illius cle-  
menter removit. Insignavit hunc eundem Eichstadio fata-  
lem annum duorum Regum transmarinorum diversissima  
fortuna: Alterum enim post circumlata longe lateque ar-  
ma, & inundatas rapidissimo victoriarum quasi torrente  
terras plurimas, in ipso flore ætatis præcox fatum abstulit.  
Alterum superiores aliquot anni patrio solo folioque eje-  
ctum per terras alienas circumegerant. Truncæ crudeli-  
ter jugulati Parentis Cervici superstructam Tyrannidem  
vix ipse incolumis evaserat. Multi Mortales credidere, si-  
mul cum cruore Regio spem omnem reddendi filiis Regni  
effluxisse. Et humanas vires si spectes, vix superesse tabula  
videbatur, quæ naufragæ exulantis Regiæ domus fortunæ  
subvenire posset. Sed Deus, ut supremum se Regibus popu-  
lisque arbitrum esse & Diademata projicere atque extollere  
quoties libuerit, posse ostenderet, humanis opibus destitu-  
tum manu sua restituit. Illo Duce, inermem Regem arma-  
tus revocat populus; Illo Duce agnoscit parricidium, &  
cum omnibus veniam à benigno Principis animo impetrare  
posset, autoribus facinorum pœnam ultrò decernit. Du-  
bitabit, credo, posteritas, majorene scelere violatus sit fan-  
guis Regius, an Virtute restitutus. Et Annalium fides la-  
borabit, ut persuadeat hominibus, Filium exulem sine bel-  
lo reponi in Solium, ex quo furor militaris omne Regiæ po-  
testatis nomen & memoriam sanguine Regio delere olim  
constituerat. Inter hæc miracula mortuus est Eichsta-  
dius noster: hoc inter alia ex terræ hujus miseriis solatium  
secum ferens, quod, antequam moreretur, Europæ auro-  
ram pacis, Regio sanguini honorem, seculo universo spem  
optatæ

optatæ felicitatis vidit renasci. Vale, Vir Amplissime, & epistolæ ἐν παρῶδῳ scriptæ, adeoque & Te, & Defuncto Amico, parum dignæ, ignosce. Dare enim aliquod mei erga τὸν Μακαρίτην cultus monumentum etiam alienissimo hoc tempore debui, qualecunque autem profecturus dare potui, id ad Te potissimum mittere visum est, quem rerum cœlestium cura cum Cœlite nostro arctissime conjunxit, Dab. ex ædibus meis 13. Jun. anno 1660.

LAURENTIUS EICHSTADIUS, D.

*Per Anagr.*

RES LAUDAT: HIC DIVINUS EST.

*Magne Vir, illustris Sophiaque Hygiaque Sacerdos,  
Sancte Decus Matheseos:  
Sic bene Cecropia doctis Latiaque Minerva  
Beatus intras artibus;  
Publica morborum requies, communis Medentura  
Lumen, Machaon inclytus:  
Inclyta Natura Genio ignescente Voluptas,  
Nostri Venustas seculi.  
Eloquio crevere tuo mysteria cœli;  
Polus solo recluditur;  
Totum implevisti Claris sermonibus Orbem,  
Quibus nihil præstantius;  
Enthea Divini ingenii miracula, Musa  
Plenis loquuntur usibus:  
Finibus Arctois & Terris Clarus Eois;  
Afra, Iberis maximus:  
Sanctum opus, usque suis dignum Natalibus exit;  
RES LAUDAT, HIC DIVINUS EST.*

LAURENTIUS LUDENIUS,  
Holsat. Phil. & J. U. D. Poët. Cæs. in  
Acad. Dorpatensi Prof. Juris Orato-  
riæ ac Poëseos,

SCRIPTA.

Dissertatio de Theriaca & Mithridato. Stetini 1624,  
in 4.

De

- De Confectione Alchermes Dissertatio. *ibid.* 1634. in 4.
- Ephemeridum novarum & motuum cœlestium Pars prima, ab Anno 1636. ad An. 1640. *ibid.* 1634. in 4.
- Pars secunda, ab An. 1641. ad An. 1650. *ibid.* 1636. 1639. in 4.
- Parstertia, ab An. 1651. ad An. 1665. *Dantisci* 1644. in 4.
- Pars quarta, ab An. 1660. ad An. 1670. inchoata; sed cui labori Auctor immortalis est, ac prodiit tantum Una Ephemeris An. 1660. succedente Joh. Heckerq, qui ab An. 1666. ad An. 1680. hunc laborem continuavit, & luci publicæ dedit.
- Pædia Astrologica. *Stetini* 1636. in 4.
- Curriculum Vitæ Davidis Herlicii, Medici & Mathematici, descriptum in quadam Epistola ad Dav. Rheten, Typographum Stetinensem. *ibid.* 1637. in 4.
- Tabulæ Harmonicæ Cœlestium Motuum, tum primorum, tum secundorum, seu doctrinæ Sphæricæ & Theoriæ Planetarum, ex hypothefibus Tychonis Brahe. *ibid.* 1644. 1646. in fol.
- Epistola de mensura & quadratura Circuli, ad Christianum Severinum Longomontanum, Mathem. Prof. Hafniensem. *Luneburgi* 1648. in 4.
- Tabulæ motuum Solis & Lunæ, ab anno 1400. ad A. 1800. hypothefibus J. Kepleri superstructæ. *Dant.* 1648 in 4.
- Planorum Geometria. *Lubeca.* 1650. in 4.
- De Camphora. *Dantisci.* 1650. in 4.
- Lucubrationes Chronologicæ à Conditio Mundo ad natum Christum. Perduxit autem eas tantum usque ad initium LXX. hebdomadum Danielis; non ultra. Mor-te enim ab hoc quoque labore impeditus fuit. Est igitur opus incompletum, præfatione destitutum & sine. *Gedani* 1660 in 4.
- Calendaria singulis annis, & pro Astrophilis etiam Ephemerides annuas, ad modum Ephemeridum Keplerianarum ab anno 1648. usque 1659. composuit.
- Physicæ partem generalem disputationibus publicis Gedani absolvit. Edidit insuper Disp. Chronologicam de vero anno & tempore Passionis Christi; De morbis eruditorum: Problemata Electrológica Physico-Medica, ex Monumentis Medicorum potissimum excerpta; aliaque quam plurima.

## MEMORIA

*Viri Amplissimi, Excellentissimique*DN. M. HEINRICI  
NICOLAI,

Serenissimo Electori Brandenburgi-

co à Consiliis Ecclesiasticis, inque Inclutis Dan-  
tiscano & Elbingensi Gymnasiis Philosophiæ  
Professoris emeriti,*Renovata & Translata*

Ex Concione ferali Eidem Germanicè habita,

NATHANIELE DILGERO,

Ad D. Mariæ ibidem Pastore.

**S**ublimi variarum scientiarum ac Philosophiæ inprimis  
decore nostra ætate inclaruit HEINRICUS NICOLAI,  
cujus ingenii monumenta haud pauca de tanti Viri erudi-  
tione singulari abunde loquuntur. Lucis autem usuram  
quinto ævi hujus anno, septimoque die Maji cepit; *Patre*  
*Consultissimo Viro, Heinricho Nicolai, Reip. Dantiscanæ per*  
*XXX. annos Secretario; & Matre, Barbara Petriana, fœmi-*  
*narum ornatissima.* In omni ille sibi vita quammaxime  
gratulatus est, non solum se, ceu Ethnicorum non nemo  
Philosophorum fecit, hominem factum esse, rationis usu ac  
ingenio valentem, neque à barbarica gente in orbem proge-  
nitum; sed Christianum, atque literis sanioribus probe in-  
structum. Et ut in tantum aliquando Virum evaderet opti-  
mi Parentes nihil quicquam intermisere, quod ad teneram  
isthanc ætatem recte formandam ullatenus conduceret.  
Quam primum enim in puero, præter docilitatem naturæ,  
ingentem quoque discendi ardorem viderunt, animum ejus  
humanioribus excolendum studiis serio curarunt. E ludo  
itaquæ patrio prodiit adolescens vix sedecim annorum, & di-  
gnus jam tum, communi Musarum calculo, judicatus; qui  
Regias Scholas inviseret. Quamobrem ad almam *VVitte-*  
*bergensium Academiam*, seculi, in quo degimus, vigesimo  
anno

anno missus, vita ibidem honeste instituta, atque rata inter æquales sedulitate, Doctorum in se omnium favorem haud difficile elicit. Equibus illum reconditæ Philosophiæ Phosphorum, *Iacobum Martini*, eximie coluit, ejusque ab ore avidus cotidie pependit. Ne vero Pythagoræ semper silentii cultorem se profiteretur, subillius umbone, quoddam *de Magicis Actionibus* illustre specimen, proprio consignare Marte, ac in apicum proferre voluit. Triennio illic cum laude peracto, *Lipsiam* salutavit, inque accuratissimi Theosophi, *Heinrici Höpfneri*, arctiorem consuetudinem penetravit. Nec hic altissima NICOLAI nostri indoles substitit, sed *Ienam* adire pariter, ejusque eminentissimis Theologiæ Luminibus, *Ioh. Majori* & *Ioh. Gerhardo*, innotescere expetiit unice. Inde *Noribergam*, *Altorphiam*, *Ingolstadium*, aliaque loca sublimi ac nunquam cessatura mente perlustravit. Anno supra millesimum sexcentesium vigesimo sexto *Marpurgum*, nobile Cattorum Prytaneum, adire subiit animus, ut submissa Veneratione Maximum Senem, de vera Christi Ecclesia & voce & calamo egregie meritum, *Mentzerum*, prosequeretur, à quo doctior nunquam non discessit. Sub insignis insuper Theologi, *Feurbornii*, ductu, *Repetitionem Chemnitianam* ventilando privatos intra postes percurrit. Cum Præcellentissimo *Stenbero* aliquoties literarii certaminis super *Hosæ* Prophetiam triumphos egit. Incluto *Hannekenio* suam tum non minus probavit industriam, dum Collegiis, quæ in Orientalibus Linguis instituit, creberrime interfuit, & eo insuper moderante, in Cathedra Academica se Ebraice exercuit. Magisteriali denique condecorandus Laurea, semel iterumque sub *CL. Tonforis* præsidio, quem & mox Promotorem nactus est, in aciem prodit, nec sine ingenti totius Parnassi applausu. Postquam vero integrum Marpurgi annum permanisset, commodum quæ *Maxapltz* alias quoque terras urbesque celebres lustrare videbatur. Francorum igitur *Vado*, *Moguntia*, *Colonia Agrippina*, *Düsseldorfio*, *Rheinberga*, *Rhesa*, *Embrica*, *Arnheimio*, *Ultrajecto* salutatis, *Lugdunum Batavorum* prosperis Vialibus ingressus est. Deinde *Amstelodamo*, *Frænkeram* atque *Gröningam* se portandum tradidit, in isto itinere ab aliquot magni nominis

minis Professoribus, *Maccovio* præcipue ut & *Amesio*, humaniter susceptus. Ne autem nimis à patrio solore-motus viveret, *Lubecam* & *Hamburgum* pertransiens, *Rostochium*, Musarum sedem, ad triennium ferme elegit, ac illius loci salutari Præstantis Theologi, *Cothmanni*, consuetudine frui cœpit. Quo etiam dirigente, *Diatribam de Pœnitentia* publico eruditorum examini submisit. In Philosophicis placitis cum *Tarnovio*, *Quistorpioque*, haud levis armaturæ militibus, tela vibrare solebat; quin & nonnunquam seipsum Pierii gregis Ducem in summa pergula præbuit; sed rarius, ne plus forte intricatis Philosophiæ nexibus, quam par est & usus ad altiora postulat, implicaretur. Nam quamvis à divini juris didagmate excolendo per omnes vitæ dies minime deflexerit, summo tamen Numine providente factum, ut Anno 1630. Professioni Philosophicæ, ab Amplissimo Senatu Dantiscano sibi ultro oblata, repulsam mittere non ausus fuërit. Quid vero in hac sparta præstiterit, quanta cum gloria non apud suos solummodo, sed exteros quoque vixerit, quæ subtilissimi ingenii monumenta condiderit, notiora sane sunt, quam ut verbis aut nostro qualicunque præconio efferrî satis queant. Quare summi Philosophi nomen, qui rerum omnium naturam causasque exacte pernosceret, meritissimo jure consecutus est. In illis utique liberrimè Philosophandum sibi esse duxit, nec in ullius Magistrî verba jurare unquam voluit. Unde à Serenissimis Ducibus, *GEORGIO* Hassorum Landgravio, pariterque *GEORGIO WILHELMO*, Electore Brandenburgico, oblatam sibi gratiam, absque propriis impensis in Doctorem Theologum promovendi, submisit & modeste declinavit. Alteri quippe potius huncce conferri maluit honorem, quam ipsemet eum gerere; contentus, si Theologiam, quam ad aliorum duntaxat usum addidit, in proprium convertere solatium, tot inter mundi depravati illecebras, tuto liceret, sibi que commisso exinde muneri abunde satisfacere. Num vero illud κατὰ πάρος assecutus, & qua hanc libertatem ratione alii passim interpretati fuerint, unicuique erudito ac prudenti dijudicandû committimus. Extra omnem tamen dubitationis aleam positum, quod viginti



annorum decursu, in Athenæo Dantiscano, disciplinam Logicam æque ac Metaphysicam publice docendo in ordinem redigendo, disputando, mirum quantum sudaverit, ut continuè subinde meditationibus corporis sui vires haud parum senserit debilitatas. Inde ab incluto Senatu rude donari petiit, & facillime emerito obtigisset, una cum insigni salario, ex quo honeste senectutem aleret: Verum eo tum ipso tempore Elbingam invitabatur, ut *Honorarius* ibidem *Professor* designaretur, moxque *Serenissimo Electori Brandenburgico à Consiliis Ecclesiasticis* adesse sollicitabatur. Hasce igitur provincias ita quidem grato suscepit animo, ne simul munificentia in patria sibi toties redditæ, ac pristinae dignitati ea propter nuncium mitteret. Domesticum quod τὸ πάλιν nostri statum concernit, Cœlibatum ad quinquagesimum usque primum ætatis suæ annum ἀγχιόρδον produxit, ut eo melius Musis litare valeret. Tandem vero, Anno O. R. 1656, d. 31. Octobris, Elbingæ *Reginam Cojeniam*, pudicissimam Virginem, elegit, qua cum connubiali se fœdere jungeret, vitæque residuam particulam, dulcilevamine transiret. Sed summo rerum humanarum Arbitro visum fuit, præclaro huic Neonympho dilectissimam Sponsam nimis mature & ante nuptias celebratas subducere, quo pro thalamo tumultum, ac myrteo Cyprium eidem parare sertum necesse habuerit. Ipse autem exeunte anno 1660, d. 20. Decembris, in gravissimum morbum incidit, quem fatalem fore præfagebat. Ideoque cum Reverendo Viro, *Dilgero*, quamplurima contulit, quæ ad orthodoxiam scriptorum à se publicatorum stabiliendam, vel si quid in iis erratum, ingenue rejiciendum, facere videbantur. Cæteris enim Theologis haud parum displicuit, quod in quibusdam à Symbolicis Ecclesiæ nostræ libris secessum fecerit, ac non nihil in medium protulerit serio emendandum. Cum ob id ipsum à prælaudato Theologo admoneretur, clara ὁ Μανασίου noster voce aliquotiens retulit: *Si quid uspiam statuerim divino verbo consonum, rejiciatur.* Reposuit illico Venerandus Dialogista: *Non hoc sufficere, sed lapsum in scriptis jam commissum aperte ac cordate confitendum esse.* Tum Noster alto emittens corde suspiria exclamavit: *Ita omnino est, rejiciatur. Deus propitius esto mihi peccatori!* Quid ulterius in isto mortis agone peractum, alibi plenius edocetur. Nos interea hic illa apponimus, quæ Confessionis loco, aliquot ante pium ejus ex hac

vita

vita discessum, propria manu consignatum exhibuit. Ita autem ea sonant: Ego Magister Henricus Nicolai, agnosco & confiteor, Augustanam Confessionem invariata, prout illa à Theologis Orthodoxis Lutherana Ecclesia explicata est, cum omnibus Dogmatibus, quæ in illa continentur, præsertim quoad primum articulum de Trinitate, conformem esse non tantum Verbo Dei, sed & puriori Orthodoxæ antiquitati: In qua fide & ego mori desidero, ac omnia illa, quæ in scriptis meis Sanctæ fidei & Confessioni adversantur, rejicienda & reprobanda esse volo. Promitto insuper, si Deus mihi vitam longiorem concesserit, omnia, quæ in scriptis meis huic fidei Confessioni adversantur, emendaturum. Deus propitius sit mihi peccatori, Amen. Anno 1660, d. 27. Decembr.

Henricus Nicolai.

Aliud quoq; Schediasma Germanico idiomate exaratum reliquit, quo Puncta Moriendi inseruit, clausis piis hisce verbis:

*Mea spes unica est Christus, mea spes est passio Christi;*

*Mea spes est vita beata futura, mea spes est gratia IESU.*

*Textus sepulchralis mihi erit Ecclesiast. 4. v. 4. id quod quoque factum est.*

Obiit ergo non multum post, inter preces ardentes, plenus fidei, vitæque hujus satur, de quo, Coronidis vice, dici forte posset, quod S. Hieronymus de scriptis Originis judicat: *Venena sunt, inquit, illius dogmata & aliena à scripturis sacris, vim facientia scripturis.* Et modeste tamen addit: *Non consuevi eorum insultare erroribus, quorum miror ingenia. Quod si quis nobis opposuerit errores ejus, audiat libere, interdum magnus dormitat Homerus. Non imitemur ejus vitia, cujus virtutes non possumus sequi.*

In Effigiem Clarissimi Viri,

DN. HENRICI NICOLAI,

Theologi, Philosophi eximii, &c.

Effigiem sculptor sculpsit: *Qui munera mentis*

*Exsculpat sculptor, nullus in Orbè siet.*

*Ingenii quiret si quisquam pingere dotet;*

*Pictura haut posset gratior ulla dari!*

*Ingenium sublime Viri monumenta loquuntur:*

*Qua solide doctos jure stupere vides.*

RETGERUS ZUM BERGEN, Regius Secretarius, Hæreditarius in Brä sneken.

Bb

SCRI-

De Magicis Actionibus tractatus singularis Philosophico-Theologicus & Historicus. *ibid.* 1649. in 4.

Gymnasium Ethicum, Exercitationes XV. *ibid.* 1649. in 4.

De Comparativarum Enuntiationum expositione, tractatio peculiaris Logico-Philosophica & Philologica. *ibid.* 1650. in 4.

Disquisitio Magnetica succincta, Syllogen variorum quaestionum, quæ de Magnete moveri possunt, exhibens. *ibid.* 1646. in 4.

De Modis Prædicandi tractatus peculiaris Logicus, Philosophicus & exemplis in parte Theologicis illustratus. *ibid.* 1650. in 4.

De non liquendo, necessitatem, utilitatem & prudentiam non liquendi in Theologicis ac Philosophicis ostendens, exercitatio peculiaris Philosophico-Theologica. *Elbingæ* 1652. in 4.

Theologiæ Epitome Methodice repræsentatæ. *ibid.* 1653. in 4.

De Methodo Trinitatis, Exercitatio peculiaris. *ib.* 1654. in 4.

De Abasvero Estheræ, quisnam ille, quo tempore vixerit, imperarit, Estheram duxerit, Judæos ingente excidio liberaverit, & similibus, Exercitatio peculiaris Chronologica, Historica & Theologica. *ib.* 1653. in 4.

De Causa per Accidens, tractatus singularis Philosophico-Theologicus. *Dantisci* 1650. in 4.

De conjungendo Philosophiæ studio cum Theologia Programma, ad audiendam Orationem suam in Gymnasio Elbingensi. *Elbingæ* 1651. in 4.

De Medio religioso & Theologico, h. e. de mediis inter extremas in Theologicis sententiis advertendis & recipiendis extremis quandoque cavendis & declinandis, Exercitatio peculiaris Theologica. *ib.* 1653. in 4.

De Conciliatione Enuntiationum, Exercitatio peculiaris Logica, Philosophica & Theologica. *ib.* 1653. in 4.

De Symbolo Athanasii, Exercitatio Theologica. Historica & Ecclesiastica. *Gedani* 1655. in 4.

De Subjecto & Adjuncto, Exercitatio Metaphysica & Theologica. *ibid.* 1656. in 4.

Quadrigatus Expensus, sive Consideratio quadrigæ quaestionum Theologicarum, de Syncretismo Non neminis Wittebergæ hoc anno emissæ. *Stetini* 1657. in 4.

De Astrologiæ veritate, licitaque apud Christianos ratione,  
Exercitatio peculiaris Theologica, Physiologica,  
Astrologica & Historica, Adstructoria & Destructoria,  
*Dantis* 1657. in 4.

De Obedientia tam civili quam spirituali, exercitatio pecu-  
liaris Theologica & Philosophica, *ibid.* 1659. in 4.

Kurze und deutliche Erklärung des Spruchs im Prediger  
Salomo am 4. Cap. v. 4. *ibid.* 1660. in 4.

## PROGRAMMA,

In Excessum

*Amplissimi & Excellentissimi Viri,*

# AUGUSTI BUCH- NERI,

Poët. ac Eloquentiæ, per annos XLV. Profess.

Publici, Academiæque Wittebergensis Senioris in XII.  
usque optime meriti, nec non Alumnorum Electora-  
lium supra ipsos XXII. Ephori.

*Propositum à*

RECTORE ACAD. WITTEBERGENSIS,

ANDREA KUNADO,

SS, Theol. Doct. & P.P. Consistorii Eccles. Assessore,  
& Elect. Alumnorum Ephoro.

**L**uxit clarissimorum luminum ereptionem hactenus A-  
cademia nostra, & acerbiori plurimorum fato indoluit;  
cæterum nunquam, siue meritorum vel numerum vel pon-  
dus æstimemus, siue Humaniorum literarum jacturam me-  
tiamur, major nobis accidit clades, ac justior doloris occasio  
venit, quam cum supremus rerum Arbitrator, Clarissimum &  
multis maxime virtutibus illustrem Virum, AUGUSTUM  
BUCHNERUM nudius octavus avocaret à statione, quam  
fama, auctoritate, annis & bonis omnibus factis ita implevit  
hucusque, ut magis à nemine possit. Recruduere novo vul-  
nere vulnera, quæ coaluisse quadantenus, atque ad non im-  
matura adolevisse solatia videbantur, Nunc, ut Maronianum  
illud ingeminemus,

*Quis*

*Quis cladem illius noctis, quis funera fando*

*Explicit, aut posset lacrymis aquare dolorem?*

Lacrymis inquam. Neque enim loqui nos mœstitiæ magnitudo finit, nec intra animi sedationis silentia condi impotentissimus affectus potest. Quæ nobis secula alterum reddent BUCHNERUM? Quæ lustra Viri referent iudicium, sapientiam, & incredibili humanitate temperatam gravitatem? Quotusquisque annus ea parturiet ingenia, quæ Magnatibus pretiosa, & officiosa omnibus fuere. Formidabile incolis subest interpretamentum, ubi ædificiorum non contremuerunt duntaxat, sed dilapsæ penitus columnæ sunt. Nobis, quanto & omini, & periculo (quod utrumque quidem mitissimi Numinis benignitas avertat!) luctuosissimus venerandi SENIORIS NOSTRI obitus futurus sit, non tam scrutandum, quam castissimis deprecandum est votis. Roboranda interim ad meliora spes: cumque nostræ intersit & pietatis, & in Opt. Universi Moderatorem observantiæ, arcanis acquiescere consiliis, composita ferendum mente, quod mutare nequeas omnino. Neque nos præficarum nunc sustinebimus parteis, ut dolorum nutrimenta disseminemus late, ac foveamus; id potius agendum, ut solenne vobis, ACADEMICI CIVES, Excellentissimi, quem diximus, Viri, AUGUSTI BUCHNERI, Humaniorum Liter. per XLV. fere annos, P.P. Academiæ Senioris, & alumnorum Electoralium Ephori longe optime meriti, Collegæ nostri desideratissimi funus indicetur. Jacturam, quam in tanto fecimus Viro, nec explicare verbis integrum, nec, si vel maxime abundaremus iis, in præsentis scripturæ angustiam augustissimum BUCHNERI nomen veniret. Dabitur alius, amplissimum hunc decurrendi campum locus. Nos summa in præsentia capita, atque ea quidem extremis, ut ille ait, digitis tangemus, quæ singula tamen atque universa, uberrimam dicendi materiam suppeditare videbantur. Natus itaque noster, ex Nobili & antiqua familia, A. c. 1591. d. 11. Novembris, ipsa dimidia quarta matutina, in Electorali Dresda est. Quæ cum jam pridem hanc sibi propriam effecerit laudem, ut politissimorum parens ingeniorum audiat, natalia, si ulli, BUCHNERO, citra controversiam jura tribuebat. Patrem habuit Nobilissimum & maxime Strenuum, DN. PAULUM, Virum in tantum celebrem, in quantum Re-

gum Ducumque, propter Virtutum merita favor intelligi à quoquam potest. Hic ille PAULUS est, qui cum bellicarum artium, tormentariæ imprimis, peritissimus haberetur, præclara in Belgio, sub Hispaniarum Rege, Italia item atque Gallia, stipendia meruerat. Approbavit suum ille ingenium Legato Supremo Exercitus Regii, EMMANUELI PHILIPERTO, Sabaudia Ducui, nec aliter ab eo, quam Charissimus Amicus appellatus: postque à CAROLO EMMANUELE, legitimo hærede filio, torque donatus auro est. Honestè militari sacramento solutus Dresdam concessit: ubi, cum splendidissima virtutis suæ edidisset specimina, factum est, ut à Divo Electore AUGUSTO, tormentariæ rei & Fabricis præficeretur. Quas partes, quæ autoritate, quæque gesserit solertia, cum non una Dresdæ Structura condoceat, præstabit silere, quam in ferali hac exponere scriptura. Id tamen prætermittere non possumus, quod cum propter militaris pariter & architectonicæ prudentiæ experimenta, aliquando à Serenissimo Danicæ Regis, aliquando ab Invictissimo Imperatore, RUDOLPHO II. cum amplissimo salario ad bellica invitaretur consilia, maluerit tamen sub Divis Electoribus AUGUSTO, CHRISTIANO I. & II. stipendia facere, quam desultoriis serviis fata sua sollicitare. Ipse interim ab Imperatore torque ornatus honorificentissime fuit, dato insuper Nobilitatis majoris, Diplomate, quo eodem omnium dignitatum Equestrium & Ecclesiasticarum jura ipsi atque posteris ejus data atque concessa. Ut jam nihil dicamus quam liberalia & magnifica ipsi à CAROLO V. indulta fuerint privilegia. Avum nactus est Virum Srenuum & militari gloria vel maxime conspicuum GEORGIUM: qui, postea quam diuturna Liberæ Nobilitati Francicæ, & equestria quidem præstitisset officia, ducta hinc uxore, Noribergæ tandem fixit sedem. Ita igitur equestri virtute nobilitatum BUCHNERIANUM nomen est. Quod ut consummaretur magis, literarum restare splendor videbatur: sed quæ ipsæ ab AUGUSTO nostro augustissima acceperunt ornamenta. Matre natus est MARIA, Clarissima Fœmina, Amplissimi prudentissimiq; Viri Dn. SEBASTIANI KRÖSII, Serenissimi Electoris Saxonie quondam Cubicularii, Dresdensiumque Consulis Gravissimi filia. Auspicatissimos natales prudens exceperat educatio, quæ effectum facile fuit,

ut prima illa ætas ad virtutum, quas adultior perfecit, elementa fidelissime componeretur. Neque enim difficile esse poterat, ex liberalissima indole claritudinem, ex puero, Virum interpretari. Scholæ idcirco patriæ traditus, eum & inter medios Teutones Grajus, inter Dresdenses Romanus apparuisset; in illustrem deportatus est Ludum Portensem, ipsi Idibus Novemb. A. clō lōc IV. Hic vero quanta pietatis, industriæ ac eruditionis specimina edidit? quam arcano omnes & Magistros & Condiscipulos sibi intra sexennium devinxit nexu? Solent qui tractandis operam caballis navant, à primo actutum ortu, naturæ generosioris pullum à degeneræ discriminare: si vividiorē motu, si sublimiore gressu; si capite arrectiore sit, si iras pugnaciter spirante naso adhinniat, assultet & agillime huc illuc moveatur. Prorsus aliquid simile in BUCHNERO adolescente, pleraque generosa minante, observabatur. Attonitus tamen nonnihil nobilissimus iste conatus fuit, cum intra triennium, quo Portæ literis invigilasset, Parente orbaretur Noster. Missus autem tertio post anno Wittebergam, non intempestivo suorum consilio, civem Academiæ nostræ dedit ad An. clō lōc X. XII. Kal. Decemb. Pro Rectore DN. D. LEONHARDO HUTTERO. Rectoris enim Magnificentissimi munus exornaverat tum temporis Illustrissimus Saxoniae DUX, AUGUSTUS, Episcopus Numburgensis & Zizensis, Landgrav. Thuring. March. Misniae &c. DIVI JOHANNIS GEORGII I. gloriosissimæ memoriæ, Frater. Hic vero quam frugem inde reportavit BUCHNERUS! quantas patriæ polliceri spes videbatur! In præclaro tamen hoc instituto, impeditus facile fuisset, ob valetudinis, quam pertenuem annis junioribus & sæpe adversam continuaverat, rationem; si animo frangi tam facile potuisset. Sed altioribus fata Virum reservarunt. Post excessum enim DN. D. JOHANNIS RHODENBURGII, cum Poëseos Professio vacaret, huic ipsi post legitimam denominationem, Electorali auctoritate surrogatus est Noster, An. clō lōc XVI. d. XI. Martii: quo ipso etiam tempore, primus inter 46. competitorum, cum summa laude renunciatus Philosophiæ Magister fuit. Idem ille annus honores publicos connubii quoque foedere auxit. Quippe paulo post, celebratis ritu Christiano sponsalibus, solenni pompa demum duxit Clarissimam Virginem ELISABETHAM,

BETHAM, Viri spectatissimi DN. JACOBI CRAUSII  
 filiam: nunc moerissimam viduam. Qua cum per hos  
 ipsos XLV. fere annos, tam amice, ut neminem magis; tam  
 feliciter, ut numerosam ex una prolem, per DEI Gratiam,  
 susceperet, convixit. Undecies enim mater facta lectissi-  
 ma Uxor, enixa est MARIAM ELISABETHAM,  
 CHRISTIANUM AUGUSTUM, PAULUM, ELISA-  
 BETHAM, JOHANNEM, ANNAM MARIAM, JOA-  
 CHIMUM FRIDERICUM, DOROTHEAM CHRI-  
 STINAM, JACOBUM WILHELMUM, DORO-  
 THEAM, & PAULUM. Superstes vero Numen esse  
 voluit, cæteris ad se receptis, Nobilissimum Filiorum Fi-  
 liatumque par. Atque principe quidem hic memorandus  
 loco venit Nobilissimus ac summe Strenuus Vir DN.  
 CHRISTIANUS AUGUSTUS, apud Serenissimum E-  
 lectorem Saxoniae, Reitormentariae & Fabricarum Præfe-  
 ctus. Inter foeminas præcipua laude eminet ELISABE-  
 THA, Prænobilis ac JCtissimi DN. HENRICI COSELI,  
 J. U. D. Pandect. P. P. Curiae Electoralis, Scabinatus &  
 Facult. Juridicae, quondam Assessoris, relicta Vidua: cui  
 tanto acerbior in præsentis luctus hic accidit, quanto majus  
 momentum est, nuper maritum, mox Parentem amisisse.  
 Tertius inter incolumes adhuc adest Strenuae Nobilitatis  
 JACOBUS WILHELMUS, quem cum literaria milita-  
 ris insuper Virtus, postquam inter equestres Suecorum or-  
 dines, sub Præfecti turmae nuper præclare exercuisset spæ-  
 tan, facile commendat. Vidit superior annus inter vivos  
 etiam JOHANNEM, Cohortis Prætoriae, in legione sum-  
 mi, Tormentariae Rei, apud Serenissimum Polonorum Re-  
 genis, Præfecti, Protribunum. Idem ille tamen lento haud  
 ita pridem extinctus est morbo. De Clarissima, superstite  
 DOROTHEA virgine, quid vero dicemus? Luget, squa-  
 let, funus finit ipsa facta est cum Matre, Fratribus, Soro-  
 re, Quamquam si vel Status, in quo degunt omnes, felici-  
 tatem, vel educationis, quæ vix millesimo contingere talis  
 potest, maturitatem tranquillo æstimare animo dignentur,  
 præsentissima moerori applicare lenimenta facile queant.  
 Sed nunc ad BUCHNERUM nostrum iterandus est aditus.  
 Opprimimur dicendorum ubertate: nec prolixior ordo  
 nobis, nervus exprimendus est. Quis vero hic eloquen-  
 tiam faciendamque tanti Viri, quis dicendi copiam, quis  
 disse-



difficili facultatem satis deprædicabit? Et his se, virtutibus suis meruit, ut ei A. c. l. c. XXXI. Oratoris Academici munus, Electorali autoritate conferretur; quod ipsum ita deinceps ornavit, ut inter Germanos disertissimus merito haberetur. Sane nihil antiquitatum mores, nihil populorum instituta, nihil temporum continuerunt gesta, quod non ad amissum BUCHNERUS calluisset. Tullium cogitate, cogitate Platonem, Catonem mihi memorate, BUCHNERUS erit. Non Gallia eum, non Batavia, nec remotior quis ignorabat Sarmata. Mortuum ne dixerimus, qui in tot præclarissime elaboratis scriptis voluminibusque vivit? Edita horum plurima, plurima post fatum publicanda, æternabunt BUCHNERIANUM nomen. Vidit, vidit DIVUS JOH. GEORG. I. SEPTEMVIR, quam, in BUCHNERO, cum assiduitate auctoritas, cum auctoritate fides certaret de primatu. Clementissime igitur ei demandavit in alumnos Electorales, Ephoriam, Anno c. l. c. XXXVII. Quam ille provinciam, tam gessit laudabiliter, ut nec optando quis potuisset magis. Quæ vero arcana vis fuit, qua Magnatum, sine palpo (in quo maxima seculi nostri sive labes, sive tabes sita est,) gratiam benevolentiamque indipiscebatur? quam sæpenumero ne quærebat quidem, cum offerretur sponte. Raræ, sine BUCHNERO, expeditiones quondam Academicæ: nunquam in cassum abire spes, ubi manum ille admovisset. Rectorem Magnificum tertia ipsum salutavit vice Academia, Decani in Amplissimo Philosophorum Collegio munus octavum, quod, quamdiu nostrum sterit Athenæum, ne uni contigit hætenus, feliciter consummataque laude absolvit. Senioratum suscepit Academ. A. c. l. c. XLIX. Amavit omnes impensissime, comitatem, concordiamque vel invidia ipsa teste, constantissime excoluit. Candor in convictu germanus, sermo ponderosus, gravitas, prudentia, quanta comparari vix possunt ulli, in hoc uno eniterunt. Sacra vero publica quo studio ille adiit? qua devotione coluit? qua custodivit observantia? Habet in Excellentissimo BUCHNERO, quæ imitari cupidissime possit, gloriæ virtutumque vivida exempla, SEU SIT, SEU FUERIT, SEU POST VENTURA TRAHATUR ætas. Ad novissima ut deveniamus, decretorius exposcit dies, & qui satis aliquandiu præluserat, exitialis morbus. Fatendum

equidem, pertenui usum valetudine, & infirmo admodum fuisse corpore annis junioribus BUCHNERUM nostrum. Neque ipsi tantæ longævitatæ argumenta tum temporis superesse visa fuere. Veruntamen, qui aquilarum ad instar rejuvenescere pios facit Deus, in operibus mirabilis, maturatione (uti decet) adhibitis medicamentis, efficaci benedixerat effectu: Ut scilicet juvenus studiosa Doctorem, ut Academia Seniore, ut orbis literarius Lumen, ut optimi quique Patronum aliquando ipsum experirentur. Composito ergo ille, atque ad arbitrium ordinato vitæ statu, in seros usque annos, per Numinis benignitatem usus est; nisi quod paullo ante, cum in finem, proximus iret annus, (d. XXIX. Decemb.) tentari quadantenus se animadvertisset: huic tamen ut in tempore occurreret discrimini, aëris mutandi causa, in prædium suum rusticum, cui ab Apolline nomen cessit, abierat. Rediens insequente die, Hygiam sibi quodammodo iratam sensit. Latebat infelix podagra, ac erumpere nitebatur quidem; sed brevi tamen ipsum restituit quieti, ut jam maturus ad ordinaria vitæ munia iteranda appareret. Non abiit revera, sed, ut impetuosius rediret, abscondidit se aliquantisper atrox malum. Ipsis Calendis Februariis impotentes cum efferbuisset in æstus, Medici, Viri Excellentissimi, DN: D. MICHAELIS SENNERTI Anatom. & Botan. Prof. Publ. sollicitata fuit opera. Vigil & exquisitissima mox adhibebatur cura, nec laboribus comparsum, nec sumptibus detractum est quicquam. Invaluit tamen contumax tortor, acuto atque altius latitante calore, qui mitigari quidem, sed expugnari nullo pharmaco poterat. Accersitus inmutuum & consilium & auxilium, Excellentissimus Vir DN: D. CONRADUS VICTOR SCHNEIDERUS, Profess. Publ. nec non Cels. Principum Anhalt. Archiater, nihil intermisit prorsus, quod morbum depellere posse crederetur. At quis fatis posuerit antidotum? Noluit prorumpere foras periculum, sed intra vitalia detonuit occultius ac fallens. Accessere sine somno tractæ noctes, articulorum tremor, emaciata senectus. Cum igitur tot moriendi causis exerceretur diu nobilissima anima, & tormentis affligeretur corpus, accitus X. Febr. Plurim. Rev. Dn. Confessionarius, Ecclesiæ nostræ Archidiaconus est, qui uti assiduus in partibus obeundis extitit, sic audita exomologesi, sacris

cris animam BUCHNERI recreavit epulis. Et eo quidem tempore in mitiorem desinere eventum, rem omnem, credidisses. Sed fractum corpus, prostratæque vires suprema non obscure innuebant. Factum igitur, ut nudius octavus (XII. Februarii erat) sub primi conticini tempus, hora circiter 2. mat. intra devotissimas preces ac melodias, adstantibus Venerabili Myſta, reliquisque necessariis, pacatissima solutione in J E S U suo finiretur BUCHNERUS: posteaquam annos fere LXX. fecisset vivens. Atque ita rarissima felicitate Poëſeos Professionem, ad Ann. XLV. Eloquentiæ munus ad XXX. Electoralium Alumnorum Ephoriam, ad XXIII. Senioratum Facultatis suæ, ad XXIV. Academiæ vero, ad XII. summa fide gloriæque traduxit. Extra casum nunc, extra cruciatus positus est BUCHNERUS. Spiritus DE O Divinisque junctus mentibus ævum agit, quod, quoniam nec oculus vidit, nec usurpavit auris, incomprehensibile dicendum. Corporis autem exuviæ, cum postea solenni contumulandæ ritu sint, ex ædibus BUCHNERIANIS, in Templum Marianum primo, post, concione habita, in Ædem sacram, Arci contiguam, deducuntur. Agite igitur, agite, CIVES ACADEMICI, & frequenti atque cumulatissimo officio, meritis ac fama Illustris Viri, Præceptoris, SENIORIS, prout ex omnideberis parte, exequias venite. P. P. a. d. XIX. Februarii, Anno recuperatæ gratiæ clō Ioc LXI.

Celeberrimo huic Oratori, BUCHNERO, concionem habuit lugubrem Abrahamus Calovius, D. Profess. Prim. Consist. Assessor, Pastor & Generalis Superintendens, ex Psalmo CXII, 17. 18. 19. Sub titulo; *Artificii Oratorii Magisterium.*

## EPITAPHIUM.

*Quis jacet hîc? Cujus tumulo pullatus Apollo  
Musarumque novem docta caterva gemit?  
Quemque etiâ in immitis Parcarum triga sororum  
Plorat? Cum parcis flet quoque tempus edax?*

HISTORICVS, VATES, SENIORQVE, ORATOR, &amp;

idem

BUCHNERVS jacet hac contumulatus humo,  
 Marmora, Pyramides, gemmas remove seculra  
 AVGVSTI: Crasos ista trophæa decent,  
 Ille sibi vivus monumentum tale paravit,  
 Quod nulla evertent secula, nulla manus.

CHRISTIAN, KLENGEL, D.

D. O. M. S.

NEC NON MEMORIÆ

AUGUSTI BUCHNERI,

QVEM SUI SECVLI PRINCIPEM, SUPERIORVM  
 NULLI SECVNDVM COLUIT PRÆSENS FU-TURVM, SI QVOD ERIT, ADMIRA-  
 BITVR ÆVVM.

HUMANIORVM LITER, SUMMVS VINDEK AC  
 STATOR, PROFESSIONI POES. XLV. ORATO-  
 RIÆ XXX. EPHORIÆ ELECTORAL, ALVMNOR,  
 SUPRA ANN. XXIII. PRÆFUIT: SENIOR COL-  
 LEGIO SUI ORDINIS XXIV, IN CONSILIO PU-  
 BLICO IPSOS XII, SENATOR VETVSTISSIMVS  
 ASSEDT: FASCES ACAD. TER, DECANATVM  
 OCTIES SINE EXEMPLO GESSIT: EA INDV-  
 STRIA AC FIDE, EA LENITATE ETIAM AC  
 TEMPERANTIA, INTER PACIS PERPETVVM  
 PRÆCIPVVMQVE STVDIVM VSVS VBIQVE,  
 VT ILLVSTRE NOMEN IN ORBE, APVD

PRINCIPIES PATRIÆ SEPTEMVIROS  
 SINGVLAREM PROMERERE,

TUR.

NATVS EST DRESDÆ D. II. NOV. ANNO

clb lbc XCI.

DECESSIT WITTENBERGÆ XII. FEBR.

A. clb lbc CLXI.

SEPTVAGENARIO PROPOR.

QVI MERITIS FAMAQVE TVO DE NOMINE  
 TERRAS IMPLESTI, COELVM NVC  
 TIBI MVNVS HABE.

SUPER-

SUPERSTITES VIDUA ET LIBERI,  
TESTANDÆ PIETATI IN MARITUM ET PA-  
TREM BENEMERITISSIMUM  
P. C.

## SCRIPTA.

- Liberata Saxonia, auspiciis ductuque Gustavi Adolphi, &  
Saxoniz Electoris. *Lugd. Batav.* 1634. in fol.  
Oratio de Principatu Galbæ. *VVitteb.* 1635. in 4.  
M. Acci Plauti Comediæ XX. superstites, ex recensione  
Aug. Buchneri. *ibid.* 1640. 1652. in 8. & 12.  
Oratio de quarta Virgilii Ecloga, utrumne id carmen de  
Christo Servatore Poëta condiderit, quod visum Eu-  
sebio fuit? *ibid.* 1641. in 4.  
Panegyricus Memoriz Viri Cl. Danielis Sennerti. *ibid.* 1642.  
in 4.  
Commentariolus in Aurelii Prudentii Clementis hymnum  
de Christi Natali. *ibid.* 1643. in 8.  
Epistolæ Plinii cum Notis. *Francof.* 1644. in 12.  
In Theophania, sive Natalia Domini Edyllia duo. *VVitteb.*  
in 4.  
Oeconomiz atq; conspectus nonnullarum Orationum Pe-  
tri Cunæi, cum Annotationibus in quosdam locos.  
*Francof. ad Oder.* 1643. in 8.  
Dissertationes Academicæ, sive Programmata Publica. *VVit-  
teb.* 1650. in 8.  
Oratio Panegyrica Memoriz Reverendissimi Præsulis, Pau-  
li Röberi dicta. *ibid.* 1651. in 4.  
Dissertatio de Exercitatione Styli. *ibid.* 1655. in 4. *Hanov.*  
1651. in 12.  
Panegyricus funebris Joh. Georgii I. Ducis Saxoniz. *VVitteb.*  
in fol.  
Panegyricus Illustri Viro, Friderico Mettschio, S. R. Imp.  
Thesaurario dictus. *ibid.* 1656. in fol.  
Basilii Fabri Thesaurus Eruditionis Scholasticæ, cum An-  
notationibus Aug. Buchneri. *ibid.* 1655. in fol.  
Orationes Panegyricæ & funebres. *ibid.* 1669. in 4. *Cliviz*  
1672. in 8.  
De commutata ratione dicendi. *ibid.* 1664. in 12.

Coraelius Nepos de Vit, Excellentium Virorum, cum Comment. *Hamb*, 1674. in 8.

Epistola ad D. Gotfr. Olearium, de prælegendis Latinæ linguæ Autoribus, edita per Jo. Gabr. Dreschlerum, *Hala-Sax*. 1678. in 8.

Nachtmahl des HErrn / nebst ehllichen andern Christlichen Gedichten. *VVittenb*. 1628. in 4.

Trost-Schrift. *ibid*. 1644. in 8. Weinacht-Gedanken. *ibid*. in 4.

Anleitung zur Deutschen Poeterey. *ibid*. 1665. in 12.



MEMORIÆ  
PHILOSOPHO-  
RUM, ORATORUM,  
POETARUM, HISTORICO-  
RUM, ET PHILOLOGORUM

*NOSTRI SECVLI*

CLARISSIMORUM

RENOVATÆ,

DECAS OCTAVA,

CURANTE

M. HENNINGO WITTEN.



FRANCOFVRTI,

Apud MARTINUM HALLERVORD,

Typis JOHANNIS ANDREÆ.

*Anno 1716 LXXIX.*

*IANVS DAVSA IN EPIST. AD PAVLVM SCO-*  
*VARTIVM BVSANVALIVM, REGIS GALLIÆ*  
*LEGATVM:*

SECVLI INPRIMIS PUDOREM PERICLITARI  
EXISTIMO, SI ILLI, QVI MULTIS VIGILIIS  
NON TAM SIBI QVAM PATRIÆ PROSPEXE-  
RUNT, EOQVE DE REP. POTISSIMUM BENE  
MERITI ESSENT, EORVM INCURIA VEL  
IGNAVIA QVASI INTERCIDANT, QVIBUS  
IPSI IN VIVIS SINGULARIS INDUSTRIÆ  
EXEMPLA FUERUNT.



NOBIL. AMPLISSIMO ATQVE EXCEL-  
LENTISSIMO VIRO,

D N.

GEORGIO CASPARO  
KIRCHMAIERO,

PHILOSOPHO PERSPICACI,  
ORATORI FACUNDO,  
HISTORICO SOLERTI,

IN FLORENTISSIMO AD ALBIM ATHENÆO  
ELOQVENTIÆ PROFESSORI PUBLICO,  
AC UNDIQVAQVE INCLUTO,  
DOMINO ET FAVORITI SUO VETERI,  
NOVO SUBINDE CULTU PERPETIM  
COLENDO;

QVOD NON ME SOLUM,  
ANIE DUO ABHINC ET AMPLIUS LUSTRA,  
LEUCOREÆ HOSPITEM ACADEMICUM  
BENIGNE ADMODUM EXCEPERIT,  
VARIOQVE PRÆTER MERITUM OMNEMQ;  
EXSPECTATIONEM  
HONORE MACTAVERIT;  
SED PRÆCIPUE

ΠΡΟΟΫΜΙΑΝ IPSO DEINCEPS OPERE,  
AC SUAVI LITERARUM COMMERCIO  
DECLAVERIT;

IN LUCULENTAM GRATÆ MEMORIÆ  
SIGNUM,

MEMORIAS HASCE,

A DEBITA IN ANTECESSOREM SOCERUM-  
QVE VESTRUM, ALIOSQVE,

QVI DE PUBLICA RE PRÆCLARE  
MERUERUNT,

PIETATE EXCITATAS,

OFFICIOSA MANU AC MENTE  
SISTO, CONSECRO

M. H. WITTE,

EA INSUPER, QVA POSSUM, COMITATE  
ROGANS,

UT PRISTINUM IN MUSAS NOSTRAS  
AMOREM,

ET QVICQVID LOCORUM HACTENUS DIS-  
TANTIA TEMPORUMQVE INJURIA  
NEGLECTUM,

INDISSOLUBILI BENEVOLENTIÆ NEXU  
RENOVARE AC PERPETUARE  
DIGNETUR.

SERIES



## PROGRAMMA,

*Quo*  
ad Exequias

*Viri Nobilissimi & Clarissimi;*

# DN. MARTINI ZEILERI,

Historiographi famigeratissimi,

Notarii Cæsarei, & Visitatoris Gymnasii Ulmen-  
sis optime meriti,

Bonarum artium, Historiæ inprimis, Studiosos  
invitat

## DIRECTOR ET CONSILIUM GYMNASII ULMENSIS.

**T**estis temporum, lux Veritatis, Vita memoria; magistra  
vita & nuntia Vetustatis, per urbem nostram, obliquo  
incedit capite; & sordidata, atrata, suum *Filium*, immorta-  
litati consecrandum, luget, Nobil. & Clariss. Virum; DN.  
MART. ZEILERUM amicum nostrum perditum & ho-  
noratum, Visitatorem Gymnasii nostri, quem DEUS T. O.  
olim cælo demisit, nudius tertius autem in illud animorum  
beatorum concilium, quum jam suam ætatem peregisset, &  
quidem cum plausu maximo, recepit, cuius vitam & obitum  
breviter nos delineabimus, Europæis autem pictoribus vivis  
coloribus pingendum relinquemus. Bonus autem hic Vir  
Anno 1589. die 7. Aprilis prognatus, Patrem habuit Reve-  
rendum, Doctissimum Virum, Cognominem, Pastorem in  
Pago Ranten, uno lapide ab oppido Muerau distante, supe-  
rioris Styriæ Ducatus; Mater ejus fuit Apollonia Vngerathin,  
quæ bene moratum hunc filium in lucem edidit: Dominus  
ejus parens ortum suum Archiepiscopatus Salisburg. debuit:  
Missus autem *Zuvickaviam Misnia*, studiorum gratia, Ba-  
bylone relicta, veritatem Evangelii cognovit, & inde *VVitte-  
bergam* excurrrens, *Philippum Melancthon*, ibi docentem au-  
divit; postea *Lipsiam* concessit. Jactis in Theologia funda-  
mentis, quum in patriam August. Confessionis doctrina ef-  
set introducta, suam ei operam locavit, & paræciæ Ranten-  
si

40. annos præfuit. Anno vero 1600 persecutioni notissimæ cedere coactus, *Ratubonam* migravit, & anno 162. *Vlmam*, ubi Pestilentialis Ecclesiastæ munus obiit, jam septuagenario major, ut senex crudus: Post pestem, ex gratia, singulis septimanis, unum florenum à Magistratu accepit, ad annum hujus sæculi nonum, sibi emortualem, hac quasi artha *Ulmæ* nostræ obstrictus. Filius autem ab anno 1601. Scholam nostram frequentavit, donec An. 1608. *VVittebergam* abiit, quadriennium ibi moratus. An. 1612. *Linziū* regressus, institutor factus est unius L.B. & duorum Ord. Equ. adulescentum: Non autem LL.BB. tantum, sed etiam *Comiti ab Ortenburg* à studiis fuit, & octo menses Præceptorem Publ. *Linzii* egit. Et ut fastigia solum summa repræsentem, cum L. Barone *Argentinam* profectus, biennium ibi egit: Ann. 1620. cum majori natu à *Tattenbach* in *Galliam* abiit; inde autem rediens, postquam novennium studiorum & morum, Nobilium & L. Baronum Magister fuisset, cum gratia & remuneratione numerata dimissus est. Hac ejus institutione explorata L. Baro *Gäller*, *Græcensis* Vicarius Præses, Nostrum ZEILERIUM unico suo filio, *Iohann-Friderico*, Informatorem conduxit, cum quo & *Ebyswald*, *Linziū* ad Scholam ablegatus est, Exercitio autem Religionis Evangelicæ inde exulare jussu, *Vlmam* anno 1624. cum duobus his discipulis, ex *Austria* ascendit; & ex hac Schola *Tubingam*, *Argentoratū* & *Altorffium*, præfectus eorundem abiit: Post quinquennium autem *Gracium* rediit, ubi à discipulorum suorum parentibus ad Religionem Pontificiam sollicitatus est, sed frustra. Et ut tota vita Nostri Peregrinatio esset, cum *Gällero* & *Carolo* à *Gloyach*, per *Carniolam*, *Forum Julii*, & ditionem *Venetam* *Patavium* ivit, ubi *Nationis Germanicae Syndicus* factus. *Lustratis Longobardorum* quibusdam Urbibus, *Germaniam* repetens, dimissionem honestam à nominatis LL. Baronibus impetravit. An. 1629. jus nostræ Civitatis accepit, & anno sequenti cum Vidua DN. MEHRERI, Mercatoris, nuptias celebravit, quum jam annum ætatis 41. ageret. In peregrinatione sua multa quoque passus est, sed è multis periculis à Deo liberatus, quod grato animo ad finem vitæ usque agnovit. Unum præ cæteris est memorabile, hunc Virum Lectionis quamplurimæ, altero tantum oculo suos labores omnes peregisse, oculo dextro à teneris, nescio quomodo, vitiato. Qualis fuerit librorum he-

luo, ejus *Topographia* & alia opera loquuntur, quorum non pauca nondum sunt edita. Vos Studiosi adolescentes Virtutem ex illo verumque laborem, imo & fortunam discite. Vix melior eo natus est, vix pietate præstantior, magnum continentiae & sobrietatis, affabilitatis & veracitatis ac Justitiae Exemplum fuit, & Urbis nostræ Ornamentum singulare, imo caput DEO charissimum, unde hoc anno, *suo natali*, 7. April. de Euthanasia sua divinavit, ex hac colluvione, discessum à DEO petiit, quem ei Pater benignissimus 6. Octobris, concessit, ut marasmo senili consumptus, ad JESUM suum, fratrem certissimum, jam evolarit, famæ decus post se relinquens immortale. Ejus memoria sit in benedictione. Ite exequias huic *Bono Viro*, sine titulis *Magno, Pio, Beato*: Nos autem ea lege, qua DEUS & Natura voluerit, sequemur. V. Scrib. & PP. 9. Octobr. An. 1661. ULMÆ.

Laudatissimi hujus Viri pietatem testantur Versiculi, quos ipse composuit, suæque vitæ curriculo inseruit, & ita sonant:

#### DA PIE CHRISTE.

*Conficiam spatium peregrina flebile vita,  
Dum veram vocor in patriam, qua sanguine parta est,  
CHRISTE, tuo: Tu me, post funera, magne Sacerdos,  
Suscipe, & extrema subduc discrimine lucta:  
Mors tua Vita mea est: Tu debita lytra parenti  
Solvisisti moriens, ut per Te vivere possim.  
Hac ergo fretus spe non dubitante recondar  
In mortem, DVX CHRISTE, tuam, qua janua vita est,  
Ut tecum moriens, tecum, ô mea vita, resurgam.*  
In Defuncti honorem, funebrem quoque concionem habuit  
M. Marcus VVollaibius, Ministerii Ulmenfis Senior & Scholarcha, ex Genes. 32. 10.

#### • EPITAPHIUM MARTINI ZEILERI

*Hic jacet ille senex MARTINVS notus in Orbe  
ZEILERS, scriptor maximus Historia.  
Qui varias doctus linguas, qui plurima regna  
Lustrans, per terras & mare fecit iter.*

*Mansuetus, comis, facili gravitate severus,*

*Ingenio placidus, iudicioque probus.*

*Vilibus clarus Scriptis, Candoris amator*

*Vir pius, & vera religionis amans.*

*Si dicam plura, haud quaquam dicam omnia: tu dic:*

**HIC MAGNVS ZEILER NOTVS IN ORBE IACET.**

**M. JOH. JACOBUS Manner / Eccle-**  
**siaſtes in Summo Ulm. Templo.**

### ALIUD.

*Quem dolet & lacrymis GERMANIA luget obortis.*

*Hoc jacet in tumulo FILIVS HISTORIÆ.*

**M. CHRIST. ZIEGLERUS.**

### SCRIPTA.

**Historicorum, Chronologorum, & Geographorum, secundum ordinem literarum collectorum, Partes tres, Vlma 1652. 1657. in 8.**

**Fidus Achates, sive Itinerarium per Germaniam & regna vicina. Cui accessit consilium de peregrinationibus prudenter utiliterque instituendis. ibid. 1653. in 12.**

**Germaniæ, ibid. 1651. in 12.**

**Theatrum Tragicum, oder des Francisci von Rosset, aus den Französischen in die Teutsche Sprache versetzte traurige Geschichten. Linz/ Tübingen/ Rostock/ Ulm/ Stuttgart/ Nürnberg/ Edln/ Danzig diversis annis in 8. & 24.**

**Itinerarium Germaniæ, oder die Reißbeschreibung durch Teutschland. Straßburg 1632. in 4. 1640. 1674. in fol.**

**Latine, Vlma 1652. in 12. cum figuris æneis Amsterod. 1658. in 12.**

**Itinerarium Galliæ, oder Französisch Reißbuch. Franckfurt 1634. in 8. 1640. in fol.**

**Itinerarium Magnæ Britanniæ, oder / das Engelländische/ Schott- und Irreländische Reißbüchlein. Straßburg 1634. 1674. in 8.**

**Itinerarium Hispaniæ, oder Spanisches Reißbüchlein. Ulm und Nürnberg 1637. in 8.**

**Itinerarium Italiæ, oder Reißbuch durch Weischland. Franckfurt 1640. in fol.**

- Ein hundert Episteln oder Sendschreiben. Ulm 1640. Anderes hundert. *ib.* 1641. Drittes hundert. *ibid.* 1641. Viertes hundert. *ib.* 1644. Fünftes hundert. *ib.* 1646. Sechstes und letztes hundert. *ibid.* 1651. in 8. zusammen gedruckt. *ibid.* 1648. in 8. Marburg 1656. in 4.
- Topographia Helvetiæ, oder die Beschreibung des Schweizerlandes. *ibid.* 1642. cum Appendice 1654. in fol.
- Topographia Sueviæ, oder die Beschreibung der vornehmsten Orten in Schwabenland. *ibid.* 1643. in fol. Ejusdem Appendix. Francff. 1654. in fol.
- Topographia Alsatiæ, oder die Beschreibung deren vornehmsten Orten im Elß / Sontgau und Breysgau. *ibid.* 1643. & Append. 1654. in fol.
- Topographia Bavarix, oder die Beschreibung des Bayerlandes. *ibid.* 1644. & Appendix 1656. in fol.
- Topographia Palatinatus Rheni & vicinarum Regionum, oder Beschreibung der Unterpfalz. *ibid.* 1645. & Append. 1654. in fol.
- Topographia Archiepiscopatus Moguntinensis, Trevirensis & Colonienfis, oder Beschreibung deren Churfürstlichen Erz-Bisthum Mainz / Trier und Eöln. *ibid.* 1646. & Appendix 1654. in fol.
- Topographia Hassiæ & vicinarum regionum, oder Beschreibung des Hessen-Landes / und deren benachbarten Ländern. *ibid.* 1656. & Append. 1656. in fol.
- Topographia Circuli Westphalici, oder die Beschreibung deren vornehmsten Orten in Westphalen. *ibid.* 1647. in fol.
- Topographia Franconiæ, oder die Derters-Beschreibung in Frankenland. *ibid.* 1648. & Appendix 1656. in fol.
- Topographia Austriæ, oder die Beschreibung deren Erz-Fürstlichen Oesterreichischen Landen / als Oesterreich / Steyer / Kärnten / Krain und Tyrol. *ibid.* 1649. & Append. 1656. in fol.
- Topographia Regni Bohemiæ, oder die Beschreibung Böheim / Schlesien und Mähren. *ibid.* 1649. in fol.
- Topographiæ Saxonix Superioris, Thuringiæ, Misniæ & Holsatiæ, oder Beschreibung des Obern-Sachsenlands / Thüringen / Meissen und Holstein. *ibid.* 1650. in fol.
- Topographia Saxonix inferioris, oder Beschreibung deren vor-



vornehmsten Orten in dem Nieder-Sächsischen Kreysß.  
*ibid.* 1652. in fol.

Topographia Electoratus Brandenburg. Pomeraniæ, Borussia & Livoniæ, oder Ort-Beschreibung Brandenburg/ Pommern/ Preussen und Lieffland. *ibid.* 1652. in fol.

Exilium Melancholiæ, oder Unlust-Vertreiber / aus Ludwig Garons Französischem Büchlein / Le Chasse - Ennuy genant / ins Teutsche übersetzt. *ibid.* 1643. in 8.

Descriptio Hungariæ, oder die Beschreibung des Königreichs Hungern. *ibid.* 1646. corrigiret und verbessert. *ibid.* 1660. in 8.

Descriptio Regni Poloniæ, oder die Beschreibung des Königreichs Pohlen. *ibid.* 1647. Erneuret 1657. 1663. in 8. Latine. 1659. in 12.

Descriptio Regni Sueciæ, oder Beschreibung des Königreichs Schweden und Gothen. *ibid.* 1647. vermehret 1652. 1658. in 8. Latine. *Amsterod.* 1656. 1671. in 12.

Descriptio Daniæ & Norwegiæ, oder die Beschreibung der beyden Königreich Dennemarc und Norwegen. *ibid.* 1647. 1658. in 8. Latine. 1655. in 12.

Die Beschreibung des Burgundischen und Niederländischen Kreysß. *ibid.* 1649. in 8. & fol.

Nucleus Historiarum M. Samuelis Meigerii, an unzählbaren Orten verbessert und zum Theil vermehret. *ibid.* 1649. in 4.

Ein Verzeichnuß der Churfürsten und Ständen des H. Römischen Reichs Teutscher Nation / nach den zehen Reichs-Kreysen / sambt ihren Monatlichen einfachen Anschlag zum Römer-Zug. *ibid.* 1651. 1665. in 4.

Chronicon parvum Sueviæ, oder das Schwäbische Zeit-Büchlein. *ibid.* 1653. in 4.

Hundert Dialogi oder Gespräch von allerhand Materien. *ibid.* 1653. in 8.

Manuale, oder ein Handbuch von allerley Erinnerungen / auch denkwürdigen und mehrentheils neuen Exempeln / nach dem Alphabet in locos communes eingetheilt. *ibid.* 1655. in 8.

Topographia Galliæ, oder Beschreibung der vornehmsten Orten in dem Königreich Frankreich. in XIII. Theil. *ibid.* 1655. in fol.

Historischer Anzeiger vieler Heiligen Leute/ Martyrer/ Kirchenlehrer/ und anderer hocheleuchteten/ vornehmen und berühmten Personen beyder Geschlechts/ so um die Zeit Christi/ und nach derselben bis aufs Jahr 1400. gelebet/ 1c. *ibid.* 1657. in 8.

Collectanea in 2. Theil. Augsp. 1658. in 8.

Vier Centuriæ Variarum Quæstionum. Ulm 1658. 1660. in 8.

Exempel-Büchlein in 3. Theil. *ibid.* 1660. in 8.

Miscellaneæ Epistolarum Centuria. *ibid.* 1663. in 8.

Compendium Itinerarii Germaniæ Nov-Antiquæ, oder ein kurzer Begriff des im 1632. Jahr in 4. in 2. Theil ausgegangenen Reißbuchs durch Teutschland. *ibid.* 1662. in 8.

## DANIELIS PERCKRINGERI PARENTATIO PROSAICA,

SVPER

Luctuosissimo Obitu

*Vndique Celeberrimi, & undecunque Doctissimi Viri,*

## ANTONII ÆMILII,

Historiarum & Politicæ Exemplaris

in

Academia Ultrajectina Professoris Ordinarii,

Polyrhetoris & Polyhistoris

incomparabilis,

**D**E Antalcida Lacedæmonio, confarcinatore & compaginatore famosissimæ pacis, initæ inter regem regum Artaxerxem Mnemonem, & Mavortiam Græcorum gentem, quæ ab Autoris sui nomine Pax Antalcidæ vocari meruit, de hoc Antalcida Lacedæmonio, more suo Laconicante, referunt palliatæ historiæ conditores, eum, cum anonymus Sophista forte recitaturus esset catalogum logiorum atque elogiorum Herculis Thebani, Jovis fatu editi, si credere dignum est, aut Amphitruonis verius & Alcumenæ seminio profeminati, ex abrupto intercessisse, interfatumque, cucurbitarium illum encomiasten, vel, si roavis, viti-præconem,

nem, interpellasse in hæc verba : Quis Herculem vituperat, ut opus sit eum laudare ? Næ apposite, meo judicio ! Supervacanei quippe laboris esse videtur, commendare conspiciuos, perindeque absonum, atque si quis in sole positus facem & funalia præferre, accensusque luminum claritudinem diei adjuvare gestiat. Liceat mihi, pace tamen quod fiat vestra, auditores, hodie ex hoc loeo Ἀντιλαιδίζεν, & compendifactis compendifaciendis, idem gemino modo pronunciare de nostro Μακαρίτη, vere Hercule θανυματὺργῳ καὶ ἀποτροπαίῳ τῶν κακῶν, domitore atq; averruncatore monstrorum; non corporis, sed animi, non temporum & locorum, sed mortum ac humorum: Quis ÆMILIUM nostrum, magnum, majorem, maximum ÆMILIUM nostrum, nunquam sine præfatiuncula laudis nominandum, vituperat, ut post fata ac funera eum postliminio opus sit laudari? Cui enim non intime & extime notus hic Hylas? Cui non studiorum suorum claritudine innotuit alter hic Scipio Nasica, corculum qui Reipublicæ togatæ quondam à Populo, optimus vero vir à Senatu judicatus, dignusque Patribus visus, qui Magnam Matrem Tellurem, tunc primum in urbem gentium dominam ex Phrygia advectam, in eam introduceret; ejusdemque imitatione noster nostratem hanc Noyellam Academiam, Patrum Conscriptorum animo ac voluntate, in Inclytam hanc Urbem Ultrajectinam, præmisso antea mbulo sermone panegyrico, in Templi Dominici augusto auditorio, cujus sermonis, si bene admemini, hoc tunc fuit caput. Quia tamen fere moribus sit, verum improbis & improbandis, ut laudem alii mereantur, alii vero habeant, nemoque sapienter laudari possit, (verba sunt Salviani, Christianissimi scriptoris, & novi sui temporis Jeremiæ,) nisi in exitu vitæ, non in pueritia, non in juventute, non in statu rerum incolumium, non in successibus & prosperitatibus secundorum, quia in his omnibus, quicquid laudatur, incertum est, ideoque quam diu quis subjacet mutationi, nequit cum securitate laudari, saltem juxta Solonem & Solonistas, quorum hic Solonismum sequitur, horum, ne per incuriam, aut memoriæ lapsum, adeoque per immemoriā, præteritus compertæ pietatis, honestatis, eruditionis heros videatur, nostrisque inornatus relictus chartis, ex quo ex hoc hypogæo, dicam, an apogæo, ex inferioribus, inquam, provinciis in superiores profectus est, cominus Agonia sive Agonalia ejus, hoc est, Heroicam Vi-

tam

tam & Mortem, brevibus, quasi in bene lineata tabella, delineabimus, penicillo quidem nostro, at coloribus alienis, suppeditatis è domo mortuaria defuncti. Cui rei dum operamur, togam quælo cum Catone Censorino paulisper componite, & eum ea insimul animum togatum. Unde autem potissimum textum hujus prætextæ, textentis historiam & *Maxapira*, Exprofessoris ÆMILII, quo Academia, à primis suis incunabulis, vix habuit Professore præm, saltem non superiorem in Facultate, detexam, unde? Annon commodissime à Patria, sive natalitio solo, quod cuique Pòlus dedit, non Àrcticus, non Àntarcticus, sed Olympicus, id est, Deus, utriusque poli politor, qui, quemadmodum avibus aërem, piscibus aquam, animantibus feris sylvas & montes, in Oeconomia mundi assignavit, ita hominibus terram, Africam aliis, Asiam aliis, Europam aliis, pro natalibus dedit, illi Ægyptum Africæ, isti Syriam Asiæ, huic Græciam Europæ, in ipsa Ægypto, illi Alexandriam, in Syria isti Damascum, in Græcia huic Athenas. Unde triplex resultat Jus Orbinitatis & Urbinitatis, Universale, quo de quis Africanus Asiaticus aut Europæus audit, Particulare, quo de Homo Ægyptius Syrus aut Græcus, & Singulare, quo de Civis Alexandrinus, Damascenus aut Atheniensis. Noster heros, servato triplici hoc juris intergerini discrimine, notione fuit Europæus, quæ pars mundi cæteris præfertur, & quoad togæ, & quoad sagi studia, natione Germanus, vere Germanus, non magis nomine, quam re & professione, facie, quam persona, nativitate Aquisgranus, sive de Urbe Aquisgrano, sic denominata, inde à saluberrimis calidarum aquarum natibus & medicabulis, hinc vel à Grano, Neronis fratre, minimum agnato proximiori, vel à Serenio Grano, Præfide Romano, qui hanc primulum condidisse fertur, rerum per Imperium potiente Adriano. Hæc urbs ad novitium vitæ candidatum prima sinu suo excepit, fasciisque rubentem, atque adhuc à matris utero fumantem, involvit, hanc voce sua primulum consalutavit, pedibusque suis preffit, hoc clariorem, quod Caroli Magni palatio eo superstitite, & Mausoleo, eo è vivorum contubernio sublato, inclaruit, lapsuque temporis Romano-Germanicorum Imperatorum coronatione, quæ fiebat per coronam ferream, pendentem in summis lacunaribus templi primarii, quo coronati modo, præter Ludovicum Pium, Lotharium, Henricum Aucupem, Ru-

Rudolphum Habsburgicum, Adolphum Nassovicum, Albertum Austriacum, Ludovicum Bavarum, Wenceslaum Ignavum, & Sigismundum ejus fratrem, Maximilianum item & Ferdinandum, hujus nominis primos, tres Ottones, quatuor Henrici, tres Friderici, duo Caroli, Quartus & Quintus, observataque fuit hæc consuetudo tantisper, donec consuetudo contrariam consuetudinem cassavit, fecitque cessare. Hodie non tam urbs est, quam cadaver urbis; & butrum, in cineres nuperrime redacta tumultuario incendio. Verum enimvero, quorsum hæc tam multa de patria? Ut intelligatur, auditores, quod, quemadmodum ea, si cui benignitate boni generis obtingit clara atque illustris, ortum alumni sui nescio quomodo reddit illustriorem; sic si cui malignitate mali generis, aut magni geniorum generis potius, eadem contigit abjecta, obscura aut infamis, eam ejus natales nescio quomodo tenebris suis obscurare, aspersumque maculis fœdare, nisi quod hoc fallere dicunt, si vel nobilem patriam quis scelere suo ignobilitarit, v.g. Clodius aliquis aut Catilina Roman; omnium urbium matrem & reginam, terrarum columen & caput, orbis terrarum epitomen, mundi templum, domicilium imperii, omnium regum & nationum arcem; vel ignobilem patriam virtute sua, & recte factis, nobilitarit, v.g. Aristoteles Stagiram, Ulysses Ithacam, in asperissimis saxulis velut nidulum affixam. Olim certe magno honori datum esse legimus, si quis Græcus audiret, vel Latinus, Civis Atheniensis, vel Romanus, quæ res Thalem Milesum quondam movit, ut Dis gratias triplici nomine ageret, puta, quod homo, & non bellua, mas & non femina; denique Græcus & non Barbarus, natus fuisset; contra vero probro datum esse accepimus, si quis audiret monosyllabus Phryx, Thrax Cres, bisyllabusve Mysus vel Lydus. Nec abs re utrumque utrinque; Multum quippe refert, de mente Satyrici, sitne quis

*Colchus an Assyrius, Thebis nutritus an Argus?*

Corinthiusne quis, an Atheniensis, quoniam Athenis melior multo luna lucere, quem Corinthi, veteri dictorio. Sed scilicet magis interim spectandum, ut quis moratus, & qui educatus sit, quam ubi natus; præstatque in comparatione, aliqui dedecori esse patriam, quam ipsum patriæ, quod responsum quondam dedit cuidam Atheniensi; sibi natale solum petulantius exprobranti, Anacharsis Scytharum Socrates. Sed transeo recta à Patria ad Parentes herois nostri literarii, quæ

quà Remotos, quà Propinquos, quà Proximos. Remotiorum parentum nomine mihi veniunt Majores de Familia Melia, ex qua κατὰ πρόσθεσις, sive per appositionem capitis, noster, ut erat ὀνομαστικός, felix faber in cudendis vocabulis, fabrefecit Æmiliam, quid habentem de idiotismo Romano. Propinquorum parentum titulo agnosco ascendentes, à secundo gradu usque ad sextum inclusive, quos omnes constat Deo & virtuti usque litasse, quasi patrissando & matrissando, πατρυζαδίας majorum excipiente ἀδελφουζαδίας minorum, faculam virtutis alteris tradentibus, accipientibus alteris, de manu in manum, quasi per λαμπρὰ φορέαν gentilitiam. Proximorum parentum locum sibi vendicant uterque parens, & à quo genitus est noster, qui pater alio nomine, & ex qua genitus est idem, quæ mater alio nomine, ille dispositione naturæ generantis gignens in alio, non in seipso, hæc gignens ab alio in seipsa, at non à seipsa. Quis ille, & quæ illa? Pater τῷ Μακάριῳ fuit Jan Meles, qui consulem egit plus vice simplici Hassellis Leodiensium, unusque ex Octoviris fuit, quibus hodieque debent leges suas patrias Hassellenses, ut olim Romani Decemviris leges duodecim tabularum, quas Patres rogarunt, Populus jussit, Mater fuit Elisabetha van Hobraecken, Filia Antonii van Hobraecken, & genio nobilis, & genere in cujus rei Probam suppetunt documenta domestica non una. Hi exoriente procella persecutionis, tantum non ejecti sedibus patriis, quo conscientiæ suæ facerent satis, hac occasione religionis ergolares suos transferre Aquisgranum, atque ibi fortunarum suarum domicilium constituere cœperunt, transgressi ex vicino agro Leodiensi in contiguum Juliacensem, altero parente uterum ferente, ex quo prodiit hic pullus insigniter cristatus Antonius Æmilius, tunc Melius, anno salutiferi partus, post millesimum quingentesimum octuagesimo nono, vicesimo Decembri, die Mercurii, circa sextam vespertinam. Sed juvat audire super hoc argumento Æmilium redivivum, hodieporicam vitæ suæ, quæ nil aliud quam hodieporia, deponentem de se in hæc verba, quæ arrectis auribus accipite, sultis ab Hercule vestro, partim apud superos, partim apud inferos, constituto. Antonius Æmilius natus est Aquisgrani, anno clō 15 LXXXIX. parentibus gente & domo Brabantis, Jano Æmilio, & Elisabetha ab Hobraecken: Pater prima juvenia Antverpiæ, dein Romæ,

Romæ, mercaturæ operam dedit, & domum denique reversus, eandem continenter exercuit, missis in exteras regiones mercimoniis, inprimis in Britanniam, quo subinde commereare consuevit. Cum autem à tenera ætate Pontificiæ superstitioni innutritus, Romæ, quod ipse nonnunquam inter familiares narrare solebat, Italos, in ipso sacro Missæ, de suis impuris amoribus confabulantes audisset, Romanam religionem primo suspectare, & magis magisque in dies cepit fastidire, ac Reformatam denique tacite amplecti, adeo ut in Ebutonibus iterum consul designatus, veræ pietatis causa solum vertere, & inter alienos sospitari, quam apud suos maximis extolli honoribus, maluerit. Aquisgranum itaque, una cum parturiente uxore, & tribus liberis, profugus, & mox in Ecclesiæ Presbyterium adscitus, filium suscepit Antonium Æmilium, qui inibi à prima pueritia Latinis literis imbutus est à Johanne Kunio, viro litteratissimo, & gymnasii apud Aquisgranenses præfecto: cum vero mandato Cæsaris templa Reformatorum & Scholæ claudi juberentur, sub eodem præceptore, in Juliacensem agrum profugo, sua studia constanter persecutus est, quoad una cum parentibus migraret Dortrechtum in Batavos, ubi Rectori Adriano Marcello, & mox clarissimo viro, Gerardo Vossio, in disciplinam traditus est, à quo gnaviter eruditus, & Academicis lectionibus jam maturus, Lugdunum, ad capiendum uberiores ingenii cultum, missus est, ubi Rudolphi Snellii, celeberrimi id temporis Mathematici, & Dominici Baudii, Professoris Historiarum, frequens auditor fuit, & Josephi Scaligeri cultor & admirator maximus. Dein visendis exteris Academiis quadriennium impendit, ac primo Heidelbergam concessit, in contubernium celeberrimi viri Davidis Parei, & præ cæteris ejus loci viris clarissimis, inprimis Dionysio Gothofredo, J. C. Hippolyto à Collibus, Marquardo Frehero, & Jano Grutero, familiariter usus, ad Palatinam Bibliothecam frequenter admissus est, præcipue Græcorum codicum studio, quo tum potissimum tenebatur; hinc Argentinensem Academiam, & mox Gallicas prope omnes adiit, ubi in illustribus viri, Philippi Mornæi, Plethiaci Domini, amicitiam recepto, quæ ejus erga externos singularis erat benignitas, quorûvis librorû fuit copia. Utq; à populariû turba, qui ad Ligerim frequentes coire solent, longius secederet, in Aquitaniâ deniq; profectus, æstivos

men-

menſes in Monte Albano, & agro Tholoſano, exegit: No-  
viſſime, Galliarum extima circulaſtus, aliquandiu in Allobro-  
gum & Rauracorum Academia, ſubſedit, Coloniaenſi quoque  
& Lovaniienſi perſuſtrata, Domum redux, cum jam expleſ-  
ſet annum XXV: protinus ſuo præceptor Gerardo Voſſio  
ſucceſſit in Dordraceno, & paucis annis poſt, hac in urbe  
Hieronymiano præfectus eſt; Lugdunum denique ab Aca-  
demie Curatoribus vocatus eſt, per Clariffimum virum  
Conſtantinum L'Empereur, ſed Ultrajectinam conditio-  
nem prætulit, ubi ad Hiſtoriarum profeſſionem delectus, per  
annos plus quam XXVI: enarravit Annales Taciti, &  
quandoque aliquem ex libris Suetonii? Haſtenus redivivus  
Æmilius, in cujus ſcripto authentico teſtimonio, quod loco  
mille teſtium merito eſſe debet omnibus, (abſit enim, ut ſi-  
dem deſuncto negemus, quam adhibuimus adhuc vita fun-  
genti,) quoniam quædam abbreviata, quædam plane præ-  
termiſſa, videntur, ideo in ſupplementum & complemen-  
tum, qua indiſtorum, qua diſtorum dicendorumve, huic to-  
gæ conſuendæ aſſuenda eſt hæc ſimbrtia. Scilicet Rector  
Hieronymiano jure optimo maximo datus noſter, ab am-  
pliſſimo Senatu Ultrajectino, anno ſeculi ſexti-decimi unde-  
viceſimo, poſtquam poſt domuitionem ex Gallia, per qua-  
driennium modo non integrum, Scholæ Dordracenæ ſum-  
ma cum laude præſuiſſet, ſucceſſor Voſſio, ad Profeſſionem  
Lugduno-Batavam evocato, designatus in Præfectura Scho-  
laſtica. Rebus domi Scholæque conſtitutis, de ſociâ tori ſe-  
rio cogitare cœpit, connubioque felici ſibi aſſociavit, anno  
ſeculi currentis viceſimo tertio, Agnetam van Langen Vol-  
lenhovianam, virginem nobilem, filiam Johannis van Lan-  
gen, Eccleſiæ Ultrajectinæ Miniſtri, eademque Deputati ad  
Synodum Dordracenam, quæ id temporis forte celebraba-  
tur, neptem vero Rudolphi van Langen, Ducis Legionarii in  
militia Belgica, & Excubiarum Suppræfecti. Ex hac ſtante  
matrimonio ſuſtulit unicum filium Johannem, patri ſuppa-  
rentantem in præſenti choragio, ut paternarum opum here-  
dem ex aſſe, ita & virtutum patriatum, præterque prænomi-  
natum filium binas filias, Eliſaberham & Gertrudem, ambas  
prædeſunctas ante utrumque parentem deſunctum. Hæc  
domi acta, & apud privatos penates, Publice ſe omnia bene  
habuerunt, niſi quod aliquot annis poſt Schola quaſi eclip-  
ſin paſſa eſt, abdicante ſe Rectoratu ejus noſtro, ſed non  
toto



toto vertente quadriennio ad vetus præsepe suum revocato, addito auctario Professionis Historicæ in Illustri Schola, Factum id anno tricesimo quarto, decimotertio mensis Decembris, In confinia aut interfinia hujus temporis incidit Vocatio Lugduno Batava ad Professionem Græcam, quæ aperta erat per discessum Vossii ad vicinos Amstelodamenses, quamvis haud dubie secutura fuerat alia priori pinguior, secutura, dico, sed longo intervallo, in locum Heinssii emeriti, nisi Pallas Ultrajectina huic conatui injecisset securim, aucto stipendio Æmiliano, sub decessum Schotani Jurisconsulti ad prensatores Batavos. Hic vero, qua dexteritate, æquanimitate, sedulitate, fidelitate, humanitate, quove adeo cum apparatu ac successu, semel mandatam sibi provinciam Academicam, domi administravit, per viginti sex amplius annos, parietes, *μὲν Διδ.* & pulpita ac subsellia Academica, siquidem his usura vocis esset, locupletissime, vel abs se, etiam me intestante, testari possent, palmamque studiosis, idem contestantibus, facere ambiguam, quos instar Heliotropii miraculo eruditionis undique ad se traxit, corculum orbis literati, Musa, inquam, decima, & Gratia quarta, Æmilius. Dico, miraculo eruditionis, Sive enim in homine Professore desideres Latinitatis & Græcitatæ cultum, næ ille fuit Latiniissimus inter Latinos, Græcissimus inter Græcos! Sive Antiquitatis mysterium & scrutinium, næ ille fuit Antiquarius, si quis alius! Sive Historiarum, tam Archaicatum, quam Neotericarum, familiarem cognitionem, næ ille fuit, Historicus primæ cæræ, neque tam Polyhistor, quam Pantohistor! Sive Eloquentiæ studium, næ ille fuit in oratione Græcæ Cicerō Demosthenes, & Latinus Demosthenes Cicero; in carmine vero, Græcæ Virgilius Homerus, & Latinus Homerus Virgilius! Sive Donum *Ἐρμηνείας*, næ ille fuit alter Hermes hæc parte! Verbo *τὸ πᾶν*. Me quod attinet, equidem mihi videor etiamnum illum videre audireque, jam dissertantem è concione Academica in Tacitum, jam in Suetonium, jam alloquentem Augustum Imperatorem, artibus Politicis statuminantem Imperium, jam exercitum Romanum, armis Arminii undique circumventum, jam debacchantem & destomachantem in Sejanum, jam consolantem Germanicum moribundum, jam impropertantem Caligulam, jam liberius atque asperius invehientem in iracundum Rectorem populi, ambitionemque civilem, jam commendantem bellum, disre-

commendantem pacem, jam erudientem & instigantem Ordines Fœderati Belgii de maximis momentis rei maritimæ, tanta vocis & manus majestate, quæ utraque valuit, singulari naturæ pariter & artis privilegio, ut non tam verba facere Æmilius, quam Hortensius aut Gracchus, cui concionanti eburneola fistula servus Erycinus clam inflare sonum, quo illum aut remissum excitaret, aut intentum revocaret, videretur. Tanti æstimii vir cum fuerit Æmilius, tamen nec Historica, nec Oratoria, nec Philologica, nec Philosophica, nec Politica Studia, immo omnes novem Musæ, collegialiter congregatæ, quæ in ipsius capite, tanquam in vivo atque inambulante Musæo, cohabitarunt, cum nec à morbis, nec à morte, absolvere potuerunt, quin ægresceret primo, hinc ægrotaret, demum moreretur more majorum, morte sua consignans vetus Senatusconsultum: Terra es, & in terram postliminio redibis, homo in humum scilicet, ex qua sumtus est, alias immediate, morte intempesta, inopinata, inexpectata, quam expeditissimam & expedientissimam olim pronunciavit Julius, suoque huic pronunciato fidem fecit exemplo; alias mediate præmissis apparitoribus mortis, quos olim Lethus, devictus ab Hercule ad bustum Alcestidis, & curatus à Phærao Medico, huic promississe fertur, cujus promissi compos quoque suo loco factus est noster, à quatuor ex ordine viatoribus, de ultima necessitate, multo ante præmonitus, citatusque ad vadimonium mortis, puta à nephritide, hernia, podagra, & cachexia, qui morbi sicut & cognata symptomata, ceu sunt, pсора, scabies, defluxiones, oppilationes, tussis, febres, phthisis, sellulariam ac sedentariam vitam profitentibus, qualis quoque etiam est litteratorum, (Quid enim litterati aliud, quam sessibula mera, Plautina dictione?) oppido quam familiares esse solent. Ac nephritis quidem, (quæ vox accipitur in sua latitudine, in diatribis Medicorum, pro omni affectu, quo *οι νεφροί* incommodantur & infestantur, verum hic loci presse ac compressse pro calculo renum & vesicæ, orto ex humore seroso, pariente stillicidii difficultatem, tanto tamque acuto cum cruciatus sensu, ut Medicorum filii pro Maxima habeant, si per leges naturæ fieri posset, intestino hoc tormento proditores patriæ excarnificandos esse,) hæc nephritis, perpeffitium senem nostrum, cui nunc inferias Academicas persolvimus, primulum invadere atque inquietare cœpit.

ante sexennium, in itinere, quod ingressus erat pater, tempore diludiorum Academicorum, cum suo unico Aquisgranum versus, salutaturus adhuc semel natale solum, eademque consalutaturus natalem urbem, dans hoc officium pietati in patriam, cujus fuit studiosissimus amantissimusque. Hanc anno post, sive ante quinquennium, quasi ex compacto, excepit hernia, causata ex descendencia intestinorum, è loco suo naturali, in scrotum, id nominis sortita ἀπὸ τῆς ἱπύας, sive à ramo, eo quod, ubi in scrotum præcipitat, figuram rami præ se ferre videatur. Herniam secuta est biennio post, sive ante triennium, arthritis, quæ podagra Latinis, quasi ἀγρὰ τῆς ποδὸς, pedis captura, divinum quæ paradisus vulgari dicterio audit, vera autem re lautumia est minime lauta. Postremo ante trimestre præter propter, amissa consorte tori, quam tenerrime amabat, (à cujus obitu, dicam, an abitu, nunquam inducias, nedum pacem, domi habuit,) ecce ad tria pessima K K K. nephritidem, arthritidem & herniam, accessit quartum K. persuade cruditas stomachi, conjuncta cum cachexia, sive nequam habitu corporis, atque ita ad triplicem vexam, quasi alluvione quadam malorum, affluxit quarta, animans & commasculans tres priores in caput decubentis, qui, cum quatuor morbis fonticis conflictaretur & affligeretur, tandem deficiens viribus, sub quadruplici hoc onere, cui ferundo vix humerosus Atlas, aut lacertosus Hercules, erat par, hostibus suis dedit victas manus, herbamque, quod ajunt, porrexit. Atque ita Heros Æmilius, in primo ardore & paroxysmo lectionum publicarum, cum eum, facto impetu, hinc duo, inde totidem, aggressores hostes, uno agmine invaderent, (ne Hercules quidem adversus duos, nedum quatuor!) neque tantum pausæ darent, ut auditoribus suis diceret ultimum vale, prout apud animum suum constituerat, ecce post sex septimanarum decubitum, convalescit sarcinulis suis, secundum Rector Academiæ, & multoties Senior Ecclesiæ, spiritum naturæ, (naturæ autem? immo Domino naturæ,) resignavit, non sine cordolio & dividia omnium bonorum, maxime vero domesticorū, & civium Academicorū, in medio æstuario tumultuantium morborum, & voce, & gestu, & animo, sibi constans, ut non alieno à vitæ desiderio, absq; ferreis his compedibus esset, ita nec averso à mortis approximatione, ut qui multo ante didicisset in schola Christi, è verbo dominico, diē hanc emortualem alterius vitæ natalē esse,

mortemque, quam ante nos passi sunt omnes, & post nos passuri sunt omnes, sine privilegio exceptionis, aut prærogativæ, non tam exitum esse, quam transitum ex Ægypto per mare rubrum in terram Canaan, (juvat ἀναγορίσειν) quas cogitationes qui affert ad mortis meditationem & commemorationem, næ ille non moratur, sed æquo animo moritur, prout mortuusque est noster Æmilius, paulo ante mortalitatis & mortis, nunc immortalitatis candidatus, ex quo in vivis esse desiit, id quod factum circa confinium quintæ antelucanæ, duodecimo Novembris die, anno æræ Evangelicæ, post millesimum sexcentesimo sexagesimo, Professoratus vero anno vicesimo septimo initiali, cum biduo ante ad calidas preces Gisberti Voëtii, & Jodoci Lodensteinii, clarum reposuisset fiduciarium & valedictorium Amen, idemq; reiterasset eodem animo ad Joannis Flamani supplicationem devotam, septimhorio ante decessum, Exuvie defuncti, de consilio Medici, eorumque, quorum intererat, apertæ per chirurgum publicum, & tres calculi in affectis partibus reperi, in dextro rene unus, referens ad vivum colorem & magnitudinem ungulæ gingiberis, in sinistro alius, ad magnitudinem cochleæ marinæ corniculatæ, priori major, in vesicæ vero recessibus hinc tertius, ovi anserini, rotundati magis quam rotundi, magnitudine, duobus alveolis, quasi arte ductis, conspectior. Sed mitto malignos Saturni calculos, animi qui sunt eculi, & corporis carnificina mera, benignumq; sententiæ meæ calculum, pro editis atq; ineditis in re litteraria monumentis à defuncto, pono, quæ minime cum eo contumelanda consepeliendave. Quæ illa? Orationes & Poëmata omnis generis, cedro vivaci, an cælo, dignissima, sed digniora interim, multa arte elaborata, sæpiusque recocta, scholia in Tacitum, & ad Tacitum, non magis tacenda, quam ipse Tacitus, cur? quia enim quomodolibet genium atque ingenium commentatoris exprimunt, non secus ac filium parentum filii inde dicti. Verum enim vero, quid ego vivum characterem Æmilii mortui apud mortuos quæro hoc est, libros, qui mortui consiliarii, vivi vigentisq; potius iconæ intueamur, in dictis & factis, non scriptis. Atque adeo, quid impediatur quæso, quo minus dictum Æmilium, propter similitudinem vocis, orationis, incessus, gestus, denique morum & humorum, cum Viro Magnanimo, prout eum in moralibus descriptum it Aristoteles, παρὰ πηλός coronidis loco con-

conferamus, hoc amplius, quia non ovum ovo, ficus ficui, similior, quam ille huic, hic illi. Quid ergo Aristoteles, Peripateticorum pater? Ille vero *γνῶσις* magnanimum ita delineare ingreditur, ut huic adscribat, cum alias, quæ animi, quæ corporis, quæ fortunæ, dotes, cum has, quod sit dominus passionum suarum, & neque secundis rebus erectior, neque adversis dejectior, quod inquerulus & insupplex, inadmirator, immemor injuriarum, invindex, inconviator, indissimulador, quod nihil minus, quam pronus ad laudandum, vel vituperandum, ut non laudator sui, ita nec adulator aliorum, quod aperte amicus & inimicus, verax, liberi animi atque lingua, conversabilis, munificus, verecundus, vocis gravis, orationis sedata, incessus tardi, denique pulchrarum potius & infructuosarum, quam fructuosarum atque utilium rerum, possessor: quæ charismata omnia sic in unum Æmilium confluunt, quemadmodum in circumfluum oceanum flumina. Ut ad singula me dedam: Dominus passionum suarum est Magnanimus; mortificando eas domi moraliter, ne quo pacto obstant virtuti, sed huic ancillantur, tanquam famulæ & pedissequæ rationis. Παρρηλῆως Æmilius! Nec rebus secundis erectior, nec adversis dejectior, est Magnanimus, dum, utcunque ceciderint Jovis taxilli, tam εὐτυχίᾳ, quam δυστυχίᾳ, recte atque erecte fert; neque secundis rebus sublimatus lætitia, neque adversis profligatus mœrore, & neque perturbationi, neque fortunæ, neque hominibus, succumbens. Παρρηλῆως Æmilius! Inquerulus & Insupplex est Magnanimus, dum de rebus ad vitam necessariis, si forte hæ ei desunt, non muliebriter conqueritur, aut aliis eo nomine supplicat, propterea quod omne querulum sua natura sit invalidum, hocque communiter faciunt illi, qui toti in his rebus sunt, omnem operam ponentes in re familiari conquirenda, quæ res à genio atque ingenio magnanimi alienissima, quem sicut tædet queri, ita pudet, pigetque supplicare. Hinc non plorat, si forte non sit factus prætor Romanorum, non consul, aut si consul, quod non prior: non queritur de ariditate & siccitate, si æstus est, non de inundatione, si ubertim pluit, non de sterilitate, si infœcundior annus est, non de vilitate annonæ, si idem est fœcundior, scit ei, qui per frequentia urbis loca properat, in multos incursandum esse, alicubi labi necesse esse, alicubi respergi. Παρρηλῆως Æmilius! Inadmirator est Magnanimus, quia nihil ei magnū

præ se, ac sua virtute, quo fit, ut licet admiretur intrinsece virtutem sui comparis, Agesilaus virtutem Epaminondæ, Hannibal Scipionis, tamen non facile miretur extrinsece, vel res, puta, raras, novas, inopinatas, fortuitas, peregrinas, vanas, abstrusas, vulgares, eo quod sciat plerarumque causas; admiratio vero ex ignorantia earum, deficientiaque experientia, oriatur, vel homines, v.g. multorum famulorum comitatum, eo quod, quæ eximia plerisque & præclara videntur, parva ducat, eaque stabili firmaque ratione contemnat. Παραθήλας Æmilius! *Immemor Injuriarum est Magnanimus*, parvi pendens injurias, sibi non digno illatas, nisi forte sint famosæ, hoc est, alte convulnerantes & confauciantes famam, quæ non magis ludum patitur, quam oculus. Cum enim sibi domi non sit male conscius, ideo suam existimationem haud lædi putat illis, quarum propterea nec meminit, gnarus, sicut imbecilli animi est inferre injuriam, ita alti atque excelsi, esse, eam perferre cum Socrate, præsertim ab iis, qui non didicerunt bene loqui, Παραθήλας Æmilius! *Invidex est Magnanimus*, ut qui non cito moveatur ad vindictam, sive injuriæ depulsionem, ne, dum gestit contumelia probari indignus, faciat se ea videri dignum, cum domesticæ imbecillitatis confessione, quia imbecillia se lædi putant, si vel obiter tanguantur. Παραθήλας Æmilius! *Inconviciator est Magnanimus*, dum convicia, quæ vocant, stoliditatis, insecutiæ, inopiæ, ignobilitatis, negligit. Philippi Macedonis exemplo, qui Nicanorem conviciatorem beneficio suum fecit, dicens, in sua potestate esse, bene vel male audire; parilique Vespasiani, dicentis ad Demetrium Cynicum, se canem latrantem non occidere. Παραθήλας Æmilius! *Indissimulator est Magnanimus*, dum ea, quæ in se laudabilia sunt, haud dissimulat, nisi forte apud vulgus hominum, non capiens ejus magnitudinē, cujus sicut laudes haud captat, ita huic nec consilia sua aperit, monstrando totam suam magnitudinem, Afranii simulatorem agens hac parte, non Ulyssis Homericæ Παραθήλας Æmilius! *Nihil minus, quam pronus ad laudandum vel vituperandum est Magnanimus*, quia neq; de se, neq; de aliis, libenter loquitur, neq; ut ipse laudetur, vel alii vituperentur, magnopere curat, ne videatur esse similis ventosis hominibus, superbix vento inflatis, qui aliorum reprehensiones suas laudes, aliorum laudes suas reprehensiones esse existimant; nedum ut laudes vicissim lau-

laudaturos, ne præsumatur mutuum rudere velle in præconiis, vanamque fœnerari gloriolam. Παράκλητος Æmilius! *Ut non laudator sui, ita nec adulator aliorum, est Magnanimus: Non laudator sui, ad exemplum Pyrgopolinici Plautini, aut Thraſonis Terentiani, ſimiles quos recte dixeris rotis, hoc vitioſioribus, quo majorem edunt ſtrepitum & ſturdorem, Cymbaloque Dodonæo indefinenter ſonanti, ecur? ut qui, cum Piſone, quæ agenda ſunt, curet, absque oſtentatione agendi, cumque Salluſtiano Jugurtha, plurimum facere, & minimum de ſeipſo loqui, ſoleat, non quaſi non & ipſe in ſui ipſius laudes abeat quandoque, verum tempeſtively, citraque, ut invidiam, ita offenſionem cujuſquam: Non etiam adulator aliorum, ut qui neſciat alterius vivere ac regi imperio, ne dum aliis aſſentari, & palpum obtrudere, granditer fœtetiando, auriumq; caſtarem reverentiam nuptis inceſtando verbis, more ſcurrarum & paraſitorum, quos conſtat quaſi clavum figere in oculis Thraſonizantium, omniaq; ad voluptatem loqui, ad veritatem nihil, cujuſ profeſſionē pro crimine læſæ majeſtatis habent in ſuo ludo. Παράκλητος Æmilius! Aperte amicus & inimicus eſt Magnanimus, dum ſe palam amicum vel inimicum profiteatur, animum in primori fronte gerens, cum Ennio tricorde, ut qui neminem metuat, ideoque nec diſſimulet cujuſquam cauſa, quod metuentis, cujuſ proprium, fronte occultare ſententiam, quo magis ingenuum eſſe perhibent, quem vel aperto odiſſe odio, Παράκλητος Æmilius! Verax eſt Magnanimus, ut qui ne pro Dei quidam laude mehtiat, itaque teneat veritatem, ut, quod in ipſo eſt, hoc ipſum quoque ſit in verbis, eaque, quæ per ſe dulcedinem habent, dulcia, quæ amaritudinem, amara appellet, ſcapham ſcapham, ligonem ligonem, neque unquam peripheriam ejus egrediat, etiam tunc, cum taciturnitas prudentiæ & juſtitiæ leges jubent tacere, neque indifferenter omnem omnibus omnino veritatem enunciare. Παράκλητος Æmilius! Liberi animi atque lingua eſt Magnanimus, ut qui neſciat παραυλιζεσθαι, byſſina verba loqui, omniaque, quæ libertatem dicendi prohibere poſſunt, magno animo deſpiciat, & extra miſerias, & in miſeriis, præſertim ultimis, quæ hoc habere perhibentur, ut dent animum ad loquendum liberiuscule. Παράκλητος Æmilius! Converſabilis natura eſt Magnanimus, ut qui omnibus prudenter ſe accommodare ſit doctus,*

utens adversus summos, hoc est, eos, qui vel dignitate, vel copiis & genere, excellunt, magnitudine sua & gravitate, non quo jactare etiam inter magnos se velit, sed ut locum virtuti suae debitum teneat, adversus vero mediocres, & multo magis infimos, moderatione & facilitate, gravitatem comitate temperando, ne videatur valentissimus eū valentulo certare velle. Παράκλητος *Æmilius! Munificus sive Beneficus est Magnanimus hactenus*, ut libentius det, quam accipiat, beneficia, multoque malit audire, quos ipse beneficis affecerit, quam a quibus his sit affectus, eo quod illud sit virtute superioris hominis, hoc inferioris, non quasi sit eō ipse ingratus, beneficiorumque vel apertus ostentator, vel opertus exprobrator, verum ut datione sua, recordationeque datorum, reponatur ipsi domi suae excellentia. Παράκλητος *Æmilius! Verecundus, minimum verecundans, est Magnanimus*, qui, ut erubescat accipere, accipit tamen erubescendo, imitatione Ulyssis Homericī. Ut enim verecundia non laudetur in magnanimo sumpta passive, ( liceat mihi quasi περιεπικῶς Philosophari in argumento oratorio, ) ut est simpliciter, & ut includit propriorum actuum turpitudinem, tamen non non laudatur in eodem, sumpta active, adeoque ratione modi, qui, sicut commendatur, cum medius est, ita vituperatur, cum est extremus, sicut commendatur in verecundo ac verecundante, plus metuentē proprii actus turpitudinem, quam deprehensionem in actu suo turpi, ita vituperatur in inverecundante, plus metuentē deprehensionem in actu suo turpi, quam ipsum actum turpem, cuius contrarium facit magnanimus, qui verecundatur, sumpta verecundia magis pro quadam naturali inclinatione ad timorem confusionis, quam pro passione consequente ad iram inclinationem, ob deprehensionem in actibus turpibus, & reprehensionem de actibus turpibus, quia vere magnanimus est virtute, tam ornatus, quam ornatissimus, tales autem hanc decet verecundari, cum non debeant patrare actum turpem, ob quem verecundari sit necesse. Παράκλητος *Æmilius! Vocis hinc gravis est Magnanimus*, ut qui utatur domi forisque singulari quadam vocis maiestate, indice majoris, & caloris, & roboris. Παράκλητος *Æmilius! Orationis sedata quoque est Magnanimus*, dum declinata studiose, inde vocis acuitate, hinc præcipitantia, tenquam duobus infestis scopulis, sermone vitur costanti & æquabili, non cursorio atq;

inter-



interrupto, instar hominum vocalium & clamororum, quos videas affectare contentionem vocis majorem. Παράλληλως Æmilius! *Incessus tardi, neque interim restudinei, est Magnanimus*, dum non utitur acceleratione gradus, cum properato ipsi haud sit opus, qui paucula curat, nec nisi magna, vel ipsius etymi argumento, acceleratio vero, vel negotiorum multitudinem, vel certe animi levitatem, significet. Παράλληλως Æmilius! *Denique pulchrarum potius & infructuosarum, quam fructuosarum atque utilium rerum, possessor est Magnanimus*, dum mavult possidere res honestas & elegantes, licet infructuosas, loquitando secundum opinionem vulgi, infructuosas æstimantis possessiones, quæ nihil faciunt ad farinam & coquinam, nihilque afferunt lucri, ceu sunt, servorum comitatus, signa, tabulæ, statux, quam res alias fructuosas atque utiles, ceu sunt, pecunia credita, agri, pecudes, & similia, honestum utili anteponens, in argumentum, quod sit homo sibi sufficiens, seque ipso contentus. Παράλληλως Æmilius! Usque adeo omnia hic congeminant & conduplicant, Æmilio existente Magnanimo, Magnanimo existente Æmilio? Sed tempus est, ut carbasa feralis sermonis contrahamus, pausamque orandi faciamus, auditores. Extulimus heri solenni pompa Professore seniorē Academiæ, adhuc intra annos pubertatis constitutæ, eumque, si non primum, saltem modo non principem, primum in Gymnasio, mox in Academia, postquam illud in hanc abire coepit, comitante exuvias defuncti, è diversorio domus, frequenti atratorum pedissequio; Eundem, persoluto extremo Musarum debito, impræsentiarum efferimus è musæo Academico in Latium, sedes ubi fata quietas ostendunt. Quid restat ad summam sepulcralium atque exequialium sacrorum, nisi ut stante luctu publico Academiæ, quæ orbata forti anrelignano, recta viam affectemus ad Capitolium, Deum venerati, quod Collegam nostrum Æmilium difficili hoc nexu liberaverit è pistrino m. rborum, eo manumisso à servitio tot molestissimorum dominorum, sub quorum imperio misere vapulabat, velut alter Prometheus, aut Ixion: Hinc ad Curiam Capitolio proximam, deprecatum Patres Conscriptos, quo lethali vulnere Academiæ, quod accepit decessu Æmilii, præsentem medicinam afferre velint, substituto alio Hercule in locum Herculis decedentis de statione Academica, supremi Academiarchæ jussu, contra

quem non datur exceptionis aut provocationis provifionale remedium : Demum ad Academia[m] Curia[e] proximam, omnium no[]strum matrem, ne animum propterea despondeat, cum apud se reputat, intra non totum semest[re], duos Professores de Philosophica Facultate, viræ v[er]idimonium deferuisse, cum videat Curatores Studiorum Academicorum totos in eo esse, ut lacunam Academiae, quantum pote, resarciant, quam Academiam, cum Diis suis Tutelaribus, Clientibus, & Pupillis, DEO Optimo Maximo, omnium Academicarum Conditori, Statori & Conservatori, rite do trado.

DIXI,

# IN OBITU M

Doctissimi & Clarissimi Viri,  
D. ANTONII ÆMILII,  
Hist. & Polit. Prof.,  
Collega optimi.

ÆMILIUS cecidit, Musarum Mysta celebris,  
Vltraejctina gloria magna Schola!  
Vir gravis atque potens & prosa & carmine docto,  
Romuleos referens ore manaque viros.  
Voluerat hic Gracos Scriptores atque Latinos:  
Pra reliquis Tacitum triverat usque suum.  
Gesta Latinorum ritusque sciebat ad unguem:  
Græjorum promus condus & historia.  
In cathedra magna cum majestate docebat,  
Tullius eloquio, carmine Virgilius,  
Quique juvenutis vultus animosque trahebat,  
More Demosthenico, Rhetor in arte potens:  
Et qui mellifluo non multum cedat Homero,  
Dum cuperet Græjo verba ligare stylo.  
Lucernas oluit, morsos sapiebat & ungues,  
Accurata probe Lectio, Prosa, Metrum.  
Sustulit hunc annis maturum calculus acer,  
Dignum Nestoreos exuperasse dies.  
Ortus Aquigrani, Trajecti mortuus, alma  
Vxor[is] sequitur funera mæsta cito.  
Fata viri tanti, pubes Academica, luge:  
Non facile accipies ore styloque parem.

Mortuus

*Mortuus interea tibi vivat mente repositus!*

*Et quantus fuerit charta loquatur anus.*

Affectus testandi ergo L. P.

MATTHIAS NETHENVVS, SS. Th. D. & Prof.

## SCRIPTA.

Oratio de Politicis artibus Principis Augusti. *Vltraject.* 1638.  
in 4.

Oratio in obitum CL. & Præstantissimi Viri, Henrici Ren-  
rii. *ibid.* 1639. in 4.

De Civili ambitione. *ibid.* 1640. in 4.

Allocutio ad Cæsarem Germanicum jam moribundum, *ibid.*  
1640. in 4.

Orationes variae. *ibid.* 1651. in 12.

Acerbissimum & plenissimum luctu Funus,

Quo

*Excellentissimus & Amplissimus Vir,*

**DN. VALENTI-  
NUS THILO,**

**Optimarum Artium & Philosophiæ**

Magister, Oratoriæ Professor Publ.

Orator Celeberrimus, & Senatus Academici

Assessor, Collega & Amicus noster honorandus,  
desideratissimusque,

Effertur,

Civibus suis indicit,

*Honorem testatus meritum,*

**RECTOR ET SENATUS ACADEMIÆ  
REGIOMONTANÆ.**

**M**ortalitatis, cum par fere & communis quodammodo  
fors quotquot vivimus, contigerit omnibus, tum illa  
præcipue memoranda hujus nunc occurrit particula, quod  
hominis sit, posse labi, clementiæ tamen in hominem divi-  
næ sit, erigere labantem aut lapsum, proinde homini datum  
fit.

fit, surgere è lapsu posse : Ut superba nimis & lapsui proxima sit mens, quæ humani aliquid abs se sive putat alienum, sive adeo lynceam se existimat, ut si quis in istis, quæ circumdant undique tenebris offendisset uspiam aut incurrisset, susque deque habitis, quæ se offerre possent melioribus aliis omnibus, istud tantummodo exagitandum, sat insolens præsumat. Hominem cogita, quem censes rigidus Cato, non Deum, nec Angelum, hominem vero servum Heri sui, quem hic restituerit non invitus, cum possit. Ita enim Regum potentissimorum aliquisefferentem se felicitate, quæ obtigerat animum, hac ad cubiculum sub exortum Solis audita ex aulicis pueri voce deprimebat ; *Rex, memineris, te non Deum, sed hominem esse* ; alius vero, eum orbis Victoriæ & cupiditates, hominum blanditiæ insuper, nimis se reddidissent efferrum, somnum qui opprimeret subinde, mortis inducere memoriam asserebat, ac, cum in obsidione crus è vulnere gravi obtorpuisset, ut, quod cæperat, omittendum fuerit ; *Me Iovis, inquit idem ille, filium dicunt, corporis vero ægri vitium aliter sentire jubet*. Tandem, rigidissimos illos, cum ita placeat, vitiorum tantum spectatores compello, eligant utrumlibet ; num araneorum more, è saluberrimis etiam flosculis, venena tantum parare cupiant ? an apiculas imitari ? quæ, quidquid venenati obveniret, prætervolant providæ, solos autem quos salubres flosculi exsudent succos, operi faciendo colligunt & comportant. Annon corpus hominis id, vere dicemus saluum, quod & gaudet salubribus, & si quid se ingerat noxii, vel sudore vel quovis ejicit meatu alio ? contra, quam debile est & infirmum, quod vel appetit indigna, vel non egerit, vel bilem plurimam vel crassum lenis humorem servat ? Ipsi vobis id habete laudis, vos sancti scilicet, qui festucam fratris Zelo vultis perditam, trabem autem, quæ oculum affligit proprium, ne videtis quidem ! Aliter docta est Mater Ecclesia, Magistri ad pœnitentiam vocantis voce, qui idem ovem à grege palubundam quærigans, lætis reportat humeris, qui lucernam adhibita everit domum, & drachmam quærir perditam ; qui filio transfugæ ac substantiæ paternæ decoctori scelesto cum redire ad familiam cogitaret, occurrit misericors & reducit domum : Ut merito augustissimus Imperator Novatiano cuiquam, peccantes post baptismum spem pœnitentiæ ac remissionis non à Sacerdote, sed à Deo forte habere posse, referenti ; *Pone ergo*

*scalam*

*scalam Aceſſe, regerebat, & ſolus aſcende in cælum.* Multa hic reſtarent memoranda; requirit enim pietas fugere malum, proſequi bonum, tolerare infirmos, malos, qui corrigi nolunt, odiſſe odio perfectò; experiri nihilominus omnia; tenere bonum prudentiæ eſt, quam à ſerpentibus diſcere jubet ſuos innocuam columbarum indolem imitatu-  
 rous, Seruator O. M. non raro ſane attendendum venit, ut non inſul-  
 temus eorum vitiis, quorum virtutes imitari non licet! B. Hieronymi certe vox eſt; *non eſſe vitii, hominem unum lau-  
 dare in aliis, in aliis accuſare, ſed eandem rem probare & im-  
 probare.* In Tertulliano, inquit idem, *laudamus ingenium, ſed damnamus hæreſin.* In Origine miramur ſcientiam ſcri-  
 pturarum, & tamen dogmatum non recipimus falſitatem. Magiſtrorum enim non vitia imitanda ſunt, ſed virtutes:  
 Grammaticum quidam, Afrum habuit virum erudiſſi-  
 mum, & in eo ſe amulum Præceptoris putabat, ſi ſtridorem  
 linguæ ejus & vitia tantum oris exprimeret. Ita Hierony-  
 mus. Cæterum imagine quadam viva quaſi hæc omnia  
 FLOS adumbrat; flos delictum oculis, cordi ægro levamen,  
 jucundiſſimorum patet fructuum, dulciſſima mellis officina;  
 florent enim dum carpinus, non circumvolitantes muſcas,  
 non araneum veneni malum artificem, non hiſpidam sæpe  
 gemmam, non fruticis alicubi ſpinas curamus. Hodie vero  
 FLORES aliquot ſpectabimus, quando, vegetis, dum vive-  
 ret, viribus & amoeniſſimis ſtudiis ac laboribus florido, at flo-  
 ris inſtar matreſcenti lente, Excellentiſſimo & Ampliſſimo  
 Viro, DN. VALENTINO THILONI, Artium & Philoſophiæ  
 Magiſtro, Oratoriæ Profeſſori, Oratori ac Senatori Academia  
 hujus, nec non inclyti Collegii Facultatis Philoſophiæ Senio-  
 ri, Collegæ & Amico noſtro honorando, juſſa ſiunt & exequiæ.  
 Quod viribus integer flores amaverit præcipue, in his ſtu-  
 pendam Dei Majeſtatem contemplatus, & quod roboris ali-  
 quid reſtitui flore odorifero sæpe ſenſerit, tandemq; noviſſi-  
 ma cogitans, ubi aliam rerum cæterarum curam ordinatæ  
 omnem, amicos ſic compellaverit; Per amorem omnem  
 rogo, ne quid pompæ inſuſcet meum funus, linteum me te-  
 gat mundum at ſimplex, coronatam tamen capiti è floribus  
 recentibus ne invidete, eoſdemque large circum me ſpargite,  
 (ſi non prohibuerit lues) ita enim reſfloſcentis mihi ac meis  
 recordor miſericordiæ cœleſtis, & revireſcentium aliquando  
 oſſium: Fidelis eſt qui dixit, revictura hæc oſſa pollicitus eſt.

*Flora*

*Florbunt, inquit, de civitate, sicut fœnum terra; ac iterum: ossa vestra quasi herba germinabunt; Ac Sanctos etiam ex Antiquis sub arbore frondente, aut in agro florifero sepultos, passim legimus, prout Servatori O. M. quiete sua hortum viridem & sepulchrum novum consecrare in spem vitæ lætioris restituendam placuit: & Poëta vero funus curaturus: Manibus, inquit: date lilia plenis, purpureos spargam flores; alius item defuncto honorem testatur, tenuem & sine pondere terram, spirantesque crocos & in umbra perpetuum Ver. Primulam Veris, supponamus Corpori Viri Optimi, quod flos hic Ver aperiatur, & soli post hyemis sævitiam calore vitam reducenti se primus erigatur obviam, Nempe ortum Viri Optimi considerabimus initio, quo lucem hanc aspexit, benedicente Deo, 19. Apr. stylo veteri, sub ipsum quasi Veris ingressum, Anno 1607. Patrè, plurimum Reverendo & Clarissimo Viro, DN. M. VALENTINO THILONE, Ecclesiæ Palæopoleos Regiomonti Diacono, erudito, pio & bene merito Viro; Matre, honorata & Virtutibus sui sexus ornatissima Matrona, JUSTINA, Excellentissimi, Amplissimi & Consultissimi DN. M. ANDRÆ IRIDIS, Professione Academica Ethices & Historiarum, nec non Juris peritia clarissimi, adhuc Reverendi Consistorii Dioceseos Sambienfis, Officialis, filia. Primulam Veris vernacula cœli claves dicimus, & hos merito adspargimus nostro, quod precibus ac fide suorum, adhuc in sacro Baptismatis fonte redditus Christo coelum sibi apertum viderit, amantissima hujus voce exceptus, ubi ait; finite pueros ad me venire; & reginitus ex aqua & spiritu, illa Majestate præsentem, qua Pater æternus de Filio cœvo in Jordane testatus, & super hoc summus quievit spiritus, in Christo nos sibi filios adoptandos promittens, Primulam veris *Multi-floram* aliam, aliam *Proliterram* advertunt naturæ consulti; & hæc debetur nostro, pietate parentum cum lacte materno omnium Virtutum semina tenello infanti instillante. Primula veris autem ita subjecta corpori, ad latera spargimus *Violam Purpuream*, quia vere & ipsa oritur, hyeme nondum plene deferente terras, humilis tamen ipsa adhæret solo, etsi suavissimo tum colore tum odore recreans passim, Adspargimus hanc merito; quippe sub primum ætatis ver, peste anno 1620. utroque parente orbatus, aliquid jam afflictionis sensit, ab aliis educatus, Cl. præsertim DN. FUNCCIO, Scholæ Palæopoleos tum Rector,*

flore, sedulam adhibente operam; sub ejus ductu, accedente  
 alterius tutoris opera plurimum Reverendi nempe DN. L.  
 GEORGII MYLII, Theologiæ Professoris in Academia se-  
 cundi, Ecclesiæ Cathedralis Pastoris & Venerandi Consisto-  
 rii Sambiensis Adsefforis, egregia primæ & humilis adhuc  
 ætatis specimina aincenissimi odoris instar spirantem videre  
 licuit. Quid vero ad latera loculi, cui defunctum imponitur  
 corpus, statuemus floris merito magis, quam *Tulipam, varii  
 coloris & lilium album*, Regem fragrantissimorum florum  
 omnium? Alternis flos uterque hic latera defuncti stipet vi-  
 cibus, quod tulipam præ cæteris dilexerit beatus, quæ colo-  
 re ad miraculum vario, virtutis omnigenæ, in eaque pruden-  
 tiæ, nec non eruditionis bonæ ac multijugæ commonet:  
 quemadmodum vero tulipæ, quæ sub tempestatem ac vespe-  
 ram ingruentem se claudunt, sole illustri panduntur; ita Vir-  
 tus & eruditio, si post DEI O. M. benedictionem, patrocini-  
 um sortiatur bonorum, floret lætius. Hinc adeo Beatus  
 noster Symboli vice tres tulipas flore partim clauso depictas  
 sibi voluit, his adscriptis; *Panduntur Sole benigno! Aut pro-  
 ut plenius hæc efferre solebat: Qua fera claudit hyems, pan-  
 duntur sole benigno; Quas fors dura premit, spes melioris alit!*  
 Ac tulipæ hoc decus jam prima exhibuit ætas, cum majo-  
 rum suasu post Scholæ profectus, Anno 1624. ætatis 17. A-  
 cademicis se studiis addiceret, Theologiæ imprimis, B. Paren-  
 tis voluntate se mancians studio, præeunte Magno D. JOH.  
 BEHMIO, & juxta hunc B. quem diximus MYLIO; qui-  
 bus Ducibus doctrinæ de Christo præsto præcipuæ capita  
 abunde, se cum socio *Andrea Mylio* complexum è variis au-  
 toribus referre solebat. Cum vero Eloquentiæ exercitationes  
 omni studiorum generi necessarias, ductu Excellentissimi  
 DN. M. SAMUELIS FUCHSII, Oratoriæ Professoris,  
 juxta Historiarum & Politicæ notitiam junxisset; adeo se  
 probaverat illi, ut decedens hunc præcipue Academico Se-  
 natui commendaverit successorem, anno 1632. Quam Pro-  
 fessionem ille humiliter deprecatus initio, discessum ad Bel-  
 gii Academiam Lugdunensem impetravit, ubi Clarissimo-  
 rum Virorum conversatione studiis suis profutura confirma-  
 vit. Unde 1634 reversus, Decano & Promotore plurimum  
 Reverendo & Excell. DN. M. POUCHENIO, Hebr. Linguae  
 Professore & Concionatore Aulico, Magistri titulo ornatus,  
 mox prævia Disputatione solenni, Professionem aggrediebatur

tur commissam. In ea autem vix ita cum primis ætate, publicas lectiones & informationes privatas fideliter continuavit, ut dignitatibus & officiis ornati viri bene multi, gratiam ipsi habuerint idcirco sæpe. Institutis item exercitiis aliquot Oratoriis, iisdemque memoriter egregie habitis à se Orationibus quam plurimis multum meritis est laudis, quam typis expressa insuper scripta magis dilatant. Ne ultimè in officio anni, quod XXIX. continuis sustinuit, sine labore erant, quem & scripta & consilia in studiis, & vox publica, ubi per morbum liceret, fuerunt testata. Interea septies Decanatus Collegii Philosophici functus sparta, quinque Magistorum promotiones instituit, quos ad optime continuandas studiorum Exercitationes, prout omnium erat amans, incitare consueverat: bis etiam Rectoris Academiæ functus est officio, in consiliis prudentiâ, in adversis fortitudinem, in judiciis gravitatem contestatus, Sic tulipæ varium & multum colorem videmus adumbratum; at & Liliæ Albifrangrantiam subinde interspersam comperiemur merito, quoties bonos quam plurimos domi forisque amore prosecutos hanc cognoscimus: ita enim hinc abeuntem qui in Domino quiescunt beati dimiserunt decessores nostri, quibus ex Ecclesiis & Civitatum Senatu præcipui cernuntur iuncti. Accedebant hi, quos studia cognata neciebant atctius ab ipso fere studiorum ingressu: Lilio id proprium est, quod pinguius eligat solum, quod calido sub sole efflorescat, nondum tamen Syrii urente æstu, quod umbræ aliquid amet: id post Deum O. M. Amicos plurimos præstitisse sibi gratus memorare solebat noster. Ita enim & Amoris & Amicitie non vulgaris intercessisse vinculum huic cum aliquot nobilibus & illustribus in re literaria Viris, eorundem testantur manus, ubi **DERSCHOVIOS, HUNNIUM, CRAMERUM, MYSLENTAM, CALOVIIUM**, alicubi videre licet, quorum aliqui veritatem & pacem diligendam monent, aliqui, quam adeo oderit Dominus cum detestatione animæ omnem, qui seminat inter fratres discordiâs, Mox ordine suo peregre spirantes Liliæ odorem comperies magnas illas eruditionis bonæ columnas, Seniores **VOSSIUM, SALMASIUM, GROTIUM, CUNÆUM, BARLÆUM, BUCHNERUM, KIRCHMANNUM, HORTENSIUM, HEINSIUM, BOXHORNIIUM**, qui & laudabant eruditionem ac ingenium, & amorem spondebant. Nec defuerunt alii

apud



apud nos, quandoquidem ab utrovis latere inter tulipas lili-  
um volumus interfertum, REIMANNUS; TINCTORIUS;  
LINEMANNUS; DACHIUS; ADERSBACH-  
CHIUS, SCHIMELFENGII nobiles literarum amantes,  
amici & Patroni, SCHARFFIUS; NAUWERGIUS; Mu-  
ficos addimus & Mathematicum cultores alios, quæ impense  
etiam diligebat, STOBÆUM nostrum & SWELINGIUM,  
inter alios. Ast, manus porro flore suo venient ornandæ!  
Ubi dextra *Heliotropium* teneat cordi admotum, sinistra *Ros-  
sam purpuream* (qualis ab Autoribus traditur Sinensis illa  
multifolia) sursum erigat florentem. *Heliotropium* quidem  
contra solem se vertens flos; de animo beati admonet ad  
Deum suum & sincere & candide & constanter se vertere cu-  
pido; ita enim Catholicam Christi fidem, quam Augustana  
Confessio exprimit, amabat; ut de aliquibus aliquando ad-  
monitus dixerit; se ab ea B. Lutheri confessione non discessu-  
rum, quam de regenerationis, justificationis, renovationis  
& confirmationis principio puerum docuisset Catechesis;  
Spiritus S. gratiam explicans, & tamen novæ obedientiæ gra-  
titudine se merito urgeri; quam & Decalogus & Baptismatis  
sacri exigeret debitum. Possemus hic Pietatis, Psalmorum  
imprimis cum liberis exercitia; hymnos sacros, & scriptos &  
Musice in DEI honorem sæpe in Ecclesia etiam publice  
(quod non honorificum adeo videretur aliis) cantatos, à Dei  
invocatione cæptos labores, in hujus laudes institutas pane-  
gyres memorate, quæ *Heliotropiū* exprimerent non minus.  
*Rosam* vero purpureā, quod altera manus sursum teneat ere-  
ctam, Serenissimis Principibus Electoribus Brandenburg-  
sibus; Prussicæ Ducibus, Ecclesiæ & Academiæ Nutritis, Pa-  
triæ Patribus; Dominis nostris Clementissimis, DIVO  
GEORGIO WILHELMO, præsertim & MAGNO FRI-  
DERICO WILHELMO, qui feliciter ac diu, bene & in  
pace imperet, honorem testatur, ab his quippe clementiam  
expertus insignem, hi subsidium omne quodcunque fulcien-  
dis rebus suis foret necessarium, promiserunt: hinc vegetum  
semper florem fuit precatus *Rosæ* Brandenburgicæ, tanta  
quidem cum amœnitate, ut non modo per Legatos, sed co-  
ram, tum in Actibus aliquot Academicis, tum in Palatiis  
Aulæ suæ, jucunde audire Ipsi voluerint THILONEM  
suum, rectiora etiam eisi laude eorum, quæ fieri decet, mo-  
nentem. Dehinc corpus Defuncti reliquum quo flore or-  
nabimus? *Cariophyllum* promendum est, purpureum maxi-

me & cœruleum, & variegatum, flore pleno amœnissimum. Hoc Patronos alios ex Aula Serenissimi, ast & benevolos aliunde multos nobis sistit. Invictissimum Poloniæ & Sueciæ Regem, VLADISLAUM IV. æternæ memoriæ Imperio Serenissimum, antecellere omnes hic videmus, qui datis ad Academiam aliquando literis, benevole acceptatam hujus nomine gratulationem à THILONE nostro est testatus aliquando, Regio etiam addito munere; tum Illustrissimos RADZIWILOS, JANUSZUM & BOGISLAUM (quem Dei porro foveat bonitas) memorare liceret, Mæcenates nostri magnos. Memoramus vero præ cæteris Illustre Consiliarium Regentium Concilium extra hoc SWERINUM Illustrem, Magnificum insuper Cancellarium, SIGISMUNDUM von Götzen/ Consiliis gravibus & piis illustrem præ cæteris Virum, amicitiae etiam spondentem tesseram, nec minus Generosum & Cancellarium & Burggraviû, literarum & virtutis nobilitate insignem, TROSCHKIUM, studiorum amantem BRANDIUM, generosos insuper KREYTZIOS aliosque. His Fautores & Amici succedebant alii, præter hos, quos superesse diu cœli velit clementia, MOCHINGERUS, BABATIUS, ROBERTINUS. Tempus admonet, ut sive oculi sive corporis partes reliquas non destituamus ornatu suo; ergo, quandoquidem floribus utrinque non inconcinne interferi hæc videas, supra caput, hinc *Balsami*, inde *Myrrha* figemus ramusculos. Balsami frondem Judæa domita, inter triumphi spolia Romam duxisse fertur Pompejus; arbuscula vero stillans oleum illud, pretio & virtute summum, Spiritus S. verbo Dei efficacem gratiam sistet, de qua Psalmus alicubi; *Impingua-sti oleo caput meum*; Unde frequenter in morbo etiam & sub imminentes mortis impetus, corpore & sanguine Domini passus, Dei ac Servatoris sui, ejusdemq; Spiritus robore tum vivens, tum laborans, tum moriturus efficaciter se fultum gratus agnoscebat. Myrrha autem defluente resina sua contritum cor & contribulatum, pœnitentia & precibus DEO dum viveret oblatum testetur, thure suspiriorum & gemituum, quos ferius Dei amor accenderit, intermistam. Caput ipsum *Laurus* & *Palma* fronde ornaremus, sed Imperatorum ac Regum gloriam vindicare sibi hic noluit beatus, in cœlo suo laurum perennantio rem etiam illa, quæ inter ignes etiam & flammæ manebit illæsa, exspectans; palmam

insu-

Insuper, inter Agni & Pastoris summi triumphos tenendam. Corona tamen è floribus redimere debuimus caput; fiat hoc è floribus, quos horti noverint amœnissimi fragrantissimis quibusvis, & his similibus, quos circa Defunctum sparsimus plena manu: Corona victoriam signat ac triumphum, spem denique ac spei fructum Dei auxilium, hanc certe fluctibus & tempestatibus undique inundantibus gravissimis, hanc irruentibus sæpissime procellis, sacram in Deo fugebat anchoram noster, subinde & voce & scriptis ingemihans ad Deum suum illud: *In Te, Domine, speravi, non confundar in æternum!* Ast & coronam imponit suam dulcissima conjux, mœstissima iterum Vidua, Ornatissima & Virtutibus sexus sui multum conspicua matrona, CATHARINA REMSIA, quam 7. Julii 1643. Amplissimi & Prudentissimi DN. JACOBI SAHMII, Consularis Palæopoleos Regiomontanæ Viduam, duxerat beatus noster: quæ, intra 19. annorum & 3. hebdomadam conjugium, amorem intaminatum, sedulam liberorum curam, patientissimum animum in variis mariti morbis ac ærumnis aliis, testata; vere virtutis texuit coronam, filio equidem ALBERTO, & filia MARIA olim exhilarans maritum: ast quos dira lues uno fere ictu surripuit, magno & intolerabili patentum mœrore. Soletur Viduam pater Deus, eidemq; reddat benedictionis ac victoriæ in malis coronam vicariam, quam decessurus precatus est maritus. Pedibus nondum appositum videmus quippiam; annon vero *Absinthii* herba sub Ver primum mox pollulans passim specie varia cum flore suo, & si quid est alias floris amari, huc conveniret? Horret profecto corpus, quoties degustandum est amari aliquid, nec defuit tamen & nostro idem, cum inter studiorum & officiorum labores, tum domi, tum foris: Deo hæc ille committens ac Magistratui, justitiæ recte decidenda reliquit, ipse quæ vincere non poterat vivens: Absinthium negligi nequit, quod putredini & fætori etiam obstitit, quin imo aërem à pestifero aut olido odore alio purgat, etsi amarum, sanum tamen & salubre. Quid vero floribus amœnis illis sit tandem? annon marcescunt & flaccescunt universi? Ita sane! Neque id effugit noster: quippe *omnis caro fœnum, & omnis gloria ejus quasi flos agri!* Expertus ergo arthritidis sæpe dolores acutissimos, catarrhos item suffocativos varie, qui mortis etiam induxerant angustias, aliquot retro annis, dum præteritæ hebdomadas feria quinta,

27. Jul. St. Nov. S. Matut. intra eam, quam diximus, suam & suorum pietatem, placide & tranquille in Christo suo obdormivit, anno ætatis LV. mensibus tribus & decendio hic emensis. Admirandum aliquem fruticem ac florem hujus, *Granadillum*, passionis Domini imaginem, Indorum Orientalium nuper aperuerunt historiæ; Hic flos morituro vita fuit, inter brachia Jesu vivere ac mori. Tum *Iridis* aliquam speciem naturæ consulti memorant, quæ gelidissimis etiam mensibus, Decembri scilicet, Januario & Febuario, flores ex cœruleo colore in violaceum inclinantes, aliis cadentibus, aliis subnascentibus, protrudat; est illa beatitudo cœlestis. Paradisi hortus, Semiramidis & mundi pretiosissimas delicias quasvis longe superans. Hanc gratulamur nostro, ejusq; memoriam digno semper prosequimur honore: Corpori vero ut hodie circa XII. tumultando in Professorum Conditorio, ut frequentes, sine tumultu quovis, ad Ædes notas confluant cives nostri, serio monemus, honoratissima familia, atque inter alios Privignus Professioni Academicæ non minus præfectus, officiose rogant. P. P. Regiomonti 31. Jul. 1662.

*In Honorem*

## MAGNI ORATORIS, VALENTINI THILONIS.

*TVLLIVS Eloquentiæ Romani gloria prima est,*

*PERICLES Graeci gloria prima fuit.*

*Tute THILO TEAOSES, Snadaque utritusque Corona;*

*Altius Eloquentiæ scandere nescit honos.*

REINHOLDUS ADAMI A ROLLEN.

## SCRIPTA.

**Topologia Oratoria, seu Praxis Locorum Dialecticorum in Oratoriis.** *Regiom. 1635. Amsterod. 1653. Hala-Saxonum 1666. in 12.*

**Christus patiens.** *Regiom. 1643. in 8.*

**Secularia Borussia, sive IX. Orationes in Academiae Regiomontanae Jubileo habitæ.** *ibid. 1644. in 4.*

**Secularia Regiomontana, sive V. Orationes, cum Academia Regiomontana seculum primum feliciter superasset, consecratæ.** *ibid. 1644. in 4.*

**Apollo Victor post superatum publico suffragio Pansa, ac**  
con-

condemnatum Midam, Orationes V. de vita rustica.  
*ibid.* 1644 in 8.

Consultatio Curtiana, *ibid.* 1643. in 8.

Exercitia Oratoria. *ibid.* 1645. Iena 1663. in 8.

Curtius Orator, sive Orationes Curtianæ brevi Analyfi & pleniori Locorum communium evolutione illustratæ. *ibid.* 1646. 1653. *Amsterod.* 1655. 1664. in 12.

Pathologia Oratoria, seu Affectuum movendorum ratio. *ib.* 1647. *Magdeb.* 1665. in 12.

Rudimenta Rhetorica, de Periodis, Amplificatione, Connexione. *ibid.* 1651. 1673. in 8.

Panegyrici Academici, vel Orationes solennes (quarum pleræque jam ante diversis annis excusæ typis prostant) *ibid.* 1650. in 4.

Orationes Academicæ, varia occasione habitæ, cum alloquiis natalitiis & ejus generis aliis. *ibid.* 1653. in 4.

## PROGRAMMA,

In Exequiis

*Viri Amplissimi & Excellentissimi,*

**DN. M. CASPARI  
EBELII,**

**Logices ac Metaphysices, in Acad.**

Marpurgensi & Giessena, ultra XXXIV. annos Professoris emeriti,

*Propositum ab*

ACADEMIÆ GIESSENSIS RECTORE,

**JOH. NICOLAO MISLERO,**

SS. Theol. Doct. & Professore.

**M**editationem mortis esse Philosophiam, antiquum Platonis in Phædrone est effatum: Sive mortem naturæ, solutionis sc. animæ à corpore, sive honestioris vitæ per vitiorum fugam, intelligas, nihil à fide Christiana dissonum dixeris. Philosophi enim nomen non meretur, qui sapientia est imbutus altiori ad mores solum & communem vitam

directa, præterque scientiam nudam post se relinquit nihil ;  
**PHILOSOPHIA** sanior jubet vitiis ac illecebris mundi ren-  
 unciare, seque totum virtuti ac honestiori vitæ generi con-  
 secrare. Adderem, cœlestis Sophiæ Cultorem sincerum il-  
 lum esse, qui postpositis terrenis, animum erectum habet ad  
 cœlestia. **PHILOSOPHUM** vere Christianum amissimus,  
 cheu! *Academiæ Decus Florem, cœtus Philosophici Caput,*  
 alterum in *Hassia ARISTOTELEM*, Lumen ubivis scien-  
 tia Philosophica celebratum, Præclarissimum atque Excel-  
 lentissimum Virum, **DOMINUM, M. CASPARUM EBE-**  
**LIUM**, Logices ac Metaphysices in hac *Gießena & antehac*  
*Marpurgensi Academiâ*, ultra annos 34. Professore emeriti-  
 tum. Vere **PHILOSOPHUS** audit, non solum sapientia  
 solidiori imbutus, sed & haud ignarus modi, quo vita hone-  
 stior transigi, & ad placidam mortem obtinendam salutaris  
 institui potuerit meditatio. Vitæ ejus primam lucis usuram  
 dedit in hac Urbe dies 11, Decembris, Anno 1595. Patrem  
 habuit spectatæ prudentiæ Virum, *Dominum Melchiorem*  
*Ebelium*, Civem ac Senatorem *Gießensem*; Matrem vero *Catharinam*,  
 de honesta *Beckeriorum* familia prognatam, quæ,  
 nescio, feliciorne sit existimanda, quod tam præclaræ sobo-  
 lis mater extiterit, an statuenda infelicio, quod honores ac  
 laudes Viri, inter Eruditos, quam maximi ob mortis præ-  
 ventum, intueri non obtigerit. Puer diligenti cura educa-  
 tus in parentum sinu, Præceptorum lectissimorum opera  
 tantos fecit progressus, ut ad lectiones publicas Anno 1612,  
 cum laude fuerit admissus. Ad optima quæque natus Ado-  
 lescens delitescere noluit, sed in publicum prodiit, & postea-  
 quam comparatæ sibi doctrinæ Philosophicæ specimina  
 ediderat sub *Celeberrimo* tum temporis Professore, Domino  
**SCHEIBLERO** b. m. non sine ingenii ac industriæ laude,  
 Anno 1616, mense Augusto Laurea Magistrali solenniter  
 cum cœteris competitoribus suis fuit honestatus. Hoc labo-  
 ris eruditi præmio reportato, in uno loco consensescere no-  
 luit, **WITTEBERGAM** se contulit, ad studium Theologi-  
 cum excolendum, ubi habita disputat, in August. Confess.  
 sub *Celeberrimo* **D. MEISNERO** b. m. doctis omnibus mul-  
 tum se commendavit. Inde **JENAM** petiit, potestate ibidem  
 impetrata ad Collegia præsidendo habenda. Anno 1619.  
 lustrata *Erphordia* reversus est in Patriam, quam brevi post-  
 modum **ALTDORPHIO** Noricorum mutare placuit. Ac  
 veluti

veluti vino vendibili suspensa hedera opus non est; ita virtus & eruditio Ejus se sponte in omnium oculos & aures ingerebat, ut sparta primum Rectoralis in Gymnasio Wormatiensi, postmodum Professoria Anno 1629. in Academia Marpurgensi fuerit concedita, quam tum in illa, tum in hac Gießena exornavit magna cum industria non sine laudis vigore perenni. Accesserunt alia munia Academica; Fasces Rectorales quater gessit; Decanatum sustinuit duodecies; Pædagogiarum administravit annos decem. In Promotionibus undecim Candidatis Magisterii 139. tiarum imposuit. Musa Viridocti famam intermori vetans, Laudes Ejus in Academia commorari semper jubebit. Mortuus est Vir Excellentissimus, emortua sunt cum eo quævis afflictionum genera, quibus & opposuit Epicteti apud Gellium ἀνίχου καὶ ἀνίχου. Assidua mortis meditatione, quæ sapientiæ præcipua pars est, animum exercuit, mortis prodromo, senectute, non destitutus, quæ mortem præsentem nunciavit: Quo circa piis precibus & sacro epulo se præparavit ad confirmandam fidem in peccatorum remissionem & spem certissimam vitæ melioris. Obtinuit in Christo, quod speravit, ex hoc vitæ ergastulo placide fuit ereptus 10. hujus mensis, cum annos 68. & quod excurrir, confecisset. Reliquiæ corporis in spem resurrectionis solenni ritu terræ, unde ortum traxerant, committantur. Id dum peragetur hora XII. Vestrum erit Cives Academici Exequias Viri Celeberrimi frequentes nobiscum persequi. Confluite, ô Cives, cogitate, quærite ex Senæ pie defuncto: Humanum vivere quid sit? Responsum tenete: Principium vitæ dolor est, dolor exitus ingens:

Sic medium dolor est, vivere quis cupiat?

P. P. Gießa sub Sigillo Academia Majori. Die 16. Martii. Anno 1664.

Celeberrimo seculi nostri Philosopho, EBELIO, *concionem habuit funebrem M. Conradus Mislervs, Eccles. Gießensis, ex Psalmo XC, 10. 11. & 12.*

## EPICEDIUM.

*Si Mors atra unquam Gießeno damna Lyceæ  
Attulit; En noxam præsentis funere fecit.  
Dum rapuit membrum facile ex hoc corpore primum,  
Alterum Aristotelem, summa qui cognita habebat  
Condita Panfophia tacitis mysteria claustris,*

## MEMORIA

438

*Cui gravitas prudens, simul & quamplurimus Vfus  
Rerum cunctarum summum pariebat honorem,  
Cujus & Umbra Senis, pluris Virtute valebat,  
Quam alterius gladius, qui cuspide acutus utraque,  
Ex quo nullus erat clara sublimior arte.  
Ergo Giesſa Viro tanto post fata perennes  
Cantabit laudes, & qua super astra volabunt.*

PETRUS HABERKORN, SS. Theol.

D. & P. Prim.

## ALIUD.

*ſpectatus vita fato deceſſit EBELVS,  
Doctrina clarus, dexteritate probus,  
Inſtruxit ſedulo doctosque probosque Magiſtros,  
Moribus ornavit, dogmatibus coluit.  
MARTINOS jaſcet Viteberga, ſuosque MELANDROS,  
Haſſiadum ſplendor perpes EBELVS erit.*

JOH. CONR. DIETERICHIVS,

Græcæ Linguae & Hiſtor. Prof.

## SCRIPTA.

*Metaphyſicæ Pars Univerſalis & Specialis. Marpurgi 1639.  
1651. in 4.*

*Diſputationes Elencticæ ad Apologiam pro Syllogiſmo In-  
finito. ibid. 1633. in 4.*

*Hermes Logicus. Gieſſæ. 1637. 1647. 1656. in 8.*

*Diſſertationes Elencticæ, pro Veritate primæ Philoſophiæ  
vel Metaphyſicæ, adverſus Guil. Amefii Diſputatio-  
nem Theologicam adverſus Metaphyſicam. Marpur-  
gi 1640. in 4.*

*Aphoriſmorum Metaphyſicorum recognitorum Diſputatio-  
nes XX. ibid. 1649. Gieſſæ 1658. in 8. Francof. 1669.  
in 8.*

*Tractatus de ſeparatione Propriorum. ibid. 1641. 1651.  
in 4.*

*Manuductio ad Logicam. Gieſſæ 1651. in 8.*

*Compendium Logicæ Peripateticæ. ibid. 1645. 1651. in 8.  
1670. in 8.*

*Tractatus de uſu & neceſſitate Logica in diſciplinis realibus.  
Marpurgi 1647. in 4.*

*De Syllogiſmo Expoſitorio. ibid. 1647. in 4.*

*De Regimine Judæorum. ibid. 1647. in 8.*

De



De Judiciis Astrorum. *ibid.* 1647. in 8.

Discursus de judicio Contradictionis. *Giesse* 1651. in 4.

Commentarius ad D. Thomæ Opusculum de judiciis Astro-  
rum. *ibid.* 1651. in 8.

Inter quamplurimas, quas Excell. EBELIUS habuit publice disputationes, nos hic duntaxat aliquas recensimus, e. g. De singulari & Universali: De ratione formali suppositi vel personæ: De Spiritu finito completo: De Vitioso Philosophiæ abusu, ejusdemque vero ac genuino in Theologia usu: De duratione: De constitutione Syllogismi simplicis in genere: De forma sive structura Syllogismi simplicis secundum figuras & modos: De Syllogismis Hypotheticis: De Oppositione complexa: De Angelis: De finito & infinito:

## PROGRAMMA,

In funere

*Viri Amplissimi & Excellentissimi*

**DN. REINHOLDI  
FRANCKENBERGERI,**

Historiarum Professoris Celeberrimi & emeriti,  
Collegii Philosophici & totius Academiæ  
Witteb. Senioris devenerandi,

*P. P. ab*

ACADEMIÆ WITTEBERGENSIS RECTORE,  
**CHRISTIANO AUGUSTO,**  
LIB. BARONE A FRISEN, &c.

ET PRO-RECTORE,

**MICHAELE SENNERTO,**

Med. Doct. Anatom. & Botanices  
Prof. Publ.

**R**arissimum in nostra Universitate funus indicturum  
grandævi adeo & incani Professoris Historiarum Publi-  
ci, Viri Amplissimi, DN. REINHOLDI FRANCKEN-  
BERGERI, Collegii Philosophici & Academiæ hujus, post

E c f

divulg

divū AUGUSTUM BUCHNERUM (cujus magna semper apud posteros recordatio pervigebit) Senioris venerandi! cum octogenariam fere illam, & jam pridem, inter postremissimæ ætatis fata habitam periodum attigisset, nudius octavus inde translatus ad æternitatem, dies Nobis hodiernus imperat. Quoto enim cuique ex millibus hominum id cessit, ut tam vicinus seculo propemodum extiterit? & quota vero eorum pars est, qui dimidium ævi fere, in tam nobili officio transegerunt? Jam inde à temporibus diluvii istius, quod cum flagitiis suis orbem universum merferat, ætatem mortaliū elanguisse, semperq; lapsam in deteriora, historiæ sacræ juxta ac profanæ referunt. Latere neminem signatus à Mose terminus humanæ vitæ potest. Hinc in Thalia etiam Historiarum parens, spacium vivendi longissimum periodo annorum octoginta finit. Grandævus & dierum satur Propheta ille Regius, annos septuaginta natus audit. In omni Romanorum, Græcorum, Francorumque ac Germanorum Cæsarum, quatuor solummodo inventi, octogesium qui attingere: è Pontificibus Romanis quinque. *Elizabetha Angliæ Regina*, isthæc supergressa sexum altera *Semiramis*, universos à *Guilielmo Conquestore* antecessores, vita, quidni & Imperii gloria? superavit. Vixit enim vero Davidis, regnaverat Augusti annos mulier. Adeo nimirum rara grandiorum natu exempla deprehendas, ut inter seculorum miracula vulgo ponerentur. Sic prodigio *Epimenides Cretensis* fuit, quod sesquiseculo illius vita constitisset. Trecentos (DEI hominumq; fidem!) annos, *Caroli*, à rebus gestis magni, armiger *Iohannes de temporibus* (sic vocabatur) & ultra aliquid exsuperasse traditur. *Laurentium Orcadensem* annos centum ac quadraginta jam emensum, sæva quoque hyeme piscatum cum navicula prodisse, *Buchananus* autem est. Vidit apud *Herefordienses*, inter floreales ludos, institutam à senibus octo, quorū simul computata ætas, annos octingentos ipsos exæquaverat, choream, *Verulamius*. Ac nescio quid veluti prærogativæ Britannis ad *μακροβιότητην* frequentiore concesserit natura sollers? *Vilhelmum Barneslojum*, Equitem, post centum & viginti sex annorum spacia, annus cło lccLI. Angliæ vitæq; exemit. *Thomas* quoq; *Parrius* centum trigintaque superstes, ante hos nunc undetriginta annos diem ibidem obiit supremum. Nondumque adeo elapsum lustrum est, quo *Lesburiensis* in *Northumbria* Ecclesiastes, biennio ante,

ante, quam finiretur (agebat tum enim duodecimum centesimumque annum) dentes aliquot & renatos etiam capillos sensit. Quas dum cumulationes solito historias longævorum hic atteximus, nemo facile miretur, qui & *venerando Seni*, & *Historiarum diu satius merito Professori* *scriptionem funebrem* esse adornandam cogitet. Ac optabamus quidem, ut ad majorem Viri dignitatem, ipsum, quo vitæ complexus acta fuerat, chirographum nancisci licuisset; nunc quando per aliunde conquistata certitudinis argumenta id hætenus inventum est, quod ad summa rerum capita duntaxat pertinet, obtemperare mori cogimur. In lucem NOSTER prodiit hic Wittebergæ, anno seculi superioris octogesimo & quinto, sextodecimo Novembris die. Patre natus Clarissimo amplissimoque Viro, DN. M. ANDREA FRANKENBERGERO, quem ante hos ipsos C. & XXVIII. annos, Memminga Francorum, ex præcipua loci ejus familia civem primo; & cum in orthodoxa Lutheranorum educatus fide esset, discipulum deinde, illi orbis & literarum miraculo, PHILIPPO MELANCHTHONI per annos aliquot; Rectorem postea celeberrimi Gedanensium Ludi mira dexteritate, ad annos duodecim perfunctum: huc denique Anno clō lō LXXIX. vocatum ad nobilissimam Eloquentiæ & Historiarum spartam, Profess. Publicum, scriptis famaque clarum dedit & reliquit. Mater illi egregia Matrona BARBARA BÖCKELMANNIA, Dantiscana fuit, sex liberorum genitrix, & quæ novissime NOSTRUM enixa olim est. Hi tam probe educabant filium Parentes (mater imprimis, quæ in annum usque XXII. hujus seculi superstes vixit, patre jam tum A. clō lō XC. mortalibus exempto) ut per eximie probitatis specimina infantiam, pueritiam, adolescentiamque vero laudum pariter & eruditionis expectata nobilitaret fruge. Sic cū ad ordinis sui ematuruisset decus, in studia missus aliorsum est. Artem adamabat excolebatque Medicam; cui impetu naturæ singulari tamen, Chronologiam magis & notitiam historiarum, successu etiam feliciore prætulit. His enim adeo scientiis profecerat, ut sub insigni postmodum Theologo DN. D. JOHANNE BEHMIO, *de colligationis exterarum epocharū ad annos à mundo condito rationibus*, circa A. clō lōc VIII. multa cum laude disputaret. Exterarum quoque gentium adire Academias, ornamentum literis ejusdem videba-

tur addere. Peragrata igitur Germaniarum magna parte, in Gallias, Angliam, Belgium, Daniamque iter meditabatur. Ad quod felicius expediendum, commendatitias, quas vocant, literas, à decima illa Musa, FRIDERICO scilicet TAUBMANNO (nomen enim Viri memorasse sufficit) ad illustres literarum Heroas, Dominicum Baudium, Hugonem Grotium, Danielelem Heinsum, Iohannem Meursium, Petrum Scriverium, Erycium Puteanum, Andream Schottum & Iohannem Wovvenium, Belgarum Lumina; sed & in Angliam, ad Cambricum; Isaacum vero Casaubonum, Nicolaum Rigaltium & Desiderium Heraldum proh quantos in Gallia tum Viros! ) communi nempe libello chirographum obtinuit. Hoc se comite in viam anno clō lōc XI. vicissim dedit, cum biennium ante, Germanicas lustrasset Scholas Regias. In Daniam, ut supra diximus profectus, aliquamdiu Hassnia morabatur, ut clarissimo per orbem Mathematico, CHRISTIANO SEVERINO LONGOMONTANO, cujus familiari informatione mirum quantum fruebatur, innotesceret. Anno deinceps vertente ad suos redux à promotore & Decano, TAUBMANNO illo, artium, & Philosophiæ Magister, inter undetriginta Competitores primus, ob primam eruditionis virtutum laudem, publice renunciatus, nova de itinere in Bataviam reassumendo consilia agitabat. Peregrinabatur autem longe ac illi, felicius, de quibus *Plautina* isthæc mulier confessæ veritatem :

*Urbs speciem vidi, hominum mores perspexi parum:*  
dixit. Ergo cum illuc commigrasset, non urbes modo magnificasque sedes ac propugnacula miratus, sed Viros adire illustres ac audire, præcipuam duxit curam: donec auctricem certioris fati Leucorin expertus suam est. Vacanti enim ex obitu WANCKELII Nostri, Historiarum Professioni, ad vocationem *Serenissimi Electoris*, Divi JOHANNIS GEORGII PRIMI, clementissime præstitutus, A. clō lōc XVI. Mense Septembri, huc iterum concessit. Quam ille provinciam sic publice privatimque exornavit, ut ingentem nullibi non gloriam; tam diu, hoc est, per XLVIII. annos, quoad per valetudinum rationes licuit, administrabat, ut singularem sane ob præclaros libros quoque evulgatos, commeruerit memoriam. Et jam de matrimonio, antequam ad plura provehamur, edisserere oportet. Anno clō lōc XVIII. connubiale foedus primum inquit cum Ornatissima foemina  
CA-

CATHARINA REICHENBACHIA, THOMÆ REICHENBACHII, Senatoris apud nos, & Negotiatoris primarii olim filia unica; celebravitque Christiano ritu d. XXVII. Octobris. Quam felix fecundumque illud postea extiterit; VI. intra undeviginti annos liberi, THOMAS nimirum; ANDREAS, REINHOLDUS, totidemque sequioris sexus; DOROTHEA, CATHARINA BARBARA & ANNA MARIA, editi testantur. Quanquam tres fato præmature functi, secuto illos ante aliquot abhinc annos fratre etiam ANDREA, qui Cüstrini, ex conjugio & ipse suo, liberorum X. pater, vivorum adhuc tantum IV. relictorum factus est. Superstes cum REINHOLDO, cive Stralsundensi ejusdemque prole, gemina, DOROTHEA, præstantissima scemina jam agit; quæ post prima illa cum M. MARTINO DÖRRINGIO firmata thori vota, (ex quibus filios suscepit duos; JOHANNEM CHRISTOPHORUM & MARTINUM, viventes adhuc) ne propter obitum mariti; viduitatem diu coleret, secundo rite nupsit honestissimo Viro, BARTHOLOMÆO FREMELIO, à curandorum Electoralis castri vallorum rationibus, A. c. l. c. l. c. l. III. pignora hucusque tria, sed duobus iterum ereptis, tollens. Ut sic nepotes XVII. numerarit, ex priore statu Avus A. c. l. c. l. c. l. XXXVII. conjunctissima orbatus vitæ socia Excellentissimus Vir fuit. Ergo de novis, elapso anno, votis cogitanti, HEDWIGIS, Clarissima tum temporis arrisit virgo. Viri Experientissimi; Amplissimiq; DN. WOLFFGANGI SCHALLERI, Med. hoc loco Doct. Prof. Publ. & Archiatri Lichtenburgensis Principis, relicta filia; quam XXI. Aug. die. An. c. l. c. l. c. l. XXXVIII. domum solenniceremonia duxit, & per XXVI. annos hætenus fidam pacatamq; in omnibus, sed sine prole tamen, adjutricem ad ultima expertus est. Ceterum in publicis Academiæ & Professionis suæ partibus se talem gessit, ut Viri boni, gravis, & industrii nomen deperdidisse nunquam videretur. Ter Universitatis Rector, octies Decanus Facultatis suæ lectus, AA. LL. Magistros CLXI. creavit. Secutum ultimi honoris, ex morte maximæ BUCHNERI Nostri complementum; cum ante triennium hoc proximum, Academiæ Senior venerandus evasisset; in quo, sicut in omni vita, temperatam comitate gravitatem singulis, honorem & amorem Collegis, officia proximo, pietatem Deo suo, inter quotidiana sacrarum meditationum ex SS. & ve-

terum Theologorum libris, exercitia, approbavit. Sed nunc tendentibus ad finem, morbi quoque ac mortis adnectendum genus est. Jam diu fuit illud, ex quo tempore catharris sæpe, sæpe & podagra prostratus, lectulo adhæsit. Redierat pro more infelicior Arthritis, mense anni elapsi nuper adeo Novembri; abiitque iterum, sed in periculi majoris fraudem. Die enim XXX. Decemb. nimium frigoribus caloribusque per vices obrutum se sensit. Mox & pertinacissimus catharrus, à suffocatione dictus, lassum antea & emaciatum Senem sic attrivit, ut & ciborum potusque omni appetitu, & virium reliquiis, & loquelæ usû propemodum spoliaretur. Illam tot votis hætenus quæsitam instare horam intellexit, qua brevi post valediceret mundanis. Advocatus igitur in solatium diviniore vitæ, qui à confessionibus ipsi fuerat, Verbi per reverendus Minister, DN. M. AUGUST. FLEISCHAUERUS, ut suum corde Jesum asservaret, admonens; cum ille teneo, teneo, responderet. Biduo ante, quam expirabat, factum hoc. Die enim mensis hujus quintodecimo, aliquantum post X. antemeridianam, inter cantus precesque adstantium, placidissima finitus est analysi; annos supergressus LXXIIX. menses II. exceptis totidem diebus. Cujus dum est ad I. deinceps pomeridianam, ex Ædibus relictis, in templum primo oppidanum, habitaque prius Concione, ad Ædem arcu contiguam, solenni pompa funus deducendum, ut condatur ibi corpus: reputabitis vobiscum, CIVES ACADEMICI, quantum & Nobis in universum omnibus, & Seni venerando ad exequias cumulatissime ornandas, debeat. P.P. a. d. XX. Januarii Anno recuperatæ gratiæ M DC LXIV.

## SCRIPTA.

Fundamenta veræ Chronologiæ Scaligerianæ, contra Dion. Petavium, Sethum Calvisium & Sam. Petitem. *VVit. teb.* 1644. in 4.

Dissertatio Chronologica, pro Veritate Chronologiæ Scaligerianæ, *ibid.* 1652. in 4.

Chronologiæ Scaligero-Petavianæ breve compendium, *ibidem* 1661. in 4.

De Modo Colligationis exterarum earumque antiquissimarum Epocharum, ad annos à mundo condito, Disputatio, sub præsidio D. Joh. Behmii, *ibid.* 1608. in 4.

PROGRAMMA,  
IN FUNERE

*Perquam Reverendi, & Clarissimi Viri,*

DN. MICHAELIS  
VVATSONII,

S. Theol. D. & Historiæ Sacræ ac

Profanæ Professoris,

p.t. Facultatis Philosophicæ Decani,

IN ACADEMIA

CHRISTIAN-ALBERTINA,

quæ est Kilonii,

Anno c1s 1sc LXV. d. VII. Decembr.

*placidè in Domino defuncti.*

PRORECTOR ET SENATUS

Academiæ Holsatiæ Kiloniensis

CIVIBUS SUIS

S. D.

**Q**uod Sapientissimus Simonides præceptum Spartano Regi dedit; Μέμνησο ἀνθρώπου ὅτι ἄνθρωπος, id nostris quoque mentibus in omni infixum esse vita debet, Homines cum simus, humani nihil ut à nobis alienum esse existimemus. Id vero quid sit, rectissime Sacra nobis Volumina nervosis tot sententiis explicant, tot egregiis imaginibus illustrent, quas fere omnes Nazianzenus uno est complexus Disticho :

Χρῆς, σκιά, φάσμα, δρόσος, πνοή, πλερὸν, ἀτμίς, ὄνειρος,  
Οἶδμα, ῥόσος, νῆς ἰχθυος, αἶψα, κόπης.

Quis nos in hunc sermonem casus adducat, nemo est, qui nesciat. Ecce enim D. MICHAEL WATSONIUS (heu res hominum, & spes fluxas!) nobis per inopinatam mortem eripitur; cujus nomen cum posuimus, satis esse videri possit:

possit: qui Die hujus Mensis VII, sub Horam X, ante meridianam ex hac nova CHRISTIAN-ALBERTINA in Cœlestem Academiam placidissime emigravit; ac quantum viveris vidensque Splendoris & ornamenti eidem attulit, tantum nunc luctus squalorisque obitu suo excitavit: quo non contemnendum vulnus huic Academicæ nostræ est inflatum; nostræ autem? imo universæ Reip. literariæ: quod revera ita est, ac metuendum, ne qui hoc credere addubitant, eos verum doceat post exitus ingens. Sed de laudibus Viri, uberius alii propediem, atque alibi. Nos, quod Officium, ac recepta consuetudo imperare nobis quodammodo videtur, in antecessum faciemus, & Historiam Exitui quondam, nunc Desideratissimi Collegæ, strictim memoriæ gratia delibabimus.

Auspiciatus est hanc lucem Stolpæ, quod Oppidum est Ulterioris Pomeraniæ haud ignobile; Anno ab instaurata per CHRISTUM salute mortalium MDCXXIII, a. d. XV, Augusti, quem Ipse sibi fatalem multis nominibus fuisse, in Oratione Valedictoria Rinthelii habita, quæ consuli potest, demonstrat. Patrem nactus est *Iacobum VVatson*; ex nobili, quantum quidem accepimus, in Scotia, ac celebri familia oriundum, Civem Primarium Stolpensem, & Mercatorum panni Serici Tribunalum, ac Seniore; cui optime de se merito Parenti Monumentum Hic Noster, Anno 1658, in Academia Hassio-Schaumburgica debitæ pietatis ergo posuit, quod impressum exstat, cum aliis compluribus. Matrem habuit Foeminam Lectissimam, & Spectatissimam, Sophiam Löfensiam, &c.

*Ingeniosum nasci felicitas est*, inquit *Augustinus*. Atque hic natus talis; quæ etiam causa fuit, ut Parentes ab ineunte statim pueritia iis imbuendum literis, Magistris, quâ publice, quâ privatim, commiserint; quibus teneram ætatem erudiri par est: ubi studio & diligentia ipsam ætatem prævertebat; neque calcaribus, quod vulgo solet, sed fræno potius opus erat, viam Sapientiæ & Virtutis terenti. Factus paullo adultior, cum præter docilitatem, ingens discendi ardor in ipso ethnicaret, & non obscura jam apparerent specimina, ad omnia eum summa ab ingenio armatum; Præceptorum hortatu, ad *Gēdanense* Gymnasium se contulit, ad uberores studiorum fructus capeffendos, Anno c. Id. loc. XLI. Ætatis autem Octavo decimo. Nec mora, nec requies; in omnes protinus Phi-



Philosophiæ, ac Philologiæ partes mature sibi incumbendum esse existimavit; nihil ille quidquam putabat actum, si quid agendum restaret. *Venatori*, inquit *Columella*, *virio non est, etiamsi non omnes feras, quas captat, coeperit*; at Hic Noster vitam sibi acerbam illico putabat, si non omnia pernovisset, quæ forte offenderat; ac in omni re minus diffulter suis poterat imperare affectibus; in sola discendi Libidine, an intemperantia, non poterat; & cum semper omnibus, sibi tamen uni unquam satisfaciebât. Tantus erat & gurge; & helluo (si tamen ita loqui fas est Librorum; Primitiæ in Philosophia itaque & Theologia *Dantis* deposuit, quos felicissima deinceps messis erat exceptura, sub celebrerrimū d. quæque *Viris*, *Iohanne Bosaccio*, *Petro Oekasio*, *Danielo Lago*, *Iohanne Mochingero*, aliisque; quos nominatim hic recensere nihil forte adinet; quod prolixius & hæc & alia (quod semel monuisse sufficiat) docere possit Programmæ ad Disputationem Theologicam Inauguralem Rostochi typis excusum; quod nullus dubito in multorum manibus versari. Itaque cum aliis virtutum dotibus, tum facilitate in primis morum, tum doctrina quoque id est consecutus, ut *Viris* paullo ante laudatis ad unum omnibus impense charus fuerit.

Eorundem consilio Academiæ *Regiomontanæ* filius adeundam duxit; Anno cld lxc XLIII. quam quasi Studiorum magistram ac sedem delegit; urpote in qua totis quinque annis hæsit; quo ad divinarum juxta atque humanarum sacraria doctrinarum penetraret; intimæ admissionis Discipulus *Catellini*; *Mulenta*, & *Christiani Drejeri*, magni nominis Theologorum; *Hartvici* iudem; *Vichelmanni*, nec non *Alberti Linemanni*, Philosophorum; sub quibus hic Lauream, legitimus scilicet Olympionices, Philosophicam est consecutus; quam ut tueretur Collegium in Instit. Physicas *Gilberti Jachæi* frequenti Auditorio instituit.

Hinc Anno cld lxc XLVIII d. gressus, ex itinere *I. A. Comenium Elbingæ*; *Dantis*; cum Vetere modo dictos Præceptores, tum Evergetas alios *Stolpe*, *Consanguineos* & Amicos; *Stetini*, *Iacobum Fabricium*, *Iohannem Micrælinum*; Adfines; *Gryphiswaldæ Beringium*, aliosque salutavit. Ex eo diversis in Germaniæ Academiis ipso VI. annos vixit; ac primo quidem *Rostochii* ex morbo recreatus *Bataviam* petiit; *Enchuja*, *Paludani*. Musæum vidit; *Lugduni Batav.*

*rum, Spanhemium, Heinsium, Salmasium, Golium*, quantas animas! in quorum notitiam, & familiaritatem, cum per annum, & quod excurrit, producto in *Eth. Arist. Collegio*, ibidem substitisset, admitticœpit; uti *Franequera, Cocceji, Vltrajecti, Regii & Cartesii*, aliisque passim in locis aliorum consuetudine usus fuit.

Inde reversus *Hamburgum* salutato inprimis *Iungio*, non vulgari Philosopho, & *Lubecam* transiit, atque ita *Rostochium* rediit: Ubi Collegia in universam pene Philosophiam varia aperuit: Disputationes varias, & Dissertationes tam publicas, quam privatas edidit. Interea temporis transfretavit in *Daniam*, ejusque Metropolin *Portuam*, ac præcipuas Civitates *Daniæ* alias lustravit, & in iis Viros quosq, Præclarissimos, Tum & *Frankfurtum ad Viadrum* accessit; ubi primus quasi ad dignitates publicas aditus ipsi patefactus; cum in Amplissimo Philosophorum Collegio inter Adscriptos, sive Adjunctos cum vulgo appellare libeat, tribueretur locus; quam Sp̄rtam ut exornaret, Collegiis & Disputationibus variis *Metaph. Log. Orator. Geograph.* præfuit. Ad *Gryphiswaldensem* deinceps Academiam amicorum literis excitum, cum spes, quæ tum de restauranda Universitate ista adfulerat, restincta esset, peramanter cum *Stralsundam* invitavit *D. Iohannes Schönerus*, Medicus & Professor Regius, Parentis ipsi loco semper cultus, quam per annum infedit, non ignotus, nec neglectus præterea Viris ibidem Claris, Istorum, inprimisque *DEI O. M.* nutu brevi post in luculentam incidit conditionem, ac Anno *MDC LIV. M.* Majo Matrimonium iniit cum non exigui nominis florentissima Virgine *WENDELA*, Reverendi Viri, *Dn. Simonis Hennin-gii*, Ecclesiastæ officio *Hafniæ* annos sat multos laudabiliter functo, ac deinceps Pastoris Cathedralis Templi *Bremensis* Regii, Filia; cum qua suavissime hactenus, & conjunctissime (quæ summa Conjugum est felicitas) per undecim, & quod excedit, annos vixit: ut versus Poëtæ Veteris de illis usurpandus veniat: Corporibus geminis Spiritus unus erat. Ex ea liberos genuit quinque, binos nostri, tres sequioris sexus; de quibus tres adhuc tenera admodum ætate superstites, *Anna-Margareta, Simon-Iohannes*, & *Cacilia-Maria*, quæ à Viduæ Matris afflictissimæ uberibus adhuc pendet; omnes eo majori commiseratione digni: duos vero *Margaretam-Sophiam*, & *Simonem-Iacobum* in primo infantiaæ flore

flore mors intercepit. Sed ut nulla unquam mortalibus sincera est voluptas, ita & huic memoratæ felicitati sæpius calamitatum aliquid admistum fuit, ac illa Bonæ mentis Soror & Contubernalis, ut ipse alicubi testatur, in eorum Lares subinde commigravit. Verum, ut Historiæ filum pertexamus, eodem, quo conjugium rite contraxit, anno, ad Rostochium, Musarum vetus hospitium, Almam Matrem, aut nutriculam revisit, ubi ab utroque Professorum Collegio Professori designato ipsi rediit labor actus in orbem; quem quanta fide, quanta dexteritate, quam indefesso exantlarit studio, norunt illi, qui magna cum voluptate, insigni utilitate, rara admiratione docentem audiverunt; & res ipsa, ac præclara, quæ reliquit, ingenii monumenta abunde loquuntur. Cum enim per omnes ætatum gradus ad summam perfectamque contenderet sapientiam, maximarum rerum studia consecutus est, quæ nunquam intermisit, sed ne remisit quidem, intempestam sæpe noctem antelucanis horis, brevissimo somni interstitio, jungens: cumque virtutis laudem in actione sitam esse cognovisset, ita scite ac sapienter omne tempus distribuisse visus est, ut contemplando, agendo, docendo, disceptando, nullam ejus partem diffluere pateretur inanem. Evoçatus autem anno cło Ioc LVIII. ab Illustrissimo, Celsissimoque Principe WILHELMO VI. *Hassia Landgravio &c. &c. &c.* ad Professionem Phys. Historiar. & Polit. in *Acad. Hassio-Schaumb.* nihil sibi habuit antiquius, quam ut illam omnibus modis exornaret, quo nomine, cum jam ante pluribus testatum reddidisset speciminibus, quantum in Theologia profecisset, Anno M DCLIX. Disputationem Theologicam Inauguralem de Fidei & Vitæ Christianæ articulis *Rostochii*, adprobante Theologorum Collegio, amicisque applaudentibus feliciter peregit. Jam verò si singula forent commemoranda, annis labentibus octo, Rintelii ab ipso sive gesta, seu docta, aut disceptata, non Catalogus mihi, sed Ilias pene ipsa esset texenda: ut in transitu tribus hic verbis attingisse sufficiat, bis Ipsum *Rectoris*, bis, nisi memoria fallit, *Decani* munere functum; *Doctoris* autem Titulo Anno M DC LXIV. exornatum: cum telam hanc abrumpendam, ac ad finem properandum, & chartæ angustia nos admoneat, & instituti ratio suadeat. Neque verò usdem de causis, Viri laudes persequi, dignoque eas prosequi Elogio nobis est

integrum; quam splendido fuerit ingenio; quam incredibili propemodum variarum cognitione rerum; quanta, quamque; eximia virtute, pietate, modestia, probitate, constantia, fide, candore septus: de quibus, & id genus aliis silere præstat, quam parum dicere. Illud vero minime videtur prætereundum, quod, cum apud alios Principes, summosque Viros gratia floreret, etiam *Serenissimi, ac Clementissimi Principis Nostri*, inter alios Celeberrimos Germaniæ Viros, non indignus fuerit iudicatus, qui in CHRISTIAN-ALBERTINA Academia Philosophicæ Professioni Primatiæ admoveretur.

Atqui, cum serena viderentur auspicia, insperatus Viri obitus, nescio quomodo istud lumen obtubilavit, ac acerbissimo luctu, doloreque totam Academiam pariter ac familiam confudit. Usque adeo nihil humanis in rebus fincerum est, aut certum, sæpeque, ut Poëta canit; medio de fonte leporum Surgit amarum aliquid, quod in ipsis floribus angat. Quem scopulum utinam nobis prætervehi liceret! Veniendum enim ad extrema Viri; quæ non nostris, sed Celeberrimorum Medicorum verbis ex Historia morbi heic inferere visum fuit.

*Seriem itaque morbi, causamque quod attinet, quoniam CL. Vir natura visus fuit Melancholico-Scorbuticus, & meditando cateroquin à plusculis annis bonam noctis partem consumere consuevit, unde famam quidem nominis æternam, sed corpus etiam valde debile; loco præmii, maciem & lividum faciei colorem retulit: præterea currente vita, stando pleraque, dextrumque latus in mensa, memorabili studiorum suorum palastra, fortius firmando, scribere vel meditari consuevit; ut hoc pacto ob iteratas continuatasque thoracis compressiones, partes ejusdem interiores debilitata; ominosam humoris congestionem facile admitterent. Sicque dispositus Beatus Collega noster, dum proxime elapso die 18. Nov., à nuptiis pie & frugaliter transactis, abesse, ob amorem alteri cui-dam Collegæ debitum, non potuit, hora circiter 10. Vespertinam valetudinem suam, ac Lucubrationem habens, domum petiit, à qualicunque ista mutatione aëris blandi in frigidiusculum, impedita sine dubio transpirationis autorem, male continuo habere cœpit, afflictusque punctorio dolore dextri lateris, cum tussi sicca & molesta, & levi primum febricula, quam vero sitis aliqua, mediocris dolor capitis, spirandi*

randi difficultas, & sueta alias, sed concitator ventriculi subversio comitabatur, totam noctem expertus est insomnem, turgescētibz interim, anteq̃ & post sanguinis detractiones, venis, Sed jam secundo die statim graviora omnia, Morbusque, cum Febre ardentiori, majus majusque incrementum sumisit. Cujus oppugnandi gratia mature satis, Collega amicissimus D. Joh. Daniel Major, auxilium rogatus est. Et is quidem rite perpensis omnibus, nihil eorum pratermisit, quacumque vel ad minuendi morbi causam, vel diversionem ejus, discussionem, aut alterationem, vel mitiganda symptomata, & tuendum Natura robur fieri debere, juxta artis Canonem, rationem sanam, & experientia dictamen, videbantur, tam eo tempore, quam diebus subsequis. Horumque periculum veluti bene praevidit, ex indicio multiplici, Medicus, ita continuo, antequam plura ageret, actu quantumvunque necessaria, attamen, ne in suis contra morbum adeo ferocem, acutum & dubium, consiliis, careret vel teste erudito, vel adjutore gratissimo, ipse in Societatem curationis invitari Celeberrimum Virum, Dn. D. Casparum Marchium, conjunctissimum Collegam, petiit, qui facile proin accedens, Eū quoque sedulo ac aqua prudentia collaboravit. Sed debile Natura robur, quod partim copia Sanguinis regurgitantis oppressum in agro existit, partim justo plus resolutum fuit per vigilias nimias, doloris vehementiam, continuitatem Febris, vomitiones crebras, & his succedentes, usque ad finem fere, singultos crebros, nullaque arte domabiles, nec non causa morbifica contumacia, quae vanas ut plurimum reddit Crisium expectationes, juncta effecerunt omnia, ut omnis medicamentorum, quantumvis exquisitissimorum virtus frustra adhiberi visa fuerit, & B. Collega violentia mali occumbere facile potuerit. Et haecenus quidem laudata modo Historiae verba. Nunc reliqua breviter pertexamus.

Itaque vi ipsius morbi fatalis magis magisque ingravescēte, accersito Reverendo Dn. Johanne Brawero, Archidiacono Ecclesiae Nicolaitanae Dignissimo, φάρμακον ἀθανάσιον, ἀντίδοτον τῷ μὴ ἀποθνήσκειν, ἀλλὰ ζῆν. ἐν τῷ θεῷ διὰ Ἰησοῦ Χριστοῦ, καθαρτήριοιον ἀλιξίκακον, ut locutus est B. Ignatius, Sacrosanctae, inquam, Domini Coenae ἱερόδιον, devotissima prius animi reverentia, Exomologesi facta, participavit. Non facile dici potest, qua fide, qua patientia, qua Spiritus alacritate mortem ipsam exceperit, quamvis non solum corpus

non contemnendis subinde doloribus afficeretur: sed ipsa etiam rationis arx valide tentaretur, quæ tamen per intervalla, DEI beneficio, recuperata ei fuit, adeo, ut ipse quidem triduo ante digressum ex hoc seculo, ut loqui Tertullianus amat, quem spiritu religiose præfagebat, è lecto funebri ad calamum ultimæ quasi voluntatis Oracula dictarit, ac ut maiorem in animis Lectorum fidem obtinerent, ac suavitatem, suæ manus, licet debilis, subscriptione obfignarit, & confirmarit.

Tandem VII. Decembris ad eum, quem in ore semper habebat, quem animo spirabat unum, JESUM CHRISTUM, Servatorem nostrum evolavit, ac placide, & dormienti similis, sub Horam X. antemeridianam, magno adstantium Collegarum & amicorum luctu, exspiravit; ut minime sit dubitandum, quin adgregatus beatarum cætibus animarum, æternis jam gaudiis, ac DEI conspectu & luce coram perfruatur, perennes sapientiæ veræ latices, quorum rivulos in tot Academiis libavit, ex plenissimo divinitatis fonte hausturus. Etsi vero Academiæ causa dolendum est, quod tantus Vir, qui novam eidem circumfundere lucem potuerat, imature videatur ereptus: tamen, cum providentiæ, ac voluntati divinæ, ex qua penitus pendere omnes est æquum, reluctari sit nefas; in ea placide nobis adquiescendum esse intelligimus; ac Homeri illam ἐπιφάνησιν, nostram, uno tantum immutato in rectius verbo facere; ἥ τε δὲ ἐπιλείπει βέλγε. Ac cum apud eundem Telephus ab Achille vulneratus, oraculo admonitus, ab eodem remedium petierit, multo magis nos in ejusmodi malis ad ipsum DEUM, quod divina jubent Oracula, confugiamus, qui ut solus talia infligit vulnera, ita etiam nobis laborantibus subvenire solus, & medicinam facere potest.

Reliquum est, ut tempus Exsequias solenni ritu eundi, & locum indicemus. Effertetur itaque Hodie, Hora II. Pommeridiana, ex ædibus, quas habitavit hæctenus, vel potius è regione vicinis, in Ædem Sacram, funebri Concione condecorandus. Convenietur autem in Area Collegii ante mediam secundam. Præter rem vero faceremus profecto, si quemquam vestrum una ire impensius vel rogaremus, vel hortaremur, quod scimus universos ultrò & frequentissimos, qua fieri potest, facturos, & sat scimus, quod potterem hoc pietatis & humanitatis officium, ac sola nominis WATSONI,

NII, quod singulariter hoc meretur, mentio omnes Bonos fortius alliciet, quam ullius hominis, aut Scripti Exhortatio. P.P. sub Sigillo Academix, Anno MDC LXV. a. d. XV. Decembris.

## EPITAPHIUM.

*Hospes, siste gradum, ac adstans hac pelloge pauca,  
Addita qua tumulo qualiacunque vides,  
Sub lapide exiguo situs heic VVATSONIVS ingens,  
Exsu vias spoliū linquit inane sui.  
Cui (proh meta brevis!) vix octo vivere lustra,  
Angustos licuit vix numerare duos.  
At faciunt dia mentis monumenta tamen, quod  
Tempore pro parvo Fama perennis erit.  
Huic merito atque lubens tribuit PASSERTIVS urnam,  
Misturus cineres hic aliquando suis.  
Hospes, abi, postquam fueris bona verba precatus,  
VVATSONI tumulo molliter ossa cubent.*

PAULUS SPERLING, SS. Theol.

Prof. Ordin. Præpositus Hol-  
faticus.

## SCRIPTA.

Unio Sapientix five Synopsis totius Philosophix: *Brema* 1658. in 12.

Oratio Valedictoria habita *Rinthelii* in 4.

Clinodium Aristotelicum, in quo Dissertationes in universam Philosophiam continentur, *ibid.* 1661. in 4.

Theatrum variarum rerum, exhibens Excerpta & Annotata in libb. de rebus Memorabilibus Pancirolli & Salmuthi. *Brema.* 1663. in 8.

Oratio in Introductione novæ Academix Kiloniensis, Facultatis Philosophicæ nomine, recitata, & post obitum Auctoris edita. *Slesviga* 1666. in fol.

Disputationes Philosophicas oppido multas habuit in Riomontana, Rintelensi, Rostochiensis & denique Kiloniensis Academiis, ex quibus nos aliquando vidimus: De Substantia mobili & immobili: De Sapientia prima & primis principiis: Theses ex universa Philosophia conscriptas: Historiam Anti-Diluvianam: De Fidei & vitæ Christianæ Articulis, quæ Inauguralis fuit:

De Origine Philosophiæ: De Virtutibus in primis de Temperantia ejusque oppositis: De propria laude: De iusta præmiorum & pœnarum irrogatione: De Curiositate: De Anima: De officio Magistratus: De primis Societatibus & Republica: De Tyrannide: De veteribus & novis Rebuspublicis: De optimo ex voto prudentium Politicorum: De demonstratione scientiæ: De Sophisticationibus: De Sensuum Organis: De Imaginationis efficacia: De Tempore: De norma Physicæ: De Sensibus animalium: De Cœlo & stellis: Habuit quoque plurimas Disputationes in Dialecticam, Physicam & Mephysicam.

## PROGRAMMA,

In Funere

*Viri Amplissimi, Excellentissimique,*

**DN. CHRISTOPHORI  
NOTTNAGELII,**

**Mathem. Super. Professoris longe  
meritissimi, & Academiae Witteb. Senioris  
Venerandi,**

*Publicè prepositum à*

**RECTORE ACAD. WITTEBERGENSIS,**

**MICHAELE WENDELERO,**

**SS. Th. Doctore, ejusdemq; P. P. Extraordinario,  
& Moralis Philosophiæ Ordinario.**

**T**Riste verbum, & nulla satis emolliendum via, vixit **CHRISTOPHORUS NOTTNAGELIUS**, Vir Excellentissimus, Mathem. Super. Prof. Publicus longe meritissimus, Sen or Academiae nostræ venerandus! Illud licet inter Labra luctetur, quod funestæ rei indicem mens ipsa exhorreat, extrudendum tamen ab invito ore, & sine ambitu dicendum, quod publicæ calamitatis sensus jam vulgavit. Atrax nobis nuperrime fecit Calendas pulcherrimi mensis mors clarissimi Viri, annuis licet literariæ Reipublicæ comitiis



tiis festivas. Vix purpura novis humeris incubuerat, vix congratulantium voces finierant, cum atrox fama rebus lætis repensque agritudo gaudiis intercessit. Avertat Deus fennale om̃en ejus diei, ne ab infelici exordio, succedentium rerum similis ordo fluat. Abomipamur certe turrium casus, nec sine suspitione venturarum cladum ruinas magnarum molium contemplamur. Augetur ea, si publicis illæ dicatæ fuerint usibus, si diu cum admiratione spectatæ, si metum sui calamitas prævenierit. Et si ex pretio amissæ rei jactura crescit, quo dolore fatum illud descendum sit, non apparet satis. Annulos ponere, mutare vestes, capillos promittere, justitium indicere, mortî atque fortunæ diem dicere, Diis ipsis invidiam facere impotens gentilium dolor solebat. Nec nobis animus deesset in eum affectum, nisi Christianorum sanctior disciplina alios mores postularet. Osculis excipienda summi Patris ferula, & patiente silentio tolerandæ, quas-cunque rebus humanis Dictator ille Maximus posuerit leges, quibus non obtemperare facinus, irasci flagitium, contradicere piaculum est. Non injurius est creditor, qui sua repetit; sed malus debitor, qui non nisi cum gemitu aliena reddit. His limitibus cum coerceatur luctus noster, per aliam viam exonerandus est pius in defunctum amor. Indolere suorum mortî, etiam improbi, vitam laudare, non nisi grati solent. Et, ut ab ovo quod dicitur, ordiamur, natales Amplissimus Vir debet Franconiz, optimorum ingeniorum fecundissimæ matri, quæ ipsum Hilpershusæ Coburgensis Ducatus oppido, Anno æræ Christianæ M DC VII. undecimo Calend. Octobris primum protulit. Parentes sortitus est ex honestis & antiquis ejus loci familiis JOHANNEM NOTTNAGELIUM, DOROTHEAM-QUE THOMASIAM, à quibus non modo prima pietatis, virtutumque reliquarum semina hausit; sed &, cum nobilis animi & que capacis manifesta indicia daret parvulus, ludo patrio commissus est, ex quo literarum culturam acciperet. Ha sit illa adeo feliciter in optima indole, ut manifesta divini favoris argumenta nemo non animadverteret. Agebatur interea annus M DC XXVI. cum ille undevigesimum ageret, opusque videretur, ut nobilis ille surculus, ex umbra in solem transferretur. Electum est huic spei Gymnasium Coburgense, ubi vix integro verrente triennio, radices ille egit in quamvis altitudinem suffecturas; Latinas quippe, & cum

Græcis Ebræas literas ea fide imbibit, his ut idiomatis perorans non sine applausu audiretur publice. Quo factum est, ut iudicio Præceptorum suorum maturus pronunciaretur Academiis, ex quibus tunc Regiomontanam prætulit. Eam cum peteret, ex via in nostram divertens, aliquantulumque non sine fato moratus, destinatum iter perrexit. Sed trepidabant tum Musæ illæ, ex tumultu armorum quod Sueci & Poloni in urbis ejus fere pomæriis hærent, unde noster circumactis velis, ad Nos paulo post rediit. Et licet non exigua ipsi spes ex Upsalia & Dania affulgeret, illeque jam consilia in septentrione haberet; tamen quasi injecta divinitus manu, semper Wittebergam, velut in portum fatis definitum rejectus est. Commorandi itaque impetum cœpit, atque anno M DC XXX, Lauream hic Philosophicam adeptus non sine laude, mox ex Collegiis Philosophicis, & ante alia, Mathematicis necessarios sumptus laboresque impendere cœpit. Complexus tunc erat vasto an. mō Theologiam, eoque jam gradum promoverat, ut Anno M DC XXXIV, dignus videretur, cui Heldburga Francorum, Superintendentis arduum munus offerret. Sed interceperat jam patriæ votum, Witteberga nostra, quæ paulo ante adsciverat sibi illum Superiorum Mathematicum Professore, nec id sine fatorum benignitate, quod non multo post tempore, Heldburga Martio igne conflagravit. Totus itaque in astra & Mathesin suam incubuit Noster, licet difficillimis illis temporibus stipendia aut nunquam, aut ægre suppeditarentur. Successit temporum fortunæ improbus labor, cum in diem quinas senasve horas juventuti studiosæ daret. Exercebant tunc belli iniuriæ, continuique præsidii importunum onus Academiam, nec fere erant, quos molestia & pericula à publicis curis non absterrent. Eò tamen valere Collegarum preces, ut deploratis istis temporibus subveniret ille, continuoq; septennio in rebus militaribus ipsi publice commissis, occupatissimo munere fungeretur. Deus bone! qua fide, quo Academiæ, civitatis, omniumque egenorum emolumento & solatio! Norunt illud omnes, fatentur boni atq; candidi. Nec obstabat quod summo valetudinis & virium dispendio ea fierent; sed quasi publico tantum natus, suam neglexit, ut aliorum saluti consulere. Non minus interea rationes officii urgebat, quod eo semper animo esset, in hoc situm omne felicitatis suæ cardinem, si demandatas sibi par-

tes cum fide impleret, pauperibus vero, quanta per fortunas licet, efficacissima ope subveniret. Decanum Facultatis suæ quinquies, Academiae Rectorem bis egit, maxima prudentia, majori fide, summa omnium utilitate. Nec bello saltem, sed pace quoque spectata Viri virtus, cum publico A. academiae nomine legationibus ita fungeretur, ut felicissimam ejus efficaciam admirarentur omnes, assequerentur pauci. Hæc publice. Si ad privatas laudes divertamus, non minor campus sese aperit. In decantato illo Cæsaris Augusti proverbio, non abs re inter humanæ felicitatis capita refertur *ευζαμία*, quam ad arbitrium Viro celeberrimo obtigisse, omnes norunt, qui ipsum non ignorarunt. Primo autem matrimonio Anno 1634. sibi junxit Virginem omnibus virtutum dotibus conspicuam, DOROTHEAM ELISABETHAM MÜLICHAM, DN. CASPARIS MÜLICHII Pharmacopæi quondam in hac urbe celebratissimi filiam, cum qua ex animi sententia vixit, factus ex illa quatuor masculorum, octo filiarum parens, ex quibus tamen JOHANNES CHRISTOPHORUS, JOHANNES CASPARUS, GOTOFREDUS, DOROTHEA ELISABETHA & CHRISTINA ad cœlestia regna illa adierunt. Superstites ex eo conjugio sunt filius CHRISTOPHORUS, cum filiabus, omni virtutum laude cumulatissimis, ANNA CATHARINA, Viro nobilissimo & perquam strenuo DN. ERASMO EGERLANDO, castri Elect. & excubiarum amplissimo Præfecto nupta, MARGARETA SIBYLLA, Viri reverendi clarissimique DN. M. JOHANNIS WERGERI, Illustrissimo PRINCIPI ANHALTINO Servest. à concionibus aulicis, conjugæ DOROTHEA, cui maritus cessit Vir Excellentissimus DN. ANDREAS SENNERTUS, Ebr. & Lingu. Oriental. P. P. ELISABETHA, juncta Viro Amplissimo Dn. GEORGIO CASPARI KIRCHMAIERO, Eloqu. P. P. ANNA MARIA, quæ elocato est Viro nobili atque strenuo DN. GEORGIO CHRISTOPHORORIEBENSTEINIO, castri Wiltzb. ac rei tormentariæ Præfecto, nec non Protribuno delectus militaris ex provincialibus ibidem: & virgine deniq; florentissima MARIA MAGDALENA, Parentis desideratissimi obitum acerbis lacrymâs prosequentibus. Postquam autem priorem hanc Conjugem marito abstulit fatum, peracto luctus tempore A. M DC LIV. mense Julio, ad secunda vota transiit, quibus Virginem, incomparabile sexus sui ornamentum, ELISABETHAM,

Viro

Viro Consultissimo Amplissimoque DN. CHRISTIANO KREMBERGERO, J. U. D. & Juridicæ Facultatis in hac Academia Assessore prognatam, solenni ritu sibi sociavit; cujus matrimonii pietatem, fidem, suavitatem, absolutissimam denique felicitatem, nunquam satis deprædicare Noster potuit. Et quippe liberque è priori conjugio susceptos pari atque suos amore complexa, usque adeo nihil novercæ habuit, ut nulli labori, nulli molestiæ parceret, quo ad virtutis legem illi formarentur & crescerent. Omnes denique modestiæ & prudentiæ œconomicæ partes ita implevit, ut unico huic ingravescentis senii solatio gratias ille ageret, non sine lacrymis, paulo ante, quam moreretur, liberisque in ultimis mandatis daret, post DEUM maximo matrem semper colerent affectu. Prognati ex hoc matrimonio quinque liberi, duo virilis, JOHANNES CHRISTIANUS & JOHANNES PAULUS, reliqui sequioris sexus, ANNA ELISABETHA, ANNA MARGARETHA, ANNA SOPHIA: superstites omnes, præter primam ex filiabus, quæ triennio fere ab hinc decessit. De pietate, & reliquis Viri meritiissimi virtutibus, summi, infimi, cives, exteri, uno ore testantur. Nec quicquam ille antiquius habuit unquam, quam bono publico consulere, navare operam amicis, egenis subvenire. Candoris vero usque adeo amans erat, ut non nostri seculi homo, sed ex priscis illis esse videretur, quorum intemerata sinceritas istud elogium popularibus olim peperit: *Neminem mortalium fide ante Germanos esse*. Omnium dierum exordia juxta & exitus precibus dedicare solebat, quibus se, suos, & ante omnes, PATRIÆ PATRIS salutem Deo commendabat, in genua profusus, feriatisque Numini dies non publica saltem in templis, sed privata etiam pietate domi cum uxore & liberis transegit. Et ne quis illius in Cathedra Mathematica fidem aut laborem desideraret, non docendo modo, sed etiam scribendo effecit, editis in publicam lucem aliquot libris, quibus summi ingenii foetibus alios additurus erat, nisi summam manum inopina mors subtraxisset, à cujus mentione etiamnum calamus abhorret. Speculatus jam dudum erat velut è longinquo, venerandus Senior, sive illud animi præsagium factum, sive ex collabentium virium conjectura, semperque piissima sollicitudine, se ad excipiendum hanc comparabat. Hoc animo cum esset, septimanis ab hinc circiter novem d. 25. Februarii. Colicis

licis doloribus ex inopinata opprimebatur ea vi, ut animum fere plerique desponderent. Restitutus tamen sensim, meliori spei eo usque fuit, dum 30. Aprilis, malum, quod eiec- tum videbatur, recidivo impetu ipsum invasit, cui abigendo quamvis diligentissimam operam navaret Vir Experienti- mus, Excellentissimusque DN. CONRADUS VICTOR SCHNEIDERUS; Philof. & Medic. D. P. P. Facult. suæ Senior juxta & p. t. Decanus, ac Celsiss. Princip. Anhaltin. Archiater, ea tamen intemperie morbus incubuit, ut artem omnem non frustraretur modo, sed quoque eluderet. Qua remotus Noster, ut meliorem sui partem ex eo naufragio eriperet, salutaris viatico ut instrueretur; desiderabat enixe; Accersitus in ea mysteria, Vir perquam Reverendus DN. M. AUGUSTUS FLEISCHHAUERUS; piissime poeniten- tem voti sui compotem fecit; quibus peractis, Deo ille cali- dissimis precibus arbitrium de se permisit; nihil plate turba- tus, nisi quod amantissimæ conjugis, liberorumque vicem intime doleret. Interea dum avertendo periculo nihil omit- titur, conquistissimisq; medicamentis naturæ labenti suc- curritur; illuxerunt funestæ illæ Calendæ, sub quarum ini- tium meliuscule quidem habere cœpit. Sécesserat interim ex animi ægitudine conjux afflictissima; cum ille ad dulcis- simum Generum & Collegam DN. KIRCHMAIERUM conversus, certissimò animi præfagio se nosse, ait, fore ut hodie Salvatorem suum conveniret. Ad preces deinde & hy- mnos circumstantes; ad obsequium & pietatem liberos co- hortatus, nihil horum intermisit, quæ ad levandos animi & corporis dolores faciebant. Adulto jam plenius die; Medicus accessit, à quo licet iterum felicissimæ medicinæ adhiberen- tur, calculus tamen & intestinorum dolor pertinacior fuit; quam ut vinci posset, & exhausta viribus natura, nihil ad conservationem sui conferret. Et licet circa meridiem, ne- scio quæ spes erigere mœstos videretur, non diuturna tamen ea fuit, dum mox præter calorem, languor quidam insolitus ægrorum occupat. Jamque in quartam pomeridianam pro- cesserat dies, & pallor suffusus faciei, signaque alia adesse fi- nem indicarunt. Crebriuscule igitur à Sacerdote rogatus, numquid JESum suum corde complecteretur, in ultimis af- firmandi vocibus, defecit inter medias preces cantionesque cum in hoc mortalitatis stadio, confecisset annos LIX. excep- tis mensibus IV, septim. 2, dieb. sex, Ita, malis omnibus cur- risque

risque & laboribus ereptus NOTTNAGELIUS est, Deoq;  
suo junctus, æterna celebrat gaudia. Mæstissimæ interim  
cum liberis necessariisque ceteris relictis, Viduæ, divina ex  
intimis pectoribus solatia precamur, Numen clementissimū  
obtestati, ut & jacturam hanc resarciat mature, & à funestis  
porro istiusmodi cladibus Academiam hanc immunem ser-  
vet. Qui piis exuviis & memoriæ beati SENIORIS Nostri  
supremus adhuc superest solvendus honor, peragetur rite,  
cum ad hor. I. postmodo ex ædibus *rs Manapira* in Tem-  
plum Oppidanum funus Christiana pompa ducetur primo,  
& habita concione funebri, in Templum omnium Sancto-  
rum, Arci contiguum deducetur. Vestrum est, CIVES  
ACADEMICI, decenti & prolixissimo comitatu, Viri clarif-  
simi, longisque ut in rem alias literariam, sic in hanc impri-  
mis Universitatem meritis conspicui, SENIORIS ac Præce-  
ptoris fidelissimi exequias ire: quod ut faciatis, non multis  
adeo hortamentis opus esse arbitramur. P. P. Dominica Ju-  
bilate, anno recuperatæ gratiæ cIo Ioc LXVI.

## SCRIPTA.

Institutionum Mathematicarum Pars Prima, continens Ma-  
thesin generalem, Arithmeticam vulgarem, Logisti-  
cam Astronomicam, Algebram, Geometriam, Tri-  
gonometriam, Geodæsiam. *VVitteb.* 1645. in 8.

Synopsis Mathematica. *ibid.* 1665. in 12.

Manuale Fortificatorium, oder kurzes Handbüchlein von der  
Festungs Bau-Kunst / darinnen sieben Arten einen für-  
gegebenen Platz zu befestigen / und CCXII. Krieges-  
Regulen. *L. Æbeck* 1660. in 8.

Gründlicher Bericht / von dem Anno 1665. erschytenen im-  
portierlichen Cometen. *Wittenb.* 1665. in 4.

Manuale Architecturæ militaris, Teutsch. *ibid.* 1659. in 16.  
Disputationes quoque nonnullas publice habuit e. g. de Si-  
lesia: De hypothesibus Astronomicis in specie, qui-  
bus motus stellarum ab occasu in ortum demonst-  
rantur: Diatriben Chronographicam, qua de paucis re-  
gionibus, quarum in Historia sacra fit mentio, disqui-  
ritur, &c.

## MEMORIA

*Viri Summi, Literarum Phœnicis,*DN. THOMÆ  
REINESII,

Philologi, Critici, Polyhistoris ac

Medici Incomparabilis,

Serenissimo Saxoniae Electori

à Consiliis,

*Lipſiæ XVI. Kal. Februar. An. c1s 1sc LXVII.**placidiffimè defuncti,*

Cum ex Curriculo vitæ ab ipſo B. Doctore Germanicè conſcripto, tum ex aliis Schedis,

*Renovata & translata,*

**N**E igitur ſe inſolentius ſuo Hiſpania C I A CONIO, Italia  
FULVIO URSINO, Gallia SALMASIO, Anglia  
SELDENO, ac Belgium MEURſIO jaſtarent, ipſe DE US  
immortalis altiffimam REINESIO indolem, ad totius Ger-  
maniae decus, exterorumque admirationem, quadam con-  
ſilii ratione, contuliſſe videtur. Is *Gothæ Thuringorum*, an-  
no ipſo ſupra ſeſquimilleſimum octogefimo ſeptimo, Idi-  
bus Decembris, circa primam nocturnam, felici admodum  
fidere, in orbem illuxit. Patre natus Virorum Integerrimo,  
*Iohanne Reines*, cive iſtius loci haud poſtremo; & Matre  
*Anna Zimmeriana*, Virtutum ſpeculo terſo ac limpidò.  
Quibus nihil prius, nihil fuit antiquius, quam ut huncce fi-  
liolum extimè carum, per luſtricum ſacrum, Chriſto ejus-  
que Eccleſiæ infererent. Cum vero bonæ mentis & inge-  
nii ſtudiorum capâciſigniculi confertim emicantes in puero  
conſpicerentur, Muſis eum, nec ſine maximo ſucceſſu, con-  
ſecrarunt. Vix triennis Scholam jam frequentare cœpit,  
ſimulq; cum duobus fratribus, privatos intra Muſæi poſtes,  
ſub ſtudiorum Magiſtris fidelibus atque doctis, mature ope-  
ram dedit literis. Duodecimum cum ætatis annum atti-  
giſſet, utramque linguam, Græcam nimirum ac Romanam,  
adeo calluit, ut intrepide proloqui, ſatisque congrue quic-  
quid

quid vellet, calamo excipere vaieret. Hinc singularis indu-  
 striæ specimina, ista adhuc ætate constitutus, exhibuit, inter  
 quæ Evangelia Dominicalia cum variis Psalmis precibusque,  
 non soluta minus oratione, quam ligata facta, omnem lau-  
 dis adorem adepta sunt. Quamobrem Viri impense do-  
 cto, *M. Andrea VVilkio*, Iudicium literarii in Patria Rectori  
 solertissimi, maximeque famigerabili, perquam gratus & ac-  
 ceptus exitit, qui eum sæpius in exemplum tot Scholasticis  
 cætui imitandum proposuit. Et quamvis initio ineptus  
 jam tum; Scholæ qui adiret regias, judicaretur, dexterrimis  
 tamen Moderatoribus suis, *VVilkio*, *VVeitzingue* placuit, ut  
 teneræ ejus ætat paululum parceretur. Unde factum, quod  
 integro adhuc biennio primum inter *Grundriss* locum te-  
 nuerit, cum eo præprimis tempore Gymnasium illud Götta-  
 num alumnos triginta etiam annorum aleret. Patet *inscrip-  
 tionem*, circa Pentecosten; anni cñs lxc lll, filios suos;  
*Christophorum* (Pastorem postea Ecclesiæ Lagenh. inentis;  
 in Districtu Hennebergico) nostrumque *Thomam*; studio-  
 rum, quam exorsi erant; telam pertexendi gratiâ; in Witte-  
 bergensem Academiam transtulit. De meliori vero notâ Vi-  
 ris apud exteros quodque ingenti gloria fulgentissimis; *Taub-  
 manno*, *J. stelio*, *Balduino* commendabantur. Horum postre-  
 mus eo inprimis laboravit, ut THOMAM REINOLDUM;  
 de quo plurima sibi eaque magna in omni literaturâ olim  
 præstanda promisit; Theologiæ sacris consecrandum dedde-  
 ret; Nec destitit absentem, cum Altorfii, Noribergæ atque  
 Geræ nonnihil subsisteret; creberrime monere, ac pene ef-  
 flagitare; omnes ingenii vires ad sacram intenderet mili-  
 tiam; fore enim Eum aliquando Reipublicæ Christianæ  
 Præfulem oppido salutarem; sagaci jam tum mente prævi-  
 debat *Balduinus*, Sacri Ordinis protomystra. Verum, quod  
 minus gregem Christi suæ concedendum curæ susciperet;  
 causam ejus rei, ut rebatur; satis habuit ponderosam. In-  
 genii quippe formidine correptus, dum a teneris Caninam  
 istam literam decenter efferre neutiquam potuit; id quod;  
 in recitandis ad populum concionibus; noxium sibi credidit  
 Consuetudine tamen ætatisque decursu illud linguæ vitium  
 planissime emendavit. Præ studio itaque Medicinæ spiri-  
 tualis elegit corporalem, ductus illustri præpitiis exemplo  
 Patruelis quondam sui, *Nicolai Reinesii*; *Æsculapi* non imæ  
 caveæ. Ille etenim superioris ævi anno octogesimo secundo;



sæva tum peste totam ferme Germaniam, adeoque & Noribergam, ubi sedem fixerat, passim occupante, affectorum plerisque opem attulit perutilem. Promeruit inde Vir experientia Medica longe inclutus, ut ab Inviçtissimo Romano Imperatore, RUDOLPHO II. Pragæ evocaretur, vitæque illibi colophonem feliciter imposuit. Noster autem ὁ κἀν, dum Athenis Albiacis, ceu supra innuimus, omni cum laude & alacritate literis incumbit, ex ore *Iacobi Martini, Trautleri, Rhodii, Gijonii, Stranchii, VVerenbergii* atq; *Lippii* ἀπὸ τοῦ πέποιθεν. *Hettenbachium* insuper *Cocum* & *Sennertum*, (hujus præcipue ἀπὸ τοῦ Σενάρ summe admiratus, eidem ἀδιδασκάλος adhæsit) Medicam artem profitentes, flagrantia & nihil non conante industria excepit. Annus tum erat sæculi præsentis septimus, cum Jenam eo quidem animo se contulit, ut munificentissimum Serenissimi Principis Saxo-Coburgici stipendium, pro Medicinæ Operantibus delegatum, nancisceretur. In prænobili isthoc Musarum Prytæneo ὁ ἐκ τῆς ἐπιφάνειας Noster, Veteranus tanquam Apollinis Miles, etiam ante susceptum (quod raro fieri assolet) Magistræ gradum, Philosophica ut & Memoræ artem per Imagines & loca, intra Musæi sui cancellos, benivolo Superiorum indultu, professus est. Quamvis vero à Spectabili Collegii Philosophici Decano, *Thoma Sagittario*, inter secundæ Laureæ Candidatos, gratuitus jam tum ei locus assignaretur, maluit tamen, publicis aliquot ingenii foetibus, eruditioni paratæ hederam præfigere, ac in alterum usque annum oblatum exantlati laboris brabeum rejicere. Anno cIdo Idc X, iter Bohemicum ingressus, Pragæ apud *Henricum Erndtelium*, Cæsareum Pharmacopolam. divertit, binosque ejus filios suavi virtutum ac literarum liquore imbuir. Eandem postea operam Perillustri *Iulio, Comiti à Schlikken* strenue navavit, ibidemque gratam sui apud omnes reliquit memoriam. Relicto Bohemorum regno, Francofurtum ad Oderam, fama atque meritis Excellentissimi *Rulandi*, Medici Cæsarei, pertractus, in consortio celebrium Virorum vixit non sine gloria, studiorumque suorum incremento. Neutrquam & hic acris REINESII sedulitas, quæ toto indies impetu ad altiora rapiebatur, se retrahi passa est, sed statim sibi præfixum immoto animo & immarcessibili prorsus industria dexterrime absolvit. Tanta nunc Virtute, tanta etiam scientia perpolitus, non potuit non omnium bonorum in se amorem elicere.

Hinc ἀπὸ τὰ πύματα ἰδοῦσθαι, *Henningus Arnisaus*, quam primum Nostrum Beatum cognovit, singulari illicet ipsum benivolentia omniq; προθυμίᾳ complexus est, & nihil quicquam intermisit, quod gratum ei atque commodum accidere posse judicabat. Cum itaque ad uberiotem ingenii cultum capiendum, & externarum quoque regionum visendarum cupidine flagrans, in Italiam contenderet, Paduæ aliquantisper commoraturus, summis illum literarum Heroibus serio commendabat. Hic, insito naturæ ductu, rei cum primis Medicæ ac Antiquariæ se totum mancipavit, insignium ad hæc Doctorum contubernio & alloquio cotidie usus. Non enim, ut plurimi hodie peregrinantium solent, perfunctorie, aut veluti Canis de Nilo lambit, exteras obibat RĒNESIUS regiones; verum pensiculate minutissima quæque animadvertibat. Si ergo quippiam ad futuræ vitæ commodum, sanitatis recuperandæ artem, Venerandæ Antiquitatis notitiam, populorum denique diversorum mores rite notandos, spectare videbatur, id ubivis mente oculisque attentissimis observabat. In reditu perantiquam Rauracorum Academiam salutabat, apud Lycei hujus Basiliensis Proceres favoris ac familiaritatis vadum tentabat, qui decenti rursus cum humanitate suscipiebant, nec nisi mitra Doctorali insignitum, prout exquisita ejus doctrina merebatur, dimiserunt. Ita exornatus Altorfium Noricorum plenus adibat spei, ut sympatriotæ atque Adfinis sui, quem per omnem vitam intime coluit, *Cass. Hoffmanni*, Medicorum *Phosphori*, cura & favore, in Professorium ordinem cooptaretur. Accidit circa annum cōs Ioc XV. summo annuente Numine, ut fidem ὁ Μακαρίτης Noster dederit connubialem Virgini tum quidem sexus sui, ætatis ac generis ornamento, *Magdalena*, Nobilis & spectatæ probitatis Viri, *Christophori Tetzeli*, Noribergæ ex numerosiori, ceu vocant, Senatu, & Telonii ibidem (in der Oberwage) Præfecti, filia, ex qua, inter ἀντιφιλιςσως contentiones, tres filios, unamque suscepit filiam, sed cuncti in ipso ætatis flore extincti, tristem solummodo sui memoriam Optimo Parenti reliquerunt. Contubernalem vero suam ita dilexit, ut in ea omnes thesauros suos, positos existimaret, nec quicquam pretiosius ea in rebus humanis se possidere statueret. Τῶν γὰρ πλείων ὁ δ' ἀείρεσθαι, γενναίον λίχθαι ἰσοῦν, ut Comicus Græcus ait: Optimis nempe divitiis statuens, si quis egregiam ac generosam

conjugem nactus esset. Cæterum anno seculi hujus XVI. a  
 Celsissimi Principis Marchio Brandenburgici Consiliarius gra-  
 vissimis, *Mauricio Kanne*, & *Ioh. Baptista Baumio*, ut & Rei-  
 publicæ Bareitinenfis Physico, *Tobia Bauerjchmidio*, eximie  
 commendatus, Varisciam petiit, inque urbe, quam Curiā  
 sive Hoff, appellant, Medicinam exercere cœpit. Quum per  
 biennium ista sparta peregrinaretur ac provide functus esset, a  
 Generosissimo & Perillustri Dynasta ac Domino HEINRICH-  
 CO, juniore, Lineæ RUTHENICÆ ac totius familiæ tum  
 Seniore, Domino à Plavia &c. ut Archiatri partes, Scholæq;  
 Ruthenicæ ἐπισκοπῆς susciperet, benigne invitabatur. Divi-  
 næ huic vocatoni obicem ponere non ausus, sed quo fata  
 ducerent, prompto ubivis animo sequebatur. Qua vero fide,  
 prudentia & dexteritate ab anno XVIII. ad ævi nostri XXVII.  
 adeoque per novennium, in prædicta Civitate pariterque Au-  
 la se gesserit, documenta sane plurima, eaque inter ipsius Il-  
 lustrissimi Dynastæ manu consignata, abunde loquuntur.  
 Inde Alteburgum commigravit, ac ibidem amplissimis quo-  
 que muneribus conspicuus, in luce hominum & dignitate  
 summa vixit. Sed quantum & hic XXX. annis perpessus fue-  
 rit, durissimo præsertim belli pestisque tempore, quo se ani-  
 mo salutis publicæ devoverit, quoties maxima vitæ subierit  
 discrimina, dummodo alios iisdem liberaret, ac Patriæ bene  
 consuleret, sciuit dubio procul, & grato, ceu decet, pectore  
 prædicabunt, quicumque Germani hujus Catonis pruden-  
 tiam, animi candorem, & intrepidum pectus exactius nove-  
 runt. Cum autem ille, post primæ conjugis διχοτομίας ali-  
 quantidui Cælibatum probasset, tandem tristia Viduæ do-  
 mus mala ferre amplius haud potuit, Quare ad secundas, nec  
 diu tamen ei secundas, nuptias adjecit animum, sibi que an-  
 no clesio XXXVI. Mense Febuario, junxit præstanti  
 Virtute & indole scēminam, *Dorotheam*, Viri quondam Cla-  
 rissimi, M. *Iohannis Lozii*, Viduam. Cum qua, per XXI. an-  
 norum spatia, licet vixerit ἀντίθετος, amoris tamen reciproci  
 haud ἀσπῆτος vixit. Ad reliquam REINESIANÆ vitæ  
 ἰδοιμοπλασίαν si convertamur, silentii potius sibi par o tanti Litera-  
 torum Principis Virtutes Christianas involvere, quam fri-  
 gide de illis verba facere præstaret. Quoniam vero plane  
 tacere non decet, extremis hic duntaxat lineolis Maximum  
 Virum, tanquam Leonis unguem, depingemus. Hoc pro-  
 fecto solícite admodum agebat, ut non ipse solum ad ἰστο-

ῥαμμένον à Servatore nobis relictum, humanitatis scilicet, patientiæ, mansuetudinis, aliarumque Virtutum, actiones suas componeret, sed & aliis exemplo egregie præluceret. Congregationibus sacris devote se agglutinabat, epulique divini, ulu frequentiori publicorum conventuum nervum arctius contrungebat, atque sic fidei radios per charitatis opera foras mittebat. Sicut enim Beatus Noster singulari ardore φιλόθεος dici meretur; ita attenta sedulaque Sanctissimi Codicis lectione illud demum obtinuit, ut in genuinum ac literalem cujuslibet textus Biblici sensum, adhibitis interpretandi mediis, fontium nempe evolutione, ac Versionum diversarum collatione, penetraret. Hocce summum animi sui oblectamentum cæteris quibuscunque in fidei mysteriis altercationibus, quæ futiles sæpe, ad Christianæ religionis nucleum parum vel nihil prorsus conducibiles, & ex uno tantum alterove versionis rivulo, aut iis superstructis hominum commentis, deductæ esse solent, multis præposuit parasangis. Quid? quod domesticam ejus pietatem non parum promoverit utilissimus iste labor, quo Hipponensis Episcopi, D. AUGUSTINI, *Soliloquia*, nec non Consummatissimi inter Nostrates Theologi, B. GERHARDI, *Meditationes quinquaginta* plane aureas, Elegiaco Carmine, Latioque sermone, tersissime reddiderit. Alias externa REINESII conditio non pomposa & splendida, sed simplex, recta & ad ipsam honestatem erat composita, à blanditiis & mendaciis prorsus aliena: Fastum & fucum seculi ἐλαφύχως detestabatur, istasque artes, quibus hodie nonnulli sibi mihi placeant, versuti magis ac callidi, quam prudentes, & quod tantopere audire cupiunt, Politici, atque pejus fugebat. In demandatis sibi officiis tam caste versabatur, ut DEO conscientiam puram utique & illibatam, superioribus obsequium & reverentiam, ac proximo cuique promptum inserviendi studium omnibus modis probaret. Testantur tot undique pauperes atque egeni, quos consilio, ope, imo variis ac pene infinitis sibi arctissime devinxit beneficiis. Testantur ingenui isti cives, quos, Consulatus sui tempore, æquitate & iustitia rexit. Nunquam muneribus, nunquam gratia à veritatis tramite flecti poterat. Afflicto Reipublicæ statu, cum Athenensium Duce fortissimo Conone, *non quasi vult, ubi ipse tuto viveret, sed unde præsidio esset civibus suis*. Vere igitur pauperum asylum, oppressorum refugium,

gium, & errantium altissima pharus habebatur. Sub auspici-  
 cium anni cōs lōc LVI. à Serenissimo Saxoniz Duce Al-  
 tenburgico, clementissime impetravit REINESIUS, ut à  
 publicæ rei cura & administratione quam immortalis nomi-  
 nis sui gloria hætenus gessit, paululum liberaretur, ne im-  
 mensis laboribus excellentissima ejus idoles, aggravescente  
 etiam indies ætate, plane succumberet. In praxi autem  
 Medica, intricatissima quæque morborum genera, quamvis  
 alii Podalirii de iis plane desperarent, singulari fato ad No-  
 strum devolvebantur, in quibus si non voto semper eventus  
 responderit, prudentiores tamen facile animadvertabant,  
 qua ille peritia, judicio, fide atque solertia singula ponde-  
 raverit *παιδεία*. In lectione vero ea progrediebatur me-  
 thodo, ut priscos ante omnes scriptores *ἀρχαῖς ἀπὸς* evol-  
 veret, & quæ in iisdem loca depravata, obscura, non intel-  
 lecta, præcipue in *Hippocrate, Aristotele, Galeno, Aretæo, Plinio Vtroque, Scribonio, Largo, Apulejo, Sexto Corlio, Au-  
 reliano, Marcello, Empirico dicto, Garioponto* emendaret, il-  
 lustraret, explicaret, Græcorum versiones corrigeret, atque  
 sic sensum cujusvis loci maxime proprium, sublimi ubivis  
 mente investigaret. Simili quoque scrutinio aliorum opti-  
 mæ notæ Doctorum volumina excussit, quemadmodum  
 partim ex MS. Adversariis, partim illis ipsis Auctoribus,  
 quorum editionibus emendationes suas variaque *ἀξιωματι-  
 κευς* apposuit, luculenter videre est. Præter ea, quæ pu-  
 blicæ jam luci exposita, continuis eruditorum manibus te-  
 rentur, ingenii REINESIANI documenta, reliquit ὁ *παν-  
 μάσι*. Noster ingens quoddam Volumen plus quam M. CC.  
*Observationibus, Curationibus, Consiliis & Responsis Medi-  
 cinalibus* locupletissimum: *ισορῥῥα* Medicina, seu historiam,  
*successiones & vitas Medicorum*, ab aliis *βιογράφοις* præteri-  
 torum: *Miscellanea Lectionum & Emendationum Medica-  
 rum: Libellum de notis veterum & Abbreviationibus*, in  
 plerisque linguis, nondum à quoquam observatis. Hæc &  
 ejuscemodi plura dubio procul absconditæ raræque erudi-  
 tionis *περὶ ἡλίας* produxisset, si Deus ei vitæ pausam prolon-  
 gasset. Tractatus porro Philologicos (quorum tamen om-  
 nes editos esse, nondum vidimus) ipsemet alicubi Auctor  
 sequenti recenset ordine: *Commentationem Historico-Phi-  
 lologicam de Comitibus Palatina, ad Virum Perillustrem,  
 Octavianum Robertum, Cas. Maj. Rudolphi II. Persona*

*Medicum: De Lingua Punicâ: De Deo Endovellico: Notæ ad Joh. Seldeni Syntagmata de Dis Syris: Supplementum ad Gerh. Joannem Vossium, de Historicis Græcis & Latinis: γλῶσσαι ξέναις, sive Glossarium vocum Barbararum apud Autores tam Veteres, quam recentiores repertarum, κατὰ σοφίαν: Censuram nonnullorum in Claudii Salmasii Plinianis Exercitationibus: Sex libros Variarum Lectionum: Apologiam Chemia, contra ejus Osores; Tractatum Germanicum de Peste, multis subinde novisque observationibus adauctum: Antidotum contra Sycophantæ Lipsiensis edentuli morsum: Commentarium denique de difficillimis & à nemine hæcenus explicatis Inscriptionibus. Accessit eidem Auctionarium, in quo pleraque in Italia inventa, nec operi magno Gruteriano inserta reperiuntur ac dilucidantur; Hæc à Viris undique doctissimis Italis, Gallis, Germanis, Danis, Anglis atque Belgis tenerrime fuerunt expetita. Primitias harum Inscriptionum typis jam splendentium me Lipsiæ apud Autorem vidisse recordor. Sub exitum anni labentis sæculi LXIII. Fridericus Brummerus, juvenis Virtutum experimento clarissimus, magno suo Mæcenati, THOMÆ REINESIO, de divino illo Veterum Inscriptionum volumine, venuste admodum gratulatus est. Ita autem ille Patronum suum inter alia alloquebatur: Huic operi inest quiddam ἀποινώνητον. Quippe quod nec exemplum habuit, nec parem sibi invenit. INSCRIPTIONUM VETERIS ROMÆ SYNTAGMA, è sinu Tuo prodit, quas novissime repertas, & variè hinc inde dispersas, partim summum in Te literas demerendi studium conduxit, partim in cætu Musico præstantissimi quique Tibi unico in dubio Apollini interpretandas transmiserunt. Hæc ex obscuris perspicuas, ex mutilis integras, ex depravatas correctas exhibes. Exhibes autem tanta cum explicandi dexteritate, ut non ex nostra, sed ipsorum εὐλογησθεσσαντων memoria atas tua videatur interpretanda. Nec dubito, si extincti fatu auctores harum inscriptionum jam reviviscerent, quin plenissimo veritatis testimonio ἐννοχίαν tuam sint comprobaturi. Occupasse quidem Scaliger & Gruterus, edito grandi Inscriptionum volumine videntur, sed quanto Tu ipsos post Te intervallo relinquis. Illi sylvam caduam dedere, Tu repurgatam. Illi anigmata vulgarunt, Tu produs Oedipum: Seu quo alio nomine adpellem illud, quale nunquam ab ullo*

*Eruditorum profectum est EPONYMOLOGICVM, quod Syntagmati tuo additum perfectam expletamque omnibus numeru & partibus cognominum Romanorum notitiam nobis suppeditat. Nihil quippe horum neque in lapidibus, neque chartis extat, quod non hic legamus dispositum apte: evolutum ingeniose: dijudicatum acriter. Quin etiam Romanis illis Græca quadam & Teutonica miscentur. De quarum explanatione, nisi Tu contigisses, desperatum erat omnino. Ut per hoc demum Eponymologicum Gruteriana Inscriptiones fructuosissime in doctorum manibus sint futura. Neque vero est, quod post Gruterios objiciantur mihi Chiffletii, Pignorii, Liceti, Vrsati, Tomasini, tanquam explicatarum Inscriptionum fama illustres. Etenim dubito, an honestius pudori suo consuluerint, si intra Gruterianam se modestiam continuissent: si cogitassent, non eadem aestimatione Scriptorum & Inscriptionum expolitionem esse metiendam, quod in illis plenus Orationis contextus longe faciliorem commentandi laborem faciat: in his ex literis & syllabis Inscriptionis mens elicienda: illic consueta & regulis suis definita sit verborum constructio: hic insolens & arbitrii inscribentium: illic offusam caliginem exorta sæpe in Inscriptionibus lux disjiciat: hic multa occurrant, quibus sanandis frustra ex Historicorum libris medicinam queras. Tanto proinde eruditionis omnigenæ apparatu instructus Noster REINESIUS, tanto insuper Virtutum splendore coruscans, non potuit non à Magnatibus Europæis justo æstimari pretio. Ad Aulas quippe, Academias atque Respublicas illustres subeundas, aliquoties expetitus, illis tamen suam addicere operam, promissis licet stipendiis perquam amplis, minime voluit. Nam ab inani mundanorum gloria, sub qua maxima sæpenumero latet miseria, experientia edoctus, meritissime abhorruit. Quin & quaslibet, scivit, sub sole dignitates fluxas esse & inconstantes, ideoque tales, quæ possessores suos è folio facile dejiciunt atque perfundant. Nec tamen adeo latere potuit, quo minus indies è longinquis terris, ab inclutis Viris, Epistolæ adfluerent REINESIANAM facundiam ac sapientiam avidè sistentes, ut quasi in mercatura bonarum artium *μεγαλὴν πρὸς* videretur. Ipsi enim hanc Fata gloriam destinarunt, ut merces ab ingenio divite profectas, in hac mortalitate immortalitas commendaret, elegancia eidem pre-*

tium imponeret. Numerarunt hoc merito in felicitatis suæ censu absentes Theologi, Jcti, Medici, Philologi, per universum orbem eminentes, qui τὸν εὐλογίᾳ Nostram intimo adfectu & honore prosecuti, literarium cum ipso commercium frequenter instituerunt. Indubie Vir Summus id sibi proposuit, ut à turbis mundanis paululum remotior DEO Opt. Max. eo artius adhærere posset. Hinc Lipsiam elegit, senectutis suæ receptaculum, ubi optabile fuit, juxta illud Busquetii, *sibi posse vivere & Musis, & cum paucis non fallacibus Amicis in agelli sive Musei angulo consenescere. Aut nulla est in hoc terrestri exilio, aut ea demum vera vita est.* Interea temporis ad piam placidamque αἰάλυσιν se continuo præparavit, prout quam plurimis ex imo corde fusis declaravit suspiriis. Quorsum & illud spectat, quod Græco versu expressit:

ὦ φίλον ΠΕΙΝΕΣΙΟΙΟ βίβη τὰ δ' ἔπειτα μέλεις,  
ΧΡΙΣΤΩ ζωοδότη γράψατε πῶτα λίθους.

Cum ævi nostri Varrone, Scaligero, animam suam profecturam hunc in modum allocutus est:

*Egredere, ô miseri multum defuncta ruinis,  
Egredere & servis servilia regna relinque.  
Aude, Hospes, tenebris horrendi imponere finem  
Exilii, & patria speratos quarere sedes.  
Tristes exuvia, falsa que incommoda lucis.  
Istic nunc, fera turba, jace, nos libera cœli  
Pignora sperato jam jam potiemur Olympo.*

Et iterum :

*Nate Deo, frater, rerum pia víctima Iesu,  
Adspice me, qui eundâ animas, mortemque senilem  
Exue morte nova, atque nova vita indue vitam.*

Piis & ardentibus ejuscemodi innixus Meditationibus ferme Octogenarius, vitæ humanæ satur, ad plures abiit, ut Christo æternum serviret, XVI. Kalend. Februar. Anno clō Ioc LXVII. & quinto Kal. Martii honeste sepulcro illatus est. Ita hoc Germaniæ Oraculum obmutavit: Ita inexhaustæ eruditionis fons exaruit: Ita ἑμψυχον μεσοῖν oculis nostris subtractum dolemus. Vos, quicunque Gratiis Musisque sacra facitis, perpetuos Amaranthos, grati animi Symbola, piis inæstimabilis REINESII Manibus adspergite. Vos abditæ antiquitatis Amassii, ubinam etiam loco-



locorum degitis, Nomen tam amabile & ipsi Apollini honoratum, non columnis, trabibus aut saxis; verum monumentis æternæ laudis incidite. Stabunt ejus effigies, non ut olim in foro aut agris, sed in illorum mentibus, qui hæc ampla & diffusa Viri in Rempublicam literariam merita candidis, & à vulgi alienis judiciis æstimabunt. Obstupescet docta posteritas, & quandoque inter illam quæretur: An MAXIMA REINESII Opera ab homine confici potuerint?

In Excessum

*Nobilissimi, Amplissimique Viri,*

THOMÆ REINESII.

*Hector Musarum REINESIVS occidit! Ergo*

*In nos barbaries qua data porta ruet,*

*Dic, quem dicemus, nostro Varrone remoto,*

*Hellados & Latii Teutoniaque decus:*

*Vt Cato erat summus Rhetor, Dux atque Senator;*

*Sic hic, quod nunquam fama negabit, erat*

*Philologus, Medicus, Polyhistor denique summus.*

*O felix! qui sic incubuit studiis.*

L. FRIDERICUS GEISLERUS,

Silesius, Maj. Princip. Colleg.

Collegiatus.

## SCRIPTA.

Chematria, hoc est, Medicina Chemia exornata, *Gera Ruthenica* 1624. in 4.

De Vasis Umbilicalibus eorumque ruptura, observatio singularis. *Lipsia* 1624. in 4.

De Deo Endovellico, ex Inscriptionibus in Villa Vizosa Lusitaniæ repertis, commentatio Parergica. *Altenb.* 1637. in 4.

Ἰσοπέπεια Linguæ Punicæ, errori populari Arabicam & Punicam esse eandem, opposita. *ibid.* 1637. in 4.

Variarum Lectionum libri tres, in quibus de Scriptoribus sacris & profanis, classicis plerisque, differitur. *ibid.* 1640. in 4.

- Defensio Variarum Lectionum. *Rostochii* 1653. in 4.  
 Commentarium in Veterem Inscriptionem Augustæ Vin-  
 delicorum haud pridem erutam. *Lipsiæ* 1655. in 4.  
 Epistolæ ad Casparum Hoffmannum & Christophorum  
 Adamum Rupertum. *ibid.* 1660. in 4.  
 Petronii Arbitri Fragmentum cum epicrisi & Scholiis. *ibid.*  
 1666. in 8.  
 Epistolarum ad Nesteros Patrem & Filium farrago. *ibid.*  
 1670. in 4.  
 Epistolæ ad Joh. Vorstium. *Colonia-Brandeb.* 1667. in 4.  
 Epistolæ ad Christianum Daumium. *Hamburgi* 1672. in 4.  
 Herodoti Halicarnassæi Orationes cum notis. *Lipsiæ* 1675.  
 in 8.

## ORATIO PARENTALIS

In

Tristem &amp; luctuosum obitum

VIRI

*Nobilissimi, Amplissimi & Excellentissimi*

DN.

JOH. CUNRADI  
 DIETERICI,

Græcæ Linguae & Historiarum in  
 Academia Marpurgensi & Giessensi Professoris  
 famigeratissimi,

Scripta, &amp; d. 18. Mart. Anno 1669.

In solenni Auditorio dicta,

à

M. HEINRICO PHASIANO.

*Magnifice Domine Rector, &c. &c.*

VIX ulla salutaris æque variis hominum calamitatibus,  
 quibus à Deo exercentur, parata medicina est, ac Pa-  
 tientia, summe mortalibus tanquam certissima mentis an-  
 chora

phora necessaria, ad quam exorientibus periculosisissimis, in infesto hoc humanarum vicissitudinum Oceano procellis atque fluctibus tutissima fuga patet. Quæ quidem prima malorum facie eò afflictorum animis hæret difficilior, quod major quæ premit miseria est; Temporis tamen tractu indole mali perspecta in pectore radices agit, longaue assuetudine in consortium quasi admissa pullulare incipit, uti dubium sit, majorne vis in toleranda calamitate dictæ Virtuti sit, quam tempori adscribenda. Et sane hoc magnum rebus momentum adferre, è variis deprehendere experimentis licet. Tempore namque silices atteruntur, tempore Leones innata feritas destituit; Eodem generosissimorum Equorum ferocia domatur, Tauri efferratissimi ferunt jugum, exponente ingeniosissimo Vatum Nasone: Luctum denique & curas etiam gravissimas si non omnino è miserorum animis eximit, at lenire tamen easdem in confesso est. Inde dubio procul profectum fuit, quod tristi Academia nostra tacitoque secum mærore perpenderit jacturam, quam passa ex obitu est *Viri*, dum viveret, *Nobilissimi, Amplissimi, atque Excellentissimi, Domini Ioannis Cunradi Dieterici, Historiarum & Græcæ Linguae Professoris famigeratissimi*, huc usque debitum Virtutibus tantis piæ Parentationis officium distulerit. Nimirum expectabat ut luctus mœrorumque vetustate imminutus animos redderet sedationes, & oratio tandem tot tantisque *Viri* meritis par exurgeret, qualis nequit, ubi mæstis affectibus cor oppletum in luctu constitutis verborum ne tenere quidem modum concesserit. Et hoc quidem prudens nostrum, certe pium, erat consilium, quod dum exsequi dicendis Beati *Viri* laudibus sperabamus, ecce! recruduit soporatus dolor, & vix depositi luctus memoriam præsentium curarum facies renovat, quæque Patrum Mortes deprecata se in longum esse sperabat Academia, affigitur denuo, funere funus insequente. Hinc tantum in subselliis inane est, migrantibus ad Beatarum Mentium sedes Procerum Optimis, quorum è numero B. quoque noster Dietericus erat, qui quidem habitu suo felix imo immortalis est factus, at nobis amplissimam lugendi materiam suggessit! Equidem Tullii decreto fas haut erat, ad vetustatem recurrere, atque à tempore expectare medicinam, ratione vero & prudenti consilio luctum eodem Auctore moderare debebamus; sed morata bonum consilium

tot tantaque mala æque omnem fere pacatæ rationis usum inhibuerunt. Degeneret igitur in lessum oratio sereno olim lætiorumque schemate proditura, & pariter mecum lugete A. casum Viri, lugete cum Rep. literaria casum Theologi, Medici, Philosophi; lugete casum cum Familia Patris olim fidelissimi. Dumque unde luctus merito cietur quali quali orationis filo deduco, ore linguisque favete, & vestro declarate silentio, esse communi luctu postquam fato functus est dignissimum, qui dum fuit, Studiis, Consiliis & Actionibus suis commune adjuvit bonum, ejusque incrementum pro viribus promovit.

*LVGE ô Respublica literaria casum hujus Viri, Philosophi, Medici, Theologi!* Atque ut luctus hujus publici materiam è postremo arcessam primum, quotusquisque est qui nesciat hoc Viro stante, stetisse verum Theologum? Theologum dico, studio enim sacro uti initiatus ita beate eidem immortalus est. Id quod jam jam liquebit. Natus in hanc lucem est Anno supra millesimum sexcentesium duodecimo, decimo nono Januarii die, horam inter undecimam & duodecimam diurnam, & natus est stemmate summorum Theologorum feraci, qualis Parens fuit & Patruus, uterque SS. Theologiæ Doctor, hic post maxima in patriam Academiam merita Ecclesiarum Ulmanarum, ille tandem Giffensium Superintendens vigilantissimus. His curæ fuit, imprimis autem Parenti, nativas filii virtutes excitare, ergo Sacri Baptismatis fonte lotus (ex quo Patris & Patruus omne felici nomen tulit) postquam pueritiæ annos attigisset, quantum per teneram ætatem licuit, in prima literatura & pietate profecit. Per Scholas porro tum patrias tum alias cundo literis humanioribus ad votum suorum excultus animus ad ulteriora intendit. In quem finem Academias adiit, Marpurgensem, Argentoratensem, Jenensem, alias. Quam se gesserit Strenuum in Studio Sacro tot loquuntur Exercitia, quibus & publicè & privatim interfuit. Argentorati quidem audiit Dn. Notterum SS. Theologiæ Professore, ut & Dn. D. Schmidium, quem quoties memoria Ejus obversaretur, B. Dietericus celebrare solebat, tanquam qui sibi fuerit πρὸς τὴν ἀλήθειαν καὶ εὐσεβείαν ἡγεμὼν, καὶ πρῶτον καὶ ἀρχηγός. Nec sane minor Athleta fuit in aliis Academiis. Cum enim Anno millesimo sexcentesimo trigesimo quarto Jenam Studiorum gratia se contulisset, nihil habuit antiquius,

quius, quam Theologos ejus loci tum temporis celeberrimos, Dn. D. Joannem Geratdum, & Dn. D. Joannem Himmelium adire, eorumque confortio & laudata in rebus Theologicis informatione frui. Et vero pulchre processit negotium, sub hoc enim privatum habuit Collegium Syntagmaticum & Galatinum publicum; Illum publice posteriorem Epistolam Petri interpretantem, privatim autem ternis Collegiis Aphoristico, Isagogico, & Anti Wendeliniano, celebri cuique Auditorio, præsentem audivit. Et ut ostenderet frustra se tantos Theologos non audivisse, eodem anno, vigesimo septimo Septembris die de publica cathedra cognitionis Theologicæ præclarum specimen edidit, theses de Natura Dei, & Attributis Divinis defendens, quæ Disputationem tertiam in Collegio B. Gerhardi Isagogico constituunt, ubi & Dn. D. Joan. Major, Superintendens amica *εὐχρηστέως* examinabat & approbabat Nostri in rebus sacris scientiam; nec contentus tale industriæ suæ documentum se exhibuisse, sequenti Anno proprio Marte elaboratam publice habuit Disputationem Anti Wendelinianam, Dnn. Theologis Marpurgensibus inscriptam, quam ut conscripserat docte, ita contra Strophas Adversariorum eam defendit, Bonorum omnium applausu. Imo qua ratione in oculis fuerit Theologis orthodoxis etiam in locis remotioribus viventibus Matthiæ & Brochmando, ut reliquos taceam, ex Elogiis variis quæ B. Dietericus hisce suis Doctoribus scripta reliquit, elucet, quibus debitorem se post fata profiteatur. Quanti vero Eum Hieron. Prætorius ob Studium Theologicum fecerit, ex ipsius ad Amicum quendam literis doceri posset, si instituti ratio permittere, in quibus vocat Eum indefessi Ingenii Hominem, cui nihil difficile, quemque ad summa natum videat agnoscatq; iubens. E quibus omnibus constare arbitror, fuisse B. Dietericum nostrum à Theologis summis non mediocri habitum loco. neque fallam fuisse famam, quæ inter celebres Eum dudum locarat. Equidem ob causas gravissimas Studio Theologico ita porro incumberebat, ut tamen aliis potius vitam dare secum statueret, per quam totam erga Deum, Principem, Collegas, Familiars, Proximos suos ita se gessit, ut cerneret esse animū Ejus vera Theologia subactum. Elucescebat id ex omnibus Ejus Actionibus: in loco sacro observabatur

Reli.

Religio, in conversatione Fides sincera & Candor, erga omnes cujuslibet Conditionis & ætatis homines animis intemeratus; talisque qui nosset esse nobiscum, qui omnia nostra cogitata, dicta, facta, audiat videatque. Imo si penitius omnia Ejus acta introspekerimus, deprehendemus vitam ipsi inter mera ad DEUM suspiria esse transactam. Sic ait cum de Nomine cogitationes piæ mentem subirent: *In Baptismo Ioannis Cunradi nomen accepi; spondente pro me D: Cunrado Dieterico, Professore tum Gisseno; Parentis Fratrem unico Germano: Ioannis nomen monet me de DEI gratia; quod ut DEI gratiam Hebrais notat; ita oro; ut eam semper & in hoc seculo & in futura vita sempiterna DEVS O. M. mihi benigne concedas! Atque ut prima nascendi conditio & impositio Nominis meditationes Christianissimas suggererent; sic de felici ex hac vita exitu beatoq; in Cœlos ingressu cogitavit frequentissime. At quid dico; cogitavit? ardētissime precatus est, quæ preces inter alia Ejus scripta sic elegantissime leguntur concepta: O Domine Iesu! da in hōra m. rtis meæ mihi efficaciam solatii; da ut superem constanti animo insultus quotquot sint: Sustenta Cor; erige Mentem contra infirmitates carnis & tentationes Diaboli; Cordis extremas palpitaciones per viscera Misericordiæ fove; exingue igniculos labascentis caloris irroratione Sanguinis tui, & Spiritus Divini vehiculo spiraculum vitæ ad quietem æternam perducio. Amen! Amen! O IESU! in quo sunt omnia, Amen! Fac & hoc Amen! Quam vero sedulo in agone sibi tandem constituto in tempore voluerit cautum, ex eo satis superque apparet; quod propria manu hæc mandata suis reliquerit: Morienti mihi præponantur dicta CHRISTI Ioh. V. 28: & VI. 41: Quæ ipsa cum de Resurrectione argumento adversus mortis formidinem efficacissimo solatiique plenissimo agant; extra dubium est; hanc vera in CHRISTUM fide B. nostrum Dietericum apprehendisse; eaque freitum contra omnis generis hostes magno & imperterrito animo pugnare decrevisse. Quam etiam post fata Corpusculi curam habuerit ex hoc ejus relicto scripto colligitur: *Inferri mea sepulcro Patris Ossæ si possunt, gratum erit supremum hoc & ultimum honoris Officium, ut Patris sis Ossibus Ossæ Filii contigua expectent simul apparitionem Gloriæ Servatoris nostri in universalī Resurrectione, quæ ut Parenti, sic spero n. i. eveniet salutaris & beatæ. Faxit Supremum Numen ut audiam latam vocem! Intra**

*in gaudium Heri tui.* Quibus continuo subjunxerat: *Veni Domine Iesu! veni! ut Ego ad TE veniam, ad TE per TE traductus.* Ut & hosce puram pietatem spirantes versiculos:

*Mè do meque dedi me sum TIBI CHRISTE daturus,*

*TV Dominus Vita Mortis erisque mea.*

Atque hæc quidem sufficienter probant fuisse B. nostrum Dietericum Theologum doctrina pariter atque vita insignem, cujus animum intrepidum ne quidem mors fregit, quæ ad Beatos transit, expleturus omnimode, quæ dum in terris egit ex parte addidicerat.

*LVGE casum hujus VIRI ò Republica literaria, tanquam casum consummati Philosophi!* Si hic altius à Cunis ordiri, si latius quæ bullata ætate ingenii se pròdiderunt signa describere; si annos prætextatos Ejus, & qui hîc animi igniculi radiarunt commemorare velim: Si lætissimam juventam, applausus Formatorum, Parentum gaudia, Patriæ spem, omnium admirationem describere; denique si omnes B. Dieterici Philosophiæ addiscendæ gratia susceptas peregrinationes variaque exercitia enarrare præsumerem, næ nimis amplæ orationis sese panderet materies! imo dicendis dies vix ac ne vix quidem sufficeret. Placet itaque plerisque silentii sparium obducere, contentus per summa tantum ire rerum fastigia, unde tamen appareat facile, longe infra Viri merita esse; quæ Fama de eo per orbem circumfert; Quo igitur recto ad Philosophiam tramite duceretur, primo statim ætatis flore in patria Schola educatus ad annum quartum & decimum est sub Præceptoribus Urbicis, quos inter multum debere se B. Dietericus fatetur Georgio Friderico Kirchnero, Thuringo, in politiori Literatura Informatori Strenuo. Fundamentis igitur feliciter jactis missus est Ulmam, flagitante Patruo itemque susceptore, loci tum temporis Ecclesiaste & Superintendente, uberioris Eruditionis capeffendæ ergo, sub Rectore tum temporis Joanne Philippo Ebelio, Con-Rectore vero Jo. Merckio. Primumque semestris curriculum fuit in Classe sexta, è qua postea in Septimam, quæ suprema fuit, promovebatur. Cursum autem hoc in Gymnasio maxime tum florentiæceptum absolvere non licuit, non quidem per Facultates, sed ob impedimentum aliud quo sufflaminabatur; ut aliquid Parentis expectatione votoque suo condignum præstare non potuerit. Inde advocatus Marpurgum mittebatur,

tur, ut firmiora in Illustri Pædagogio præsidia literis compararet, è quo tandem cum aliquot *συμφορητῶν καὶ συμπαίδευση-  
των* exemptus atque ad publicas Lectiones admissus fuit. Tum vero alto supercilio contra communem fere hujus ætatis consuetudinem corporis illecebras, adversus rationis arcem jugiter molientes eidemque insidiantes, despiciere cœpit, gnarus viliora corporis mancipia iis detineri, nec facile ab infima cupiditate tolli ad degustandum verum & Summum illud Bonum, quod ipse strenue sectatus est; quod animo conceptum honestati adblanditur, Voluptas vere Philosophica, quam Plato in suis de Republica libris nuncupat. Existimabat voluptuariam hanc corporisq; deliciis affluentem, brutalem potius quam humanam esse vitam, meramq; noctem, cui nullus affulgeat Virtutis aut Rationis splendor. Existimabat Voluptates illas Corporis esse Beatitudinem tenebris involutam, qualis ab Arriano in navigatione Lybica describitur, & quam videre Hannoni Atheniensium Imperatori contigit. Existimabat sævire tandem in cultores suos hæc voluptatis corporeæ lenocinia, & sub eorum delinimentis hamos occultari & laqueos, quibus miseri demum impliciti misere pereant. Existimabat Tarantulam, oblectantem & titillantem sensus, interim corpori noxium virus instillantem. Iis igitur valere jussis veram illam non corporis sed animæ Beatitudinem Virtute & industria parandam mente concepit, quem & in finem Anno 1630. Argentoratum se contulit, Nomenque suum apud Rectorem Casparum Bitschium J. U. Doctorem & Professore professus, Reipublicæ illi fidem, Rectori Obedientiam, Professoribus Observantiam, Civibus Humanitatem; Vitam denique totam Academicæ legibus convenientem promisit. Quibus promissis quamdiu ibi commoratus fuit, stetit, vixque tandem à Doctoribus suis dimissus Jenam comitantibus lætis gratantium votis profectus est. Hac in Academia post varia Eruditionis Theologicæ specimina supra tacta se tandem totum studio Philosophico in specie Linguarum & Antiquitatis dedit, norunt id qui adhuc superant commilitones, declarat autem B. nostri Dieterici Disputatio de Ussu Lectionis Scriptorum Profanorum in SS. erudite conscripta, ac sub Præsidio Dn. Dilherri animose tertio Octobris die Anno 1635. asserta, postquam communi omnium Auditorum suffragio non mediocriter docti Viri juvenis nomen est adeptus. Quanta vero industria



dustria studia sua profecutus fuerit, vel ex hoc manifestum  
 est, quod non contentus proximas Patriæ Scholas frequen-  
 tasse, ad Exteros quoque, Belgas puta, Danos, Bōrussos adie-  
 rit, atque eruditionem ex universo literatorum Choro hau-  
 rire cum insigni tum impensarum jactura, tum Vitæ & Sani-  
 tatis certissimo periculo veritus hauri fuerit. Postquam enim  
 Parens Ejus diem suum obiisset, à Fratribus ad componen-  
 das privatas res Gissam vocabatur, profectus deteliquit qui-  
 dem Jenense Doctorum Collegium, sed tanta erat quæren-  
 dæ apud Exteros quoque Eruditionis Cupido, ut, quin aspe-  
 ra hyeme in Belgium etiam per media inferissimorum ho-  
 stium castra, locaq; periculossissima excurreret; detineri non  
 potuerit. Visis itaque omnibus fere ad ripas Rheni urbibus  
 & oppidis, visa Colonia urbe illa antiquissima, ejusq; Aca-  
 demia, per Vefaliam, Embdam, Arnhemium, Ultrajectum,  
 Amstelodanum tandem delatus est, ubi ut Gymnastii Profes-  
 sores Gerardum Joannem Vossium, Casparum Barlaam &  
 alios salutaret per ostiduum substitit. Inde viso Harlemō  
 Leydam profectus est, cujus Urbis Academia virorum doctis-  
 simorum Copia in omni studiorum genere tum affluebat.  
 Quos præcipue consuluit B. noster Dietericus erant Marcus  
 Zuerius Boxhornius, Dan. Heinsius, & Constantinus L'Em-  
 pereur. Cæterum quoties aditus patuit ad Bibliothecam hu-  
 jus Academiæ, Scaligeri ut & Bonaventuræ Vulcanij MSS.  
 nobilitatam, quod singulis septimanæ, Mercurii & Saturni  
 diebus fieri solebat, rarissima in usum suum monumenta e-  
 volvit, inter illa Chrysostomi editionem Etoniensem, in  
 quam Henricus Sacilius Præfectus Etoniensis Collegi vi-  
 ginti florenorum millia fertur impendisse. Publice hic ad-  
 divit laudatum Constantinum L'Empereur Ebraeo orbe ex-  
 plicantem perspicue & facili modo aureum illud Filiorum  
 DEI Alphabetum, Psalmum centesimum nonum & deci-  
 mum; privatim autem Rabbiorum doctissimos explanan-  
 tem. Maximum vero fructum ex conversatione hac, ut &  
 mutua cum Joanne Gronovio, qui Hagæ Comitum tum sub-  
 stitit, συζητήσας literaria cepisse se B. Dietericus fassus est sæ-  
 pissimè, nec omissum hoc literarum commercium cum re-  
 moti, alter Hardewici, Marpurgi alter degerent. Belgio lu-  
 strato libido animum Ejus incessit Daniam visendi, ut So-  
 ram aditet & Hassniam, & Regni hujus Bibliothecis Erudito-  
 rumq; frueretur congressu, in quo Regno dum per annum  
 ageret, literatorum Meursii imprimis, Stephani, Butleri,

Laurembergii & aliorum ob egregia animi dona tantum expertus fuit favorem, ut per Cancellarium Reventhalium Regi, per Regem Academiæ Haffniensi ad Professoratus Officium commendaretur, rem vero hanc ita nec aliter esse, è regis literis in Archivo Academico asservatis liquere poterit. Borussia tandem non alia de causa adiit, quam ut Doctos audiret, seque consortio Eorum indignum haut esse probaret. Et Regiomonte quidem jucundissimam & salutantium & gratulantium expertus Doctorum benevolentiam est. Vix enim Urbem erat ingressus, cum interprete Clarissimo Viro Simone Dachio, de adventu Ejus Academia sibi gratularetur, à singulis ex eo per aliquot septimanas liberalissima compellatione exceptus, locupletissimam Bibliothecam ingressus est, ut, quod factum quoque, instructior inde abiret, professus enim est ingenue B. Dietericus, magna se quidem delectatione Urbem adiisse, abiisse vero emolumento longe majori. Non poterat non fertilis esse redux è tam longinqua Doctorum negotiatione animus, igitur antequam patrios lares contingeret, operæ duxit pretium dudum promeritos Magisteriales Honores Jenæ petere, quos facillime A. 1639. 19. Februarii die, sub Rectoratu Viri Magnif. Dn. Gueneri Rolfinckii, Phil. & Med. Doctoris Celeberrimi, Promotore M. Daniele Stahljo, Metaph. & Phys. P. consecutus est. Non fuit B. Dietericus ex eorum numero, qui dum vix ab Eruditionis Officina calent, altum sibi sapere imaginantur, atque supremos in facultatibus honores ambiunt, sed primo ei & potior cura fuit animum solida scientia instructum habere, deinde vero, quando ita more receptum esset, admittere titulos, id quod & Epigramma aliis Amicorum acclamationibus à M. Joanne Fabricio Nonbergensi insertum, laureæque B. Dieterici dedicatum testatur.

**JAN-DIETERICE** Patris Patruj, propriaque celebris

*Virtute, Ingenii divitiisque Tui;*

*Haffia quem genuit, tenuitque & fovit Amico*

*Annos complures incluta IENA sinu;*

*Qui perlustrasti Belgarum providus ora,*

*Quique tuo Cimbris notus es alloquio;*

*Cur summos dudum meritos Virtutis honores*

*Tam sero adsequeris? querere si modo fas.*

*Quod si fas quoque sit mihi respondere, vetustum*

*Tu compler verbum: Sat cito, si bene sat.*

*Cum bene promeritus decus hoc sis Philosophorum,*

*Confert id reduci jam quoque Jena cito.*

His igitur Honoribus auctus, à Serenissimo gloriosæ quæ memoria Prince ac Domino, Dn. GEORGIO II. Hassiæ Landgravio, &c. &c. eodem anno clementer vocatus est, ut in illustri, quæ tum erat Marpurgi Academia, Linguam Græcā profiteretur, auxiliarique manu Dn. Vietoris senectam rude donatam & otio in posterum domi fruiturā sublevaret. Quæ vero solertia, quæ industria à primo vocationis tempore officio suo fuerit defunctus, testes è longinquo petere opus non est, Vos ipsos A. O. invoco quī maximam partem laboriosam Ejus operum vidistis, audivistis, comprobastis. Testem satis locupletem produco dictum Beatissimum Principem, qui cum Lingua Græcā Historicen quoque profiteri Nostrium jussit. Numquam sane sordide hoc suum Professorium munus prostituit, non vili mercedula, non solo propriæ laudis aucupio id exercuit, sed unice Supremi Numinis gloriā & post hanc discipulorum promovere Bonum sibi propositum habuit. Aversatus semper Themistii aliorumque Sophorum abjectionem & ignominiam est, quorum alii laudis & famæ studio frumento passim suppeditato Auditores ad sua Gymnasia advocabant, alii vero veluti scientiarum caupones grandi eas pecunia venditabant. Quos jure meritoque Tacitus & Athenæus veluti gloriæ & avaritiæ mancipia arguunt, aut vanitatem aut sordes mercedisque à Discipulis captantia. Non sic noster erat, nec ex eorum choro, qui aquam ne proflueret in publicum, distinebant, à Themistocle olim mulctatorum; ut Hydrophoræ Nymphæ imaginem dedicarent. Imo majori mulcta dignos censuit Doctorum illos, qui sordida tenacitate scientiam ingens illud & gratuitum DEI donum, quo ornantur, detinent, & cum Seneca cupiit omnia in alios transfundere, quæ noværat, quod nullius Boni sine socio sit jucunda possessio. Indeque profectum est, ut pro innata generosæ indolis voluntate sui communicandi ita se orbi consecraverit, ut nulli nunquam pectus Ejus & domicilium fuerit clausum, sed semper patuerit, tanquam augustum Eruditionis sacrarium, ad quod tanquam ad perennem ingenii fontem & doctrinæ undique confluebant, non Adollescentes tantum, sed Mystæ, imo Musarum Antistites, illustri loco positi, quos allegare institutum non patitur. Docere autem ad extremum usque

Spiritum perstitit, ratus Professione publica dignitatem omnem ornari non minui; memor idem docendi munus quosdam quam Præturam maluisse; & Isocratem licet octo & nonaginta annos natum nunquam à docendo cessasse. Cæterum orbi exposita ingenii, laboris, atq; industriæ pignora, multifariæ Eruditionis albo Doctorum calculo notata monumenta. Agmeti merito ducunt *Antiquitates Biblicæ*, sequuntur quæque splendore suo, *Breviarium Historicum & Geographicum*, *Breviarium Pontificum*, *Antiquitates Romanae*, *Historia Imperatorum*, *Breviarium Electorum*, *Comitum*, *Doctorum*, *Hæreticorum*, *Conciliorum*. *Dissertatio de Vsu Scriptorum Profanorum in Sacris*. Et hæc quidem historici argumenti sunt. Ad illustrandam Græcam Linguam potissimum sequentes lucubrationes faciunt: *Lexicon Etymologico-Græcum*, *Lexicon Græco-Poëticum*, *Harmonia Linguae Græcæ & Latine*, item *Lingua Græcæ & Germanicæ*; *Harmonia Græco-Thalmudica*, *Commentarius in Hesiodum*. *Aphorismi Hippocratis illustrati*, *Iatræum Hippocraticum*, *Græcia exulans superioris seculi*, *Discursus Peregrinantium*, *Musæum totius Orbis literati*. Mirati fæcundum hoc pectus Procerum multi enixe sibi id conciliare allaborarunt. Diximus supra de Daniæ Rege Christiano IV. Helmstadii cum diem suum obiisset Græcæ Linguae Professor Breneccius, primum Philosophicæ Facultatis, post publico Academiæ totius Consilio, Serenissimorum Ducum Consiliariis nominatus Beatus noster Dietericus est, qui in locum defuncti Breneccii succederet, etiam scriptum est, ut quid B. Dieterico de exornanda hac sparta animi esset constaret, sed cum literæ interciderent, & Helmstadienses sequiora è silentio conjicerent, res ad alium devenit. Indoluerunt interim re comperta huic literarum suarum casui, proinde paulo post, ne hunc virum elabi sibi paterentur, ad professionem Ebraicæ Linguae Eum invitarunt, & ex secunda hac vocatione propensionem æstimanis secutus esset, nisi Patriæ suæ Patrem, supra memoratum gloriosissimæ memoriæ Principem, nunquam satis laudandum, deferere religioni duxisset. Exorientibus in Hassia nostra dissidiis inter utramq; Domum gravioribus, primum Principis jussu in Aulam ad disponendum Archivum secessit, post venia ad tempus impetrata Hamburgum Anno 1647. se contulit, tranquilliorum rerum Statum expectans, revera autem majorem apparatus Bibliothecæ quærens, dum

dum paulo longius ab illo jugi armorum strepitu abesset. Vix hic per aliquot septimanas in illustrium Virorum hæserat complexu, & præter opinionem percommoda ei occasio Reverendo Capitulo Hamburgensi inserviendi offertur, cujus Nomine solus Osnabrugam mittitur, Decanatu tum fungente gravissimo Viro D. Joanne Langermanno Regis Daniæ Consiliario. Dumque Marpurgum varia fortuna affligitur, negotium è negotio nascitur, dum occupatum in Hamburgensis Collegii re animum habet, Salvio Regni Sueciæ Legato innotuit, qui omnem Ei exhibuit benevolentiam, usus Ejus in studio Græco Consiliis, cujus capiebatur amore, impendebatque quicquid poterat temporis inter catenatos labores suffurari. Videtis quibus, quam charus B. noster Dietericus fuerit, videtis quanto labore, quantis peregrinationibus & difficultatibus constiterit Viro huic, ut verum se tandem Philosophum sisteret, talemque qui Rem literariam posset promovere, quod cum fecerit egregie, quis est, qui dignis satis lachrymis casum Ejus desleri posse, asserere audeat? Quantus Ejus animus futuruserat, erectus scilicet, vereque Philosophicus, olim conjicere licuit, cum Amstelodami in diversorio clandestina surreptione omne Viaticum iniqui Hospites ipsi abstulissent. In hac enim difficultate è Philosophia solatium cœpit, nil nisi Ciceronis illud effatus: *Pecuniam si cuipiam fortuna ademit, aut alicujus eripuit injuria, facile, dum existimatio est integra, honestas consolatur egestatem,*

*LVGE casum ô Respublica literaria Dieterici tui Medici non postremi.* Atqui vero nullus vereor me dum hæc dico vanum videri, inprimis illis, qui norint quam hic Vir æternitate dignissimus per omnia Eruditorum monumenta indefessum circumgestarit animum. Plinius in præfatione operis sui meminit cujusdam Grammatici Apionis nomine, [est autem hic ille Judæorum inimicus Apio, contra quem Flavius Josephus Apologiam suam conscripsit, ad miraculum eruditam, consente Petro Cunæo in de Hebræorum Republica, prææ Eruditionis & Venustatis opusculo] Apionis inquam, tanta Nominis celebritate viventis, tanto Doctrinæ & Eruditionis strepitu se ferentis, uti *Cymbalum Mundi* dictus à Tiberio Cæsare, atque ab omnibus *publica Tympanum fama* habitus sit. In B. nostro Dieterico nullus erat ex Eruditione fastus, nulla in publicum jactantia, & ostentatio, ma-

luit tacitus suffragia Eruditorum expectare, quam publicæ famæ captator, propriæque buccinator laudis audire. Atque absque hoc si fuisset, inextincto tamen per omne Scriptorum genus ardore grassando heluonem egisset, sed librorum, sed Eruditionis. Et ut ad Medicinam revertar, unde eram digressus, quotusquisque est qui nesciat, Virum hunc, sive Theoriam spectes sive Praxin, non cessisse in hac arte Clarissimis, ut qui Galeni & Hippocratis scripta & monumenta habebat in numero, uti suos digitos, ut de aliis rum vetustis tum recentioribus Medicis nil addam. Asserenti hoc mihi facile assensum præbent, quotquot pervolverint Jatræum Hippocraticum. Opus Eruditionis inexhaustæ, in quo non in eo tantum est, ut Coi sensa in Græcismo latitantia eruat, sed & ut de Medicina, Morbis, Morborum causis, variis experimentis & Medicaminibus mira quadam differat dexteritate. Et quis divinas Hippocratis Aphorismos tam nervosa brevitate illustrare valuisset, n. si Medicus fuisset. & is quidem non vulgaris, qualem B. nostrum fuisse Dietericum Excellentissimi ipsius artis Professores liberrimis suis Elogiis testari diu sunt. Taceo, quod multis in hoc studio privatim præverit, ut non diffidetur in anteloquio Jatræo præfixo quorum & ibi nomina exprimit, & quam tum gnaviter sub suo directorio studiorum jecerint fundamenta, exponit. At, inquis, de Praxi quod dicebatur, commentum est, quis enim unquam vidit Nostrum ægris medicinam porrigentem, quis invidentem, atque suis consiliis decumbentes juvantem? Sed hæc non sunt tanti, ut ad primum eorum projectum sententiam meam mutem. Hoc equidem facile largior, quod nullos unquam inviserit ille ægros, quod Medicas languidis non propinaret potiones, quod nulla deficientibus pharmaca ministraverit; at Practicum Eum egisse, dum salutaria contra omnis generis morbos remedia in Scriptis consignata dedit, quis est, qui negabit? In hac sane Praxi felicissimus exitit, dum sibi met ipsi regulas præscripsit, per vitam utilissimas, quam pene totam his mediantibus sine morbis eg., excepta fatali illa Febri quæ pervicacem vitæ flammulam depasta est. Erant hæc Diæta atque Exercitatio, illa absque omni violentia medicamen optimum corpori conducens, hæc vegetum idem reddens, cui deditus ad stuporem erat. Equidem omnes fere qui Studiis operam navant, posteritatiq; vigilant, se se solent Camænis consecrare, ut præterea nulli litent

prophanorum, & opera indefessa quam semel adepti sunt curant spartam, atque exornant; sed B. noster Dietericus adeo mortuis se Doctoribus suis mancipabat, ut nesciam an pares assiduitate habuerit multos. Semper ab horum consiliis pendebat, nunquam extra horum erat consortium. Nunquam sero vespere rubebat cœlum, quin B. noster Dietericus doleret ad evolvenda Doctorum monumenta faciem extingui. Nunquam Phœbus lucem summo mane revehebat, quin vigili idem oculo expectaret Musæum suum auroræ purpura infici, sibi que viam tenebris interseptam ad suas delicias recludi. Atque hac laborum tolerantia durabat hyemante cœlo, nec adstrictissimum frigus adurere valuit pertinacem legendi ardorem, qui mansit quoque ad extremum vitæ spiritum, & ut olim Vespasiano negotiis Imperatoriis, sic Nostro literatorum voluminibus inniti immoriqu; statutum fuisse deprehendimus. Ægyptii de nescio quo gloriantur Mercurio, ob Philosophiæ, Sacrorum suorum, & iustitiæ Notitiam Trismegisto dicto. Quid opus ad Ægyptios divertere, & vana exquisitio fabularum commenta sequi? Hic Noster vere Hermes, complurium sc. Linguarum fidelissimus interpres erat, Philosophus, Medicus, Theologus præterea summus. At tandem si Academiæ nostræ faciem intueor, proh quanta illa macie fæda! quam alto squalore oppleta est!

*LVGET Academia casum sui Antistitis, lugent Patres jacturam fidissimi Collegæ, lugent studiosa cohors, illique quibus animum gravioribus studiis non leviter tingere sed imbuere cordi erat, mortem Præceptoris fidelissimi.* Hic denovo ego omnium conscientias obtestor adjuroque eorum, qui discendi gratia frequentes ad B. nostrum Dietericum ventitare olim soliti sunt, an unquam ab eo reversi sint, solidiori doctrina non instructi? an unquam accesserint quin B. noster Dietericus animum literatura omni genera refertissimum in gratiam Discipulorum excusserit omnem? Ad omnia requisitus prodibat, quid digitum admovebat, ostendebat qualia è quibus haurienda Eruditionis fontibus. Atque si proprium Exemplum hic allegare concessum sit, quam tristi memoria recolo, profunda dissertatione ad petitum privatum de omni antiquitate quondam verba facientem, prudentique consilio aperientem, qua ratione ad omnem Eloquentiam Græcam, solutam pariter ac ligatam, solidā acqui-

rendam singulari brevique methodo deveniri posset. Dehinc nearat omnia hæc felicissimo fructu tandem publicanda, sed præsecuit mors spem hanc, ut verear exulandum denuq; Græciæ esse, quam olim ab exilio revocatam restituerat feliciter, & per novum hoc ausum sine dubio eandem conciliasset nobis in perpetuum. At inquis, omnia hæc ut alia multa in schedis sunt. In schedis sunt fateor, at quotusquisque est qui digno rebus artificio tractare eas queat? Atque ut Alexandrum nonnisi Apelles pingeret, duceret ex ære Lyssippus, Pyrgoteles sculperet, sic vix concessum hæc sacra tractare alteri præter Eum quem nunc lugemus defunctum. Vetus dogma Pythagoræ est, mirandam Harmoniam præcipue in cœlestibus corporibus observari suavissimumq; concentum. Quod etsi de ordine & motus regula & recte quidem Philosophi soleant explicare, non tamen injuria detorsero hoc ad Academias earumque Doctores, quos nil æque decet atque concentus ille Pythagoricus sideribus attributus. Hi censente Sacra Scriptura sideribus æquiparantur collucentibus; utque hæc æthereum orbem varia luce exornant, & interjectum illi vastum terræ globum illustrent: sic illi concinnate virtutum choro mirum quam inferiora non tam oblectent, quam juvent atque ædificent. Sua hic conspicuus luce Dietericus fuit, æque gnarus suo talgore & Collegarum illustrare, longe lateq; virtutum suarum radios disjicere, ac aliorum excipere. Ut autem oborta nebula lucidorumq; corporum intercepto splendore multum pristino ornatus decessit, imò hinc inde lucentium reliquorum acies obtusa appareret; ita mortis caligine Doctorum Choro tenebræ inferuntur, luce quorundam extincta, majoris nebulis obfuscata. Atque hoc est cur hæcenus Patres & Proceres Academici in luctu constituti de pristino suo splendore remiserint. Noverant porro quam nobile Academiae membrum amiserint, quamque vero Antistitis nomine & dictus ab omnibus & habitus pariter fuerit. Noverant, quanta pectus ejus fuerit munitum prudentia, prudentia dico virtutum anima, sine qua quicquid reliquarum est, virtutis tantum umbram habet, pretium non habet. Quanta hæc & quam diffusa virtutum Rectrix eminuerit in Nostro omnium clavum moderans, si explicare præsumerem, mirum quam vasti panegyrici præsto esset materies! occurreret namque non vulgaris prudentia, non præcox, non superficialia & fucis tincta; sed veri dicenda



genda Nestoris ex ipsis solidæ sapientiæ fontibus hausta, Natura, Experientia & Artis industria, Illinc insitæ erant dotes, animi erecti sagacitas, sublimis judicii dexteritas; isthinc longus rerum usus per altas capitis nives ad præfixum mortalitatis terminum productus: Hinc ad omnigenam prudentiam compendium stabant, historia, illa *temporum Testis, Lux veritatis, Memoria Vita, vita Magistra, vetustatis nuncia*; præeuntes & familiares ut Historiæ, sic prudentiæ Dictatores perpetui. Atque inter hos communis ille rerum summas tenentium Heroum formator Tacitus, à cognomine Principe Tacito Augusto tanti habitus, ut quotannis decies descriptus publicisque Archivis illatus, cura sollicita in futurorum seculorum usum asservaretur. Quæ quæso potuit alia emergere prudentia in Nostro, quam edecumata, quam omnibus numeris absoluta? In viro, obstetricantis Naturæ pariter ac Artis Magistræ manibus quasi formato, vivis exemplis & præsentis rerum usu exasciato. Quæ potuit emergere inde Prudentia alia quam quæ Magnates, Principes, Reges, in admirationem raperet sui. At frustra sum & vanus dum hanc & reliquas viri Virtutes verbis ornare aut enarrare ad minimum satago, insignium tot rerum testimoniis illustres, atque omni laude majores. Agnovit easdem Academia, atque in rebus arduis sæpe feliciter experta est. Agnoverunt divinas hujus Viri dotes Exterorum multi, non capite censi, non assidui, sed splendidissimarum & Illustrium conditionum viri, quid? Principes dico, & alii in Majestate constituti, qui post tot virtutum occasum una cum Academia, lugubrem vestem sumpserunt. Per summa tantum Dieterichianarum laudum capita dum eo, eaque enarro, quæ desiderium Viri magis magisque in nobis excitant, vereor, ne patientia vestra abutar. Equidem in hoc certa mihi stat sententia suavissime vobis horum esse recordationem, atque mistis gaudio luctuque meditationibus indulgere sponte quemque vestrum; at nec hoc me fugit, ut ut jucunda desideratissimi Viri memoria sit, non tamen in auribus vestris talem hanc meam orationem esse, quam fateor rerum pondere maxime elevari. Proinde durate tantisper, dum desertæ familiæ Dieterichianæ luctum causasque ejus expono, quo facto perorabo.

*LVGET casum fratris Frater illustris, cujus auspiciis Dieterichiana Virtus debitis præmiis conspicua orbi est. Di-*  
*verterat Ille ad Nostrum, si negotiorum gravitas fraternæ*

compellationi faveret, dumque mutuis hærent complexibus, mors eosdem dirimit, dubium fueritné major inter vivos germana fides & dilectio, quam altero defuncto recognoscendarum desiderium.

*LVGENT casum Viri hujus Vidua, qua ut marito opem; lugent Filii, qui ut patri amorem & observantiam; luget famulitium, quod ut Domino fidelitatem olim & obsequium præstandum religiose addixerat. Atque ut de Vidua primum dicam, merito illa luget maritum tantam sui curam suscipientem, tam ob varias virtutes se foventem, honorantem, suspicientem. Duxerat hanc conciliante Deo, suadentibus amicis, impellente animorum occulto impulsu, quamque nuptiæ hæ fuerint felices, placet audire B. nostri Dieterici tabulas hac de re erectas, dignas sane quæ evolvantur, amoris conjugalis castissimi indices, ad quarum conspectum prisca quæ circumferuntur amoris ac fidei Exempla obsolescunt. Atque hæ ejusmodi sunt. Vxor mihi contigit ex animi sententia, Pia, Prudens, Provida. Qua mihi fuit instar apis, ad opus sedulo iens, foris domique laborans, domum comportans, provide condens, parce promens, totam familiam ad pietatem informans, ad servitia & ministeria fidelia instituens, in re familiari ordinem servans, & id agens, ut singula suo ordine peragerentur. Pergit, An. 1653. nuptias celebravi cum Barbara Bellin, Gerardi Bellen Senatoris Butzbacensis Filia, quam viduam factam è duobus maritis singulari DEI ductu accepi, qua me blande venerata beabat obsequio curaque mei, prolis domusque; qua mihi visa fuit extitisse obedientia Sara, fide Michol, Moderatione Abigail, comitate Esther, pudicitia Susanna, cum qua utramque fortunam sustinui, & fiducia præsentia Dei omne incommodum vici, & quam semper expertus sum citra ostentationem optimam. Et ne forte, quæ malevolorum poterant esse nugæ, antiquatum hunc tandem amorem esse, ingeratur, en & Epitaphium quod erectum amatæ conjugii maritus desideratissimus voluit! Hic sitc est Barbara Bellin, Gerardi Bellen Senatoris & Scabini Butzbacensis ex octo Filiabus ultima, quam pietas ardens, candor germanus, castitas illibata, rara modestia, plene conciliaverant Joh. Cunrado Dieterico, ut fidam vitam sociam eligeret, anno 1653, cum qua in amœno conjugio vixit annos complures placide & pacate, sine iurgio, sine simultate, sine molestia, feliciter & ex sententia, quam expertus fuit in precibus erga Deum ferven-*

*ferpentem, per varios casus crebrosque labores constantem, in dubiis rebus animo promptam, in domus cura strenuam, in liberorum ex secundo matrimonio susceptorum educatione sollicitam; cui ultimum hoc Elogium in memoriam suavissima conjunctionis, intime concordia, sinceri affectus, mutui consensus, incomparabilis fidei, esse voluit maritus, ut post fatalem vitæ nostræ pausam sciat posteritas nos mutuo dilexisse. Hi sunt sinceri & intemerati amoris certissima indicia, hi veri effectus à Deo junctarum mentium, quæ nec post mortem separantur. Eadem reponens vidua optima in luctu constituta, de ejus termino quæ sita, responderet idem quod Portia nobilis matrona; quæ cum diutius lugeret maritum rogata: *Quem habitura esset diem luctus ultimum?* respondit: *Quem & vita.**

*LVGENT casum Viri; Filii è secundo Matris Conjugio suscepti, natura vitrici quidem, sed cura Patris Optimi, Patris prima cura esse debet formandorum in filiis morum, ut videlicet pravæ inclinationes eradicentur, deinde ut iusta ad omnem honestatem disciplina erudiantur. Et Filios procreare parum est, nisi bene instituantur, nec vita beneficium esset nisi bona eadem esset, probe id agnoscente Macedone Alexandro, dubio num Genitori debuisset aliquid, Formatorem animi Aristotelem non nactus; atque etiam Patre Philippo, qui, quod temporibus tanti Philosophi nasci sibi Filium voluerint, Diis suis ingentes gratias egit. Imo præstat non nasci filium, quam malum fieri natum curatoris aut custodis incuria. Noster igitur utut sterilem optimæ conjugis thalamum expertus sit, attamen dum naturam Filiorum Ejus, ad sequiora ut omnis pueritiæ proclivem immutavit quasi, & præceptis juxta ac Exemplis ad frugem bonam reduxit, optimi sane Parentis supplese vices dicendus omnino est. Nota est Solonis lex, quæ apud veteres judicata quoque sapientissima semper fuit, quæ sanciebatur, ut filius necessaria vitæ subsidia Patri non deberet, à quo nullam accepisset artem. Imo e Dione notum quoque, majorum suorum sepulcris prohibitos filiorum illos esse qui nec didicissent doctrinam, neque artem aliquam exercuissent. Hic, ne Pater æque ac filii contra se quid admitterent, certatum utrinque est. Præcipere ille, docere, hortari; hi dicto Patri audientes esse, morem gerere, proficere. Quo ipso effectum est, ut digni paterna institutione prodierint dudum Discipuli, nunc in Exemplum formati*

formati aliorum, unde posteritas discet, quam sit magni momenti res Parentibus uti, quibus Filiorum educatio curæ cordique est. Atque ita A. constare puto, quam luctuosus Universæ Reip. literariæ, Academiæ, & tandem Familiæ B. nostri Dieterici fuerit obitus. At vero non talis est conditio beatissime defuncti. Non, si nostræ res pejori sunt loco constitutæ, ex quo ad Beatorum sedes migravit, etiam magnæ Dieterici animæ. Nos quidem desiderio Ejus tantum non contabescimus, illius autem anima in cœlistriumphans perpetuo gaudet Angelorum consortio; ingens anima, olim nobile apud nos depositum, nunc cœlo adscita supra terrenorum rerum caduca evecta Dei obtutu beata existit. Ignara illa nunc desideriorum nostrorum secunda & alta pace fruitur. In portu tranquillitatis constituta sibi met gratulatur, post arduum studium, post sudores & improbos tot labores, Herculeis æquandos, coronam tandem supremi Diribitoris manu se nactam esse. Gaudia hæc si non tollunt plane, mitigant tamen tristitiam nostram, luctum ejus nostram jacturam compensat, solitudinem nostram triumphalis ejus solatur gratia. Nobis equidem B. Dietericus mortuus est, sed incepit vivere sibi. Vixerat in terris satis, ornatæ spartam suam, quantum gloriæ suffecit ejus, restabat aliud nil, quam cœlestem porro & æternam vitam vivere. *Non enim hac dicenda vita est, qua corpore & spiritu continetur, sed qua omnium seculorum viget memoria, quam posteritas alit, quamque ipsa æternitas semper intuetur.* Quanquam nec inter nos in terris laus ejus emoriatur. Et hinc adversus mortalitatem parata panacæa est. Vivet inter nos, & omnium bonorum animis ejus obversabitur memoria, quamdiu porro numeranda secula, virtutemque & scripta Ejus seri Nepotes mirabuntur. Vigebit fama, quam posteritas recolet, quamdiu virtutem æstimabit. Nec alia dies Nominis gloriæ erit novissima, quam quæ mundi finem accelerabit.

In Ecclesia B. DIETERICUM insuper laudavit concione funebri *Petrus Haberkornius*, S. Th. D. Prof. Prim. Pastor & Superintendens, ex II. *Timoth. IV, 7.* seqq.

*In Celeberrimi Philologi,*

JOH. CUNRADI DIETERICI

Obitum.

*Sedibus excessit nostris DIETRICHVS, chen!*

*Gieffeni Aonidum stella corusca chori.*

Di-

Dignus erat, vitam numerum numerasse dierum  
 Innumerum, innumeris commodus ecce fuit.  
 Spartam, quam nactus, decoravit Lingua Pelasga,  
 Hanc juvit cultis excoluisse typis.  
 Noverat is mundi & rerum monumenta sacrarum,  
 Annorum ex serie dinumerare simul.  
 Quicquid Philologum, vel nomina clara Virorum  
 Ediderant, habuit cognita quaque sibi;  
 Nunc jacer heu! locuples tumultata peritia rerum,  
 Conditur & Medices atque Themistos Amor.  
 Securus recubat tumuli sub fornice nostrum  
 Delicium, solum non recubare potest.  
 Nam Pietas, Doctrina, Fides atque inclyta Virtus  
 Cultori exuvias apposuerunt suas.  
 Post lethi somnum requiescunt ossa sepulchro  
 Mortua, sed vivit nescia fama mori.  
 Vive inter superos, terrene Exempte Lycée,  
 Pro terris, cœli gaudia mille cape.

JOH. NICOL. MISLERUS.

SS, Th. D. ejus & Hebr. Ling. Prof.  
 Superint. & Pædagogiarcho.

## SCRIPTA.

- Diatriba de usu, abusu, & neglectu lectionis scriptorum secularium & Antiquitatis. *Hafnia* 1638. in 4.  
 Discursus Historico-Politicus, de peregrinatione Studioforum. *Marpurgi* 1640. in 12.  
 Græcia exulans, sive de infelicitate seculi superioris in Græcarum literarum ignoratione, Dissertatio. *ibid.* 1640, & *Gießa* 1650. in 4.  
 Hædæporici sacri specimen. *ibid.* 1640. in 12.  
 Notæ in Epistolam D. Martini Lutheri, ad Hartmundum à Cronberg. *ibid.* 1641. in 4.  
 Specimen Antiquitatum Biblicarum. *ibid.* 1642. in 4.  
 Antiquitates Romæ veteris novæ. *Francos.* 1643, in 18.  
 Specillum Chrestomathiæ Græcæ, *Gießa* 1651. in 4.  
 Hippocratis Aphorismi illustrati. *ibid.* 1656. in 4.  
 Hilaria Livoniæ, ante CXXX. annos, ob renascentis Evangelii lucem celebrata; Nunc cum duabus D. Mart. Lutheri

- Lutheri Epistolis ad Rigenſes, Revalienſes & Dorpatenſes renovata. *ibid.* 1656. in 4.
- Breviarium Historicum, exhibet Historiam Reip. Judaicæ, & IV. Regnorum Catholicorum. *ibidem* 1662. in 8.
- Progymnaſmata Linguae Græcæ. *ibid.* 1651. in 8.
- Jatræum Hippocraticum. *Vlma Suev.* 1661. in 4.
- Breviarium Pontificum Romanorum. *Gieſſæ* 1663. in 8.
- Imperatorum Germanicorum Familiae Saxonicae Historia Augustea, Henrici I. Aucupis, Othonis I. Magni, Othonis II. & III. ac Henrici II. Sancti. *ibid.* 1666. in 6.
- Historia Augusti & Caligulae Tiberii. *ibid.* 1665. in 4.
- Commentar. in Hesiodum. *Francof.* 1669. in 8.
- Historia Neronis. *Gieſſæ* 1667. in 4.
- Antiquitates Biblicæ, in quibus Decreta, Prophetiæ, Sermones, Consuetudines, ritusque ac dicta V. Test. de rebus Judæorum & Gentilium expenduntur. *Francof.* 1671. in fol.
- Lebens-Lob der Heiligen Jungfrauen Margareth. *Marpurg.* 1649. in 4.
- Disputationes habuit de usu lectionis scriptorum secularium & Antiquitatis: De Cajo Caligula. De Sparſione Florum, &c.



# ELOGIUM CHRISTOPHO- RI FORSTNERI,

*Scriptore*

JOAN. HENRICO BOECLERO.

**C**HRISTOPHORUM FORSTNERUM posteritati  
narrare, pium magis quam facile est. Huic enim no-  
mini statim æqua expectatur oratio. Cujus si quis fiduciam  
animo concipiat, parum meminisse videri queat nobilissima  
ingenii monumenta, quibus vir tantus non minus quam  
nomine suo celebratur. Ergo etiam qui desperavit certa-  
men, certare voluisse vel debuisse cum tanta eloquentia,  
putabitur. Sed adversus hæc vulgaria magis quam probata  
rationum nomina, superest inculpatum amicitiae & inno-  
centiae genus, si cum quo jam loqui non possumus, de eo  
nunquam loqui definamus. Nec dissimulo, me, quicquid  
id est officii, ultro invasisse. De viro enim quem à prima  
juventa colui, amavi, quem frequentibus & mutuis literis  
semper, non raro colloquiis & salutationibus, haud vulga-  
riter fautorem sensi, habuique; tum silere, cum necessi-  
tudo consuetudinis, quæ vivis propria est, intercidit; ve-  
reor, ne crimen animi à natura & literis non adeo bene  
instituti, magistri & arbitri humanitatis appellarent. Pro-  
be inter hæc commemini, quam decora ingenia, ipsoque  
ætatis & eloquentiæ flore eminentia, de cultu FORST-  
NERIANI Nominis inter se & ad posteròs contendere de-  
creverint. Quibus tantum abest, ut præceptum aliquid  
hæ pagellæ velint, ut potius certa me spes foveat, istis velu-  
ti stimulis excitatos, quicquid est amicorum, longum pieta-  
tis & officii ordinem explicituros esse.

Genus CHRISTOPHORI FORSTNERI, etiamsi  
natalium splendore non præcelleret, ab ipso certe, idoneo  
nobilitatis auctore, incipere poterat: Qui ad omnium ex-  
cellentium hominum indolem & laudes tam feliciter se  
composuit, ut in majoribus suis pulcherrimo propinquitatis  
specimine, quicquid nominum merito & virtute simillimum  
in

in generosis familiis est, annumerare posset. Sed non parca fuit, vel natura vel fortuna, in Avitis gentis hujus ornamentis cumulandis. De quibus tamen ut facundus fieri velim, non optant, qui unius Viri propria decora, omnibus undecunque accitis præferri oportere, haud inertudine arbitrantur. Hujus enim dotes artesque, tum universæ familiæ, tum parentibus in primis gratulari debet commemoratio nostra.

Avus CHRISTOPHORUS FORSTNERUS, Budvicii in Bohemia Judicis ordinatii functus est munere. Parens PAULUS, Comitum de HARRACH Dynastiæ Birckenstenianæ in Austria præfuit: donec religionis purioris studium pro crimine esse cæpit. Tum ergo in secessu præsidii sui Breitenfeldii, quod nunc Comites de SCHALLENBERG agnoscit dominos, ad privatam redactus vitam, tranquillissime sensit. Licet enim nova ipsi exilia consciscere agitent, quibus familiare per ea tempora fuit, odio suo in viros innoxios & cordatos pietatis speciem præferre; Filius tamen, cujus memoriæ nunc operamur, in ea jam ingenii & morum specimina adoleverat, ut Cardinali CLESELIO primas tum in aula Cæsarea partes potentia obtinenti, facile insinuatus, & sibi multa dehinc beneficia, & tunc patri suo plenam vacuumque ab omni vexatione & molestia immunitatem à tanti patroni favore impetraret. Ita sibi Deoq; permissus PAULUS anno demum ætatis nonagesimo & tertio vivendi finem fecit. Susceperat autem ex nobili & ornatissima matrona MAGDALENA Capelleria, conjuge sua, filium avo cognominem CHRISTOPHORUM, quem lugemus, anno superioris sæculi nonagesimo octavo, die Septembris tertia, septimam inter & octavam à meridie horam.

Propitia nascenti affulxisse sidera dicerem, si de eo divitiarum di genere quiesquam certi mortalium ingeniis compertum esse constaret. Illud extra dubium ponitur, divitiis muneris esse, si cui ex optimis parentibus nasci, eorumque indolem referre & exprimere contigit. Tum enim facile ad summa ascendit, & exempla originis suæ superant, illustrentque excellentes naturæ: quod genus propagandæ nobilitatis non privatis modo decoribus aptissimum, sed Reipublicæ plerumque saluberrimum esse solet. Habet suas gratias & prima educatio; facitque ut domo emissus elegans puer, magistris publicam adolescentum disciplinam pro-



professis, primum admirationem, mox amorem sui moveat: quo accedit tacitus quidam pudor, si non confectat pro se quisque, quantum potest polletque, ad ornandam eam ætatem, quæ maturitatem communibus votis expetendam tot pignoribus ac rudimentis promittit. Nec sane vulgaris aut quotidiana hæc occasio est, sua bene feliciterque collocandi officia. Nunquam CHRISTOPHORUS noster amisit memoriam Athenæi Lincienfis; quin ingenue & liberaliter Præceptorum suorum merita in adolescentiam suam tollata, etiam senior prædicaret. Tubingæ THOMÆ LANSIO civi suo traditus, adeo indole & moribus enituit, ut eodem anno, qui seculi hujus decimus tertius erat, tanti viri testimonium pene invidendum mereretur: Quo ad celebrem Medicum Persium, *toti Patriæ ornamento & præsidio futurum quandoque hujus adolescentis ingenium*, rescripsit. Nec aliud fuit aliorum Academiæ Doctorum judicium, quorum favore & applausu mirifice floruit. In iis MICHAELI Ziglero, & postea magno Theologo MATTHIÆ HAFENREFFERO, etiam propiore convictu amatus dilectusque est. In eloquentiæ studio Buchnerum & Zachariam Schæferum habuit adjutores testesque arantissimos. Quid multa? anno ætatis nonodecimo, post alia meditamenta Academica, & pericula, experimentum famæ facturum, Hypomnemata Politica in publicum primavice emisit. Ex quo tempore supra votum & spem frui cœpit fama sui: LANSIO præsertim & BESOLDO, quorum celebratis non TUBINGÆ tantum, sed longe lateque nominibus, præscriptum erat opusculum, demonstrantibus & ambitiose jactantibus id eruditionis, in ætate parum civilibus curis matura, sed abunde sufficiente, specimen. Hic diffusam historiarum lectionem, hic exactum in comparandis ad præterita præsentibus negotiis ac temporibus judicium, digito signabant: exempla quoque quibus antiqui illustrium ingeniorum florem ex forensibus adolescentiæ tyrociniis ostentant, æquari & superari, declarabant: tanto benevolentiae & candoris certamine, ut ad Fabii Dialogum & Apuleji Apologiam eruditissimorum hominum, Crassi, Pollionis, Calvi, Antonii, Murii, Sulpicii, Furii, Curionis nominibus & elogiis, FORSTNERUM in margine honorifica nota adjungerent.

Revocatus eodẽ anno (seculi decimus septimus erat) in Patriam, mox Vindobonæ, quam vulgò Viennam appellant,

triennium impendit. Trahebat animum Reipublicæ devotum, non antiquæ tantum Academiæ celebritas, sed Aulæ Imperatoriæ cominus venerandæ consultissimum studium. Nam ut fama & majestate nominis universum orbem in se convertit Augusta Imperii mater, ita lucis suæ radiis propius admos aquilarum indole non indignos oculos, non explorat modo, sed confirmat assuetudine contuendi Solis emendatque. Hic se æstimandam offert Respublica eo vultu, quo omnium gentium nationumque pulchritudinem antecellit. Ut bene uti possis notitia orbis exteri, Germaniam in Vienna prius contemplare: Ita fiet, ne tu diu peregrinatus, nuspiam tamen magis quam in patria peregrinus habearis. Sed FORSTNERUM multo jam viri civilis instructu copiosum, Tubinga viris studiisque eximiis tum florentissima, de novo hospitii necessitudine devinxit, & ab anno seculi vicesimo ad tertium & vicesimum retinuit. Multis ergo literis artibusque, nec minore jam publice, fama, compos, ad politiores extra Germaniam populos visendos, anno insequente animum adjecit. Nulla est natio, quæ majori hodie peregrinandi studio teneatur, quam nostra: sed successus in anticipiti fere est. Ingrediuntur hæc itinera plerumque adolescentes, ætate convictus civilis imperita, mente nec studiis, nec moribus firmata: & propterea exteriorem rerum scenam oculis, ne satis curiosis quidem, usurpant; nullò ad interiora, & quæ polliceantur pretium operæ, profectu. Si præclare res geri putanda est, admovetur spei adolescentuli adultior aliquis, qui vel amittit vel perdit auctoritatem, suo alienove ingenio aut fato. Tum enimvero, si Forti Fortunæ litatum est, rector minori additus, aliquid peregrinæ mercis artisve refert; regendus probe vacuus, aut nimis onustus dediscendis, redit.

Res misera & fortioribus remediis digna. GERMANIÆ nostræ viscera inficit hæc labes. Qui enim non animo, non judicio competunt ad peregrina cognoscenda; postquam nihil serium, aut publice privatimque proficuum foris intellexerunt, superba tamen & præpostera prudentiæ peregrinæ opinione, domi, reipublicæ, & haud raro familiari imponunt, illuduntque.

Verum in viro ad ornandam patriam genito, non habet magnam commendationem, si dicatur, à sinistris vulgi non vulgaris, consiliis, suas rationes sejunxisse: nisi quod peregrinationem

nationem FORSTNERIANAM tantum boni Germaniæ præstitisse, quantum malorum usitata plerisque aberrandi consuetudo affert, intelligi licet. ITALIA primum excipit, & triennio fere integro retinuit gratissimum hospitem: Quanquam autem nihil magnopere interest, quas primum terras, quas deinde adeat, qui rebus optimis peregre addiscendis operam daturus est; valet tamen adhuc illa ratio, quæ civilium artium cupidis primam & præcipuam demonstrat magistram Italiam. Nam qui animos Italorum à consuetudine victus cum peregrinis jungenda alienos esse queruntur; sua narrant criminas dum nec à quibus oportebat, nec quomodo oportebat, discere norunt. Forstnerus Latine pridem, Italice statim peritus, moribus præterea ad unguem expolitus, faciles & obvias habuit Italicas Gratias. Qui enim omnem arrogantiam inculti moris effugerat, cautissimaque modestia, nec nisi tempestiva libertate, verba & facta sua moderabatur, non potuit habere minus propitios homines, alra & recondita & elegantia rimari non minus quam adamare suetos. Athenas Venetas, Patavium, non celebritate tantum magnorum nominum pellectus, libenter incoluit: sed, quod uberior hinc copia sperari poterat, Venetias propius adamandi colendique. In hanc ille Rempublicam mira quadam cupidine animum & studia sua converterat. Hæus instituta & exempla, non aliter quam veteris Romæ solent alii, confectabatur: omnis rei Venetæ scientissimus. Talitque sui consilii fructum insignem, tum nobilibus amicitiiis, tum vel præcipuo amore DOMINICI MOLINI honoratus. Viro ad sustinendam non familiæ modo, sed gentis & Reipublicæ illustrissimæ gloriam divinitus illi ætati donato; vel in salutantium turba innotuisse, magnificum & erat & habebatur. At vero ille FORSTNERUM selegit, interiore admissione æstimavit: multis officiis & laudibus ornavit: ut, quæ de Principatu TIBERII ad TACITUM jam tum commentatus erat, publici juris faceret, hortator auctorque, etiam contra objectas, nescio unde, difficultates præstaret. Impressus est Liber eximius Patavii; & JOHANNI CORNELIO Venetiarum Principi inscriptus. Nam & huic Italiæ decori, in cujus elogiis familiaribus etiam si non legerentur Asiatici & Africani triumphi, regius tamen splendor, etiam matronali merito illatus Reipublicæ, late præfulgeret; luculenta occasione insinuaturs erat Forstnerus. Cum

enim anno præcedente novum honorem CORNELIO, nomine florentissimæ in Patavino Lyceo Germanicæ Nationis gratulatus in consessu Excellentissimi Ordinis esset; non auditus modo benevole, nec sine testimonio politæ eloquentiæ, sed Eques quoque Divi MARCI creatus est; quo genere insignium Veneti non nisi præclaram testatamq; pacis bellive laudibus virtutem honorari, majestate nominis sui dignum judicant. Decorum fuit ergo & opportunum, gratias agere tanto Principi, & offerre ea, quæ non nisi virorum usurum & ingenio præstantissimorum judicium subire debent. Accessit oratio, de qua memoravi, cum præfatione ad DOMINICUM MOLINUM. Inter ornamenta editi hujus operis non immerito numeres LAURENTII PIGNORII, inter rarissima ejus temporis & elegantissima nomina celebrandi, applausum, quem facta ad antiquitatis specimen inscriptione, ceu pulcerrimam amicitiae sanctioris, etiam alibi antea professæ, significationem apposuit. Præter communem exquisitorum literarum amorem congruebat arcano miroque affectu utriusque viri indoles. Pignorio, matura, electa, utilia, ex alto doctrinarum secreto promere, judiciumque politum in promptu habere, sine ostentatione ars erat. FORSTNERUM in eandem sollertiam, modestæ & habilis scientiæ genius adornaverat. PIGNORIUS & intelligere & amare candorem amicorum doctus, nec minus FORSTNERUS, ingenuæ humanitatis fidem discernere & mereri peritus. Et dum neuter in altero quicquam nisi solida virtute imbutum spectat, aut exspectat, edita sæpius mutui animi pignora, perpetuitatem vinculi, quo colligari ratio fuit, adstrinxerunt.

Licet autem constitutum nobis non sit, omnes Italicas FORSTNERI amicitias enumerare, taceri tamen omnino non debent, quarum memoriam commercio frequentium literarum in Museo FORSTNERIANO custodiri novimus. In his monumentis, præter Pignoriana, Epistolæ FELICIS Ofii, CÆSARIS Cremonini, FORTUNII Liceti, CASPARIS Scioppiii, aliorumque, nobilem suppellectilis rarioris & elegantioris partem faciunt. Quodsi, more vulgato potius quam probabili, ex his liberet excerpere laudes, & judicia de FORSTNERO nostro, sane non parum esset auctoritatis in tantorum virorum testimonio. Sed ex consuetudine & judicio ipsius FORSTNERI, aliis forte usibus rectius

Atius hæc atque talia reservari, non erraverit qui existimet.

Non prætereundum est, quod in Italia, cum ad CAM-PANELLAM inviseret, ei usu venit. Tenebatur ille in custodia, nec ad videndum nisi custodibus arbitris quisquam admittebatur. Plures una accesserant, & de more ævi libellos colligendis illustribus nominibus destinatos, CAMPANELLÆ in cubiculo tradi jusserant. Postquam inscripserat is quæ voluit, admissos contemplatus, sine hæsitatione FORSTNERUM nunquam antea visum nomine compellavit, manuque prehensum de futuris honoribus & quibusdam aliis eventibus edocuit. Exiit fides prædictis, siue ex liberali & multarum bonarum rerum indice facie, feliciter conjecturam facere contigit; siue veterem de divinatione prudentum sententiam, ad hoc quoque præfagiorum genus, monitu exemploque CARDANI referre, fas est. Quamquam tutius est in his, facta scire, causam ignorare.

Ex Italia in Galliam profectus, ingenium Aulæ multitraxis per ea tempora impeditum, principum mores, æmulationes, studia odiaque perspexit ac memoriter tenuit.

Ibi Genium illum rebus Europæis fatalem, Ludovici autem Justi magnitudini elaborandæ destinatum, vidit iis intentum consiliis ac operibus, quæ adhuc sentit orbis, posteritas vix credet. Quo sit labore, solertia, constantia, virtuti militari fortuna concilianda, supra morem fere & modum virium humanarum; Rupellæ obsidio & deditio, in prodigiis potius, quam exemplis ævi ostendit. Quanta sit & quam multis industriæ & vigilantie artibus adjuvetur illa vis prudentiæ, quæ conjurata in perniciem Regis optimi domi forisque, & insolubili nexu obfirmata molimina, explicavit tandem dirupitque, non alias majore documento cognitum est. Omnia in utramque fortunæ partem magna & insolita, veluti fiderum vehementiore motu Galliam tum agitabant. Quibus temporum articulis uberior & incitatio est civilis sapientiæ disciplina, animumque capacem non invitat modo; sed rapit per momenta negotiorum ad abditas origines seriemque operum originibus debitam. Estque illustrium in Gallis virorum ea comitas, quæ decoras profanoque exemptas vulgo mentes ut admiratione sui potenter imbuat, ita profectu rarioris scientiæ, vel aliud agendo suavissime collocupletat. Si paucis & sub Exemplo agendum est. quali elegantie genio, JOANNES olim BAR-

GLAIUS, res in Gallia paulo ulteriores, cum applausu omnium executus est: talis fuit FORSTNERI in commemorandis rebus Gallicis ceterioribus dulcedo, & multis arcanisque gratiis opulenta facundia. Inprimis autem per omnem vitam usui decorique fuit, tam exquisita rerum Gallicarum notitia, hominumque ornatissimorum feliciter ibi contracta amicitia: sive in scena Europæ Gallia partes suas, nunquam rebus modicis spectatas, noscendas publice exhibuit: sive in Galliam Legato Reipublicæ causa eundum fuit, Cui muneri suus postea servatur locus.

Interea cum Viennam peregre rediisset, non ignotus aut ingratus pridem hospes, Aulæ magis magisque se approbavit: Summis etiam in ea viris dilectus æstimatusque. In his CLESELII CARDINALIS favor iterum enituit: quem æmulati sunt præsertim STRALENDORFIUS, qui Archicancellarii Imperii vices tum gerebat, & NOSTITZIUS COMES, Vice-Cancellarius Bohemicus. Hi de retinendo in Aula ornandoque FORSTNERO seriam susceperant curam, multraque rerum & verborum comitate restatam, Et ille quidem nimium quam flagrabat cupiditate obsequendi tantis PATRONIS: neque unicus ille affectus in aulam Cæsaream, quo à prima ætate tenebatur, ad extremum usque halitum deseruit virum. Sed tum temporis intercessit metus ab invidia crebrescente in eos, qui Religionem ad conscientiam, non ad alienum arbitrium pertinere statuebant, Igitur CRATONI Hohenloico Comiti, causam Circuli Franconici tum apud Augustum agenti adjunctus, post quatuor mensium in Franconia moram, totius jam Domus Hohenloicæ Consiliarius & Legatus, Aulam repetit. Sed illam Comitatus Electoralia maximis de rebus instituta, cum Ratisbonam excivissent, secutus cum aliis Legatis FORSTNERUS, res inter Cæsarem & Electores palam & in occulto actas tractatasque, accurata & in exemplum à plerisque deinde optata laudataque epistola, anni insequentis initio exposuit. Accesserat eodem Jacobus LEFFLERUS Cancellarius Würtembergicus, cujus ingenio multa & magna huius seculi negotia gubernata sunt. Ille, ut facile inter se congruunt excellentes naturæ, collaudata ex omni occasione Forstneri virtute, Vice-Cancellarii Montisbelgardenfis dignationem nomine sui Principis ei obtulit, atque, ut tempore ad consultandum cum suis necessariis sumpto, subinde in se reciperet, persuasit, Ne-

Neque triennium ab eo tempore præterierat, cum Cancellarii nomen & munus suo merito adeptus, ad finem usque vitæ præclare implevit. Magnum prudentiæ exquisitioris argumentum arbitror, constanter tenuisse, quod probe elegeris. Invitatus est haud raro ad alia loca, ad alia munia FORSTNERUS, luculentis conditionibus. Nolo enumerare, quæ ipse dissimulanda duxit. Sed quia ornandam non vulgariter, quam susceperat, Spartam existimabat, in eaque re quotidiano semetipsum profectu superabat, non melius sibi, non melius officiis consuli posse, certum habebat, quam si suæ affixus sphaeræ, ceu stella perpetua Cœli Heroici, inflexum lumen spargeret. Tulit eum constantiæ suæ fructum, ut primari Ministri, & Consiliorum Actorumque Principalium moderatoris exemplum, suam vitam celebrari, magno famæ consensu vivus audiret undique & cognosceret.

In modicis quoque Principatibus non modici labores incumbunt ei, qui ornandam primario provisu in Germania suscepit talem Spartam. Cumque pacatioribus etiam temporibus, non facilis prudentiæ res sit, inter potentes vicinos conservare statum Reipublicæ conclusæ velut in medio, Forstnero in majus auxerunt molem negotiorum, tempora omnibus malis publicis horrenda & confusa; quibus ad sui muneris & miseriarum undique ingruentium initia accessit. Principes Fratres, ætate injuriis opportuna, apud Helvetios & in Galliis paulo minus quam exilium, usque ad annum hujus sæculi quartum & quadragesimum tolerabant. Variæ sævissimi belli clades, pestilentiæ horribilis atrocitas, omnis infortunii facies, nihil tuti lætæve interea reliquerant. Scisso velo, quassata nave, navigandum tamen erat. Qua in re quid curarum, quid molestiarum versetur, non facile quisquam verbis expresserit, aut animo comprehenderit.

Conservata Principibus fide; provinciis, quantum humana fieri ope poterat, sublevatis & à desperatione resurgendi ad fiduciam traductis, meruerat, ut extra invidiam, non extra gloriam esset. Sed non defuerunt obrectatores, qui optime ab ipso consultata & actitata, imprudentibus non minus quam importunis censuris apud reducem novum Principem vexarent. Vicit tamen ad extremum melior causa, & genius Optimi Principis ad tuendam suorum

innocentiam nunquam difficilis. Præclare sapiunt, qui adversus inimicorum insidias, non fugiendo aut stationem suam deferendo, sed immobili gradu stantes malarum artium finem, & bonarum fortunam nunquam seram, etsi tardam, præstolantur. Certe utriusque Principis, & ejus qui Mompelgardense regimen prior suscepit, quique Fratris successor adhuc magna cum gloria rerum potitur, judicio ac testimonio, quod irrefragabile est, constat: FORSTNERUM fidelissimi & prudentissimi ministri omnes numeros usque ad fastigium exempli, quod in hoc genere optari potest, implevisse. Quare & gratia & munificentia Principali ad vitæ terminum usque floruit: carumque & honoratum etiam in Filiis nomen FORSTNERIANUM in aula perennat.

Itineribus creberrimis, modo in Galliam, ex qua Aula fortuna ditionis Mompelgardensis non levibus momentis sæpius pendere visa est, modo alios ad Principes occupabatur. Neque fuit unquam tempus, quin suæ virtutis & industriæ maximam opinionem, apud omnes, quibuscum ei negotium fuit, relinqueret. Testantur hoc magna, & totius pene Europæ Comitia de Pace ex sævissimo & longissimo bello reconcilianda, Monasterii & Osnabrugæ instituta, quo ille missus, maximi cujusque Legatorum animos oculosque in se convertit. Hic Cæsarea Legatio, cujus Princeps tum Comes TRAUTMANSDORFIUS fuit, sua prudentia dignum bonumque factum censuit, si Domui Augustæ FORSTNERUM iterum commendaret, & Consilio Aulæ Imperatoriæ adjungi cuperet. Hic Sueci propioribus consiliis ultro adhibere virum solebant, & quotiens Monasterio Osnabrugam reduces nova negotiosi tractatus capita attulerant, ignorare ipsum poluerunt, ut, quod ejus esset de re tota judicium, resciscerent. Ab his quoque Regiæ optimæ non perfunctorie collaudatus, facile honoratum obtinisset locum, nisi altiore consilio, persistere in officio tot curis suis perornato, & invitanti sæpius fortunæ aliter, id est, declinando nova, colendo vetera jussa, obsequi decrevisset.

Nemo credat, fugitantis laborum hæc consilia fuisse. Licet enim ad mutandam stat ionem adduci non debeat, nisi qui plus solito agere & ferre paratus sit, (cum à novis & aliunde evocatis ministris, non expectari modo, sed exigij mājora



jora & inusitata soleant) dubitabile tamen haud erat, quanta domi laborum continentium moles, non senectæ, non valetudini vacationem promitteret. Secuta sunt sane tempora, quibus, incremente cum annis artuum valetudine, valde anxium habuit FORSTNERUM illa cura, ne per infirmitatem ejus aliquid Respublica detrimenti sentiret. Quo factum est, ut ad privatam vitam, tanquam ad portum respiciens, dimissionem quandam anhelaret, Deo vacare inprimis, si quid superesset ætatis, cuperet. Visus est annuere velle Princeps Optimus, si alium muneri successorem ipse FORSTNERUS reperiret, Germano, sed rei & linguæ Gallicæ bene perito opus erat; nam cæteras artes, etiam cum non nominantur, intelligi constat. Nominati ergo varie, & excusati præstantes viri, sub onere denique FORSTNERUM reliquerunt; cui sola mors finem adferre potuit.

Felices equidem dixeris, quibus contigit ab aulicis negotiis & curis civilibus vacatione impetrata, mortem meditari impensius; assiduo Dei cultu, salutem animæ procurare avidius; atque ita ardua vitæ negotiosæ intervalla, sacra quiete, ceu notabili fine, claudere. Verum ab omni ævo pauci, quos hæc serio cura sollicitavit, voti sunt compotes redditi. Nam reliqui, quos nec familiaris, nec publicæ rei vincula à sanctiore ejusmodi proposito distrahunt, plerumque minoribus, nescio quibus curis, ad extremum intenti, majori oblivione transmittunt. Solari tamen desideria meliorum irrita potest voluntas ejus, qui omnibus voluntatibus modum ponit: quando nunquam dubitatum est, quin Dei & Principis voluntati parere, esset pars pietatis & religionis habenda.

Sed redimus ad FORSTNERUM, qui undique magnorum Virorum, etiam Principum literis, ad finem usque vitæ compellatus est. Si quid in Republica arduum agitabatur, FORSTNERI judicium de momentis negotii, quod rectissimum esse solebat, & provisio futuri temporis, in qua acutum cernere sueverat, desiderabatur. Epistolis enim mirum quam accuratis & nobilibus, rem gessit: quarum ab amicis aliquæ sunt in vulgus editæ; aliquæ etiam ab iis, qui consiliis suis ab auctoris proposito plurimum alienis, hinc aliquem usum machinabantur. Nonnulli prudentia auctoris delectati, quem ignorabant, nomen aliud ex conjectura sua affinxerunt. Offendit eum non parum temeritas nonneminis, qui studiis odiisque suis serviendo, intempestive Epi-

stolas quasdam de Westphalicis actis aliisque rebus ediderat, Typographoque, ut Mompelgardii nomen præscriberet, persuaserat. Qua de re cum esset à me certior factus, rescriptis paulo uberius in alieni Secreti temeratores; eamque responsionem in publicum edi voluit. Factus inde cunctantior ad respondendum de republica, non tamen evadere potuit, quin aliquando ad commercium illud epistolicum instaurandum retraheretur. Eg t etiam delectum suarum epistolarum, & in volumen collegit potiores, quas petenti Germanico Mæcenati Baroni BOENEBURGIO mitteret, Musea quoque eximiorum virorum, quicquid hujus generis undique cogi poterat, inter pretiosas chartas custodiunt. Quantum minus ergo quam publici juris sunt? Quæ res, submouentibus insuper ac pene efflagitantibus amicis, persuadebit, spero, Filiis, ut pleræque paternæ Epistolæ paulo post edantur. Ut enim hodie mores sunt, verendum est, ne tempore alieno, nec honestate officii adgubernante, sed lucri importuno amore stimulante, occupent hoc munus, quibus ludus est, res non sui juris ad suam libidinem attrahere. Polleat enim Epistolæ Forstnerianæ singulari quodam elegantiae & prudentiæ genio, unicuique hætenus exempli sunt. Verba Taciti, ex familiari ejus Scriptoris usu, decora & tempestiva gratia se ubique offerentia, supra omne imitationis ingenium placent juvantque. Judiciorum contextus, & ex intimo negotiorum sinu emersa series, communi sensui apta, nihil tamen vulgare spirantem, nec minus reconditam, quam facilem concinnat scripturam. Notum est apud eruditos, quam rara sint exempla, in infinitis pene operibus editis Epistolarum, quæ civilem sapientiam non umbratice adeptis satisfacere possint. In his FORSTNERO palma sine omni dubio decernetur. Libertas etiam minus nunc offendet, postquam eventus vel non sivit latere, vel ratio non perseveravit dissimulare, quæ inter tractatum & in novitate conspici refugiunt.

Hoc loco de libertate Viri optimi paulo amplius disserendum est. Multum de virtutibus suis hanc amabat; quamquam non semper absque periculo. Constat sane omnibus, ob quædam liberius posterioribus in Tacitum Notis inserta, prædium ejus Dambenoyanum incendio, non sine manifesta vindictæ denuntiatione, incensum absumptumq;. Meruit etiam aliter præpotentiū odia; quando, inter turbas tempo-  
rum

rum armorumque, voluntatibus eorum, constantissime Principis sui libertatem utilitatemque præhabuit, non minis, non auro expugnabilis. Raro equidem qui libertate verborum studiosus utuntur, vel crimen vel suspicionem criminis evitant. Solent enim parva quoque & prava ingenia, hinc speciem assurgentis ad altiora animi mutuari, livorique & malignitati suæ hoc prætextum obducere. Innoxia fuit, mentisque, à calumniandi libidine intactæ, genio bene gubernatæ Forstneri consuetudo. Quo factum est, ut, quia nemini maledicere decreverat, conscientiam pro testimonio amplexus, ne in suspicionem quidem rei à suis moribus alienæ, venire se posse judicaret. Usu quoque inde à juvenia compererat, nec summos, in Aula principe, viros, temporibus satis lubricis, ingenuam nec imperitam libertatem judicandi, à qua malitiosa abesset animi affectio, aspernari consuevisse. Cujus rei specimina valde præclara non semel audiivi memorantem. Etiam illud sæpiuscule animadverti, non offensos esse magnos per omnia homines, de quibus liberius existimaverat; imo repulsos qui invidiam ei hoc crimine concire moliebantur. Adjuvabatur hujus propositi simplicitas, instituto quodam & tenore vitæ; à captandis ex longinquo favoribus & beneficiis, longius remotæ, & extra sollicitudines, quæ magnos quoque animos debilitare, si non infringere queunt, constitutæ. Non poterunt autem tali exemplo se tueri, quicumque innocentia & ingenio inferiores, aîdua nimis affectare instituunt; faciliusque FORSTNERO erranti (quis enim omnia semper conjectando assequatur?) quam censoribus & judicibus temerariis in verum incidentibus, veniam dari convenit. Quærenda fuit hujus rei mentio, eo quod sinisteritatem male consultorum obtreptatorum magnis nominibus præscribere, non obscure meditantur, quibus Hercules cothurnos pygmæo inducere, nullus pudor est.

Sed FORSTNERUM quidem ab omni obscuræ obliquæve indolis opinione, natura ipso aspectu, & honore ingenii faciei, vindicaverat. Candorem, libertatem, modestiam, sollertiam, unum sibi pulcherrimo temperamento domicilium legisse, statim crederes, & citra opem artis, quæ ex spectabilibus corporum notis interiorè animorum præstantiam colligit, deprehèderes. Nihil ad ostentationem, multo minus ad fucum, aut pompam compositum viscebatur audiebaturve: omnia sincera & ad demerendos homines occultis gratiis, valida; virum

rum coli amarique dignum, animis penitior recti honestiq; sensu imbutis, ultro insinuabant. Non intelligunt bonos nisi boni, non distinguunt vana à veris, inania à solidis, nisi quos melior genius eorum numero exemit, qui destituti mentis acie, oculis velut aurigine infectis, magnorum virorum præsentiam spectaculis stultorum expertem; minuendæ famæ potentissimum argumentum; sicut factum & affectatam maiestatem unicum famæ augendæ titulum, pro suo captu insolenter interpretantur. Quæ tanquam mali ominis nomina proscribenda sunt ab his paginis, Virum, in quantum intelligi virtus potest, optimum memorantibus. Inter prudentes, & collegas nemo unquam fuit, quin agnosceret divinam quandam huius viri in iudicando felicitatem, in suadendo dissuadendoye providentiam, in efficiendo industriâ, ac dexteritatem. Gravis sine tristitia, humanus sine ambitione, comis sine blanditiis, elegans sine offuciis, omnibus publicæ privatæque vitæ officiis parem animum commodavit, Rara & mira nec nisi consummatæ virtuti debita celebritas. Hic est, quem Principum nemo unquam fastidit; Ministrorum nemo contempsit; Civium nemo non desideravit. Summis imisque ex æquo gratus, cum stationis aulicæ, nunquam satis tutæ, pericula effugeret, dignitatem & præmia retinebat.

Fuerunt homines prave callidi, qui virum magnis in rebus civilibus versaturum, tribus carere rebus, Religione, Uxore, Pudore, oportere, non sine suo & sæculi opprobrio differuerunt. An adhuc sint, qui tam flagitiose sapiant, ego quidem nescio; Solus qui secreta pectorum inspicit DEUS noverit. Credo tamen, in Germania quidem, non dari aulas aut curias, quæ homines tam manifesto profanos tolerandos esse statuant. Nam qui suspicionibus de re tanta judicari debere autumant, plerumque illis ipsis, quos fingunt reos, deteriores sunt. FORSTNERO certe nunquam ludus fuit Religio: vel, ut ipse eam simulando sperneret, vel ut ab aliis sperni comminisceretur; quam fraudis speciem sæpe scelestissimi homines, odio suo in bonos & innocentes viros præferunt, & imperitiis, pecorum ritu antecedentium gregem sequentibus, disseminandam tradunt. Seria ipsi, Deoque familiariter dedita pietas, quotidie preces, suspiria, sanctas meditationes peperit. Librorum & amans & gnarus, unum tamen esse Codicem DEO Auctore proditum, credebatur, qui obli-

oblivisci faceret Aristoclem & Aristotelem, omnisque sapientiae humanae laudata quamvis & in immensum exaggerata nomina. Hujus caelestis thesauri creberrima lectione & commentatione, quin plurimos, quibus hoc potissimum negotii datum est, vicerit. dubio omni caret. Additi sunt Theologi antiquitus & hodie sapientiae pietatisque nomine insignes: neque quicquam omissum, quo ad beatam immortalitatem, natura mortalium facilius promptiusque elevaretur. Huic intentus studio animus summam pudoris, sive, ut sanctius loqui fas est, conscientiae rationem habendam ratus, sibi tutam, aliis facilem, convictus & omnis commercii consuetudinem, concinnavit. Nam ubi apud eos, qui in excelsa aetatem agunt, respectus honesti perit, tum licebit humilio-ribus & potentiorum ope indigentibus serio vapulare & plorare & venum ire, si non perire. Tum de misero illo in tenebris oberrantium grege, & diis hisce nihil divini moris habentibus, oraculum fit illud Poetae:

*Enimvero dii nos quasi pilas homines habent.*

Conjugium quoque nihil impedimenti, sed plurimum adjumenti afferre homini rempublicam gerenti, FORSTNERUS non judicavit modo, cum viris affectata abnormis sapientiae prodigia averfantibus, sed cum feliciter conjugatis expertus est. Ducta enim in matrimonium ornatissima virgine ROSINA PAVERIA, tres & viginti per annos, omni genere fructuum, qui ex virtute & amore matrimoniali contingere possunt, domum & rem familiarem auxit beavitque: Filiorum quatuor, & unius Filiae pater factus. Et Filiam quidem multis jam adolescentiae in parentum laudes surgentis speciminibus efflorescentem, acerbo funere orbata domus extulit. Filiorum numerus & aetas, non domi modo plurimum gaudii & ornamenti habuit; sed foris quoque amicorum spem, applausum & gratulationem uberrime excivit: donec natu major, PAULUS CHRISTOPHORUS, post exquisitam doctrinam & prudentiam sibi comparatam, & rarioris generis peregrinatione collocupletatam, felicitati tantae, praemature obitu, caliginem & jacturam intulit.

Magnum id vulnus, nec cito consolabile fuit: quippe quo spei multiplicis contextus rumpi videbatur: nisi quod triga Fratrum superstes, Patris senectam & viduitatem (neque enim post ereptam satis dulcissimam conjugem 1654. ad secunda vota transiit) copiosissimo omnis spei & decoris pro-

proventu levavit & recreavit. In his LUDOVICUS quidem aulicis pridem ministeriis officiisque innutritus, gratia & dignitate apud Principem pollet. FRIDERICUS autem adhuc colligendis, sive potius cumulandis varæ peritiæ civilis præfidiis, Aulas sequitur. In HENRICO, animus ad magnanarus, omnisque negotii & officii capax, ea jam sui documenta dedit, quæ Parentem totum solerter judicantibus promittunt. Itaque vivit vivetque FORSTNERUS in hoc Terrarum orbe, non ingenii monumentis, & meritorum in Rempublicam gloria, sed virtute etiam Filiorum, & producendis renovandisque per continuam Nepotum seriem laudibus.

Et sicut nulla pars vitæ Forstnerianæ sic in oblivionem venire potest, quin plurima consiliorum, beneficiorumque late proficuum, tum decoræ comitatis, moderationis, elegantix, aliarumque egregiarum artium nomina, in ore famæ, in memoria temporum pervigiant: ita suprema viri optimi multum quod admiretur nostra, recolat postera ætas, habuerunt. Antequam quid in mortalitate ultimum esset, videre desit, quid in beata æternitate primum esset, jam persensit. Tanta illi in DEUM pietas, tanta Christi recordatio, tanta salutis, quæ vere & sine fine vitalis est, cupiditas præsto fuit: & à sensu valetudinis, ipsiusque mortis, abductum animum libertati pridem expetitæ vindicavit. In precibus fundendis, in amplectendis spei, nostræ mysteriis, & Sacramento Cœlestis epuli suscipiendo, in Theologo, cui suam conscientiam regendam commiserat, avide, frequenter, reverenter audiendo, omnis boni Christiani numeros explevit. Ea propter finem ejus 28. Dec. 1667. ut exemplum & artem sive bene moriendi, sive vitam meliorem rite auspicandi, non perfunctorie celebrari audimus. Lugent Templi auditorem & confessorem sancti gregis, vere religiosum: desilent pauperes patronum liberaliter benignum: vocem tollunt lamentabilem, quibus non licet amplius voces benefactoris solatio miserorum fœcundas audire. Dambenoyanum vero, rusticatione & secessu erudito negotiosoque Domini nobile Hæredium, villas suas majore mensura taxat, nec modicæ celebritatis genus existimat, FORSTNERO sepulorum præbuisse 13. Jan. 1668. æt. 70. At memoriæ & nomini tantæ viri non minus Cenotaphia in pectoribus suis,

in

in literis & libris suis fabricant, quos melioris genii pietas, ad exempla magnæ virtutis veneranda excitare solet. Tu imprimis, WOLFGANGE FORSTNERE, Frater germano vere germane, sicuti per omnem vitam amore, fide, virtutibus, meritis certare vos invicem juvat; ita nunc gloriæ Forstnerianæ caput & sublime decus emines: Quod ut diu facias, DEUS velit. Te eadem consiliorum gravitas & constantia, candor, libertatis modestia mixtæ dexteritas, cæteraque præcipua humani animi bona, in eo laudum collocant fastigio, unde geminum paulo ante sidus conspiciebatur. Tu Patris animum, Fratris Filiis; amici benevolentiam, Fraternalis amicis repræsentas. In te conspirant vota bonorum & prudentium virorum; Te vivere, Te valere, Te Fratris annos multum superare, exoptant. Sic enim putant, sua desideria ad felicitatem & ornatum sæculi pertinere: Tuæque virtutis diuturnos fructus rebus in meliorem statum vertendis necessarios judicant. Et quoniam sanctior est firmiorque nostra amicitia, quam ut Tecum me sinat loqui, quæ apud alios nunquam taceri debent; abrumpendum mihi uberiores sermonem, & in sua tempora differendum video. Nisi quod iterum profiteor, me non meritis FORSTNERI, quæ infinita sunt, sed meo officio, quod angustos etiam intra terminos contineri potest, satisfacere voluisse. Dicam imo apertius: ut decora nostri temporis ingenia, suas vires in illustri argumento experiri instituant, infacundo hoc scribendi genere, occasionem & materiem præbere, si non stimulos subicere, consilium fuit. Vel sola Ratisbona, amplissimi PORTNERI, KERSCHERI, PRASCHII (nam LENZIUM nuper ereptum adhuc lugemus) ingenii; quicquid est eloquentiæ ætatem laturæ, abunde & extemporali facilitate expediverit. Juvat enim Te juvatque, ornamentum Patriæ tuæ, totiusque Germaniæ. PORTNERE, necessitudinem domesticam, cum FORSTNERO Cancellario contraxisse. Illius virtus Mombelgardi Te detinuit: neque quicquam suavius hætenus esse Tibi potuit, recordatione consuetudinis tam nobilis, & fructu commercii Literarum, inde subnato, quo utrumque decore & peramice usos novimus. Neque dubitavit unquam Te interpellare Germania, ne Musco tantum tuo patiaris infenescere illas opes, quæ par nobile amicorum Europæ debent exhibere. Favebunt & aliis modis

modis memoriæ FORSTNERI, quicumque magna nunc passim dignitate eminentes, hospitii tot votis expetiti deliciis frui potuerunt. Neque ulla erit tam surda posteritas, quin amicitiae cum FORSTNERO junctæ testimonia, in præcipuis ad famæ & honestatis decus conciliandum argumentis numeratura sit. Tu vero, beatissima anima, vive & vale, CHRISTI amplexu, consortio Cœlitum, deliciis Paradisi æterni, penitus potita. Nos solabitur tua felicitas, ad quam receptis olim tecum corporibus, vel immutatis, toti Angelorum similes convolabimus.

## SCRIPTA.

De Principatu Tiberii. *Patavii* in 4.

Hypomnematum Politicorum Centuria. *Argent.* 1623. in 12.


Notæ Politicæ ad Cornel. Tacitum. *ibid.* 1628. in 8. *Lugd. Batav.* 1650. in 12. *Frances.* 1662. in 12.

Omissorum liber. *ibid.* 1631. *Lugd. Bat.* 1650. 1655. 1661. in 12.

Epistolæ, Negotium Pacis Osnabruga-Monasteriensis concernentes. *Mompelgardi* 1657. in 12.

Epistola Apologetica ad amicum contra secteti temeratores. *ibid.* 1657. in 4.

Epistola de moderno Imperii statu. *Freistad.* 1670. in 12.





MEMORIÆ  
PHILOSOPHO-  
RUM, ORATORUM,  
POETARUM, HISTORICO-  
RUM, ET PHILOLOGORUM

*NOSTRI SÆCVLI*

CLARISSIMORUM

RENOVATÆ,

DECAS NONA,

CURANTE

M. HENNINGO WITTEN.



FRANCOFVRTI,

Apud MARTINUM HALLERVORD,

Typis JOHANNIS ANDREÆ,

*Anno 1716 LXXIX.*

Kk

**MEDRASCH. RUTH. CAP. I, III.**

אשריו של אדם שיצא בשם טובמן העולם:

**BEATUS EST ILLE HOMO, QUI CUM NO-  
MINE BONO EXIT EX HOC  
MUNDO.**

V I R O

PL. REVERENDO, AMPLISSIMO ET  
EXCELLENTISSIMO,

DN. JOHANNI  
HELDIO,

NON NOMINE MINUS QVAM RE ET  
VERITATE HEROI,

QVA MENTIS ACUMINE,  
QVA GENII PRÆSTANTIA  
ET SOLERTI UBIVIS PRUDENTIA  
LITERATISSIMO,

PHILOSOPHO ATQVE PHILOLOGO EXIMIO,  
HODIE AUTEM .

ECCLESIAE, QVÆ CHRISTO IN LIBERA  
IMPER. NORIBERGA COLLIGITUR,  
SYMMYSTÆ VIGILANTISSIMO,

EBRÆÆ LINGVÆ PROFESSORI  
PERINDUSTRIO ET OPTIME  
MERENTI,

DOMINO, FAUTORI AC HOSPITI QVONDAM  
MEO REVERENTER SEMPER HABENDO,  
PRO HOSPITIO NON SOLUM,  
QVOD CUM PEREGRINIS QVOQVE ALIIS

EX VOTO HABUI COMMUNE,  
SED TENERRIMO IN PRIMIS AMORE,  
QVO ME, IN ALTERUM USQUE ANNUM,  
PRÆSENTEM SINCERE COMPLEXUS  
EST,  
INGENTES ET PROPE INFINITAS  
DEBEO GRATIAS,  
PUBLICO HOC IPSUM  
QVICQVĪD EST INTERNI AFFECTUS  
ΤΕΚΜΗΡΙΩ DECLARATURUS:  
QVAMVIS PERSOLVENDIS SINGULIS BENE-  
FACTIS INOPEM ME AC IMPOTEN-  
TEM AGNOSCO;  
DEUM TAMEN EX ANIMO VENEROR,  
UT FLORENTIEM HELDIORUM  
DOMUM,  
PROLE CARENTEM,  
INGENII MONUMENTIS ET VIRTUTUM  
DECORE IMMORTALEM  
CONSERVET!  
ITA VOVET SPERAŦQVE  
M. H. WITTE,  
TANTI NOMINIS CÂNDIDUS ET EXTRA  
GERMANIAM GERMANUS CULTOR.

SERIES



# SERIES PHILOSOPHORUM, ORATORUM, &c.

## NONÆ DECADIS.

Obiit anno

- 1667. Abrahamus Coulejus, Poëta Anglus.
- 1668. Joh. Ericus Ostermannus, Græc. Ling.  
Prof. Witteb.
- 1668. Sigismundus Pichlerus, Polit. & Eth.  
Prof. Regiom.
- 1669. Abdias Trevv, Mathem. & Phys. Prof.  
Altorphin.
- 1669. Jo. Michaël Moscheroschius, Jctus &  
Polyhistor.
- 1670. Balthasar Scheidius, Græcæ & Orient.  
Linguarum Prof. Argentor.
- 1672. Jo. Henr. Bœclerus, Hist. Prof. Argent.
- 1673. Cæso Grammius, Physiol. & Græcæ  
Ling. Prof. Kilon.
- 1674. Jo. Andreas Bosius, Hist. Prof. Jenensis.
- 1675. Jo. de Bruyn, Phys. & Mathem. Prof.  
Traject.



DE VITA ET SCRIPTIS  
**ABRAHAM I**  
**COULEJI,**

Angli,  
 MARTINO CLIFFORDO, S.  
 T. SPRAT, S.

**E**N Poëmata Latina Couleji tui, Viri eruditione & scriptis, sed vita maxime memorabilis. Pauca quædam de Authore ipso præmittenda censui, quæ debentur certe tanto hominis vel ingenio, vel modestiæ. Hæc Tu optime omnium possis, qui eum per triginta annos familiarissime noras, & summe semper colueras. Sed Tu ab omni scriptione abhorres; fastidio forsitan non injusto, scriptorum hujus ævi multitudinē & incuriæ insensus. Quam igitur provinciam Tu refugis, Ego suscipio; eo certe lubentius, quod de Coulejo dicenti, Nemini potest deesse vel materia, vel oratio. Tu interim da veniam, ut de Communi Amico scribens, memoriam tuam, & fidem appellem: ut si minus stylo tuo & ingenio, Testimoniū tamen & judicii tui fama, Vir magnus posteris commendetur.

**ABRAHAMUS COULEJUS,** *Londini natus est, anno millesimo sexcentesimo decimo octavo. Parentibus ortus est honestis, civibus Londinensibus: Nactus conditionem Fortunæ parem Animo, qui nunquam immoderatā, aut nimis alta appetebat. Prima ætate institutus est in Regio Gymnasio VVestmonasteriensis; cujus loci nobilissimum genium ornavit, & auxit. Vix dum decennis Poëta factus est, legendo Spencero nostrate, scriptore sane illustri, & vel adultis difficili; Sed Couleji Ingenium magnitudine animi, non annis æstimandum. Innutritus est in Antiquis omnibus Authoribus, quos non solum memoria tenuit, sed judicio probavit, & usu perenni familiares sibi reddidit. Puer adhuc multa edidit, quæ viri cum fructu legerent, & imitarentur. His initiis celebris Cantabrigiam concessit, ibique inter æquales citissime inclaruit, & in florentissimo S. Trinitatis Collegio, admirabili profectu adolevit. Exercitia Scholastica Romano Foro.*

Foro, & Ciceronis auribus digna. Matura supra fidem In-  
doles, nec tamen præcox. Mire festinavit: sed pariter du-  
ravit.

Flagrante Bello Civili, pro regiis partibus stetit, &  
*Oxonium* se contulit: quam Urbem Rex optimus Rerum  
suarum caput, & sedem Belli delegerat. Illic inter Arma per  
biennium studiis felicissime floruit; militiæ interea non im-  
munis. Mature in notitiam principum Virorum venit, in-  
ter alios *Nobilissime, Doctissimoque Falklandio, Regi à Secre-*  
*tis*, familiariter usus est. Eam consuetudinem similitudo stu-  
diorum & animorum, conciliaverat.

In familiam *Illustrissimi Comitum Sancti Albani* adscitus,  
*Reginam Mariam*, Regno per nefas extorrem, in *Galliam*  
secutus est. Invitus è Schola transiit in *Aulam*: mutavit  
vitæ cursum, non vitam; vixit comitate, facilitate, huma-  
nitate Aulica: probitate, diligentia, innocentia Philosophica.  
*Parisiis* per duodecim annos, plurima obiit negotia gra-  
vissima, ad *Caroli utriusque* salutem spectantia. Illud præ-  
cipuum industriæ ejus, & Fidei erga Regiam Familiam ex-  
emplum, quod commercium Epistolarum inter *Carolum*  
*primum*, & *Reginam Vxorem* per quinquennium admini-  
stravit; literas fere omnes, quæ nunc extant, hinc illinc mis-  
sas, manu propria describens.

Tandem in *Patriam* missus Tyrannide oppressam, vix  
injurias istorum temporum evasit. Paucis dein mensibus  
libertate mulctatus, aliquando dimissus est, vadimonio fa-  
cto, & fama ingenii, quod etiam apud hostes insensibilis  
valuit. Paulo post sub *Cromwellii* mortem in *Galliam* regres-  
sus, eodem quo olim munere functus est, usque ad auspica-  
tissimum *CAROLI Secundi* Reditum. Rebus patriæ in me-  
lius cedentibus, & Pace stabilita, à vita actiuosa & exercita-  
ta, ad privatam & tranquillam se recepit: non quidem ani-  
mi imbecillitate, sed judicio. Penitus enim perspexerat uni-  
versam rerum humanarum pompam, & expertus contem-  
pserat. Circa id tempus fortuna satis ampla auctus est, mu-  
nificentia *Ducis Buckinghamii*, & *Comitis Sancti Albani*,  
quibus per omnem ætatem charissimus erat, quosque vicif-  
sim summa cum observantia suspiciebat. Hoc viatico instru-  
ctus, pro meritis tanti Viri exiguo sane, pro animi vero tem-  
perantia satis magno; ardentius jam urgebat institutum il-  
lud suum, quod olim destinaverat, exundi ex hominum

catu & tumultu, & vivendi aliquando in otio cum dignitate. Octo extremis annis ut plurimum Rure delituit. Urbem & Aulam rarissime revisit, idque non tquam incola, sed Hospes. In amœnissima Thamefis Ripa, vitæ curis & ærûmnis solutus, totus Amicis, & severioribus literis vacavit, Musas etiam una in solitudinem comites adduxit; sed & simul Eremitas fecit Deoque consecravît.

Opera ejus universa vix quidem sub una Forma, aut Charactere comprehendî possunt, ita tēporibus, & materiis, & stylis differunt. Multa edidit Adolescens, multa Academicus, multa Aulicus, multa privatus, Dômi Forisque multa. Omnia tamen eodem Animi tenore, vitæ suæ similima, candida, honesta, decora, numerosa, sine morositate gravia, sine levitate jucunda. In utraque lingua plurima scripsit, *Latina & Vernacula*; illa inter veteres, hac inter recentiores Princeps judicandus. *Soluta oratione & metris* pariter excelluit; In utroque genere facillimus Lectori, Imitatori non ita. Argumenta omnimoda tractavit, Faceta, Amatoria, Moralia, Divina. Semper quid deceret, & quid esset satis, optime novit. Nullam unquam materiam, nec Lectorem latavit. Judicares eum semper plura dicere posse, sed nolle. In verbis nec curiosus admodum, nec nimium negligens. Communibus & usitatis contentus, paucissima aut immutavit aut innovavit. Rem præcipue spectabat, in eaque immorabatur. Inventionē copiosus, lucidus ordine, accuratissimus judicio. Genere dicendi grandis, tenuis, temperatus, pro cujusque rei natura & decore. De Amoris lusit, *Crucii & Catulli* facilitate. & Ingenio, modestia sua. Quod *Horatius* ipse fieri posset desperavit, *Pindarum* æmulatus est: Hujus vehementiam, & majestatem verborum & sententiarum, & beatissimam figurarum copiam sælic ter expressit, versu inæquali, & solutæ Orationi proximo; ideoque argumentis omnibus, & usibus vitæ maxime accommodato. Antiquorum Poëtarum difficillimos & ingeniosissimos locos reddidit; lingua diversa, spiritu & animo vel eodem, vel majori. Inchoavit *Divinum Poëma*, & in *Rege Davide* celebrando, Davidem Poëtam imitatus est. Multas *Sanctæ Scripturæ* Historias illustravit versu, & furore cœlesti. Ut mihi quidem videtur, in aliis materiis cæteros fere omnes vicit, in Sacra Poësi seipsum. Multiplicia alia absolvit argumenta, De rebus Philosophicis, de bonorum laudibus, de Regia



Regia causa, de Tyrannide *Cromwellii*, de officiis, de Animi tranquillitate, & moderatione, facundissime disseruit. Quæ omnia apud nostrates in deliciis habentur.

Latini sermonis naturam habuit; non adscitam suavitatem. Numeros prope omnes Romanorum Poëtarum, & diversissimos versuum colores attigit: Quod ne ipsi quidem veteres fecerunt; quorum singuli unam aut alteram Poëseos figuram seposuerunt sibi, in eaque præcipue elaborarunt, desperatione cæteras consequendi. Scripsit *sex Libros Plantarum*; Argumentum novum sane, sed infinitum pene, & ipsa copia difficillimum, Horum primi duo Oratione sunt modica & molli, ut elegos diceret, sed ingenio vegeto & forti. In duobus proximis *Horatii* omnia carmina, & numerosam felicitatem effinxit: Cujus summi Authoris non solum Epoda, sed & Epistolas & Sermones imitatus est, facetissimum omnium Antiquorum scribendi genus. In duobus postremis Pede Heroico usus est; &, absit verbo invidia, si non *Virgilium*, cæteros certe omnes superavit. Horum ultimum Patriæ suæ laudibus dicavit; in eo etenim civiles Angliæ tumultus, *Caroli Primi* calamitates, *Secundi* Reditum, & initia nuperi Belli Navalis cecinit; Ingenio pari virtuti, & fortitudini Anglorum. Hæc de scriptis ejus: De Vita Majora dicenda sunt. Habuit quidem perfectam naturalem bonitatem, nec variis quos subiit Fortunæ casibus, nec Aulicis Artibus, aut exteris corruptam, aut mutatam. Moribus erat rectissimis, integerrimisque. Sui temporis ingeniosissimus, nec inde deterior, nec insolentior factus est. Poëta maximus, sed positus supra ipsius Poëseos vitia, & ineptias, Nullo fastu, nulla vanitate, nulla adulatione: quo nil majus aut inusitatus dici potest.

In Doctrina ejus & Ingenio multa singularia. In victu, habitu, aut gestu nihil. Artibus omnibus præditus, nullo artificio, aut astutia vixit. Neminem unquam aut verbo aut facto læsit. Cum nemine pro fama aut pecunia contendit. Nullius laudes arripuit sibi, aut impedivit. Quorum mores aut scripta probabat, eos non vituperando, aut illudendo, sed monendo, favendo, & etiam laudando corripiebat, Modestia tanta, ut simulationem dixisses, ni cæteras virtutes omnes pares habuisset.

Privata omnia & publica officia sua, magna cum fide & industria præstitit. Matrem lectissimam Fœminam per

omnem vitam charissimam observavit, quam octogenariam demum amisit. Tres Fratres admodum dilexit, quorum unicum superstitem Hæredem suum moriens scripsit. Inter suos omnes maximam semper obtinuit autoritatem, non Imperio, aut severitate, sed comitate partam. Poëtarum nostratium, difficillimi hominum generis, invidiam, aut obrectationem nec meruit, nec habuit. Amicitias religiosissime coluit. Quibus in pueritia & condiscipulatu assueverat, eos ad mortem usque familiarissimos retinuit.

Immensa erat Disciplinarum omnium & scientiarum supellectile instructus, nec tamen impeditus. Magnus Animus sine tumore: Doctissimus sine asperitate, aut affectatione. Ingenium & sibi facile, & aliis: nec partu laboriosum, nec auditu. Nil unquam operum suorum recitavit, nisi amicissimis, & coactus. Nunquam nisi familiarissimis suis Poëtam se esse ostendit. Aliis omnibus, nemo comior & commodior ad omnem rationem humanitatis.

In sermone nec magnitudo rerum facetiis exclusa, nec hilaritas gravitate. Nemo ab eo nisi invitus discessit. Consuetudine erat ea, quæ certe optima censenda est: quam scilicet amicissimi magis quam alieni, adamarunt, & mirati sunt. Nemini unquam se subito venditabat. Nullius unquam plausus caprabat: contentus bonorum honesta opinione, à blandimentis & encomiis abhorrebat.

Cum summa animi modératione & suas res curabat, & aliorum respiciebat. Tum in prosperis, tum adversis similis & constans sibi Animus, nunquam aut supra, aut infra conditionem. Nunquam præsentem vitam futurorum spe anxiam reddidit. Domesticis ejus facultatibus, & ipse, & amici liberalissime utebantur. Mores suos & vitam privatam, non aliorum opinionibus aut rumoribus, sed nativa honestate regebat. Religionem veritus est, & amplexus, non disputandi, aut ostendandi se causa, sed vivendi. Dignus certe splendidiore fortuna. Negotiis omnibus vel gravissimis idoneus, si ipse se idoneum existimasset.

In longo illo extremæ ætatis secessu, Otium quod habuit, Naturæ Arcanis Deique Operibus impendit. Ad Naturæ mysteria accedebat, ut primi illi Antiquitatis Heroes, Scientiarum Inventores, qui tum Poëtæ tum Philosophi extiterunt. Instructus est tam judicio, diligentia & methodo, ad eam investigandam, quam ingenio ad ornandam.

Præter

Præter hanc Naturæ indagacionem, quam perpetuo urgebat, ad præterita studia sua, hortatu nostro respiciens, de stylo scribere aggressus est: quo in libro universam veterum & recentium scriptorum censuram, & comparacionem instituebat: procul dubio par tam ingenti argumento futurus. Sed vix incæptum reliquit. Et nunc certe perfectio tantæ rei in posterum desperanda est, nisi eam Tu ipse, Vir Doctissime, susceperis.

Ultimum ejus conatuum mortalium erat: Dissertatio de doctrina & usu Christi, puro, antiquo, primigenio. Proposuerat sibi, posita omni factione, & parvum studio, vetera omnia repetere, quæ ad religionem nostram pertinent, eaq; Christiano orbi exhibere. Quo in opere quod non fuerit ulterius progressus, magno sane accidit Ecclesiæ damno. A quo enim alio fas esset expectare primævam veritatem, quam ab animo primæva innocentia & pietate imbuto?

Verum hæc & similia meditans è vita excessit, cœlo non ætate, sed studiis & cogitationibus maturus. Initio superioris anni inciderat in morbum, quem Medici *Diabetem* appellant. Hoc cum tres circiter menses laborasset, leviora symptomata fieri cœperunt, & sanari videbatur. Sed media ætate, inter menses nimium diu spatiatu novo morbo correptus est. Rem ipse primo contempsit, ut levem, & cui remedia facilia proponebantur. Sed ingravescente indies morbo, sero tandem Medici accersuntur. Atque ita non multo post tempore, pectoris & gutturis dolore, consumptus est.

Ovana hominum desideria, & fragiles spes! Nam quamdiu ambitione, & officiis Politicis *Conleji* vita districta est, quam ille vix vitam quidem suam reputabat; tam diu prosperrima valetudine urebatur. Cum primum autem vivere jam cœperat, & se ipso frui, ejus omnia vitæ consilia, diuturnus primo morbus, dein Mors ipsa pervertit. Sed Fatum illud immaturum ipsius gratia lugere desinamus, ne conditionem ejus caducam, feliciter immutatam, non satis grato animo interpretari videamur. Nostro potius detrimento doleamus, qui in uno homine summas Naturæ & Artium dotes, suavissimam Consuetudinem, humanissimos Mores divinum ingenium, Virtutum omnium exemplar ingens, & præconem disertissimum amisimus.

Elatus est ex *Ædibus Ducis Buckinghamii*, non nimia  
pom;

pompa, sed multo officio funeris: comitantibus plurimis Nobilibus & Claris Viris, mærentibus doctis, & bonis omnibus. Sepultus est in *Templo VVestmonasteriensis*, Regum monumento. Situs est juxta *Chaucerum*, & *Spencerum*, magna inter *Anglos* Poëtarum nomina. Sed non tam Scriptoris vetustis Anglicanis, quam veræ Antiquitatis Romanis Græcisque annumerandus est.

Habes, *Vir Optime*, quæ de *Coulejo* nostro præfanda duxi. Plura de eo scribere supervacaneum est. Minime quidem eget alterius præconio; Divinis ingenii sui monumentis immortalitatem consecutus. Nos interim, non solum scriptis ejus, sed Virtutibus fruamur; & tanti Viri Memoriam, & amicitiam perpetua benevolentia prosequamur. Vale.

## EPITAPHIUM

Vivi Autoris.

*Hic, ô Viator, sub Lare parvulo  
COVLEIUS hic est conditus; Hic jacet,  
Defunctus humani laboris  
Sorte, supervacuaque Vita,  
Non indecora pauperie nitens,  
Et non inertis nobilis otio,  
Vanoque dilectis popello  
Divitiis animosus hostis.  
Possis ut illum dicere Mortuum,  
En Terra jam nunc quantula sufficit?  
Exempta sit curis, Viator,  
Terra sit illa levis, precare.  
Hic sparge flores, sparge breves rosas,  
Nam vita gaudet mortua floribus,  
Herbisque odoratis corona  
Vatis adhuc Cinorem Calentem.*

## SCRIPTA.

Poëtical Blossomes, *London* 1633. in 4.  
Naufragium jocularè, Comœdia, *ibid.* 1638. in 8.  
Loves Riddle, à Pastoral comœdi. *ibid.* 1638. in 8.  
The Mistress, or several copies of Love verses, *Lond.* 1647.  
in 8.

Pœms

Poems, with notes. *ibid.* 1656. in fol.

Plantarum libri 2. carmine. *ibid.* 1662. in 8.

Poëmata Latina, in quibus continentur sex libri Plantarum, nim. duo Herbarum, duo Florum. duo Sylvarum; & Unus Miscellaneorum. *ibid.* 1668. in 8.

# PROGRAMMA,

IN FUNERE

*Viri Amplissimi nec non Excellentissimi,*

DN.

# JOHANN. ERICI OSTERMANNI,

Græcarum Literarum Professoris Publici,  
Electoralium Stipendiatorum Ephori,  
Academiæ totius Senioris celeberrimi  
ac longe meritissimi,

*Propositum à*

RÉCTORE ACADEMIÆ  
WITTEBERG.

CHRISTIANO TRENTSCHIO,

Hayna-Misnico, Logices ac Metaphys.  
Prof. Publ.

**Q**uartum hoc & multo altissimum vulnus non Universitas hæc nostra tantum, sed elegantiorum literarum ordo omnis, ex obitu summorum eruditione pariter ac fama Virorum: BUCHNERI, FRANCKENBERGERI, NOTT-NAGELII, atque OSTERMANNI proh dolor etiam, totius Academiæ simul & Amplissimi Collegii Philosophici Seniorum, intra septennii huc usque proximi decellum, acerbissimo mœrore squalens numerat. Etsi enim per rerum naturam ita videatur esse comparatum, ut, qui grandi natu, ad fatalem humani ævi limitem accedunt propius, colligere vasa

vasa jubeantur tandem; solent in commune tamen, densata capitum venerandorum funera; ferale membrorum reliquorum casus præfagire. Deus quidem meliora! Nos interim in JOHANNE ERICO OSTERMANNO, Græcarum Literarum Prof. Publico, Electoralium Stipendiar. Ephoro, Academiæ insuper, ut dictum, Seniore quondam, Virum amissimus amplissime meritum, & literatura reconditori excellentissimum, nec ultimum in Electorali Aula, cui & à consiliis haud ita pridem addebatur, nomen. Sed illi ea nihilominus haud invidenda felicitas est, quod deluso hoc vitæ mimo, ad æternitatem abitu beato penetravit se. Nam cum per ipsos propemodum duodeviginti annos, cum morbis doloribusq; & concatenatis, ut fit, molestiis diviserit ætatem suam hactenus; quid accidere miserius cuiquam potest, quam ubi longissimis cruciatuum moris retenta velut in pœnam vita prorogatur?

*Κρείσσων ἄδ' αὖ κεύθων ἢ νοσῶν μάταιον;*

secundum Sophocleum illud in Ajace. Et quidni satius mori videatur, quam incurabili teneri morbo? Ut recte adeo Euripides Oreste dixerit:

*Θεός, τίς κακῶν τελευτῇ μείνῃ;*

*Θανεῖν. Τί δ' ἄλλογ' εἶπω;*

*Dictus erit finis malorum? Mors, quid enim aliud dicam?* Optimis tamen piissimisque mentibus usu venire istud cernimus, ut afflictionibus exerceantur diu. Crescit nimirum inter calamitates pietas; dum, ne nimium sapere nos somniamus, homines esse cogitamus: tunc revocamus ad memoriam errores vitæ: tunc ultorem Deum formidamus, & miseratorem devotissime expetimus. Quicquid sit, egregias OSTERMANNI dotes incorrupto æstimantibus judicio, non potest non jactura gravior nunc apparere. Sed enim quid faciemus interea, nisi ut memoriam defuncti & habeamus reverenter, & laudes ejus non tam in theatrum ambitiose, quam in exemplum imitationis, in quod posteritas intueatur, producamus breviter. Sic prudenter adhuc vivens ipse caverat, ne superbe nimis vitæ acta ejus jactarentur. Dabimus hoc illius voto igitur, & qua simplicitate licet, officium Collegæ ultimum probabimus.

Natus Noster Sorbigæ A. Chr. cIdo Idc XI. die XXVI. Junii hora ipsa tertia matutina, Patrem LUCAM OSTERMANNUM, Spectatissimum Virum, Electoralem istius loci

loci Quæstorem; Matrem ornatissimam fœminam, MAR-  
GARETHAM TOMITSCHIAM habuit. De quibus stri-  
ctim referemus aliquid; occasione ab ipsomet *Μακαρίῳ*  
præbita. Cum enim novi apud Nos homines, ex Carniolæ  
Croatiaque vicino agro Gotschano Progenitores ejus oriun-  
di sint, tum Reccæ nati simul & noti olim Pater, atque A-  
vus, PRIMUS OSTERMANNUS, amplissimis præfectu-  
rarum & legationum partibus, sub Serenissimo Austriae Ar-  
chiduce CAROLO, Per-illustri Comite FRIDERICO ab  
URSIN, nec non Barone L. de KIHSEL, &c. egregie de-  
functi. Ad memoriam insigne pietatis & orthodoxiæ Evan-  
gelicæ exemplum illud est, quod conversi ex Papalibus ad  
id tempus tenebris Parentes, grassante Religionis tyrannide  
acti in exilium, quicquid bonorum prædiorumque in Styria  
ad Græciam metropolin jure emptionis possederunt olim,  
ut coelestem veritatem, quam amplexi erant semel, lucra-  
rentur, nihili duxerunt; omnia habere se magnanimo solat-  
io existimantes, si verbi divini, & sanctissimorum fidei Sym-  
bolorum incorruptam puritatem sequerentur. Nec fefellit  
animum sententia; cum in has delati oras A. clō Ipc IV. ho-  
noribus pariter ac opibus, divina benedictione affatim cu-  
mularentur. Hæc nimirum præmia in his etiam fert terris  
pietas, si serio castoque Numen suum cultu veneretur. Ab  
his, ut in viam redeamus, Parentibus prognatus, inq; sacrum  
remissus fontem, ad pietatem primo, deinde ad compositos  
emendatosque mores, tum ad rudimenta literarum, felicissi-  
mis successibus formatus puer est. Quam in rem adhibiti se-  
lectiores magistri, primis Linguarum Latinæ, Græcæque &  
Ebrææ fundamentis fideliter eum imbuerunt. Agebat sub  
illud forte tempus A. clō Ipc XXI. Orientalium magna no-  
minis fama peritissimus Noster TROSTIUS Coihents, No-  
vi Fœderis Syro excudendi caractere occupatus curis: cu-  
jus consiliis methodoque docendi usus, patris providentia &  
liberalitate filius, brevi adeo profecit, ut ætatem ingenio su-  
pergrederetur. Annorum enim quindecim vix adolescens  
solertia suapte subiit laborem, non absimilem Aviani studio,  
in Poëseos Hebrææ gratiam suscepto. Ex Græcis Oratori-  
bus Demosthenem, Isocratemque, ex Poëtis illis gravioribus  
Hesiodum & Theocritum versarat sedulus, adjunctis etiam  
recentioribus quibusdam. Possessio nim, atque Rhodoman-  
no, Non immaturus igitur, etsi tenerior, ad Academiam, pa-  
rentum

rentum beneplacito accessit An. clj lsc XXVI. die Martii mensis quartodecimo professus nomen inter literatos Athenæ hujus Cives. Cum præstaret alios nascendi lege meliori, & antecelleret industriæ speciminibus, stipendio Electorali liberaliter adjutus, majores indies profectus fecerat. Necessariam linguarum, videlicet earum, quas penes eruditio est, cognitionem postquam sibi compararat, amplius quid, hæc est pro gloria & ornatu sustinuerat audere. Excellentibus ergo in sua quolibet arte, apud Nos tum ERASMO SCHMIDIO, AUGUSTO BUCHNERO &, quem antea laudavimus, MARTINO TROSTIO, sine exemplo Professoribus Philologis, (ut plura opus haud sit addere) sumtibus non modicis privatim diligentiam addixit in discendo. Ab horum ore ac velut contubernio pendeat, SCHMIDIUS potissimum intimiore usus amicitia, quæ saluti illi plurimæ ad publicam professionem fuit. Eo doctrinæ atque eruditionis profecerat successu insuper in Syris, Chaldaicis Arabicisque, ut esse invidiæ potuerit. Philosophiam præterea, & scientias ex eadem aliquot subtiliores, quæ ingenio acutendo profunt, Logicam nempe, Metaphysicam & denique Pneumaticam sub Beato SCHARFIO separatim audiebat. Quin & Mathesi non superfunctorie attenderat, Clarissimi Dn. M. REINHARDI, Fac. Phil. tunc temporis Adjuncti doctrina maxime adjutus.

Erat spatium hæcenus, quo privatim sibi vixit OSTERMANNUS. Sequitur illud, quo ad honores per gradus & majores pedetentim ibat. An. enim clj lsc XXX. d. XVI. Martii viginti quatuor inter competitores, loco altero, Philosophiæ Liberaliumq; Artium Magister creatus à summo BUCHNERO fuit. Exacto inde proximo triennio, cum per collegia privata, publicasque Dissertationes eruditionis suæ copiam satis omnibus probasset, inter Adscriptos Philosophiæ locum meruit. Theologiam ita doctus fuerat, ut si in isto studiorum genere deberet esse totus. Fructum etiam non plane nullum sedulitatis hujus tulit, cum A. clj lsc XXXVII. amplissimum à Serenissimo Electore, Divo JOHANNÉ GEORGIO I. beneficium ipsi concederetur gratiose. Non multo ita post, eodem anno, Græcæ Linguae & Mathem. Infer. celeberrimus Prof. SCHMIDIUS, Elector. Alumnorum Ephorus, & Universitatis hujus Senior decesserat: cui qui succederet in alterutra Professione, Nostro visus



visus nemo nemo fuit dignior. Suffectus itaque communi Patrum Academicorum commendatione prævia, in locum ejus, cujus viduam vertente anno postea legitimis ceremoniis sibi sociavit conjugem. Quam ille provinciam tanta auctoritate gessit, ut inter rarissima Academiæ decora referendus videatur. Solus certe plus ad rem status nostri amplificandam ornandamque contulit, quam steriles multorum disputatiunculæ fecissent. Confusa quippe & in ordinem redegit, & neglecta Fisci Acad. resarsit, rationum accuratus artifex. Ita omnibus ubique solerter ordinatis, nec eruditionis suæ creditum negasset plane, si per valetudinis impedimenta licuisset. Optionem interim (quem vulgo Substitutum nominant) adjungi sibi, qui in lectionibus præstaret vicem, habuit necesse. Accesserunt huc occupationem alia; veluti cum A. cl. l. LXI. Electoral, Alumnorum, & triennio elapso inde, Provincialium Scholarum Ephorus, propitio Aulæ nutu vocatus confirmatusque est. Postremus tempore, sed dignitate primus honor ille fuit, quo Consiliarii Electoralis splendidiore titulos nullo ambitu quæsitos, Potentissimi SAXONIÆ ELECTORIS, Domini & Nutritii Nostri Clementissimi indultu, ante spacium semestris adipiscebatur. Academiæ fasces Rector semel Anno seculi hujus XLIV. iterumque, A. LXII. Decanatum quinquies, vice tertia Prodecanatum laudabiliter administravit. Ita equidem in publico negotia illius clara: quæ tamen singula diduci latius ac prædicari potuissent, nisi obvia unicuique esse omnia intelligeremus. Jam in rebus cum æconomicis paulisper etiam intueamur. Uxores omnino duas habuit; primo nimirum præstantissimam Matronam MAGDALENEN, ex B. SCHMIDII obitu relictam viduam A. supra sexcentessimum, tricesimo octavo domum rite duxit, filiamque unicam, nec ultra primi anni spacium superstitem, ex ea sustulit ANNAM MARGARITAM. Natæ abitur mors matris consecuta quoque A. cl. l. XLVII. fuerat. Ergo post biennium exinde, Clarissimæ tunc virginum ANNÆ Mariæ STRAUSSIÆ, Ampliss. Spectatissimiq; Viri Dn. BENEDICTI STRAUSSII, Electoris, quæ hic est, Quæsturæ longe meritiss. Præfecti filiæ, natu maximæ addixit fidem, & legitimis sponsaliorum solemnibus nuptiis sibi pactus ipsam est. Dici haud potest, quo se invicem amore, qua concordia fuerint amplexi. Et Marito qui-

dem jam inde ab octodecim annis non satis vegeto valentique tanta & solitudine & diligentia plane indefessa adfuit fidissima conjux, nihil ut ad summas laudes prætermiserit. Ausi quina subole hoc matrimonio fuerunt: JOHANNES BENEDICTO scilicet, JOHANNES ERICO, & JOHANNES LUCA, filiis, filiabusque ANNA DOROTHEA, ac ANNA MARIA: quarum prior ante hos annos tredecim decessit iterum, posterior virgo tenerrima cum tribus adhuc fratribus superstitat in maximum moerorem data. De vita Defuncti hoc pauciora gloriabimur, quo ipsemet ab ostentatione alienior fere videbatur. In dilectione erga Deum proximumque adeo ille totus occupatissimusque fuit, ut, si brevissime definiendum sit, pii & religiosi, placidi & facili, officiosi denique & liberalis Viri consummatum aliquod exemplar jure suo etiam ab invidis promereatur dici. Sed ad suprema veniendum tandem. Cum morbis venerandus Noster plurimis, ut ecce febribus, peste semel iterumque, cum asthma, calculi doloribus, hæreditariaque podagra, (& quis mala omnia enumeraret?) conflictatus sæpius diuque, verum illud esse, quod in Pythæ, apud Pindarum habetur, didicit: *Ἐπαιμερος, τί δὲ τις; τί δ' ἔτις; Θικίς ὄναρ ἀνθρώποις*. Et pro Symbolo MORTALITATEM præferebat semper. Quare isthæc omnia in universum patientia constanti superavit. Novissimi & exitialis morbi vehementia ex arthritide in primis nata, in tumores & aquam intercutem degenerabat. Applicata omnis generis, ut semper antehac, ita cum maxime per hunc anni quadrantem, excellentissima remedia; nihil humanæ opis intermissum vel à Medico, vel ab ipso etiam a groto. Cæterum incurabilis & conclamati plane mali magnitudo sic virium reliquias attemperaverat, ut medicaminum vis omnis conatu irritò adhiberetur. Huc & insolita rauco. & tussis & ἀσπθία denique accessit: quid de se futurum inde foret, colligere in facili erat. Convocatis proinde necessariis, ante unam alteramque septimanam jam tum valèdixerat, ad analysin beatam inter preces & devota vota se componens. Die 10. Augusti, qui supremus ei luxit, Reverendum verbi Ministrum, quem à confessionibus habebat, ut solatus divinis erigeret moriturum, jussu erat accersi. De gratia misericordis Dei, de efficaci Servatoris merito, de fidei constantia quæsitus, ad ultimum vitæ halitum exposuit *πληροφориαν* suam, primoque ad VII. matu-

tinam

tinam pulsu, inter adstantium acroamata, placidissimo velut resolutus somno, in JESU suo obdormivit; posteaquam annos LVII. hebdomad. VI. cum bidui excessu, superasset. Qui dum ad hor. I. postea ex ædibus efferendus in Parochiale templum, & concione celebratus funebri in Arcis Ædem sacram, ut sepeliatur ibi, deportandus solenni ritu est; ut Senioris de Academia nostra meritissimi exequias cumulado prosequamini officio, petere à Vobis supervacuum fere videri possit, quod sua sponte gratitudo pietasque imperabit facile. P. P. ad d. XIV. Augusti, Anno recuperatæ per Christum gratiæ clc lxc LVIII.

## SCRIPTA.

Præprimis eruditissimas quasdam reliquit Disputationes, quibus Philologi eximii nomen promeruit; earum nos solummodo vidimus: De Mutatione punctorum Ebræorum generali: De convivandi cœnandique Veterum ritibus: De Veterum Romanorum convivandi ritibus: De Consultationibus veterum: Observationes quasdam ad Græcam literaturam spectantes: De Astrolatria: De erroribus Auctorum Latinorum: De Sacrificiis Gentilium: De Probatione Stigmatica: Positiones de textu Græco Novi Testamenti, & si quæ forte aliæ sunt, quas hætenus videre nobis haud contigit.

HONOR NOVISSIMUS,

*Excellentissimo, Amplissimo, multa prudentiâ, ac Consiliorum dexteritate, Clarissimo Viro,*

**DN. M. SIGISMUNDO  
PICHLERO,**

Politicæ & Moraliū Prof. P. celeberrimo,  
Venerabili Academiæ Universæ Senioni,  
Dn. Collegæ hucusque dilectissimo, nunc  
desideratissimo,

*Exhibitus à*

**RECTORE ET SENATU ACADEMIÆ  
REGIOMONTANÆ.**

**Q**uamvis vulgus & homines ima de plebis fece, Academi-  
as & qui illis operam navant, parvi æstiment; sub-  
inde & despiciatui ducant, illi tamen subinde intorquent il-  
lud Horatii:

Odi profanum vulgus & arceo:

utpote securi satis suæ dignitatis, quam veluti à magnis Re-  
gibus & Principibus sunt adepti, ita & contra adversantium  
insultus plurimis privilegiis & tutelis muniuntur. Quippe  
Professorum in Universitate dignitatem adeo pensi habue-  
runt Magni Reges, Cæsares & Pontifices, ut concessas im-  
munitates, quibus non, qui artium liberalium studia profi-  
tentur, tantum, sed & qui ediscendis vacant, fruerentur, le-  
gum autoritate muniendas atque per totum terrarum or-  
bem invulgandas, laudatissimo consilio mandaverint: *Anga-  
riorum præstatio* (loquimur verbis Juris Augusti l. 16. ff.  
*de Vacat. & excusat. muner.*) & *recipiendi hospitii necessi-  
tas & militis, liberalium artium Professoribus inter cætera  
remissa sunt.* Iisdem, quemadmodum à reliquis muneribus  
ita & à tutela & cura requies conceditur, (l. 6. ff. eodem §. 1.)  
Et versantur in omnium manibus Eruditorum Constitutio-  
nes, quæ in Codice Theodosiano (lib. 13. Tit. 3. est de Medicis  
& Professoribus) leguntur, quas partim truncatas, partim  
ex multis in unum confusas Tribonianus Argumenti ejus-  
dem Titulo in Justiniano itidem Codice exhibuit. Proli-  
xum esset in medium adducere, qua cura & sollicitudine for-  
tunæ Literatorum & immunitatibus prospectum suo ad Vo-  
lusianum rescripto D. Constantinus voluerit: Quomodo il-  
lis, qui unum inter literas profectos vexare non erubesceret,  
*centum millium nummorum*, sumptuosissimam mulctam in-  
dixerit: *Vt facilius liberalibus studiis & memoratis artibus  
multos instituant*, fungendis publicis muneribus exemptos  
illos esse voluerit. Neque attinet ea his multis describere,  
quæ Valentinianus & Valens Imp. in eandem sententiam  
sancita & sanctissime observata voluerunt: Nec deniq; quæ  
præclarissima admodum Honorius & Theodosius Cæs. re-  
scripserunt, quando omnia illa in Codice, ex quo memorari  
hæc & alia plurima poterant, obvia sunt, & facili sub manu  
posita. Quin ut quanti æstimmii terrarum Principes Profes-  
sores facerent artium ostensuri, stupendo pretio eos condu-  
xerunt olim, & prodiga fere liberalitate sustentarunt. Ita hi-  
storia testis est, Quintilianum Rhetorem quotannis è fisco,  
quod

quod ærarium Cæsarum erat, magnam auri vim in Amplissimum stipendium accepisse. Vespasianus, autore Suetonio, primus Latinis Græcisque Professoribus annua centena constituit, bis mille, ut nostro calculo reddimus. & 500. Philippæos. Capitolinus testis est, Philosophiæ Doctoribus per omnes Provincias, & Athenis 600. aureorum Romanorum, Marcum Antonium in sustentationem elocasse. Et annon quantivis est, quod Apollonius Atheniensis memoretur, talento cathedram Politicam tenuisse, & cum magno legentium & audientium stupore docuisse. Et munificentia prodigium est, nisi in oratione illa pro scholis mendum sit, quando Eumenius Rhetor Diocletiano & Maximiano pro sexcenis millibus nummum, nos 15000. Philippicor. pronunciamus, veluti annuo stipendio gratias agit. Bearentur nunc Academiæ Professoribus non prodigis illis impensis, sed quibus familiam tantum honeste spectantium oculis obducere possent; non ita nobilissimus ille ordo posthabetur. Ast nunc ubi sua sufficientia destituitur, apud illos sapius, & privati census homines, ut cujusque

clausum possidet arca Jovem,  
& Joachimicorum decades digitos trajiciunt; ita in contemptum venit & alto supercilio despicitur. Sed ut dignissimus ille ordo ingrato hoc seculo inique tractatus auri præfidiis destituatur & verum sit, quod Petronius habet, dum seculi sui ineptias arietat:

Qui pelago credit magno se fœnore tollit,  
Qui pugnæ & castra petit præcingitur auro,  
Vilis adulator picto jacet ebrius ostro:  
Sola ruinosis horret facundia pannis,  
Atque inopi lingua desertas invocat artes.

Ultra tamen plebis & divitum conditionem assurgit, nunquam perituris laboribus & ingenii monumentis. Absumit temporum edacitas omnia, quibus superbiunt illi, quos farinæ hujus homines pecudes aureas non invenuste Tiberius vocavit: sed perennant Literatorum opera & ingenii foetus. Unde cum Horatio quisquis literis gloriose operatus est, jactare potest:

Exegi monumentum ære perennius  
Regalique situ Pyramidum altius,  
Quod nec imber edax aut Aquilæ impotens  
Possit diruere aut innumerabilis

Annorum series & fuga temporum,

Non omnis moriar: multa que pars mei

Vitabit Libitinam,

Beatissimus noster, ut ad institutum convertamur, egregiam in formanda juventute locavit operam & industriam, in Academia cum primis nostra Politicam & Moralia professus celeberrima ingenii edidit monumenta, quibus id consecutus est, ut nulla ætas memoriam ipsius apud nos sit oblitteratura.

Egressus est autem in lucis hujus usuram, Vir Amplissimi deinceps nominis, Excellentiss. Clariss. ac Doctiss. Dominus M. Sigismundus Pichlerus, Politices & Moraliū, in Celeberrima Borussorum Academia Prof. Amplissimæ Facultatis Philosophicæ & totius Academiæ Senior Venerandus, Anno post Salvatoris ortum 1603. 17. Octobr. St. v. in Civitate Griskirchenſi, Archiducatus Austriæ, Patre admodum Reverendo & Doctiss. Domino Wolfgango Pichlero, Evangelicæ Confessionis in urbe Waſentirch/ dicti Archiducatus Pastore meritissimo, qui duram & ruentamque persecutionem Anno 1625. ibidem loci, cum aliis constantissimis Salvatoris servis & puræ religionis Confessoribus, animose contuleravit; Matre Lectissima & sui sexus virtutibus conspicua foemina Barbara Wincklerin/ Senatorum in urbe Halſſtad, nominatæ Provinciæ præcipui filia. Avum Paternum habuit, Virum Amplissimum & Integerrimum, Dominum Christophorum Pichlerum, Principis Abbatiae Krems-Munſterienſis rerum Oeconomicarum Curatorem fidelissimum, qui tempora Lutheri attingens, primus ejusdem Confessionis Professorum, minister in Austria fuit. Aviam ex paterna linea recenset, Nobilissimam & Virtute sui sexus laudatissimam foeminam Barbaram, ex prosapia Dnn. ab Eitzingern antiquissima, cujus Aeneas Sylvius in rebus Austriacis & Bohemicis C. 61, sub Regimine Friderici III. Anno 1440, ibi tum Bohemiæ Regis, deinde R. Imperatoris cujus tempore in Aula Cæsarea, hæc familia magnæ Celebritatis, & Authoritatis fuit, mentionem injicit, Avum ex materna linea numerat, Nobilissimum & Consultissim. Virum Valentinum Wincklerum, Civitatis in Halſſſtad/ Senatorem præcipuum & Consularem, Aviam Nobilissimam & Ornatissimam Foeminam, Sybillam à Terelin. Regenerationis autem Sacramento, in cœlestium civium numerum coopta-

cooptatus, felicissimo ductu in pietatis, liberalium artium, optimorumque morum cultura studiosissime instruitur & perficitur. Atque egregiis à natura concessis dotibus, egregium & omnium artium capax ingenium minitantibus, postquam in schola patria, prima eruditionis firmamenta posuerat, amplioris acquirendæ gratia, in Gymnasium Welfense transmissus, Rectoris ibi tum Celeberrimi M. Jacobi Tydæi, quem dehinc religionis & conscientiæ causa exulantem, Altdorffensis Academia Eloquentiæ Professore constituit, informationi commendatur, à cujus ore indies doctor. Anno 1618. celebre illud Lintzenſe Gymnasium salutatur, & magna suorum studiorum incrementa capiens, usq; ad annum 1621. ibidem subsistit; & accurante ita divini Numinis providentia, Austriacis Baronibus, Dn. Johanni Wilhelmo à Schöffenberg/ & Dn. Johanni Reimanno à Starenberg/ Studiorum & morum Magister constituitur, nec diu post in Galliam ablegatus, & duos integros annos Genevæ commoratus, linguam cum primis Gallicam tam accurate & perfecte edidit, ut deinde propter grassantem in Bohemia & Austria Bellonam, Basileam evocatus, & dehinc in Celeberrimam Argentoratensium Academiam commigrans, alios à linguæ Gallicæ peritia, singulari discipulorum emolumento, instruxerit. Sophiæ ibi tum magna contentione & sedulitate incubuit, ut, deditis sibi Baronibus domum revocatis, & ita bonarum venia, functione sua expeditus, Anno 1626. promoto M. Laurentio Thoma Wallifero, Ethices Prof. P. magna cum laude Magistri titulum & gradum acquisiverit. Non autem satis reputans dignitatem acquisivisse, sed feliciter semper eandem adauxisse, Collegia Philosophica & Theologica, sedulus non tantum auscultator frequentavit, sed & doctorem egit, nobilissimis cum primis juvenibus sua informatione gratus & acceptus, linguæ Gallicæ, Historiæ, Politicæ & Juris Publici lectiones habuit, ac urſit, animum cum primis, Professorum præcipuorum consilio, imbibendæ Jurisprudentiæ totus applicuit. Sua autem diligentia paulatim ad hominum famam profluens, à Domino Austriaco Adamo à Siengen/ Confessionis causa exulante, Ratisbonam evocatur, ubi integrum biennium Filii ipsius informationi vacans, & ob sedulitatis suæ specimina magis inclarescens, à Domino Ludovico Zoëher/ Equite, & Marchionis Principis Consiliario, Capitaneo & Liberi Equitatus

Imperialis Franconici Legato, Guntzenhusium, in Marchionatu Onolsbachienfi ad filii institutionem vocatus accedit, & adiisset illo comite, terras alieno sole calentes, nisi famosum illud Lipsiense prælium insecutæ turbæ, Cæsarei & Svecici exercituum transitus, integram Bavariam devastassent & incolas fuga salutem querere coëgissent. Quare noster securitati suæ consulens, Argentoratum repetit, orsam studiorum telam texit, usque dum inter alias oblatas conditiones honorificas, insperata vocatione institutioni Sereniss. Celsissimi & Reverendissimi Principis ac Domini, Domini Ernesti Bogislai, Ducis in Eroy & Arschoff / S. R. I. Principis, & Electi Episcopi Caminensis, ab illius Consiliario Domino D. Clutenio, Celeberrimo J. C. & PP. præstituitur. Divinissimam illam vocationem persecutus, eodem anno, diversos quamvis inter exercitus, præsentissima inter discrimina, diversas in Germania Academias Jenensem, Lipsiensem, Wittebergensem transit, & Sedinum in Pomeraniam delatus, instituendo Principe duodecimum ætatis annum ibi tum agente, adhibitis omnibus industriæ nervis, & magna fidelitate, sex integros annos consumit. Jactis autem à S. Principe solidæ eruditionis fundamentis, Gryphorum Celeberrimam Academiam ingrediuntur, ubi S. Princeps Magnificentissimus Rector declaratus est; atque Cancellarius Academiæ & Legatus factus in solennissimis Actibus, altero sex Juris Doctores obducente, altero novem Candidatos Philosophiæ Coronamenti insigniente, publice opponendo & omnium cum applausu perorando, honorificum suum locum nobilitavit. Invitatus autem, ut summos in jure honores, quos dudum illius Virtus & subacta eruditio meruerant, capefferet, eos tamen fonticas ob causas evitavit. Sed peregrinationi ibi tum se accingentes, transitum per Galliam, Italiam, Angliam moliebantur, studiorum tamen gratia Groningum primum, mox Lugdunum, aliasque Nobilissimas Bataviæ Civitates, Brabantiam etiam proficiscuntur; ubi ulterius progrediendi spem, Anno 1637. ultimi Pomeraniæ Ducis ac Principis, Gloriosissimæ Recordationis, obitus decollat. Revocato itaque à Provinciæ Statibus S. Principe, Anno sequenti 1638. cum ejusdem Celsitudine frequenti & magnifico cum Comitatu, lustrandis Comitibus Warszawiam invisit. Feliciter autem redux, S. Princeps pro singulari qua Beatissimum nostrum complectebatur clementia, illi Senatuum in terris



terris & Districtibus Lotharingicis sibi subditis, directorium, & ut ad Aulam Gallicam resideret, Gratiose & Clementer obtulit; quod tamen, utpote ex Voto inter æquoris procellas & tempestates, præsentissimum vitæ discrimen interminantes, concepto, se Theologiæ, ereptum undis deinceps operaturum, declinavit, atque ita honorificentissimis testimoniis & commendationibus, ad nostræ Universitatis Fac. Theol. instructus, Regiomontum delabitur, & omnem laborem, omnes meditationes in divinarum rerum intelligentiam, cui totum pectus devoverat convertit. Et cum Anno 40. Philosophiæ Practicæ Professio vacaret, comformibus Ampliss. Senatus Academici suffragiis, Serenissimo Electori commendatur, designatur Professor, & à Principe, Domino suo semper Clementissimo, ad quem vitandæ contagionis causa decesserat, huc evocatur. Vitam quod privatam Beatissimi Viri attinet, amoliendis à se publicorum laborum difficultatibus, Conjugio animum applicans Anno 1643. Virginem Pudicissimam, Fœminei sexus Virtutibus Ornatissimam, Catharinam, Nobilissimam, Excellentissimam, Experientissimam & Clarissimam Dn. Danielis Halbachii à Porta, Philosophiæ ac Medic. Doctoris, & Archiatri Aulici Filiam, solennibus sibi nuptiis junxit, ex qua intra felicissimum Conjugium 4. filias, duas jam æternitati præmissas, alteram superstitum duarum, Viro Reverendo & Clarissimo, Dn. M. Casparo Witzelio, Fortalitii Pillaviensis Pastori bene merenti, sub hujus anni auspiciis in Matrimonium elocatam, suscepit. Rupto autem mortis invidia primo hoc conjugii vinculo, ad vota transiit secunda, ac vitæ consortem Anno 1652. elegit, Matronam Pietate ac fœminea Virtute Spectatissimam, Elisabetham Luxin, Viri Integerrimi ac Spectatissimi, Dn. Henrici Bulbeckii, Cameræ Electoralis Ministri primarii, Viduam, eum qua intra tranquillissimum, breve quamvis Conjugii tempus, filiolum suavissimam sustulit, adhuc superstitem, quam cum reliquis divino Patrocinio, atque tutelæ serio atque ex animo commendamus. Viduatus autem & illa conjugē, fatali hic grassante lue, tolerandis melius appropinquantis senii molestiis, statum socialem repetit, Matronam sibi Lestissimam & fœmineis virtutibus ornatissimam Anno 1654. Ursulam Greyßin / Viri integerrimi & spectatissimi Pauli von Dühren / Mercatoris præcipui Viduam jungens, quacum reliquum ætatis, intra quamvis sterilitatem, tran-

quille exegit. Deprædicandæ hic singulares virtutes quibus tot annos Professor celeberrimus eminuit, sed cum hæc notissima, transeunda. Eccui enim non ipsius in religione fervor, in conversatione fides & candor, iudicii & sententiarum dexteritas, in dicendo jure æquitas, in vindicanda juvenili petulantia rigor, in sublevandis aliorum necessitatibus munificentia, non publice nota sunt? Perorant hæc, Rectoratus semel, cum summa Academiæ dignitate ab illo gestus, & Decanatus octo vicibus adjuncti: quin & perennabunt egregia ingenii monumeta, quæ jam orbi innotuerunt, & gloriam ipsius æternaturam loquentur. Tandem cum catharris crebrius urgeretur die II. Martii, postquam divini Numinis cultui vacaverat, virium se pati deliquium animadvertit, mox febrilem fervorem corpus obruere sentiens, frustra Galeni auxilium & humana remedia adhibuit. Itaque ad Dei gratiam confugiens, mentem syderibus advertit, terram despicit, cælum anhelat: pascit animam divinissimo epulo, ut fortius cum novissimis hostibus decertaret. Et triumphavit feliciter omnes, quando inter suorum preces, salvo ac integro rationis sensuumque usu, cælo, quod tantopere amaverat, Spiritum æternum, Dominica novissima redonavit. Quando autem exuvias, nobis relictas, mœstissima Vidua, tumulo hodie inferre constituit, magna, Cives, frequentia exequias reddatis honorificas, monemus. P. P. 1668, 23. Martii.

## EPITAPHIUM.

*Huc se recepit, Vanitatibus Mundi  
Nuper relictis, FRONSQUE MENSQUE  
PICHLERVS*

*Nostri Lycei, Numini sacrum pectus,  
Veri medulla, fideique, lingua Musarum,  
Illustrium Consultus ille Virtutum  
Morumque doctor, publicæque disertus  
Rei metator, & Parens Professorum,  
Sed & Parentis erudita laus Phœbi:  
Cujus venusta scripta continent Suada,  
Decus Quirini, Cecropisque, Gallique  
Voces amans: Tota gloria pratum,  
Plenumque laudis horreum Ipsius vita est.*

*Dolemus*

*Dolemus omnes, maximoque nostratum*

*Quinquectioni nuncupamus hanc palmam!*

GEORGIUS WOSEGINIUS, D.  
Med, & Mathem, P. P.

# SCRIPTA.

Disputationes ab Excell. PICHLERO conscriptas habitas.  
que reperimus sequentes: De Consiliis & Consiliariis;  
De Politica in genere; De Interregno: De Statibus seu  
Ordinibus Rerumpublicarum; De ratione Status Aristocratici vera; De Torneamentis: De Regalibus five  
Majestatis juribus; De Incrementis Rerumpublicarum: De Jure Divino: De Jure Naturæ; De Magistratu in genere: De bello ejusque jure, &c.

## PROGRAMMA,

*Quo ad Exequias*

*Viri Excellentissimi,*

**DN. M. ABDIÆ  
TREVV,**

**Mathem. & Phys. Prof. Publ. Facul-**  
tatis Philosoph. Senioris, ejusdemque h. t.

Decani & Inspectoris Norici,

Cohonestandas,

*Civis Academicos officiose invitat*

**RECTOR UNIVERSIT. ALTDORFINÆ,**

**LUCAS FRIDERICUS REINHART,**

Theol. P. P. & Eccl. Minister.

*XVI, Kal, April, A. C. cl3 13c LXIX,*

**A** Scende tandem super astra, quæ tota inter astra, dum  
hospitium tuum possideres, vixisti in tanta ætate vitæ  
hujus terrenæ satura, nunc beatissima anima Collegæ nostri  
desideratissimi! Jam tenta numeros Babylonios & numeros  
stellas, quas visui nostro fragili apparentes nebulae subdu-  
cant, & quia omnia cœlestia, quæ in terrestri hoc ergastulo  
invel-

intelligi possunt, præ omnibus, etiam maximis, scientia tua ad unguem comprehendisti, nunc admirare media inter stellas, vel superior, quam parum sciveris. Nunc penetrabis Cometarum ortus, iter & sepulchra, an læta prædicant regnis, aut crine ferali rubeant. Nunc audies jucundissimam illam siderum Harmoniam, si Philosopho credendum, Platoniam: nunc solem aut stantem, aut rapidissime motum cognosces: nunc videbis, si qui sunt, lunæ montes, & majora cœlestis orbis, quam apud nos vel figmento excogitari possunt, miracula:

*Nunc pressas liquido signato tramite nubes  
Sub pedibus nimbos & rauca tonitrua calca,  
Ingreditorque globum Luna, lumenque relinque  
Arcadæ & Veneris clementes pervola ad auras.  
Hinc Phœbi permensa vias flammamque nocentem  
Gradiui, placidumque Iovem sequere arce suprema, &  
Argenti qua zona riget Saturnia tractu.  
Hæc iter est Sanctis ad magni tecta Iehovæ  
Regalemque domum.*

Ad hanc dum ascendis, nemo tuos circulos amplius turbabit, nemo tuos numeros confundet: serena, læta, beata, Dei sociæ à cœlitibus humanissime excepta, ne hæc quidem curabis amplius, sanctiori in loco, sanctioribus cogitationibus, apud sanctissimos involuta. Quæ omnia licet lætitiæ sint plenissima tantæ, ut nulla ad eloquendum lingua sufficiat; nobis tamen quod sit ereptus Collega, & suis maritus & pater, sui desiderium reliquit summum, quod nullis aliis medicamentis sanare possumus, quam recolendo vitæ suæ apud nos egregie peractæ memoriam, ex qua hauriemus factorum nostrorum in terris vicissitudines, quam distent ab æterno illo constanti & perpetuo: omnes enim fere expert, est casus, quibus è terra geniti obnoxii sunt, à primo statim ortus sui momento. Sed ipsismet ejus utemur verbis è *βιογραφία* sua excerptis, paucis mutatis mutandis, ne vel nimium laudando (à qua ambitione erat alienissimus) post fata etiam ipsi molesti, aut quædam tacendo, in Amici merita simus injurii. Ergo igitur desideratissimus Collega noster, Vir Excellentissimus, Dn. M. ABDIAS TREW, Mathem. & Physices Professor Publicus meritissimus, natus est Onoldsbachii A. C. 1597. d. 29. Julii, Patre Dn. MICHAËLE TREW, Scholæ Latine oppidanæ Cantore, Matre OTILIA, Viri Reverendi & Doctissimi

C<sup>h</sup>ristissimi M. MAGNI GALLI, Diaconi Feuchtwangensis, fi-  
 lia. Susceptor fuit Vir plurimum Reverendus atque Amplif-  
 simus, DN. M. ABDIAS WIKNER, Serenissimi Principis  
 ac DN. DN. GEORGII FRIDERICI, Marchionis Branden-  
 burgici, Concionator aulicus, Consiliarius Ecclesiasticus &  
 Consistorii Assessor. Cum patre Heilsbronnæ, ubi ipse con-  
 stitutus Gymnasii Conrector erat, profectus est Anno 1601,  
 mense Maio: Scholam, ut ibi vocant, Germanicam, ubi ta-  
 men etiam Latinitatis fundamenta jaci solent, moderatore  
 aliquo ex senioribus alumnis, frequentare cœpit A. 1603. Pri-  
 vato præceptore, qui simul moderator dictæ scholæ erat, u-  
 sus est Leonhardo Frisio, Anno 1605. ubi rudimentis Lati-  
 næ linguæ & argumentis quotidie elaborandis diligentissime  
 fuit exercitatus. In Cantoris classem, quæ infima erat ea-  
 rum, quæ ad Gymnasium proprie pertinent, collocatus est  
 A. C. 1607. tempore verni examinis. Beneficio illustri alu-  
 mnorum in illustri Gymnasio Heilsbronnensi, Fratre, qui  
 eodem beneficio usus erat, Wittebergam profecto, frui cœ-  
 pit, (quod pro singulari beneficio datum erat Parenti p. m.  
 quod per 20. annos in schola desudasset, cum alias in funda-  
 tione Gymnasii constitutum esset, ne duo fratres eodem be-  
 neficio fruerentur.) Anno 1614. Cum illustri stipendio Wit-  
 tebergam profectus est A. C. 1618. Gradum Magisterii ade-  
 ptus ibidem in promotione verna Anno 1621. Witteberga  
 profectus in patriam Anno 1622. primam concionem à Su-  
 perioribus demandatam (post unam quidem & alteram in  
 pagis circa Wittebergam exercitii gratia habitam) habuit  
 Onoldsbachii fer. 6. post Dom. 8. Trinitatis: dein ordina-  
 tus & HEIDENHEIMENSI Ecclesiæ pro Substituto, ut  
 vocant, Parochiæ, propter senectutem Pastoris, designatus  
 est. Domin. 9. post Trin. eidem Ecclesiæ commendatus,  
 Dom. 12. post Trin. primam ibidem concionem habuit. Ad  
 Diaconatum Marckelbacensem vocatus, Ecclesiæ illi com-  
 mendarus est Domin. 3. Adv. Nuptias celebravit cum vir-  
 gine lectissima BARBARA, Viri Reverendi & Doctissimi  
 DN. M. GEORGII WESELI, Pastoris Gundelheimensis  
 filia, JOHANNIS vero WESELI, Rectoris in Gy-  
 mnasio Onoldino, nepte, An. C. 1623. die 6. Maij. Ad Re-  
 ctoratam Scholæ Onoldinæ vocatus est Anno 1625. Obiit  
 uxor Anno 1634. d. 20. Jul. Genuit cum illa. 10. libe-  
 ros: 1. BARBARAM ELISABETAM, 2. BURKAR-  
 DUM

DUM ABDIAM, 3. ANNAM MARIAM, 4. BALTHASARUM, 5. WOLFFGANGUM MICHAELEM, 6. JOHANNEM ADAMUM, 7. LEONHARDUM, 8. LEONHARDUM alterum, 9. & 10. JOHANNEM & ELISABETAM gemellos. Ex quibus plerique mortui sunt: de Wolfgangi autem Michaelis vita jam per 18. annos nihil constat. Ab aliquot itidem annis, Burkardus Abdias perquam miserabilis est. Johannes autem Adamus, Bibliopegus, civis noster est, vir integerrimus & valde industrius. Ad secunda vota transit beate defunctus & nuptias An. 1635. d. 26. Jan., five Polycarpi celebravit cum pudicissima virgine MARIA URSULA, Viri Amplissimi DN. SEBASTIANI GEYERI, Quæstoris Onoldini p. m. filia. Ex qua sequentes liberos suscepit, 1. JOH. SEBASTIANUM, 2. GEORGIUM MATTHIAM, 3. MARIAM MAGDALENAM, 4. CHRISTOPHORUM, 5. SIGISMUNDUM, 6. APOLLONIAM, 7. PAULUM, 8. JOHANNEM PAULUM, 9. JOH. CAROLUM, 10. GEORGIUM ERNESTUM, 11. JOH. GEORGIUM. Ex quibus CHRISTOPHORUS Pharmacopœus est Lauffensis, SIGISMUNDUS autem Phil. & Med. Candidatus dignissimus, Matheseos callentissimus, patris legere vestigia paratus, vocationem ad Professionem Matheseos in Illustri Tubinga sperat, cujus conatus Deus fortunet! Virgo APOLLONIA apud matrem est. PAULUS arti typographicæ addictus: JOHANNES CAROLUS operam dat pharmaceuticæ apud fratrem: GEORGIUS ERNESTUS apud Dn. Georgium Müllerum, mercatorem Noribergensem nominatissimum, arti huic ad discendæ operam navat. Reliqui jam fato suo functi sunt, Quanto amore suas conjuges fuerit prosecutus, cum primis patet ex constanti concordia, dignissima plane, quæ inter rara conjugum fidelium exempla referatur. A liberis autem enumeratis & ex utroque conjugio natis, nactus est, Divina benedictione, 4. nepotes & tres nepres. Ipse vero circa autumnum ante dicti anni 1635. cum propter continuas irruptiones hostiles & alia mala bellica, quibus Marchionatus, tanquam Euripo, continue obruebatur, salariorum solutio à tempore satis longo fuisset retardata, ita. ut illi tres integri anni deberentur, neque spes esset quotidianorum saltem alimentorum, resignavit officium Rectoratus Onoldini, & quia fama nata erat, Professionis loca vacare hic Altdorff,

dorffi, impetrata dimissione, nomen suum Noribergæ pro Professione, in quacunque parte Philosophiæ esset, detulit, Cum vero eo adhuc anno nihil officiorum publicorum, quibus videretur idoneus, præter Ecclesiastica, ad quæ magnus jam erat expectantium numerus, vacaret, protractum est negotium ad anni usque 1636. 30. Jan. quo Mathematicum Professor constituebatur. Anno 1650. d. 6. Augusti demandata est illi Professio Physica, cum priori Mathematica conjungenda, quam excepit officium Inspectoris Norici Anno 1654. delatum. In quibus functionibus, tam Onoldi, quam apud nos, quantam adhibuerit diligentiam & curam, partim ex iterata vocatione ad Rectoratum Onoldsbacensem, partim ex scriptis, quæ, præter lectiones ordinarias & collegia privata, præterque programmata & disputationes, tam circulares, quam publicas, erudito orbi nota sunt, manifestum est: potissimum autem ex ejus *Manuali Geometria Practica, Astronomia parte Spharica, Discursu de correctione Astrologia, Nucleo Astrologia correctæ, Specim. Conciliationis Calendariorum veteris ac novi, Directorio Mathematico, Physica Aristotelica, Astrologia Medica, Continuatione Postilla Harmonica Theologo-Juridico-Politico-Philologica D. G. C. VValtheri, & Examine Hyperphie Anti-Biblica, Rectoratu Universitatis nostræ bis est functus feliciter, Decanatu sexies, & septimo jam immortalis. Vitæ rationem si exigas, verus fuit Christianus, & quemadmodum à teneris in Theologia innutritus; ita praxin Theologicam gnauiter exercuit sedulo religionis cultu, frequenti, dum sinebat ætas, templorum visitatione, & sacræ Eucharistiæ, qua postremum nupera Palmarum Dominica fruebatur, devoto usu; crebritate præterea hujus suspirii: *Auctor vita, Victor mortis.**

*Vivere da recte, da bene posse mori!*

nec minus modestia in secundis præclara, fortitudine in adversis singulari, & quæ mater hujus, fiducia in admiranda Altissimi, præsertim erga pauperes, providentia omnino summa. Comprobavit hanc animi sui mentem symbolo dulcissimo, ex Gen. 22. 8. desumpto: *DOMINVS providebit!* cujus sensum sequentibus distichis pridem expressit:

*Per varios casus, per tot discrimina rerum*

*Providet electis optima fata Deus.*

Durch Trübsal/ Angst und manches Leyd.

Schafft Gott den Seinen manche Freud.

Multis

Multis etiam aliis Scripturæ dictis subinde se corroboravit mirifice autem delectatus est locis *Pf. 73. v. 23. & 24. Tamen ego semper tecum: (Domine) tenuisti manum dexteram meam, & in voluntate Tua deduxisti me, & cum gloria suscepisti me: & I ad Cor. 4. v. 1. 2. Sic nos assistet homo, ac ministros Christi & dispensatores mysteriorum Dei. Quod superest autem; illud requiritur in dispensatoribus, ut fidelis qui inveniat: quæ verba, à celeb. Dn. Joh. Meelführo, tum Abbate Heilsbronnensi, juveni valedicenti & Wittebergam abiturienti commendata, memoriæ ejus semper hærebant penitissime infixa. Et sane fidelis fuit Servatori suo usque ad mortem: nec est, cur dubitemus de corona visa, vi promissi *Apoc. 2, 10.* jam collata. Tædiosum foret omnes, quibus tam imperterritus exercebatur, morbos aliasve calamitates recensere. Finem contemplemur! Ante nonum mensem paralyfin linguæ passo non apparuit spes integre revalescendi; sed subsequuti sunt crebriores catarrhi, usque dum ante quatuordecim dies catarrhus calidissimus obruto omnes vires fregit, ut Medicorum & Chirurgorum cura esset omnis inanis, & ille diem hunc supremum, quem nunquam metuit, inter preces obiret, & in Domino obdormiret fer. 2. Pasch. hora fere 10. ante meridiem, perpetui istius voti sui ita compos factus: Si non amplius potero vel debebo meis & proximo prodesse, Deus in pace me cum Simeone dimittat! quin & triumphi particeps, quem, diu est, quod sibi pollicebatur, ad illud *Rom. 14, 8. Sive vivimus, sive morimur, sumus DOMINI: in Biozæplæ sua* hoc B. Lutheri scribens. DOMINI: mortis etiam, in nominativo: puta, plurali; sive victores: Eodem fecit, quod paulo ante obitum non sine lacrymis repetiit ex *Apoc. 7, 13. & seqq. Respondit unus de Senioribus & dixit mihi: Hi, qui amicti sunt stolis albis, qui sunt & unde venerunt? Et dixi illi: Domine, tu scis. Et dixit mihi: Hi sunt, qui venerunt de tribulatione magna, & laverunt stolas suas; & dealbaverunt eas in sanguine Agni. Ideo sunt ante thronum DEI, & serviunt ei die ac nocte in templo ejus, & qui sedet in Throno, habitabit super illos: non esurient neque sitient amplius, nec cadet super illos sol neque ullus astus: quoniam Agnus, qui in medio Throni est, reget illos, & deducet eos ad vita fontes aquarum, & absterget DEVS omnem lacrymam ab oculis illorum. Sed hæc de ipso dixisse sufficiat. Vobis, Cives Academicici, quid nunc insumbat, dictitant per tot annos in hanc**



Universitatem & Vosmet Viri merita maxima, quæ vos ad frequentiam funeris comitandi ita, confidimus, invitant, ut nostra invitatione opus non sit. Vos igitur pro vestra pietate ipsi eritis memores hujus officii vestri; Valete!

## SCRIPTA.

Astronomiæ Pars Sphærica. *Norib.* 1637. in 8.

Astrologia Medica, h. e. de siderali scientia ad curam valetudinis & rerum eo pertinentium dextre applicanda. *Altdorph.* 1655. 1665. in 4.

Physica Aristotelica, redacta ad Methodum, qualem in solis Mathematicis locum habere perperam hactenus creditum est. *Norimb.* 1656. in 12.

Arbiter Astronomicus, hoc est, Collatio Tabularum Eclipticarum inter se & cum duabus Eclipsibus mensis Augusti 1654. *ibid.* 1654. in 4.

Dissertatio de Cometis & Via Lactea, ubi quaestio; An & quomodo Providentia divina cum influentiis Astrorum concurrant? *Altdorphi* 1662. in 4.

Defensio Physicæ Aristotelicæ contra Mich. Watsonium; *Altdorph.* 1661. in 4.

Examen Theologico Philosophicum Hypersophiæ Antibiblicæ eorum, qui negant Aquas cœlestes Mosaicas; Diluvium Universale, Motum Solis & reliquorum Siderum. *Norib.* 1668. in 4.

Manuale Geometriæ Practicæ; Handbüchlein von Geometrischen Abriss. *ibid.* 1636. 1663. in 8.

Geodæsia universalis, das ist / Bericht von Land- und Geld-Messen. *ibid.* 1641. in 8.

Compendium Fortificationum, Kürzer Mathematischer Unterricht von der Fortificationi. *ibid.* 1641. 1647. in 12.

Grund und Verbesserung der Astrologiæ. *ibid.* 1643 in 4.

Nucleus Astrologiæ correctæ; das ist / kurzer Bericht vom Nativität stellen. *ibid.* 1651. in 4.

Ingenieur-Stab / mit Figuren. *ibid.* 1650. in 12.

Observationes des jüngsten Cometen. *ibid.* 1653. in 4.

Gefährlicher Krieg und glücklicher Sieg. *ibid.* 1656. in 12.

Observationes von den grossen Conjunctionibus und Oppositionibus; auch neuen Sternen und Cometen. *ibid.* 1656. in 4.

Compendium Astronomiæ & Astrologiæ; das ist / kurzer und

und klare Verfassung der ganzen Stern-Kunst. *ibid.*  
1661. in 4.

Gründlicher Bericht von dem Cometen so An. 1661. erschienen.  
*ibid.* 1661. in 4.

Inter Disputationes ab eo habitas invenimus quoque sequentes: De Elementis: De Numero Elementorum, non binario, sed quaternario: De anima: De Anima humana: De Musica &c.

## MEMORIA

*Nobil. Consultissimi & Excellentissimi*

V I R I,

**DN. JOH. MICHAELIS  
MOSCHEROSCHII,**

JCti, Polyhistoris & Poëtæ famigeratissimi,  
Diversorum Principum Statuumque S R. Imperii  
Consilarii quondam meritissimi,

*Renovata & translata,*

Ex sermone lugubri, ipso Exequiarum die,  
è sacra pergula recitato, à

**MATTHIA MEIGENERO,**  
Ecclesiastæ Wormatiensi,

**I**llustris Teutonicæ linguæ Reparator, Vates, Vindex & Arbiter, quique depravatos ævi nostri mores penetranti stringere stylo mire didicit, MOSCHEROSCHIUS, lucis hujus usura, tertio Nonas Martii, anni supra millesimum sexcentefimi, frui cœpit. Ejus nativitas obtigit Wilstadii, in Comitatu Hannoviensi: Patrem coluit Virum spectatæ fidei, MICHAELEM MOSCHEROSCHIUM, Ecclesiarum ibidem Curatorem perindustrium; Matrem, VERONIAM BECKIN, muliebrum Virtutum ideam. Nihil autem prius optimi habuerunt Parentes, quam ut hic eorum filius & ἐν ἔχων ἀπαλῶν pietate bonisque tingeretur literis, sedulo perpendentes, ab educatione totius vitæ rationem dependere. Et quum ὁ Μαρτίτης à summo Numine sublime ingenium cum acri judicio nactus esset, eaque jam superasset, quæ in triviali proponi solent, ad proximam commigravit Academicam

miam Argentoratensem, undique jam tum celebrem. Nec otio illic marcuit, aut voluptatibus se mancipavit, sed ab ore docentium, ceu ingenuum decet Musarum alumnum, totus pependit. Ideoque non splendida solum à Professoribus testimonia, sed & Magisterii titulum ac honores, primo inter XXIV. Competitores loco, cum totius Alsatici Parnassi congratulatione, meritissimè obtinuit. Inde recedens, Galliam, illam morum formatricem, omnisque elegantiae scenam, frequentavit, & in præcipuis ejusdem emporiis aliquandiu substitit. Ex itinere isto redux à variis honeste expetitur, utpote quibus ab eximia eruditione linguarumque variarum cognitione inclaruit. Anno à partu Virgineo MDCXXVI, Ephoriam juniorum Leinigenis Comitum ultro sibi oblatam suscepit, ac biennium apud ipsos non absque perpetua nominis sui laude peregit. Postea vitæ thalamique consortem elegit sibi Virginem, Virtutum hunc sexum apprime decens exemplum, ESTHERAM ACKERMANNIAM, cum qua connubiale jugum tam blande traxit, ut propter istum *συμβίσιον* una mens in duobus habitare corporibus videretur. Illa maritum carissimum, quatuor liberos enixa, inter amoris reciproci flammæ, parentem effecit. Ex quibus unicus duntaxat ERNESTUS LUDOVICUS superstes, reliqui ultimum Beatissimi Genitoris fatum anteverterunt. Circa idem quoque tempus territorio Grichingenfi & Wellingenfi à Generosissimo harum ditionum Comite præficitur. Quam spartam ita exornavit, ut Domino suo fidem & industriam evidenter probaret, ac amorem sui apud omnes facillime conciliaret. Nec inde recessisset, nisi hostili tum Gallorum impetu repulsus, Argentinam repetere necessum fuisset. Cæterum post acerbam *διχοτομίαν* desideratissimæ Estheræ, fidem conjugalem secundum dedit florentissimæ tum Virgini, MARIÆ BARBARÆ PANIEL. Sed cheu rerum humanarum vicissitudo & inconstantia! Dum enim MOSCHEROSCHIUS cum indivulsa hac sua compare, inter concitatissimos belli Germanici motus, peregrinabatur, ipso in itinere immatura eam morte amisit, vel in supernam potius vitam præmisit. Cum ergo juvenula conjux vigesimum vix ætatis annum attigisset, binosque in thoro annos consumfisset, triste sui desiderium altera tunc vice dolenti viduo reliquit. Non diu post commodum ipsi accidit, ut ab Illustris-

fimo Duce de Croja, ERNESTO BOGISLAO, ad Confiliarii & Præfecti Winstringensis officium benigne invitaretur. Quod cum legitimum esse cognosceret, grassantelicit ubivis adhuc Marte, recusare minime ausus est. Simul cum novo isthoc munere, novum contraxit pactum, firmum utique ac stabile, quodque nil nisi cum vita deferendum. Annus agebatur seculi hujus trigessimus sextus, quum ὁ Μακαρίτης ad tertias descenderet nuptias; cum raro Virginum spectamine, sexus sui ornamento, ANNA MARIA KILBURGIA. Hæc quoque fideliter ei adhæsit, plurimasque cum marito ætumnas sustinuit. Nec enim à militibus solum tenuis vicibus miserrime spoliati; sed & fame insuper ac pestifera lue satis duriter vexati fuere. Quid? quod Noster, si quisquam alius, per totam, fere vitam, sub fictæ amicitie schemate, acerbissimas varii generis persecutiones senserit. Ope tamen Divina, ex præsentissimis vitæ periculis aliquotiens liberatus, prout in aureo suo libello, quem *Insomnis Cura Parentum* nuncupavit, ipsemet prolixè recenset. Hinc quasi denuo coactus Argentoratum petiit, ut securam inibi sedem inveniret, tantisque se paulatim subduceret tempestatibus. Verum haud propterea pristinae dignitati repudiū misit, sed vicarii cujusdam ope, quicquid ipsi commissum, rite expeditiv. Placuit postea DEO Opt. Max. ut Nostrum ὁ ἐὺλογίᾳ Serenissimo SUECIÆ REGI à Consiliis militaribus atque Secretis Bensfeldii constitueret. Huic pariter Spartæ per aliquot annos, cum immortalis nominis sui gloria, prudentissime præfuit, multisque haud parum profuit. Tandem de tranquilliori vitæ ratione cogitare cœpit, præprimis cum domum prole ditiores haberet; ut eo melius ad pietatem suos posset deducere. Dum itaque varia hinc inde animo complectebatur, ex tribus diversis locis vocatorias accepit literas. Respublica quippe Colmariensis Syndicum, qui Osnabrugæ Irenicis adesset negotiis, Argentoratensis vero Secretarium ac Fiscalem eum expetiit, Accessit eodem prorsus tempore fortissimi Herois & Archistrategi Suecici, GUSTAVI HORNII, perbenigna invitatio, ut MOSCHEROSCHIUS Consiliarii Regii partes susciperet, & prosperissima rebus bellicis consilia suppeditaret. Ex quibus ille medium, quo tutissimus tret, elegit, suamque Argentoratensibus operam addixit. Verum enim vero quam nefandum ab omni parte in se odium excitaverit, dum officio

gio huic sibi commisso strenue perfungitur, impræsentiarum exponere nihil attinet. Anno M DC LVI. à Comite Hano-  
viæ perquam Illustri, FRIDERICO CASIMIRO, ad intima  
Consilia accersitus fuit; Qui, quoniam tanti Viri in gravis-  
simis obeundis expeditionibus dexteritatem atque pruden-  
tiam singularem perspexerat, Cancellariæ Præsidium, alios-  
que præ eminentium dignitatum titulos τὰ αὐτοῖς Nostro  
gratiose concessit. Hinc malevolorum repente livor ac in-  
vidia, maximarum nempe Virtutum pedissequæ, optimum  
Virum eò adegerunt, ut aula excederet, Benignissimi tamen  
Comitis sui gratiam erga eum diminuere, aut penitus aufer-  
re, quam enixe etiam laborarunt, nullo modo potuerunt.  
Quin & dem aliis subinde Magnatibus Nostrium de meliori  
nota commendare nunquam destitit. Deinde à Reveren-  
dissimo Celsissimoque Archiepiscopo & Electore Mogunti-  
pensi, JOH. PHILIPPO, splendidum Consiliiarii decus ob-  
tinuit. Ad simile negotium Illustrissima HE DWIGA SO-  
PHIA, Hassiæ Princeps laudatissima, MOSCHERO-  
SCHIIUM adhibuit, ut, quoties opus, sagaci consilio prom-  
pte succurreret. Quo insuper honore Noster in Senaculo In-  
clutorum RHENI COMITUM aliorumq; illustrium Au-  
lis mactatus, qua fide, solertia ac felicitate omnibus illis de-  
functus sit provinciis, longum pene esset, hic ubertim de-  
clarare, & singula facta magnifico, ceu deceret, elogio exor-  
nare. Profecto si nihil aliud præstiterit, de quo laudem  
mereretur, amussitata capacissimi ingenii in monumenta, quæ  
publicis olim usibus concessit, inter summa seculi lumina  
ipsum merito collocarent. Privatam vero quod Viri vitam  
concernit, erat φιλόθεος, congregationum sacrarum amans,  
nec folia duntaxat siculnea, sed plenos fidei fructus, caritatis  
ἀνυπερίτε operibus declarantes, edebat. Ingravescente de-  
mum ætate, firmiter sibi proposuit, ab omni publicæ rei cu-  
ra vacare, quo domesticis vita ἀμειπτοῦς præluceret, quasq;  
à Majoribus facultates acceperat, rite disponderet. Quam-  
obrem Wormatiam se contulit, cum consanguineis ibidem  
nonnulla maxime necessaria deliberaturus. Sed tempus, ab  
æternitate definitum, instabat, quo ad ἀνώτερον καὶ ἰσ com-  
migraret. Factum id non velociter minus quam feliciter,  
ipsa Palmarum Dominica, diē IV. Aprilis, quo Francosur-  
tum ad Mœnum abire destinaverat, inter preces atq; suspi-  
ria; posteaquam in hocce mundi ergastulo LXVIII. annos,

Menses II. inque posteriori connubio XXXII. annos consumsisset. Cui nos, ex Ebræorum Epitaphijs, succinimus.  
SIT ANIMA EJUS IN FASCICULO VIVENTIUM!

## CHRONICON.

VVorMatlæ Christo te Vto philLanDer obIt.

## EPICEDION.

*Cedat PANTAGRVEL, Clarus concedat OVVENVS,  
Et si sunt alii, nam secula nostra tulerunt  
Plures illustres, inter quos Teutona ponit  
Terra Virum, sua quem dicunt bona scripta PHILAN-  
DRVM.*

*Excessit vivis vera Virtutis alumnus,  
Sustulit atra dies istum, sed virida Parcas  
Contemnit Virtus, per mortem nescia vinci.*

JOH. THEOD. SPRENGER,  
U. J. D. & Cancellarius.

## ALIUD.

*Qui Vitiis larvam pulchram detraxit, & ipsam  
Ostendit speciem monstri sine tegmine tetri  
Nudatam, multum, na! publica commoda debent  
Hisce Viri meritis. Quid enim ne tramitere recto  
Continuent Virtutis iter, plerosque (pudendum!)  
Transversos agit, aut perdit, nisi pessima quaque  
Sub picta specie arripiens insania vecors?  
Sustuleris vero fucum & mendacia forma,  
Tartareas pauci furias infandaque monstra  
Agnita amare volent. Seclum MOSCHEROSCHIVS isto  
Egregie juvit studio, erroresque repressit  
Vulgi, quod vitium & virtutem ex more recepto  
Æstimat. Is frontes duratas atque ruboris  
Iam pridem ignaras, pulsus pudor usque rediret,  
Perfricuit sale mordaci, speculumque politum,  
Non blanditurum maculis obvertere fœdis  
Vultibus, in pretio posuit. Nunc occidit, inquis.  
Ingratus censor, genioque vacare licebit  
Posthac liberius. Sed, stulte, id credere noli.*

Fama

*Fama & scripta Viri, post fata superstitis, illud  
Te sperare vetant: corruptos acriter ista  
Non insectari cessabunt omnia mores,  
Dum sua Virtuti constabit gloria digna.*

PHIL. JACOBUS SPENERUS, D.

## SCRIPTA.

Epigrammata. *Argentor.* 1643 1650. in 8.

Jacobi Wimpfelingi Catalogus Episcoporum Argentinen-  
sium, scilicet seculo abhinc desideratus, restitutus cum  
supplemento & notis. *ibid.* 1651. in 4.

Imago Reipublicæ Argentinenfis. *ibid.* 1648. in 4.

Insomnis cura Parentum; Christliches Vermächtniß/ oder/  
schuldige Vorsorg eines treuen Vaters. *ibid.* 1643.  
1653. in 12.

Danice hunc librum transtulit Severinus Terckelsen.

Georgii Gumpelzheimeri Dissertatio de Politico, auctor e-  
dita à J. M. Moscheroschio. *ibid.* 1651. in 12.


Philander von Sittwalds wunderliche Satyrische und war-  
hafte Gesichte/ aus dem Spanischen Don Fran-  
cisco de Quevedo verteutschet. *Frankff.* 1645. *Leiden*  
1646. in 12. *Sträßb.* 1642. 1650. in 8.

Jacob Wimpffelingens Teutschland/ zu Ehre der Stadt  
Strasburg und des Rheinstroms/ iezo nach CIII.  
Jahren im Druck gegeben. *Sträßb.* 1649. in 4.

Dialogues Gallicè, Italicè, Germanicè. *ibid.* 1645. in 8.

Philander resuscitatus, wunderliche Apparitiones, und Er-  
scheinungen des Don de Quevedo, in welchen er/ nach  
seinem Tod/ seinem Reiß-Gesellen Don Experto Ro-  
berto, erschienen. *Frankff.* 1647. in 12.

Technologie Allemande & Francoise; Ausgeübtes Wörter-  
Buch/ Teutsch und Französisch. *Sträßb.* 1656. in 8.



## P R O G R A M M A,

Quo

Ad Exequias

MAGNIFICI RECTORIS,

*Viri Plurimum Reverendi, Amplissimi, Excellentissimi,*

DN.

BALTHASARIS  
SCHEIDII,SS. Theol. Doctoris, Græcæ atque Orienta-  
lium Linguarum Professoris Celeberrimi,*Cives Academicos invitât*PRO-RECTOR UNIVERSITATIS  
ARGENTORATENSIS,JOH. RUDOLPHUS SALZMANNUS,  
Doctor, Prof. & Facultatis Medicæ Assessor.

FAtale mehercule RECTORIS hujus Reipublicæ Litte-  
rariæ Munus nunc cuivis posset videri: horror fere per-  
cutit artus mihi præterita in mentem revocanti: haud im-  
merito mihi met gratulabar ante aliquot hebdomadas, quod  
extreme afflicto tandem jugum hoc humeris impositum ex-  
cutere lieuerit: At non inique attonitus quasi nunc exaudi-  
vi tristissimum nuntium mortis præmaturæ summe Reve-  
rendi Magnifici pro! dolor! per parvum tempus, atq; Excel-  
lentissimi, mei Successoris, cui non ita pridem hocce officium  
in publico, jussu Superiorum addixi; vereor enim ne hoc  
multis periculis & laboribus implicitum munus iterum subi-  
re cogar, cum Leges Academicæ eum Prorectorem esse ju-  
beant, qui noviter constitutum præivit. Vix hîscere audeo,  
intuens mirificam hujus muneris sortem. Jam fere annus  
est, quod, cum Prænobilissimus, atque Consultissimus Dn.  
von Stöffen/ J.U.D. & Institut. Imperial. Professor, Colle-  
ga, & Antecessor meus summe colendus, eodem officio de-  
funderetur, Ei charissimum pignus, imo propria quasi visce-  
ra (Castissimam & Ornatissimam ejus Uxorem & Matro-  
nam intellige,) tum temporis, in ipso juventutis flore fuerint  
cre-



prepta; parcam sauciato pectori, ne vulnus recrudescat: Hujus Magni Viri egomet vestigia insecutus, vix mitiora offendi fata; statim atque enim Rector salutatus eram, tormenta & cruciatus morborum undique in me proruebant, adeo ut totum tempus lecto affixus, non absque magnis doloribus, triverim; & sane mirum videbatur, quod non prius convalescere valuerim, quam tempus resignandi officium immineret. Attamen cum melius misérias ferant, qui easdem abscondunt, aliorum potius quam proprias recensebo calamitates. Erigendus equidem nunc mihi esset vulneratus animus, ni spes, me jam liberatum fore ab hocce officio, concepta, in ipsa quasi herba fuisset suffocata; paria enim mecum fere habuisse fata pie jamdum defunctum Magnificum hujus Universitatis Rectorem mihi perquam lugendum, cum ejus morte onus omne in me redundet, ni singularis benevolentia Superiorum, me tantis negotiis ob debilitatas vires imparem, subducatur. Imitatur etenim, (si magna licet componere parvis) in hocce casu Imperium nostrum Romano-Germanicum, hoc Rectoris officium, quippe, Imperatore expirante aut Imperium egresso, duo Vicarii, nempe Serenissimus Elector Palatinus Rheni, (qui se nuperime, cum Ferdinandus III. gloriosissimæ memoriæ, Imperatoris nostri hodierni sacratissimi Parens ac Antecessor expiraret, contra Serenissimum Electorem Bavaricum, sibi met Vicariatum Imperii vindicantem, defendit:) & Serenissimus Elector Saxonix provisos Imperii constituti sunt, quorum sub curam tum viduatum Capite Imperium concedit, ne interregni tempore Respubl. detrimentum aliquod patiatur; ut videre est in Aur. Bul. Caroli IV. Ceterum multa adhuc essent de hocce Vicariatu pertractanda, imo de Subofficiariis sc. Electorum, Archipincernæ, Archidapiferi, &c. si dicendi de hisce nunc esset locus; innuisse igitur paucis de ejusmodi Vicariatibus sufficiat. Ex dictis autem patere potest, quod Vicariatus, aut ut loqui amamus, Prorectoratus magnam affinitatem habeat cum modo dictis Vicariatibus; pariter quippe Rectoratu vacante, Prorector vices agit Rectoris, ne studiosa cohors, flosque juventutis, negotia, quæ Rectorem alias concernunt, è vivis eo decedente, aut alias impedito, indefensa maneant, cum militaris sit togata, sit sagata, absque Duce turba, sit corpus sine spiritu: siquidem si post cœptum statim officium diem Rector Universit. ob-

eat, Collegis ejusdem, consensu Patrum Patriæ adhibito, novum eligere liberum, imo Legibus Academicis conforme est, ut apparere potest ex Artic. XI. Tit. VI. de Offic. M. Rectoris Statut. Acad. verbis in parenthesis (wo es nicht gar zu Anfang desselben geschicht) inclusis: Prorector enim semper est Rectoris in hoc officio Antecessor, qui deposito officio noviter cooptatus est Vicarius, ita ut Rectoris sive absentis sive ægrotantis, sive demortui, aut alio quovis casu impediti vices subeat. En benevole Lector, quantum mea intersit Magnificum nostrum Rectorem esse demortuum; Mea res peragitur, meum subest aut commodum aut incommodum, non in vanum laboravi huicce nostri Capitis jacturæ ingemiscende; id tamen me consolatur unice, quod nuperrime demum munus hocce à pie nunc defuncto susceptum, alii adhuc possit demandari, secundum allegatum artic. XI. Propriam utique infirmitatem allegare nullatenus vereor, quo eo facilius me huic oneri subtrahere queam; ingenue confiteor, quod mihi met ipsi dedecori ducerem, si id absque sufficienti causa, quæ neminem nunc latere potest, subterfugere, operam nāvarem: Certo itaque mihi persuadeo, nullum unquam futurum, qui mihi satis superque afflicto sit superadditurus afflictionem; unicum in vestra, mi Patres Patriæ, & Collegæ honoratissimi, benevolentia invenio solamen. Progrediendum autem nunc, ne totam paginam hisce implevisse, aut institutum oblivioni mandasse videar, ad Magnificum nostrum Rectorem, cui nunc extremum funeris honorem largiri, aut potius extruere æternitatis monumentum egregie peractorum debemus; Cujus vitæ seriem enarraturo, quo uberius de eo extare queat memoria, à primis unguiculis & infantia annis, imo à primo ortus die ordiendum. Prodiit hic in lucem Argentorati 21. Decemb. Ann. Ch. 1614. generisque primordia duxit à Patre BALTHASARE Scheid / Mercatore, Scabino, & Assessore Judicii Censorii: Avo NICOLAO Scheid / Præfecto Arcis munitissimæ Dagsburgicæ; Proavo & Abavo Coss. olim Weisenburgi: Matre autem Nobilissima Matrona MARGARETHA, Amplissimi XVviri FLORENTINI Schillings / & à Matre virtutum matronalium splendore dotata, ex Küglerio-Schoetteliana magni nominis Consulari familia orta, Filia. Hi ambo ejus parentes, cum in  
lucem

lucem hic filius ederetur, non diu cunctabantur, ut decet Christianos, eundem DEO in lavacro sacri baptismatis consecrare, & quidem ipso Nativitatis die Christi nostri Redemptoris; procedentibus dein sensim annis summa cura & alacri studio huncce filiolum educarunt, usque dum capax videretur, qui in album studiosæ juventutis Gymnasii hujus Reipublicæ susciperetur An. 1620. Nec ideo tum privatam informationem omittere consultum rebatur, quin potius donec adoleverit Præceptores domesticos Gymnasii informatoribus junxerint. Interea temporis, cum sedulo Parentum & qui Parentum ad instar habentur, Præceptorum monitis obtemperasset hic filius, primaque fundamenta satis gustasset, sua industria eo res devenit, ut dignus & idoneus scientiarum auditor judicatus, An. 1630. numero Studioforum & Lectionibus tam publicis quam privatis Excellentissimorum Professorum sit addictus. Ceterum, cum nil nisi divino auspicio conaretur, non potuere non studia ei ex voto cedere: Verbum enimvero DEUS, qui non ignorat homines felici rerum successu interdum corrumpi, huic pietatis & scientiarum studiosissimo notam non ignominia aut poenæ, sed paternæ benevolentia inurere decrevit; quippe parentes, sorores, magnumque Cognatorum numerum intra aliquot septimanas à vita hac misera discedere jussit; imo ipsummet nullo penitus horæ momento vitæ certum degerere sivit; adhuc accedebat, quod, cum parentes vitam cum morte commutassent, mercaturam domesticam administrare nolens volens cogeretur: En impedimenta, quæ eundem à studiis feliciter coëptis parumper abstraxere; tandem tamen, cum prosperam fortunam respirare cerneret, studiis sese & sibi met ipsi reddidit; quove eò commodius propositum in effectum deduceret, ut à summe Reverendo Dn. D. DANNHAWERO, Præside & Patre Ecclesiæ, hospitio exciperetur Anno 1635. studuit; quo impetrato, studio Theologico operam dare, diligenterque Collegiis privatis & publicis Dn. D. SCHMIDII, DORSCHER & DANNHAWERI, magni nominis Theologorum interesse coëpit: Antequam vero proficisceretur, specimina diligentia disputando, perorando, opponendo, concionando edidit varia & egregia: Etenim bis solenniter peroravit sub Dn. D. DANNHAWERO, tum temporis Eloquentiæ Professi. Ann. 1631. de Gallicinio,

& An,

& An. 1632. Carmine Heroico, de Excidio urbis Babylonice, Disputando sub D. D. DANNHAWERO An. 1632. de Officiis ex Cicerone An. 1636. in Collegio Decalogico. An. 1644. pro gradu Doctorali. Sub D. D. AGGERIO, Physice de Lunæ maculis. Theologice sub D. D. DORSCHIO, An. 1636. de Veritate Prophetica, Sub D. D. SCHMIDIO, An. 1637. pro impetrando beneficio stipendii Schenckbecheriani, de Spiritu Sancto; & multoties in exteris Academicis in primis sub D. D. CALOVIO, se exercuit: Regiomonti vero duodecies in disputationibus publicis græco idioma-  
te, ter hebraico, bis latino, Præsidem egit, bisque sub ipsius præsidio Hebraicè & Græce ab aliis peroratum est. Concionando sese sæpius in Patria & alibi diligentem exhibuit; Concionem Doctoralem, redux in Patriam, habuit vespera diei Dominicæ 10. Martii 1644. in Cathedrali Ecclesia, & præmissis more solito Lectionibus Cursoriis super I. Epist. Johannis, examen Doctorale 10. Maij ejusdem Anni sustinuit. De peregrinationibus ejus aliqua sunt adjicienda, ingressus est iter Ann. 1637. ingenti cupiditate accensus etiam apud externos Theologos & Viros doctos studium Theologicum continuandi; neque successu caruit flagrans ejus cupido. Nam iter faciendo hinc inde aditus ipsi patebat, ut, ad Abrah. Calovium, ejus hospitem per quinquennium, Fabricium, Abrah. Sculterum, L. Groshium, Micrelum, Fridlibium, L. Ravium, Quistorpium hospitem, Brochmandum Episcopum, Scavenum, Lindemannum itidem per aliquod tempus ejus hospitem: Haudquaquam autem e tantum cum nostræ Religionis Viris eruditis & magnis commercium fuit, invisit æque hujus & illius religionis Viros claros; inter alios Jesuitas Braunsburgenses in Borussia, & Colonenses in Germania; conferebat in itinere cum Nicolao Vedelio, Gomaro, Lontingo, Spanhemio, Heinsio, Riveto; cum Gerhard. Johanne Vossio & aliis: Ex qua conversatione cum variarum Academicarum & Regionum eruditione Clariss. Viris, dilucide patet, quanta itineris spatia sit emensus, adeo ut non opus sit plura de iis verba facere. Honores & officia ejus quod attinet. Magnificus noster Rector An. 1633. mense April. à D. D. DANNHAWERO, creatus Magister Philosophiæ, & inter 14. Competitores primum obtinuit locum. Ann. 1640. à Comite Nassoviæ in Comitatum suum redeunte, functio Superintendentis & Aulici Concionatoris,  
itidem

indem à Petro Oelhavio, Inspect. Gymn. Dantiscani Professio Hebraica & Græca linguæ oblata, quæ tamen omnia certas ob causas recusavit. Ann. 1644. in Matriculam Candidatorum Theol. in patriam reversus, recipiebatur mense Martio; eodem anno auxilio D. D. DORSCHER, Ephoria Illustriss. Comitum Nassovicorum illi commendata. An. 1647. mense Augusto ab Amplissima Facultate Philosophica Græca & Hebraica Collegia habendi potestatem impetravit. Ann. 1649. 2. Junii à Senatu Academico Professor Hebrææ linguæ & Præceptor Gymnasii Superioris electus, 17. Septemb. in Curia confirmatus est; An. 1651. 16. April. Professio Græcæ linguæ tum vacans ei adjuncta est: eodem anno Canonicus Capituli S. Thomæ constitutus est. An. 1652. 7. Decemb. D. D. DANNHAWERUS, in Eum una cum Dn. Joh. Friderico Heilbrunnero, Doctoris titulum & honores contulit: Bis Rectoratus feliciter functus est, tertia vicè autem susceptum munus, quod dolendum, ei fuit exitio; quinquies Decanatum subiit, quater Candidatos Philosophiæ in Magistros promovit. Sed hic filum abrumpebat, adhuc alia dictu necessaria sunt præferenda: Matrimonium ejus quod concernit, juxta sibi Ann. 1650. 28. Maji Lethissimam & Ornatissimam Virginem MARIAM DOROTHEAM, Dn. JOH. REINHARDI Storffen/hujus Reipubl. Commissarii & Registratoris meritissimi, Filiam; cum qua 15. annos ac 5. menses suavissimam & placidam viram vixit; exque Ea quinque filios Dn. M. JOH. VALENTINUM, BALTHASAREM, JOH. FRIDERICUM, JOHANNEM. & JOH. PAULUM, duasque filias, MARIAM DOROTHEAM, & MARIAM SALOMEN; progenuit, qui omnes adhuc DEI gratia superstites, jam extrême sunt afflicti: Dicta autem Conjux Ann. 1665. 24. Novemb. morti succubuit acerbæ; qua, castissima hac suâ Conjuge & Matrona, orbatus, continuum triennium Eam deflevit, donè tandem ejus Oeconomia directrice indigens, Eum ad secunda vota transire adegit Anno 1668. mense Novemb. duxit ea propter in uxorem Ornatissimam & Nobilissimam Virginem ANNAM MARIAM, Viri Max. Reverendi Dn. M. GEORGII WEGELINI, Illustriss. Comitum ab Hanaw Superintendentis, & Buxovillæ Pastoris, nuper ad cœlestia gaudia elati, Filiam, Viduam nunc moestissimam; ex qua intra biennium filiulam ANNAM SOPHIAM,

PHIAM, at non ultra octiduum viventem, vidit: Tandem & ipse morbo acerbissimo 26. hujus M. circa h. 8. ante aliquot septimanas correptus, vitam posuit. Hæc fata habuit Magnificus noster Rector Vir summe Reverendus atque Excellentissimus: Regnabit in cœlis, qui in terris amplius nequit regnare. Vos invito Cives Academicos, ea quæ par est humanitate, ut Capiti quondam Vestro, Vobis nunc adempto, justa persolvatis, adque funus decenter conducendum conveniatis, die Martis qui erit 29. Novembris hora duodecima meridiana. Valete. Perscriptum Argentorati, An. Ch. M DC LXX,

## SCRIPTA.

Herodiani Historiarum libri VIII. cum luculento Indice Philologico. *Argentor.* 1661. in 8.

Disputationes Philologicæ XI. super Psalterium Davidis Hebraicum, in quibus examinantur ea, quæ R. Sal. Jarchi, R. Aben Esra, & R. David Kimchi, super Psalmos scripserunt, *ibid.* 1656. 1662. in 8.

Habuit & alias Disputationes, quarum nos nonnullas hic recensemus. De officiis ex Cicerone: De Lunæ maculis: De Veritate Prophetica: De Spiritu Sancto: De Universalitate Vocationis ad regnum Christi, & speciatim de Americanis, tempore Apostolorum, si ista jam tum terra culta fuerit à populis: De Cleomedis Distinctione Terrarum, earumque incolarum, juxta Zonas, sit us corporum, & umbras consideratorum: De Astronomia Hebræorum Biblica: De Hydrographia, cum Commentatione Nautica, ex Hebræis Græcisque S. Scripturarum fontibus deducta: De Cabala; De Linguis: De Kikaion Jonæ, ex cap. IV. 6. 7. 9. 10. De Salomonis Mulieribus, ex 1. Reg. XI, 3. De Elia Tesbite, ex capite ultimo Prophetæ ultimi: In aliqua, circa Sphæram Procli, h. e. contra nonnullorum, de soliditate orbium, Galaxiæ, itemque Systematis Mundani constitutione, sententias, modernorum sagacitate, arundinisque Dioptricæ perspicuitate refutatas: Eno-dationes Vocabulorum quorundam Germanicorum, in vulgus minus notorum, quibus B. Lutherus

rus in sua Versione Bibliorum ufuseft, cum ex ipfa  
linguæ Germanicæ origine & indole, tum ex Hebrai-  
co Græcoque textu, & collatione variarum Germani-  
carum translationum, &c.

# PROGRAMMA,

In Exequiis

*Noobiliffimi, Ampliffimi, & Excellentiffimi*

*V I R I,*

DN.

# JOH. HENRICI BOECLERI

## S. Cæfareæ Majestatis, Electorisque

Moguntini Confiliarii, Palatii Aulæque Cæfareæ

Comitis, & in hac Universitate Profefloris Histo-

riarum Ordinarii ac longè Celeber-  
rimi,

*Propositum à*

RECTORE UNIVERSIT. ARGENTO-  
RATENSIS,

MARCO MAPPO,

Med. Doct. & Prof. Publ.

Potuiſſet, ſicut cum primum ex hoc loco ad Vos *Cives*  
*Academici*, verba facerem, notavi, triftis ille nuntius,  
qui de Nobilis Academici obitu inter ipſas Senatus Acade-  
mici, dum Rectoratum Academicum ſuſcipiebam, con-  
gratulationes afferrebat, ad terrorem animo injiciendum  
prorſus videri comparatus. Occurrebat illico animo, quod  
paſſim obſervatur, Principiis plerumque conſentire exi-  
tus, & talem ſubſecutionem atque eventum expectandum,  
quale primordium fuerit; occurrebat tamen juxta, ſiebile  
etiam principium meliorem ſæpe fortunam ſecutam eſſe.  
Ita me Spes, futura tum præſentibus fore potiora, crexit,  
merumque vicit. Verum enimvero, didici haſtenus (heu  
nimium!) & modo amplius diſco, Rectoratum meum non  
tantum

tantum accessionem esse notatæ illius observationis, sed & DEUM T. O. M. hunc ipsum tantis, non solum è Nobilium Civium, sed & Magnorum in Republ. & Academia Virorum jactura, cladibus velle insignire. Postquam enim nuper ex ordine Civium Academicorum duorum una Patritiorum Lubecensium, & in sequentem diem, ex supremo hujus Reipubl. Magistratuum ordine, *Amplissimi atque Prudentissimi Domini Consularis; Domini CHRISTOPHORI STEDELI*; (cujus memoria in benedictione) funus indixi, modo denuntiandus Vobis est; Viri ex Professorio ordine, non solum syncera Eruditorum per orbem æstimatione Magni, sed & Illustrium Personarum encomiis celebrati; Serenissimorum, Christianissimi Regis, imo Gloriosissimi & Invictissimi Imperatoris LEOPOLDI ex longinquo amorem promeriti, luctuosus obitus: Luctuosus, inquam, obitus *Viri Nobilissimi, Amplissimi, Excellentissimi & per orbem Celeberrimi; Domini JOHANNIS HENRICI BOECLERI; S. Casarea Majestatis; Electorisque Moguntini Consiliarii, Palatii Aulaque Casarea Comitissæ; & in hac Universitate Professoris Historiarum ordinarii.* Divinam ergo veneror Majestatem; ne tristi ejusmodi charactere meum; quod prima vice gero; officium amplius notare pergat, dum ad id, quod officii ratio à me requirit, accingo. Quamvis autem fortassis à nobis expectetur, ut accuratius Tanti Viri tum vitæ curriculum, tum merita præclara, prosequamur; præceps tamen scriptionis festinatio aliquid Tanto Viro dignum exarare non finit, nec finit novi doloris acerbitas. Delineare igitur potius quam exprimere, memorare potius quam celebrare Tanti Viri vitam, nobis est animus, vel eam etiam præcipue ob causam; quod major qua per orbem celebris est, gloria; accessionem ex sepulchrali inscriptione, aut; quod ejus apud Nos loco est, funebri programme, non desideret. Natus ille est Anni supra millesimum sexcentissimum undecimi mense Februarii. Locum natalem & patriam nactus est Cronhemium Franconiae pagum. Patentes habuit *Virum Reverendum & Doctissimum Dn. JOHANNEM BOECLERUM; Ecclesia dicti loci Pastorem fidelissimum, Patrem; Matrem, foeminam honoratissimam MAGDALENAM SUMMERIAM, Doctissimi atque Clarissimi Viri, Dn. HARTMANNI SUMMERI, Rectoris Gymnasii Feuchtuvangensis, filiam.* Horum cura, sine mora per baptismum



baptismum CHRISTO consecratus fuit. Deinde sub dexterrima optimi Patris informatione, domi Pietatis & bonarum literarum rudimenta, quæ bona indoles sponte appetebat, avide hausit. Anno vero ætatis suæ decimo, ex consilio ejusdem Heilsbronnæ se contulit, & in celeberrimo tum ibi Gymnasio, & optimorum ingeniorum fetacissimo, paternis aliquandiu sumptibus, deinde eorum, quibus ob raras ingenii dotes virtutisq; amorem, insigniter placuit (inter quos præcipue nominandus *Vir Reverendus Dn. M. JOHANNES SNOILSHIK, Ecclesiastes & Hebraica Lingua Professor eximius*) liberalitate, & denique Munificentia extraordinaria Serenissimi Principis CHRISTIANI Brandenburgici, commodius variis studiis dedit operam: ita ut adjutus fidelissima manu ductione modo nominati Domini SNOILSHIK, Domini M. JOHANNIS MEHLFÜHRERI, *Theologi gravissimi & Sacrarum literarum Professoris celebratissimi*, nec non Dn. M. JOHANNIS NICOLAI SCHÜLINI, *vigilantissimi Gymnasii Moderatoris*, intra decennium Linguarum Latinæ, Græcæ, & Hebraicæ accuratam cognitionem sibi acquisiverit, disciplinisque Philosophicis plerisque pertractatis, in ipso etiam Sacrosancta Theologia facile egregios fecerit progressus, editis subinde in publico variæ eruditionis speciminibus. Anno M DC XXXI, exposita Martis furori pulcherrima Schola, Noribergam, quæ in vicinia habet Altorphium, nobile literarum Emporium, perrexit; hinc Tübingam profectus est, & tandem ejusdem anni mense Majo, bonis auspiciis, Alsaticas nostras Athenas salutavit. Primum Fautorem & Patronum hic habuit, Virum maxime Reverendum, Amplissimum & Excellentissimum, Dominum JOHANNEM SCHMIDIUM. SS. Theologiæ Doctorem & Professore publicum celeberrimum, Conventus Ecclesiastici Præsidem gravissimum: Hic partim ex literis commendatis intelligens, partim ex sermonibus notans, *quam acri promptoque excelleret ingenio, & quanta industria optimam naturam excoluisset*, (sunt verba nominati beati viri) hunc novum Academiæ civem omnibus literarum Fautoribus atque Patronis, inprimis autem Viro plurimum Reverendo atque Doctissimo: Domino Magistro SAMUELI SCHALLESIO, Ecclesiæ Neopetrinæ Pastori vigilantissimo, tum de privata Filii sui SAMUELIS (*Eloquentia nunc apud Nos Professoris celeberrimi, & Gymnasiarcha laudatissimi*)

mi) informatione sollicito commendavit, qui omnibus illum competitoribus prætulit, & de dexteritate informationis sibi gratulatus est plurimum. Filium interim studiorum suorum strenue continuavit Noster, variis variarum scientiarum Professoribus innotescens, inprimis autem Dn. M. MATTHIÆ BERNEGGERO, Professori tum Historiarum, admirandæ eruditionis Viro, cujus deinde familiaritas & paulo post convictus ei plurimum profuit. Edito in studio quoque Theologico, publico, Præside supra nominato, sed nunquam satis laudato Domino Doctore JOHANNES SCHMIDIO, magno cum applausu specimine, perplacuit Summis in Republ. Viris ita, ut illum, quem hætenus amaverant, ad altiora, quibus Genius ipsius destinatus videbatur, promovere constituerent. Ad tempus igitur de Talium Virorum voluntate per amicos redditus certior, *Latinitatis in quatuor superioribus Gymnasi nostri Classibus suscepit curam*, Anno sc. M. DC XXXVI. quo eodem Magisterij Philosophiei honores accepit in hac nostra Universitate, sub Decanatu Viri Spectabilis Dn. ISAACI MALLEOLI, Mathematicum Professoris celeberrimi. Cum autem in provincia in Gymnasio ipsi demandata, omnium superaret expectationem, Anno M. DC XXXVII. Oratoris Professionis cathedram in hac alma Studiorum Universitate, ab his penes quos hæc est potestas, jussus est conscendere, atque ita munus Professorium d. 4. Mens. Maji, à solenni Oratione, qua *de vera Eloquentia, qua vita usibus, non Scholæ ostentationi servit*, verba fecit, auspicatus est. In hac functione, cum & rei domesticæ ratio ita posceret, fidam tori sociam connubio sibi junxit, omnibus sexus sui decoribus ornatissimam tum virginem SUSANNAM, in mœrore nunc superstitem Viduam, supra nominati Domini M. SAMUELIS SCHALLESII, Pastoris Neopetrini optime meriti filiam, celebratis cum ea festivitatis nuptialibus Anno M. DC XXXIIX. d. 16. Mens. Januar. Quamvis autem festivitates nuptiales mox exceperit luctus ex Dn. Socris supra laudati obitu, qui incidit in d. 31. Januar. de reliquo tamen Conjugium fuit non solum jucundum, pacificum & tranquillum, sed & fertile & fecundum. E casto enim thalamo dedit Filios 4. Filias 7. Illorum natus primus JOHANNES HENRICUS, vitam quam paulo ante acceperat, cum morte commutavit. Reliqui adhuc, nunc in mœrore, sunt superstites,

tes, nimirum *Vir Nobilissimus atque Amplissimus Dominus SAMUEL BOECLERUS, Illustrissimi Domini JOHANNIS CASIMIRI, Comitis Leiningensis Dachsbürgici, S. Caf. Majestatis Colonelli, & Augusti Iudicii Camera Spirensis, Præsidis Consiliarius, qui nuperrime Viri Nobilissimi, Amplissimi & Consultissimi Domini FRIDERICI OTTONIS, I. V. D. & Consilarii Hanoici filiam virtutibus ornatissimam, CHRISTINAM MARGARETHAM, matrimonio sibi junxit: Nobilissimus atque Pereximius Dn. JOHANNES BOECLERUS, natus in Suecia, Medicinæ Studiosus, qui jam publice atque solenniter egregia suorum in studio Medico profectuum dedit specimina: Et Dominus JOHANNES PHILIPPUS, Philosophiæ Studiosus eximius. Ex Filiabus ad cœlestem gloriam evocatæ sunt SALOME & ANNA MARGARETHA: Superfunt ANNA SUSANNA, Viri Reverendi atque Doctissimi, Domini IOHANNIS FELTZII, Diaconi Palao-Petrini Conjux, ex qua 6 Maxap: rne quinque vidit Nepotes: ANNA MARIA, Viri Nobilissimi atque Amplissimi Domini VLRICI OBRECHTI, I V. Doctorandi, Conjux suavissima. CHRISTINA, (nata Hamburgi) ELISABETHA, CATHARINA; virgines, Omnes iis virtutum gemmalis ornatæ, quæ sexum muliebre admodum commendant. Sed ut ad publica redeamus, cum strenus in Professione sua laboraret, Decanatus in sua Facultate ipsi fuit demandatus Ann. M DC XXXVIII. An. M DC XL. receptus fuit in numerum Canonicorum Thomanorum, eodemque anno Magnificus Universitatis Rector fuit proclamatus. Cum autem deinceps Decanatum iterum Anno M DC XLI. Anno M DC XLII. Anno M DC XLV. A. M DC XLVII. gessisset, Visitatoris etiam Collegiorum munere aliquoties functus fuisset & Rectoratum Universitatis A. M DC XLIX. iterum gereret, An. priore M DC XLVIII. d. 25. mensis Novemb. à Serenissimarum Regina Sueciæ Upsaliam ad Professionem Eloquentiæ Regiam vocatus, die 14. mens. Febr. Argentorato valedixit. In Suecia, ad quam vocatus erat, functioni per annum præfuerat, cum porro ab eadem Serenissima Regina Holmiam vocatus, & ad Historiographi Regii dignitatem evectus fuit. Exacto in officio illo biennio, cum in Germaniam, ceu rationibus suis convenientiorem, redeundi veniam impetrasset, cum Titulo *Historiographi Regii*, destinato illi hoc nomine 800.*

Imperialium in singulos annos salario, clementissime dimissus est. Salvus & incolumis cum Suis cum iterum ad Nos esset reversus, paulo post ab Inclyto hujus Reipubl. Magistratu denuo Professio Historiarum ipsi fuit demandata, & quem admodum olim, ita tum iterum jus Civitatis, ex singulari in Ipsum favore, donatum. Ab eo tempore Decanatum iterum An. *M DC LIV. MDCLV. MDCLVII. M DC LX. M DC LXII. M DC LXV. M DC LXVII. M DC LXX.* Rectoratum An. *MDCLIX. MDCLXIX.* gessit. An. *MDCLXII.* ab Eminentissimo Archiepiscopo & Electore Moguntino in numerum Consiliariorum est receptus, quem amplum amicitiae principalis gradum ita gessit, ut Eminentissimus Archiepiscopus & Elector non dubitaret, ejus quoque opera & industria in Tractatibus Heilbronnensibus de componenda inter Eminentissimos & Serenissimos duos Electores pace institutis, uti, A. *M DC LXIII.* a S. Cæs. Majestate Titulo Consilarii Cæsarei & salario hoc nomine annuo 500. Imperialium, nec non Comitum Palatini honore, in filios quoque & quidem natu semper maximum hæreditario, donatus fuit. Christianissimus quoque Galliae Rex LUDOVICUS XIV. jam ab aliquot annis dignum judicavit, qui in illorum esset numero, in quos ob singularis Eruditionis gloriam, peculiaria Regiae benevolentiae exempla edere decrevit. Essent jam plura dicenda, de literariae gloriae fastigio, rebus gestis, celebritate operum, commerciis familiaritatis intimae cum summis per Europam Viris, & similibus argumentis aliis; Sed horum ne quidem numerum caperet angusta hæc pagina: Alius præterea loci, alius temporis, nec non alius facundiae fuerit, illa pro merito percensere. Nobis notandus adhuc Tanti Viri vitae terminus. Ideam morbi non capit pagina, Verbo: latuit in corpore corruptorum humorum coluvies, quæ effervescendo & fermentescendo, d. hujus mensis 8. non sine malignitate, sui juris facta, colicos cruciatus, vomitiones horrendas, ingentem sitim, anxietatem &c. intulit, ventrem in ingentem tumorem elevavit, vires prostravit & vitam. Fecerunt officium Medici, fecerunt adstantes, sed docta arte plus valuit malum. Ipse animadvertit die Martis proxime præterito, circa vesperam, suprema urgere Fata; propterea solatio ex verbo divino, & Eucharistico Epulo ac Ephodio recreari, animamque ad æternam quietem præparari desideravit; Voti ultimi compos, redditus a Plurimum

munus Reverendo atq; Doctissimo Domino M. JOH. THEO.  
BALDO HENRICI, Pastore in Ecclesia DEI vigilantissi-  
mo, Fautore atque Amico meo honoratissimo, in summa  
deinde quiete voluntatem & signum Imperatoris evocantis  
expectavit, profectus antea palam, se unice Redemptoris sui  
arbitrio vota sua conformasse, quem etiam animum, sermo-  
ne desistente, nutu adhuc aliquoties significavit, antequam  
hora noctis ad 10. vergente, beata nunc anima ex corporis  
vinculis plane emergens, evolaret eo, ubi in æternum ipsi  
bene est. Est in discessu morsus! & magni facta est in Re-  
publ. literaria jactura Viri! propterea & solatia hic essent va-  
riis varia subministranda, si ratio instituti hoc pateretur. Ad-  
dat DEUS T. O. M. illis, quæ aliunde affluunt, vim divinam.  
Exuvia Tanti Viri, *Cives Academici omnium ordinum hono-  
ratissimi*, mandabuntur Terræ Corporum nostrorum matri,  
cras d. 14. Mens. Sept. Effrentur ex ædibus quas incol-  
uit hætenus Vir Amplissimus, hora post meridiem prima.  
Invitant Vos ad ultimum officium præstandum, Tanti Viri  
Virtus, Merita, Fama. Perscript, Argentorati. Anno  
M DC LXXII. d. 13. mens. Septembr.

## SCRIPTA.

Oratio funebris in Obitum Summi Viri, Matth. Berneggeri.  
*Argent. 1640. in 4.*

Æmilius Probus, sive Cornelios Nepos, de vitis excellen-  
tium Imperatorum, cum notis. *ibid. 1640. 1648. 1653.  
1656. in 8. Lipsiæ 1653. 1669. in 8. Vltraj. 1665. in 12.  
Hamburgi 1673. in 12.*

Oratio de Typographiæ, Argentorati inventæ, divinitate &  
fatis. Conf. D. Joh. Schmidii Dandpredigt / wegen  
der im Jahr 1440. in Straßburg erfundenen Buch-  
drucker-Kunst. p. 65. *ibid. 1641. in 4.*

Oratio Secularis, de Statu Scholæ Argentor. Vid. D. Joh.  
Schmidii Schulbrunnen. p. 137. *ibid. 1641. in 4.*

Christi Servatoris Fasciæ. *ibid. 1643. in 4.*

Commentationes Plinianæ, quibus præcipuæ incompara-  
bilis Panegyrici materiæ explicantur. *ibidem 1640.  
in 8.*

Dissertatio de Politicis Justi Lipsii, *ib. 1642. in 12. Francof.  
1674. in 12.*

Annotationes & Characteres Politici in C. Velleji Paterculi  
Historiam Romanam. *ib. 1642. 1662. 1672. in 8.*

- Laudatio Posthuma, qua illustris Viri Francisci Rudolphi  
 Ingoldi, Reip. Argentor. Senioris, memoriam publica  
 pietate honoravit Academia, *ibid.* 1642. in 4.  
 Commentarius in C. Cornelii Taciti XV. Capp. priora libri I.  
 Annalium, *ibid.* 1643. 1645. 1648. in 4.  
 Herodiani Historiarum libri VIII. cum notis & animadver-  
 sionibus, *ibid.* 1644. 1662. in 8.  
 De Ausp. cio Regio liber, *ibid.* 1645. in 4.  
 Notum Test. Gra cum ejus cura editum, *ib.* 1645. in 12.  
 Dissert. in C. Suetonii Tranquilli Caesares *ib.* 1647. in 4.  
 Comment. in Taciti Annales & Historias, *ibid.* 1648. in 4.  
 1664. in 8.  
 De Eloquentia Politici libellus, *ibid.* 1649. 1664. in 4.  
 Elogium Linnarti Torstenionii tumulo dicatum. *Holmia*  
 1651 in fol.  
 Orationes & Programmata. *Argent.* 1654. in 8.  
 Comment. de rebus Seculi à Christo nato IX. & X. per se-  
 riem Germanorum Cæsarum, *ibid.* 1656. in 4.  
 M. Manilius cum notis Jos. Scaligeri & Ism. Bullialdi, cura  
 J. H. Boëcler editus. *ibid.* 1654. in 4.  
 Annotationes in Terentium, *ibid.* 1657. in 8.  
 Dissertationes Academicæ, *ibid.* 1658. in 8.  
 Excerpta ex Actis Senatus in Parnasso, *ibid.* 1663. in 4.  
 Notitia Sacri Romani Imperii, *ibid.* 1663. 1670. in 4.  
 Museum, ad Amicum, *ibid.* 1663. 1672. in 8.  
 Tractatus de Amnestia, *ibid.* in 4.  
 Epistola ad Episcopum Spirensensem, *ibid.* in 4.  
 Commentatio in Hugonis Grotii lib. de Jure Belli & Pacis, *ib.*  
 1663. Ejusdem liber secundus, *ib.* 1664. in 8.  
 Elogium Christophori Fortinieri, *ibid.* 1669. in 4.  
 Lectiones Polybianæ ad Capellum, *ibid.* 1670. in 4.  
 Dissert. de Legione Romanâ, *ibid.* 1670. in 4.  
 Dissertatio de comparanda Latinæ Linguæ facultate, *Iena*  
 1669. in 8.  
 De Utilitate ex Historiæ universalis compositione capienda,  
*Argent.* 1670 in 4.  
 Animadversiones in Hippoliti à Lapide dissertat. de ratione  
 Status in Imp. Romano Germanico, *ib.* 1674. in 12.  
 Notæ & Animadversiones in Danielis Ottonis Jus publi-  
 cum, *ibid.* 1675. in 8.  
 Institutiones Politicæ, Dissertationes ad selecta Veterum hi-  
 storico-

stororum loca, & libellus Memorialis Ethicus, opus posthumum, *ibid* 1674 in 8.

De Scriptoribus Græcis & Latinis, ab Homero, ad initium sæculi post Christum natum XVI. Commentitio, *ib.* 1664, in 8.

Disputationes habitæ sunt ab Excellentissimo Boeclero, de variis iisdemque elegantissimis materiis, uti ex sequenti indice videre est; Exercitationes aliquot in Flavii Josephi Antiq. Judaicas; De conjuratione Catilinaria: De bello civili Cæsaris & Pompeji: De Cæsare Augusto: De Bello Mutinensi: De Bello Perusiano: De Bello Cassii & Bruti: De Bello cum Sex. Pompejo: De Bello Parthico: De Bellis Cæs. cum Antonio & Cleopatra, ac adversus exterarum gentes: De Triumviratu: De Subtilitatibus Politicis & Aulicis: Mæcenas sive Conciliator regius: Themistocles, sive idea magni civis: Epaminondas: Minos Maris Dominus: Scipio Polybii, ex fragmento Petresciano: Formula Pacis Antiocho à Romanis data: Historia Scholæ Principum: Theodoricus Ostrogothus Italiæ Rex: Hannonis Periplus: Comparatio inter Hippolitum Euripidis & Senecæ: Miles Captivus: In Bucolicon Virgilii quartum: *Συρίδας Ἀμφικτυονίδος*: Leges Ægyptiorum: Ex Psalmo 82. De Annoña sub Imperatoribus Romanis: De Congressibus & Colloquiis Principum: De Principalium Familiarum perpetuatione: De Lexicis Veterum, præsertim Græcorum, ad Photii Critica: De Mensura Pretii: De Mercatura Politica: De potentia Civitatum: *Ἰσοψηφία*, sive Calculus Minervæ. De peregrinatione Germanici Cæsaris: Judex unus & multi, ex Tacit. 3. Annal. 10. Historia Tamerlanis: De Dominio eminenti: De veteri & nova militia: De lingua Novi Testamenti Originali: De lingua Celtica sive Germanica: De Clarigatione & Manifesto: Argo nova, sive de Navibus heroicis & fatalibus: Historia Caroli M. Imperatoris Romani: De Impedimentis Pacis: De Legato: Civitas Maritima: Roma sub septem Regibus: Conductor Carolinus.

## PROGRAMMA,

<sup>Quo</sup>  
VICE-PRORECTOR ET SENATUS  
ACADEMIÆ KILONIENSIS

Ad Exsequias  
MAGNIFICI ACADEMIÆ PRORECTORIS,  
*Nobilissimi, Amplissimi, atque Experientissimi,*

VIRI,

DN. CÆSONIS  
GRAMMII,

Phil. & Med. D. Physiologiæ & Græc. Ling.  
Professoris Clarissimi,  
*Cives Academicos invitat.*

**S**extus jam ipse mensis exit, *Cives Optimi*, nec ex animis vestris effluxit ejus diei celebritas, quo in ipso sanctissimi Numinis domicilio, in ornatissimo splendidissimis aulae suggestu, Nobilissimo, Amplissimoque Viro, CÆSONI GRAMMIO, oblatum Ordinis literarii principatum gratulati sumus, vota que pro salute ejus nuncupavimus. Circumsonare etiamnum aures nostras nobis videntur, illi tubarum clangores, festæ prudentium voces; quas inter, purpureæ epomide, sceptrisque, quæ purpurati prætulere ministri, spectabilem domum deduximus. Nunc vero, quam rerum sit immutata facies, tristissimum vicissitudinis humanæ, quod ob oculos vobis versatur, spectaculum commovere vos potest. Quis enim fore unquam credidit, ut quem lætabundi olim inter campani æris strepitus ad ædem sacram deduximus, illi, cum deducendus nunc denuo esset, ut eo, quem acceperat, Magistratu se abdicaret, funus duceremus. Purpurati tum præibant Pro-Rectorem suum Ministri; nunc illi feretrum pullati præcedunt: Gestabant erecta Academiæ Sceptræ, amplissimi honoris insignia; nunc inversa tenent, atque ad terram inclinata: Publicæ tum lætitiæ; nunc luctui nostro æra sonant. Tum vocum ac modulorum suavissimis concentibus festum lætumque erat templum; nunc illud planctu lamentisque triste est & horridum.

Ibat



Ibat tum Ipse, atque hoc ipso adire die templum debebat, inter affectatores Collegas puniceo ornatus amiculo: nunc ille, feretro hoc recumbens, veste feriali amictus, non in suggestum, sed in tumulum, vestris, Cives Academici, humeris effertur; à nobis, non jam ut olim, exporrectis in lætitiæ frontibus, composito ad hilaritatem habitu, sed ejectis moerister in terram vultibus, sed facto ad squalorem luctumque vestitu deducitur. Quis præcipere cogitationibus auspiciatissimi Magistratus tristissimos hos eventus potuit? Quis ex isto, quod humeris ejus circumponebatur, ostro, velut ex ipsa suscepti regiminis aurora, has infandi doloris umbras, hanc acerbissimi funeris noctem divinare tum potuit? Nobis vero, quibus insperatum hoc objectum funus est, ut è carissimæ capitis interitu, maximus oboritur dolor; ita dissimulare illum vestro in conspectu non possumus, & ut olim effusione animi lætitiæ, ita nunc ejusdem contractione ægritudinem nostram testificamur. Nullius enim è nostris obitum dolentius comploravimus, quam ejus, cui justa hodie facimus, ejusque magnas habemus causas & justissimas. Etenim quam alii simplicem ac privatam dolendi causam habent, dum liberi parentem, uxor maritum, socer generum, affines affinem sibi adematum delamentantur; nos publicam habemus, dum vestrum vos Doctorem, nos Collegam nostrum conjunctissimum, atque hujus amplissimi Senatus Principem nobis ereptum lugemus. Cujus in luctus societatem ipse etiam Dominus noster Serenissimus, qua fertur in nos clementia, venire dedignatus non est. Quia enim Noster hoc in regno personam ejus vivus circumferebat, nunc in ipso suo funere ejus per Legatum Excellentissimum præsentia cohonestatur. Nec postremæ hoc in luctu partes dandæ sunt amplissimo Philosophorum Ordini, tum quia propiori illi consortio juncti fuerunt; tum quia alterum hunc primo Academiæ octennio Collegam letho datum vident. Primi enim illi inter nos è statione sua emigrarunt, & humanitatem professi, nihil à se humani alienum suo exemplo demonstrarunt. Cumque sub ipsa Academiæ auspiciis in Beati *Vatsonii*, quæ tum parabantur, exequiis parentaret à *Maxapirns* noster GRAMMIUS, ab ipsis satis ad hostiam quasi succidaneam visus est designari. Vos quoque, Cives Optimi, in Doctoris vestri jactura, intimis angustis sensibus non dubitamus; cujus in ipso ætatis flore erepti, præclara præ-

cepta in ipsa jucunditate fructuum nunc submarefcunt, dum memoriam refricant suavissimæ conversationis. Quem fide summa atque diligentia Naturæ vobis adyta recludentem, rerumque causas vobis inculcantem audivistis is nunc hoc extremo velut complemento disciplinæ suæ fundum omnem emensus est: dum in ejus investigatione spiritum ponens Naturæ debitum persolvit: quæ in puero juvenem, in juvene virum, in viro senem absolvisse, arque ultra fines suos nunc ablegasse videtur. Qui ergo scientia vos augere vivus, nunc exemplo suo potest mortuus, unde vitæ etiam rationes vos subductas habere nostra admonitione potestis. Illi quidem exiguum Vitæ curriculum Natura circumscripserat: quod, licet omne quis ævum pervixerit, ob artis amplitudinem, brevissimum Hippocrati videbatur: ea tamen doctrinæ suæ, paucorum annorum decursu, cômplevit spacia, ut in media ætate grandævæ etiam artis gloriam præciperet. Editus in hanc lucem est anno à CHRISIO nato supra millesimum & sexcentesium quadragesimo, die Margaretæ sacro, in munitissimo Holsatiæ oppido Tønninga, honestissimis parentibus, CHRISTIANO GRAMMIO, Cive ejus loci & Mercatore, ac CATHARINA, Viri Reverendi Presbyteri Milstediensis CÆSONIS HAGGII, filia, quam ille è conjugio cum Admodum Reverendi, Nobilissimi atque Amplissimi Viri CÆSONIS AB EMINGA Canonici, atque in Gymnasio Schlesvicensi Theologiæ Professoris tum meritiissimi neptæ susceperat. Ab his Viris & doctissimis, & Reverendi dignitate conspicuis CÆSONIS illi prænomen impositum est: GRAMMII nomen à prædio quodam Jutiæ GRAM, per Majores ejus, qui illic habitarunt, & quorum accurata adeo haberi notitia nequit, in Nostrium hunc pie defunctum traductum est. Primas in tenero animo bonarum artium lineas duxit, Scholæ Hufumensis tum temporis ConRector, nunc Schlesvicensis Rector M. ABEL FINCKIUS, cujus ille fidem diligentiamque, non immemor præstiti beneficii discipulus, vivus semper prædicavit. Ex ejus manu quasi & sinu Scholæ Lüneburgensis ad D. Johannis ConRectori traditus profligavit indies, ac bene in literis, linguis, artibus inchoata percoluit. Quibus optimæ indolis speciminibus facile effecit, ut suspicerent illum Condiscipuli, amarent Præceptores. Eisdem tum literis initiabantur Generosissimi Domini

mini ALBERTI BALTHAS. BERNHARDIDÆ, Hereditarii in Wansbeck duo filii, cum GEORGIO SEGERO, Medicinæ nunc Doctore ac Physico Thorunensi, studiorum moderatore eo missi, quorum in familiaritatem à condiscipulatu ut intraret, morum facilitate ac indolis suæ elegantia non difficulter effecit. Eaque arcta adeo inter illos contracta fuit, ut nec discessu suo distrahi illam passi fuerint. Quare quem hæctenus à ludo literario sodalem in ipsa studiorum incude positi habuerant, eum quoque in Altorfinam Academiam comitem sponte sua sibi adsciverunt. Eo itaque se trajecerunt, postquam eas, quæ interjacent urbes, natura, situ, ædificiorum pulchritudine in primis nobiles accurate perlustraverant. Hic NICOLAI RITTERSHUISII, Celeberrimi Jcti & Philologi CONRADI Filii, Juris Professoris ac Philologi clarissimi, domicilio ac convictu usi fuerunt, cujus nomini primam suam disputationem consecrare Noster voluit. Publica ille præstantissimorum Medicorum HOFMANNI & NICOLAI; privata SEGERI doctrina imbutus, non leviter timideque pulcherrima hæc studia liguisse, verum sic celeriter a videque, quasi diuturnam expleere sitim cupiens, arripere visus est. Per ipsum hic biennium commorati, perspectis prius, quæ erant in confinibus, pulcherrimis, florentissimisque Germaniæ, Bohemiæ, Hungariæ, Helvetiæ urbibus, Academiam Basiliensem concesserunt. Hic tres admodum annos Philosophiæ disciplinis, artique Medicæ Noster impendit, BAUHINI, STUPANI, ZWINGERI, aliorumque Virorum doctissimorum monitis ductus. Prima illi ingenii fœtura, de Naturæ abortibus, Monstris scilicet, docta dissertatio, JOHANNÉ ZWINGERO obstetricante, in lucem edita est, cujus post auspiciis summos in Philosophia honores Competitorum suorum signifer ac princeps obtinuit: quibus ut ultimum accederet complementum, de rarioribus quibusdam problematibus, ipse eruditæ velitationis architectus atque moderator, anno ætatis XXII. disputavit. Dici non potest, quam honorificis elogiis è complexu carissimorum sibi Doctorum, quamque ægre dimissus Noster fuerit, cum in florentissimam artium literarumq; matrem Galliam iter suum dirigeret. Quo per vicinas urbes instituto, primum Lugduni aliquantum subsistit, contracta cum Parabolano quodâ ejus loci amicitia, Hic in Nosocomiū, velut in Morbo-

niam quandam se ipsum ablegavit, ut quasi compendio quorundam tot sparsa per populos, urbes, domos morborum mala oculis subjiciens, altius eorum ingenium penetraret. & comminus eos, in rem ipsam deductus, aggrediretur. Hinc ad ipsam Regni principem urbem Lutetiam contendit, notataque illic tam ingeniorum quam operum elegantia, postquam Viris illic doctissimis innotuerat, illam Gallia percurrationem absolvit, inque reditu vel potius reversione sua non paucas Galliae, Lotharingae, Germaniae urbes celebratissimas pervidit. Cæterum quos ille hac è peregrinatione fructus coeperit; testari liber commentarius potest, quo omnia, quæ vel in Bibliothecis, vel in Museis, rariora ac singulana offenderat, vel è doctissimorum Virorum consuetudine exploraverat, diligentissime consignavit. Nihil itaque amplius restabat, quam ut publico Collegii Medici suffragio, titulisque ordinem hunc decentibus, studiorum suorum formam expletam haberet; qui in Lugdunensi Batavorum Academia cupide cumulateque dati sunt, postquam enucleatam de Syncope disputationem ingressus fuerat. Illis ornatus ubi se Kilonium retulit, non difficulter in amorem sui pellexit Nobilissimam Lectissimamque Virginem, DOROTHEAM CHRISTINAM, Plurimum Reverendi, Clarissimique Viri M. FRIDERICI JESSENI, Pastoris ea in urbe primarii, omni virtutum genere ornatissimam filiam, nunc viduam heu! moestissimam. Qua cum jus ille matrimonii castum, legitimumque ad extremum usque spiritum sanctissime custodivit; quam tenerrime amavit, adeo quidem, ut nunquam cum illa in gratiam redierit, ejus pulcherrimi amoris viva spirantiaque documenta habemus, filium unum, tresque filiolas, quibus immaturo hoc Parentis discessu, spes omnes prostratae, omnia humana quidem praesidia sublata videntur. Circa idem tempus, cum hoc divinae humanaeque sapientiae sacrarium in urbe sua Kilonio (ejus Noster ille situm, ac elegantiam delineare jussus erat) exstrueret Serenissimus noster Princeps, non exiguas ejus in hoc esse partes elementissime voluit. Nam cum Physiologiae ac Graecae Linguae illi Scholam daret, in hujus Universi omniumque elegantiarum possessionem vocare videbatur. Quam Spartam, qua fide & diligentia tam publicis quam privatis dissertationibus exornaret, pervulgatum apud vos est. *Cives Academici*, nec longa ab nobis oratione commemorandum.

randum. Quam jucunda cum illo Collegis consuetudo conversatioque fuerit, quam ille in omnibus vitæ partibus moderatus, honestus atque integer, & suam tractare personam & pertractare aliorum animos noverit, testari omnes possimus, quibus est prioris illius necessitudinis imagine, quæ ante oculos nunc subit, inflictum illud doloris vulnus retrahit. Ut breviter ac luculentis Comici coloribus depingamus.

*Sit visa erat: facile omnes perferre ac pati,  
Cum quibus erat cumque una, iis se dedere,  
Eorum obsequi studiis, adversus nemini,  
Nunquam proponens se aliis. Ita facillime  
Sine invidia laudem invenit & amicos pares.*

Denique & artem illam salutis humanæ præsidem mira exercuit diligentia, cujus tot apud Viros tam nobilis quam plebeji ordinis supersunt argumenta, ut non paucis salutiferæ illæ manus, non exiguis jam tum adversus morbos præliis, de quæ iis tropæis spectatæ, desiderantur. Sed & illi accidit, quod plerumque usu venire solet, ut lucernæ instar, quæ aliis lucendo ipsa consumitur, ipse inter officia illa conficeretur, ac, quibus alios sæpe mortis faucibus eripuerat, sibi imbellia ac inermia arma sentiret. Cum enim paululum esset à sanitatis suæ cura omissior, ac ad medicamentorum usum segnior, procedentibus sensim, quibus debile corpus fatigabar, laboribus, ipse non advertens, & causam morbo ac fomenta suggessit. Qui barbarus utique, ut barbarum ipsi Scorbuti nomen est, cum insidiari literatis ac barbarici omnis osoribus soleat, nec Nostro pepercit, sed ipsa illius viscera, antequam idonea illi tela obverteret, occupavit: Cum illò superiori anno gravissime conflictatus vix tantillum respiraverat, cum jam per cuniculos iterum adreperet, ipsam vitæ arcem invasurus. Nam postquam & stomacho male esse coepit, illeque viribus coquendi destitutus, qui ingerebantur, cibos regereret, omni hinc vitæ succo tabescente, fatuis vero humoribus ingravescentibus, nulla medicamentorum vi coercendis, animum in ipso etiam mortis articulo contpositissimum, non sine maximo religionis sensu, inter lachrymas complexusque amicorum, in manum Sanctissimi Salvatoris sui die Septembris XXI. placidissime exhalavit, cum ætatis annum ageret tertium & trigessimum, muneris professorii octavum. Nos interim ex sanguine huic corpusculo extremum per-

persolutori officium, vestri vos, *Cives Carissimi*, commonefacimus officii. Quod quamquam vel non rogatos facturos vos confidimus: (neque enim quenquam inter vos adeo ab humanitatis sensu, ut facere nolit, alienum fore suspicamur) ut tamen facere velitis, peramanter rogamus, Valet. P. P. Kiloni. a. d. V. Octob. An. clc lxc LXXII.

## SCRIPTA.

Chilonium, novus Holsatiæ Parnassus, *Slesviga* 1665. in 4.  
Examen Problematis Hippocratici, an de liquidis in fistulam spiritualement aliquid illabatur secundum naturam?  
*ibid.* 1665. in 4.

Disputationes habuit aliquot publice, quas inter sunt de Naturæ Abortibus, Monstris scilicet: De rarioribus quibusdam Problematis: De Anatomia Nivis: De Metamorphosi, qua Uxor Lothi in Statuam salinam est conversa: De Syncope, pro gradu Doctorali in Medicina obtinendo; De Sanguine: De Stella Regis Judæorum, ex Matth. 2. &c.

## PROGRAMMA,

In beatum Obitum

V I R I

*Nobilissimi, Amplissimi atque Excellentissimi,*

DN.

JOH. ANDREÆ  
BOSII,

In Illustri Salana Historiarum Professoris Publici undique Celebratissimi,

*Propositum à*

RECTORE ACADEMIÆ  
JENENSIS,

ERNESTO FRIDER. SCHRÖTERN,  
Jcto & Antecessore.

**S**I locus ullus in fixa nobis necessitate humanis precibus superesset, adeoque votis nostris intercipere, quæ humanitus accidunt, possemus, id nos in præsens unice optaremus, ut Nobilissimus DN. Collega noster, JOH. ANDREAS BOSIUS, qui nudius quintus meliore sui parte ex hac temporali vita in æternam migravit, adhuc apud nos esset. Nunc cum ob ineluctabilem vim fati frustra in ejusmodi vota quanquam valde pia effunderemur, id nostrum omnino est, ut iusta funebria, quæ persolutori ei hodie sumus, vobis, Academici Cives, significemus. Qui quo liquidius maxime cum per universam Europam factum ex enarrandis intelligetis, hoc rectius expendere, opinamur, poteritis, quantam cladem, non huic nostræ Academiae duntaxat, sed toti literariæ Reipublicæ obitus illius attulerit. Enimvero lugemus in illo eum Virum, qui, sicuti de infinitis hominibus præclare est meritus, sic quoque ab omni posteritate prædicabitur, quamdiu virtuti ac solidæ eruditioni suus honor constabit. Sed tanquam in tabula, quæ de vita Viri comperta habemus, more hucusque recepro consignabimus. Natus igitur NOSTER Anno hujus seculi vigesimo sexto, die Jun. decimo septimo, Lipsiæ est. Patrem habuit Virum virtute & fide spectata amplissimum, PAULUM BOSIUM, Gemmarium, qui A.C. 1664. d. 6. Martii; Matrem vero præstantissimam foeminam CATHARINAM, Viri dum viveret Reverendi, Amplissimi atque Excellentissimi DN. ZACHARIÆ SCHLIERI, SS. Th. D. & PP. ex fratre Andrea neptem, quæ A.C. 1637. d. 2. Jul. pie obdormivit. Qui clarissimi parentes quantum operæ posuerint in bene educando illo filio suo, vel hinc manifestum, quod is, adolescente pueritia sua, præter pietatem, ad quam à teneris unguiculis conducēctus erat, optime temperatos moderatosque mores studiose tenuit: Quibus post etiam, ubi grandior fieri cœpit, omnium animos ita sibi conciliavit, ut ipsum cum boni omnes singulari benevolentia complecterentur, tum in primis Præceptores, perspecto insuper ejus præstantissimo ingenio & discendi ardore in omnis generis disciplinis tractandis assidue jurent. Inde est, quod mirari quis possit, quod A.C. 1641. adeoque vix dum expleto anno ætatis suæ decimo quinto, in patria Academia, Decano tunc spectabili DN. ANDREA RIVINO, inculpata fiducia sui primam lauream

petie-

petierit: Ornatus enim ea d. 23. Octobr. jam dicti anni publice ita est, ut neque Superiores voluptatem, quam summam ex promittitudine ejus coeperant, dissimularint, & commilitones ejus, qui via eadem grassabantur ad gloriam, libenter ei adhaerere inciperent. Industrium autem magis ac magis incitabat hic honor. Nam qui nullis Dominorum Professorum publicis lectionibus ante interfuerat, nunc eas perquam diligenter frequentabat. Inprimis audiebat DN. MÜLLERUM, laudatum RIVINUM, & CONRADUM BAVARUM, tres eruditissimos Viros, quibus multa se debere sæpissime fassus est: quorum ille post Erotēmata Sphærica explicata Geometriam suam Philosophiæ Vogelianiæ suffixam, iste Epigrammata quædam vetera, hic vero Homerum publice prælegebant. Atque ut nominis mensuram impleret, & assereret sibi reliquis Baccalaureis publice opponendi facultatem, feliciterque assertam usurparet crebro, nonnullas de Sono theses confestim conscripsit, easque publice, ut Lipsiæ mos est, præsidendo defendit. Commorabatur autem ibidem per idem tempus M. JOH. KLINGERUS, Vir à varia eruditione informandique dextèritate nominatissimus; Hujus fidei concrediderat novellum istum Studiosum oblato minervali Pater, bene instruendi illius impense providus. Is igitur cum probe nosset, præcoces disputationes ad solidam eruditionem parum aut nihil, utramque autem linguam mature imbibitam conducere plurimum, veritus, ne, si humanioribus studiis animus ejus non sanaretur, contradicendi pruritus iste in *de-novo-phiæ*, quovis perniciali morbo pejorem erumperet, addictam suam operam spei optimæ adolescenti sic præstabat, ut ad optimos ei tam graecos quam latinos Auctores, illis horis, quibus publice auscultabat nullos, domi nec perfunctorie legendos quotidie præiret. Neque enim cum illo, difficiliores ei textus exposuisse, & quod summum in hoc negotio vulgo esse putatur, nec momenti nihil ad docendum habet, subjuncta paraphrasi dilucidasse contentus, aut quæ scita videbantur minio notasse, à Scriptore ad Scriptorem properabat, sed quod à paucissimis expectes, sic eum ducebat, ut certis Auctoribus, iisque præcipuis, familiariter cognitis, & reliquis, de quibus rebus inter quos conveniret aut discreparet, *παρρησια* monstraret. Addebat & alia multa, quæ ad stylum dignoscendum, quæ ad cujusque Scriptoris ætatem inve-



investigandam, quæ denique ad habendam memoratis fidem pertinere poterant. Unde factum est, ut unus anni spatium plus Noster profecerit, quam quantum alius triennio vix potest. Cujus rei præclara testimonia sæpe ad multos perhibuisse celeberrimum RIVINUM, qui experiundi ejus gratia interim aliquoties illum ad se accersiverat, auditione accepimus. Verum elapso illo anno, in cujus finem initium anni 1643. inciderat, eximius ille studiorum moderator, res suas sibi impofterum unice curandas causatus, ægre quidem, at grate ab utroque Patre & filio, dimissus est. Quocirca Pater in novam sollicitudinem se conjectum videns, neque tamen diffidens, filium etiam extra penates patrios se bene gesturum, non diu deliberabat, quid optimum factu, sed cedebat ejus precibus multorum eruditorum suavis itiparis, ei-que permittebat, quamprimum veller, Wittebergam aiiiret. Maturabat autem Noster, quoad potuit, res suas, itoque venit adhuc Rectore CONRADO VICTORE SCHNEIDERO, Phil. & Med. D. & P. P. qui anno 1642. lanente Academicos fasces capeffiverat. Inscripto nihil sanctius novimus, nihil antiquius fuisse, quam ut cum doctis versaretur. Ac primum quidem à Clarissimo Viro, DN. M. BALTHASARE CELLARIO obtinuit, ut se sibi socium mutui adscisceret, deinde vero, cum idem CELLARIUS, Witteberga migraret, Viri pariter Clarissimi DN. M. JO. CHRISTOPHORI SELDII, tunc Adjuncti Wittebergenfis Facultatis Philosophicæ longe dignissimi contubernium invit. De cetero ibi sic vixit, ut neque ignaviæ, neque petulantæ, nedum gravioris alicujus commissi, unquam incusari à quoquam potuerit. Tempus enim illud, quod tot alii male conestationibus consumeabant, studiis tribuebat, retinensque suæ indolis, qua optima erat, in succum & sanguinem interim convertebat privatim, quæ ex publicis prælectionibus celeberrimorum Virorum, AUGUSTI BUCHNERI, & JOH. SPERLINGII, quin etiam NICOLAI POMPEJI sibi annotaverat. Etenim, cum ex Klingeriana institutione ad studium Eloquentiæ incensus esset, & ab illo quidem dicendi præcepta, ab isto vero rerum naturalium notitiam, adeoque affatim dicendorum quotidie hauriret, gnarus à Matheti, cui jam in Patria vacarat, haut leviter perfici Oratoriam posse, neque hujus doctrinam negligebat percipere, quæ Geometrica tum erat. Horum omnino Disputationes pertinent,

quibus ibidem nunc jam par isti conatui non sine magno emolumento qua publice, qua privatim haud raro interfuit, & illæ in primis, in quibus ipse aut respondendo aut opponendo personam suam egregie gessit: Quorum prolixum catalogum è præbitis nobis schedis cum allatis contexeremus, nisi potiora haberemus referre. Anno 1645. circiter autumnum domum reversus non invito Patre summus in Philosophia honores petere proposuit. Id vero faciendi cum copia nondum esset, interim è supra memoratis Viris, DN. MÜLLERUM & DN. RIVINUM audiebat, (tertius enim, CONRADUS BAVARUS, è vivis excefferat) illum Matheseos universa capita, hunc Horatii librum de arte Poëtica tum doctissime explicantem. Data ad tempus consuetum licentia inclutæ Facultati Philosophicæ modeste significavit, quo desiderio teneretur. Cumque animadvertisset eam gratificationem sibi fore, primum sub præsidio RIVINI sui Disputationem de æstu marino, ejusque nominibus tam antiquis quam recentioribus, exquisitè conscriptam, è publica cathedra non minus promptè quam doctè defendit: tum & privatim, sed ad id requisitus, Amplissimis DNN, Professoribus laudatæ Facultatis degustandum præbuit. Ad extremum post satis patefactam eruditionem d. 29. Januar. ann. 1646. una cum reliquis Competitoribus bonarum artium Magister publice renunciatus, & ita quidem est, ut doctissimus quisque luculentissimo elogio eum condecorarit. His honoribus auctum splendida privilegia cum titulo concessa, nec ubivis obvia in patriæ gremio continere poterant; sed nequibat Noster altiora cogitans in domesticis rebus diu acquiescere. Quare, quod facere præstantiores mercatores solent, qui tabernas suas multiplici rerum varietate exornaturi domi & prope alicubi nascentia non despiciunt quidem, sed tamen iis haut sane contenti in remotas etiam terras subinde abeunt, ut peregrinis eas mercibus magis locupletent, id ipsum fere sibi quoque faciendum putavit esse, posteaquam animum suum quam pulcherrime quamque copiosissime posset exornaturus, non in patria tantum, sed & in vicina Academia studiose conquisiverat, quibus instruere-  
tur. Igitur sequente anno 1647. sub initium mensis Julii Argentinam se contulit, ut & istinc augeret suam variam doctrinam, qua jam tum plurimos suorum æqualium antecellebat,

celebat. In qua celeberrima urbe cum commodum summam Academicarum rerum de Ecclesia Christi bene meritus Theologus JOH. CONRADUS DANNHAUERUS administraret, se ei simul in obsequium stitit, simul optime commendatum in favorem tradidit. Et sunt quibus coram sæpe dixit, maximam sibi eruditionis accessionem tempore illo factam. Unde summam fidelitatem intelligere in proclivi est, quæ ipsi præivisse laudatum DANNHAUERUM, SCHMIDIUM, DORSCHUM & BOECLERUM oportet. Illos enim, prorsus celeberrimos Viros, in Theologiæ & Ecclesiasticarum Antiquitatum studio, hunc, incomparabilem & Historicum & Politicum, in profana historia & civili prudentia pariter atque in omni politiori literatura per integrum quadriennium secutus est. Credimus diutius illum ibi hæsurum ob commodam occasionem in Italica, Gallica, Hispanica & Anglica lingua, quarum singularum fundamenta ibidem jecerat, multum proficiendi, indeque in ipsas Terras, quarum suæ illæ linguæ, prius excursurum quam domum repeteret, nisi citius opinione revocasset Pater. Cui obsecundaturus, ne per easdem ditiones, quas in aditu brevissima via proficiscens attigerat, in reditu transiret iterum, tale iter instituit, ut secundo Rheno Agrippinensem Coloniam usque devectus, Trevirorum Augustam rēmearet, inde per Moguntiam, Francofurtum & Herbipolim Norimbergam veniret, hinc denique recta in patriam reverteretur. In quo proposito adiutus admodum commendatitius est, Vocaverant ipsum ob inextinguitam aviditatem legendi ad amicos suos DORSCHUS & BOECLERUS hæluonem librorum, laudaverant ejus singularem modestiam, & de reliquo verbis benevolentia plenissimis sic eum extulerant, ut passim comiter exciperetur. Patebant pervisuro insigniores Bibliothecæ, monumentorum perito ad plurima inspicienda via aperiebatur, inque coëmendis numismatibus curioso antiquissima non monstrabantur tantum, sed & sæpissime venum dabantur. Frequens præterea in eodem itinere Bibbopolia intravit sedulo pervestigans, quid librorum adesset, talesque propositos, quos aut dudum impresos diu desiderabat, aut recens editos simul atque adspexerat spe devorabat, pacto pretio est mercatus. Sic in reducem factum omnibusque Rhenanis ac Mosellanis vinis pretiosiora profundo spiritu repetentem universa Lipsia ora &

oculos convertit: multis tot exoticas linguas tantamque rarissimorum numismatum & librorum copiam, aliis rerum divinarum & humanarum excellentem scientiam, plerisque incredibilem fructum demirantibus ex non longissima peregrinatione perceptum. Noster autem cum facile intelligeret se domum à Patre ideo revocatum, ne diuturnior absentia in futuris honoribus adipiscendis sibi fraudi esset, neque ipse dubitasset sui ingenii divitias palam ostendere, privatim Scholas, publice disputationes, & eas utrasque celeberrimas habuit: è quibus duas doctissimas Diatribas, quas ambas de Maculis Solaribus composuit, propterea non omittimus hoc loco laudare, quia illis Affessuram, quam Lipsiæ vocant, in incluta Facultate Philosophica rite anno 1655. obtinuit, adeoque integro post biennio, quam in celeberrimo COLLEGIO GELLIANO, quod ibidem est, commodum locum ad amplissimam sibi gloriam acquirendam nactus esset. Neque enim ignoremus fuisse tum in illo HORNIGIOS, SCHILTEROS, SCHERTZEROS, RAPPOLTOS, FRANCKENSTEINIOS, STEGEROS aliosque doctrina & ingenio facile primos, ad juris divini & humani scientiam bonas literas certatim accommodantes: quorum paucissimi post depositas mortalitatis exuvias solo nomine inter nos vivunt; reliqui adhuc divino beneficio, prout ex fide reque publica videtur, muneribus suis splendidissimis perfunguntur; qui cum à Nostro quippe novello Socio suo quotiescunque convenissent, præclare cogitata in Optimos utriusque linguæ Scriptores audirent, suamque voluptatem, quam summam inde non poterant non percipere, apud alios subinde testificarentur, eveniebat forte, ut fama ejus rei ad illustres literaræ Reipublicæ Duumviros BARTHIIUM & REINESIIUM perferretur. Id sentiens Noster, simul & confidens, si ad tantos Heroas in unaquaque non præpostera discendi cupidine delectari solitos tanquam ad oracula deliberatum veniret, se non pessime acceptum iri, in Societate quidem ista, qua via coeperat, perrexerat porro, coeterum ut his penitus innotesceret, hoc consilio effecit. Scribebat ad utrumque de difficilioribus rebus, cum exponens modeste, quid sibi videretur, tum maxime rogans, ne deessent avido, quid errasset, sciendi. Ita BARTHIIUS qui plurimam suam vitam tum ibidem debebat, nec indigne ferebat, se à talibus compelliari, sive quod tempus respondendi non haberet,

beret, sive quod ipse laudata sibi studia tentare gestiret, liberali admissione honestabat eum, de sua voluntate prolixè promittens; REINESIUS vero, qui tum Altenburgi habitabat, neque nisi eminus respondere ad acceptas poterat, citissimis literis tanquam intervallum locorum & temporis compensaturus, non ingrata petenti sic gratificabatur, ut ipsum ad similes crebro mittendas amicissime instigaret. Idem consilium & eo valebat, ut in plurimorum aliorum notitiam, in primis multorum exterorum veniret, cum quibus aut illi aut huic commercium literarum erat. Sed quasi è diverticulo in viam redeamus. Positis per Assessorum ad majores dignitates auspiciatissimis initiis, sedem suam plerisque videbatur Noster in patria fixurus, neque ipsum opinamur cogitasse aliter; at divino Numini, quod res mortalium sapientissime moderatur, benigne placuit, ut anno 656. d. 11. Januarii, cum magna omnibus spes esset bonas literas sub ipso efflorescere hic posse, Clementissimis hujus Academiæ Nutritoribus postulantiis, ad Historiarum Professionem huc à nobis evocaretur. Quod munus amplexo inauguratoque affirmatè testamur ita bene successisse omnia, ut nihil tam magnificum prædicare de ipso possimus, quod ejus summæ virtutes non superarint. Siquidem Studiosis suam operam debitam in tradenda omnis generis & in primis Ecclesiastica Historia sic incipiebat navare, ut gliscens ejus fama indies novis laudibus longe lateque amplificaretur; Collegis vero suis in confirmanda amicitia admirabilis modestiæ fideique dabat plurima specimina. Neque alius temporibus insecutis fuit, etiamsi invaletudinem interdum tulerit. Infirmior enim factus studebat domi prodesse, Collegis amore, Studiosis consilio, utrisque libris, si quis opem ejus publice impossibilem privatim exposcebat. Inter hæc se literis crebrioribus in vicinorum & exterorum consuetudinem adeo immerfit, ut hodie proxime Germaniam, neque Italia eum, neque Gallia, neque Anglia, neque Batavia, neque Dania, neque Suecia, neque Moscovia ignoret. Reliquam diligentiam cum ad propria scripta, tum ad aliorum edenda, maxime vero ad Auctores quosdam veteres illustrandos utiliter contulit. Sic novimus eum Georgii Syncelli, Nicephori Constantinopolitani, & Theophanis Chronographias, Genesii Historiam rerum ab initio Leonis Armenii usque ad excessum Basilii Macedonis gestarum,

jussu Constantini Porphyrogeniti ante annos quasi 700, conscriptam, quam anno 1652. è MS. membranaceo Lipsiensis Bibliothecæ Collegii Paulini sua manu descripserat, & Anonymi Chronicon ab edito Urspergensis non multum differens similiter è MS. membranaceo, at nostræ Bibliothecæ & adhuc describendum suis animadversionibus augere adornareque instituisse. In JOSEPHI autem opera antiquitatum Judaicarum Scriptoris ad fidem vet. MSS. Codd. emendanda & notis illustranda hoc magis incubuit, quo majore aliorum clementia, gratia & beneficio in isto negotio detentus est. Neque enim alienum fuerit hoc loco meminisse Sacratissimi nostri Augustissimique Cæsaris, LEOPOLDI, quem ut bono Germaniæ natum boni omnes fatentur, sic nunquam desinent pro incolumitate & felicitate ejus Deo supplicare; Qui cum Serenissimum Principem ac Dominum, Dn. AUGUSTUM, Ducem Brunsvicensium ac Luneburgensium, Principem dum viveret in omnes eruditos longe propensissimum, ex celeberrimo Viro, PETRO LAMBECIO, Consiliario, Historiographo ac Bibliothecario suo, clementissimè intellexisset antiquos Flavii Josephi codices manu exaratos tam latinos quam græcos in augustissima Vindobonensi Bibliotheca asservatos habere ad conatus Nostri optatissimos, quos multi sæpe ei commendassent, promovendos magnopere expetere, illustri ejus desiderio perbenigne sic indulgit, ut quotquot adessent, ei quamprimum mitterentur. Celsissimus vero Princeps ac Dominus, Dn. AUGUSTUS, gloriosæ recordationis, simul atque concupitos istos codices omnes, eosque quatuor græcos & tres latinos, plerosque membranaceos ipse acceperat, datis illustribus ad Nostrum literis illico præcepit, ut huc sine mora transveherentur. Ita obruto tot Codicibus mox alius MS. ex Bibliotheca Schleüsingenfi, isque græcus & chartaceus una cum literis amantissime scriptis transmissus est à Perillustri ac generoso Dn. VITO LUDOVICO SECKENDORFIO, qui æque singulari doctrina & prudentia plerosque sui ordinis præstat, atque summa dignitate in Aula Saxonico Cizensi eminet. Allati & alii multi MSS. Codd. tam græci quam latini ex Augustana, modo dicta Lipsiensi Paulina, & Norimbergensi instructissimis Bibliothecis, & nuperrimè alius MS. membranaceus æstimabilis vetustatis, sed latinus, ex illustri Portensi Schola,

mittente

mittente Generoso Dn. JO. SIGISMUNDO ab OSTER-  
 HAUSEN, maxime Reverendi Capituli Numburgensis Præ-  
 positio, & Dicastarii Provincialis Jenensis Præsides, Scholæq;  
 dictæ inspectore gravissimo. Ut illustrem BOINEBUR-  
 GIUM, & Clarissimos Viros, EMERICUM BIGOTIUM,  
 NICOL. HEINSIUM, JO. FREDER. GRONOVIIUM,  
 JO. GEORG. GRÆVIUM aliosque taceamus, qui causa  
 illius laboris omnes, quæ pro sua quisq; parte potuit, prom-  
 ississime fecerunt. Quanquam & hoc ei pergendi alacritatem  
 addidisse arbitramur, quod exteri, posteaquam fama de  
 utilissimo instituto isto huc & illuc passim emanaverat, &  
 imprimis Angli cum Germanis de imprimendi honore fere  
 certarint: cujus rei novissimum documentum dedit haud ita  
 pridem nomine Oxoniensium Professorum quorundam, qui  
 curam typographicæ juxta atque literariæ rei sustinent, di-  
 gnamque Theatro Sheldoniano (sic vocant Typographeum,  
 quo Cantuariensis Archiepiscopus, Sheldonus, Academiam  
 Oxoniensem nuper augeri jussit) novam Fl. Josephi editio-  
 nem moliantur, illustrissimus LEOLINUS JENKINS, re-  
 gius Britannorum ad hos Colonenses de pace conventus  
 Orator, quando binis illis humanissimis literis, alteris suis,  
 alteris proxenetæ Magnifici EZECHIELIS SPANHEMII,  
 Serenissimæ ac Potentissimæ Electoribus Brandenburgico &  
 Palatino à Consiliis Status, inq; tractu Rhenano Residentis  
 eminentissimi, Nostro significavit esse in Anglia adornando  
 isti Operi ab aliquot retro annis undiq; auxilia multa & va-  
 ria conquesta. Inprimis Samuelis Periti notas certo pretio  
 redemptas, Nunc & illius doctissimas emendationes, quæ diu  
 expectentur, vehementissime desiderari. Itaque valde rogari  
 eum, quamprimum rescribat, quousque juvare istud moli-  
 mentum velit. Quicquid beneficii collaturus esset, id omne  
 honorifica Ejus Nominis mentione agnitum iri. De cætero  
 mercedem honestissimam fore, & quantam ipse statuturus es-  
 set. Neq; tamen quicquam istarum lucubrationum omniū  
 præter jam editas justam maturitatem, adversa valetudine  
 studiis toties obnitente, est assecutum; sed certe habebit o-  
 mnium seculorum posteritas vel in solis animadversionibus  
 ad CORN. NEPOTEM, sicut in iterata editione, quæ prope-  
 diem prostabit, reformatæ sunt variaque rerum optimarum  
 scientia auctæ, quod suspiciat. Intra idem tempus Decana-  
 tum quinquies, Rectoratum semel, utrumque maxima

cum laude gessit: è quibusei Decanatus ultimus ad mortem fatalis Rectoratus unicus, qui in annum Chr. 1661. incidit, ob Pennahitum tum proscribendum & profligandum summe laboriosus & molestus fuit. Denique commemoramus & DISQVIRENTIUM SOCIETATEM, quæ heic auspicias ejus fere ante biennium laudabiliter coaluit; quam tamen non ignoramus suum in illo Patronum sibi ereptum acerbè dolere; at magnum tamen solatium confidimus in posterum reportaturam ex incredibili favore, quo eam complectitur Magnificus, Nobilissimus atque Consultissimus Dn. JO. SCHILTER US, hodie Serenissimo Saxoniæ Duci BERNHARDO à Consiliis Aulicis & sacris, Vir æque literarum elegantiorum omnium ac juris universi longè scientissimus. Atque hæc quidem omnia ad merita spectant, quibus Noster nobilitavit hanc nostram Salanam; qui vero cupiunt & de rebus ejus domesticis cognoscere cœlibem per primos octo annos, quam huc advenerat, mansisse sciunt. Post in matrimonio secum junxit Clarissimam Fœminam, agili diligentia & prudentia rara, omnibusque reliquis virtutibus muliebribus jam dudum, quicquid ubique est lectissimarum, aut æquantem aut supergressam, ANNAM BARBARAM CUMMERIAM, Nobilissimi atque Consultissimi Dn. ERASMI UNGEBAUERI, JCi & Antecessoris bene de nobis meritissimi privignam, ut & plurimum Rev. Ampliff. atque Excellentiiff. Dn. M. JOH. HOFMANNI, SS. Theol. Candid. dignissimi, primum Archidiaconi Sondershulani, deinde in Aula Quedlinburgensi Ecclesiastæ Vigilantiiff. & Consistorii, quod ibidem est, Assess. graviss. Viduam. Celebratæ sunt nuptiæ anno 1664 d. 31. Octob. & ita quidem, ut quisque congratantium, quasi conjugum præviderit futurum optimum, sic illud non tam voto expetiverit, quam latissimo vultu annunciaverit posthac fruituris. Faustiissimo omine, posteaquam hodie inter omnes constat, in amore mutuo neutrum alteri cessisse unquam, nisi quod Nostrum, quando morbo fuit impeditus, assiduus officiis uxor optima vicerit. Sobolem nullam procreaverunt: quæ si aliquâ esset, maternarum lacrymarum & ipsa lacrymabunda ob defunctum efferendum causas augeret. De cujus obitu ut postremo dicamus, notum vulgo est, quod arthritidis vaga scorbutica jam à longo tempore vires ejus adeo fregerit, ut, quemadmodum spes nulla integræ

vale-



valetudinis recipiendæ apparuit in ipso, sic singulis annis minimum semel decubuerit. Et quamvis veriti haud raro fuerimus, ne ultima hora ægroto infaret, Dei tamen beneficio factum hætenus est, ut semper aliquousquæ convalesceret. At sub initium hujus anni, cum solito magis suas vires languescere sentiret secum, aliquoties ipsum dicentem audivimus ipsi, beatum ROLFINCIUM se brevi secuturum, id haut vane prædicente CAROLO PATINO, nobilissimo Medico qui in quarta sua Relatione Historica ad Serenissimum Brunsvicensium ac Luneburgensium Ducem Dn. ANTONIUM ULRICUM, sic fere scribat: invisisse se Jenæ in transitu duos Professores, ROLFINCIUM & BOSIUM, neutrum posthac diu victurum: Illum enim senectute premi, hunc multo juniorem, nihilo firmiorem esse. Semper tamen ereximus in has cogitationes delapsum meliora expectaturi. Neque facile putassemus quippe toties recreatum tam subito expiraturum; sed cum arthritica materia, quæ alias fere semper in nodos coiverat, in sinistro thoracis latere sedem fixisset, & proxime elapso die 28 April. in pleuritidem spuriam erumperet, cœpit certissimum prædictorum eventum pertimescere curationis causa requisitus honoratissimus Dn. Collega noster, Vir Nobiliss. Excellentiss. atque Experientiss. Dn. GEORG. WOLFG. WEDELIUS, Med. D. P.P. & Medicus Ducalis Saxonicus longe celeberrimus, qui licet remedia pellendo morbo, corroborandoque corpori summe debilitato idonea mature adhibuerit, tamen animadvertit, cum interea calidum innatum sensim consumeretur, spem antea exiguam nunc prorsus præcidi. Quare die sequente 29. Apr. mane Noster animam suam sacris mysteriis expiatam Deo commendavit. Neque ita multo post inter circumstantium preces atque gemitus placide in Salvatore suo obdormivit. Hic religiosissimi ac celeberrimi nostri Professoris BOSII, in varia literatura in id evecti, super quod pauci adscenderunt, duodequingagesimum annum complentis, vitæ fuit exitus: In tantum in illo viro à se discordante natura, ut cui ingenium par summis ausis benigne dederat, deessent corporis vires ad perficienda. Vestrum nunc est, Academici Cives, ut funus tanti Viri hodie hora I. deducendum, audita concione ad dormitorium ejus frequentes prosequamini, Deumque veneremini, quo tristes hujusmodi casus non tantum ab Ordine

nostro, sed à toto Academico corpore imposterum aver-  
runcet. P.P. d. 3. Maji Anno salutis Christianæ M DC  
LXXIV.

IN EXCESSUM

JOH. ANDR. BOSII,

Viri de Re literaria egregie  
meriti,

*BOSIVS, heu! vixit: sed vivit in ore Virorum  
Doctorum fama BOSIVS atque viget.  
BOSIVS ingenio totum comprehenderat orbem.  
Prenditur angusto BOSIVS in loculo.  
BOSIVS in vita fuerat Polyhistor acutus  
Multis nunc prabet BOSIVS historiam.  
BOSIVS excessit vita: qua fata manerent  
Mortales cunctos BOSIVS ipse docet.*

ERN. FRID. SCHRÖTERUS,

JC. & Antecessor h. t.

RCETOR.

KENOTAFION.

*BOSIVS, haud pridem docto carissimus Orbi,  
Afflicti heic posuit corporis exuvias.  
Perdidit hoc obitu praeclarum IENA Magistrum:  
Nec reddent facile tempora multa parem.*

HERM. CONRINGIUS, S. R. M.

Daniæ & Norweg. & Sereniss. Duc.

Brunsvic. Luneburg. à Consiliis,

atque in Academia Julia P.P.

SCRIPTA.

Ortus, educatio & studia Julii Agricolæ, Scriptore Cor-  
nelio Tacito, cum notis & glossario. Iena 1656.  
in 4.

De Significatu Cometarum Dissertationes & judicia docto-  
rum hominum, collecta, emendata, & Cometo-  
manticæ nostri temporis opposita. *ibidem* 1665.  
in 4.

Exec.

**Exercitatio Philologica** ad II. Epist. ad Timoth. II, 22.

In qua ostenditur, *ισωτερας ισοθυμίας* perperam exponi novas vel novarum rerum cupiditates, &c. *ibid.* 1660. 1673. in 4.

**Schediasma** de Comparanda notitia Scriptorum Ecclesiasticorum. *ibid.* 1673. in 4.

**Cornelius Nepos**, de Vitis excellentium Imperatorum, cum Annotationibus. *ibid.* 1673. 1676. in 8.

**Introduc-tio** generalis in notitiam Rerumpublicarum orbis universi. Accedunt ejusdem Dissertationes de Statu Europæ, quibus omnium ejus Imperiorum juxta & Imperantium numerus religionis, item litterarum, bellicæ ac pacis ratio, qualis nuper erat, designatur. *ibid.* 1676. in 4.

**Dissertationes** Isagogicæ de comparanda prudentia, juxta & Eloquentia Civili, deque libris & Scriptoribus ad eam rem maxime aptis. *ibid.* 1676. in 4.

**Disputationes** etiam aliquas singulari industria elaboratas reliquit e.g. De Coronarum gestatione: De maris reciproca æstuatione & de Nautea: De æstu marino, ejusque nominibus tam antiquis, quam recentioribus: De Imperio Turcico: De Ara ignoti Dei. De Sono: De juvenilibus Concupiscentiis: De Clinicis Ecclesiæ Veterum: In Periocham Flayii Josephi, de Jesu Christo: De Ostracismo: De Pontificatu Maximo Romæ Veteris: De Pontificatu Max. Imperatorum Romanorum: De Inventa Cruce Dominica narrationes veterum: De Veterum Adoratione: Characteres beatæ Reip. è præmio vitæ Agricolæ à Corn. Tacito scriptæ, &c.



JO. GEORGII GRÆVII,  
ORATIO FUNEBRIS,

IN OBITU  
Viri Clarissimi & Doctissimi

JOANNIS DE  
BRUYN,

Physices & Matheseos Professo-  
ris in Academia Trajectina celeberrimi,

*Habita in Acroaterio majore Nonis Novembribus  
cId Idc LXXV.*

*Illustres ac Potentes Provincia hujus Ordines, Nobilissimi  
& Amplissimi Urbis Trajectina Consules & Senatores,  
Academia Curatores, Curia Provincialis Senatores  
Gravissimi, Magnifice Rector, Professores Celeberrimi,  
Collega Venerandi, Reverendi Verbi divini Pracones,  
Præstantissimi omnium disciplinarum Doctores, Cognati  
& Necessarii pie defuncti mœstissimi, Vosque ceteri om-  
nium ordinum ac dignitatum Auditores, & Tu Nobilissima  
Studiose Juventutis concio.*

**C**onscendendum denuo est hoc ferale pulpitum, in quo  
non ita pridem atrati mœrentesque fecimus officium  
Cl. Diemerbrœckio. Vix deposueramus lugubria cum no-  
vam & atrocem plagam accepit Academia nostra, paucos  
ante dies amisso Viro celeberrimo, Joanne Brunone, qui tres  
& viginti annos magna cum laude rerum naturalium abdi-  
tas causas, & artium Mathematicarum inælligentiam stu-  
diosæ juventuti hic tradidit. Hæc jactura tanto gravior est,  
quo rariores sunt in tanta turba ad ingenuarum artium cul-  
tum se applicantium, qui boni doctoris Academici personam  
tueri possint ac sustinere. Nunquam magnus quidem fuit  
proventus virorum excellentium, quos ingenium armavit  
ad omnia, quæ desiderantur ad eximii magistri numeros im-  
plendos;

plendos; aliud tamen tempus alio fuit ingeniorum præstantium feracius. Superiore memoria tantam effudit Batavia hominum eruditissimorum copiam, tot tulit insignes in omni doctrinarum genere viros, ut hujus gloriæ palmam omnibus fere gentibus Europæis præiperet, tantæque admirationi esset exteris, ut testarentur omnes nihil esse hoc orbis angulo beatius, in quem Athenæ ac Roma cum libertate & cum omnibus suis artibus migrasse viderentur. Sed laus hæc consenuit. Quanta enim nunc vastitas, quanta solitudo, quanta virorum talium orbitas! Fertur olim Diogenes accensa meridie lucerna homines quæsisisse: in nostris Athenæis si quis novus est arcessendus doctor, qui aut mortuo sufficiatur aut discedenti, ut liberalioris aliquod disciplinæ genus scienter præcipiat, accensis facibus, sicut Ceres apud Poëtas, orbis fere terrarum est peragrandus, & vix tamen invenitur, cui digne possint hæ partes imponi; non quod effæta sit nostræ tempestatis virtus, aut natura malignior, ubertate consumta, in producendis ingeniis: sed quod luxu & sordidia plerique omnes corrupti severas proficiendi leges averfentur, & nolint gradibus illis laborum legendi, audiendi, & meditandi, per quos provecti sunt nostri majores, ad illam summam eruditionis, enit., sed affectent potius compendiarium omnium brevissimam, libatis tantum doctrinæ fontibus an lacunis dicam, labris primoribus, quanta possunt maxima festinatione properantes in curias, tribunalia, cathedras Ecclesiasticas, & medicorum pergulas, ut quo crudiora sunt studia, eo citius suos exerceant sumtus. Idcirco viri eximii, quos ingenii & eruditionis solidæ commendatio, & studiū in formanda fingendaque juventute supra vulgus extulerunt, non solum cum in cœtibus hominum versantur, sunt suspiciendi, sed & eorum memoria, cum emeritis vitæ humanæ stipendiis immortalitati sunt transcripti, comiter est habenda in primis, & pro meritis celebranda. Nullum gratius & dignius pietatis munus iis possumus persolvere. Non enim decorantur inanibus lacrymis, quæ brevi inarescunt, nec muliebrium neniarum planctibus, sed honorifica recollectione & commemoratione quæ laudabiliter egerunt. Nam licet ipsi æternitate nominis se vindicarent ab oblivione & illærabili illa nocte, qua premuntur qui in tenebris & silentio sicuti muta animalia ignobile sunt prætervecti ævum, & nihil unquam dixerunt gesseruntve, propter quod eorum

vita

vita majoris facienda sit quam mors, exempli tamen interest ne virtutes eximiae tacitae transmittantur, quae quo magis aestimantur, tanto plures illarum exardescunt amore & imitatione. Hinc istum etiam honorem Patres Academici decreverunt more majorum Cl. Brunoni, mihiq; hanc mandarunt provinciam, quam nec Senatus nostri auctoritati, nec viri multorum annorum usu & consuetudine mihi conjunctissimi manibus, nec necessariorum ejus precibus potui debere. Vestram benevolentiam, Auditores, mihi spondet non tam dicentis ingenium, quod nullum in me agnosco, aut sane perquam exiguum, quam viri, de quo dicturus sum vir-tus, eruditio & desiderium.

Quo censetur homines maxime, id quidem animo recta disciplina formato praecipue debetur: plurimum tamen refert quo in solo vitales auras hauserimus, & ex quibus provenerimus parentibus. Nam ut frugum semina melius respondent, pro terrae cui mandantur, coelique, sub quo coalescunt, ingenio: sic & natale solum, & plaga coeli cujus spiritum ducimus, non corporibus solum sed & animis dat habitum. Atheniensium subtilitas, summaque, qua pollebant, dicendi sapiendique vis coeli illius, agrique tenuitati assignatur. Hinc & Minervam ajunt, cum illam statuere vellet urbem, praecipue regionis naturam spectasse, talia promittentem ingenia. In crasso Bæotorum aëre stupidi & hebetes nascebantur homines. Scythas aliosque Septentrionales populos Borealis coeli asperitas tanta immanitate efferabat, ut nati ad hominum caedem, & gentium interitum viderentur: è diverso Asiaticae plagae clementia mollissimos & generabat homines, & reddebat. De patria, quam Brunoni lex nascendi tribuit, non est quod conqueratur. Nam Gor-comium, in qua urbe lucem adspexit, non ignobile Batavorum oppidum est, & amoenitate situs, & incolarum humanitate celebre. Benigna quoque viro- rum doctorum habetur mater, quos non paucos edidit, inter quos eminet magnus ille litterarum Orientalium vindex Thomas Erpenius. Eam nova luce perfudit noster Bruno. Patrem habuit Rutgerum Brunonem, filium Rudolphi Brunonis, Praetoris Leerdaemensis, virum spectatae fidei & probitatis, cui necessitudine junctus fuit celebris ille Gandavensium Episcopus, Cornelius Jansenius, qui doctrinam B. Augustini de gratia & libero arbitrio consentientem fere nostrarum

Eccle-

Ecclesiarum veris de hoc capite opinionibus tuebatur. Nec Mater est silentio prætereunda Joanna Gevelmannia, foemina ornatissima & probatissima, nec obscuræ apud Goricomenses profapæ. Ejus unica soror Elisabetha nupta fuit cum Viro Amplissimo Wilhelmo Grotfeldio, qui non ipse solum functus est summis honoribus, sed ut possessionum, sic & amplissimæ dignitatis hereditatem transmisit ad filium unicum Joannem Grotfeldium, qui ter Consulatam gessit in patria, & cum maxime adscriptus est Consilio Illustri, cui cura rei maritimæ Rotterodami est commissa. Præter Brunonem nostrum qui natus est anno vigesimo hujus seculi a. d. VIII, Kal. Septembris Dionysiaci, parentes ejus quatuor sustulerunt liberos, duos melioris, binos sequioris sexus. Alter filiorum Rudolphus in Italia, in quam adierat perlustrandi causa; alter Wilhelmus obiit in patria. Utraque filia superat etiam nunc. Natus major Elisabetha justis nuptiis juncta fuit Viro præstantissimo, Martino Gissenio, Senatori & Judici, Scabinum vulgo vocant, Goricomensi: post ejus mortem secundis votis transiit in matrimonium Ornatissimi Viri Henrici Gennipii, qui ordines civium duxit in patria, & nunc inter præfectos, quibus tutela aggerum Arckelsensium est mandata, numeratur. Natus minimam Agatham duxit Cornelius Schonhoffmannus, qui domi quoque clarus, & in senatorum & judicum album fuit relatus. Collega noster in finu parentum, qui sui patrimonii fructibus familiam facile sustentabant, fuit educatus, & compositis & emendatis moribus imbutus à teneris annis. Ut vero in herbescente segete læta vernansque viriditas futuræ messis indicium est, sic illustribus argumentis jam tum ostendit, quid sit futurus cum adolevisset, & vim insitam corroborasset doctrinæ & sapientiæ præceptis. Itaque cum meliorem ejus iudolem perspexissent parentes, mature litteris initiandum traderunt. Harum rudimenta in Schola patriâ tanto celerius arripuit, quo docilius ad percipiendas honestas disciplinas ingenium meliorem nascendi lege fuerat consecutus. Isto cum esset defunctus tyrocinio, necessariamque linguarum istarum, quas penes eruditio est, in primis Græcæ cognitionem sibi comparasset, (ed enim in illius linguæ peritia proVectus erat in ætate tam tenella, ut libros aliquot Homeri memoria complecteretur, & scite sententiam eorum interpretaretur:) missus fuit in Academiam illam nobilissimam,

quæ

quæ semper virorum magnorum floruit copia, Lugdunum Batavorum. Hic cum ex magisterio severiorum moderatorum, quibus pueritia continetur, excessisset, & nunc sibi relictus, suis, ut sic dicam, auspiciis vitam regeret, libertatem hanc non vertit in lasciviam, nec tempus helluationibus & comeffationibus, aut ludo jocoque, vagisque discursationibus diffluere patiebatur, ut multi faciunt adolescentuli, qui in Academiis debita studiis tempora ventri & gulæ donant, tanquam in intemperantiæ & nequitiae stabulis, in Cyclo-  
pum colluvione, non in pietatis ac eruditionis officinis degerent, quorum animi nunquam possunt ad magna surgere, Noster malebat ingenium doctrina refertum, quam belle curatam cuticulam habere. Itaque præclaro animi impetu per omnes liberales disciplinas cœpit grassari. Operam imprimis dedit celeberrimo tum Philosophiæ Doctori Heerbordio, cujus auctoritatem in ineunda studiorum ratione & ordine, quo tractanda sunt, seqûebatur. Duo enim in omni re studiorum potissima sunt, & quasi caput totius negotii, assiduitas invicta, & concinnus quidam ordo: quibus qui non utuntur frustra ad viri docti laudes & nomen adspirant. Non enim satis est vena beatoris ingenii ac de meliore ficti metallo esse instructum: nec sufficit bonam voluntatem præ se ferre, & inanibus votis expetere doctrinam; manus operi sunt admovendæ, & cum admoveris, opus urgendum est summis viribus & summa contentione. Cedunt facientibus omnia: nec quicquam tam est in arduo, quod non superet indefessum studium & industria. Ipsum Acheronta Hercules, ut ait Poëta, labor perrupit. Sed ut strenue res agatur, ad optatum tamen exitum nunquam perduceretur, si confuse & permixte agatur. Nulla est ars utilior & necessaria magis agricultura, quæ tota ordine absolvitur. Nec civitati, nec rei militari ratio constat, nisi administrantur ordine cuncta. Nec infera tantum & ante pedes quæ sunt servantur ordine, ipsa cœli machina volvitur & rotatur ordine: statos descriptosque cursus suos stellarum chori nunquam excedunt. Nec elementa minus ordine suo inter se apta nexaque sunt: isque quam diu durabit, non dissolvetur universi moles. Cum itaque sine ordine neque consistat quicquam, neque procedat recte, de eo in studiis etiam laborandum præcipue, ac dispiciendum, quid primo, quid secundo loco sit suscipiendum. Sunt enim doctrinæ, quibus



bus præparatur animus, sunt quibus perficitur. Quas si confundas temere, ac misceas, nunquam ad bonam frugem proficias. Hunc ordinem cum ignorent qui in Academias tyrones veniunt, male sibi consulunt, si non adhibeant, qui viam eis possint ostendere, quæ recta, tuto ac expedite perducatur eos quo contendunt, ne jactentur ambagibus & erroribus, & ne quicquam se diu fatigent, temporisque jacturam faciant irreparabilem. Bruno, quamvis nullum frugi adolescentis officium prætermitteret Lugduni, totumve se componeret ad nutum & voluntatem sui Doctoris, à cujus ore pendeat, pia tamen mater, quæ fatis acerbis extincto patre sola tum onus curamque familiæ tuendæ sustinebat, vehementer sollicita de filio, ac id unice navans, ut in suum fastigium excitaretur præclara moles, cujus fundamenta videbat tam egregie jacta, de sententia & auctoritate virorum gravium quibus utebatur consiliariis, relicta Lugduno, migrare eum jussit in Gymnasium, quod Sylvæ Ducis est, in quo tum & Theologiam & Philosophiam docebat Vir perquam Reverendus, & longe celeberrimus Samuel Marelius. Qui statim in Brunone probavit ingenii præstantiam, & tanti fecit mirificam ejus industriam, ac summam vitæ morumque integritatem, ut eum in oculis ferret tantus vir, ac frequenter inviseret, & raro pateretur à suo latere discedere, præsertim cum ambulatiunculis fere quotidianis, & eruditis, quos in iis serebat, sermonibus otiosas horas falleret. Sæpius testatus est magnus ille Theologus tædia molestiasque, quas in erudienda juventute exhauriret, valde levatum iri, si plures haberet suæ disciplinæ tales alumnos. Bruno quoque illius temporis memoriam sæpius magna cum voluptate relegebat, quo nullum aiebat se posuisse fructuosius, nec unquam se majore studio ardoreque præstantissimis artibus dies noctesque insudasse. Cum Sylvæ Ducis per omnes Philosophicas scientias animum egisset liberrime, in hanc nostram Academiam felicibus se contulit auspiciis, ut sub Cl. Ravensbergio Mathematicas artes, quibus nondum erat initiatus, excoleret, vel quia naturæ ductu eo trahebatur, vel quod nobilitas eatum ac dignitas invitabat. Quæ tanta certe, ut non frustra Deorum filios ac cognatos istis præcipue invigilasse studiis creditum sit. Nam cum emetiretur orbem terrarum Jovis filius Hercules, non peregrinando, sed describendo finem ejus invenit. Cælum autem non humeris, ut fabulantur Poëtæ, sed ingenio ac do-

Strina post Atlanrem, quem magistrum ac præceptorem habuerat, fulciit, cujus rationes ac motus ea tempestate nemo tenebat accuratius. Enimvero attollere ad cœlestia animum, & in domos superas, non nisi felicioris cujusdam est animæ. Qua de causâ & Plinius auctores astrorum scientiæ ingenies viros, & supra mortalium naturam, hoc est, divinos eo appellat verius, quo remotiores hæ artes à lucro questuq; sunt, atque ab omni vilitate terræ longius recedunt: cui hæere vulgares mentes plerumque solent. Ravensbergus simul Brūnonem cognovit, simul deperiit, & totum se ei cœpit dedere. Ejus enim ingenio & consuetudine sic capiebatur, ut non tanquam discipulo, sed tanquam socio studiorum familiarissime illo uteretur. Nunquam in publicum fere prodibat sive animi, sive negotii causâ, quin Bruno latus ejus tegeret. Quæ celeberrimi viri familiaritas multum nostro ad opinionem & commendationem eruditionis & sollertiæ profuit apud omnes, qui dotes ejus ingenii nondum habebant perspectas. Cum Academica spatia decurrisset, pectusque Matheseos cognitione impleisset, noluit Ravensbergius hinc illum discedere, antequam publico eruditionis præmio & testimonio, laurea Philosophica ornaretur. Qua honestatus remigravit Lugdunum, ut artes, quas animo fuerat complexus, cum aliis communicaret. Hanc facultatem ubi pro illius Academiæ disciplina est consecutus, aperuit ludum Mathematicum, quem cum alii celebrarunt, tum admodum Reverendus & Clarissimus Collega noster Franciscus Burmannus, qui tum temporis in augusto illo eruditionis templo Philosophicis studiis incumbebat. Non longe post cepit impetum Bruno Franeckeram videndi, exploraturus num & ibi inveniret, quod ad ingenii prodesset incrementa, & partas eruditionis copias amplificandas. Reversus in patriam dum dubitat & cum amicis deliberat quam vitæ sectam sequeretur, &, quia Philosophia nullum fert fructum in tutelam vitæ nisi in provinciis Academicis, num se Theologiæ devoveret in posterum an Medicinæ, Cl. Ravensbergius hic è vivis excedit. Qui cum valetudine confectus provideret fatalem diem imminere, animo tamen valeret, & Academiæ, in qua magno cum plausu docuerat tot annos, commodis æq; ut ante studeret, de successore sollicitus, qui quæ instituerat, propagaret studia, paucis antequam animam efflaret diebus Ordinis Senatorii amicis & Curatoribus quam diligentissime

tissime commendavit nostrum Brunonem, præfatus hunc dignissimum esse, qui vicem suam, cum à vita discessisset, exciperet, & istam spartam ornare posset rectissime. Quæ iudicii prærogativa tantum valuit, ut ab Amplissimo hujus Urbis Senatu ei crederetur Physicorum & Mathematicorum doctrina. Cum primum hanc provinciam est ingressus, cum nosset gravem sibi constitutam esse adversariam, expectationem se diligentium, nihil curæ, nihil studii, nihil industriæ sibi reliquum fecit, ut eam vinceret. Nec id difficulter est consecutus. Nam qua erat perspicacia ingenii reconditas rerum naturalium causas pervidebat sollerter, & explanabat aperte, & diligentia & assiduitate in docendo cum in publicis acrobasis, tum in Scholis, quas domi habebat, spei quam de se concitaverat, cumulatissime satisfaciebat, non solum in illis Philosophiæ partibus explicandis, quarum interpretatio ei erat commissa, sed in reliquis omnibus. Nam hoc convenerat inter hujus Ordinis Doctores, ut singulis copia esset exponendi intra parietes domesticos cunctas Philosophiæ doctrinas. Ut accuratius occultos naturæ sinus pervestigaret, & abstrusa ejus referaret penetralia, plurimum temporis tribuebat experimentis, & secandis animalibus, in quibus tanta ejus elucebat industria & dexteritas, ut omnes recessus, ductus, venas, & fibras, quæ illos quoque fugiebant, qui huic uni curæ vacabant, & hanc artem publice promittebant, facillime reperiret, & admirandam illam totius corporis fabricam, & quicquid in illa detexerant ab omni memoria sagacissimi ejus indagatores, haberet exploratissimum, & plane, quod ajunt, in numerato, ut peritissime suis omnia ostenderet auditoribus. Nam si quid novi prodebat in hoc genere, ut multi nuper homines industrii & acuti aut longi temporis injuria obscurata revocarunt in usum & lucem, aut antea invisitata eruerunt, modum non ante inquirendi faciebat Bruno, quam illa & ipse perspexisset, & aliis posset monstrare. Non minore studio & diligentia versabatur in cœli syderumque motibus deprehendendis, & novis stellis aliisque rebus pulcherrimis cognoscendis, quæ non ita pridem in æquoribus æthereis à præclaris viris, qui somno vitæque blandimentis renunciant, ut cœlum aperiant mortalibus, fuerant observata. Moralis vero doctrinæ, & juris illius, quod non tam scriptum, quam à natura nobis est insitum, quodque est æterna imperandi prohibendique sapientia, quam prudens

fuerit & peritus, vos testes appello, qui eum audivistis incomparabilis Hugonis Grotii libros de Jure Belli & Pacis enodantem, & clarissima luce perfundentem, quorum pars nunc Rempublicâ tractant, pars in tribunalibus aut causas cognoscunt, aut agunt, pars in Academicis nunc alios docent, quod ab optimo Doctore suo acceperunt. Hi ejus discipuli famam illius non minus propagant & diffundunt, quam dissertationes Academicæ, quas cum de aliis argumentis habuit, tum insignes illas de vi altrice, de corporum gravitate & levitate, ut & lucubrationes, quas publicavit, de cognitione Dei naturali, ac de lucis causis & origine. Nam ut luce nihil est clarius, sic ejus natura nihil est tenebrosius. Hæc omnia volitant per ora virum, & in manibus doctorum hominum versantur. Ad matrimonium ubi appulit animum Anno quinquagesimo secundo supra millesimum & sexcentissimum, domum duxit Willeminam, foeminam multis nobilem dotibus, quibus hic sexus enitescit, filiam primarii, cum viveret, hujus Urbis negotiatoris, Friderici Berningii, cujus soror minor Anna elocata famosissimo Bibliopolæ Amsterodamensi, Danieli Elsevirio; frater vero unicus Fridericus Patris negotiationes exercet. Hoc matrimonium felix sane fuit & auspdatum, & plane ex sententia nostri Collegæ. Nam ea concordia unum & viginti annos conjuncti invicem vixerunt, eoque sanctissimo amore se mutuo amarunt, ut versus Poëtæ veteris de illis usurpari possit:

*Corporibus geminis spiritus unus erat.*

Suscepit in hoc matrimonio duos liberos, sed quos fata terris tantum ostenderunt. Usura enim lucis tam brevis fuit, ut pro nulla possit haberi. Quo nescio felicior ne an infelicior fuerit. Neq; enim omnes Metelli illius consequuntur fortunam, quem functum amplissimis dignitatibus & tandem vita, quatuor filii, omnes aut Consules, aut candidati Consulatus, quidam & triumphalibus insignibus ornati, elatum suis humeris in rogam imponuerint. Nam Priamus Rex eo infortunatior habitus est, quod post quinquaginta filios hostili manu, atq; in conspectu patris interemptos, ipse novissimus inter Deorum ceremonias trucidatus est, restinguens suo sanguine quos ipse ignes sacraverat. Ea nunc eunt tempora, cum facilius sit in Priami alicujus fata incidere, quam raram ac magnam felicitatem invenire, qualem Metelli admirati sunt veteres, & monumentis suis celebrarunt. Hoc maxime liberi

conferunt, quod genus & nomen eorum, unde orti, conferant. Atqui id libri, hoc est ingenii fœtus, multo fidelius præstant plerumque, per quos jam olim memoriæ suæ noster consuluit, Magisterio collegii Academici bis functus est. Altera vice cum fasces ad eum essent relati, in sequentem quoque annum, propter infaustissimorum temporum dritatem, cum deterrimo bello afflicta omnia jacerent in ruinis, hic magistratus ei fuit propagatus: quem ita gessit, ut rebus fecerit testatum, omnium rerum curam sibi antiquissimam esse dignitatem & incrementum Academiae. Improbitalis ac levitatis hostis erat acerrimus, adulationis, blanditiarum, ac ceterarum patritiarum artium expertus, fidei ac veritatis cultor summus: ab omni vanitate & inani gloria remotissimus. Nam sua se involvens virtute, quam ipse sibi mercem omnium pulcherrimam in conscientia recte factorum norat præstare, externas laudes, in quibus multi nunc, etiam qui sapientes existimantur, intollerabili modo insaniunt, excelsa contemnebat animo, non raro stomachanti propior, cum ventosissimi seculi ineptias detestaretur. Nihil moribus ejus fieri poterat candidius, simplicius, apertius. Nihil conditum habebat in pectore, quod non promptum fronte, ore, lingua præ se ferret. Ne vultum quidem fingere norat. Sicut autem ipse ab omni simulatione longissime aberat, sic averfabatur blandos illos fictosque homines, quorum vultus melior est, quam animus: qui omnem vitam agunt sub persona, & fronte simulant amicitiam, sed corde prestant iram odiumque internecinum, aut

*Astutam vapido servant sub pectore vulpem.*

Nulli obrectabat, ne iis quidem, qui adversabantur, quas ille maxime probabat, sententiis: nec gravis molestusque ulli erat, ne inimicis quidem, si quos, ut fieri solet, nactus esset. Nam ne Jupirer quidem, vetus verbum est, si ve pluat, si ve sereno rideat vultu, omnibus potest placere. Hinc facile licet existimare consuetudine ejus nihil fuisse suavius & jucundius. Diligens erat Paterfamilias, sed ut studeret magis tueri rem familiarem, quam augere & exaggerare. Nam nec egentibus erat clausa, & amicis patebat semper. Sicut enim ab omnibus sordibus erat alienissimus, & pecuniæ contemptor, ita quam habebat, ad beneficentiam conferebat & liberalitatem, Amicos accipiens semper perquam benigne, sed epulis quæ nec stomacho graves erant nec arcæ, & quæ sequenti die

tam bene vixit non potuit male mori. Annus nunc vertitur, quo cœpit male habere. A quo tempore, ut Medici censent, nunquam caruit febris. Lenta quidem illa erat & minuta, proxime accedens ad eas quas Medici dicunt hecticas, ut ejus vim ipse vix sentiret, omnia pro sano ageret, in publico versaretur, in Academia sollemnes horas obiret, domesticæ institutioni fixo tempore vacaret, à consueta vivendi ratione nihil discederet: illa tacita quasi & cæca pestis sensim omnem vitalem succum depascebatur, ut ante hos duos, tresve menses pallor vultus, lapsæ genæ, macies totius corporis, tardissimus incessus argumento essent vires indies magis magisque consumi, & Brunonem ante perire, quam periret, vivumque circumferre cadaver. Ne tum tamen quicquam ex ordine quotidiano prætermittebat. Nam & statas ambulationes emenebatur, & domesticas Scholas non negligebat: recitationibus tamen Academicis impar erat. Perinacia hujus morbi, qui tam alte visceribus infidebat, nulla Medicorum ope, licet nihil non experirentur, potuit expugnari. Videtur illum contraxisse temperamentum corporis, quod valde siccum erat & calidum; auxisse vero vivendi legem, cui adsueverat, parcum illum escæ potusque usum, & jusculeorum omniumque lactariorum, & quæ refrigerandi vim habent, fastidium. Hæc enim omni vita est aspernatus. Octavo antequam decederet die lecto affigebatur, non quod febris sæviret acrius quam antehac, sed quod nec viribus defecti poplites sufficerent ministerio corporis sustinendi, nec cerebrum, vehementiore tussi concussum ullum ferre posset strepitum, hominumque alloquium. Mens semper ei consistit. Hinc & ardentissimis precibus & crebris suspiriis & gemitibus à Deo pacem veniamque petere non desit ac flagitare, uti sordes quas contraxerat Christi Servatoris eluerentur & expiarentur sanguine, utque animus è divinitatis fonte delibatus, qui nec senescit, nec moritur, sic mundatus solveretur obnoxii corporis obsidione, beatisque reciperetur sedibus. Voti damnatus est a.d. XII. Kalendas Novembris, cis sextam vespertinam, placidissime exhalans animam; ut sine strepitu vitam exegit tranquille, sic exitu facili velut somno solvebatur, ad instar illorum, qui non morbo, sed senectute finiuntur. Academiæ nostræ fata deploro, quæ orba est præclaro doctore: Dolco nostram sortem, qui caremus collega optimo & suavissimo: Uxoris solitudinem misero,

**ΕΠΙΜΕΤΡΟΝ**  
**DECADIS PHILOSOPHORUM**  
**Ν Ο Ν ΑΕ,**

Continens

*Trium-Viros nostro ævo famigeratissimos,*

**JODOCUM HONDIUM,**  
Belgam Cosmographum,

**N. BUTLERUM,**  
Scorum Alchymistam,

**MICH. SENDIVOGIUM,**  
Polonum Alchymistam.

## MEMORIA

*Viri Ingenio, Arte, Doctrina & Industria Maximi,*

**JODOCI HONDII,**

**Mathematici & Cosmographi**

præclari,

*Renovata & translata,*

Ex Germanica quadam descriptione Operi

Atlantico Majori præfixa.

**Q**uicquid olim Ægyptus in PTOLOMÆO, Germania in MÜNSTERO, Gallia in BELLEFORESTO, Anglia in CAMDENO, Hispania in VASEO, Italia denique in PLINIO suo coluit, id omne in HONDIO largiter invenit Belgium ac iusto æstimavit pretio. Fuit quippe inexhausto labore, singulari mentis acumine, & incredibili præditus prudentia, ex præcipuis quorumvis seculorum Cosmographis, adeoque dignus, ut ejus quoque vitæ cursus Mnemotynes peplō inseratur. Anno à Servatoris nostri Nativitate sexagesimo tertio, supra mille quingentos, ex ignobili quodam Flandriæ pago, Wackene dicto, prodiit, cui ille & famam reliquit immortalem, firmavitque illud Senecæ: *Potest ex casa Vir magnus exire; potest ex humili deformique corpusculo animus formosus ac magnus.* Patrem nactus est OLIVIER DE HONDT, & arte & virtute præstantem; Matrem PETRONELLAM D' HAVERTHUYN, foeminam nullo non bonorum genere cumulatissimam. Vix bimulus, cum carissimis hisce Parentibus, ex vili oppido in urbem Conditore superbam, Gandavum nempe, commigravit. In tenera adhuc ætate & puerili statu virilem plane animum gerebat, eaque jam tum edebat specimina, quæ Herculeum & admirandæ indolis Virum promitterent. Facies ejus erat obducta, multisque hinc inde rimis ac rugis circumvallata, ex quibus aliisque *tempestivis* parens haud vanum optimæ culturæ & ad summa quæque tendentis ingenii augurium capiebat. Nam & ipsa inter crepundia pueruli perspicax mentis acies & *tempestiva* ad omnia aptum emicabat. Anno ætatis



ætatis suæ octavo artificium pingendi inchoabat. mox quoque, ut erat velocioris naturæ, cælabat in ossibus ac quolibet ære tam pulcre, tam polite, ut opera ab HONDIO nostro effecta captum & fidem multorum hominum excederent. Imo, quod magis est, Ductorem habuit prorsus neminem, à quo rudimenta, ceu communiter fieri assolet, addisceret. Adeo ejuscemodi in pueritia delectabatur progymnasmatibus, ut ludere ipsi esset graviter laborare. Nunquam otiosus, nisi cum maxime esset occupatus: Mente ac manu raro perquam cessabat, sed ubivis in promptu habebat, quod ageret. Id quod non in spectatoribus solum laudem & amorem in hunc adolescentem enixe ferventem omnibus modis excitabat; sed & eundem sæpius *μυζήσαν* gratiæ commendabat. Hinc, cum Celsissimus Parmæ Dux Antverpiam obsidione cingeret, & in quodam ruris tractu, quod Bevere nuncupatur, subsisteret, per Confessionarium suum eo laboravit, ut HONDIIUM, insigni variaque peritia jam tum celebrem, ad se pertraheret. Advenientem Princeps benigne suscepit, voluitq; efformari quasdam ex ære statuas ac imagines eximia, qua callebat, arte diductas. Ob horum operum præstantiam, nihil postea intermisit Dux ille Parmensis, quo HONDIIUM, tot elegantissimarum formarum auctorem, summis precibus & præmiis Romam alliceret. Ab illis cum se petitis non potuerit alio modo liberare, clam aufugiebat, atque sic Patriæ usibus se unice reservabat. Cæteroquin Calliographia nulli mortalium censebatur inferior, literas admodum formosas sciebat diducere, variasque formare scripturas mirus valebat artifex. In juventute sua se quoque fundendo typos exercebat Chalcographicos, matrices vulgo dictos, qua peritia ad aliquod tempus præcipue usus est, licet in illa pariter non ullum expertus fuerit Præceptorum. Tantis proinde naturæ bonis instructus, ne *ἀναζωπύρωσις* ingenii maximi stricturas confestim emittentis negligeretur, mitissimus Parens id dedit operam solícite, ut Scholis traderetur. In iis prima linguarum, Græcæ ac Latinx, ponebat fundamenta, eaque tam celeriter hauriebat, ut omnium oculos in se merito converteret. Dum ita studiis liberalium artium ingenti alacritate incumbere, ab aliis supra dictis scientiis, ad quas sponte ferebatur, nihil remittebat. Quicquid igitur à gravioribus Lycei negotiis residuum, id illico amœnioribus exercitiis & deliciis suis Mathematicis domi

domi totum consecrabat. Posteaquam vero vigesimum ætatis annum complevisset, Gandavo, quod tunc Hispanis parere cœpit, una cum plurimis ejus urbis Incolis in Angliam tendebat. Londini nactus est campum amplissimum, in quo præcellens HONDII indoles felicissime excurreret. Hic ad Cosmographicum studium, non absque insigni successu ac stupore totius propemodum orbis, applicabat animum; Hic Itinerarium Francisci Draecken per Palæstinam & Romanorum Imperium, aliaque scripta luce dignissima, posteritati propinabat: Hic inusitatæ magnitudinis & artis Globos, Terrestrem æque ac Cælestem, suamet manu fabricatos, sistebat. Anno Æræ Christianæ cIdo Id LXVIII ætatisque suæ XXII, conjugem eligebat sibi Gandavi probe educatam, COLETTAM VANDEN KEERE. Cum isthac vitæ contubernali, XII, liberos utriusque sexus ex lumbis suis egressos videbat, non parum iis gavisus. Relicta deinde Anglia, ad Belgas cum tota familia commigrabat, sedemque ac domicilium, suis in posterum Musis proficuum, constituebat urbium inclutarum, quascunque sol lustrat Belgicus, facile principem, Amstelodamum. Qua ibidem gloria vixerit, quanta consummatæ scientiæ opera condiderit, quæ viri hujus *Invenit* in Chartis Geographicis Mappisque exstruendis *ædificavit* & industria fuerit, nullius digne satis eloqui potest facundia, nullo unquam seculo determinari. Loca perquam dissita in utraque mundi plaga, ut & tot æquora, fluvios, & quæ illis adjacent, sublimi utique mente ac infinitis vigiliis, investigavit, illustravit, ac in apricum produxit. Et quid, quæso, de magnifico & incomparabili illo, quod Atlantis nomine in publicum exivit, dicemus Opere? Inter mundi stupenda si ponamus, à veritatis tramite neutiquam deflecteremus. Verum nisi extrema HONDII manus tam præclaro ingenii monumento opportune accessisset, actum sane de toto hocce foetu literario fuisset. Ille enim imperfectum à Gerharo Mercatore relictum opus suis subinde curis, & exquisita variarum rerum experientia ita perpolivit, ut plane novum videretur. Quod in hunc ergo diem Magnates non minus quam cujuscunque dignitatis atque ordinis Viri amussinato hoc Atlante fruantur, id grato se pectore fidei ac industriæ HONDIANÆ deberi dubio procul testabuntur. Domum ejus haud im-

merito

merito dixisses omnis politioris literaturæ, & variorum admirandæ artis instrumentorum officinam; ad quam ex disitis hinc inde locis, veluti ad Lyceum aliquod Peripateticum, aut Archimedis Museum, concursus creberrime fiebat: Hanc Principes quoque & Viri summi, medii, infirmi, frequentes invisebant, ut oculis suis occuparent, quæ auribus ac fide haud potuerunt. Hæc & multo majora indies meditantem Parca minime parca audebat interrumpere. Post labores itaque multos exantlato, in optimo ætatis flore, ingenti Polymathiæ damno, anno cIdo Idc XI, die XVI. Febr. repentina morte obiit; quum quatuor duritaxat dies decubuisset, rebusque humanis XLVIII. annos egregie consulisset. Qui vivus terrarum orbem stylo & tabulis cepit, cum nunc brevis in terra urna extinctum capit. Ite proinde ingenuæ mentis cultores, & huic marmoriflores, vel potius lacrimas, inspergite, magnoque funeri mollibus votis, bona verba adprecamini.

## EPITAPHIUM. JODOCI HONDI,

Avunculi sui Observantissimi,

*Quis sua non lachrymis & fletibus irriget ora?*

*Quis possit luctus non dare signa sui?*

*O fera fata, virum atherea qua vescier aura*

*Non finitis! sed quem, dicite quaso, virum?*

*Nonne suos inter qui tanquam stella refulsit?*

*Qui specimen celsi prodidit ingenii?*

*Ibitis inficias? Clara ejus facta reclamant,*

*Cognita cunctorum facta per ora Virum,*

*Extremis quis enim sic est semotus in oris,*

*Quisnam adeo quavis exstat in arte rudis,*

*Nominis ad quem fama tui non venerit, HONDI?*

*Fama equidem nullo qua peritura die est.*

*Qua melius faciem poterat depingere Terra?*

*Et quis in are magis sculpere doctus erat?*

*Cui magis egregie Cœli Terraque meatus,*

*Atque Maris tractus exprimere arte datum est?*

*Vos ergo non immerito crudelia fata*

*Accuso, & vestra de feritate queror.*

*Quod neque sit licitum superesse diutius illi,*

*Nec licuit vobis illius ore frui.*

*Cujus*

*Cujus ab interitu tantum cum mente recordor*

*Vos patria & nobis accelerasse mali:*

*Hei mihi tristitia mœstiusque dolore tremisco,*

*Atque mea lachrymis immaduere gena.*

*Sed quid me vanis cupiam cruciare querelis?*

*Et cur me fatis opposuisse velim?*

*Cum iam possideat cœlestia Regna beatus,*

*Nec quis se fatis opposuisse queat.*

*Hinc igitur lachryma procul esto, Valete querela,*

*HONDÏ & in Domino molliter ossa cubent.*

JOH. MONTANUS.

## SCRIPTA.

*Cœlatoris Theatrũ artis scribendi, varia summiſſorum noſtri ſeculi artificum exemplaria complectens, novem diverſis linguis exarata, Antverp. 1594. Amſtelod. 1614. in fol.*

*Orbis terrarum deſcriptio Geographica & Hydrographica, ubi præter exactam graduum ſupputationem, etiam multa hiſtorica inferuntur. Amſterod. 1603.*

*G. Mercatoris Atlas, ſive Coſmographica Meditationes, de fabrica Mundi & fabricati figura, æneis tabulis à J. Hondio auctus & illuſtratus, Arnhem, 1611. Amſter. 1622. &c. in fol.*

*Anglicè, Londini 1635. Germanicè, Amſter. 1636. & ſæpius in fol.*

*Italix hodiernæ Deſcriptio, Lugd. Bat. 1627. in 4.*

*Globus Cœleſtis & Terreſtris, majori forma, cum omnibus directionibus & Obſervationibus, quæ in diem hodiernum inveniri potuerunt, magno cum labore & ſtudio abſolutus, ibid. 1614.*

*Nova totius orbis terrarum tabula, ibid. 1617. in fol.*

MEMORIA,

*Viri nostra atate perquam famosi,*

N. BUTLERI,  
Hiberni, ex familia, ceu jaëtabat,  
Ormondica;

*Partim Versa, partim collecta,*

Ac nunc demum, ex variis literarum  
Monumentis,  
*Renovata.*

Circa Annum Domini cIo Iæc XXV. regnante JACOBO I. Magnæ Britanniaë Rege, non nemo Hibernus, BUTLERUS nomine, longe lateque per Orbem inclarescere cœpit. Is Londini Mechanicam primum artem exercuit, atque polioni cuidam servilia præstitit opera. Priusquam vero hic sui juris factus & manumissus fuerat, absque Domini sui Voluntate ac consensu aufugit. Non diu post ad Insulas Bermudienses (ipsi vere tum Fortunatas) profectus est, & denuo se ad opus vulgare minusque ingenuo homine dignum addixit. Tempore quodam accidit, ut cum socio aliquo juxta Oceani litus obambulans, forte fortuna magni ponderis ac pretii Ambram Grisiam inveniret. Hanc mare, veluti inane expurgamentum, haud raro ejicere solet, quam peregrinantium par illud omni cura & solitudine sibi reservabant. Verum Butlerus pro insigni sua, qua præ altero pollebat, calliditate, bono Sodali fucum facere in animum induxit. Magnificis quippe verbis eidem persuasit, ut Cinerea hujus odorata non modo particulam, sed omnem prorsus substantiam suæ fidei atque curæ concederet. Tantis tunc spoliis onustus, comite inscio, navem conscendit, & Amsterodamum petiit. Qua in urbe recens iste advena merces suas admodum caro divendidit pretio, multasque sibi sine sudore divitias comparavit. Ex vili itaque Politoris servulo locuples insperato factus Mercator, nihil intermisit, quo  
altius

altius indies posset ascendere. Angliam proinde Magnificentiae suae theatrum elegit, ubi illustris cujusdam Schema sustinere videbatur; Quam primum enim illuc appulit, unicuique promiscue concessit suum adire hospitium, ac quolibet die, mensa ibidem absque impensis strata liberissime frui. Contignationes quasdam belluaris maximeque pretiosis tapetis, Principis instar, undique exornabat. Rheda insuper à senis equis pertracta vehebatur. Ministrorumque turba stipatus incedebat. Sic ergo nihil eorum, quod ad externum magnae autoritatis splendorem facere ullatenus poterat, eidem deerat. Omnia tanta cum gravitate generosoque animi impetu peragebat, ac si revera ex illustri domo prognatus esset. Et quamvis Butleri hujus sumptus, tam amplam alere familiam, aut tanto cum apparatu diu subsistere, minime ferrent; factum tamen est, ut Optimum favore ac consuetudine sustinuerit, quod alias ægre admodum potuisset. Erat sane iste Hibernus, si quisquam alius, ingenio instructus percallido & ad omnia versatili. Hinc demum jactabundus Distillatoriam artem exercebat, ut hac quadantenus ratione vitæ sibi subsidia acquireret. Id quod multis peperit ansam credendi, illum, tot hætenus hominum votis atque laboribus anxie expetitur, nactum esse Philosophorum lapidem. Verum enim vero sagaciores quicunque facile perspiciebant, hoc excogitatum duntaxat à Butlero ad uberrimum exinde quæstum faciendum. Nam posteaquam nummos, ex Ambræ Grisiæ venditione, collectos, fumo jam perdiderat, pro illis alios comparare necessum omnino habuit. Notandum autem hic præprimis est, qua Butlerus ratione vitam suam cum morte commutaverit. Singulari hætenus gratia, imo & quadam quasi necessitudine apud præcipuum in Anglia Ducem (Buckingham) vixit; sed, ut fieri non raro assolet, ea demum excidit. Quare alio commigrandum Butlero erat, utpote qui, sulcato æquore, à Duce literis insuper commendatis instructus, in quoddam Jesuitarum Collegium benigne recipiebatur. Tandem aliquando, cum tempus ire eubitum moneret, cum ingenti Patrum ejusdem Societatis comitate deducebatur in Cameram, ubi pulcra erant omnia, & elegantissimis candelabris atque tapetis parietes exornati, honorem novo hospiti exhibendum testabantur. Mox cum summa veneratione abeunt religiosissimi Patres, ac Bultero

facta

fausta quæque apprecantes longum Vale dicunt. Promiserunt quoque discedentes, se illico missuros famulum, qui præparatum ipsi cubile ostenderet. Sed quam primum se ex hocce tragicæ mortis theatro subduxerunt, ecce! locus, quem infelix ac inscius calcabat, se aperiendo Butlerum absorbuit, inque abyssum dimisit, ex qua, ceu inferno, nullus unquam datur redditus. Certis etenim instrumētis ita erat comparatum, ut; priusquam quis sentiret, ubinā esset, suffocatus repente fuerit. Et per hanc absconditam viam, nimis crudelē & truculentissimā, plurimi hactenus transierunt, qui publicum mortis supplicium hāud satis demeruerē. Hæc de Butlero habemus, ex Anglicō quodam scriptore, **ATHUR WILSONIO**, qui Historiam Magnæ Britanniae, de Regno **JACOBI I.** pertexuit. Paulo aliter de Eodem refert *ἡ δὲ λυμὰ γέσται* **D.G. MORHOFIUS** in peculiari tractatu de Metallorum Transmutatione. De Butleri lapillo, inquit, mirabiles Curationes recenset Helmontius, cum ejus Historia nemini, quod sciam, prodita sit, ut ex ore illustis cujusdam Viri habeo, recitabo. Fuit Butlerus nobilis Hibernus, cumque juvenis in Africam navigaturus esset, a piratis captus. Regulo cuidam Arabi pro marticipio venditus est. Is possessor magni arcani fuit, ut sunt in Arabia multi, & hujus servi sui ministerio ad opera quædam vulgaria Chemica usus est. Qui cum esset sagacissimus, subolfecit secretiores Domini sui labores, ac in pyxidē aliquā incidit, qua recondebatur magnus ille naturæ thesaurus; Cujus rei cum jam certus esset, cum mercatore Anglicō illic vivente pactus est, ut se ab herō suo redimeret. Redemit ille: Butlerus vero pyxidē illā, tanti arcani custodem, furtō subripuit, atque in Angliā navigavit, ubi privatam coram aliquibus projectionem fecit. Ea fama pervenerat ad Medicum quendam Hibernū; popularem ejus, quem permovit, ut relicta familia sua ac praxi Medica, ipse Butlero, spe arcani potiundi, famularetur. Multum temporis intercefferat, cum nihil deprehendere potuit Medicus, & omnia clanculum ageret Butlerus. Transegit itaque cum hospite, pretio dato, ut locum aliquem obscurum post Butleri conclavē sibi concederet, quo per rimas aut foramina quædam observare illum posset. Accidit itaque, cum aliquando plumbi & hydrargyri quantitatem

emere jussisset Butlerus, ac statim in vicinam urbem negotii causa ablegasset, ut ille tempus jam idoneum suspicatus simulato habitu domi remanserit. Quare post conclave in sellis duabus vel tribus sibi superimpositis constitit, ut per foramina prius à se facta despicere in conclave Butleri posset. Vidit itaque furnum parare Butlerum, plumbum ac hydrargyrum igni apponere. Vidit de pavimento, effracto lapide, producentem pyxidem aliquam rubicundo pulvere plenam. Cumque satis erat, è pyxide ceperat Butlerus, ac jam jam liquefacto plumbo ac hydrargyro calido immissurus erat: Medicus nimio videndi desiderio incensus propius se foramini admovit; cum corporis sui pondere sella suprema inclinata præcipitem illum dedit. Quo strepitu attonitus Butlerus observatorem suum pene transfixisset, nisi intercessisset hospes; Medicus vero ille statim herum suum coram Magistratu Londinensi ut Monetæ falsarium accusavit. Quo in carcerem coniecto, ac suppellectile ejus perlustrata nihil quidem instrumentorum monetariorum, sed quadraginta auri libræ inventæ sunt. Quod cum falsum primo suspicarentur judices genuinum omni examineprehenderunt. Quoniam itaque documenta non essent, quibus convinci posset Butlerus, è carcere iterum dimissus est. Idem Butlerus Ducem de Buckingham, cum iter suum in peregrinas regiones institutus esset (narrabo, quæ ex ipsius Ducis Oeconomi ore accepit, qui hæc mihi narravit) adiit, ac aliquam Cambii Schedulam ad Mercatorem Batavum ultro obtulit, si forte apud peregrinos pecunia illum aliquando deficeret. Risit Dux; sed ne inofficiosus videretur, Schedulam accepit, eam ut nullo sibi usui futuram negligens. Accidit itaque, ut Ducem Amstelodami viventem, Mercator aliquis Butleri nomine salutaret, ac ducenries millia aureorum ejus nomine offerret, si pecunia egeret. Obstupuit summa ista oblata Dux, sed accipere detrectavit. Cum vero postea per Angliam innotesceret, de Butleri divitiis, per artem Chemicam paratis, ac salutis suæ diffideret, in Hispaniam navigans una cum tinctura aquis submersus est. Medicus vero ille laqueo postea multatus est, quod populares suos rebelles pulveris pyrii conficiendi rationem docuerit. Atque ita Butlerus furti, Medicus prodicionis poenam dedit. Hanc historiam è relatione ipsius Medici Hiberni Vir ille illustris habuit, J. B. HELMONTIUS



TIUS ista habet: Hybernus quidam Butler nomine, magnus olim apud Jacobum Regem Angliæ, detentus in carcere Castrî Vilvordix, misertusque cujusdam Baillii, monachi Franciscani, celeberrimi Concionatoris Gallo Britanni, etiam incarcerati, formidandum Erysipelas, in brachio habentis, quodam vespere, cum pene desperaret æger, in cochleari lactis amygdalini, intinxit celeriter quendam lapillum, statimque inde retraxit. Dixit autem custodi carceris. Porrige isti monacho hanc sorbitionem, & quantumcunque inde cœperit, saltem infra horulam sanus erit. Quod etiam sic evenit, cum summa custodis admiratione, & grottoque inscio, unde sibi tam repentina sanitas alluxisset, cum se ignoraret aliquid assumpsisse. Brachium namque ejus finistrum, immense antea tumidum, concidit, sicut statim ab altero vix discerneret. Sequenti mane à Magnatibus rogatus, Vilvordiam veni, ut testis actorum sui. Contraxi itaque cum Butlero amicitiam. Vidi dein statim vetulam, lotricem, ab annis sedecim, aut circiter, intolerabili hemi-crania laborantem, statim etiam curatam, me præsentem. Nimirum eundem lapillum obiter intinxit cochleari olei olivarum, atque lapillum statim abster sit lambendo, atque in thecam thoracis reposuit. Istud autem cochleare olei, infudit in lagenulam olei, cujus unicam guttam jussit inungi caqiti præfatæ anus, quæ inde confestim sanata est, ac sana remansit in annos aliquot, quod attestor. Stupui, quasi alter Mydas factus. At ille me obridens dixit: Charissime, nisi eo devenias, quod unico remedio queas curare quemlibet morbum, manebis in tyrocinio, utcunque senex evaseris. Adstipulabar facile, quia de Arcanis Paracelsi, jam id visu ac spe certior factus, didiceram. At novum sanandi illum modum fatebar lubenti animo, mihi insolitum, & incognitum. Dixi itaque, quod princeps juvenis, aulæ nostræ, Vicecomes Gardensis, frater principis d'Epifuyoy, de domo Molum, totus ita podagra decumberet, quod deinceps jaceret unico tantum latere, multisque modis miser, ac deformis. Ille itaque dexteram meam apprehendens, dixit: Vin; sanem istum juvenem. Sanabo in gratiam tui. Ast ego: Est enim ejus pertinaciæ, quod malit mori, quam pharmacum vel unicum bibere. Esto, inquit Butlerus, neque enim aliud exigo, quam quod lapillum, quem vides, singulo mane, attingat apice linguæ. Post

tres namque inde septimanas, proprio lotio, dolentes, indolentesque nodos lavet quotidie, & videbis ipsum mox deinde sanatum atque incolumem ambulantem. Vade & gaudens nuncia illi, quod dixi. Lætus itaque Bruxellam redeo, atque nuncio, quæ dixerat Butlerus. Dynasta vero respondit: Eja dic Butlero, si me restituat, ut dixisti, dabo illi, quantum poscet. Pete pretium, ac lubens, depositatem sequestrabo in sui securitatem. Cumque id Butlero sequenti die denunciarem, excanduit, dixitque: Insanus & miser ille princeps. Ideoque nec unquam illum juvero. Nec etenim suæ pecuniæ sum indigus, nec illi cedo, aut inferior sum. Imo nec unquam potui inducere illum, ut præstaret, quæ antea fuerat pollicitus. Quapropter cœpi dubitare, ne præcedentia, quæ videram, velut somnia essent. Contigit interim, quod amicus, fornacis vitriariæ Antverpiæ præfectus atque herus, valde obesus, à Butlero obnoxie petiverit liberari à molestia pinguedinis, cui Butlerus obtulit frustulum illius lapilli, ut lingueret semel, sive celeriter attingeret apice linguae singulo mane. Et infra tres hebdomadas, vidi thoraces ejus, uno spithamo strictiores factos, atque abinde non minus incolumen vixisse. Quapropter rursus cœpi credere, idem in præfato podagrigo evenire potuisse, quod sponderat. Interim misi Vilvolodiā ad Butlerum, pro remedio, in casu oblatis mihi veneni, per occultum hostem. Misere enim languebam, dolebant artus omnes, atque pulsus dicrotus, tandem intermittens factus, deliquia animi, atque Virium extinctionem comitabatur. Confestim Butler adhuc carcere detentus, iussit famulo meo, quem miseram, ut ad se deferret lagenulam olei olivarum, intinctoque præfato suo lapillo (ut alias) istud oleum ad me misit, iussitque, ut unica olei guttula ungerem unicum saltem doloris locum, vel singula loca, si vellem. Quod feci, nihil tamen subsidii inde sensi. Interim hostis meus moribundus sua sorte, iussit peccati sui veniam peti à me, sicque quod suspicabar, venenum assumptum agnovi. Ideoque etiam omni cura extinguere procuravi lentum toxicum. Et favente Dei gratia evasi. Uxor mea, jam ab aliquot mensibus dolore lacerti dexteri premebatur, sic ut nec attollere manum posset, multoque minus aliquid sursum: quin etiam præ dolore & tristitia mei, jam sensim utroque crure à pede usque in inguina, atroci ædémate, languebat, quod intin-

ctum

Stum digiti vestigium, ad secundum usque articulum, sua fovea ostendebat. Etenim quia præ mearum tribulationum mœstitia, hæc contraxerat, medicamen aspernabatur, quamdiu mœror non cessaret. Videns ergo operam olei Butleri irritam in me, volensque coram domicellis aliquot meam irridere credulitatem, unicam illius olei guttam unxit in brachio dextero, & confestim ille liber motus, cum robore pristino est restitutus præter spem. Mirabamur omnes tam repentini eventus prodigio. Quapropter utriusque tibiæ inunxit malleolos, unica utrinque guttula, in orbem malleoli circumducta. Et mox infra horæ quadrantem evasit omne ædema. Etiam annis 19. postmodum adhuc Divino favore vivit sana. Ancilla quædam, ut in hera id audivit contigisse, poposcit aliquot illius olei guttas, quia in tibia dextera ter erysipelas male curatum passa, ostendit crus plumbeum atque tumidum à genu usque in digitos pedum. Vespere ergo, eundo cubitum, quatuor guttas illius olei, parti oblæsæ affricat, ac mane nullum apparuit prioris mali vestigium. Adeo ut quæ jam antea, vix uno die in forum ire poterat, eodem mane, ad ædem Divæ Virginis Deiparæ in Laken profecta sit, alacrisque redierit, mihi que de fonte D. Annæ aquam attulerit, procul inde remoto. Quo audito, domicella quædam Vidua, utroque brachio jam à multis mensibus afflicta, quod nunquam manum sursum elevare potuisset, paucis guttis illius olei, unico mox vespere, in plenam sanitatem restituta est, atque mansit. Dein interroga- vi Butlerum, cur tot mulieres confestim sanarentur: ego vero dum atrocissime conflictarer cum ipsa morte, omnium artuum atque organorum doloribus quoque stipatus, ne- quicquam levaminis sentirem? Petiit autem, quo morbo laborassem? Cumque venenum intelligeret morbi ortum dedisse, dixit: Quia causa ab intro foras venerat, debebat oleum assumi, vel tingi lapillus, quod dolor interne fatus, non esset topicus, vel externus. Omitto hic cætera adjicere, cum Helmontii opera ubivis obvia & continuis eruditorum manibus terantur. Non tamen possum, quin coronidis vice, ex eodem Auctore, de ipso Butleriano remedio quædam apponam. Ita autem ille, post nonnulla alia pergit: Quapropter approximavi ad Butleri attactus solo linguæ apice, vel dimidii grani pondere exhibita remedia; Lapillum namque Butleri, atque ejusmodi potestativum, fermentaleque

remedium, defectu nominis, nostra Vernacula, Drif, vocavi, quod denotaret arenam, sive terram Virginem, itemque in sensitivis, simul propulsantem animositatem, non secus atque fabulum bulliens, excutit quicquid peregrini sibi est insertum. Itaque I. dicam requisita, Drif, ac dein compositionis modum, quantum Philosopho permissum est, declarabo, ne rosas ante porcos prostravero. 1. Drif igitur imprimis, prout dixi, exigit, ut sit corpus quoddam metallicum, utpote quod longa sui mora, constantiam, non autem acceleratam corruptionem significat, Cœlique longo favore, suam complevit generationis orbitam, quodque particulari destinatione, ab Omnipotente directum videtur, pro miserorum pauperumque sublevamine. 2. Non est Drif, de arcanis illis insolitis, à Deo, non nisi paucissimis adeptis, certis tantum suis electis discipulis elargitis. Siquidem nostrum Drif, duntaxat in pauperum solamen destinatum videtur. 3. Requirit Drif, ut sit è corporali naturali quidem, metallicæ benignitatis particeps, sed quod antea, prius sit per mortem obsequens, apertumque; non quidem cum extinctione suarum virium, velut sponte defuncti cadaveris instat: sed reverentis suarum dotium beneficiis, sit ab Artifice referatum, repagulis liberum, ac velut resuscitatum; imo enstitatum ac plane novum, recensque ab igne surgens. 4. Adeoque debuit returrexisse velut à morte omnino volatile, atque spirituale, sive his terve sublimari, cum sibi additis aliis. 5. At quia volatilia cito pereunt, dissipantur, ac dissolvuntur, etiam antequam intro admittantur, penetrent, suasque excellentias de sinu depromant, aut sic Archeum pacificare queant; ideoque requirit Drif, ut post sui volatilitatem adeptam, alicui corpori amicabilem connectatur, quo detineatur, suique toro, sit corpori humano communicabile, nostroque Archeo gratum, ac familiare. Idque proinde debet, inter facile, & non facile dissolubile, medium velut sortiri locum. Itemque debet medio connecti, dum jam ejus fervor maximus pene, mansuetus fuerit, ne scilicet connectendo, magna sui parte evolet. 6. Debetque hactenus, ne dum sua corporis constantia, sed virium suarum extentione, esse plane fermentale: adeo ut nimia sui odoris participatione, queat extendere suas vires in Archeum, eundemque sopire ac demulcere. Quo senario ut describitur: ita pari numero ejus detegitur confectio. Imprimis libro de Lithiasi, in fercu-

Io Tyronum, exposui distillandi modum, quo spiritus salis marini, cum terra figulina exsiccata proleitur. Est nempe Sal maris nobis affinis, & desiderabilis, nec ullo sui tenore adversus. Ergo pro Drif, requiritur Sal maris reliduum, in face remanens, extractum scilicet à face, quæ caput mortuum dicitur. Sal inquam istud, jam suorum spirituum noxia, appetit alienos, eosque intra se recondit: non tamen prorsus pertinaciter fixat. 2. Docui similiter, Veneris ens primum non posse sequestrari, nisi per mortem ac separationem Mercurii sui à sulfure. Quin imo, nec haberi illud sulfur, nisi penes Adeptos, quorum numerus ut electus & rarissimus: ita & prorsus exilis est. 3. Docui, insuper, in vitriolo, ut ut Venere jam depravata, sæpiusque distillata, adhuc tamen superesse ipsam Venerem actualem. 4. Quamobrem ipsum Drif postulat saltem sequestrationem Veneris à face vitrioli, quæ nec alias, quam per sublimationem completur. 5. Quæ sublimatio necessario quoque fit, & adimpletur per ens peregrinum, fermentale, Archeo tamen omnino amicum. 6. Ergo fuso sale marino, è face extracto, ante omnimodam ejus condensationem illi commisceatur subtripulum entis Veneris, resuscitati sublimando, & comitati suo peregrino fermento: statimque rigillum cooperiatur. Dum autem prorsus refrigerint, contunde in pulverem sub marmore, illique adijunge Ufuce subdecuplum, respectu entis Veneris. Quem pulverem Ichtyocolla soluta, in trochiscos super lapide compinge. Et habes medicamen nobile. Postremo duas Compositiones Lapidis Butleriani curioso harum rerum Lectori communicabimus, prout eas à Medico quodam perquam incluto non ita pridem descriptas accepimus, quarum hæc prima est:

℞. Vitrioli Hungar. ℥ ij. Calcina ad albedinem, tum contunde in mortario vitreo.

℞. Hujus Vitrioli philosophice calcinati ℥ ij. Salis Ammoniaci ℥ j. tenuissime pulverisata indantur sublimatorio terreo per 14. horas, quatuor ollis sibi superimpositis. Ubi refrigerit, removeatur lutum: quod sublimatum fuit, iterum tenuissime comminutum & capiti mortuo remistum sublimetur se-

cunda & tertia vice. Habebis flores seu sulfur Vitrioli. Serva in vase concluso.

℞. Hujus sublimati, seu Entis Veneris bene siccati ℥iij. Capitis mortui ex destillatione Spiritus salis ℥j. unumquodque pone in separato Crucibulo ignito: Quando Ens Veneris incipit fumare, tum injice Caput mortuum ex destillatione Spiritus salis, Agita tudicula ferrea. Refrigerescant. Contunde in mortario vitreo. Cnöffelius eo per se utebatur in mortario vitreo.

℞. Hujus Drif ℥iij. Magist. Cranii humani, Magister. Corall. a. ℥ß. Musci Cranii humani gr. viij. M. cum Ichthyocolle & Tragacantha s. a. F. Trochisci. Altera Compositio Lapidis Butleriani, quem Gallus quidem le Sage elaboravit, talis est:

℞. Colcotar Vitrioli ℔j. Salis Ammoniaci ℔ iij. M. & ex Retorta destilla, prodibit Sal tinctum variis coloribus. Tum habe in promptu Sal ex capite mortuo destillationis Salis communis elixiviatum, quod funde in Vitriolo: cui ab igne remoto & adhuc calenti ante omnimodam refrigerationem admisce sub triplum prædicti Salis Ammoniaci Entis Veneris imprægnati: tum adde prius tritis speciebus Usneæ subdecuplum, & cum Ichthyocolle in Trochiscis compinge.



# VITA MICHAELIS SENDIVOGLII,

Poloni Nobilis Baronis,  
Ex Relatione Ipsius quondam Oeconomi,  
JOHANNIS BUDOWSKI.

*Cui accessit Epistola*

DN. DE NOYERS,  
Ex Gallica lingua in Latinam conversa.

**S**ENDIVOGLIUS natione Polonus, fuit Baro, cujus prædium Gravarnæ, in confinibus Poloniæ & Silesiæ situm, paucis milliariis distat ab Vratislavia Silesiæ metropoli. Habuit & alio in loco plumbi fodinas, quæ annuos redditus augebant. Sitæ sunt illæ in territorio Cracoviæ, Poloniæ superioris metropoli. Quod ad vitam ejus, si cujus relationi fides habenda est, id possum dicere, quod superioribus annis ætatis suæ ab Imperatore RUDOLPHO II. peregrinationi versus Orientem destinatus fuerit, eoque missus cum transiret Græciam, incidit in familiaritatem Patriarchæ Græcorum, quem, ubi Philosophi adepti signa in illo deprehenderet, multa veneratione, amore & obsequio prosecutus est; tandemque sibi propitium reddidit, ut Philosophiæ adipiscendæ remedia ulterius ipsum non celaret, & consequenter veram artem lapidis Philosophorum conficiendi doceret, quo adeptoreversus est ad Imperatorem, eumque fructuum peregrinationis suæ participem reddidit. Post uterque suo quisque loco rem elaboravit, & ex voto omnia successerunt. Multo in amore & observatione habuit hunc Philosophum Rudolphus, eumque fecit Consiliarium suum, vixitque cum illo, non ut Imperator, sed ut amicus familiaris. Verum Sendivogius cum noller astrictus esse ad Aulam, pro libertate sua, sedem figere maluit Gravarnæ ditionis suæ propriæ, ubi vixit laute semper & splendide, instar Principis, usque ad mortem. Tincturam Philosophorum aservavit in pyxide aurea, sub specie pulveris rubei, quæ reducta fuit proportionem unius grani ad quingentos Ducatos, seu mille Imperiales, quos vocant Reichstalet/ & ut plurimum

rimum projectionem fecit super Mercurium. Pyxidem prædictam ut plurimum non ipse quidem portabat in itineribus, verum ipsius Oeconomus eam gestabat in collo, ex catena aurea, sub veste, & reliquum quod habebat ex isto pulvere, concluderat in loco quodam secreto scabelli pedum, quo uti solebat in rheda sua, ut cum vile esset & abjectum, in objectis itinerum periculis non æstimaretur, se ipsum quoque, urgente occasione, servum quandoque simulabat, & vice sui alium quendam domesticorum suorum, Dominum: eo quod ob nimiam sese ostentandi liberalitatem, coram personis forte indifferentibus projectiones sæpius modo hic, modo alibi fecisset in Germania, (nam Poloniam non amavit, & idiómate semper Germanico usus est:) & hoc ipso se variis periculis exposuisset, ut cum aliquando coram Principe quodam Germano, ad summam ejus instantiam, & silentii juramentum, flexis genibus præstitum, projectionem faceret super Mercurium, accidit, ut post discessum Sendivogii, dictus Princeps, præ nimio gaudio ejus, quod viderat, jurati silentii oblitus, cuidam suo Müllenfels, qui laboribus Chymicis penes ipsum vacabat, omnia narraret, seque ab ipso persuaderi pateretur, ut dictum Müllenfels duodecim equitibus stiparet, ad persequendum Sendivogium, & ab illo seu persuasione seu vi illata extorquendum tincturæ visæ secretum, quod quidem non adeo sine successu. Nam ubi Sendivogium attigisset in diversorio quodam pagi cujusdam circa prandium, rem tentabat primum suaviter, post seriò & extorsoriè, tandemque Philosophum ad columnam quandam domus istius alligatum, vestibus exuebat, ut nihil relinqueretur intactum. Invenit tandem quoddam Manuscriptum de Lapide Philosophorum, & ipsam quoque tincturam, aurea pyxide contentam, quam Sendivogio eripuit, cum multis aliis pretiosis, quæ secum habebat, inter quæ fuit imago Rudolphi II. cum catena aurea, quam Sendivogius usitate gestabat ex collo, & pileus cum spira adamantina centum mille Imperialium seu Reichstaler. Sendivogius ita spoliatus properavit ad Imperatorem, eique malitiam facti exponit, qui statim per expressum à Principe requirebat, ut Müllenfels ad Imperatorem mitteretur captivus. Princeps vero cum posset, quod inevitabile erat, declinare, quasi præveniebat Imperatoris



ratoris mandatum executione Müllenfelsii, quem veste foliis auri undique deaurata indutum, tribus patibulis invicem erectis, in superiori pendi jussit, imagine Imperatoris cum catena, & pileo cum spira adamantina redditus illi, quem Imperator miserat, quod ad tincturam, dixit, se nihil vidisse. Ita Imperatorem placabat, ne in ipsam quoque personam Principis animadverteretur. Sed & alia ejusmodi pericula possem recensere, quibus Sendivogius implicatus fuit & elapsus: nisi unicum hoc exempli loco sufficeret. Quandoque ubi nimis divulgasset projectionibus suis, se Philosophum esse, pro ratione circumstantiarum simulavit, se pauperrimum esse, quandoque lecto decubuit, ut Podagricus, tanquam ipse afflictus morbo, quem curare nesciret, quandoque & falsum argentum fecit, vendiditque Judæis in Polonia & alibi, atque ita vario stratagemate elusit opinionem existimantium, cum lapidem Philosophorum habere, ut potius audiret deceptor & falsarius, quam Philosophus & Alchymista. At non tantum Alchymista fuit, verum & Magus fuisse videtur, cum viderim & legerim literas, quæ ad ipsum scriptæ fuerant, gratiarum actione repletissimæ, super casu, quo magicè curaverat hominem, qui morbo plane incognito vexatus, per intervalla paroxysmis quasi epilepticis percutiebatur, & in istis angustiis constitutus evomebat, diversis vicibus omnis generis monetas veteres, aliasque res plane alienas, ut mox frustum alicujus clavis, mox elavi, fustis ferrei, ungulæ equi & cætera. Hic cum vel centum milliaribus à Sendivogio abesset, visum est, ut scripto requireretur consilium ejus super præsentī necessitate. Respondit, ut res, quas evomisset ægrotus, ad se mitterentur, quo facto, paulo post tempore æger convaleuit. Ac quoque non prætereundum censeo, quod aliquando venerunt ad ipsum Viri duo, senior & junior, eo tempore, cum in arce sua Gravarinæ domi esset, & illi præsentarunt literas, duodecim diversis sigillis munitas, inscriptione directa ad Sendivogium. Hic se Sendivogium illum esse negabat, nec literas acceptare volebat. Tandem multis persuasionibus victus legit, quod ibi scriptum erat, ubi cum percepisset, à se requiri, ut in fraternitatem quandam rosæ crucis se intromitteret cum reliquis istius Societatis, intellexissetq; ex discursu istarum

istarum literarum ulteriori, eos, qui ad ipsam scripserunt, loqui de lapide quodam Philosophorum, simulavit se nihil eorum, quæ scriberentur, captu suo assequi; Verum tamen Legati istius Societatis tandem obtinuerunt, ut in Discursum Philosophicum cum illis descenderet, quo satisfacti discesserunt, quanquam Sendivogio in Societatem rosæ crucis non consentiente. Editus fuit postea in lucem publicam liber quidam idiomate Germanico, dictus Rhodostauroticus, quo compellant Sendivogium ut fratrem, suppresso tamen nomine, multisq, elogiis ipsum in cœlum usq; evehant. Porro unicam ex matrimonio habuit filiam, quæ cum nupsisset Capitano militi, contra jussu patris, non multa postmodum affectione ab ipso prosecuta, non amplius obtinuit pro sua hereditate, quam viginti quatuor mille Imperiales, quos ipsi debebat Imperator, iisque exigendis moribundus curatorem præfecit Comitem Schlick, Bohemum. Scripsit, & absolvit tractatum tertii principii rerum de Sale, eumque legendum dedit suo Oeconomo, Viro, cui confidebat omnia, ob candorem & sinceritatem, cujus nomine quoque jam præfationem fecerat, eique mandaverat, ut post mortem ejus ederet tractatum dictum, quoniam noluit, ut eo vivente imprimeretur, ob nimiam, quam ibi exercuisset philosophandi liberalitatem, ne eo ipso inimicis suis daret amplior occasionem, in ipsum inquirendi. Verum contigit infornato, ut dictus Oeconomus tempore mortis Sendivogii esset Hamburgi, ideo filiæ suæ commendavit tractatum de Sale, suo sigillo clausum & sigillatum, accepto juramento, ne alicui mortalium alio, quam suo Oeconomo illum de manu in manum traderet, qui cum in itinere redeundi esset, obiit in Prussia. Mortuus autem est Sendivogius Gravaræ in Silesia, ibique sepultus, ætatis suæ LXXX, anno millesimo, sexcentesimo, trigesimo sexto, trium Imperatorum Consiliarius, Rudolphi, Matthiæ & Ferdinandi.

Hæc est historia (inquit Borellus in Dictionario suo antiquarum Vocum Gallicatum p. 479.) quæ mihi missa fuit ab amico quodam ex Polonia; sed quoniam multi non sine causa crediderunt, quod illa vitam Cosmopolitæ & Sendivogii confundat, idque factum esse, cum diu pro iisdem habiti fuerint, eo quod utrumque nomen Cosmopolitæ & Sendivogii in libro isto Novi Luminis, quem habemus, inveniat, ecce literas curiosas Dn. de Noyers, qui sollicite,  
ad

ad instantiam amici cujusdam, historiam istam conquiverat: Quæ quidem mea sententia multum luminis rei isti affundit, & differentiam inter hasce duas vitas, secundum rei veritatem constituit. Ut autem Lector judicare possit, epistolam istam ex idiomate Gallico conversam apponimus.

Quoniam, Domine, Lutetia Parisiorum discessurus promiseram, me summam adhibiturum diligentiam, ut opera omnia ac integra Cosmopolitæ nancisci possem; maxima quidem in id incubui cura, donec tandem comperi, ipsum, præter librum XII. Tractatum, cui titulum Cosmopolitæ inscripserat, composuisse nihil. Quemadmodum ex sequentibus facile intelliges, me multa de eo rescivisse, quæ tecum jam communico. Auctor igitur libri, cui nomen Cosmopolita, fuit natione Anglus, qui in Ducatu Saxonie aliquandiu commoratus, projectionem fecerat pulveris, cujus beneficio quævis metalla in purum putum converterat aurum. Quidam ex iis, quibus præsentibus id factum erat, retulerat id Duci Saxonie, qui metuens, ne homo iste elaberetur, misit satellites, qui cum in hospitio, ibi una cum uxore diverterat, detinerent & ad se deducerent. Interrogatus à Duce; utrum is ipse esset, qui metalla ista in aurum transmutasset? affirmabat id quidem, nec enim negare poterat, adstantibus iis, qui id, suis oculis viderant; attamen nescio quid causatus, discessum & varia quærebat effugia, quibus tamen apud Electorem nihil efficiebat, quippe qui promissis primum, deinde minis, vi tandem arcanum illud expiscari conabatur. Cosmopolita iste (ita eum nominabo, quoniam verum ejus nomen cognoscere haud potui) qui Pontificius erat, videns se misere captum, & sua culpa ita illaqueatum esse, animum inducebat, tormenta & quidvis potius perpeti, quam hæretico tanta suppeditare media, quibus Ecclesiam oppugnare, & bellum inferre posset, eoque sine Deum peccatus est, ut sibi vires largiretur, quo in proposito isto perseverare posset. Cum igitur Princeps se nihil precibus ac humanitate sua obtinere posse cerneret, equuleo ipsum imponi fecit, unde sine ulla spe revelandi secreti remotus, & sanitati quodammodo redditus, toties iterum impositus fuit, ut corpus ejus dilaceratum & membra distorta apparerent, nihilo tamen magis, ne igni quidem admotus, verbulum ejus, quod Dux tantopere scire gestiebat, protulit. Hoc ipso tempore Michaël Sendivogius, quem scriptor quidam Polonus per errorem inter

inter Nobiles Polonos numeravit, cum tamen ex Moravia esset oriundus, & domicilium saltem Cracoviæ haberet, forte, ubi captivus detinebatur iste Anglus, versabatur, & quæ erat curiositate & chymica scientia imbutus, maximo desiderio videndi hominem flagrabat. Ideoque Electoris aulam frequentans, aulicos ejus familiares sibi reddidit, quorum opera etiam tandem in carcerem intromissus, Cosmopolitam istum & videre & alloqui potuit. Hic varia quidem de rebus Chymicis in medium attulit, ad quæ tamen alter lente nec satis ad sententiam ipsius respondit. Sendivogius vero, cui curæ erat interiora secreti adyta penetrare, tot iteratis visitandi ipsum officiis effecit tandem, ut ipsi secreto & sine metu proditoris dicere posset, quid impendere vellet, siquidem ipsum ex vinculis posset liberare. Miser iste, qui tantum non inter sordes suas ac vulnera periret, ipsi daturum promisit, quo cum tota familia sua per omnem vitam posset esse beatus. Sendivogius itaque res suas composuit, & salutatis amicis, se, propter negotia quædam, peregre abiturum ac brevi reversurum, dicens, Cracoviam abiit. Ubi vendita domo, quam ibi habebat, reversus est in Saxoniæ, & laute habitis, quibus erat notus, eorumque opera etiam, qui custodia Cosmopolitæ fungebantur, probe aliquando inebriatis, miserum istum & penitus luxatum Anglum in carpentum, quod eo fine præparari curaverat, deportavit, qui diversorum istud, ubi uxorem reliquerat, prætereundum esse contendit. Huc ubi venerant, uxori monstravit, unde pulverem, quem ibi abscondiderat, promere debebat, quo facto, illa quoque rhedam conscendit, brevissimaque qua poterant via, ex ditione Ducis properarunt. Appulerant illæsi in Poloniam & Cracoviæ existentes, Sendivogius memoriam promissi Anglo refrebat, qui ut se se inde liberaret, uncium pulveris istius ipsi donabat. Verum Sendivogius ipsum secretum contendebat, ad quod Anglus corpus suum monstrans, respondit; se tot mala ac cruciatus perpeßum fuisse, ne secretum illud divulgaret, ideoque non id ipsi mirum debere videri, si istud porro reticeret; cum & ingens peccatum se commissurum crederet, si revelaret id, quod à Deo tanto studio ac pretio impetrasset. Hoc illud omne est, quod Sendivogius inde reportavit. Brevis post Cosmopolita naturæ concessit, atque moribundus dixit, si morbus iste ex naturali ac internis causis provenisset

set, se facili negotio, pulvere isto, sanatum fuisse. At corpore putredine undique infecto, nervis contractis, & abscissis, non esse quo nunc restitui amplius posset. Post obitum ipsius Sendivogius uxorem Cosmopolitæ, secreti istius participem credens, in matrimonium duxit, sed rudem illam ac rei prorsus ignaram postmodum invenit, nec quicquam aliud ab illa accepit, quam præfatum librum XII Tractatuû, sive Cosmopolitam una cum Dialogo de Mercurio & Alchymista. Quem quidem ille non ex auctoris, sed suo sensu interpretatus, multiplicationem pulveris tentare cœpit, inque eum finem præcipue Mercurium istum communem adhibuit. Cum vero is haud esset materia isti negotio conveniens, nihil effecit. Postmodum iterum atque iterum, quamvis diversimode, frustra tamen eandem rem aggressus est. Pragm deinceps contendit ad Imperatorem Rudolphum, quo præsentem transmutationem suam instituit, quin imo ipsum Imperatorem, cui pulveris aliquid tradiderat, eam tentare sinebat. In cujus rei memoriam Imperator muro istius Cameræ, ubi facta erat operatio, tabulam marmoream infingendam curabat, cui inscripta erant hæc verba: *Faciat hoc quispiam alius, quod fecit Sendivogius Polonus.* Id quod quidem adhuc hodie cernere ibidem licet. Postquam igitur experimentum illud coram Imperatore fecerat, cui procul dubio omnem etiam rem aperuit, & in reditu constitutus per Moraviam transiret, Comes quidam istius regionis, qui eum viderat, captivum eum duci & in carcerem conjici jussit, sperans se hoc pacto secreti istius, quod illum possidere credebat, conscium futurum. Fama istius rei, quæ coram Imperatore facta erat, hominem rediderat celeberrimum, quamvis jam tum eruditione sua valde esset clarus. Sendivogius ita inclusus, nec sine causa metuens, ne & ipse eodem modo, quo Anglus iste in Saxonia haberetur, lima quadam, quam ab amico forte nactus erat, clathros fenestræ ferreos dissecabat, & fune ex vestibulis facto, se demittens, periculum istud evasit. Comes vero coram Imperatore in jus vocatus, & facinoris convictus, non tantum gravi multa fuit multatus, sed & integrum pagum Sendivogio dare condemnatus, qui eum postea uni ex filiabus suis in dotem tradidit. Redux itaque factus in Poloniam, Mareschallo Regni Magno, cui nomen erat Wolskius, persuadebat, se pulveris istius conficere potuisse magnam copiam, nisi sumptibus hætenus destitutus fuisset.

Wols-

Wolskius, Ciniflonum Vanitatibus addictus, facile homini fidem adhibebat. Sed ut etiam constet, qua ratione Sendivogius ad paupertatem devenerit, altius paululum historia ista repetenda est. Quamdiu igitur ipsi de pulvere suppetebat, genio suo, ut erat ad luxum proclivis, largiter indulgebat. Partem pulveris in experienda multiplicatione perdebant: Partem impendit transmutandis metallis, quæ Judæo, qui adhuc Cracoviæ in vivis est, vendenda tradebat. Tandem parum sibi pulveris adhuc restare videns, consilium cepit extrahendi ex vino spiritum, inque eum rectificatum residuum pulveris conjiciendi. Quemadmodum etiam se se pro Medico venditavit, & curis suis admirandis multis laudem præripuit. In hoc eodem liquore tummum quandam, vel potius Imperialem Rudolphi, quem possideo rubro colore tinctum transmutavit, idque in præsentia Sigismundi III. Regis factum fuit, quem ipsum etiam morbo valde molesto, Elixiris istius beneficio, liberavit. Hoc pacto Sendivogius omnem pulverem atque liquorem consumpsit, ideoque Mareschallo Wolskio dixerat, se inopia sumptuum laborare non potuisse, quamvis secretum optime calleret. Wolskius hoc modo inductus, sex millia florenorum ipsi numeravit, quos tamen Sendivogius inutiliter consumebat, nihil prorsus efficiens. Mareschallus, qui secum dolose actum sentiebat, vehementer in hominem iræ vectus, se eum, si vellet, in patibulum adigere posse dicebat, condonaturum tamen, si saltem pecuniam reddere posset. Sendivogium interea fama ita undique extulerat, ut Dn. de Mniseck, Palatinus Sandomiriensis, ipsi ad se vocato itidem sex millia florenorum dederit, quo laboribus Chymicis incumberet, quorum ille dimidiam partem Mareschallo reddidit, dimidiam operationibus quidem impendit, sed vano prorsus successu. Tandem cum consumptis opibus ad ineitiam reductus esset, circumforaneum agere cœpit, & frustra seu lamellas aureas cum argenteis scite ferruminatas, & caractere numismatis publico signatas, Mercurio totas dealbabat. Postmodum simulatis sibi adhuc de Elixire suo esse, nummos istos in ignem coniectos ut Mercurius evanesceret, atque partem monetæ, qua aurea erat, igitum rubentemque in suum Elixir ungebat, atque ita argentum in aurum transmutasse videri volebat. Quo quidem apud rudes ac rei istius ignaros, quibus nummos istos carius quam ipsi constabant, vendebat, aliqualem

qualem retinuit existimationem. Cum tamen prudentiores fallaciam facile, eumque secreto isto, quo tantopere gloriabatur, destitutum deprehenderent. Postquam igitur frustra scriptis Angli istius insudasset, in publicum emittere statuit librum, ut periculum faceret; utrum quis esset, qui plura inde affecutus, ea de re cum ipso communicare vellet. Sed ad hanc rem arte sibi utendum esse censuit, verbaque quædam inferenda, quæ ipsum libri auctorem arguere possent, idque eo fine, ut eo minus is, cui ex lectione libri forte licuisset fieri beatiori, aut secretum illud adipisci, dubitaret, se ipsi aperire. Interim non tam effictæ frontis fuit, ut nomen suum aperte præfigere auderet, ideoque illud sequenti Anagrammate expressit: *Autore me, qui Divi Leschi genus amo.* Anglum vero istum, præter librum XII. Tractatum scripsisse nihil, non dubiis conjecturis colligo, unde simul constat, autorem tractatus de Sulphure librum illum XII. Tractatum sibi falso attribuisse, nec fuisse Cosmopolitam. Et ut rei veritas eò facilius appareat, examine-tur editio impressa Hagæ per Theodorum le Maire anno 1639. cujus excussum folia. In præfatione XII. Tractatum dicit, quod integer iste liber, ex propria experientia de encheiresi sit depromptus. Repetit foliis 24. & 31. se composuisse librum, ut hominem istum lapidem habuisse Philosophorum minus dubitare possis. Autor vero Tractatus de Sulphure, ejusdem impressionis fol. 45. ait, quod non elaboraverit Tincturam aurificam, sed eam sibi donatam fuisse ab amico quodam. Unde patet, autorem hujus libri non esse eundem cum eo, qui in XII. tractatibus quatuor in locis affirmat, se confecisse magnum illud opus. In eodem tractatu de Sulphure fol. 48. autor se credere affirmat, quod Mercurius vulgaris sit vera materia metallorum, quandoquidem refert historiam de Alberto Magno. Id quod re-furatum passim in opere XII. Tractatum, ubi intelligentibus probatum Mercurium non esse veram materiam, Porro affirmat, si inventum sit aurum inter dentes demortui cujusdam, id ex Mercurio esse, quem vivus aut in Medicaminibus aut in unctionibus adhibuisset. Scilicet innuere vult, talem Mercurialibus medicamentis curatum fuisse à Lue Venerea. Quod si hoc mens ejus est, fallitur egregie, cum malum istud eo tempore adhuc esset incognitum, adeoque & remedium ejus. Ex contrariis istis colligo, autorem tractatus de Sul-

phure fuisse impostorem, qui falso sibi attribuit opus istud Cosmopolitæ, neque magna opera inducor, ut credam, autorem tractatus de Sulphure esse Sendivogium, quoniam non erubuit alteri isti operi tale præfigere anagramma, quo verus crederetur autor. Id quod adhuc animadvertes in opere XII. Tractatum pag. 42. ad Lectorem, ubi dicit, non esse cur tantopere in autorem parvi istius tractatus, qui habuit Lapidem Philosophorum, inquiratur, se cum eodem autore intimiorem coluisse amicitiam. Vultque videri auctorem illum sibi explicuisse tria ista principia, quæ in lucem editurum se promittit. Sed Sendivogius id nullo alio fine dixit, quam ut alliceret adeptos, ne quid ipsum ea de re celarent, quemadmodum supra dictum fuit. Verisimile quidem sit, Cosmopolitam ipsi multa de secreto Philosophorum Lapide revelasse, sed nunquam quicquam de materia primaria aut primo Agente. Et si tractatus de Sulphure penitus inspicatur, facile deprehendetur, eum non esse ejusdem ponderis cum altero, neque auctorem eum, qui hactenus creditus fuit. Observandum quoque, Cosmopolitam dicere fol. 2. 6. 7. quod nihil in centro terræ remanere possit, idemque Archæum remove & continuo rejicere, quæ elementa projecerunt, quæ sunt semina rerum omnium. Cui adstipulatur auctor tract. de Sulph. f. 6. quædo ait, quod ignis gehennæ infernalis sit in Centro terræ ubi Archæus eum regit. Idem repetit f. 7. quod ignis Centralis calefaciat aquâ, id quod dixerat de igne gehennæ f. 3. & alibi, & interim tamen quasi sibi contradicit f. 8. ait, quod polus Arcticus virtute quadâ magnetica attrahat aquas, quæ transeuntes axem mundi exirent iterum per polum Antarcticum. Dubio quidem caret, quod axis iste transeat per Centrum, id est, suo loco, nam revera non existat; sed ingens iste fluvius sive torrens aquarum, transiens centrum mundi, extingueret sine dubio ignem istum Centralem, & vi fluminis secum traheret semina omnia, quæ elementa projiciunt. Id quod non tantum contrariatur Cosmopolitæ asserto, sed & ipsius Sendivogii, qui non erat cum altero quoad eruditionem comparandus, quamvis fuerit doctissimus: Est enim Auctor Tractatus de Sulphure. Obicienti vero: non esse verisimile, quod Angelus mentionem fecisset Poloniæ in libris suis, quemadmodum cap. 10. fol. 12. refert, quod mala punica ibi non tam feliciter proveniant, quam in Italia; Respondetur, quod id insertum sit



à Sendivogio, idque saltem in secunda editione, cum id in priori Cracoviæ anno 1604. impressa non exstet. Sicut & ea, quæ de Salinis regni istius afferuntur; ut & quæ fol. 34. quod non voluerit in lucem emittere librum istum, & fol. 77. nisi ejus conditionis esset &c. habentur, adjecta sunt à Sendivogio, ut eo facilius Adepti sua arcana ipsi revelent. Multa adhuc alia ex duobus istis tractatibus afferre possem, quæ probarent, hosce duos Auctores esse diversos, & quod posterior sit Sendivogius, qui prioris opus falso sibi adscribit. Obiit Sendivogius eodem anno, quo in Poloniam appuli, hoc est, 1646. magna conflictatus egestate, summis miseriis, & maximo senio. Ego persevero, Domine &c. Datum Varsoviæ d. 12. Junii, Anno 1651.

Addam etiam (pergit Borellus l. c.) quæ ipsemet hac de re rescire potui. Quoniam igitur Cosmopolita nomen suum non expressit, variis eum indigitarunt titulis, qui mentionem ejus fecerunt, velut Majerus, Libavius, Crollius & alii. Quidam enim ipsum nominarunt Heliocantharum Borealem. alii Nobilem Sarmatum, Nobilem Polonum &c. Majerus ipsum collocat inter duodecim Heroas mensæ suæ aureæ, & Crollius testatur, vidisse efficaciam Tincturæ ejus, ut & transmutationem Metallorum imperfectorum in aurum. Cum peregrinationibus adhuc addictus esset, ausus fuit coram curiosis quibusdam & scientiæ istius cupidis, projectionem facere, qui, quod illos secreti nollet reddere participes, ipsum persequuti sunt, & in carcerem conjecerunt. Inter illos, qui ipsum male habuerunt, videntur quoque Reges; quidam ac Principes fuisse, quemadmodum ipsemet innuere videtur in loco quodam, ubi recenset calamitates suas, in quas ob nimiam inconsultam in artis veritate ostendenda audaciam inciderat. Captus enim turri inclusus fuit, & quadraginta hominum custodia stipatus, ita ut non possibile videretur eum evadere posse. Aliquando tamen custodes suos hoc modo allocutus est: Si verum est, de quo accusor, nonne Vos ego longe majoribus divitiis cumulare possem, quam is, qui me vestræ commisit custodiæ? Quibus & aliis argumentis illos persuadens, sibi addictos reddidit, & omnes secum abduxit, eorumque famulitio in itinere suis per Europam usus est. Præter hanc historiam exstat adhuc alia magis memoranda & utilior, scilicet quod Imperialis argentei in igne rubefacti dimidiam partem oleo

quodam tinctam in aurum converterit. Idque in præsentia Defuncti Regis Poloniæ fecisse, & co facto, ex aula ejus se subduxisse dicitur. Rex vero à quibusdam inductus misit, qui eum persequerentur Lutetiam usque, ubi captum & deductum in Poloniæ turri isti, unde eum evasisse ante dicebam, inclusit. Hic Imperialis diu inter cimelia Regis Poloniæ asservatus fuit. Tandem tamen in manus Domini de Noyers, Secretarii Reginæ Poloniæ, qui eum secum Parisiis deportavit, & non solum videndi ejus copiam, quibus id libebat, fecit, sed particulas inde diversas explorandas dedit, quæ tamen purum & undique sine ulla mixtura sincerum aurum continebant, quemadmodum omnes nummi per Tincturam Philosophicam facti: ita enim distinguuntur à communiori moneta, quæ nunquam absque Mixtura invenitur. Et ut appareat nummi istius partem revera esse transmutatam, nec ex diversis frustis consolidatam, præter quod ibi nulla ferruminatio apparuerit, illa tota fuit porosa in parte ista conversa. Et quoniam aurum solidius & ponderosius est, quam reliqua metalla, non potuit eandem undique formam retinere, sed uniusque porosa fieri debuit. Equidem hoc optimum transmutationis nostri seculi exemplum esse credo, cui addendum quoque experimentum istud, quod du Bois pulvere, quem à Perier compatre suo acceperat, fecit. Aurum enim istud Cupella examinatum, seu catillo probatorio impositum, secus ac reliqua metalla, quæ in hoc examinis genere, de quantitate sua perdere solent, augebatur, quoniam partem plumbi in naturam sibi summogeneam convertibat, quod plus Elixiris, quam opus erat, contineret. Nam du Bois justam quantitatem ignorans, adeoque metuens, ut effectum monstrare posset, plus quam requirebatur, apposuerat. Verum de Sendivogio nunc satis dictum esto.

## EPIGRAMMA.

In vere aureos de Lapide Philosophorum Tractatus

ANONYMI LESCHI.

*Sunt multi lapidis nostri quæis fabrica sordet;*

*Hi sordent merito, Maxime LESCHE, Tibi,*

*Maxime*

*Maxime LESCHE placet Tibi triga: DEVS, NATVRA,  
ARS.*

*Triga Tibi hac placeat, Maxime LESCHE, diu,  
Perge mari uxorem conjungere, solvere junctos  
Perge; Deus foveat cœpta secunda diu!  
Perge malos Chymicos convellere, perge docere:  
Vt ne dilapitent omnia pro lapide.*

JOH. HENRICUS ALSTEDIUS,  
Professor Philosophus.

## SCRIPTA.

Duodecim Tractatus, de Lapide Philosophorum, auctore  
me, qui DIVI LESCHI GENUS AMO ( Per A-  
nagr. MICHAEL SENDIVOGIUS. Leshum, seu  
genus Divi Leshi amat, id est, Polonos, apud quos  
colitur Sanctusille, qui eorum Rex olim fuit. Conf.  
Borelli Biblioth. Chymicam p. 78. ) *Parisiis* 1619.  
in 16. *Argent.* 1613. in 8. *Colon.* 1613. in 12. Extant  
quoque in Volumine IV. Theatri Chemicum p. 420.  
edito *Argentina* 1659. in 8.

Ænigma Philosophorum ad filios Veritatis. Vide Theatrum  
Chemicum l.c. p. 442.

Dialogus Mercurii, Alchymistæ & Naturæ, *ibid.* p. 449.

Cosmopolitæ Novum lumen Chemicum, è naturæ fonte &  
manuali experientia depromptum. *Praga* 1604. *Re-  
giomonti* 1614. in 12. *Francos.* 1606. *Colon.* 1617.  
in 16. *Lutetia* 1608. in 12. *VVitteb.* 1623. in 8. *Ge-  
neva* 1628. in 12. 1630. in 8. *Venetis* 1644.

Gallicè. *Parif.* 1618. in 8.

Anglicè. *Lond.* 1650. in 4.

Tractatus de Sulphure. *Haga-Com.* 1619. *Geneva* 1653.  
in 8.

Gallicè, *Parif.* 1618. in 8. Anglicè. *Lond.* 1650. in 4. Ger-  
manicè. *Argent.* 1628. in 8.

Lucerna Salis Philosophorum à Sendivogii Filio in lucem  
edita. *Amsterod.* 1658. in 8. Germanicè. *ibid.* 1658.  
in 8.

Commentatus quoque est in Sendivogium quidam, qui se  
ficto nomine Græco Ἀνδρὲς Ὀρθελίος ἡλ. & appellat,  
verò autem nomine Andreas Orthelius dictus est,  
Titulus

Titulus est talis : Michaëlis SendivogI , Poloni Lu-  
men Chymicum , novum, XII. Tractatibus divisum,  
& totidem antiquis figuris in Germania nuper reper-  
tis, Notisque clarissimis illuminatum, renovatum, il-  
lustratum, opera & studio 'Ανδρᾶς Ὀρθῶς ἤλκω. (licet  
rectius scriberetur ὀρθῶς) Erfordi 1624. in 8. Hunc  
Orthelii Commentarium Gallicè curis suis tradu-  
ctum esse scribit Petrus Borellus in Biblioth. Chym.  
P. 12. 79.

Legatur, si lubet, de Sendivogio ejusque scriptis limatum  
judicium Celeberrimi Dn. D. Morhofii, in perele-  
ganti libello de Metallorum Transmutatione p. 149.

150. 151.







